





F A S T I M A R I A N I

C U M

DIVORVM ELOGIIS

IN SINGVLOS ANNI

P. B. Bruns ~~Bruns~~ *Bruns* ~~Bruns~~ *Bruns* ~~Bruns
DIES DISTRIBUTIS.~~

SER.^{mo} ELECTORI


MAXIMILIANO

UTRIUSQUE

BOIARIÆ DVCI

NVPER CONSECRATI.

EDITIO III.



selv.

Norm.

Yesu

Antv. ANTVERPIÆ,
Apud JOANNEM CNOBBARVM

M. DC. XXXVII.

1. Cum gratiâ & Privilegio.

Q. 30. P. 32

S E R E N I S S I M O
 E L E C T O R I
 M A X I M I L I A N O
 U T R I U S Q U E B O A R I Æ
 D U C I.



Arce, DVX MAXIMILIANE, si
 in munus tuum involavimus. A-
 ciem ecce in chartâ non magnâ
 explicavimus maximam, & sub
Serenitatis Tuae auspiciis iterum
 militaturos Divos, è cælo ad Ordines suos
 vocavimus. Agnoscisne fortissimas exercitûs
 Tui alas, Bonos *Angelos*? an robur militiæ
 Tuae, purpuratam *Martyrum* phalangem?
 an, quibus insignis AGNVS præit, *Virginum*
 candidissima agmina, decora castrorû tuo-
 rum? Sed & cæteras cæli legiones ex armis
 suis *Serenitas Tua* rectiùs puto singulas, quàm
 ex nomine Cyrus suas novit. Ecce unica
 VIRGO tota castrorum *Acies MARIA*, illa, illa
Serenitati Tuae in aëre signum, in ore tessera, in
 manu scutum, in pectore lorica. His subsi-
 diariis è cælo copiis adjuta, quid mirum, si
 quoties pro DEO & *Cæsare* pugnavit, etiam

E P I S T O L A

vicit *Serenitas Tua*, tunc præcipuè, cùm *Mons* ille hostium ossibus *Albens*, pugnae theatrum, & orchestra Praga fuit, iis ipsis diebus, quos *Omnes Calites* sibi peculiares sacrosque jam olim legerunt, & toties laceßiti ab hæresi hoc tunc fortiùs in istam pugnarunt? Quid animi tunc vobis erat rebelles cælo, & Imperatori vestro Animæ, quando, dum vos *Acheronta* movebatis, & in auxilium evocabatis omnes orci *Furias*, contra vos stare in armis *Superos* videbatis? quando in *Bohemos* non jam suos *VVenceslai*, in *Hungaros Stephani*, in *Austrios Leopoldi*, in degenerem *Posteritatem Rhatones, Thassilones, Caroli, Henrici* pugnabant? Rectè profectò quorum è vultu exulabat dudum verecundia, evocato in vulnera sanguine erubuißtis, rectè fugâ pudorem occuluißtis, & *Moldavâ* mersistis, etsi toto flumine nunquam piandi. Sed multò rectiùs alii damnastis arma impia, abiecißtis, &, quod rarò solet hæresis, victas denique cælo manus sustulistis.

Sed ad Te revertor, PRINCEPS MAXIMILIANE,

*O nimium dilecte DEO! tui militat Æther,
Et conjurati veniunt ad classica DIVI.*

Currant

D E D I C A T O R I A.

Currant alii in laudes *Serenitatis Tuae* per orbis stadium : nos genium Tuum adorabundi subsistimus hîc. Quantum hoc est, sub *Serenitatis Tuae* ductu (liceat ita nobis dicere Superi, quando facere vobis placuit) cælum mereri, cælum militare ! Quid ni Ducem Te cælo dignum dicemus ? laudibus evehemus in cælum ? Sed nempe in terris (ubi invidiæ medicus, quemadmodum Plinius ait, respicere post tergum, & hominis jubet meminisse) non placet *Serenitati Tuae* triumphus. Itaque dum alii de hostibus, de victoriâ *Serenitas Tua* triumphat, & spolia opima (laudes suas) Superis fert accepta. Non repugnaturum se M. Fabius affirmavit, si sine se Imperatore exercitus victor triumpharet; id quod *Serenitatis Tuae* modestia reapse fecit, hodieque facit. Testem oculum advoco Bojariæ Monachium, quæ urbs & tunc, cùm debellatum est in Bohemiâ, & nunc annis omnibus videt exercitus tuos, Sanctos inquam Cælites, augustâ ferculorum pompâ per templa & pulvinaria sua triumphare, iis diebus, quibus Te Imperatore vicerunt, cùm Tu pulchro triumpho pulcherrima appendix pedes accedis. Quâ in re Joannem Imperatorem Constantinopolitanum rediisse

E P I S T O L A

ævo nostro gratulamur, qui post devictos hostes, cum ipse sine invidiâ posset, triumphare pro se in aureo curru niveis equis vecto *VICTRICEM VIRGINEM* voluit, ipse pedibus currum præivit, fassus hoc exemplo à se armis hostes, se verò à *VIRGINE*, amore victum. An non hoc ipsum factitari à *Serenitate Tuâ* cum plausu Roma vidit, quando tuo triumpho vectam *VIRGINIS* Iconem (eam ipsam, quæ ex re *Victoriæ* nomen gerit) cum eâ pompâ accepit, quam summi orbis arbitri Pontifices laudarunt, ornavunt?

Atque hæc paucula, ut alia omnia missa nunc faciamus, facile puto *Serenitati Tuæ* imprimis, tum orbi terrarum probabunt consilium nostrum, quòd, dum bono Marianorum in lucem edimus Divorum Icones laudesque, factum hoc velimus *Serenitatis Tuæ* potissimum auspiciis, ut quam tantum amare Cælites, tantum amari à Cælitibus novimus.

Patere igitur, *Serenissime PRINCEPS*, triumpho Divorum Tuorum hoc etiam ferculum (utinam Divis & *Serenitate Tuâ* dignum!) accedere. Aperi Pantheon Animum Tuum, & *Sanctorum Omnium* tam diu cultum fove, dum numerum augeas. Ira, ô patriæ Pater nostræ

DEDICATORIA.

nostræ, in Sodalitio nostro ex animo vovemus omnes, singuli; sed, ne orbam se ploret patria, ut serò nos audiat cælum, precamur. Monachii anno M.DC.XXX. XVIII. Kalend. Septemb. quo die REGINA SANCTORVM OMNIVM communis nostra TOTIVSQUE BOIARIÆ PATRONA in cælo coronata est.

SERENITATI VESTRÆ

devotissima

Sodalitas MARIANA Monacensis Civica.

A P P R O B A T I O.

Promotioni pietatis multum deserviet, si *Compendium Vitae Sanctorum* lucem videat, & typis mandetur. Actum 26. Januarii 1633.

GASPAR ESTRIX Plebanus, & librorum Censor Antuerpiae.

S U M M A P R I V I L E G I I.

PHILIPPI IV. Hispaniarum Regis Catholici, & potentissimi Belgarum Principis, Privilegio cautum est, nequis Fastos hos Marianos, præter *Ioannis Cnobbaert* voluntatem, ullo modo intra novennium imprimat, aut alibi terrarum impressos in Germaniæ Inferioris ditiones importet, venalesve habeat. Qui secus faxit, confiscatione librorum, & aliâ gravi poenâ mulctabitur, uti latius patet in litteris datis Bruxellæ 28. Januarii 1633.

Signat

STEENHUYSE.

FESTA

FESTA MOBILIA.

FESTUM RESURRECTIONIS D.N.

JESU CHRISTI.

IO triumphe! Io! Vicisti Christe amor meus!
agnosco vultum victorem, & victricem, quæ
hostis meus cecidit, manum: video in bono Duce
victoriæ vestigia, plagas adversas: laudo tro-
phæum nobile, Crucis arborem. Ecce ante currus
triumphales cum mundo dæmonem, cum morte
carnem. Io! cæli plaudite: aër insona: triumphum
clamate litora: terra resulta: & tu Echo mille ho-
die ora indue. Heus! adeste quotquot estis mundi
cives! quercus, imò nemora spoliare, & Servatori
vestro *Civicam* ferte. Agite veris arva lætissima,
rectè omne, quod vobis est, gramen suppeditatis.
Nam *obsidionalem* non jam urbs, sed orbis debet
obsidio dæmonis liberatus. Eia, quid moras neſti-
tis, qui in lacrimis natatis naufragi? quin tabulas
colligitis, & *Navalem* paratis illi, qui victor Sty-
gem trajecit? Quin *Castrensi* ornatis eum, qui pri-
mus castra Phægeſthontis victor transcendit! Ecce
Angeli ramis suis Palladem spoliant feruntque
Oleaginam illi, qui pacem DEVM inter & homines
potuit componere. Sed numquid *Triumphalis* obli-
viscemur coronæ? Ecce ultrò laurus in fertū abit,
æternam viriditatem sperans, si hæc tempora con-
tigerit. Sed & tu abi in ignes omne aurum, & exi
corona Triumphatori meo. At tu cape has coronas
victor Amor, & si omnibus his rosæ sese immi-
ſceant, ne has repudia. Spinæ nuperæ dederunt.

Susceptis tecum aromatibus, Dominicum viſere curæ

A 5

ſepul-

sepulchrum. Ibi lacrimas devotionis effunde, nec usquam divertas, donec resuscitati Domini teneas vestigia, contrectes manu ac lenias osculis clavorum foramina. Illum audi loquentem, agnosce viventem, dilige diligentem. S. Laur. Just. serm. de Resur. D.

FESTUM ASCENSIONIS D.N.

JESU CHRISTI.

IO! iterum: iterum Io! iterum Triumphe! Ecce amor meus triumphans Capitolium cœlestē petit! Ecce obvios omnes cœli cives! Ecce ereptos orco & servatos Patres, omnes cœli libertate pileatos! O numerum daretur horum augere! ô ultima triumphi appendix pedibus hærere possem triumphantis! Vicisti eia Amor Christe amatum. En manus do victas. Victum eccur non etiam in triumphum ducis? Ecce sequar vel victus cursum. Heu mihi! sine me hem jam nubes transit, hem Christus habet muros! Hæc nimirum ab inferis reduci victori unica corona deerat, *Muralis*. Hanc quoque, dum primus hodie amor meus in cœli mœnia evadit, primus tulit. Sed ne animum despondere cæteri, qui bellum cælo facitis, & victricem cælum itis expugnatum. Auferet (iterum monco) hanc etiam secundus, tertius, etiam ultimus. Imò ultimus primas feret, & quò profundius descenderit, hoc altius ascendet. Neque est, quòd viam multum inquiramus, quæ ad triumphum ducat. Impressit huic Christus vestigia sua, sanguine notavit. HAC ITVR.

Ascendamus cum Christo corde, ut cum dies ejus promissus advenerit, ascendamus & corpore. Sed cum Christo non ascendit superbia, non avaritia, non luxuria;

ria; nullum vitium nostrum ascendit cum medico nostro. Ideo si post medicum desideramus ascendere, debemus vitia deponere. S. Aug. serm. 2. de Asc. Dom.

FESTUM PENTECOSTES.

NOn ego jam centum ora totidemq; linguas, unam tantum ex iis opto, quas hodie cælum depluit. Jacebat è juventute studiosâ adolescens, quem in lectum non tam ægritudo quàm scelerum pondus dejecerat. Cæcus interea non videbat ante orci fores se stare, surdus ne fratris quidem monita saluberrima audiebat. Intempestâ nocte virum videt majestate vultûs, & multâ canitie venerandum. Ego, ait hic, ille sum, qui tui causâ omnia, sed te mei unius gratiâ condidi. Si nondum intelligis, omnium PATER sum. sed te filium degenerem abdicō, abjicio, & dirum damnationis Theta jam nunc tibi denuntio. Ita attonito sub alteram noctem vir adest integrâ ætate, spinis caput, cruce humeros insignis, cætera nudus & sanguine, qui ex pectore saucio in fontem abierat, latè humum inundans; hic, si nescis, inquit, JESVS sum, Servator olim tuus, nunc Judex: simul manum pectori immittit, & sanguine plenam in vultum jaciens ægri, erubescere, ait, vel sic & tesseram damnationis cape, salutis futuram, si maluisses. Sub hæc in cælos, æger in desperationē abiit. Erexerit tamen miserum frater, & ut noxis expiatis ad *Amorem* SPIRITVM se verteret, suaserit. Tertia igitur nox personam visa ostendere, vultu prioribus non absimili, sed placido, & arridente, qualemque humero insidens columba probabat. Atque hæc scelerum veniam, & mortem beatam

nuntiavit. Quis jam fidem non habeat dicentibus columbam sine felle esse? *Ex Spec. Exempl.*

Vt almus hic Spiritus vivificet te, custodi unitatem, & apud te quietus sede, praestolare ejus adventum, ut te ad se suscipiendum paratum inveniat: Turbas fuge & temporalium facultatum devota negotia, quatenus amabiliter Paracletus veniat & requiescat in te.
S.L. Just. serm. de Pent.

F E S T U M S S. T R I N I T A T I S.

Quid solem intueris? si sapias oculos claudes. Fides talpa sit, oportet. Nimirum non posse in parvulam fossam exonerari Oceanum, Augustine, docuisti. Manu tamen ad tanta mysteria non semel nos duxit caelum. Ita quo tempore Vafaten-
ses Hunni bello, & hæresi suâ SS. TRIADEM Ariani impetebant, miraculum contra hos ingens pugnavit. Etenim sub ipsis sacris è caelo in aram ter-
geminæ guttæ se demiserunt, invidiam crystallo facturæ. Has cum legere Sacerdos veller, ecce suapte sponte in unicam gemmam coivêre. Atque hoc nobilissimum, UNIVS TRIADIS, & TRINÆ UNITATIS symbolum Christiani cruce, hanc unionibus ornarunt. Sed quod unâ suâ gemmâ sat dives crux esset, uniones omnes, velut victos se faterentur, longè inde exsilierunt, quo permoti cives aureâ denique cruce, ut par erat, gemmam unicè pretiosam incluserunt. Jam in Virginis Clarae de Monte Falco corde repertos ajunt hodieq; asservari tres globos, qui singuli cum singulis, quin imò bini etiam cum tertio certant pondere, nec tamen superant, nec superantur. Ostendit hæc Virgo nobilius aliquid quàm aurum, quo mysterium

rium hoc claudamus, cor nostrum. Aut enim hoc, aut nihil capit DEVM.

Quemadmodum reliquis omnibus membris caput anteponis, & cetera membra objicis, ut ictum à capite avertas; ita Sancta & ejusdem essentia Trinitatis fides, sine qua vir, quæ verè vita sit, vivere nemo potest, rebus omnibus antepone. S. Ephrem in Vit. rect. rat.

FESTUM SS. CORPORIS CHRISTI.

Iuvat pompæ, quam omnis hodie orbis Christianus ducit, exordia paucis denarrare. Virgo fuit non procul Leodio; nomen virgini, Juliana. Hæc dum cælos, quos animo jam habitabat, oculis etiam obambulat, novam Lunam aspicit, à quâ altera lubens lucem suam mendicaret: pleno tamen incremento aliquid restare videbatur. Subinde audit Ecclesiam hanc esse Christi sponsam, cui porrò ad decoris supplementum nihil deesset, quàm ut sponsum suum sub pane latitantem festo die, & pompâ celebraret. Et verò ad hoc operam Julianæ cælum expetere. Diu linguam Virginis modestia ligatam tenuit, dum amor denique solvit, & detegere visum, cum aliis, tum è Canoniorum collegio uni suavit. Is tunc Jo. Lansenna post Pont. Urbanus IV. fuit. Et fortè dum hic ad clavum Ecclesiæ sedet, Bolsenæ Sacerdotis sacrificantis mentem dubitatio subiit de Numinis in S. Eucharistiâ præsentia. Vulneravit hæc perfidia Christum. Nam præterquàm quòd remoto panis velo, in conspectum se dedit, scatere sanguine calix, & effundere se hic in aræ lintea visus est. Tum verò Urbano Pont. jubente miraculum hoc per urbem illam est circumlatum; jamque urbem

unam omnis orbis æmulatur. Rectè porrò nos faciemus, si in ferculum Deo nostro non aurum, aut argentum modò, sed quod magis amat, oculos, linguam, pectus, cor adeò commodabimus. *Ex hist. revel. Inst. vener. Sacram.*

Christiane, qui se hìc tibi manducandum dedit, quid tibi denegare poterit in futurum? & qui tantum tibi viaticum paravit ad victum, quid in illa mansione perpetua non paravit? Manducabitis in Mensa mea: audisti Dei convivium; sollicitus non sis de qualitate convivii. S. Pet. Chryl. f. 95.

FESTUM S. ANGELI CUSTODIS.

DA mihi Arge, ô Angele mi, da pennam vel unam è tuis, quâ laudes tuas scribam. Sed ô! unde incipiam? ubi desinam? Nondum natus eram, & tamen jam latus stipabas meum, ô Custos unice! Infanti sinum, puero manum dedisti, ô Pædagoge amantissime! Tu verba formare, & nunc Patrem in cælis JESUM, nunc Matrem MARIAM clamare, tu nunc artes humaniores, nunc severiores docuisti, ô Doctor fidissime! Tu in bivio vitæ dubio viam Mercurius monstraisti, præiisti, duxisti, insidias detexisti, in hospitium ô quale introduxisti, dux fidissime! Sed vin' compendium tuarum dem laudum? morituro quotidie aurem vellicas: irati judicis timere vultum doces: mones præcipitia infera cavere, cæli ardua digito ostendis, ad hæc expetenda cogitationibus animum adhortaris, & fatigatum manu ducis, succumbentem portas, ægrum foves, impugnatum propugnas. Illud quantum est; quòd, nisi ego te vivus, tu etiam mortuum non es deserturus. **O mi**

mi Arge! ô Angele mi! cur ut laudes tuas scriberem, pennam è tuis unam aliquam non dedisti? Sede ja hanc meam cape, & si placet, MAGNÆ VIRGINIS, cui uni laboravi, pedibus substerne. Ut multæ aliæ tam altum, certè altiùs nulla volaverit penna.

Noli ô homo Conditoris tui negligere munus; noli custodis tui Angeli benevolentiam spernere, parvi pendere ministerium, suffragium abjicere, & ignorare consilium. Sta super custodiam tuam: Tibi assistunt Angeli; à dextris boni, à sinistris mali. S. Laur. Just. de vit. sol. c. 16.

J A N V A R I V S.

C I R C U M C I S I O D O M I N I.

I. Ianuarii.

O Ut ego te exosculor diem candidissimum ! *ô* fidus ! *ô* JESV Nomen ! Ite jam astrorum arbitri, dicite sanè fatalem hanc mihi stellam esse, horoscopum meum esse, ab hac vitam meam, vitæ studia, mortem, omnia dependere. Rectè. Quidquid igitur agam, JESV auspice agam. Vigilabo ? in oculis JESVS erit. Dormiam ? JESVM somniabo. Ambulabo ? comes JESVS ibit. Sedebo ? latus claudet JESVS. Studebo ? JESVS erudiet. Scribam ? calamus cum manu JESVS ducet, & JESVS JESVM scribet. Orabo ? verba JESVS formabit, animabit JESVS. Fessus ero ? recreabit JESVS. Esuriam ? sitiam ? JESVS pascet, ille potabit. Ægrotabo ? Amor aderit medicus, JESVS. Moriar ? JESV immoriar meo. JESVS supremis labris natabit. JESVS oculos claudet. JESV sinus mihi tumulus, tumuli inscriptio JESV nomen erit. Sed, heu mihi ! mi JESV ! Amor meus ! quid video ? quod si vitæ tuæ aurora tam multo cruore jam rubet ; quàm largos imbres sanguinis in sero vitæ vespere dabis, *ô* Sol meus ! Heu iterum mihi ! *ô* MARIA ! *ô* Cynthia mea ! an palles ? dabis eheu ! etiam tu hodie pluvias. Et ecce imbres lacrimarum ex utroque oculorum cælo ruentes. Time peccans adolescentia, tute hanc tempestatem dedisti. Cur enim hodie jam ad sanguinem iretur, nisi sceleribus tu quoque fores obnoxia. Ecce die octavo jam sævit culter tuus verè faxeus ! Sed disce ad infanda scelera, disce à cultro tuo erubescere. Disce vulnera agnoscere tua. Si nescis,

nescis, ibi vulnus est, ubi emplastrum est.

Si tentaris à Diabolo, si ab omnibus hominibus opprimeris, si conficeris aegritudine, si doloribus fatigaris, si desperationis agitaris spiritu, nomen JESV edicito. Justinian. serm. de Circumcis.

S. BASILIUS MAGNUS. 1. Ianuarii.

MAGNUM esse BASILIVM ad ardentis columnæ faciem D. Ephrem vidit. Magnum deinde ostendit *Christus* ipse, dum sacris operanti adesse spectabilis, cum sancto Duodecimviro- rum cælestium senatu voluit. Sed & talem Hebræus non nemo credidit, cui profano adhuc, sacræ tamen mensæ accumbenti, cum minimo in orbe magnum *Virginis Filium* è manu suâ propinasset, manus & ipse dedit. Magnum demum senserunt è maximis tyrannis duo. Horum alter Julianus (is qui turpe sibi apostatæ nomen peperit) orante contra se BASILIO, sententiam ferente Deiparâ *Virgine*, exequente D. Mercurio, orbi pœnas perfidiæ, quas meruit, dedit. Non felicior alter Valens, exilium Divo nostro nequicquam semel iterumque intenteravit. Nam sententiam impiam ferre jam cogitanti, ipsum justius iudice suo tribunal reclamavit, sellâ diffractâ; & subscribere laboranti, penna atramentum, quod habuit, tertium negavit: ipsa manus facere officium noluit; certè ut non posset, exaruit; conjunx filiusque ægri ad cogitatum scelus nolentes etiam ingemuerunt. Et filius quidem à magnâ BASILII manu convaluit. Cui cum Valens pessimos superinduxisset medicos Arianos, filius continuò malè mortuus est. At bene noster, sub annum Christi CCC. LXXVIII. vixit BASILIUS; vel hoc uno magnus magnique faciendus Partheniis

niis Sodalibus, quòd virgo vixit. *Ex Surio.*

Va tradentibus Christum ad crucifigendum ; sed va cum maligna conscientia sub Sacramento sumentibus illum. S. Remig. super Matth.

S. O D I L O A B B A S.

I. Ianuarii.

Puer ODILLO in D. VIRGINIS perreptavit claudus, exivit sanus ; & cum ire jam quòd vellet, posset, pulchrè pedibus, quos cælum donavit, usus, è mundo abiit, & Religiosam domum iniit. Subinde Præfectus Asceterio Cluniacensi, ostendit, quàm facile imitari Christi miracula foret illi, qui vitam vellet. Aquas quippe eunti sibi in solum, aliis etiam in vinum vertit, piscibusque non multis bene multam pavit multitudinem. Inter primas curas habuit, piorum Manibus opitulari, quos flammæ piaculares haberent. Id adeò fassus ipse est orci tortor, quem Siculæ quispiam eremi incòla non semel querentem audiit atque indignantem innumeros à pœnis suis ODILONIS absolvi precibus. Eos inter Benedictum numerant VIII. Pont. Max. qui opem & ipse viri imploravit, & verò sensit etiam, ac gratus palàm laudavit. Atque hoc stimulos subdidit ODILONI, ut sui quotannis diem agerent piarum animarum memoriâ insignem ; quod institutum id temporis uni illi familiæ familiare totus hodie Christianus orbis amplectitur. ODILONI nostro morienti præsto ipse Christus fuit, Stygiasque larvas cum suis terculamentis longè iussit facessere. Nimirū quam opem mortuis vivi ferimus, morituri & ipsi sentimus. *Ex Surio.*

Disce humilitatem, quam Christus verbo docuit & exemplo;

2. Jan. VITÆ SANCTORVM. 19
exemplo; disce obedientiam, quam patri suo exhibuit & Matri; disce virtutes ceteras, ut vitæ lumen in te valeas possidere; Christum sequere, Christum imitare, ut ad ipsum pervenias. B. Laur. Just. de interiore conflictu.

S. MACARIUS ALEXANDR.

2. Ianuarii.

HUNC MACARIUM nomine suo Alexandria;
Himò fallor, suo ille Alexandriam beavit.
VII. annis sine cocto edulio, sine omni somno
dies XX. quadragintadiæ jejunium sine omni
cibo transegit. Satur intereà cæli deliciis, & piis
nunquam non lacrimis ebrius. Inter hæc Cupidi-
nem bella sibi moventem aggressus, culicum præ-
sidio corpus cinxit; quos inter eum sex adedò mē-
ses nudus decertasset, horū aculeis longè hostem
submovit. Quid multis? brevi tam parvo milite
ingentem, & formidandum tyrannum debellavit.
Pœnitentem Sacerdotem à sacrilegâ Venere, &
qui in pœnam afflicti corpore serpebat, cancro eâ
lege absolvit, ut ne porrò sacrificaret impurus.
Nec in homines solum pius, cæcum feræ, nescio
cujus, partum sputo suo illitum lumine donavit,
oviculæ exuviis à gratâ parente vicissim donatus.
Inter precandum ita se ipsum fertur adhortatus:
Anime mi, ne te in terras è calo demitte: ibi Deum &
cum Deo Dei aulam omnem habes. Viderat nimirum
quandoque, quàm multiplici dolo astuque turba-
re precantium animos malus hostis niteretur. Ob
hæc aliaque ejuscemodi prædicantibus verè MA-
CARIUM, hoc est beatum, ut qui mundo tam bellè
illuderet, illud responsi dedit, caverent, ne ipsis
mundus illuderet. Vivere porrò desuit, cum an-
num

numageret centesimum, & documento sanè fuit mortalibus, frugalitate & vitæ religiosæ asperitate non minui annos, sed crescere. *Ex vit. PP.*

Quæ segnities est, capi ineptis cogitationibus, cum Dominum deprecaris, quasi sit aliud, quod magis debeas cogitare, quàm quòd cum Deo loquaris: Quomodo te audiri à Deo postulas, cum te ipse non audis? S. Cyprian. de Orat. Dom.

S. GORDIUS MARTYR. 3. Ianuarii.

Potuiſſes olim eremum campum dicere Martium, unde illi prodirent, qui bella orbi, qui tyrannis moverent. Ita GORDIVS etiam noster è nobili militum tribuno Christi tiro, ubi ſat diu in antro ad eremi leges exercuiſſe velut ad palum ſe, & piæ militiæ ſatis præluſiſſe jam viſus ſibi eſt; progreſſus demum feſto die in medium theatri, ſaſſuſque CHRISTI ſe militem, corpus frustaſtim concidendum carnifici obtulit: id unū exoptans, plures animas habere, ut plures per mortes Duci Deo invidium ſe probaret. Scilicet ad inſolitum hoc ſpectaculum exclamârunt Chriſtiani pariter, & hoſtes horum. Et obſtupuere hi, quòd unius hominis virtus totum theatrum impleret. At illi Deo, GORDIO, ſibiſque gratulati ſunt, cum viderent tot inter certantes quadrigas longè omnes equos ad palmam præcurrere Chriſtianū, jamque hunc unum illo die ex merito coronandum animo perciperent. Interea GORDIVS monentibus amicis, qui ſervatum cupiebant, ore CHRISTVM ſuum tantisper proſcriberet, animo coleret; ita ne verò, aſſebat, *omnem militibus aditum ad calos præcluditis? Me quidem Longinos & Cornelios juvat emulari. Chriſtum vobis coram ſi negem, calo coram ille negabit.*

Hæc

Hæc ubi dixit, crucis signo armatus omnes cruciatus imperterritito & animo & vultu superavit, ostenditque, quæ militi honestissima essent vulnera. *Ex Surio.*

Quid prodest Christum sequi, si non contingat consequi. Ideo Paulus agebat, Sic currite, ut comprehendatis. Ibi tu Christiane fige tui cursus profectusq; metam, ubi Christus posuit suam. S. Bern. Ep. 253.

S. GENOVEFA VIRGO. 3. Ianuarii.

NON ego GENOVEFAM laudem, cum vel parentes ejus, quòd talem genuissent, B. Germanus laudârit. Transibat hic Lutetiâ Parisiorum in Britannias Pelagianos oppugnaturus, cum GENOVEFAM parvulam tunc puellam intuitus, latere in eâ ingentem virtutem vidit. Itaque blandissimis verbis vitæ religiosæ studium tenellæ suavit. At illa jam tunc annuit. Ergo mnemosynon capit nummum Cruce insignem, jubeturque è collo suspendere, nullo dehinc muliebri mundo temerando. Arrha fuit hic nummus Christi sponsæ, neque fefellit. Noluit deinceps parvula domi agere, sed sui officii identidem clamitabat esse, templa frequentare. Quare fuit, cum lacrimis suis molestatam & clamoribus mater alapâ castigaret. At continuò cæca facinus suum vidit. Lucem deinde biennio post à filiâ, cui dederat lucem, recepit. Cæterum hæc velo inter virgines involuta Parisiensibus contra omnes Attilæ exercitus unicum præsidium fuit. Cibum non nisi bis in hebdomade, vinum virginitatis venenum nunquam admisit. Quoties cælum aspexit, hoc gaudiis, illa lacrimis pluerè visa. Virtutem in absente Simeon Stylites laudavit, & sæpiusculè salutavit per nuntios. Apud Reges

Reges quoque Childericum & Clodoveum tantum potuit, ut à morte virgò absolveret, quos iudices damnarent. Sed parum hoc est, quando idem apud DEVM potuit, & lectulo damnatos ægros passim à morbis absolvit. Quid? quòd quem abstulerat jam, imperio GENOVERÆ puerum mors reddidit; credo ut ne deesset, qui virginem Matrem clamaret. *Ex Sur. & Lippel.*

Per baptismatis Sacramentum Spiritus S. factus es templum: noli tantum habitatorem pravis de te actibus effugare, & Diaboli te iterum subicere servituti, quia pretium tuum sanguis est Christi, qui in veritate te iudicabit, qui misericorditer te redemit. S. Leo serm. I. de Nat. Chr.

S. RIGOBERTUS EP. 4. Januarii.

Discite, qui alienam nobilitatem non aliter ac hereditatē aditis, amplius etiam vestrā operā hanc condecorare; imò domi vestræ, hoc est, apud animum vestrum veram nobilitatem quærere. Nos eā in re doctorem ecce vobis RIGOBERTVM suggerimus: hic gentis suæ splendorem literis, literas pietate illustravit: hanc Rhemeneses infulā ornarunt: ille iterum hanc multis magnisque virtutibus, velut gemmis distinxit. Sacerdotes primus id loci in unum coëgit, reditusque, de quibus viverent, communes fecit. Familiariter Magistro equitum Pipino est usus, qui xeniolis, quæ Divus redeunti à venatione missitabat, multum delectatus terræ tantum aliquando concessit, quantum RIGOBERTVS, dum ipse dormiret, ambulando potuit circumscribere. Ab eo tempore nusquam alibi vel campi, vel agri lætius ridere, ridentibus nusquam mitius cælum arridere. Aurca tempora & æternum

æternum ver diceres. Sed & filium Pipini Carolum (ab animo Martio Martellum pòst dictum) sacro fonti admovit RIGOBERTVS. At Carolus ingratus, quòd urbem Rhemensem dolo aggressus non admissus esset, apertâ vi pòst fratrem debellatum ingressus, Pontificē sede exegit. Tulit æquo animo exilium, nec multò post ad Pipini dona reversus, vitam sanctissimè exegit. Ad tumulū nocte concubiâ lux ingens visa, & voces è cælo auditæ, multum humanâ suaviores. At nos si nunquam has audimus, quid miri obsecro est, quando cælo aures claudimus? *Ex Surio.*

Si tibi suggeratur in futurum tempus differre bonum propositū, consurge & dic, Dies Domini sicut fur, ita in nocte veniet. Si gula deserviens lautiores tibi commendaverit apparatus, recalcitra, & dic, Non est Dei Regnum esca & potus. S. Petrus Dam. in Ps. 57.

S. SIMEON STYLITA. 5. Ianuarii.

ERubescit hoc die Ægyptus, cū in tam parvâ chartâ sepeliri superbas moles suas videt. Quid enim? ut mortuos suos, quâ posset in cælum extolleret, surger e eò velut gloriæ humanæ scalas Pyramides iussit. At tu Lector, vide sis hoc die illum, qui vivus cælo jam cohabitavit, vivus Pyramides sibi quatuor posuit, invidiam nō Ægypto modò, sed orco etiam facturas. Itaque SIMEON opilio primū, pòst præaltâ in rupe monachos inter Angelus vixit. Verū cū ob mira, quæ maxima ac plurima patrabat, magni undique accursus fierent, novo miraculo columnas cœpit habitare; quarum quarta, & quæ ei ultima fuit, alta erat pedes IV. & L. Hic ille stare columnâ suâ firmior; dormire, aut confidere nunquam; vix adeò

adeò unquam quid cibi capere, ea & agere & pati, ut hominem dubitarint; Regibus denique, ac Imperatoribus, imò orbi ad se confluenti vel oraculum esse, vel asylon. Indoluit hostis, & dolis, quos domi suæ habet, usus, in flammantem currum non jam SIMEONEM, sed alterum Eliam invitavit. Nec malè profectò cessit astus. Verum, cum altero pede jam extenso, sacrum Crucis signum efformasset, in ventos scilicet & orcum, non in cælos, cum pessimo aurigâ abivit currus. At SIMEON, ut eadē poenā & se, & hostem ultum iret, uno, ut erat tum, pede, annum solidum perstitit. Mortuus est deinde anno ab orbe restaurato CDLX. ætatis CLX. atque, ut vicissè scires, etiam post mortem stetit. *Ex Surio.*

Quid anime prodest, hesternum diem transegisse in actione virtutis, si hodie velut desertor describeris ab opere justitiæ? Qualem enim te invenero, ait Scriptura, talem te judicabo. S. Basil. in Epist.

S. APOLLINARIS V. 5. Januarii.

EUnuchum spectā; sed apage illum Parnassi Eruborem: hunc, quem dicimus, virginitas dedit, cælum risit, vel, si mavis lacrimas, has quoque affudit cum suis ridenda Venus. Sed nunc argumentum fabulæ habe. Fuit APOLLINARIS altera Anthemii viri Consularis F. alteram dæmon malus insidebat. Illa Christum sponsum cogitabat, at hominē parentes. Quid nī etiam sanctus amor hominum oculos luderet ingeniosus? Abit Jerosolymam cum nobilissimorum parentum veniā APOLLINARIS; comites servulos, ancillas, opes trahit. Redux ex itinere has omnes in egenos spargit, illos manu mittit, uno alterove duntaxat retento. Hos quoque piē fallit, & silvas habitat.

Jam

Jam ubi æstus culicumque morsus corpus animumque durarunt, & formam illam augustam extinxerunt, prodit è latebris monachum induta, Eunuchum se dicit, Dorotheum apud Macarium nominat. Interea adest soror, & è sorore pellen-
 dus dæmon. Pellitur à Dorotheo. Sed redit & præstigiis gravidam filiam Anthemii oculis exhibet, simul parentem Dorotheum mentitur. Illic hic ad patrem raptatur, inde ad crucē raptandus. At Dorotheus parentibus, & sorore in locum solum abductis, hanc iterum sanat, illis, positâ tantisper personâ, filiam se probat. Mox ad scenam suam revertens eremum, pergit monachos, orbem, orbem ludere; dum denique cum omnium plausu castissimam larvâ mors detraxit. *Ex Sur. & Men.*

Indicamus bella peccatis, conflictum vitiis nunciamus, securi de victoria; quia nec arma cælestia hostes poterunt superare terreni, nec divino Regi adversa poterunt contraire mundana; neque vigilantes & sobrios Diabolus perturbare suis superventionibus poterit.
S. Pet. Chrys. f. 12.

S. EDUARDUS REX. 5. Januarii.

EDUARDVM in utero adhuc latitantem fortuna tamen Angliæ Regem legit: firmavit electionem cælum: siquidem in Regem unctus ab ipso Apostolorum Principe memoratur. Conjugio porro, ad quod invitum regni Proceres traxerunt, virginitatem copulavit, pulcherrimo matrimonio. Pater pauperum, filius dici poterat summi Pontificis, ita hunc semper coluit: tributa liberaliter remisit, postquam iis incubare custodē orci Cerberum vidit. Jam nec ad vilis mendiculi postulata

stulata erubuit, qui membris suis captus promissam à D. Petro sanitatem asseverabat, si bajulo ad templum Rege uteretur: quàm mox in humeros sustulit pium onus, ad aram portavit, stipemque divitem sanitatem addidit. Sed & cæci nonnulli, quâ undâ manus Rex laverat, hac oculis ipsi tenebras eluerunt. Facienti Sacerdoti cum adesset, conspicuus ei ab arâ bene precatus est Christus. Quidvis amore D. Joannis, quem Evangelistam dicimus, rogantibus, nihil visus est unquam negasse. Hanc ille religionem præclare obsignavit annulo suo, dum eum ipsi Divo mendicabulum adsimulanti dono dedit. Hic annulū Regi remisit, simul de mortis horâ commonuit; quem nuncium ille toto mox regno vulgavit, quò preces undiq; piorum cogeret. Atque eo viatico, quamvis suis jam dives meritis, longum cæli iter ingressus est, anno post Virginis partum M. LXVI. & quia nullam corpus animo virgini in vitâ, mors diu nullam etiam corpori in tumulo labem asperxit. *Ex Surio.*

Studeant humiles quotidie in humilitatis virtute proficere, imitantes Regem, qui abjecto onere carnalium & regaliū indumentorum coram Domini arca nudatus exiliens & exultans uxori sibi objicienti respondit, Ludam, & vilior fiam coram Domino. B. Laur. Just. lib. I. de Humilitate.

EPIPHANIA DOMINI. 6. Ianuarii.

Salutaverant jam nuper, inter faustas acclamationes, & cantus festivos Principē suum cælo delapsi cives, aulamque nati Regis quotidie deinceps frequentabant. Sed & orcus rebellis hucusq; metu jam suo venerabatur. feræ ipsæ Dominum suum

suum supplices agnoverant; ut jam aliud nil restaret, quam ut terra etiam officium suum faceret. Ergo, ut ad exemplum Regum orbis universus se componeret, tres è regnis suis exciti Magi magnis itineribus Bethlemium contendunt, sacramentum Christo nato omnium nomine dicturi. Atque, ut ne aberrarent, placuit, Superis ducem stellam dare, & fallere, & falli nesciam. Ita Hierosolymam ventum, seduloque in novi Regis cunabula inquisitum. At Herodes in regno suo alium præter se Regem ullum quæri indignatus, barbara animo jam tum concepit consilia, mox sanguinẽ, necesse, orbasque matres paritura. Aulicis tamen artibus apprimè instructus dolos dolis texit, &, ut noceret, amare se finxit, ut perimeret adoraturum se hostem etiam ipse promisit. Sub hæc à Magis, fidere iterum anteambulone, Bethlemium perventum. Ibi confidens stella, velut adventum gratulatura, hospites Reges è tecto salutavit. Ex templò ingrediuntur, Regumque Regem in throno suo præsepi, sapientiam in infante, in homine Deum adorant: addunt deinde tributa, opes peregrinas, aurum, thus, myrrham. Inde viam aliam in regna avita dux somnus dormientibus ostendit: sed sic idem hic vigilantẽ Herodẽ delusit. *Ex hist. Evang.*

Sicut Magi de thesauris suis Mysticas Domino munerum species obtulerunt, ita & nos de cordibus nostris, qua Deo sunt digna, promamus. S. Leo s. 2. de Epiph.

S. ANDREAS CORSINUS.

6. Ianuarii.

ANDREAM CORSINVM parentibus MAGNA VIRGO donavit, cum illi prius eundem ex voto necdum natum eidem donassent. Videbatur

sibi mater utero lupum ferre, sed qui in æde sacrâ gratissimâ metamorphosi in oviculam abiret. Oraculum fuit non somnium. **CORSINVS** etenim adolescens nonnihil liberior aliquamdiu cum mundo ululavit, pòst tamen gravibus ac assiduis parentis suæ monitis captus, religiosæ vitæ se mancipavit: à quâ necquidquam eum abducere adnissus est veterator callidus, quamvis nobilem mentitus vultum, quamvis opulentum oppidò conjugium pollicitus. Primùm litanti augustissima cæli Regina visendam se cum Angelis obtulit, atque his eum affata est verbis: *Meam servies servitutem, ad hanc à me delectus*. Posthac Præsul nominatus Fesulanus, cùm fugâ se honori subduxisset, ab infante tum fante est proditus. Puer, nescio quis, cùm sacro fonte tingeretur, **ANDREAS** lacrimas frequentes affudit: rogatus causam, respondit, puerum eum familiæ suæ probro, patriæ exitio natum; id quod reapse postea urbs credidit, cùm vidit. Cùm annum deinde ageret **LXXI.** ipso **CHRISTI** nascentis pervigilio egregius servus à Domina suâ vocatus ad libertatē est. Mortuum virgo sanctitatis famâ percelebris, per scalas vidit cælum conscendere; puto ne ullus **VIRGINIS** amator dubitet eodem conniti, quando scalas habet. *Ex Skrio.*

In Ecclesiam ingredi, ubi Christus discumbit, tuumq; præstolatur adventum, atque in spiritu humilitatis pedibus provolvere Domini JESU; confitere scelera, deterge vulnera, reatum accusa, sponde conversionem, pete veniam, ut plenam consequaris indulgentiam.
Laur. Just. in sermonib.

S. LUCIANUS M. 7. Ianuarii.

Possumus hodie ignoscere Samosatæ, quando maximum probrum ingenti decore obruit, & LUCIANVM dedit, qui non jam rideret cælum, sed moretetur pro cælo. Duodennis puer poterat tamen pater dici, cum hereditatem paternam jam tunc pauperum prædam fecisset. Mox inter cœnobitas adscriptus, & Sacerdotio initiatus, Antiochiæ ludum literarium aperuit. Minerval pauperibus cessit, libros Christianos restituit, & sacra volumina, quæ dudum superstitio corruperat, ad Hebrææ linguæ regulam censuit. Sed Maximianus non nescius pietatem Christianam non posse rectius quàm cum musarum lacte, literis inquam, instillari, ad pœnas magistrum tam sancti ludi vocat; quòd tamen vel vultûs maiestate meliora persuadere LUCIANVS diceretur, non nisi velatis oculis huic impius Agamemnon locutus est. Promissis primò ingentibus in martyrem pugnavit, tum in cippum iniecit, post in testarum fragmina. Ultimò fame longâ ad deditionem compellere est aggressus. Interea sacrificare constituit LUCIANVS. Mirantibus, quî id fieri posset, discipulis, cum aræ mensa abesset, Vos, inquit, in orbem me cingite, & templum eritis; sacra deinde pectori meo imponite; erit hæc viva ara. Dixit, fecit. Mox ad ingressos tortores ter clamat, *Christianus sum*, & subinde mortuus tacet. Funus nihilominus in mare projectum, saxo dexteræ appenso. Verùm truncum primò Delphin, semper hominum, sed martyrum præcipuè amans in litus extulit. Mox dextra etiam (à Musis credo) efferri, brachioque jungi visa est. Nos etiam manum tam doctam pro me-

ritis laudaremus, si ad nos Musæ manus illius stilum attulissent. *Surius.*

Corpora nostra aptemus in vivam Dei hostiam, ut sit fides vera, pura conscientia, cor mundum, caro casta, sanctus sensus, pius animus, vita sancta, verecundus habitus, & ad omne Christi obsequium humilitas nostrum semper comitetur incessum. S. Pet. Chryl. h. 109.

S. RAYMUNDUS CONF.

7. Ianuarii.

RAYMVNDVS nobili loco in Hispaniâ natus, cum lacte MARIAM imbibit. Ea deinde pietas cum puero crevit. Nam & in mundo adhuc cum ageret, sumptus non exiguos fecit, quo festus VIRGINIS ab Angelo Salutatæ dies augustius ageretur, & postea in D. Dominici familiam cooptatus, ipsius DIVÆ monitu novę societatis auctor fuit condendæ, quæ vindicandis in libertatem vinctis sese impenderet. Angelo, qui ei à puero datus est peculiaris, tam est usus familiariter, ut non rarò ad statas ab eo preces excitaretur. Cæterum cum pro eâ, quâ erat, Christianâ libertate, in non licitos Jacobi Aragonum regis amores gravius nequicquam invecus esset, & ex nautis regio edicto absterritis recipere eum jam nemo in navim suam vellet; novus nauta nova vela mari suspendit pallium suum, aspirante cælesti aurâ sex intra horas milliaria emensus c. LX. & Barcinonem appulsus, in cœnobium ad suos per oclusam portam ingressus est. Ibi cum è sociis unus aliquis gravibus tentationum fluctibus jactaretur, ubi primum in manu litantis RAYMVNDI propitium illud sidus est intuitus, continuò suam menti reddi malaciam sensit. Argonauta verò noster portum

8. Ian. VITÆ SANCTORVM. 31
tum cælestem tenuit anno M. CC. LXXV. *Ex vitâ*
apud Bzov.

Si nobis non est satis ad salutem , quòd virtuosè vivamus, sed oportet aliorum salutem re ipsâ desiderare ; cum neque nos rectè vivamus , neque alios hortemur, quid respondebimus ? quæ nobis spes salutis reliqua erit ?
S. Chrysoft. hom. 60. in Matth.

S. LAURENTIUS JUSTINIANUS.

8. Ianuarii.

ANnum agenti JUSTINIANO decimū nonum induta virginē Divina Sapiencia amplexum tulit, & osculum. Ab eo tempore omnis illi mundus desipere, una sapere religio. Ad hanc cum se recepisset, fuit qui, cum familiaritate (quæ ei cum LAVRENTIO intima erat) destitutum se indignè ferret, ad septa monasterii cum totâ acie sodalium veniret: cornu unum citharædi, alterum armati tenebant. Sed utrumque perripit LAVRENTIVS, captumque verbis Sodalem in sua jurare verba, manusque dare religioni coëgit, plaudentibus utique Superis, quòd jam Theseus Pirithoum suum, non ad orcum, sed cælum comitaretur. Pòst tamen LAVRENTIVS ad insulam extractus, pater pauperum, & hostis superborum audiit, mirandaque egit plurima. In ore illud crebrò habuit: *Eam demum esse veram sapientiam, scire Deum omnia esse, at nihil, hominem, & illud: calo excludendos omnes fore opulentos, nisi ejus janitores pauperes piâ manu corrumpere.* Ego palmarium id puto: perituras Venetias fuisse, pessimo Sodomorum exemplo, nisi potentior apud DEVM Abrahamo LAVRENTIVS intercessisset. Porro moriturus plumas respuit, memor quàm duro lectulo Christus obiisset.

• obijet. Et tamen sine plumis in cælos evolavit an ~~no~~ M.CCCC.X. cum iusta illi homines inter Angeli persolverent, funeris dicam tibicines, an virtutis buccinatores? *Ex Surio.*

Vtinam sciperes, quæ Dei sunt! intelligeres, quæ mundi sunt! provideres, quæ inferni sunt! profectò inferna horreret, superna appeteret, quæ ad manus sunt, contemneret. S. Bernard. in Ep.

S. JULIANUS M. 9. Ianuarii.

JULIANVS unicus parentum clarissimorum filius primam ætatem Musis consecravit. Eæ virgines in clientis sui pectus amorem virginitatis cum literis instillarunt. Sed obstitere votis parentes, castas aures Hymenæo identidem pulsantes. Itaque à cælo antè per somnum armatus BASILISSAM duxit. Verùm precantes thalamo cælestis primùm odor afflavit; mox de servando pudore piè sermocinantibus cum MATRE aliisque Cælitibus CHRISTVS supervenit, qui & audentibus animos addidit, & utriusque nomina vitæ libro descripta ostendit. Ita virgo obiit BASILISSA; JULIANVS verò etiam Martyr; qui dum ad ludibrium totâ urbe vinctus circumducitur, CELSVS, mæli Judicis non malus filiulus, conspiciatur eum non tam inter lictorum, quàm Cælitum manus inambulare. Pedes proinde martyris complexus, & Christum puer non pueriliter, & ipse fassus, cum JULIANO ad ignem damnatur. Sed virtus proba è flammis splendidior nimirum exit, crescitque, matre etiam Celsi ad Christum adductâ. Caput demum omnibus sub annum Christi CCC.XI. auferitur. Sed neque sic locus coronæ defuit. *Ex Sur.*

Qui igne Christi captus fuerit, talis fit, qualis esset homo

homo solus super terram habitans, adeò nihil cura est ei gloria & ignominia. S. Chrysoſt. hom. 52. in Acta.

S. MARTIANUS CONF. 10. Ianuarii.

NOVIT MARTIANVS maximæ Aedi Byzantii præpositus orationem, quò cælos & certius, & citius peteret, alatham reddere, creberrima illi jejunia & eleemosynas jungendo. Multus prætereà in extruendis cœnobiis templisque fuit; monumentis, quæ ferè unica in mortali homine immortalia DEVS probat. Plenam, quoties foras prodivit, manum circumtulit, cum vacuâ nullum à se inopem passus abire. Veste, quàm diu vixit, non nisi unicâ semper usus, hac etiam, cùm nulli ad manum nummi essent, se exuit, & egenum induit, sed divite lucro: quippe qui deinde cùm seminudus pro arâ divinum cibum in populum partiretur, aureâ palàm à cælo veste ornari visus est, ut planè jam quæstum quæsisse, & pro paupere togâ meliorem ambiisse videri possit. Noctu porrò vigil pius urbem obambulabat, vel quibus tunc etiam benefaceret, egenos, vel quos lotos domi curatosque terræ mandaret, mortuos quærens; ex quibus non pauci revixisse inter studia tam sancta memorantur, & alterum vitæ parentem MARTIANVM salutasse. Jam grassantem in templum suum crudeliter flammam medius ipse objecto Evangelicæ historiæ volumine stitit, precibus domuit, lacrimis extinxit. Secundùm hæc aliaque mira, templo, quod ultimum ædificabat, & vitæ finem unâ imposuit. *Ex Metaphraste apud Surium.*

Manducat Deus in calo panem, quem perceperit pauper in terra. Da ergo panē, da potum, da vestimentum,

da tectum, si Deum debitorem non Iudicem vis habere; nihil nobis nocebit in terra, si nobis in calo misericordia sit patrona. S. Pet. Chryl. f. 42.

S. THEODOSIUS ABB. II. Ianuarii.

THEODOSIVM Cappadocem antrum ajunt incoluisse; rectius regiam dicerent: nam ad illud divertisse hospites primo itineris sui die tres Orientis Reges memorantur. Totus illi penus palma, cella fons fuit, deliciae dactyli, herbæque, & lacrimæ. Interim fuit, cum centum & amplius mensas paucis panibus pasceret: aliàs, cum Martiani hospes esset, illeque panem sibi deesse quereretur, THEODOSIVS in barbâ Martiani granum hædere frumenti conspiciatus, qui potes, inquit, queri, qui tot panes in barbâ circumfers? simul granum in granarium ablatum totum hoc complevit, & veluti angustias hujus accusaret, extra ostia se miraculumque effudit. Aliàs magno Paschatis die, cum nihil in cibum suppeteret, Numen THEODOSIO mulum submisit instructissimum cibariis, quâ re ille impulsus semper deinde egenis duplicavit pium stipendium. Jam mortis memoriam suis impensè commendavit. Eum in finem sepulchrum quandoque fieri jussit, rogavitque ecquis eo tumulari veller. Voluit Basilius quidam, qui mox suavissimè excessit è vitâ, nec tamen in odeo sacro vel videri, vel audiri desit. Prænobilis matronæ filio, dum inter pueriles ludos, lapsus in fontem cadit, absens THEODOSIVS, adfuit tamen spectabilis, & ne aquis mergeretur innocentia, cavit. Vestis ejus cilicina militum Ducî vicem loricae fuit, & victoriam peperit. Sed & tibi contra hostem

stem intestinum victoriam spondeo, si simili utaris loricâ. *Ex Surio.*

Magnum hujus vite solatium est, ut habeas, cui pectus tuum aperiās, cum quo arcana participes, cui committas secreta cordis tui; ut ames & sequaris eum, qui tibi paternâ pietate in tristibus compatiatur, in persecutionibus adhortetur, & in prosperis gratuletur. S. Bern. tract. de Ord. Vit.

S. ARCADIVS M. 12. Ianuarii.

MORE Solis virtus hoc pulchrius nitet, quò diutius latet. Testem ARCADIVM adduco. Hic sævientibus ubique terrarum in Christianos tyrannis, siue homo timore aliquo, siue CHRISTI mandato inductus, posthabitis fidei fortunis omnibus, fugâ se subduxit, & aliquandiu latebras habitavit. Sed nimirum ut vinceret fugit; ex latibulis suis velut insidiis hostem expectavit. Etenim cum irruptione in domum factâ, & non reperto ARCADIO, ad tribunal de amicis ejus quispiam raperetur, continuò adfuit; circumventum inexpectatò tyrannum graviterque increpitum jussit omnes pœnas in se experiri: aciem tormentorum instrueret tyrannus, ingenio etiam certaret, in auxilium alios etiam tyrannos evocaret, omnes in subsidiis carnifices constitueret: sese unicum contra omnia tormenta etiam nudum staturum, solâ patientiâ pugnaturum, ostensurumque eâ dimicatione, quantum inermis Christianus omnibus minis, & tormentis armato tyranno præstaret. Desperavit jam tum judex de victoriâ, & sententiam tulit, quâ manibus ac pedibus mutilari ARCADIVS jubebatur. Hic fixis cælo oculis inter divinas laudes, supplicii locum magnanimus petiit,

membra ad laniendam ipse nudavit, ipse singula truncanda exhibuit; itaque sanguinis sui purpurâ splendidus, sine pedibus ad martyrum tamen partes transiit, sine manibus palmam tamen cepit. *S. Zeno Ep. Veron.*

Ejus est in mundo diu velle manere, quem mundus oblectat; quem seculum blandiens atque decipiens illecebris terrenæ voluptatis invitat. Porro cum mundus odit Christianum, quid amas eum, qui te odit? & non magis sequeris Christum, qui te redemit & diligit? *S. Cypr. de mortalit.*

S. GODEFRIDUS COMES. 13. Januarii.

DUXIT GODEFRIDVS Cappenbergensis Comes genus suum è Regio sanguine. Prædantium suorum militum licentiam, si quisquam alius, frenavit, gnarus militum prædam Ducis esse furtum. Arcem suam in cœnobium vertit, & D. Norberti familiæ transscripsit, cum omnibus fortunis, quibus præclarum auctarium unâ cum fratre Ottone ipse accessit. Viderunt hoc multò antè in somnis illi, qui de Cappenbergensi arce vel columnam flammantem, vel civitatem nivè nitidiorē in cælum viderunt assurgere. Et verò multa, quò moram tam sanctis consiliis injiceret, molitus est cognatus sanguis, nunquam non Deo hæreditatem invidens; sed ille, uti alia humana omnia, ita hæc etiam insuper habuit, conjugēque inter Sanctimoniales relatâ, Norberti institutum avidissimè arripuit. In hoc acerrimus sui hostis, & gloriosissimus victor, vix quidquam cibi sumere est visus, tantum lacrimis inebriari. Cæli cupidissimus missionem corporis accepit anno M.C.XXXVI. cum moriturus illa audisset: *Exite obviam ei, & venientem*

tem è cælo comitatum amicissimè salvere jussisset. Secundùm mortem nepti suæ multâ luce vestitum, & coronâ conspicuum se ostendit, quæ illa legentibus loquebatur : *Induit me Dominus vestimento salutis, & tanquam sponsam decoravit me coronâ.* Pulchrè certè honorum cupidos alta conscendere GODEFRIDVS docet. Comitem abiecit, ut Rex esset. *Ex Surio.*

Amor aterna vitæ & spiritualis studium sapientiæ velut in summa cordis tui constitutum arce præcellat; quatenus dum fragilem hanc vitam cum sua sapientiâ despicias, repleti divino spiritu, qui ad eternam te provocet gloriam, felici vicissitudine, merearis. B. Pet. Dam. l. 8. Ep. 9.

S. FELIX NOLANUS. 14. Ianuarii.

FELICI Nolano cum fratre germano ita convenit, ut ignobilior hereditatis portio, id est terra fratri, melior verò, hoc est, cælum FELICI cederet, ut qui Christo militaret, germano Imperatoris castra sequente. Ita divisis vitæ studiis FELIX sacris est initiatus, ob fidem deinde in vincula conjectus ab impiis, sed exemptus ab Angelo, jussus est emeritum Præsulem Maximum quærere. Eum in eremo repertum semianimem precibus primò, dein uvis, quas de spinis legerat, recreatum domum suam deportavit. Hinc cum denuò hostes ei imminerent, occæcati divinitus, quem auribus suis loquentem audierant, apertis oculis non viderunt. Fugientem porrò, & intra geminarum ædium parietinas abdentem sese, improvise opere suo aranea texit, & fuit tam tenuis tela propugnaculum tunc FELICI. Hic Cælitum manu pastus VI. menses, & alloquio divino dignus, infulâ etiam

A 7

esset

esset ornatus, nisi id dignitatis ex innatâ animi demissione in alium ipse transtulisset, quod eum septem diebus ante se sacris initiatum diceret. Obiit tandem FELIX feliciter, tumulumque templum est nactus; quod cum augustius postea D. Paulinus reddere laboraret, soli que rusticani duo ædes suas transcribere negarent, ecce tibi ignis nocturnus tecta rusticorum depastus amplissimam aream descripsit. Neque hoc solum, sed & aliis deinceps miraculis FELIX luxit. Ex Surio.

Eò minus in hac peregrinatione deficiēs, quò veriùs in fontem divinæ misericordiæ per virtutem spei mentis oculos levaveris. Hæc enim virtus claritate suâ Deum nobis manifestat, & inter hostium catervas intrepidè ante faciem Domini nos perducit. B. Laur. Just. Lig. vitæ.

S. PAULUS EREMITA. 15. Ianuarii.

PAULVS Thebæus xv. annorum adolescens plus Decium, quàm eremum horruit. Certè hoc unum imprudens Decius boni fecit, quod ex Christianis eremicolas fecit. Eos inter princeps PAULVS perhibetur, cui in centesimum usque annum ac decimum spelunca tectum, una eademque arbor palma, & victum, & vestem dedit. Annus agebatur Christianus ccc. xxxiv. cum ad eum divino jussu visit Antonius, atque tunc prudens dispensator corvus, qui annos jam lx. dimensum suum PAULO quotidie afferre assolebat panem dimidium, hospitis memor duplicavit annonam. Secundum hæc, cum, ita monente PAULO, vestem sepulturæ allatū iret Antonius, priusquàm rediret, abire inter Cælites in cælos amicum videt, reperitque genibus humi adhuc fixum, passisque brachiis

chiis omnino oranti similem. Cùm ultimum proinde officium mortuo præstaret, in eo socios duos leones habuit, qui sepulchrum egestâ humo parârunt, & mœrenti Antonio crebro mœstoque rugitu, & ipsi adgemuerunt. Hinc domum revertitur nimiùm quantum gaudens, spoliis opimis, hoc est tunicâ PAULI è foliis palmæ concinnatâ. Certè non nisi maximis quibusque diebus festis in eâ visus est superbire, ut minùs ego jam mirer ab Hieronymo eam palmatæ etiam Imperatorum purpuræ prælatam, quando in illâ magnus Antonius triumphavit. *Ex S. Hieron.*

Quàm deliciosâ fame affligitur, qui caelestis promptuarii dapibus satiatur? cui calum fit cellarium, caelestis promus exhibet ministerium; quàm feliciter miser est, qui dum terrenis eget impendiis angelicis fulcitur obsequiis: cui xenium divinitus mittitur, angelitus ministratur? S. Pet. Dam. serm. 33.

S. JOANNES CALYBITA. 15. Januarii.

ILle JOANNES est, qui in illustri Patriciorum familiâ Romæ natus, parentes piè nos docuit fallere. Nam adolescens admodum clam his in Syriam abiit, & vestem indutus religiosam, unico, sed delicato cibo victitavit, Angelorum pane. Pòst cùm parentes sæpenuerò ingereret hostis, ægrè illi sibi que facturus Romam iter instituit. Ex itinere vestem suam cum mendicantis centonibus commutat, & his spoliis superbus ad parentes ignotus divertit, tantæque filius familiæ, tanti patrimonii hæres vix malè fartam tectamque in vestibulo ædium suarum casulam impetrat. In hac ille tres annos ad invidiam sui hostis furtivo parentum aspectu fruitur. Hinc ex tuguriolo suo ad
Superum

esset ornatus, nisi id dignitatis ex innatâ animi demissione in alium ipse transtulisset, quod eum septem diebus ante se sacris initiatum diceret. Obiit tandem FELIX feliciter, tumultumque templum est nactus; quod cum augustius postea D. Paulinus reddere laboraret, solique rusticani duo ædes suas transcribere negarent, ecce tibi ignis nocturnus tecta rusticorum depastus amplissimam aream descripsit. Neque hoc solum, sed & aliis deinceps miraculis FELIX luxit. Ex Surio.

Eò minus in hac peregrinatione deficiēs, quò veriùs in fontem divinæ misericordiæ per virtutem spei mentis oculos levaveris. Hæc enim virtus claritate suâ Deum nobis manifestat, & inter hostium catervas intrepidè ante faciem Domini nos perducit. B. Laur. Just. Lig. vitæ.

S. PAULUS EREMITA. 15. Ianuarii.

PAULVS Thebæus xv. annorum adolescens plus Decium, quàm eremum horruit. Certè hoc unum imprudens Decius boni fecit, quod ex Christianis eremicolas fecit. Eos inter princeps PAULVS perhibetur, cui in centesimum usque annum ac decimum spelunca tectum, una eademque arbor palma, & victum, & vestem dedit. Annus agebatur Christianus ccc. xxxiv. cum ad eum divino jussu visit Antonius, atque tunc prudens dispensator corvus, qui annos jam lx. dimensum suum PAULO quotidie afferre assolebat panem dimidium, hospitis memos duplicavit annonam. Secundum hæc, cum, ita monente PAULO, vestem sepulturæ allatū iret Antonius, priusquàm rediret, abire inter Cælites in cælos amicum videt, reperitque genibus humi adhuc fixum, passisque brachiis

chiis omnino oranti similem. Cùm ultimum proinde officium mortuo præstaret, in eo socios duos leones habuit, qui sepulchrum egestâ humo parârunt, & mœrenti Antonio crebro mœstoque rugitu, & ipsi adgemuerunt. Hinc domum revertit nimiùm quantum gaudens, spoliis opimis, hoc est tunicâ PAVLI è foliis palmæ concinnatâ. Certè non nisi maximis quibusque diebus festis in eâ visus est superbire, ut minùs ego jam mirer ab Hieronymo eam palmatæ etiam Imperatorum purpuræ prælatam, quando in illâ magnus Antonius triumphavit. *Ex S. Hieron.*

Quàm deliciosâ fame affligitur, qui celestis promptuarii dapibus satiatur? cui calum fit cellarium, celestis promus exhibet ministerium; quàm feliciter miser est, qui dum terrenis eget impendiis angelicis fulcitur obsequiis: cui xenium divinitus mittitur, angelitus ministratur? S. Pet. Dam. serm. 33.

S. JOANNES CALYBITA. 15. Januarii.

ILle JOANNES est, qui in illustri Patriciorum familiâ Romæ natus, parentes piè nos docuit fallere. Nam adolescens admodum clam his in Syriam abiit, & vestem indutus religiosam, unico, sed delicato cibo victitavit, Angelorum pane. Pòst cùm parentes sæpenuerò ingereret hostis, ægrè illi sibi que facturûs Romam iter instituit. Ex itinere vestem suam cum mendicantis centonibus commutat, & his spoliis superbus ad parentes ignotus divertit, tantæque filius familiæ, tanti patrimonii hæres vix malè sartam tectamque in vestibulo ædium suarum casulam impetrat. In hac ille tres annos ad invidiam sui hostis furtivo parentum aspectu fruitur. Hinc ex tuguriolo suo ad
Superûm

Superum palatia invitatus, matrem advocat; mendicus ægrè impetrat; præsentem jurejurando adigit, velit jubeat in pannuceis suis se tumulari. mox sanctum Evangelii librum, quem puer ab eâ dono acceperat, in manus tradit, atque ita oculos tandem matri aperit, ipse suos claudit. Enimverò malè officiosa velle hîc auream filio purpuram inducere; sed ilicet manus sensit tamdiu rigescere, dum piæ & ultimæ JOANNIS voluntati est obsecuta. Claruit verò sanctior hic in casâ suâ Romulus circa annum Christianum CD.LXVII. nunquam orbi tam notus futurus, nisi tam ignotus fuisset. *Ex Surio.*

Præferenda est Religio necessitudini, & pietas propinquitati. Ea enim est vera pietas, quæ preponit divina humanis, perpetua temporalibus: nesciunt suis parcere, qui nihil suum norunt; quoniam Sanctis omnia Deus est. S. Ambr. in Epist. ad Rom.

S. BONITUS EPISC. 15. Januarii.

BONITI virtus detecta jam tum divinitus est, cum matris adhuc utero lateret. Etenim cum hæc gravida à Sacerdote postularet, bene ut sibi precari vellet, *Quin,* ille retulit, *bene potius tu mihi precaris Domine?* Amplius ad hæc obstupescenti, *Ne,* ait, *hoc à te exigere me crede, sed ab eo, quem utero foves, quem ad infulam jam nunc vocari video.* Cæterum BONITVS adultior factus, cum maxima quæque munia in Gallorum Regiâ obiret, ita Regis causam egit, ut cuivis dignitati pauperum patrocinium præferret. Ascitus inde ad Episcopatum Arvernensem, dum nocte intempestâ in templo precibus vacat, adspectabilem cum omni aulâ Reginam cæli MARIAM habet; hujus imperio rem
divinam

divinam facit (homini Cælitibus inservientibus) & in laboris præmium vestem aufert mirè candidam, eaquæ sive materiâ sive arte, quam mirari oculus humanus semper, agnoscere potuit nunquam. Simile sperare postea ausus è successoribus unus, eodem se contulit. Verùm quia merita hominis abludebant, dissimilis pullus dissimili modo acceptus, & arcanâ vi domum suam est deportatus. At BONITVS sponte insulam abiecit, vel, ut rectius loquar, cum coronâ commutavit, quam ei cum locos sacros plurimos lustrasset, à morte (cujus ipse sibi vates fuit) cælum decrevit, anno post Servatoris adventum DC. LXXXV. *Ex Surio.*

Qui cupiunt strenuè spirituales persolvere laudes, representent se coram Dei tribunali, & ipsum in spiritu præsentem habeant, uti est, nihil quæ inter se & eum habere velint, sed tanquam amicus cum amico colloquantur Domino. B. Laur. Just. de discip. Monast. Conversat.

S. FURSEUS CONF. 16. Ianuarii.

EX Angliâ FURSEVM ascivimus. Juventa ejus prodigiis plena reliquæ vitæ prælusit. Post hanc à Musis transiit ad monachos; mox doctor sanctioris vitæ & cœnobii conditor, in quod passim victos oratione suâ à mundo abstraxit. Interea sub annum DC. XLIV. semel iterumquæ; animo è mortali corpore exiit, ductoribus Angelis bonis, qui vel ignea malorum tela clypeo excipiebant, vel quas de minimis etiam vitæ noxiis adversarii neceiebant accusationes diluebant. Jam verò è cæli speculâ orbem contemplatus, cum à quatergeminâ scelerum flammâ (perfidiam, rerum fluxarum cupiditatem, discordiam, atque in mise-

ros crudelitatem Angeli dicebant) ardere omnem didicisset, cum à cælestibus Choraulis levem omnem laborem quantumvis magnum, omne tempus quantumvis longum, ad æternitatem breve esse audiisset, à binis è numero Divorum Præsulibus jussus est ad corpus redire, & flagitiosos ad frugem reducere. Grave illi fuit à Cælitum societate avelli, præsertim ubi ad animæ domicilium corpus exanime ventum est. Ingressus tamen Angelis suadentibus toti jam Angliæ orbem (qualem vidit) cælumque oratione suâ depinxit, annosque porrò XII. sceleratis in viam reducendis impendit. Posthæc cum Romam pietatis causâ contenderet, prius vitam quàm viam emensus est. Integritatis testimonium demortuo corpusculum dixit quarto ab obitu anno, & ipsum integrum. Animus illuc ivit, quò assueverat jam ire. *Ex Surio.*

Fugiantur noxia voluptates, inimica gaudia, & desideria jam jamque peritura. Quis enim fructus est ea indefinenter cupere, quæ etsi non desinant, deferenda sunt? Amor rerû deficientium ad incorruptibilia transferatur, & ad sublimia vocatus animus cælestibus dolectetur. S. Leo serm. 5. de Epiph.

S. ANTONIUS MAGNUS. 17. Januarii.

AGyptius erat ANTONIVS, & domi suæ nobilis. In primo ætatis flore mundo moriturus ex asse pauperes hæredes scribit, subinde victoriis adversus hominum hostes malos genios nobilitatus; ab iis plagis aliquando pessimè acceptus, dum JESVM suum familiarius deinde rogat, ubi id temporis fuisset, adfuisse spectatorem pugnae audit. Tam propè à Deo absumus, etiam cum longè abesse nos putamus. Aliàs dum mundū æquioribus

ribus animi oculis arbitratur, aream esse aucupis videt laqueis undique obtectam: scire percupidus, quis hos effugeret, responsum accipit, qui animo demisso esset. Subinde Martyrū pugnis cū actor adesse non posset, spectator adfuit, & hortator, judicique sepe in veste candidā obvius mortem nequicquam ambiit, eremo pugilem sibi deposcente. Illic cū ageret, à Constantino filiisque Imperatoribus persæpe litteris salutatus, vicissim eos officii sui commonefecit, & à suo ad divinum tribunal crebrò jussit advertere. Natus annos C. & V. ista suis suggessit documenta: Viverent quotidie morituri: quotidie melioris animi proposita novarent: JESVM assidue suspirarent: hoc nomine clypeo in hostem uterentur: hæreticorum familiaritatem fugiendo effugerent. Sub hæc mortuus anno à partu Virginis CCC.LVIII. vitæ præconem magnum Athanasium habuit, uti & hæredem pallioli sui laceri quidem & detriti, sed quod virtutem sciret tegere. *Ex S. Athanas.*

Ecce venatorum spiritualium quot sunt laquei ad capturam animarum toto orbe diffusi! hos tantummodo evadunt, qui mundum ipsum dedignantur amare, illum secedendo spernunt, ejusq; concupiscentiis abdicatis DEO in spiritu militare proponunt. S. Laur. Just. de Contempt. mundi.

S. LEOBARDUS C. 18. Januarii.

IN ingentes opes natus LEOBARDVS ad nuptias non tam invitabatur, quàm cogebar à parentibus, quas tamen mors utriusque interturbavit. Filius sponsus, ubi iusta his persolvit, ad germanum proficiscitur. Sed hic tum fortè ebrius neque agnoscere frater fratrem velle, quin contumeliosè acceptum

acceptum fide minimè germanâ hospitem domo exigere. Hic LEOBARDVS, dum noctem sub dio agit, cælumque ad faces suas contemplatur, Certè inquit, hoc non excludet, nisi aditum ipse mihi interclusero. Et quousque demum servitutem, mundo ingrato hanc serviam? nunquid non mors ipsa parentum ad pileum vocat? nolentes mundo mortui mori me volentem docent. At innumeras opes numero. nempe quas pater heri, ego hodie, cras alius numerabit. Sponsa mihi est. Mater scilicet, bella mihi, & lites pariet. Et ubi tunc castissimi nunc animi lilia? morientur hæc; & ego Superis tam nobilem odorem invidebo? Ergo tibi hunc mentis candorem, ô cælum, tu verò terra, res tuas tibi habe. Exulabis & tu animo nostro. Irasceris? prior exclusisti. Hæc secum LEOBARDVS, mox rectâ Asceterium; ibi ipsos duos & viginti annos angustiiis cellæ inclusus aditum ad se mundo vicissim negavit, neque tamen vel talis sine prole in cælos abiit. Reliquit post se virtutem nobilem filiam & vobis, Sodales Parthenii, locandam. Cur abnuitis pauperẽ ducere? dabit cælũ dotẽ. *Ex Sur.*

Non in nobis flamma libidinis aestuet, non turpis cogitatio pulchram animæ nostræ coram DEO speciem foedit. Non nos terrenæ facultatis abundantia in superbiam erigat, non tenacitas misericordiæ viscera pauperibus claudat: Vigeat in nobis perpetua castitas. S. Pet. Dam. serm. 65.

S. LAUNOMARUS ABB. 19. Ianuarii.

E Galliâ est hoc liliũ, quod manu tenes. Multa inde in rosaria Mariana transferemus; interea isto oculos oblecta. Nascitur ergo LAVNOMARVS anno post natum Servatorem vigesimo supra

supra quingentesimum. Puer genium suum defraudat, ut inopum ditet. Hinc Sacerdos, ex Sacerdote nobilis eximi cultor cœnobium exædificat, & silvas facit habitari. In his feræ à lupis agitatæ asylon sinum pandit, verissima aurei seculi ovis. Inde optimus orator oratione suâ suadet arbori ingenti, aliò ut migret, & persuadet. Depopulantem porrò omnia flammâ uno Crucis signo exarmat: ægris sanitatem pristinam plurimis impertit. Sed non perinde avaro nescio cui facere medicinam placuit. Fuit hic oppidò dives, sed letho proximus rectè pauper sibi videbatur. Mittit itaque XL. aureos LAVNOMARO, sive ut DEVM sibi per hunc propitium redderet, sive ut fortè sic mortem auro corrumpere. At verò LAVNOMARVS ad severum in arâ examen singulos expendere, & unico duntaxat servato, alios omnes remittere, gravi additâ denuntiatione, quâ & expostulabat, quòd furtum munus Deo obtruderet, & simul mortem indicebat. Et verò non huic tantum, sed universæ Galliæ vastitatem clademque vaticinatus est; ipse tamen ne hanc videret, morte oculos clausit. *Ex Surio.*

Homo, mitte & premitte thesaurum tuum in calos, ne caelestem animam demergas in terram. Aurum de profundo terra; anima ab excelsis cali. melius proinde est, ad sedem suam deferri aurum, quàm in sepulchro auri Anima demergatur. S. Pet. Chryf. serm. 22.

S. ABUNDANTIA VIRG. 19. Ianuarii.

Satis laudasse ABUNDANTIAM videri possem, si illud modò dicerem, & natam & mortuam laudatam ultrò ab ære campano fuisse. Adjiciam tamen alia pluscule. Cum sacro fonte ringeretur, dicuntur

dicuntur lampades templi suapte sponte accensæ, & infanti lucem & urbi infantem gratulatæ esse; ipsa ABUNDANTIA jam tunc in innocentis femine patrocinium (adulterii rea agebatur) fuisse facunda. Jam octennem ferunt ab icone pueruli JESU MATRIS sinum insidentis pomum aureum, quod manu fortè pictum gestabat, petiisse & adeò impetrasse; ἀντίδωρον deinde flores (ab hieme donatas) eidem attulisse, & ut acciperet persuasisse. Sed hucusque cælum cum puellâ lusit. quæ dicam se-
 veriora sunt. Itaque memorant cum Majolo Abbate matreque Jerosolymam ivisse, & cum cætera Christi vestigia, tum illa potissimum venerabundam exosculatam fuisse, ubi ille pondere Crucis fessus obviam MATREM habuit, heu! alteram tunc oculis suis crucem. Hic lacrimis diffuere voluisse ABUNDANTIAM; hic flagris ita in sese sævisse, ut sicut oculi in fontem, ita sanguis fusus in rivos abire videretur. Abhinc Angelo duce in antrum Onuphrii devenisse, illicque feminam viri vitam vixisse. Ad extremum repertam à patre reductamque in patriam, omnem, hoc mortuo, hereditatem egenis cessisse; mortuam deinde etiam ipsam pro funere ab Angelis laudatâ cantu fuisse. *Ex Ferrar.*

Ad celestia regna suspires, voluntatem Dei facias, imiteris Angelos super terram, adversus tentationes pro pietate conflagas; & si celestis militiæ sacramenta servaveris, non dubites te in castris triumphalibus Regis eterni victoriâ coronandum. S. Leo s. 2. de Nat. Dom.

S. SEBASTIANUS MART. 20. Januarii.

ANNO post CHRISTVM natum LXXXVI. supra CC. Marcus & Marcellianus Christiani milites ad defectionem vehementer à parentibus sollicitaban-

citabantur. Enimverò interponere se hīc Tribunus SEBASTIANVS, turpemq; à tam sanctis castris fugam omnibus viribus dissuadere. Dicenti cælum applausit, piumque oratorem lumine suo vestit, simul vox insonuit ejuscemodi, *Nunquam non tecum eris.* Ab eo tempore non jam fictum Æsculapium Romani habuerunt. Ita omnes morbos pellere SEBASTIANVS; ita doctè, dum corpori medicinam faceret, animum quoque morbidorum ad sanam fidem adducere. Inter hos cum jam urbi etiam Præfectus numeraretur, imperio Diocletiani malè sani medicum suum sagittis confodiunt, confossum & prope exanimem negligunt. Sed qui SEBASTIANI manu curare alios voluit, suâ SEBASTIANVM non possit? imò verò adest ille incolumis, & sub aspectum tyranni iterum se sistit; mox tamen inter fustuarium fortem animam expirat, corpusque in cloacas abjectum Lucinæ tumultandum committit. *Hac ex Sur.* Cæterum ejus cranio hodie Ebersperga Bojorū gloriatur, magnâ semper illuc confluentium religione, longè tamen majori recedentium, ubi votorum damnati sunt, lætitiâ.

O. verè illum degenerem & omnis boni expertem, qui celestis vitæ amore non capitur; qui timet hanc perituram perdere, ut illam possit accipere, quæ perire penitus non novit. Ex Orat. S. Sebast.

S. NEOPHYTUS M. 20. Januarii.

ITa est. uti sua adolescentem etiam urticam lacrimonia loquitur, ita suus nobilissimū quemque flosculum, cum primū exoritur, odor terris cæloque prodit. Ita, quem tibi pinximus, NEOPHYTVS Nicæâ Bithyniæ oriundus jam inde à puero

puero sanctiore spiritu visus est agi. Hic sub columbæ candore lectulum sæpenumerò Divi volatu ambire : hic postquam matri, quam ab eâ nascendo acceperat, vitam reddidisset, Dux ei in montem Olympum esse, speluncam hospiti monstrare, & à feris purgare. Ecquid porrò mirum, si post ipsum Numen, Angelum etiam tutelarem tam habuit familiarem? Nam iste victum clienti suo ministrare; iste sub annum trecentesium, cum vale jam parentibus divino jussu dixisset, opesque in pauperem turbam erogasset, ad tribunal Decii Imperatoris comes esse, testis virtuti clientis sui apud Superos, & præco futurus. Ibi Martyr à flagris, flammis, ferisque innoxius, nocenti tandem carnificis ferro cecidit, monuitque non mentiri poëtas, qui ex Olympo ad cælos esse aditum canunt. *Ex Martyrol. Rom. & Mensis Græcis.*

Delectatur Dominus JESVS in gravitate vite, in cordium puritate, & in perfectione virtutum servorum suorum. Propterea Angelicam conversationem tenere conentur, quotquot caelesti domino gratissimum desiderant exhibere famulatum. B. Laur. Just. de discip. Monast. Convers.

S. FRUCTUOSUS E. M. 21. Januarii.

IBant ab Æmiliano Præsidente missi lictores, qui **FRUCTVOSVM** Tarraconis Episcopum in vincula abriperent. Non fugit hic, sed bonum se pastorem probaturus obviam etiam ivit lupis. In carcere verò constitutus signum scilicet expectavit, quo currere ad immortalitatem juberetur. Jamq; feria VI. aderat, quâ Christus ipse martyribus map-pam misit, cum **FRUCTVOSVS** duobus stipatus comitibus ad rogam cucurrit. Ex itinere oblatum à
piis

piis haustum Christi exemplo respuit, jejunii sui etiam in morte tenax. Nudis pedibus flammis tamen insultavit, atque inde veluti pro rostris Christianos est adhortatus, oculos in æternitatem defigerent, non cruciatus breves. Jam vincula flammis soluta manus solverant, cùm FRUCTVOSVS, explicatis in crucem brachiis, cælum spectare, cælum precibus pulsare. Et ecce panditur hoc, & Martyres (spectantibus triumphum impiis) inter flammarum globos, ad cælum evolarunt, coronis omnes insignes, indeque rident admotas necquicquam à judice machinas. Tam illustrem itaque rogam non aquâ sed mero diluendum duxerunt Christiani; sed distinguere laborantibus sacra ossa, è cælo FRUCTVOSVS adfuit, vetuitque terris disjungi, quos cælum junxisset. *Ex Surio.*

Laborare non vis, qui utrùm vivas usque ad senectam nescis: quare differs vocantem te, certus de mercede, incertus de die? vide ne fortè quod ille tibi daturus est promittendo, tu tibi auferas differendo. Aug. serm. 59. de verb. Dom.

S. MENRADUS MART. 21. Januarii.

FUIT MENRADVS Suevici sanguinis Comes. Tirocinium melioris militiæ in Asceterio (Augiam Divitem dixere) posuit. Mox ex tirone miles, ex milite Dux castra in Eremum movit, semper inclytus victoriis ab otco reportatis; qui tam densâ quandoque acie casam oppugnavit militis nostri, ut suam diei cum sole lucem eriperet: sed solvit oppugnationem unicus bonus genius Custos MENRADO datus, qui cùm alias sæpè, tum precanti imprimis visendus adfuit. Ita vitam solam agenti in annum XXVI. latrones gemini supervene-

C

pervene-

pervenerunt, quos ipse, quamvis cogitati facinoris minimè ignarus, benignè & accepit & habuit. At illi secundum sacrificium & preces, hospitem suum necant ingratiissimi, & ponè caput cereum, uti vivus petierat, statuunt. Is suapte vi accensus, & jam decrescens, cum stipulas lectuli comprehendisset, veritus sacrum caput attingere, sponte iterum extinctus memoratur. Corvi interim & ipsi gemini, ac diu è manu Divi diarium accipere soliti, pulchrè se & Patronum suum vindicarunt. Alas quippe, & ungues intentando in oculos, & voce, quā poterant, parricidas clamitando, tandem prædones sunt insecuti, quoad in vincula tandem coniecti sunt, post paulum iterum pœnas corvis daturi. *Ex Surio.*

Si quando animus tuus accepta injuriæ dolore exarserit, fac tibi Christus Christiq; vulnera in mentem veniant, quantulaq; pars hac sit eorum, quæ Dominus tuus perpeffus est; hac ratione animi dolorem velut aspersâ aquâ extinxeris. Greg. Naz. in sen.

S. A G N E S V.

21. Ianuarii.

A G N E S è primâ Romæ nobilitate vix dum annos nata tredecim, candidum pudoris florem sanguinis sui purpurâ pinxit. Nam Agno dudum nupta dum oblatum à filio Urbis Præfecti thalamū longè repudiat, vestibus spoliata in lustrum abripitur; sed mox ab Angelo bono, divinâ luce contra impuros armatur, & veste de cælo data ornatur. Irrumpentem exinde, de quo dixeramus, CHRISTI rivalem, ideoque à malo dæmone suffocatum vitâ iterum donat, & tamen ab Aspasio flammis addicitur, sed quas ad preces virginis cælestis ros illicò extinxit. Gladio denique trajicitur

nova

22. Jan.

VITÆ SANCTORVM.

51

nova urbis Romæ, sed virgo, sed non latro, Lucretia. Porro dum Emerentiana virgo ad AGNETIS rumulum precatur, lapidibus obruta suoque illustrata sanguine (nam fonte sacro non erat) à parentibus AGNETIS prope filiam conditur; quibus non multò post inter candidatum virginum agmen AGNES cum AGNO sponso suo visendam se dedit vetuitque deinceps mœrere, & tam felicem thalamum, quem optimè nupta inscendisset, lacrimis aspergere. *Ex S. Ambr. & Erev. Rom.*

Prospiciant sancti Angeli tui certaminis exitum, coronas gemmis coruscantes tenentes in manibus, ut illas perseveranti largiantur. Pudeat te, oro, pudeat in conspectu celestis senatus & Imperatoris æterni segniter dimicare. B. Justinian. in fascic. amoris.

S. ANASTASIUS MART. 22. Januarii.

O Pima spolia abstulisse in Persiam se Cōsrhoas putavit, cum Crucem S. abstulit, sed nimirum quæ Persiam spoliarent. Sanè multorum fides nostra in animum, simul Crux in oculos venit, interque eos ANASTASII celebris magi filii, qui cum de Cruce Crucisque anathemate multa curiosè quæreret, jam tum gestiebat magna pati pro maxima patiente Christo. Itaq; sanctissimus transfuga Jerosolymæ Christianum, mox monachum induit; nullâ re sic delectatus, uti res fortiter à Divis gestas legendo, martyribus præsertim, quibus ille tot palmas tyro invidebat, & interea cum sanguinem nondum posset, lacrimas ubertim fundebat. Ut primum ergo in privato pulvere exercuit sese, prodiit in aciem ultrò hostem lacerans. Egitur ad latomias damnatus saxa tulit, dein verbera. at ille supinus membra etiam nuda lubens pul-

sanda præbuit, modò vestibus sanctis parcerent. Tanti ille jam tunc fecit cucullum, quem heri natus ridet hodie hæreticus. Cæterum collum pedemque communibus cum nescio quo scelerato vinculis ligatus dies noctesque velut Hilaria inter cantus solennes traduxit, ut jam ad se Cælites etiam raperet pontificali majestate & insolito splendore insignes, quos inter visus est unus aliquis odoribus (ah! qualibus?) Martyrem venerari. Igitur post altera virgarum clavaeque verbera, post tibias fractas aliaque supplicia, tandem cum XL. sociis Martyrum torque, laqueo, est donatus. *Ex Suario.*

Non interrogas ô homo ea, quæ pateris, sed quæ Christus passus est; quanti te fecit ex his, quæ pro te factus est, agnosce. Quantiò enim minorem se exhibuit in humanitate, tanto majorem exhibuit in bonitate: & quantiò pro me vilior, tanto mihi charior est. S. Bern. serm. I. de Epiph.

S. CLEMENS E. M. 23. Januarii.

Triumphavit CLEMENS Præsul Ancyranus sub annum CCC.III. quando sub sacrificium (ad quod aliàs Cælites illi panem & vinum ministrarunt) ferro cecidit. Rarò tam splendidè in cælo est triumphatum. Liçtores labore fessi victique innumeri præcessère. Acti ante currum tyranni, Domitianus, Diocletianus, Maximianus, aliique non unâ pugnâ devicti. Præferebantur virgarum, flagrorum, funium, catenarum, fustium, taurearum, securium, saxorum benè magnus numerus. Hinc culei, equuleique & obelisci sequebantur. Inde è ferro manus, galeæ, styli, subulæ, ungulæ, laminæ, pectines, rotæ, grabati, fornaces, omnia à flammis ignea.

ignea. Ostendebantur adhæc picis, olei, sulphuris liquati & vivæ calcis vis ingens, major minarum tyrannicarum, multò maxima blanditiarū, opum-que frustrà promissarum. Visebantur ergastulorum carcerumque simulachra. Ipsum mare captivum ducebatur, & præter alias devictas urbes Ancyra, Nicomedia, ipsa adeò Roma gerebatur, & triumphata triumphos suos erubescibat. Currum leones (pedes etiam triumphantis lambere edocti) trahebant. Hunc secuta innumera turba est pileata, omnes è Deorum servitute in Christianam libertatem CLEMENTIS virtute afferti. Tot cæli cives servati totidem Servatori suo coronas porrigebant. addidit cælum triumphalem, Angeli plausum, & carmina. Nos ignavi triumphos laudamus, & pugnas horremus. *Ex Surio.*

Quisquis gaudes fortiter egisse Martyres Christi, corripe & ipse arma inter milites Christi. desunt exterius hostes? verte arma in te, & multos seditiosos invenies cives. Doma superbiam, jugula invidiam, extingue libidinem, crucifige carnem tuam cum vitiis & concupiscentiis. B. Pet. Damian. serm. 31.

S. JOANNES ELEEMOS. 23. Januarii.

CUM annum ageret XV. JOANNES, misericordia divina manifestâ in luce sponsam se ei obtulit. Annuit continuò. Et ratum conjugium Superi habuerunt, dotemque addiderunt, tam opulentam, ut semper deinde haberet, quod in egenos effunderet. Archiepiscopus jam Alexandrinus lustrum egit clientum suorum, hoc est, pauperum, numeravitque septies mille & quinquaginta, quibus omnibus deinceps in singulos dies victum subministravit. Sed nec ulli alii piam

manum unquam subduxit, ut meritò id certaminis cum DEO suscepisse sit visus, plùsne hic dare, an reddere ille posset. Munificentiam vel ex eo vide, quòd ultimum ægrotanti unicus super-teruncius fuerit vix naulum morituro. Ipse in testamenti sui tabulis reperisse ingenuè se fatetur in ærario auri pondo octies mille, & hæc decies millies, & amplius aucta dilapidasse se in pauperes gloriatur. Anno igitur D.XCII. è corporis ergastulo in palatium abiit, quod piæ ipsius munificentiae structū in cælo Troilus vidit, & verò invidit postea, cum tam bonæ prodigalitatis æmulus est factus. Venienti obviam JOANNI sua è cælo Sponsa processit cælestis aulae cubiculario comitata, manuque peramanter prehensum ad DEI conspectum deduxit. Ipse JOANNES nec mortuus sibi dissimilis, oleo, quod è tumulo suo dedit, in miseros mittis esse perrexit. *Ex Surio.*

Nihil aliud, qui conversaris in saeculo, exigit à te Deus, quàm ut mandata illius custodias, proximum diligas, & pauperibus alimoniam praebeas: Eroga igitur inopiam patientibus, quod tibi prestitum est, ut in celo recondas thesauros impretables. B. Laur. Justin. de complanct. Christ. perfect.

S. ILDEPHONSUS EP. 23. Ianuarii.

DEbemus hoc sidus (ILDEPHONSVM) Hispaniæ, in quâ ortum ad nos usque (uti ferè solet virtus) radios transmisit. Juventam egit in Musarum familiaritate, quibus propitiis magnam eloquentiæ laudem sibi comparavit. Ab his in adyta sanctioris sapientiæ se penetravit, sustinuitque inter monachos repuerascere grandis discipulus. Ab his ad insulam Toletanam abstrahitur, tam orbis quàm

quàm cæli amor. Et hem tibi ejus rei unum alterumve testimonium. Precanti Angeli tumbam S. Leocadiæ recluserunt, & Diva ipsa flammeum suum obtulit; unde ille abscissam partem unà cum Regis Receswindi cultro, & ipso tam sancti velaminis tactu jam sancto, argento inclusit. VIRGINEM MATREM principe semper studio coluit, ejusque SS. integritatem insigni volumine contra hæreticos edito propugnatum ivit. Nec gratis. ASSUMPTÆ siquidem in cælos die, cum supplicabundus cum suis templo proximus jam esset, Cælitum manus fores pandit, & virgines inter VIRGO MAXIMA in sede Pontificali conspicua, eidem vestem mirifici candoris donavit. Ea hodieque religiosè asservata docet, quo filios suos Magna Mater uti vestis, aut certè animi colore cuperet. *Ex Surio.*

Talis fuit Maria, ut unius vita omnium disciplina sit; Si igitur autor non displicet, opus probemus; ut quicumque sibi ejus exoptat præmium, imitetur exemplum.
S. Amb. de Virg.

S. BABYLAS EP. M. 24. Januarii.

EUm ego triumphum laudo Divorum, quem non soli ducunt in cælum, sed cui comes servata juvenus ambulat. Talem hodie BABYLAS duxit. Fortè templo se Antiochiæ inferre Decius properabat; cum adventanti BABYLAS Antistes se objecit, & pro eâ, quâ erat Christianâ libertate, cani tyranno aditum interclusit. Hic in rabiem versus, templum ferro flammisque excindi, BABYLAM jubet in carcerem abripi. Ecce autem nobilissimam vinculorum magistri appendicem ter geminos adolescentulos (URBANVM, PRILIDIA-

NVM & EPPOLLONIUM dixere) lectissimos flosculos, & quos mellitissimis verbis pridem sibi magister BABYLAS conciliârat. Poterant hi in ruborem etiam Spartam dare, tam forti animo vel alapas devorabant, vel plagas concoquebant, quæ cum pro numero annorum singulis ingererentur, doluere scilicet, non Pyliam sibi ætatem esse. Stabat inter hæc egregius Doctor, oculosque discipulorum virtute pascebat, animisque identidem animos de suis addebat. Quid multis? ferro omnes cæsi, & magister discipulis, discipuli magistro sunt immortui. Tam mordicus, semel virtute magistrorum capta Juventus lateri eorundem hæret. Cæterum BABYLAS vincula nec mortuus dimittere, sed in tumulum asportare voluit, id quod erat, ratus, nullos expeditius ad cælum pedes currere, quam vinctos pro cælo. *Ex Surio.*

Si vis ad perfectionis fastigium provehi, amodo necesse est, in cunctis virtutum studiis exerceri, videlicet dum ætas tua cerea est, dum mores teneri in quamlibet partem valent indifferenter adduci; cum ipsis corporalibus incrementis coæva virtutum exercitia coalescunt. S. Petrus Dam. l. 6. Ep. 26.

CONVERSIO S. PAULI. 25. Ianuarii.

ANnus, qui post CHRISTI ad Superos reditum erat secundus, idem secundissimus SAVLO fuit. Hoc enim ille, personâ feliciter positâ, PAULVM induit, adnitente potissimum apud DEVM D. Stephano, non minus tum in cælis, quam terris olim pro hostibus suis piè sollicito. Ibat SAVLVS minarum plenus, & in vincula ipsam (si Superi finerent) fidem tracturus; cum ecce tibi subita ab alto vis fulgorque audaciam attonito omnem excutit;

cutit, & feroces humi spiritus cum domino suo affligit, simul vox istiusmodi cælo intonat: *Saule, Saule, quid me persequeris?* mox sciscitanti: *Quis es Domine?* responsum redditur: *Ego sum JESVS Nazarenus, quem tu persequeris.* Atque hæc demum vox illam nobilissimam expressit: *Domine quid me vis facere?* Ergo Damascum conferre se jussus, eò a comitibus, & ipsis rerum gestarum miraculo stupentibus abducitur. Ibi triduum apertis oculis cæcus ac jejunos ab Anania demum & oculorum, & quod caput est, fidei donatur lumine. Hoc ille deinceps per omnes provincias circumferens tot gentibus accendit, ut rem mihi attentius consideranti unus quidem hodie cecidisse PAVLVS, cæterum surrexisse cum PAVLO totus orbis videatur. *Ex Act. Apost.*

Sicut modò nemo est, qui reconciliari non possit, ita post paululum nemo, qui possit. Noli ergo contemnere Dei misericordiam, si non sentire vis justitiam. S. Bernard. serm. i. in Epiph. Dom.

S. POPPO CONF. 25. Januarii.

Videtur POPPO ad gloriam paternam bellicasque laudes ab ipso matris utero properasse. Etenim jam tunc latere respuens septimo statim mense in lucem, mox ubi per ætatem licuit, ad bellum prodiit. Pietatem tamen comitem secum traxit, & subinde ad vestigia Christi Jerosolymam, alias Romam ad Principum Apostolorum limina invisit. Redux, dum nuptias easque illustres cogitat, jamque ad has equo properat, cælesti luce se animumque atque adeò hastam etiam suam fulgere animadvertit. Inde omen auspiciūque melioris militiæ capit, & sacramentum apud monachos

chos dicit. Inter tyrocinii tempora cum fletu alios inundari, ipse pumex, videret; saxo è pectore fontem oculis statuit petere. quod factum postea tam abundè, ut pavimenta, & vestes sacrificantis fletu maderent, interque cœnulam plus videretur lacrimarum quàm aquæ bibere. Magnatibus etiam familiaris pacem inter Conradum Imp. & Henricum Regem sanxit. Venenum non semel innoxius bibit, illis morientibus, qui miscuerant. Pastorem à lupo laniatum vitæ, & gregi reddidit: dæmonem ludicrâ alapâ fugavit. Moritur denique cilicio incumbens, terramque matrem prono pectore osculans. Mortuum sex dies odor mirissimus laudavit suavissimusque; tumularunt inter homines visi Angeli, sepulchrum verò ingentia miracula ornarunt. *Ex Surio.*

Ornari abs te Diabolus querit. si Calicem aureum invenisses in terra, donares illum Ecclesiæ Dei: accepisti à Deo ingenium spiritualiter aureum, & ministras inde libidinibus, & in illo Sathana propinas teipsum. S. Aug. Ep. 41.

B. HENRICUS SUSO C. 25. Januarii.

HENRICVS SUSO Constantiæ in D. Dominici familiam adlectus simulque à JESV in adyta amoris inductus, JESV nomen pectori inculpsit ingeniosus cælator. Digitales erant literæ, quæq; ad cordis motum, & ipsæ movebantur, ut cum hoc dudum conspirasse, idemque utrobique agi scires. Interea inter dolores deficientem alterum, & è cælo lapsum nomen JESV è cruce auro gemmisque rutilans recreavit. Et cur à Filio Mater abesset? MARIAM salutare ante solem gestiebat, tunc præsertim, cum idè facere Angelos audiisset,
illis

26. Jan. VITÆ SANCTORVM. 59
 illis verbis, *Stella MARIA maris hodie processit ad ortum*: quandoque etiam ad cantus illos socius admissus. Jam Kal. Jan. & Maii, quibus Suevia vel Xeniis vel cantu certat, ille totos dies JESVM & MARIAM sonare, flores Cruci dare, hanc osculis fatigare; ut post tot amores manifestus iterum JESVS HENRICI nomen in AMANDI mutarit, & MARIA (cujus solo nomine in fugam orcū dabat) humana nauseanti cælestem liquorem propinarit. Cæterum (mecum mirare) hucusque in primo gradu virtutis consistere AMANDVM suum Christus docuit, & Seraphinum alatum in cruce suā indutus docuit per adversa non ire, sed volare in cælum. Abhinc scortator, sacrorum fur, impostor, veneficus audiit AMANDVS, ut succumbere potuisset, nisi JESVS & MARIA Angelique colloquiis suis identidem firmassent. His succollantibus in cælos evasit, anno M.CCC.LXV. qui sequi volunt, legant scandantque *Rupes*, quas scripsit. *Ex Ann. Orain. Præd.*

Tristatur aliquis? veniat in cor ejus JESVS, & inde saliat in os, & ecce ad exortum nominis lumen, nubilum omne diffugit, & redit serenum. Labitur quis in crimen, currit ad laqueum mortis, nonne si invocet nomen vite, respirabit ad vitam? S. Bern. serm. 15, Cant.

S. POLYCARPUS EP. M. 26. Januarii.

A Ntistes Smyrnenſibus POLYCARPVS à Divo Joanne Apostolo datus est, eā apud omnes fuisse auctoritate memoratur, ut subinde sperare ausi sint Judæi, Christianos, misſo Christo, POLYCARPVM ſecuturos. Libertate quā Christianā in dicendo fuerit, argumento ſit ejus cum Marcione hæretico congressus, qui cū ad conſpectū ſuum

exhorrescere Divum videret, audaciâ linguam armante, *Nosce nos, ait, amabo.* At POLYCARPVS, vultu ad severitatem composito, id tantum respondit, *Novi equidem primogenitum Sathana.* Cæterum Romæ cum degeret, divinitus de morte suâ edoctus, lictoribus obviam progreditur. Sub pugnæ initium voce è cælo animatur, jamque Christo malè jussus dicere: *Qui*, inquit, malè illi possum dicere, qui ipsos LXXX. annos famulanti sibi mali nil fecit unquam? Ergo ad rogam damnatur. Sed virtutem ipse absolvit ignis, dum tangere veritus structâ velut è flammis porticu ambit innocentem, nec jam lædit, sed tegit, suavissimum interim in adstantes odorem ejaculatus. Ad extremum gladio confossus sanguine ignem extinxit, nobili nimbo, & quem vel suis imbribus cælum præfert. *Ex Surio.*

Quomodo tu hodie in mundo constitutus & cras tribunali Dei presentandus audes blasphemiam proloqui? & non metuis ne fortè ignis de calo descendat & te devoret; tuum os adversus omnipotentem aperis, neque vereris ne terra sub te disrumpatur & te absorbeat? S. Ephrem paræn. 83.

S. JOANNES CHRYSOST. EPISC.

27. Januarii.

CHRYSOSTOMVM laudibus suis pingat alter Chrysostomus; nos umbram damus. Nondum Pontifex Byzantinus erat JOANNES, cum in ejus conspectum se dedit Apostolorum Princeps D. Joanne Evang. comite, & sanctioris potestatis ac magisterii indices claves illi ac librum obtulit. Et verò quid mirum, si hoc Doctore etiamnum orbis gaudeat, qui præceptorem magnum Paulum,

lum, imò eundem cum Paulo magistrum Spiritum S. habuit? Nam hunc obvolitantem capiti suo, dum sacris operaretur, conspexit ipse; illum, dum ad mensam scriberet, assistere distanti similem alii etiam viderunt. Talis itaque JOANNES cum urbe suâ hæreticos, & cum his vitia alia, ac blasphemiam imprimis proscriberet, sanctæ libertatis vindex acerrimus, æqui justiq; unicus amator in odium Augustæ Eudoxiæ incidit: nam JOANNES imperii sui etiam in Reges memor templi aditu gravibus ex causis profanam prohibuerat, & in statuam ejus, quæ propter templum choreis ludisq; non sanctis colebatur, graviter detonuerat; jamque secundum exul in meliorem patriam cælum abiit, ad id à geminis, quos supra memoravimus, Apostolis & D. Mart. Basilisco invitatus. Siluit itaque aureum hoc os anno post reparatam salutem septimo supra quadringentesimum. Ex Surio.

Tene sobriam religiosis virtutibus disciplinam; sit tibi vel oratio assidua, vel lectio; nunc cum Deo loquere, nunc Deus tecum; ille te preceptis suis instruat, ille disponat: quem ille divitem fecerit, nemo pauperem faciet. S. Cypr. Ep. 2. ad Don.

S. JACOBUS POENITENS.

28. Januarii.

HOminis, mi lector, speculum cape & peccantis & pœnitentis, JACOBVM inspice. Hic postquàm Anachoretæ XL. omnino annos DEO militavit, miranda maxima patravit, trophæa de hoste inferno statuit plurima, id ætatis vir à feminâ demum triumphatur, & ab eâ feminâ, in quâ ipsum cacodæmona non horruerat, imò e

quâ victum eiecerat. Huic itaque infelix primò pudorem, mox vitam extorquet. Et verò tertium scelus accumulasset desperabundus, & victum se mundo dedidisset, nisi à tam turpi fugâ sanctissimi viri operâ DEVS retraxisset. Tum enim verò ad se redire JACOBVS, sepulchrum vivus subire, mortem suam vivus deflere in decimū annum usque: cælo interim oculos nunquam attollere, vix semel aut iterum in hebdomade de herbulis vesci, quæ ad ostium conditorii crevissent. Ipse certè Apostolus peccato mortuum dixisset. Sed nunquam pulchrius ille vixit, quàm sic mortuus. Nam suppliciis hic spontaneis placatum Numen disertis verbis ex Episcopis nonnemiini significavit, beatum imbrem, quem tam anxie sed necquicquam postulabant, non nisi ad preces JACOBI concedendum. Atque hoc aliisque ejuscemodi miris cum iterum orbi innotuisset, mori denique defuit annos natus LXXV. habuitque novo more unum idem, & domicilium & sepulchrum. *Ex Surio.*

Cur pudet peccatum tuum dicere, quem non pudet facere? aut cur erubescis Deo confiteri, cujus oculis non potes abscondi? Quòd si pudor tibi est, uni homini & peccatori peccatum tuum exponere, quid facturus es in die judicii, ubi omnibus exposita tua conscientia patebit? S. Bern. in sent.

S. CONSTANTIVS EPISC. M.

29. Januarii.

Nobilissimis parentibus ortus est CONSTANTIVS; opulentam hæreditatem his demortuis aditurus, nisi alios succedere sibi hæredes vivus voluisset; inopes scilicet assem CONSTANTII abstulere. At hic insulam Perusinam paulò post tulit.

Quia

Quia verò geminis cæcis curatis oculos multorum Ethnicorum, M. Antonini ævo, aperuit; post crudeles verberum cruciatus in bulliente ab ignibus balneo plagas scilicet jubetur abluere. Verum sub noctem illuc quoque de cælo lumen affulget, fideique lucem custodibus accendit. Iis auctoribus fugam capit, sed retractus, qui prius aquas, nunc in prunis ignē triumphat. Amissus proinde, sed tertium jam captus atrocissimè cæditur, mollissimè curatur ab Angelis, à tyranno denique capite plectitur. Funus ejus Cælites curarunt, cantuque tamdiu celebrarunt, dum Leucianus divino monitu eam curam in se reciperet. Id dum fit, & duo à fide alieni funus rident, oculos amittunt, dum lugent, recipiunt. Sed & aliis duobus pulsâ oculis nocte lux rediit, ut suum jam omnes in CONSTANTIO solem agnoscerent, qui diem oculis, ut luberet, vel auferret, vel ferret. *Ex Surio.*

Si non vales pro Deo mortem subire, vales tamen vitam Deo placabilem ducere. Magnum quippe est mori pro Christo; sed non est inferius, vivere Christo. Non potes sanguinem fundere, potes temetipsum pœnitentia telo percutere, & in cordis contritione mactare. B. Pet. Dam. serm. 33.

S. ALDEGUNDIS V. 30. Januarii.

ET si Numen amore omnes omnino animas depereat, fatendum tamen est, non rarò etiam illustres ceras apud homines quæsisse. Ita ADELGUNDIEM è regiâ Gallorum stirpe oriundam vox cælo allapsa jussit uni Agno castum thalamum servare; palmâ interim & veste longè nitidissimâ arthæ loco datis. Ad id ipsum cum Angelus etiam Tutelaris palàm visus hortaretur, mater interim
jam

jam telam in sindones nuptiales offerret, eā Neophytos illa vestiit: mox à morte matris, concubiâ nocte, ad suas nuptias in eremum evolavit; castoque flammeo ab Amando Episcopo (quem magno post coruscum splendore cælo inter Cælitres vidit subire) involuta est. Cæterum quo die nova nupta dotem suam, vel in templa vel pauperes dispertivit, etiam has nuptias probaturum Numen aquam bibenti in vinum vertit. Sed illa, ut pulchriorem se sponso suo probaret, multis precibus carcinoma, velut formæ pigmentum, à cælo extorsit. Ultimùm ægra cum e manu D. Petri manna gustasset, nauseavit abhinc omnes humanos cibos. Eò igitur à Cælitibus adventantibus, & inter hos augustissima cæli REGINA deducta est, ubi illis delitiis quotidie frueretur. *Ex Surio & Lippeloo.*

Expergiscere ô homo & dignitatem tuam cognosce naturam; recordare te factum ad Imaginem Dei; utere quomodo utendum est visibilibus creaturis, & quidquid in eis pulchrum & mirabile est, refer ad laudem & gloriam Conditoris. S. Leo serm. 7. de Nat.

S. MARCELLA VIDUA. 31. Ianuarii.

CHorum in Januario claudat mulier, sed quæ virtute vitæque constantiâ certare & invidiam facere viris possit, quamque sanctior Roma profanæ illi unicam contra omnes Heroides possit opponere. MARCELLA est Romani sanguinis, & patricii matrona, eodẽ anno, quo nupta, etiam vidua, exhorruit deinceps tam mortalibus nubere. Nec tamen mater non fuit. Certè filios multos numeravit, quamvis pauperes. In hos prodiga ex auro, & fortunis omnibus unum sibi reliquum annulum

annulum fecit. Domo pedem aut nunquam, aut in templum extulit. Religiosæ vitæ viam suo in sexu princeps præivit Romanis; tam illustre exemplum innumerâ exinde multitudine sequente. Porro precibus assiduè vacabat; vestitu utebatur modesto admodum; còrpus perquàm duriter habebat, tota in divinis commentandis. Irrumpentem, qui Romam obsederat, hostem, imperterrita domo suâ accepit, verberaque ac flagra Spartanâ tulit nobilitate, id unum sollicita, quî virginis Principiæ, quam secum habebat, pudori consuleret. Is ubi extra periculum jam stetit, lubens ac volens imò læta à militibus ad D. Pauli abduci se passa est. Ibi paucos post dies mortem, quam cæteroquin viri etiam horrent, femina risu excepit. *Ex S. Hier.*

Quando te à lectione rerum spiritualium abhorrere videris, admonitionesque spirituales fastidire, tum animam tuam in gravem morbum incidisse noveris. B. Ephrēm t. i. con. de vita spirituali.

F E B R V A R I V S.

S. IGNATIUS EPISC. M.

I. Februarii.

IGNATIVS ex Joannis Apostoli scholâ docilis
 Ioppidò discipulus tam altè in pectus suum de-
 misit JESV amorem, ut hunc unum loqui lingua,
 hunc unum dictare animus sciret, illud unum de-
 nique in deliciis ei veròum esset, *Amor meus cruci-
 fixus est.* Certè quòd hunc ubique præ se ferret,
 gloriosum Theophori nomen reportavit. Illud
 quantum amantis animi robur fuit, cùm sanctè
 audax omnia tormenta, omnes mortes unus uni-
 cus provocare in certamen non dubitavit; cùm ad
 bestias damnatus, laborantibus ex hostili manu
 eripere Præsulem suum Christianis, solus nimi-
 rum ipse intercessit, DEI amore obtestatus, ne ad
 coronâ currenti obsisterent. Et verò prægustasse,
 cùm Romam iret, ferarum rabiem sibi ipsi visus
 est, in X. militibus, qui custodiæ causâ additi, us-
 que adeò hominẽ exuerant, ut familiari joco leo-
 pardos eos vocitârit. Jam caveis emissi leones
 horrendo rugitu theatrum compleverant, & ecce
 IGNATIO piẽ adhuc ludere placuit. Frumentum
 CHRISTI se dictitabat, gestire molaribus bestia-
 rum commoli, quò delicatus panis Superùm men-
 sæ apponeretur. Sed hem majus tibi miraculum!
 Elidunt fauces JESVM suum inclamanti ora cru-
 delia: tacere lingua cogitur *amores* suos; quid ex-
 pectas? frustrà silentium linguæ imperatur, ubi
 cor est eloquens. In hoc siquidem disertis literis
 exaratum repererunt familiare illud linguæ JESV
 nomen;

nomen ; breve quidem tam angusti monumenti, sed longè pulcherrimum Epitaphium. Ex Sur. & Metaphr.

Electuarium habes reconditum in vasculo vocabuli hujus, quod est JESVS, salutiferum certè, quodq; nulli unquam pesti tuæ inveniatur inefficax. Semper tibi in sinu sit, semper in manu; quò tui omnes in JESVM sensus dirigantur & actus. S. Bern. serm. 15. in Cant.

S. EPHREM SYRUS. 1. Februarii.

FORTE fortunâ EPHREM puer in buculam offendit fœtu gravidam. Hanc ubi crebrâ lapidatione confecit, dominum insuper ejus obvium, & perquàm amicè de bove rogitantem convitiis oneratum dimisit. Haud multò pòst cùm eandem viam relegeret, deprehensus à tenebris, mapalibus vicinis successit; noctu cùm lupi gregem diripuissent, pastores damnum furibus adscripserunt, & EPHREMVM velut proditorem vinctum ad Præto-rem abduxerunt. Hic ille inter longam carceris mortem cùm menses aliquot exegisset, à tutelari demùm Angelo, revocatâ in memoriam buculâ, edoctus est, errare quidē hominū subsellia posse, sed non Dei etiam tribunal; ut quod de vero crimine justissimas quandoque sub alienæ culpæ nomine pœnas exigat. Itaque cùm exiturū se mundo vovisset, si carcere liceret, paulò pòst voti damnatus in eremum contendit; illic cùm pro- triti pudoris femina insidias castitati ejus tenderet, & innocentem animum ad infanda pelliceret; EPHREM piè callidus non difficilem se fore adsimulavit, si in frequenti foro facinus patrare animus ei esset. Erubuit quamvis impudens prostibulum, & an, inquit, in oculis omnium peccare

non

non vereberis ? Tum enimverò ille ; & tu adeò frontem exues, & ubi ubi fueris, illum omnia videntem cæli *Oculum* non exhorresces ? Audivit, resipuit, & oculum DEI deinceps semper in oculis suis mulier habuit. Utinam cum illâ nos etiam ! minus anguli peccarent. *Ex Metaph. & Baron.*

Si Deus tecum non est per gratiam, adest per vindictam : sed va tibi si ita tecum est ; Imò va tibi , si ita tecum non est ; illi namq; irascitur Deus, quem peccantem non flagellat : nam quem flagellando non emendat, in futuro damnat. S. Bern. in medit. c. 6.

S. BRIGITTA V. 1. Februarii.

V Num sed maximum miraculum BRIGITTÆ tota vita fuit. Omnia cum in miseros erogaret, nihil tamen ex omnibus desiderabat. Sed neque post furta quidquam decedere visum est de grege, quem pascebat ; imò huic aper ferus accedere, & innoxius inter armenta agere. Vulpes quoque feritatem ponere iussit, ut eandem Rex poneret, qui homini, quòd aulæ delicias vulpem alteram imprudens occidisset, necem parabat. Jam aqua in cervisiam, lapis in salem versa, pauperum subsidio. Porro oculos procorum ut virgo effugeret, id lacrimis à Deo impetravit, ut oculi fœdum effluerent. Sed sic Christi oculis illa placuit, in cujus manum cum inter velatas virgines conveniret ad Aram, Ara, quòd florem BRIGITTÆ laudaret, frondere visa, oculisq; decor suus redire. Sed & aliis oculos restituit. Ex his virgini ita volenti cæcitatem denuò exoravit ; cum supplicium hæc crederet non videnda videre, diceretque tunc etiam cum videret, nihil se in toto orbe vidisse. Felicius linguam aliis solvit. Ita mutam ad eum diem

diem usque virgunculam manu molliter prehen-
sam tam diu rogavit, num Christo nubere vellet;
dum velle se respondit, rectissimè primùm linguâ
usa. Cùm deinde femina infamis infantē edidisset,
parentem Episcopum Broonem mentita; linguam
crucis signo à BRIGITTA signatam in patrocinium
ipse infans solvit, & contra matrem testimonium
dixit. Tacebimus igitur nos. BRIGITTAM rectius
hic infans laudabit. *Ex Sur. & Lippeloo.*

*Ira vincitur lenitate; mansuetudine extinguitur fu-
ror; malitia bonitate palpatur; crudelitas pietate pro-
sternitur; impatientia patientiâ punitur; contentio su-
peratur injuriis; superbiam humilitas sternit: qui ergo
vult vitia vincere, pietatis arma teneat, non furoris.
S. Pet. Chrysol. serm. 38.*

PURIFICATIO B. M. V. 2. Februarii.

IBat dies à partu VIRGINEO quadragessimus, pri-
mus quo terra dignum aliquando cælo donum
offerret. Gestabat hoc præ pectore Virgo nuper,
nunc geminâ felicitate Mater Virgo: latus Jose-
phus claudebat, virgo virginis virginem gestantis
comes. Gerebat illa munus in sinu, iste in oculis;
arridebat euntibus cælum, & spectatores cives
suos plenis agminibus effuderat; exiliebat lætitiâ
tellus, & ad singula pedum vestigia singula fun-
dere lilia gestiebat: cùm interim jam Hierosoly-
mam, jam templum pompa ingreditur, & obvius
adeft felix ille longâ ætate senex, felicior aspectu
Servatoris futurus, felicissimè in vitæ amplexu
vitam positurus. Ergo in genua procumbit Virgo
purissima, donumque cælo dicat, quo nec terra
dare, nec cælum expetere majus poterat. Quid hîc
dicam? parce nimium Mater prodiga. Poteras
charum

charum pignus à pectore avellere? poteras alienis manibus unicum Filium concedere? & talem Filium? & tu, ô Puer JESV suavissime, poteras abire sinu tam dulci? poteras aliis ulnis quàm Matris in ulnis delitescere? Ite nunc parentes avari, qui Deo negatis prolem, orco datis: ite molles filii, qui pluris avocantẽ patrem, quàm DEVM vocantem, pluris unam matris lacrimam, quàm omnem JESV sanguinem facitis ingrati. Ite & utrique ætatis florem discite non mundo, sed templis, sed aris, sed Deo dicare, *Ex Histor. Evangel.*

Mariam, ô fidelis anima imitare; ut enim spiritaliter purificeris, & à delictorum valeas emundari contagiis, in templum cordis tui ingredi, & Deo per orationis studium ac contemplationis otium vacare contende. S. Laur. Just. serm. de Purific.

S. BLASIUS EP. ET M. 3. Februarii.

BLASIUS Sebastenus Episcopus in montem Argæum secessit, inde velut ex speculâ gregi suo advigilaturus; ubi feras ad omne genus officii obsequentes habuit; fuitque tam sedulæ servitutis stipendium benè precari statò tempore confluentibus. Subinde cum indagine mons cingeretur, nobile venationis auctarium BLASIUS accessit. Dum ad quæstionem rapitur, non paucis salutem attulit, inter quos filium memorant unicum unicè matri suæ dilectum, cui de pisce spina fauces obsidens loquelam jam eripuerat, vitam etiam ereptura, nisi prior eam è gutture BLASIUS rapuisset. Atque hoc est, quod à majoribus edocti simili in periculo similem Divi opem hodieque imploramus. Cæterum ab hominibus ad feras, non à feris ad homines diceres migrasse, ita barbarè ab Agricola

colao sudibus secundum acceptus est. Ejus sanguinem cum septem matronæ legissent, ipsæ quoque verberibus laceratæ, in candidissimæ innocentiae testimonium non nisi lac per vulnera egerunt, quod tamen ipsum mox capite truncatæ pulchrè sanguine miscuerunt. At BLASIVS undis, quibus mergendus erat, ancillantibus usus, lacum primò non aliter ac pontem perambulavit, dein velut fessus molliter in medio aquarum confedit; haustis interim vortice LXVIII. viris, qui Deorum suorum fiducia idem agere tentarant. Tandem cum geminis unius ex septem, de quibus dixeramus, matronæ filiolis, lictori cervicem præbuit. Quibus è vulneribus plus gloriæ quàm sanguinis manavit. *Ex Surio.*

Sine ferro Martyr esse poteris, si patientiâ in animo veraciter conservaveris: Non pacificus consortium non merebitur Angelorum; Lividus & iracundus erit particeps Demoniorum. S. Bern. de Mod. bene viv. c. 40.

S. REMBERTUS EP. 4. Februarii.

Tantum REMBERTVS apud Deum poterat, ut Sacerdos piacularibus flammis addictus eum patronum expeteret: ut minùs mirère, si quod in infernos ignes habuit imperium; Antistes Bremensis factus in eorum etiam inquilinum malum genium exercuit. Insederat hic Carolum Crassum postea Imperatorem, universoque regno & Ludovico patri luctuosum dederat spectaculum. Frustrà per Divorum tumulos circumducebatur, frustrà carmina devotoria adhibita, donec REMBERTVS larvis filium, & patrem solitudine liberavit. Carolus memor bello nuper patrem se petiisse, fassus ingenuè est, non tunc primum se diris

diris esse agitatū , sed quoties infestandi patris consilia cepisset ; ut intelligant , qui in parentes insurgunt, quo consiliario rem gerant, quin imò jam animos orcino hospite possideri, quibus amor in parentes est pulsus. Cæterum REMBERTVM patrem pauperes suum jam dudum vocabant , ut qui in eorum usum loculos semper circumferret. Certè in captivos non suos modò , sed etiam sacros thesauros dilapidavit, præclaram mercaturam existimans, auro animas emere. Victoriā contra Nortmannos precibus suis alter Moses impetravit, fuitque deinceps locus ille, in quo oraverat, semper cespite virenti lætus : puto ne unquam civibus obsidione liberatis deesset, unde coronam sospitatori suo necterent. *Ex Surio.*

Avelle à Sole Solis radium, & non lucet ; membrum à corpore, & putrescit : separa filium à devotione paterna, & jam non est filius, sed frater & collegā illorum, de quibus dicitur: Vos ex patre diabolo estis. S. Pet. Chrysol. in serm.

S. THEOPHILUS CONF. 4. Februarii.

O Semper insidiosa demissis animis ambitio ! THEOPHILVS ille, qui infulam ultrò oblatam ultrò rejecerat, mox officio œconomi ab æmulis se dejici usque adeò indignatus est, ut excire in auxilium orcum non vereretur. Ergo ad magum, cum hoc ad juratum humani generis hostem curritur : Deum Dei que Matrem ejurare non titubat lingua impudens, non erubescit scripto firmare calamus impius, sustinet obsignare fœdus infandum gemma perfida: verbo, JESV ac Mariæ nuper liber-
tus, dæmonis abit mancipium. Sed sequitur & nocentem conscientia flagellat; quin honori jam suo restitu-

restitutum acrius etiam torquet. Quid faceret? quò fugeret impius transfuga? ad magnæ Matris ubera, per quæ Filium sauciârat? ad vulnera Filii, per quæ Matrem impetierat? & tamen ad Matrem ausus est confugere; memor semper Matrem faciliùs flecti, quàm judicem. Itaque ad Marianæ ædis limina quadraginta ipsos dies noctesque perstare, sed longè magis ipsam cæli portam Virginem ambire: hanc lacrimis mollire, hanc gemitibus pulsare, hanc jejuniis denique frangere. Cedit itaque vim facienti facilis aliàs janua. Admittitur per Matrem ad Filii gratiam THEOPHILVS, extortosque infames hosti codicillos aufert. Hos ubi palam igni dedit, post triduanam febriculam per notam sibi, & jam apertam portam cælum ingreditur. Agnoscite felicitatē vestram in THEOPHILO Mariophili. Sit omnibus aliis angusta cæli porta, certè vos laxam amplamque habetis. *Ex Surio.*

Maria peccatorem à desperationis barathro piâ manu retrahit, spei medicamen aspirat, fovet, non despicit, quousque horrendo Iudici miserum reconciliet. Famosum hujus benignitatis testimonium est Theophilus per Mariam restauratus gratia. S. Bern. in deprec. ad Mariam.

S. CHRISTIANUS CONF. 4. Februarii.

Nulli minùs sapiunt, quàm qui maximè, cùm intercà Superi iis ferè colludant, qui sanctam simplicitatē præ se ferunt. Ad testem CHRISTIANVM provoco. Is cùm adolescens noctu non sat modestè tectus ædes perambulare, insultantem nudo tergo sub mulieris larvâ orcū tulit, onusque improbum totam noctem circumtulit. Sacris initiatus Comitibus natum sub exuviis ursi terrorem

D

sibi

Sibi injicientem cultro tantum non jugulavit, mox errore intellecto persanavit. Ad ejus preces cum defunctus è feretro resurgeret, inter fugientium ab eo spectaculo turbam ipsum quoque vidisses. Fluvium cum trajicere non posset, in alteram ripam D. Magdalena unà cum equo transportavit. Eadem facienti adfuit, hominumque absentiam satis unica pensavit. Jam inter monachos mori sibi visus, & manibus Mariæ ac Friderici Cæs. tumulari, flammæ habuit arbitrari piaculares, Genios item bonos malosque, hos corvi exuviis horridos, illos cygnæis (aut quascunque alias demum miramur & amamus) pennis superbos. Porro sacrificaturo mensam & vestes Cælitæ ministrarunt. Cantantibus benedicere vidit ab alto Dei manum. Jam ad ægrum septem continuos dies Christus Christi que Mater (utique optimi medici) inviserunt. Cum morituro verò horas precarias iidem visi percurrere, & quidem cucullum etiam ipsi induti. Superi! vos comœdias & risum nobis datis mortalibus. Nos scilicet tragœdias & lacrimas reddimus. *Ex Caesar. l. 7. c. 16.*

Quia Christi nomine vocatus es Christianus, pendendum tibi est, ut actu tuo nomen hoc sanctificetur & honoretur in te: quia sicut virtutum fama nominis tanti resplendet ad gloriam, ita malè conversantis infamia ad ejusdem nominis redundat injuriam. S. Pet. Chryl. serm. 69.

S. AGATHA V. M. 5. Februarii.

ANno CC. LIV. AGATHA Catanam ad Quintianum Prætorem abducitur. Deperibat hic Christi sponsam. Quare eam Aphrodisiæ lenæ commendat; facile ratus fidei castrum evertere, ubi

5. Feb.

VITA SANCTORVM.

78

ubi prodita pudoris arx conflagraſſet. Ambulavit illa per omnes fraudes; ſed cæcam ad munera, ſurdam ad blanditias & minas invenit. Itaque Prætor amorem vertit in odium, martyriq̃ue ubera auferri imperat. Tulit facilè eam jaçturam virgo, gnata Eccleſiæ ſobolem non tam lacte matrum, quàm ſanguine martyrum ali: ſed nec uberibus diu caruit, medicinam D. Petro faciente. Quintianus, ex amatore jam carnifex, dum nudam in teſtatum fragminibus pruniſq̃; volutari mandat, ecce mota inſolitè terra, cùm duos ſupplicii auctores oppreſſiſſet, populum etiam ita commovit, ut re ad ſeditionem ſpectante, ad carcerem virgo reduceretur. Ibi inter vota animã in ſinum ac amplexus Sponſi ſui expiravit. Tumulum ſepultæ Cælites marmore ornarunt cum hâc epigraphe: *Mentem ſanctam, ſpontaneum honorem Deo, & patriæ liberationem.* Quintianus dum Panormum fortunas virginis direpturus trajicit, equorum calcibus in undas exturbatur, libidinis & avaritiæ ſitim poſiturus. Ajunt corpus ejus nunquam repertum ſepulchro caruiſſe. Nimirum, ut caſtitas ab Angelis, ita impuritas ne ab homine quidem meretur tumulari. *Ex Surio.*

Chriſti exemplo vivendum eſt tibi, ô pudicitia amator, ſi Sanctorũ cupis habere conſortium. Ab immunditia & turpitudinis cogitatione pectus emunda, quoniam nullos niſi ſanctos & juſtos, ſimplices & continentes caeleſtis aula ſuſcipiet. S. Laur. Juſtin. Ligno Vitæ cap. 3.

BB. XXVI. JAPONES MM.

5. Februarii.

Nullam Oriens tam nobile, quàm Martyrum mittit purpuram. Eam anno M. D. XCVII.

D 2

ſanguine

sanguine suo Japones tinxerunt. VI. erant supra XX. qui Meaci auriculâ mulctati, Nangasaci in crucem acti ac lanceis sunt confossi. Erant inter hos sex è D. Francisci, tres è S. Ignatii familiâ; quorum constantiam ex discipulis, iisq̃ue pueris disce. Tres erant Sacerdotum nuper ad aram ministri, nunc ad crucem socii, ipsi mox futuri Sacerdotes & victimæ. Ex his LVDOVICVS annorum XI. & emittendus è vinculis, si fidem fecisset missam, respondit, nolle se stultum mercatorem agere, & momentum immortalitate mutare; in loco supplicii suam sibi crucē monstrari voluit, ad eamq̃ue velut ad cupedias cursu contendit. Cælo denique in cruce jam prior, oculis totoq̃ue corpore gestiente, illuc videbatur evolaturus, nisi vincula prohibuissent. Geminus huic ANTONIVS cantu invitavit ad mortem socios, & Davidis verba (*Laudate pueri Dominum*) melior cygnus insonuit. Idem omnium fuit ad cruces currentium certamen, eadem è crucis cathedrâ conciones, una morientium vox Jesum ac Mariam inclamantium, quæ cum à Christianis astantibus redderetur, non potuit jucundior Dei auribus Echo accidere. Victoribus URBANVS VIII. Pontifex triumphum decrevit, & Beatos pronunciavit. Ex Ioann. Hayo.

An non meritò coronabitur, qui sic certaverit, mundum abiciens promittentem, irridens inimicum tentantem, & quod gloriosius est, de semetipso triumphans, & crucifigens concupiscentiam pruriensem? S. Bernard. serm. I. de Omn. SS.

S. BER-

S. BERTULPHUS CONF.

5. Februarii.

DIVO BERTVLPHO vitam dedit Germania, Gal-
lia fidem sanam. Hâc & iuventæ omnibus or-
namentis cultissimus adolescens facilè in Comitis
VVamberti amicitiam, tum deinde familiam, de-
rumpens filium est coopatus. Mox cum omnia
administraret, quò rem familiarem auge-
ret, non pauca iis, qui cum fœnore olim redde-
rent, pretiis dedit. Et profectò quò plura in hos
conculchata foris, hoc amplius domi opes cresce-
bant. Sequens Herum Comitem piissimum late-
bat, cuius aures hujus obfidebant obtrecta-
tiones. Quòd iam hodie in aulis, quidquid acce-
dere possit, vident, sibi putant decedere.
Iamque facit progredire ad Nummularios suos
vanè quærit, & operabat vino & pane oneratus,
Et fortè dicit Herus quid rerû gerat? Aquam,
Puerus ait, hinc veni. Superis piam fraudem ju-
xerat, & pallio revolutò aquam monstrat &
ha. Al. Item effento virtutem BERTVLPHI
Romæ, quò religionis causâ cum
reducem Comitem exceperat,
numb. fatigatis à viâ quies esset, ipse
egetat, custos id noctis futurus.
Veniens cum gentes cælo imbres ruerent, missus
domum revocaret puer primò,
deinde VVambertus evocatus ad miraculum
spectavit, miræ magnitudinis aquilam supra ca-
pue BERTVLPHI pendere, & aquas arcere, ponè
verò à cælo luculentam facem ministrari, ad
quam otiosus ille scilicet librum nescio quem

D 3

legebat.

hæc alas addiderunt GELASIO parvulo , ut ad Christum curreret, non jam nescius in sinum parentis se currere. Nunc cur aliò festinare cernimus pueritiam ? An fortè Christus non clamat ? ah ! ecce hodie iterum clamat. Sed non audit pueritia. Aures Ulysses mundus obturavit. *Ex Ferrar.*

Intellige esse tibi genus è calo, cujus pater habetur in calo ; Age ut sanctè vivendo sancto respondeas patri. Dei Filiū ille se probat, qui vitiis non obscuratur humanis, qui divinis virtutibus elucescit. S. Pet. Chrys. l. 68.

S. DOROTHEA V. M. 6. Februarii.

DOROTHEA Cæsareæ pro Christo captiva captivos in triumphum Cupidinem & Tyrannum duxit. Expugnanda enim binis sororibus tradita, quæ datam Deo fidem prodiderant , tam fortiter decertavit, ut ambas ab impiis castris ad antiquam fidei stationē redire compulerit : atque hæ quidē proditionis crimen sanguine eluerunt ; ipsa verò victorias victoriis perrexit necere, cruentas illas quidem, sed gloriæ plenas , ut quæ sciret nullam tam sponso Christo placere virginē, quàm quæ suā, non alienā ruberet purpurā. Itaque cum faces lateri admoverentur, has illa nuptiales rēdas credere ; cum ad gladium citaretur, velut ad thalamum properare ; inter lictores quasi paranymphe obambulare ; ad supplicii denique locum , ut ad melioris cæli hortos ridere. Irrisit tam innocentem risum Theophilus quispiam, & è sponsi viridariis aut rosam sibi vernam, aut aurum munus pomum virginem poposcit. Promisit utrumque DOROTHEA, fidemque vix ingressa Elysios campos extemplò liberavit. Adest lectissimus cælo Ephebus , & promissum Theophilo

eodem in calathō ver & autumnum offert. Miratur ille in hyeme rosas non flaccidas, miratur poma non marcida, miratur certantem cum munere suo muneris bajulum, & jam non contentus vidisse horti munera, ad ipsos hortos Christianus per omnia tormenta penetrare contendit, quæ quidem ille, ut spinas generosè calcavit, dum animo volveret, quales rosas quæreret. *Ex Surio.*

Quid istud negligentia, quid pigritia, imò quid vœcordia est, ut non crebris suspiriis & ferventissimâ affectione abrumpere hinc, & in illa tam felicia agmina jaculari animos studeamus? S. Bern. serm. 5. de om. SS.

S. AMANDUS EPISC. 6. Februarii.

Quid juvenus, quid ætas virilis facis? Mundum & cum mundo patrem AMANDVS puer vicit, & cum Religioso negaturum se ille hæreditatem minaretur, amplam sibi hæreditatem superpetere in cælo respondit; caveret ipse parens, ne hæc excideret. Romam deinde ad D. Petri supplex ivit. Hunc ibi in somnis vidit, & auctorem habuit Galliæ repetendæ. Sed & in puppi eundẽ tēpestate jactatus patronum conspexit. Jam Trajectensi insulâ condecoratus cum reo, cui laqueo gula frangenda erat, servare precando apud immitem judicem non posset vitam, ablatam certè precando apud Deum restituere potuit. Regis Dagoberti filium (Sigebertus fuit) cum fonti lustrico admo-veret, precibusque Divi nemo verbum solemne Amen subjiceret, id ipse infans XL. tunc dies natus subjecit, unico verbo, & in AMANDI, & suas laudes facundus. Non nemo quòd famam AMANDI lacerasset, carnificem dæmonem sensit, suisque manibus laceratus oppetiit. Alii qui mortẽ Divo machina-

machinabantur, oculis amissis facinus suum, & cum hoc, post preces illius, diem iterum viderunt. Feminæ quoque lucem restituit, cum primum arborem illa aggressa est excindere, quam divinis antè honoribus (cæca utique) coluerat. Mortuum Aldegundis virgo in cælum vidit deduci ab obviâ candidatorum turbâ, audiitque eos hos esse, quos verbis vitæque exemplis prior ipse cælo transmississet. Nimirum hæc denique generosa indoles est, hi digni homine spiritus, nolle solum, sed cum comitatu, & clientelis cælum ingredi. *Ex Milo. Monacho.*

Qui sperat in Deum, ac toto corde in ejus gloriam luminum suorum defigit aspectum, ad insanissimas vanitates consecratos semel Deo non debet oculos retorquere. S. Max. hom. de Circumcis.

S. BRYNOLPHUS EP. 6. Februarii.

NAtales BRYNOLPHVS domi nobiles foris amplius nobilitavit. Lutetiam Parisiorum profectus egit Musas inter ipsos duodeviginti annos, nec invito Apolline. Siquidem hic doctrinam ejus Scarenfi insulâ coronavit. Tantum abest, ut generis splendori officiat Musarû commercium. Quin imò literatæ huic insulæ armatam coronam Rex Magnus Ladelos submisit, quando BRYNOLPHO ad genua supplex palàm descendit, & mensæ adhibuit. Sed quid virtutis testem hominem adduco, cum cælum habeam. Precantem ad tumbarum BRYNOLPHI D. Brigittam suavissimi odores afflarunt. Miranti supervenit cum ipso BRYNOLPHO FILIOQUE MAXIMO MATER MAGNA, & *Hic, (simul oculis digitoque BRYNOLPHVM loquebatur) hic est, dixit, qui me dum vixit, vitâ chariorem*
D S *habuit.*

habuit. Flosculum hunc tu ex odorum reliquiis, quas in terris reliquit, aestima. Et tamen (ad Filium hæc dicebat) gemma hæc tumultu ignobili abdita pulchrius nitere prohibetur. Quin amplius colis, qui tantum te, tantum me coluit? Quid Matri Filius negaret? promisit tunc ossibus sacris eum honorem, quem postea ab altero Episcopo tulerunt. Ego quid hic exclamem? utinam me omnes audiretis MARIA Sodales! O quam pulchrum est digito Virginis monstrari! quam pulchrum dicier: HIC EST! Ex Vice Aquilon. Ioan. Vastov.

Celestis Pater probat muneribus charitatem: Filium se nescit, visceribus caret, naturam negat, ingratus est patri, qui auctorem vitæ suæ non placat obsequiis, non devincit cultu, muneribus non honorat. S. Pet. Chrys. ferm. 10.

S. THEODORUS M. 7. Februarii.

VNâ virtute Christianâ armatus THEODORVS Centurio patriæ terrorem draconem confecit. Et erat hoc pugnis majoribus præcludere: monstrum alterum majusque Licinius Imp. imminabat. Hic sive quòd eam fortitudinem in milite amaret, sive, quòd invideret Christiano, ad se THEODORVM evocavit. Quin, cum hic nuntiasset, si ad se ipse Imp. cum Diis suis accederet, fore ut hos merito honore coleret, non dubitavit Licinius, ut superstitioni virum tantum adderet, iter ad illum instituere. Interea cælum pandi videbatur THEODORO, atque inde prodire, qui telis igneis dormientem configerent. vox quoque ejusmodi allapsa: *Maacte animo Theodore, quando ego tibi adero.* Facile sibi ipse THEODORVS hæc somnia, sine alio augure, explicuit, vocemque cæli
classici

classici instar habuit. Itaque cū manē Deorum signa è suo larario obtulisset Imp. velut adoraturus hæc in adyta abstulit. Ibi ille & Jovis fulmen, & Martis Palladisque hastas, & Veneris faces Cupidinisque arcus omnibus gigantibus fortior solus fregit, & quia aurea erant omnia aut argentea, ridiculos Deos pauperum prædam fecit. Hi cū ulcisci non possent ipsi sese, Licinius & se, & illos ulturus, in crucem agit THEODORVM, ferro transfadigit. Inde puerile agmen sagittis suis scopum geminum, geminum Divi oculū accipit. Sed reddidit hos ocello suo Angelus, & è cruce exsolvit. Mox ad gladium damnatur. Hunc ubi forti jugulo excepit, rude Superi donarunt. *Ex Metaphr.*

Si dignum Dominus pati duxit, pati servum quomodo videtur indignum? Erramus, erramus: qui non facit quod jussit Dominus, gratis sperat, quod Dominus promisit. S. Pet. Chrys. serm. 28.

S. PARTHENIUS EP. 7. Februarii.

PUER PARTHENIVS piscatum exercuit, & lucrum pauperibus cessit. Sed neque piscator desiit esse Sacerdos & Pontifex inauguratus, nisi quòd prædam jam nobiliorem (animos) Deo transcriberet. Porro Stygi jam inde ab anno octavo decimo fuit metuendus. Et profectò vix alius fuit, qui sæpiùs orcum expugnavit; ut quocunque jam pedē suum ferre PARTHENIVM, inde referre suum malum dæmonem cerneret, etiam è sedibus, quas olim & multus infederat. Et fortè eum ex homine nescio quo proscriptum ibat, cū initius aliquantum inferno exilium, porcorum corpora hic rogavit. Plus etiam indulsit PARTHENIVS, &, si hoc modò cederet, hospitium alterum in ho-

mine ostensurum se appromisit. Ille verò in has leges lubens lætusque migravit, fidemque mox pacti fœderis exegit. Hic PARTHENIVS potestatem sui factururus, aperto oris ostio hospitem invitavit. Nec tulit modestiam superbus, abiit potius ad veteres lares patriaque regna, inferos. Jam verò edita vaticinia, excitæ lacrimis pluvix, messis in agro sterili, uvæ in deploratâ jam vineâ, redditu sedibus suis oculi, pulsi morbi, & reducti ad vitam mortui librum non pagellam in libro desiderant. Omnia tamen hæc vel oleo fecit sacro, vel aquâ, vel sale, ex quo si vel micam haberent hæretici, non equidem hæc riderent. *Ex Surio.*

Quando moriuntur virtutes, vivunt vitia: illa militant adversus militem Christi; istæ sunt Sathane cohortes, istæ Diaboli legiones, ista sunt quæ Mundum sepulchris obsederunt, debellarunt populos, vastarunt gentes, orbem duxere captivum. S. Pet. Chrys. serm. 12.

S. MARINA V. 8. Februarii.

Mulierem sub togâ, imò virum sub mulieris simulachro ostendimus. Rectè dixeris, sive MARINAM, sive MARINVM dixeris. Nam MARINÆ quidem nomen parens dedit, cùm nata est, ubi verò ad Asceterium secum abduxit, cùm veste nomen viri indidit, iussitque MARINVM esse, metamorphosin cælo ridente. Patre ergo magistro Asceticen edocta, hoc mortuo, ægerrimè scilicet orco fecit; cùm mulier improba tela virili veste repelleret, & per sanctissimam larvam cæcum puerum Amorem rideret, unica virgo tot inter viros jam tutior quàm inter virginum nuper choros. Nempe ubi vulnere locus non est, invidiæ est. Cùm vitium virgini non posset hostis facere, fecit

fecit famæ. Puella, ad cuius parentes divertere solebat MARINVS, cùm res cœnobii curaret, corrupta à milite parentem hunc mentitur, itaque malum ingens cœnobitis parit. Accusata virago peccasse utique se fatetur, factumque fletu uberi damnat & gemitu. Ergo extra septa sancta ejicitur, & subinde filius etiam adducitur buccæa alendus, quam mendicanti ascetæ ministrabant. Sic jam sub alterâ larvâ spectatorem orbem fallit, dum quinto abhinc anno, cùm verum etiam scelus potuisset eluere, unâ cum filio inter claustra recipitur. Mox moritur MARINVS, & MARINA deprehenditur. Adest mendax puella à malo hospite orco agitata, & scelus ultrò fatetur. Quid faceret hic cælum, post actam bellissimè fabulam, nisi plausum? Ex Herib. Rosweido.

Conscientia bona titulus est Religionis, Templum Salomonis, Ager benedictionis, hortus deliciarum, aureum reclinatorium, gaudium Angelorum, arca Fœderis, thesaurus regis, aula Dei, habitaculum Spiritûs S. liber signatus & clausus, & in die judicii aperiendus.
S. Bern. l. de int. dom.

S. APOLLONIA V. M. 9. Februarii.

NEcdum in flammâs eruperat furor Decianus, Neum anno ab incunabulis Servatoris L. supra CC. Decio prælusit Alexandria nescio cuius hominis insania. Arrogavit ille sibi Vatis nomen, & fictis ad populum criminibus id repentè excitavit incendium, quod non nisi multo Christianorum sanguine extingueretur; quos inter facile princeps fuit APOLLONIA Virgo, quæ invalescente vulgi furore, cùm jam totâ urbe eadem omnium vox audiretur, flammis addicendum, quis

quis Christo non maledixisset, in virtutis scenam protracta est. Et sanè præclarè personam sustinuit Christianam, quippe cui ore citiùs omnes, quibus ætas provecta in eum diem pepercerat, dentes, quàm Christus, evulsi. Quid agitis manus carnicum? fortem esse APOLLONIAM excussi dentes, & fractæ malæ loquuntur; ad majora tormenta provocate, nihil humile tam alta spondent principia. Ecce rogos ingens succenditur, crepant flammæ, furit populus, minantur lictores aut Christum abjice, aut in ignem abjiciere APOLLONIA. Quid hîc illa? paululum apud animum suum, quasi consultans, subsistit; mox bulliente jam sanctiore sub præcordiis igne, non morata tortores, generoso ausu ipsa involat in flammam, è flammis ad cælum evolat. I. nunc Scævola fortissime Romuli nepotum: Manus tuæ miraculū rogos hujus virginis extinxit. *Ex Suario.*

Si quis hoc dictum corde frequentaret, O Domine quando te diligam! citiùs se sentiret experimentaliter inflammari, quàm si de secretissimis celestibus, & æterna generatione, vel processione milies cogitaret. S. Bonavent. in Theol. Myst. Q. ult.

S. ANSBERTUS EPISC. 9. Februarii.

NON vidit splendidiorē gemmā Clotarii regis, quàm ANSBERTVM adolescentem Superis juxtā & hominibus charum. Et verò invidit jam tum Clotario Ephebum Deus, & in suam traducere aulam laboravit. Sed & huic pulchrius regiā cælū arridebat. Quare sponsam, quam habebat nobilissimā, lubens volens, cū ita ipsa etiam vellet, Christo cessit; ipse, rarissimo miraculo, monachus in aulā vixit, & his ipsis, quibus perire
alios

alios videas, ad meliora sanctè abusus est. Certè cum cantus regiam perstreperent, interque modulos dulces dulciores luderent fides, ab his animum ANSBERTVS advertisse ad cælestem musicam perhibetur haud paulò meliorem. Itaque aliis levi pede terram obeuntibus, ipse cælos rectius obibat. Illud credo dices: ergo pietas etiam aulam habitat? Rectè. quòd tamen minùs secura hanc habitet, ANSBERTVS deinceps habitare cœnobium instituit, Abbasque, mox Episcopus Rothomagensis, potius inter mendicabula degere. In eum finem Xenodochia complura ædificavit, mensam ipse stravit, convivis suis conviva assedit, eodem & disco, & cibo usus. Jam ne dubites virtuti hostem aulam esse, à Pipino in exilium est pulsus, & maluit ille revocatus morte patriam prævenire. In defuncti brachio Crux visa est rubere, ipse etiam, cum velum injiceretur, oculos aperuisse, ut jam orbis vivum virtutis exemplar etiam in mortuo haberet. *Sur. & Mol.*

Pias aures Domini ad te flecte; lacrymis & suspiriis pro tuis excessibus illum clementer exora; atque canticis spiritualibus illum glorifica: nihil enim magis supernis civibus spectare libet, nihil regi summo jucundius exhibetur. S. Bern. l. med. c. 6.

S. GUILIELMUS CONF. 10. Februarii.

Ingentia scelera GVILIELMVS pari pœnitentiâ plectere instituit. Conjugio fraternæ conjugis Herodi non impar cœnabat unus, quod octonis in cibum sufficiebat. Ad duella non invitabat sed cogebat obvios, neque jam Ducem se Aquitanix putabat, nisi factionis quoque quæ contra Innoc. Pont. pugnabat, dux esset. Mellea verba Bernardus ingesse-

ingesserat; fel merū retulit. minas addiderat; majores audivit. Ergo secundum divina, Numine manum armatus ad præstolantem pro templi foribus progreditur, & voce plus quàm humanā, *Hoc*, ait, *etiam temnes improbe?* Non erat hoc loqui, sed fulminare. Corruit humi ferox, & qui nulli antehac victas manus dederat, Bernardo dedit, jamq; dum omnis casum populus miratur, unus GVILIELMVS negat se cecidisse, sed stare denique se credit. Mox Anachoretæ consilio nudum corpus & caput lorica & galea abscondit, longè maximum hostem se expugnaturus. Talis ad Innoc. Pont. inde Hierosolymam tendit, ibi antrum lachrimis implet & gemitibus, qui cælo repulsi audirentur. Sub hæc patriam repetens, dum ex itinere castro expugnando operam vult locare, à viâ salutis penè exerrat cæcus. Tamen eadem nocte in viam rediit, recipitque quos iterum lachrimis det oculos. Mox solitudines montesque mutat, & à cacodæmone, qui patrem mentitus frustrâ ad vitam veterem revocabat, verberibus immanibus cæditur. Medicinam tamen fecit VIRGO Magna, ut tanti jam vulnera faceret GVILIELMVS. Ultimò in stabulo Rhodis obiit, felicius utique, quàm in palatiis vixerat. *Ex Surio.*

*Vnde superbit Homo, cujus conceptio culpa,
Nasci pœna, labor vita : necesse mori?*

Cur carnem tuam pretiosis rebus impinguas & adornas, quam post paucos dies vermes devoraturi sunt in sepulchro? animam verò non adornas, quæ Deo ab Angelis præsentanda est in calis? S. Bern. in Medit.

S. AU-

S. AUSTREBERTA VIRG. 10. Februarii.

VNdas puella AVSTREBERTA cū intueretur, sacro flammeo caput suum vidit involvi. Placuit ea forma superbæ; laudavit speculum; imò ab eo tempore nihil, quàm Parthenonem cogitavit. Quare nuptias cū aliter non posset, fugâ elusit, fugæ comitem parvulum germanum trahens. Ventum erat iterum ad aquas, sed quæ ripas egressæ mare fecerant. At illa aquis sancti propositi olim auctoribus non diffidens, non aliter has quàm pratum casto pede calcavit: ita non repugnantibus jam parentibus Agno desponsa promissum multò antè flammeum accepit. Neque prole etsi virgo caruit. Paulò post in cœnobio Pauliacensi matrem virgines salutarunt. Ex his fuit, cui sub noctem vox è cælo accidit, moneret Antistitam, omnes, ut è lectulo se proriperent, juberet. Dictum, factum. In templum ubi convenire, cubiculum corruit, & pro dormiente virginitate vigilare cælum ostendit. Ampliorem etiam hoc curam pro moriturâ AVSTREBERTA habuit. Jam enim animam cū ageret, aliique in auxilium Cælites excirent, vidit ipsa omnes eo ordine, quo compellabantur, obvios sibi venire. Quid agimus homunciones? dubitamus pronos in vota nostra Superos esse, quando per nomina citati adsunt? *Ex Sur. & Lippeloo.*

Hæc est Christi magna, larga, sola misericordia, quæ Iudicium omne in diem servavit unum, & homini totum tempus ad pœnitentiæ deputavit inducias: ut quod de vitiis Infantia suscipit, rapit Adolescentia, invadit Juventus, corrigat vel Senectus. S. Pet. Chrys. ser. 42.

S. VICTORIA VIRG. ET MART.

II. Februarii.

G Eminum VICTORIA triumphum duxit : de Amore unū, de Tyranno alterum. Uter pulchrior fuerit, tute arbiter esto. Anno igitur salutis trecentesimo tertio, quòd Christiani & cœtus pietatis causâ agerent, & sacros Codices profano judici tradere recusarent, Diocletianus & Maximianus Imperatores omnibus tormentis in hos pugnarunt. Sed quidni vincerent Christiani, quando felicissimo omine ex horū parte VICTORIA stetit, virgo in ipsis cunis magna, magnisque signis jam tunc futuræ sanctitati præludens ? Illud unum quantum facinus fuit, cum obstrepente auribus castissimis Hymenæo, sponso mortali in amplexus ruente, ut hos eluderet, quando alas non habuit, animos sumpsit, & è summo tecto præceptis abiit, innoxia templum petiit, verbisque conceptis sponsam Deo se devovit, frustra homine intereâ nuces spargente, quas illa cum rebus aliis humanis dudum reliquerat. Igitur meritò de Victoriâ judex desperavit, & ne à feminâ triumpharetur, incolumem cum fratre domum ire à tribunali iussit. Sed negavit illa pedem è pugna referre, negavit fratrem se agnoscere, qui non eundem patrem (Deorum cultui addictissimus erat) Christum clamaret. Itaque latâ mortis sententiâ virgini palmam invitus judex cessit. Intereâ nunquam sæpius Superi VICTORIAM clamarunt. *Ex Suario.*

Nos qui ad incerta consurgimus, qui inter insidias diem ducimus, qui horarum varietates, momentorum motus, verborum lapsus, actuum pericula sustinemus,
quid

12. Feb. VITÆ SANCTORVM. 92
*quid est, quòd matutinâ prece totius diei custodiam no-
 tumus postulare? quid est, quòd homini toto tempore
 astare libet, Deo nec puncto assistere libet?* S. Pet.
 Chrys. serm. 43.

S. ANTONIUS EP. 12. Februarii.

INvidebis juvenus suum ANTONIO puerulo
 Doctorem. Hic, si nescis, S. Spiritus erat. Hoc,
 neque alio magistro primas ille literas didicit. Et
 verò Minerval cælo dignum persolvit; sive cum
 ludentis pueritiæ societatem averfatus viro digna
 puer egit, aras struxit, aris thura, & quæ thure sua-
 vius olent apud Superos, preces dedit; sive cum
 postea mundo totum sese surripuit Numinisque
 cultui inter monachos mancipavit. In hac quoque
 tutius scholâ tam profecit ANTONIUS, ut in
 eadem deinde sententiam mundi quæ contemptum
 suam parentem pellexerit. Et vidisses tunc gran-
 davam parentem sub filii disciplinâ adolescere,
 nec rationem à filio discere, jam quæ in filio pa-
 rentem agnoscere. Sed hoc quoque mortuo AN-
 TONIUS in hereditatem miseros evocavit. At cum
 in tot heredes non sufficeret illa, ingentem auri
 um Angelus auctarium adjecit. Plura deinde E-
 piscopus Constantinus suggestit, ut in-
 fula jam non tam ANTONIUM quàm miseros tege-
 ret. A morte mulierem, quæ crus fregerat, ut fu-
 nus comitari posset, in pedes erexit, & ut hæredes
 suos neque mortuus videretur neglexisse, cresce-
 re, quæ tunc erogabatur, inter manus stipem fecit.
 Odor denique mirus etiam in cadavere virtutem
 laudavit. *Ex Niceph. apud Sur.*

*Esto homo, esto & Dei sacrificium & sacerdos: in-
 duere sanctitatis stolam, præcingere baltheum casti-
 tatis,*

tatis, sit in velamento capitis tui Christus, crux in frontis munimine: in odorem thymiana orationis semper accende, altare cor tuum pone. S. Pet. Chrys. ser. 108.

S. JULIANUS CONF. 12. Februarii.

Quoties dum hostem petit, se fauciat & suos ira! Domo aberat JULIANVS, familiam conjugē curante. Intercā parentes adsunt, & quem puerum amiserant, filium quærunt. Heu quam præstabat nunquam invenire! At conjux gratulata sibi, quod benefacere etiam absenti JULIANO in parentibus posset, humanissimis verbis hospites salutat, epulo lautissimo excipit, ab epulo in suo thalamo molliter locat, nescios funebrem lectum conscendere. Et fortē jam filium comitabant: cum ecce adest hic, & ubi primum à genibus premi lectum vider, siue nox, siue thori violæ suspicio oculos fascinaverat, præcipiti vindictæ utrumque ferro trajicit, lectumque dum ab ædificio purgare parat, ah! paricidio maculat. Mox uxor superveniens, & dies facinus monstrant. Tandem JULIANVS non longius fugisse se patre ingemiscere; accusare paricidas manus, ultro cæcænes euleos advocare, denique cogitare, qui nemini tantum serio in se castigaret. Longum supplicium placuit. Xenodochium propter fluminis ripas construxit, rectius in hoc hospites pauperes accepturus, omniumque ipse bajulus per undas futurus. Et fuit cum leprosi formam Christus induit. Hunc cum JULIANVS transportatum foco fovisset rigentem, mensā esurientem, & suo lectulo dormitientem, ecce paricidii veniam manifestus, vel dedit, vel olim datam nuntiavit. Perrexerit tamen ille operam suam cō studiosius probare, quod hospit-

13. Feb. VITÆ SANCTORVM. 93
hospitibus nobilioribus jam frequentari ædes vi-
debat. Ex Petr. de Natal.

*Ille viam Domino suo parat, qui luxuriantis carnis
respuens voluptates, toto mentis sue spiritu suspensus ad
Deum vigore se castitatis accingit: optimam parat Do-
mino viam, qui cogitationes suas avaritiæ fluctibus
æstuantes serena conscientia tranquillitate compefcit.*
S. Max. hom. de S. Joan.

S. MARTINIANUS C. 13. Februarii.

Vitam solam MARTINIANVS agere cœpit octo
& decem annorum adolescens. Dæmon ma-
lus ejecturus statione suâ militem, veteris serpen-
tis exuvias induit. Sed nihil nisi risum retulit, quo
meritò humi eum repere post casum tam altum
dixit. Quid ageret victus serpens? ut virum deci-
piat, iterum mulierem subornat. Adest hæc pan-
niculis involuta, & velut à viâ exerrasset, magnis
ejulatibus, ne in pabulum feris cedat, id noctis
hospitium orat; aperit MARTINIANVS à feris fe-
minam defensurus, se lupæ objecturus; penitiori-
bus tamen adytis clausus pernoctat. Sed manè mu-
lierem ecce tibi mundo omni ad miraculum su-
perbam! Videt hanc, & basiliscum videt. Audit,
& Sirenem audit, & dæmonis victorem pænè mu-
lier vincit. Experrectus tamen veluti à somno
ignes fecit ingentes, pedibusque insultans, age
dixit, lubeat peccare, si vel has flammæ lubet fer-
re. Extinxit hic rogi Veneris ardorem, tum præ-
cipuè cum lacrimas meretricula etiam, damnatâ
jam Venere, affudit. Cæterum MARTINIANVS in
rupem è medio mari eminentem secessit. Hic
quoque dum Charybdim fugit, in Scyllam mini-
mo minus incidit, & Venerem planè regnare in
mari

mari discit. Ecce enim naufraga puella, & ad perniciem oculorum pulchra in rupem enatat. Hic verò MARTINIANVS ignes præventurus in mare se abjicit. Quid expectas, lector? Delphines tergo excipiunt, & littori saluum reddunt. Vides, puto, nunc, quid in hominè hi ament. *Ex Metaphr.*

Multi Diaboli fluctus sunt in hoc mundo, temptationum multa naufragia; à quibus ita liberari possumus, si clamantibus manum suam Salvator extenderit: Nos ergo clamare ad Dominum non cessemus, ille auxilium solitum non negabit. S. Maxim. hom. Hyem. ult.

S. JORDANUS CONF. 13. Februarii.

Quem nudus in cruce Christus movet, ille tegere hunc à JORDANE discat, qui cùm pauperi, quando ad manum nummi non erant, balteum argenteum dedisset, templum mox ingressus exornatum eo Christum crucifixum advertit. Pulchrè locatum credidit: quin ut totum jam Christū regeret, omnibus se nudavit, & ad D. Dominici paupertatem nudus confugit. Subinde toti familiæ illi præfuit. Mira in eo adolescentum animos ab humanis avellendi, & trahendi ad æterna ars & dexteritas. Eloquentiâ suâ quocumque voluit totam concionem impellere novit, multum eam ob rem ab orco infestatus. Intereà tamen Cælitè, & ex his præcipuè Cælitum REGINA favebant JORDANI. Quare ad hunc sceleribus oppressos velut ad doctissimum medicum non semel ipsa misit. Visa est deinde inter maximum Divorum comitatum, sub preces divinas, è manu JORDANIS librum accipere: aliàs cubicula dormientium alumnorum lustrare. quin ipse Divus, festo,
quo

quo Lustratam VIRGINEM colimus, die, vidit hanc è summâ arâ, ad illa cantantium verba (*Gloria Patri, &c.*) prehensâ filioli manu omnibus benedicere. Poterat hoc credo ad cantum Angelos provocare. Cæterum dum Terram sanctam petit JORDANVS, naufragus in medio mari portum reperit, appulsusque ad beatiorum est Solyman. *Ex Surio.*

Debemus surgentes gratias Christo agere & omni diei opus in signo facere Salvatoris. Nam in uno signo Christi omnium rerum est tuta prosperitas: Qui in hoc signo seminare cœperit, vitæ fructum consequetur æterna. S. Max. de carn. host. non timend.

S. AUXENTIUS ABB. 14. Februarii.

AUXENTIUS, cùm eodem in contubernio non convenire Marti & vitæ innocentiae perspiceret, ut DEO vacaret, vacationem à militiâ sibi impetravit. Neque arma tantum posuit, sed ut miserum contra frigus armaret, tunicam ex mendicabuli humeris suspendit. Aliàs quò pauperibus stipendia numeraret, operam suam inter opifices locavit. Oxeam deinde montem conscendit, atque iterum, sed melior miles sub pellibus vixit, omni aliâ veste abjectâ. His horridum pueri Pastores, cùm gregem amissum quærerent, feram putarunt. Sed ille, quâ erat in juventutē humanitate, facilè se hominē probavit, imò homine majorem ostendit, cùm vates pueris absens edixit, quò greges aberrassent. Inter hæc celebrari ab accolis concurrentibus cœpit, cùm passim ægri venirent, sani redirent. Ipse Imp. Marcianus familiariter usus viro fuit, & ad Chalcedonense Concilium evocavit. Ibi dum Patres præstolatur, & velut impostor

impostor habetur, à columbâ cibum accipit. Verbis deinde ac miraculis Christi divinitatem & virginitatem Christi Matris propugnat. Obit denique longâ patientiâ clarus, & vermes, cùm è putrido vulnere exciderent, loco suo reponere solitus. Nos delicati vermium nomen horremus, sed mortui baculo scilicet (ut ille canes) abigemus.
Ex Metaphr.

Quid est parare viam Domini, nisi adventanti de celo Iudici, purgato à vitiis pectore, simplicis cordis habitaculum preparare? Quid est rectas facite semitas ejus, nisi ut tales actuum tuorum tibi munias vias, quas perambulare propitius veniens ad te Dominus delectatur? S. Maxim. hom. I. de S. Joan. Bapt.

SS. FAUSTINUS ET JOVITA MM.

15. Februarii.

SUB annum Christianū C. XXXII. cùm Brixien-
sis Pontifex Apollonius metu tyrannidis fugâ
subduxisset sese, ne barbaro furori lacerandus
Christi grex pateret, meliores in locum Pastores
FAUSTINVS Sacerdos & JOVITA Diaconus suc-
cessere. Certè animas suas non multò post im-
pendere gregi suo non dubitarunt, cùm memora-
biles prius pugnas edidissent, quibus non modò
Italicum Comitem, sed Adrianum ipsum Imp.
quin imò ipsos Deos triumpharunt. Solis enim
Colossus adorare jussi, hunc primò in carbones,
deinde in favillas redegerunt, filio suo Phaëthonti
posthac similem. Jam leones, leopardi, ursique
virtutem in Pastoribus nostris horruerunt, &
cùm prius carnifices, interque hos sacrificulum
Saturni, Comitemque Italicum lacerassent, impe-
rio Martyrum in silvas, & nemora sua emigrarunt.
Post

Post tot victorias etiam inter flammās cantare Pæana placuit. Denique ubi per omnem Italiam circumducti omnia theatra sanguine suo pinxerunt, patria rursus excepit, & gladio cæsos coronavit. Fama obtinuit Angelos cælo ad vinctos devolasse in carcerem, & sacram Eucharistiam præbentibus Ministros adstitisse. Videtis Mariāni, in quorum officium involetis, cum ad aram servitis? Profectò aut muneris hujus vos non pudebit, aut Angelis similes esse pigebit. *Ex Surio.*

Cum Ecclesiasticis officiis ritè credatur Angelorum semper adesse præsentiam, nostramque vigilantiam sive desidiā non modò diligenter attendere, sed & superno Iudici cuncta per ordinem nunciare; quanto putamus adversus nos zelo moventur, dum in conspectu illius nos irreverenter sedere conspiciunt, cui ipsi trementes assistunt? S. Pet. Dam. l. 3. Ep. 8.

S. SIGEFRIIDUS EP. 15. Februarii.

LIceat exclamare, ô mores! ô tempora! Quos nunc pellit Anglia fidei Doctores, hos olim velut Colonias meliores in orbem omnem mittebat, ea demum fœdera cum regibus sancta esse censens, quæ fides, quæ, quos diximus, feciales pepigissent. Ita Olaus Suecorum & Gothorum Rex præconem verbi divini SIGEFRIIDVM impetravit ab Angliā, quem hodie rectius ipsa accerferet. Socios ille traxit Unamannum, Sunamannum & Vivamannum nepotes suos. Poterat Insula deinceps Fortunata dici, postquam hi heroes ad illam apulsi sunt. Certè beatum se putavit, qui Insulæ præfectus erat, cum inter sacra à SIGEFRIIDO tolli in altum non jam panis umbram, sed augustā specie puerum vidit; moxque pueri hujus manibus

E

manus

manus dedit. Non incruenta tamen victoria SIGEFRIDO fuit. Cæsi tres nepotes mœrore temperarunt triumphum. Cæterum dum ponè stagnum obambulat, tergeminum lumen videt; hoc indice urnam; in urnâ capita tergemina. Hic vero vindictam clamanti SIGEFRIDO, *vindicabit*, è capitibus unum respondit. Mox altero *quando nam?* roganti, tertium caput, *in filios filiorum*, subjecit. His aliisq; prodigiis illustris SIGEFRIDVS tumultum accepit in templo, quod Vexione Angelorû jussu exædificarat. Nunc inter Anglos Angelosq; quàm rarum commercium? quàm magnum, ô Magne Gregori, discrimen? *Ex Vit. Aquilon. Ioan. Vastovii.*

Gemina dulcedo suavitatis exuberat in pectore Domini JESV, longanimitas videlicet in expectando, & in donando facilitas: ad hoc autem diu suspendit sententiam ultionis à contemnente, ut quandoque gratiam remissionis præstet in pœnitente. S. Bern. ser. 9. sup. Cant.

S. SEVERUS C. 15. Februarii.

Est quod in Sacerdote SEVERO speculentur ii, non animarum, sed rem suam qui curant. Sacram ædem, & in hâc, ne Marianum fuisse dubites, VIRGINIS aram curabat SEVERVS, vitæ integritate, & miraculis multum illustris. Fortè putandis vitibus insistebat, cum supervenit, qui ægrum, nescio quem, opem efflagitare ultimâ nuntiat: cæterum sacris munitum non abhorreere ab ultimâ luctâ. Respondet SEVERVS, & affuturum se illico spondet. Ut tamen operi finem imponat (perpauzillum supererat) moram aliquantulam facit. Inde celeri gressu dum ad moriturum contendit, ecce mortuum audit. Hic enimverò palam SEVERVS se incusare, vineam suam ut curaret,

ret, Domini vineam neglexisse, morte crudeliorem se fuisse: illam corpus peremisse, sese animi latronem esse. Igitur funeri affusus non prius à precibus lacrimisque, quàm à morte defunctus surrexit. Et narravit hic jam se ad ignea & tenebris infesta loca abductum pœnas ultimas daturum fuisse, nisi Ephebus intercessisset candore insignis, lacrimisque donatum SEVERI tantisper nuntiasset, dum noxas animi expiaret. Expiavit igitur has, & septimo post die felicius obiit. Quid hîc illi, quos morituri non è vineâ, sed vini tabernâ vocant, & sæpè heu! frustra vocant, qui tamen ab inferis revocare animos non possunt, sequi possunt? *Ex Dialog. S. Greg. l. 1. c. 12.*

Totus mundus ad unius animæ pretium aestimari non potest; non enim pro toto mundo Deus animam suam dare voluit, quam pro anima humana dedit: sublimius est ergo anima pretium, quæ non nisi sanguine Christi redimi potuit. S. Bern. l. Med.

S. NICEPHORUS MART. 16. Februarii.

NICEPHORVM Martyrem dicimus. Si iræ non cedis, Lector, martyrem alterum te dicimus. Fuit NICEPHORO familiaritas cum Sapritio Sacerdote à teneris contracta. Ea cum pueris crescere, adolescere cum adolescentibus visa, demum præter spem omnium in fatale odium vertit. NICEPHORVS quòd minus fellis animo gerebat, & majestati Sacerdotum oppidò faveret, de resarciendâ amicitia cogitare, eaque super re per internuntios agere. Sed aures Sapritii ira obsessas tenebat. Interea gravis in Christianos tempestas Antiochiæ exorta turbine suo etiam Sapritium involvit. Nihil tamen in tormentis, aut dixit, aut

fecit Christiano indignum. Jamque ad palmam vocabatur, cum semel iterumque NICEPHORVS ad genua euntis accidit, lacrimansque veniam rogat. daret hanc moriturus pro Christo, si non sibi, certè ipsi Christo mortuo inter preces pro hostibus fusas. Audiebat hæc Sapritius, neque tamen vel verbis, vel oculo dignatus NICEPHORVM est. Ergo non placuit cælo palmam illi dare, qui se ipsum nollet triumphare. Cervicem præbere iussus, mortem turpi vitâ redimit, & Christi Sacerdos facere, eheu! Jovi promittit, necquicquam per omnes Superos obtestante NICEPHORO, non referret, quem cælo jam posuisset pedem, non dimitteret, quam jam jam prehendisset palmam. Ne tamen gratis licitor gladium strinxisset, accurrit ipse NICEPHORVS, & succedaneam victimam se obtulit. quid multis? in aliena præmia invola- vit. *Ex Metaphr.*

Discordans & dissidens nec si pro nomine Christi occisus fuerit, crimen dissensionis poterit evadere; quia scriptum est, qui fratrem odit, homicida est; quale ergo delictum est, quod nec Martyrio sanguinis potest abluī? S. Cypri. serm. 6. de Orat. Dom.

S. JULIANA V. M. 16 Februarii.

Pulcherrimâ formâ JULIANA pulcherrimè est usa. In hâc enim velut speculo opificem hujus DEVM cœpit intueri. Christo igitur addictam parentes Eleusio desponderunt, viro nobili & urbi Nicomediæ Præfecto. Sed quia superstitioni hic deditus erat, negavit JULIANA sibi fœdera nuptialia cum illo fore, qui animum hostilem in thorum ferret. Ab hoc proposito ut dimoveret parens, arietes admovit, minas; repulit virtus. Egit cuniculos,

culos, blanditias; elusit. Inclusit carceri; thoro illa hunc prætulit. Tandem Eleusius, ille nuper sponsus, fit sponsæ iudex. Mox in carnificem abit. Cædit verberibus, quod nuper laudabat corpus. Suspendit, quibus nuper captum se fatebatur, capillis. Urit ferro ardores suos, artus castissimos. Et has demum illa blanditias in sponso laudavit. Interea boni Angeli vultum indutus malus, satis ait virtuti datum esse. Dissimularet posthac pietatem. Superis cordi cor fore, quod pervium utique illis esset. At JULIANA, fraude inter preces cognita, vincula sua exuit, & consiliario pessimo induit. Vincito verbera etiam addit. Tunc sub virginis manu gemit orcus, & malum Angelum bonus risit. Porro martyr flammis ad quas damnata erat, lacrimis extinxit, leberem ab igne ferventem precibus rupit, denique prius quam manum judici proco daret, caput dedit. Mox tamen etiam pœnas hic. Undis enim haustus, & in littus eiectus in cibum canibus cessit, dignum nactus tyranno sepulchrum. *Ex Metaphr.*

Dæmonum est, malas cogitationes suggerere; nostrum est, illico eas expellere. Voluntate suâ cadit, qui cadit: & voluntate Dei stat, qui stat. Cogitatio tamen immunda mentem non inquinat, cum pulsat, nisi cum hanc sibi per delectationem subjugat. S. Bern. de Int. Dom.

S. SABINUS EP. 17. Februarii.

QUIS fidem habeat? Plura Pont. SABINVS vidit, cum oculos senex amisit, quam prius cum utrumque circumtulit. Certè, quæ nulli oculo pervia sunt, arcana animorū & longè absentia, perspexisse memorant. Et ecce adest hoc ipsum feliciter experturus Totila. invitatus ad cœnam

frugalem assidet, principē tamen locum Episcopo Rex cedit. Paulò pòst miscet puer vinum, & SABINO porrigit. Hic Totila prehensum clam manu poculum regiā manu ministrat, nec tamen fallit oculatissimum cæcum. Capit hic & doctam fraudem beneficio ingenti pensaturus inter risum, *Vivat*, ait, *hæc manus*. Præmium igitur nobilis pocillator tulit, sed malum alter maximum, qui auctor esse puero non dubitavit, ut merum veneno temperaret. Erat hic SABINO in sacris Diaconus & longævo seni infulam invidebat, suam (ut ipse quidem putabat) hæreditatem, sed contrā factum. Hoc enim etiam pervidens SABINVS egregium Ganymedem prælibare jubet. deprehensus ille, & mortem longam, quam meruisse se viderat, alter à morte, sed brevi præoccupaturus impigrè ori poculum admovent. Sed rapit è manu Episcopus, & i potius inquit, & Diacono nuntia venenum me bibere, cæterum Episcopum illum minimè futurum. Simul cruce ductā poculum siccat. Non SABINVM, sed Diaconū bibisse dixisses. Valuit enim hic, ille occidit. Sanitatem vulgò alienam se bibere ajunt. Id verum an sit, nescio. Alienam certè SABINVS mortem bibit. *Ex Dial. S. Greg. l. 3. c. 5.*

Semper Diabolus nostris saturatur ex culpis : Ille cibum nostrum deducit in crapulam, potum nostrum in ebrietatem diffundit, ut mentem faciat amentem, carnem luteam reddat, corpus animi domicilium, anima vas, murum spiritus, virtutum scholam, Dei templum in scenam criminum, in vitiorum pompam, in voluptatum redigat theatrum. S. Pet. Chrys. serm. 12.

S. HEL-

S. HELLADIUS CONF. 18. Februarii.

Primam ætatem maximamque vitæ aulicus HELLADIUS, alteram monachus, ultimam Pontifex egit; omnem ita, ut dubitem, quam sanctius. Rempublicam cum adhuc administraret, latere jam tum sub purpurâ monachum deprehendisses, ita modestia hanc ornabat. Ergo igitur quoties via ad monasteriû Agaliense ferebat, descendere HELLADIUS ex equo, amissoque famulorum & clientum grege, Dei servis operam suam locare, furnoque instruendo ligna comportare iis humeris, quibus regni onera solebat. Quantum Superi! refert, quibuscum familiaritatē ineas. Consuetudo hæc sancta paullatim omnem mundi pulchritudinem ex animo HELLADII delevit, & id denique potuit, ut sanctissimus aulicæ servitutis transfuga pro pileo cucullum inter non ignotos jam Sodales quæreretur. Dedere & hunc & monasteriû præfecturam insuper. Mox Tolerana quoque insula invitum textit. In hac maxima gemma eminebat ultima modestia, quâ iterum mendicabulorum societatem purpuratus ambiebat. Atque hos quidem ita foveri ab illo vidisses, ut spiritum illius ex horum pendere ctederes. Obiit annis meritisque gravis, cum literis mandare nihil voluisset, pluris faciens scribenda facere, quam scribere facienda. *Ex Ildeph. & Bar. Not. Mart.*

Quomodo non verè humiliabitur anima in cognitione sui, cum se perceperit oneratam peccatis, mole mortalis corporis aggravatam, terrenis intricatam curis, carnalium desideriorum face infectam, proclivem ad vitia, invalidam ad virtutes? S. Bern. serm. 36. sup. Cant.

S. AUXIBIUS E. 19. Februarii.

AUXIBIO patria Roma fuit ; natales & cēsus patritii ; indoles à primis annis in Christianam religionem prona. Tam nobilem civem in exilium, qui minimè debebant, parentes egerunt. Cū enim nuptias, ad quas hi pro imperio cogere velle videbantur, non posset aliter quàm fugā declinare, in Cyprum abiit felicissimus exul. Nam fausto pede cū in Marcum Barnabamque offendisset, ab illo fonte sancto tinctus & Christianis junctus est. Mox doctor pietatis ex discipulo factus, cū primitias Deo sacrificulum Jovis peperisset, à Paulo magno Episcopus Soluntis est creatus. Mira dictu res. Unicus Christi miles AUXIBIVS totam sub jugum Evangelii urbem misit, & ne AUXIBIO careret, alterum Auxibium accivit, & successorem in munere legit, consiliū Deo probante. Nam fuit cū sub arbore somnum cepit hic Auxibius, & noster superveniens spectavit ingens formicarum agmen à latebris suis ad dormientē iter instituere, vatesque futuræ dignitatis caput ejus in coronæ formam ambire. Itaque Auxibio infulam reliquit AUXIBIVS moriens. Tumulum ejus asylon ajunt fuisse morbidorū. Quin cū ad hunc è Papho accurrerent XL. ab orco infessi, obvius ipse AUXIBIVS his prodiit, & cedere sibi, ut æquum erat, è viâ dæmones fecit. *Ex Surio.*

Quid cum terrâ illi, qui possidet calum? quid illi cum humanis, qui indeptus est divina? nisi fortè placent gemitus, eliguntur labores, amantur pericula, pessima mors delectat, & illata mala bonis sunt gratiora collatis. S. Pet. Chryf. serm. 25.

B. CON-

B. CONRADUS PLACENTINUS C.

19. Februarii.

DUm feras venatur CONRADVS, ipse venator cælo fit præda. Etenim cum, quod feræ dumetis se abdidissent, irâ successus silvas quoque succenderet, facinusque id nescio quis pauperculus laqueo jam jam lueret, accurrit CONRADVS, & innocentem confessione suâ, damnum nummis redemit. Subinde iterum silvas saltusque, sed sanctius jam amavit, & in loco, quem hodie etiam nomine suo nobilitat, vitam solam agere instituit, jamque cælum captare, cælo retia ponere. Verum cum vicissim retia illi Cupido strueret, artes fugiendi nuper à feris edoctus in vepres se nudum abiecit, indeque iterum saucium Cupidinem risit. Porro adolescenti scelerato, & jam jam hastâ è cælo transfigendo clypeum preces suas objecit. Hospitem Episcop. Syracusanum cum haberet, quatuor in symbolam à cælo placentas accepit, alias pro operis panes recentes. Alii cum carnem illi suillam feriâ VI. apposuissent, iussit hanc in piscem abire, calumniamque impactam ostensis spinis, squamisque elusit. Mortuus in genibus tamen deprehensus est stationem suam tenere. funus ultrò luxit, sive laudavit potius æs campanū Neti & Hyblæ. utraque civitas cum sibi corpus vindicaret, Hyblenses neque movere, Netini facili negotio loculum auferre potuerunt, putò quod propior Netinis jam assueverat cum illis habitare. *Ex Ferrar.*

Cum spes misericordie est, cum tempus est venie, confiteamur patri, ne Iudicem sentiamus: prodamus quæ fecimus pietati, ne severitati cogamur exoluere, quæ tac-

cemus ; dicamus indulgentia tempore delicta nostra, ne ad excipiendam sententiam defleamus. S. Pet. Chrys. ferm. 42.

S. EUCHERIUS EP. 20. Februarii.

EVCHERIO nascituro infulam Aurelianensem Angelus promisit; dedit deinde hanc Carolus Martellus; sed idem, cum aures calumniatoribus præberet, pessimo consilio ademit. Excepit Colonia exulem parum jam morantē, quā in parte exilii potissimum viveret, cum exilium esse totum orbem non malē jam tunc credidisset, cum Monachum prius quā Episcopū induit. At verō gravius jam erit Carolo cælo exulare. Certē EVCHERIVS dum inter preces inferorum ergastula contemplatus est, vidit hunc ipsum Carolum non jam purpurā, sed ignibus ardere, didicitque ob manus sacris injectas spoliisque pauperum ditatos milites (time ætas nostra) corpore quoque jam pœnas dare. Atque EVCHERIO si fidem non dedit Gallia, certē tumulto potuit dare, qui apertus præter ignium vestigia vacuæque tumbæ custodem draconem, nihil ostendit. Itaque, qui exulare virtutem regno jusserat, tumulto etiam exul fuit, cum interim EVCHERIVS cælo receptus rideat illos, qui patriam in terris quærunt, neque vacuum Gallis tumultum ostendat, quando in illo cæci oculos suos, claudi pedes, miseri passim omnes salutem reperiunt. *Ex Surio.*

Quid profuit mortuis inanis gloria, brevis letitia, mundi potentia, carnis voluptas, falsa divitia, magna familia & mala concupiscentia? Ubi risus? ubi jocus? ubi jactantia? de tanta letitia quanta tristitia? post tantam voluptatem quā gravis miseria? S. Bern. in Med.

SS. MAU-

3. MAURITIUS ET SOC. MM.

21. Februarii.

NUnquam tam fortiter pro suâ urbe Romanus miles, quàm pro fide Romanâ MAVRITIVS cum sociis depugnavit, Thebæ Legionis Antesignano ut nomine, ita virtute par, & cum eodem Religionis hoste Maximiano Apameæ compositus, quem prior ille Agauni in Galliâ superavit. Pugnat tyrannus in pium agmen vinculis, flagris, uncis, equuleo, ferro ac flammis; ingerebat quidquid telorum carnificum turbæ suggerebant. Sed stabat immota ad hæc omnia fortissima Martyrum phalanx: gaudebat in vinculis, ridebat ad flagra, hebetabat uncas ac ferrū, ovabat in equuleo, in flammis triumphabat etiam. Quare ad dolos confugere coactus Imperator, cuniculis invictum MAVRITII animum tentare aggressus est. Addicitur proinde morti filius Photinus, & pet hujus jugulum parentis cor petitur; sed repulit affectum paternum facilè Christi amor, & vicit iterum in filio parens. Locus erat medius paludem inter & flumen, muscis, vespis, & id genus animalculorum examinibus infestus. Hic ultimum committit Maximianus. Pendet in oculis paternis filii corpus, scopus omnium militum jaculis ac sagittis; & quot mortuum accipit vulnera, tot vivo parenti reddit. Stat interim nudus in acie cum suis MAVRITIVS, palo alligatus, melle illitus, innumeris vesparum aculeis confossus, & tamen vel sic etiam victor triumphat in parvis bestiis maximum tyrannum; mortemque demum obit melle, quo manabat, dulciorem. *Ex Men.*

Nemo dicat, quòd temporibus nostris Martyrum cer-

tamina esse non possint: Habet enim & pax nostra Martyres suos: Nam iracundiam mitigare, libidinem fugere, iustitiam custodire, avaritiam contemnere, superbiam humiliare, pars magna Martyrii est. S. Aug. serm. 250. de Temp.

S. PETRUS DAMIANI. 22. Februarii.

Dubites magisne primò fortuna PETRVM, an PETRVS deinde fortunam fugerit. Infans fame siti que periisset, nisi ubera, quæ mater dicam an noverca? morituro negaverat, aliena nutrix præbuisset. A fratre natu maximo porcis pascendis præfectus cum nummū reperisset argenteum, cogitanti in quas potius illecebras eum expenderet, sanctior cogitatio persuasit Sacerdoti dare sacra facturo. A Damiano denique fratre, cujus velut patroni nomen postea tulit, literis admorus, eas primò celeriter didicit, mox etiam applaudente Italiâ docuit; sed memor injuriarum, quibus mundus eum exercuerat, blandientem jam & ipse averfatus, inter summos honores, corpus cœpit duriter habere, æstum libidinis ridentibus aquis mergere, sub veste splendidâ cilicium occultare; denique inter Anachoretas se abdere, ibique è discipulo magister sanctioris vitæ miraculis coruscare. Tantam virtutem Pontifex purpurâ ornavit; quam cum nemo unquam dignius, & majore Ecclesiæ bono tulisset, anno M.LXXII. cum vitâ posuit; vel eo solo nomine, quodd Officium Horarium D. Virgini sacrum in memoriam & usum pristinum revocavit, omnibus Sodalibus memorandus, ex cujus divinissimis scriptis, vel hos versiculos, quos suo tumulo inscripsit, recoluisse operæ pretium sit:

Vive

Vive memor mortis, quò semper vivere possis:

Quidquid adest, transit; quod manet, ecce venit.

Quam benè providit, qui te male munde reliquit,

Mente prius carni, quàm tibi carne mori.

Ex Surio & Baron.

Ei, qui omnia elargitus est, universas opes dato; nunquam Dei liberalitatem vinces, quamvis omnium tuarum facultatum jacturam feceris, quamvis te etiam facultatibus adjunxeris; Nam hoc quoque ipsum accipere est, Deo aliquid donare. S. Nazianzen. Orat. de amor. pauperum.

S. MARGARITA POENITENS.

22. Februarii.

MARGARITAM hanc in Perusino agro invenimus: nitorem ejus in juvenia Amor turpis extinxit, restituit deinde D. Francisci disciplina. Vita nobili olim, imò Veneri serviebat. Is domo quandoque abiit, cane comite. Hæc post dies non multos lacinia prehensam MARGARITAM ad struem lignorum deduxit, oculis, latratuque rogare visa, ut ligna amoveret. Amovet, Dominum agnoscit; sed jam mortis larvam. Enimverò exhorruit, & in alieno vultu suum contemplata, formam, mundum, & ante omnia vitam priorem lacrimis damnat. Et abluerunt hæ brevi latentem in cœno MARGARITAM; vitæ rigor velut scalpellum pulcherrimam reddidit, ut jam prodigiis splenderet. Et primò, ne VIRGINIS immemorem putes vixisse, id precibus exoravit, ut dolores, quos stans illa ponè crucem pertulerat, etiam ipsa persentisceret. Sensit, & sub horam tertiam inter manus multorum collapsa, inde horâ nonâ mori-

tamina esse non possint: Habet enim & pax nostra Martyres suos: Nam iracundiam mitigare, libidinem fugere, justitiam custodire, avaritiam contemnere, superbiam humiliare, pars magna Martyrii est. S. Aug. serm. 250. de Temp.

S. PETRUS DAMIANI. 22. Februarii.

Dubites magisne primò fortuna PETRVM, an PETRVS deinde fortunam fugerit. Infans fame siti que periisset, nisi ubera, quæ mater dicam an noverca? morituro negaverat, aliena nutrix præbuiisset. A fratre natu maximo porcis pascendis præfectus cum nummũ reperisset argenteum, cogitanti in quas potius illecebras eum expenderet, sanctior cogitatio persuasit Sacerdoti dare sacra facturo. A Damiano denique fratre, cujus velut patroni nomen postea tulit, literis admotus, eas primò celeriter didicit, mox etiam applaudente Italiã docuit; sed memor injuriarum, quibus mundus eum exercuerat, blandientem jam & ipse averſatus, inter summos honores, corpus cœpit duriter habere, æstum libidinis rigentibus aquis mergere, sub veste splendidâ cilicium occultare; denique inter Anachoretas se abdere, ibique è discipulo magister sanctioris vitæ miraculis coruscare. Tantam virtutem Pontifex purpurâ ornavit; quam cum nemo unquam dignius, & majore Ecclesiæ bono tulisset, anno M.LXXII. cum vitâ posuit; vel eo solo nomine, quòd Officium Horarium D. Virgini sacrum in memoriam & usum pristinum revocavit, omnibus Sodalibus memorandus, ex cujus divinissimis scriptis, vel hos versiculos, quos suo tumulo inscripsit, recoluisse operæ pretium sit:

Vive

Vive memor mortis, quò semper vivere possis :

Quidquid adest,transit; quod manet,ecce venit.

Quam benè providit, qui te male munde reliquit,

Mente priùs carni, quàm tibi carne mori.

Ex Surio & Baron.

Ei, qui omnia elargitus est, universas opes dato, nunquam Dei liberalitatem vinces, quamvis omnium tuarum facultatum jacturam feceris, quamvis te etiam facultatibus adjunxeris; Nam hoc quoque ipsum accipere est, Deo aliquid donare. S. Nazianzen. Orat. de amor. pauperum.

S. MARGARITA POENITENS.

22. Februarii.

MARGARITAM hanc in Perusino agro invenimus: nitorem ejus in juvenia Amor turpis extinxit, restituit deinde D. Francisci disciplina. Vita nobili olim, imò Veneri serviebat. Is domo quandoque abiit, cane comite. Hæc post dies non multos lacinia prehensam MARGARITAM ad struem lignorum deduxit, oculis, latratuque rogare visa, ut ligna amoveret. Amovet, Dominum agnoscit; sed jam mortis larvam. Enimverò exhorruit, & in alieno vultu suum contemplata, formam, mundum, & ante omnia vitam priorem lacrimis damnat. Et abluerunt hæ brevi latentem in cœno MARGARITAM; vitæ rigor velut scalpellum pulcherrimam reddidit, ut jam prodigiis splenderet. Et primò, ne VIRGINIS immemorem putes vixisse, id precibus exoravit, ut dolores, quos stans illa ponè crucem pertulerat, etiam ipsa persentisceret. Sensit, & sub horam tertiam inter manus multorum collapsa, inde horâ nonâ mo-

rienti Christo commori, nec nisi sub vesperam redire in vitam visa est. Alias Crucifixo inhærens multa gemitibus rogabat, cum è cruce Christus: *Quid vis misera? Illa, Nihil aliud præter te Domine.* Ignosce MARGARITA, avara nimium es. aut verò dic, poterásne amplius exigere? *Ex Ann. Minorum.*

Ecce qualiter manumittit, quali præmio honorat, suam diabolus servitutem, ut mors simul & finiat vitam & inchoet pœnam? at qui Christo serviunt, illi à morte, cum stipendiis sanctitatis perpetuam transferuntur ad vitam. S. Pet. Chrys. serm. 114.

S. LAZARUS CONF. 23. Februarii.

Pictorem pingimus, utinam suis coloribus & tam bonis, quam bonis ille alios Divos depinxit! LAZARVS est, Monachus idem & Apelles, sed sanctior illo altero, ut qui non jam Veneres Cupidinesque (oculorum laqueos) sed VIRGINEM & in VIRGINIS sinu VIRGINEM AMOREM, aliosque cæli indigetes animare penicillo solitus est, eoque studiosius, quòd sub eadē tempore Theophilus Imp. sublata è medio omnia Divorum monumenta vellet, omnibusque pœnis in eos sævirer, qui non conspuerent hæc pedibusque calcarent. Pugnat ergo contra barbarum furorem doctā manu LAZARVS, & peniculo reparabat, quidquid ferro ille in templis vel deleverat, vel deformarat. Captus igitur & ultimis tormentis excarnificatus in ipso tamen carcere tot trophæa de Theophilo posuit, quot iconas Divorum (plurimæ erant) pinxit. Tunc enim verò excanduit irā tyrannus, ferroque & ipso candenti patronas Divorum manus eò usque fœdum in modū adussit, dum exanime corpus dolori succumberet. Neque
sic

sic tamen afflicta manus viâs dedit LAZARVS, sed precibus Imperatricis vitâ donatus continuò in fano D. Baptistæ ejusdem imaginem exornare aggressus est. Idem in aliis templis, sublato è vivis Theophilo, factitavit, felici semper manu, etsi non haberet jam manum. *Ex Curopal. & Zona.*

Quicumque speciem animæ custodire desiderat, peccatum omne materiamque peccandi summo studio derelinquat. Quid enim sic fœdat mentem, Deiq; deformat imaginem, quemadmodum scelera? Quot delicta, tot macula gestantur in anima. S. Laur. Just. de casto Conn. c. 21.

B. NICOLAUS CONF. 23. Februarii.

Nesciunt, qui aras struunt ornantque, quàm propè absint ab eo, cui struunt, cui ornant. At scire poterunt, si velint. Audierat jam vocantem DEVM NICOLAUS, & monachum indutus aram curabat, cùm Christus talem illi se objecit, qualis inter Apostolos obambulare terras visus est, & iteratò ad signa sua illis verbis invitavit: NICOLAE *sequere me*. Nimirum erat hoc currenti stimulos addere, contra quos toties hodie (cùm DEVS à mundi uberibus avocat) ignavi cunctatores calcitramus etiam. Nec adeò multum temporis abiit, cùm NICOLAO facienti amicus Christus non jam post cancellos, hoc est panis nubem, sed qualem Angelorum oculis homines invidemus, prospicere visus est, ut post tantos Numinis favores minùs jam miter familiarem NICOLAI cum beatis Alitibus consuetudinem; qui, cùm dæmon malus Divum per fenestram jam jam in præceps ageret, auxilio officiosi advolarunt, territumque in geminos choros divisi animarunt, mox etiam
oculis

oculis omnem, quæ in ipsis amatur, spectandam elegantiam propinarunt. S. Dorothea etiam animo inter insultus dæmonis fluctuanti præsentem opem tulit. Sed ego modestiam miror animi in NICOLAO. Prior omnibus in monasterio cum esset, ut postremus esset, frustra diu supplicarat; tandem orando undecies millies Dominicam, toties Angelicam precationem, cælum exoravit. Ergo tanti putavit honores vendere, quanti hodie emerent alii. *Ex ligno vita Arn. Nion.*

Per Christum sensibus innovatus, abjectâ saculi hujus figurâ formam tuam in formam tui reduc Salvatoris; ut novitas sensuum tuorum in tuis actibus elucescat; & celestis homo celesti habitu jam gradiatur in terra. S. Pet. Chrys. hom. 120.

S. MATTHIAS APOST. 24. Februarii.

Quem locum scelere infando & morte infami vacuum Judas fecit, eum hodie MATTHIÆ virtus occupavit, numerumque numero suo carentem felicissime instauravit, cum nobilissimo Candidato cæli etiam vota suffragarentur. Ergo postquam orbi bellum movere placuit, MATTHIÆ provincia decreta est Judæa, ob insensissima populi in Christum odia, longè id temporis difficilima. Sed magnis animis hanc aggressus MATTHIAS facile debellavit. In Æthiopiam quoque excurrit. Ibi pugnatum verbis ac prodigiis persæpe, & expugnati multorum animi Christo, & MATTHIÆ deditionem fecerunt. Interea successu rerum felicissimarum rumpebantur Pontifices, uti populi, ita odii in Christianos principes. Neque tamen aliud, quàm triumphum parabat invidia. Hunc concessit Pseudopont. cum mortē indixit.

Magnum

Magnum deinde fecit populi concurrentis furor. Ornarunt præ reliquis testes duo mendaces iidemque carnifices, ut qui primi MATTHIAM lapidibus petierunt. Hos ille velut acclamantium symbola accepit, veluti que triumphi sui decora tumulo secum inferri præcepit. Denique ut integer suus pompæ honor constaret, secures, quæ præferri aliàs solebant, ipse triumphator tulit. *Ex Ioach. Perionio.*

Primatum adeptus est gentium S. Matthias, quia prius sibimet didicit principari. Sic namque ad veri honoris conscenditur cathedram, ut antè quis sibi, deinde dominetur & ceteris. Nunquam aliis bene præerit, qui sibi extiterit nequam. B. Laur. Just. ser. de S. Matth.

S. TARASIVS EP. 25. Februarii.

PER gradus honorum, ex quibus alii præcipientes ire solent, ad astra TARASIVS evasit. Consul principidum, tum inter eos, qui ab arcanis literis Imperatoribus erant, Princeps; demum Archiepiscopus Constantinopolitanus infulam, quam alii gemmis ornant, ipse virtutibus ornavit. Has inter easque multas & pulcherrimas potissimum emicabat animi demissio, quâ TARASIVS pauperibus, quos multos & alebat & vestiebat, quotidie cibos ex suâ mensâ submittebat, ipse carptor & persæpe (sub festa Paschalia præcipuè) ipse dapifer. Atque hâc ille virtute tantum abest, ut auctoritatem suam, quâ erat, imminutum iret, ut talis etiam Imperatoribus fuerit formidandus. Supplicem certè ad Aram, quem regiæ cohortes per vim abstraxerant, reddi sibi suus ipse Fecialis fecit. Constantino Imperatori, auctore amore vago, repudium meditati facienti que unus ferè sese opposuit,

fuit, purpuramque purpuræ, coronam coronæ, sceproque augustius pedum objicere non dubitavit. Quid? quod vel mortuus vivo Leoni Imperatori terrori fuit. Cum enim hic nomine etiam suo crudelior templa passim, & in his imagines Dei Divorumque vastaret, somniavit TARASII imperio, à nescio quo Michaële se confossum. Et risit fortè mortem, cum vigil vivere se vidit; sed die sexto à Michaële Balbo confossus potuit dehinc sine superstitione somniis credere. *Ex Surio.*

Heu quàm lamentanda vices, quando desperati apud homines possidebunt spem divinam; & humanis bonis pradii bonis celestibus fraudabuntur: & hoc facit thesaurus, qui cor hominis aut per eleemosynam levat in calum, aut per avaritiam demergit in terram. S. Pet. Chrys. serm. 22.

S. PORPHYRIUS EP. 26. Februarii.

PORPHYRIUS Hierosolymæ æger quotidie loca sacra cum pedibus non posset, genibus obambulabat, expeditissimam viam ad cælum credens, Christi vestigia. Et fuit cum ad pedem Calvariæ montis triste oculis spectaculū, jucundum tamen animo objectum est, Christus cruci affixus, & ponè felicior è geminis latro. Igitur cum latronis verbis etiam PORPHYRIUS Servatorem compellasset, jussit hic descendere latronem è cruce, & opem ægro ferre. Descendit, osculum tulit, manuque peramanter prehensum ad Christum, ut secum itaret, invitavit. Interea properanti obvius ipse in amplexum Servator ruit, jussitque dulce onus crucem suam ferre. Tulit lubens & verò laboris pretium sanitatem abstulit. Proinde sacris initiatus PORPHYRIUS, & custodiæ sanctissimæ

Crucis

Crucis præfectus est. Ultimò Pontifex Gazæ inauguratus signo crucis pluviam è cælo supplex evocavit, infamem Veneris statuam dejecit, & Manichæam mulierem elinguem reddidit; probavitque hunc in crucem amorem ipsum Numen, quando lapsos in puteum tergeminos pueros salvos parentibus reddidit, & miraculosâ cruce insignitos. Illud ad posteros memorabile, cum fana Gazæ nobilissima superstitioni paterent, neque demolitionem horum impetrare jam ab Arcadio posset, supplicasse PORPHYRIUM vix nato Theodosio, & cum hic alieno nutu assensum præbuisset, votorum tandem potitum omnia Deorum templa destruxisse, Deo deinde aliud in Crucis formam ædificasse, & cineri suo, & famæ monumentum. *Ex Metaphr.*

Memento te etsi de nihilo factum, non tamen de nihilo redemptum: sex diebus condidit Deus omnia, & te inter omnia: at verò per totos triginta annos operatus est salutem tuam in medio terræ. O quantum laboravit sustinens carnis necessitatē, hostis tentationes! S. Bern. serm. i. sup. Cant.

S. A T H A N A S I A. 27. Februarii.

ATHANASIÆ ANDRONICVM suum junximus, injuriam facturi utrique si nunc demum divortium inter eos fecissemus, quos tot miracula junxerunt. Igitur Antiochiæ agebant sanctissimi conjuges, opesque, quæ multæ illis erant, cum cælo communes habebant. Trientem primum miseri, alterum viri religiosi auferebant, ultimus domesticis usibus cedebat. Heredes cum binos sustulissent, placuit exinde castitati potius, quàm liberis operam dare. Interea illos etiam uno die cælum

cælum rapuit. ATHANASIA, ut impotens ferè matrum dolor est, immoritura mortuis videbatur; sed Julianus martyr, in cujus templo liberorum manibus parentabat, docuit liberis cælum non invidere. Quin imò invidit, sed rectè, uterque parens; & ut eodem conniteretur, toto assè in miseros abjecto, in diversa cœnobia abiit. Jam anni iverant XII. cum una ambos cupido incessit ad sacra Solymæ loca visendi. Itaque idem paulò post iter jungunt, & agnoscit ATHANASIA incognita (virum, quò tutius peregrinaretur, pudor induerat) ANDRONICVM suum. Salute datâ acceptaque iter silentio transigitur. Inde regressos excipit eadem cella, alterosque XII. annos ANDRONICVS cum ATHANASIA habitat nescius novi conjugii. Virum nempe crediderat. Et erat: mulierem tamen mors & schediasma ponè caput repertū prodidit. Igitur corpus palmis coronatum, & elatū triumphī speciem non funeris præbuit, diuque nihil aliud in ore omnium quàm *Femina monachus, & monachus conjux* fuit. *Ex Surio.*

Ideo nudi in seculo nascimur, nudi etiam ad Baptismi lavacrum accedimus, ut nudi quoque & expediti ad celi januam properemus. incongruum verò & absurdum est, ut quem nudū mater genuit, nudū suscipit Ecclesia, dives velit intrare in calum. S. Max. serm. de S. Mich.

SS. LUPICINUS ET ROMANUS CC.

28. Februarii.

EAdem studia, & vitæ rationem eandem audies in LUPICINO, & ROMANO, ut meritò fratres credamus germanos fuisse. Ambo siquidem virginitatem à teneris coluere; ambo hostes, qui ad nuptias impellebant, heu! nimium fortes, parentes

tes habuere. Pugnavit tamen pro filiis fortior in hos mors, & illi pudorem in eremum extulerunt. Hic etiam cum solos se crederent, soli non erant. Aderat hostis orcus, & crebrâ lapidatione tyrones animos terrebat, jamque in eam desperationem adduxerat timidos, ut in patriam repedarent; cum ex itinere à matronâ piâ de turpi fugâ notati erubuerunt viris animos à feminâ addi, & ut admissum dedecus eluerent, sublata manibus Crucis signa in hostem iterum verterunt, totaque victores eremo fugarunt. Tum denique cum ad signa mortalium plurimi, qui contra mundum nomen darent, concurrerent, terna castra, terna cœnobîa sunt metati, more veteri omnem inde mulierem proscribentes. Stipendium insuper cælum dedit, cum LVPICINO defossas opes ostendit. Luxum tamen hic, & delicias ciborum severâ disciplinâ damnavit, eamque ob causam signa duodeni turpiter deseruerunt. Sed his quoque reditum ad stationem suam ROMANVS precibus suis impetravit. Idem cum apud leprosos divertisset, sordes pedum aquâ, tactu verò suo omnem in corpore lepram abstergens, divitem hospes symbolam sanitatem reliquit. *Ex S. Greg. Turon.*

Demus Deo aliquod tempus vite nostræ, ne totum diem infelix ista vanitas & sollicitudo miseranda consumat: ne noctem totam perniciosus somnus & inanis sopor expendat, sed itidem pars diei ac noctis ipsi temporum deputetur Auctori, S. Pet. Chrysol. serm. 21.

M A R T I V S.

S. SWIBERTUS EPISC. I. Martii.

Hujus etiam splendorem multò antè quàm nasceretur, stella nuntiavit, in matris lectulum visa delabi. Propitium certè sidus in SWIBERTO Hollandi, Daci, Lotharingi, Brunovicenses, Frisones, Westphali, Saxones, Colonienses aliq; agnoscunt, ut quibus omnibus fidem ille in superstitionis nocte prælucere cœpit, cum primùm anno quinto decimo inter viros religiosos adlectus fuit, multò magis postea, cum facere hoc impositum munus Episcopi jussit. Sed & Numen calculo suo Apostoli officium confirmavit, quando vinctum à Germanis, misso genio bono, è carcere eduxit. Testes porrò dicenti accesserunt præter alios cæci, surdi, muti, dæmones adeò ipsi & tres demortui; illi sani omnes à Divi manu, hi vel pulsi, vel in vitam revocati. Atque hos inter adolescentem memorant, cui vocabulum Splinterus erat. Hic SWIBERTO templum anni superstructum sacrate, dum cymbâ ludit incautus, excidit & aquis haustus mœrore festum diem contaminat. Parentes alieni à divino cultu defunctum in fanum proximum inferunt, & frustra omnibus precibus armatas Martis aures pulsant. Nimirum vitam ille redderet, qui aufert omnibus? Quod tamen hujus non potuit, Jesu nomen invocatum à SWIBERTO potuit, & puer in vitam revocatus plures à superstitione revocavit. Denique stella nobilis SWIBERTVS cum diu in terris egisset, locū suum, ex quo venerat, repetiit. *Ex Sur.*

Etiam infidelis totum se ei debere non ignorat, quem

sui

2. Mart. VITÆ SANCTORVM. 119
*sui totius non ignorat auctorem: quid ergo ego, qui Deum
meum teneo vitæ meæ non solum gratuitum largitorem,
sed insuper etiam copiosissimum Redemptorem, æternum
conservatorem? S. Bern. de dilig. Deo.*

S. CEADDA EPISC. 2. Martii.

Mortem ut ne timeas, time Lector: neque enim illi olim timent, qui nunc timent; id quod CEADDA Merciorum & Lindisfarnorum in Angliâ Episcopus manifestum faciet. Obiit ille anno post orbem restauratum Septuagesimo secundo supra sexcentessimum. Gremium mortuo MARIE templum præbuit, ipse ægris asylon tumultum suum, cujus pulvis haustus morbidis quamplurimis saluti fuit. Cæterum solitus est, dum vixit, quoties vehementior cælo ventus insurgeret, humi se abjicere magnisque vocibus *Misericordiam* DEI implorare: jam cælo gravius succensente, & fulgura tonitrua que miscente, ad templum fugere & aram; neque ibi prius sibi à lacrimis temperare, quàm iterum Sol rideret. Causam interrogatus, respondit, ex his veluti præludiis æstimare se illum supremum ac decretorium diem. Uti que minùs tunc hominem fulgurantes judicis oculos, & fatalem ab arcu sententiam detonantē laturum. Sed talis CEADDA nunquam magis serenum cælum quàm moriens aspexit. Siquidem septē continuis diebus aspectabiles è cælo Angelos habuit, qui ad cæli gaudia invitarunt emeritum, utque aures faciles impetrarent, ah! quali musicâ has demulserunt. Ultimò cum iisdem frater CEADDAE adfuit, qui cum nuper adeò in cælum ivisset, viam scilicet nunc germano monstravit. *Ex Bedâ Histor. Eccl. Gent. Angl.*

Time,

Time, ô homo, quòd in terribili Iudicio ei præsentandus es, in cuius manus horrendum est incidere, & eo examinante, quem nihil latet. Si inventa fuerit in te iniquitas, alienandus es ab universitate quietis & gloria, & segregandus à numero Beatorum. S. Bernard. ferm. de Noviss.

S. WINWALOCUS C. 3. Martii.

EX regio sanguine Anglorum se ortum WINWALOCVS vel ex hoc ostendit, quòd puerulus jam omnia præ se despexit, id demum regium ratus non terræ particulam aliquam, sed omnem omnino pedibus mundum subdere. Sed religionem cogitanti obstitit pater, magnum apud filios nomen, & pietatis hodie etiam remora. Disjecit tamen etiam hoc obstaculum fulmen, quod deprehensum in campis patrē tam diu humi afflixit, dum filium cælo, & religioni non invideret. In hanc receptus magnis statim ostentis cœpit eminerē. Illud, puto, multis non lectu minus, quàm scriptu nobis jucundum erit. Sororcula WINWALOCI anserem domi habebat familiarem. Huic dum incautius (ut ferè fit) colludit, ecce in vulturn delicias facientis hic involat, ferratoque osculo oculum exsculpit deglutitque, heu! nimis delicatum nequam stomacho cibum. Lusca puella alterum etiam oculum plorando videbatur amissura, cum cælestis Alitis monitu WINWALOCVS supervenit, prædonem oculi anserem medium secat, erutumque oculum loco suo reponit, ipsum etiam anserem ad gregem suum amittit, nimis miti in improbum animal supplicio. Sed quid anseres reprehendimus? libentius audiemur WINWALOCVM laudare. qui centies & nocte, & die
in

in genua se abicere solitus, cum obitum suum pridie ab Angelo didicisset, fecit mane, & ad aram ipse quoque victima placidissimâ morte procubuit. *Ex Surio.*

Magna & rara virtus est, ut magna licet operantem magnum te nescias, & manifestam omnibus tuam te solu mlatere sanctitatem; mirabilem te apparere, & contemptibilem te reputare. hoc ego ipsis virtutibus mirabilius judico. S. Bern. serm. 13. in Cant.

S. KUNEGUNDIS AUGUSTA V.

3. Martii.

Nulla tam in diademate KUNEGUNDIS gemma; quam in ipsâ KUNEGUNDE virginitas splenduit; quæ ut cæli oculos mirè recreavit, ita Cacodæmonis usque adeò perstrinxit, ut, quando extinguere non poterat, offuscare saltem sinistris apud animum HENRICI suspicionibus sit adniscus: sed provocavit ad flammæ judices innocentia, & innoxius à ferro candenti pes egregium inculpatum animo testimonium dixit. Porro cum tori castissimi custodem mors abstulisset, verita KUNEGUNDIS tantum thesaurum mundo concedere, in Caufungensem, quem ipsa struxerat, Parthenonem cum eo se abdedit; cujus disciplinam cum Uta neptis ejus laxaret, verbis sæpius nequidquam increpitam, tandem etiam manu objurgavit, & digitorum luculentas notas in genâ ictæ reliquit, nullâ deinceps arte confusas vel deletas. Morituræ de cælo Henricus obviam iit, ad sistendum Judici orbis miraculum, Imperatores conjuges sed virgines: ad tumulum ejus multis vita reddita, qui cum KUNEGUNDEM matrem suam salutarent, probarunt immeritò virginitati sterilitatē objici;

F

quid?

quid? quòd nec ipsa gleba, sub quâ virgo cubat, infæcunda fuit, sæpe in thus & far conversa, persuasura mortalibus, nec fragrantiorẽ esse castimoniâ virtutem, neque felicius ullum germen. *Ex vitâ apud Gretserum.*

Si aliqui de nobis vel malè fingendo, vel malè credendo famam nostram decolorare conantur, adsit conscientia solatium, quòd merces nostra magna est in calis, etiam cùm dicunt homines multa mala de nobis piè tamen justèque viventibus. Aug. de bon. Viduit.

S. CASIMIRUS CONF. 4. Martii.

CASIMIRVS Casimiri Regis Poloniæ F. necdum ephebis egressus in ipsa jam adyta sanctitatis est ingressus. Coronam Ungariæ quanto alii studio vel ambire vel rapere solent, tanto ille repellere à capite suo adlaboravit. Summâ hyeme nudis pedibus noctu templa obibat; purpurâ non corpus, sed cilicium tegebat: somnum humi capiebat, gnarus nusquam alibi tam securos castitatem somnos dormire. His studiis occupatum morbus invadit. Lamentantur parentes; illacrimatur aula, adgemiscunt regna. Circumstant intereâ lectulum medicorum turbæ, medicinam facilẽ nuptias suadent, concessam ægro voluptatem. Sed noluit ille vivere, nobilissimâ animæ parte virginitate emortuâ. Itaque ne non virgo moreretur, juvenis moritur, dignus qui in omnium ore ac calamis vivat. Et verò vivere etiam post mortem Poloni compererunt, cùm candidissimo equo invecus contra Moschos moventibus Dux adfuit, & ductis per aquas compendium ad nobilissimam victoriam monstravit. Quin cùm anno obiisset à pariente VIRGINE M.CCCC.LXXIII. anno deinde

de M. DC. IV. corpusculum virgineum unā cum versibus, quos in laudem VIRGINIS panxerat, secumque tumulo inferri mandaverat, integerrium est repertum. Legant hoc ii, qui insuper habent mactare quotidie castitatem; cui tamen mors ipsa non nisi volenti vim facit, quin mortuæ etiam timet manus inferre. *Ex vitâ.*

Quousque caro misera, insipiens, caca, demens, ac prorsus insana transitorias & caducas querit consolationes, imò desolationes; si fortè contingat repelli & indignum judicari celesti gloriâ, & aternâ cruciari pœnâ? S. Bern. serm. 6. de Adv.

S. C O N O N M. 5. Martii.

INter primos Ecclesiæ flosculos CONONEM etiam numerabis, ut quem ætate Apostolorum floruisse scribunt. Huic etiam nepotum magis, quàm virtutis cupidi parentes uxorem obtruserunt. Sed CONON è sponso Paranympheus factus virgini auctor fuit, in Christum potius amores suos transferret. Ita virgo uterque conjux vixit. Ut tamen non steriles fuisse autumes, Christo parentes suos genuit CONON, magnamque aliam, & nunquam morituram posteritatem miracula post se reliquit. Ipse Angelorum primipilus Michaël visus edocuit CONONEM, quî ritè sacris undis tingendum se præberet, epuloque sacro scitè hospes accumberet. Dolebis credo, qui hæc legis, juven-turi similem magistrum deesse. At cælum id ingemiscit potius, magistro huic similes hodie discipulos, Conones deesse. Sed quid discipulum voco, qui doctor sanioris doctrinæ parētibus, quemadmodum diximus extitit, eosque non nasci modò Christo, sed mori pro Christo docuit; ipse

quoque flagris ad columnam religatus, & ad internecionem flagellandus, nî invitum tormentis Christiani eripuissent? Superstitionis hostis maximus palàm orcum fateri coëgit, nihil Numinis sibi inesse, fueruntque mali dæmones ludus CONONI. Certè pro imperio suo in illos, alios agris custodes addidit, alios testis clausos terrâ abdidit, & orbe terrarum vel mirante vel ridente, ædes inædificavit pessimis fundamentis. *Ex Menais.*

Fides vivida & catholica est, qua velut quoddam Æternitatis exemplar præterita simul & præsentia & futura sinu quodam vastissimo comprehendit; ut nihil ei prætereant, nihil pereat, nihil præeat. S. Bern. serm. 6. de Vig. Nat. Christ.

S. FRIDOLINUS C. 6. Martii.

FELICES exules, qui ut patriam quærant, exeunt patriâ! His FRIDOLINVM jure accenseas. Hibernus domo ex primâ nobilitate, tunc gentilitia decora se aucturum credidit, si superstitionem expugnatum iret, patriamque fidem extra patriam proferret. Igitur fidei signa Rauracis aliisque Rhe- ni accolis intulit, & rebelles nuper cælo animos longè plurimos debellavit. Sub hæc visum est rei Christianæ tutandæ munitionem cœnobium ex- ædificare. Id, quod hodie videmus, Sæckingense est, cui condendo Ursus vir apprimè nobilis patrimonium suum devovit. At invidia etiam hîc cælo divitias suas invidit. Doluit frater Ursi Landulphus in hereditatem paternam secum DEVM venire, & homo, fratre demortuo, ausus est DEO sua eriperè. Magis FRIDOLINVS indoluit; &, quia testis è vivis nemo unus suppetebat, ad mortuos provocavit. Audit in tumultu Ursus, prodit & cum

FRIDO-

FRIDOLINO millia passuum V. Ranckurchium (ibi enim fortè jus Prætor dicebat) contendit, testis, utique omni exceptione major. Nempe minimè placere Landulpho judicio cum morte contendere; ultrò etiam suam portionem heredi Deo cedere, & assem jam promittere, qui semissem nuper negaverat. Quid ad ista vos, quibus hodie hereditate suâ cælum excludere familiare jam est? imò vos, quid? qui donatam à Majoribus vestris ereptum iterum itis. Ad illos, ad mortuos inquam, provocant sacra & sacri homines. Non surgunt, dicitis? at timete. Surgent. *Ex vitâ.*

Considera quàm multi nunc moriuntur, quibus si una hora ad pœnitentiâ concederetur, qua tibi concessa est, quomodo per Altaria & quàm festinanter tamdiu suspirarent, donec peccatorum veniam à Deo consequi mererentur. S. Bern. l. de Int. Dom. c. i.

S. COLETA V. 6. Martii.

COLETA in vivis jam ea spectacula meruit, quæ puris mentibus CHRISTVS olim promissit, ut quæ hunc & Cælites alios familiares quotidie in oculis habuit. Quare vaticiniis ac miraculis clara, & à D. Joanne Apostolo, anulo CHRISTO desponsa, ab hoc ipso tandem in cælos deduci visa est. Epulum Eucharisticum ingenti fame appetiit; & hinc, favore in paucis memorando, eundem convivatorem & cibum quandoque nata, CHRISTVM è CHRISTI manu accepit. Aspera quæque ferre ejus amore ita aiebat, ut omnes Martyrum cruciatus lubens volens persenserit, toties prope Martyr dicenda, quot Martyres cælum numerat. Sed ad id impulit nimirum Servator, qui ei tormenta, quæ exantlasset, quibusque

membris , singula ipse omnia enarravit. Addo , quod primo omnium loco erat ponendum. Precanti in conspectum MAGNA MATER se & FILIOLVM suum dederat ; sed non eum , qui è sinu vel MATRI vel COLETÆ arrideret, sed qui unum jam toto vulnus corpusculo, lacrimis suis commiserationem videretur atque opem exposcere. Adjecit FILIO adgemiscens MATER , illam etiam hodie facinorosorum crudelitatem esse : utique pueritiæ cum primis, quæ vix natum CHRISTVM , vix ipsa nata , non jam uno concidit vulnere. Quin quod placet prævenire Judæorū manus: puerum CHRISTVM in crucem pueri agunt , nec semel agunt. Superi ! quid gigantes facient, quando bellum cælo pumiliones inferunt ? *Ex Steph. Iul.*

Vide & considera, quanta sit erga te dignatio Dei tui, & obliviscere populum tuum & domum patris tui: desere carnales affectus, seculares mores dedisce, à prioribus vitiis abstinere, consuetudines noxias obliviscere.
S. Bern. serm. de Mut. Aquæ in Vin.

S. THOMAS AQUINAS C. 7. Martii.

THOMAS Aquinatum Comitum sanguis, infans oblata fortè in schedâ verba, quibus MARIAM salutamus, illico devoravit , bellaria omni infantiae danda. Puer in bullâ suâ mundum agnovit, eoque ad D. Dominici castra confugit ; sed retractus à tam generosâ fugâ egregiam pugnam edidit, Veneremque ab inimicis domesticis subornatam, & faces sibi admoventem, raptis è foco armis , in fugam agens novo stratagemate ignes ignibus elusit. Ita ubi debellatum est, victoriam gratulati Angeli, balteo virginitatis victorē exornarunt. Ille postea doctrinam virtuti socians , ita de

de Republ. Christianâ meruit, ut inter Doctores sanctiores Princeps habeatur. Certè præclaram censuram CHRISTVS è cruce tulit illis verbis: *Bene de me scripsisti Thoma; merces tua quæ erit?* Superi, quibus studiis veteres verbum illud BENE emendarunt! De stipendio quid dicam? dum præter ipsum, de quo scripserat, petiit nullum, majus non potuit petere. Ad aram porro cum fecisset, solenne habuit facienti deinde alteri pro ministerio assistere, ut qui idem amant facere in pietate discipuli, illud facere se sciant, quod prior Angelicus Doctor fecit. Denique in unam DEI gloriam coniecit oculos; atque hinc à morte stellâ pectus insignis, dixit eam purâ animi intentione se meruisse. Itaque astra in quæ collimavit, facile obtinuit: nos quia oculo non cælum amplissimum, sed scopum terram pusillam statuimus, toto cælo erramus. *Ex Surio.*

Nescit vincere vitia corporis, qui deponit cingulum virtutis. Cincti ergo castitatis balthæo, quod est insigne militiæ Christianæ, fluxam carnis detruncemus ignaviam, & regis nostri expectatione vigiles, insomnem seculi somnum nesciamus. Pet. Chrysol. serm. 22.

S. EQUITIUS C. 7. Martii.

QUOD paucis datum est, castitatis donū EQVIRIVS Angelorum beneficio consecutus est, qui omnem libidinis fomitem auferre à dormiente sunt visi. Qui nosse cupit, quî sibi Angelos tam demeruerit, noverit precibus id fecisse castis, quas si in carnis luctâ cum EQVIRIO plures funderent, plures etiam hostem funderent. Cæterum rude donatus miles noster, nihilominus pro castitate sedulus vigilavit. Quare cùm Basilium Magum

recipere inter monachos cogeretur, palàm edixit dæmonem sub monachi larvâ latere, quam illi tunc detraxit, cum virgo è velatis febris correpta unius Basilii opẽ inclamavit. Rectius enim EQVITIVS hanc curavit, Basilio medico extra septa monasterii ejecto. Alterum dæmonem ex alterâ virgine proscripsit. Sed ille bellè se purgavit, cum otiosum lactucæ insedisse, & gulosæ dentibus ultro petitem se & devoratum dixit, utique levi manu, quæ crucem duceret, abigendum. Porro alterum donum ab Angelo tunc tulit, cum linguam ejus hic ferro tetigit, ut jam, etsi vellet, tacere de Deo non posset. Quodd tamen sui contemptum in moribus etiam & vestibus præ se ferret, obsistere dicenti ad populum Pont. per nuntium cogitabat. Sed uterque aliter monitus à cælo, cœptis destitit. Mortuus deinde EQVITIVS tamen suos à Langobardorum vi defendit. Cum enim hi trucidandos monachos à tumultu Divi abstraherent, hostibus hic alios hostes dæmones malos immisit. Ab his infessi Langobardi obsidionem scilicet cœnobii solverunt. *Ex Dial. S. Greg. l. i. c. 4.*

Non debet fidelis anima, quæ Angelorum consortia concupiscit, demoniorum lusibus delectari: quicumque vel est Templum Dei, vel esse desiderat, sollicitè caveat, ne vana sectando desinens esse templum Dei fiat habitatio tenebrarum, fiat Daemonis monimentum. S. Max. de Circumcis.

S. PHILEMON M. 8. Martii.

Dedit hodie cælo risum PHILEMON, cum ter-
ris tantum pararet nimis doctus mimus.
Apollonius Christianus sacrificare Diis jussus,
cum & scelus facere, & nî faceret, pœnas dare me-
tueret,

tueret, auro PHILEMONEM corrumpit, jubetque ut APOLLONIVM interim induat, dum sacrificet. Ille dum APOLLONIVM veste, vultu gestuque mentitus omnium oculos, & quod mirere, suos adeò fallit, repentè advertit non vestem modò, sed animum etiam Christianum se induisse. Crucis signo (ipse se miratus) armat. Negat dæmonibus litaturum. Denique jam non agere Christianum, sed esse talis videtur. Nempe furere Apollonium exclamat Præses Arrianus, jubet tibicinem PHILEMONEM adesse, qui mulceret insanientem. Mox re omni intellectâ cachinnum tollit, acclamat, plaudit, bellissimam fabulam multis laudat, nimisque bene simulasse PHILEMONEM Christianam religionem ait. At PHILEMON seriùs jam foccos exuerat, & cothurnos induerat. Quare ad preces ejus tibiæ igne cælesti exustæ; ipse, cum manus admove, & aquam nemo auderet, à cælesti manu è nubè aqua primùm, mox sanguine suo, flagris cæsus, lustratus est. Inde unà cum vero Apollonio trajectis ferro pedibus per urbem raptatus. Ultimò ad arboris truncum religatus, & sagittis impetitus est. Sed hæ omnes vel in aëre steterunt, vel in arborem exerrarunt. Una etiam viam relegit, oculoque judicis Arriani hæsit. Vidit tamen hic etiam, quam antè non viderat, fidei lucem, injecto (contrà quàm fieri amat) in oculum è PHILEMONIS tumultu pulvere. *Ex Metaphr.*

Spirituales piratæ metuendi sunt, qui non solum corpora hominum, sed & animas spoliare consueverunt; qui non tam aurum mundi quàm aurum fidei auferre nituntur; qui non tam seculi substantiam, quàm Christi sapientiam depradantur. S. Max. hom. de non timend. host. Carn.

SS. XL. MM. SEBASTENI. 9. Martii.

AMbulaverat per omnes cruciatus impietas, & exhausta tellus nulla jam reliqua tormenta habuit; cū ecce ad aquas, & aërem est itum. Nudi sub frigidissimo cælo XL. Heroes Sebasteni in lacu collocantur gelu rigente. Sed thermas putasses, ita nunquam aliàs major in omnibus ardor eluxit; si unū modò excipias, qui ex Martyre transfuga factus, ad balnea, quæ crudelis impietas, ut virtuti insidias faceret, ponè littus statuerat, sese recepit. Sed invenit ibi continuò mortem, qui vitam quæsierat, victurus, si mortem non fugisset. Interea cælo coronæ XL. delabuntur, & singulorū martyrum capita ambiunt, dumq; unam de custodibus aliquis vacare spectat, nō negligenda regna, quæ cælo venirent, existimans, simul Christianum se clamat, simul in aquas insiliens numerū felicissimum restaurat. Hunc generosum unius saltum omnes tibiis fractis luere: quasi verò in cælum pedum passibus, & non animi iretur. Inde, ut nullum non elementū triumpharent, ad rogam rapiuntur. Sed dum Melithon negligitur nati minimus, ecce tibi mater adest Spartana, sublatumq; in humeros ad cumulum reliquorum asportat, eo animo, ut superesset, unde animos morienti filio adderet. Exuisse hanc alii matrem dicent; ego melius meruisse de filio puto, cū sic ad rogū humeris, quàm cū olim utero ad vitam ferret. *Ex S. Bas. hom. 20.*

Vani inspectores sumus, & laudatores improbi, cū Sancti coronantur & accipiunt palmas, eò quòd in agone legitimè certaverint, si non & ipsi pro modulo nostro ad ea pertingere laboramus. S. Hildeph. ser. de assumpt. beatæ Mariæ Virg.

S. FRAN-

S. FRANCISCA ROMANA. 9. Martii.

Cælum non terram habitasse FRANCISCAM credo. Ita semper aut cælum cum FRANCISCA aut FRANCISCA in cælo fuit. Ægræ medicus D. Alexius astitit; Assisium pergens itineris comitem ipsum Franciscū habuit. Gabriel modò inferos ei, modò cælos monstravit. Tutelaris quoq; cum filio Evangelistâ nuper mortuo superveniens Archangelum se esse prodidit; nempe semper deinde aspectabilem habuit, invidiam Soli etiam sereno facturum. Certè ad ejus vultū recitare VIRGINIS officiū (& recitabat à primis annis quotidie) etiam nocte poterat; ipse concussâ solū cæsarie (fulmina prodire videbantur) orci larvas fugabat. Idē cū perperam aliquid gestū erat, erubescere visus, imò quandoq; subducere se. Semel etiam FRANCISCÆ, quod aurem profanis sermonibus licet invita præbuisset, pugnū impegit, quem quidē (audaces nos!) etiam cum accersimus prætextata verba, non metuimus. Jam sub ultimos vitæ dies hic nobiliori Angelo locū cessit. Ipsa cæli REGINA sæpe sæpius aspectu suo FRANCISCAM recreavit, FILIVM QVÆ ad amplexus & oscula propinavit. Hic ipse quoties decumbenti assedit, dictisq; animum demulsit, vel mutus solatio futurus? quoties se cibum præbuit? quoties, ut in amantis oculis luderet, in omnes formas se mutavit, & nunc nasci iterum agereque quæ puer egit, nunc pugnas veteres pugnare mortemq; obire iterum, triumphare iterum visus est? Sed & Agnū iterū induere, & ex lateris fonte illud nectar fundere sitienti voluit, quod omnes olim biberemus, nisi mundi lacunas sitiremus. *Ex vitâ.*

Solent Angeli astare orantibus & delectari in his,

quos vident levare puras manus in oratione : holocaustum sanctæ devotionis gaudent se offerre Deo in odorem suavitatis. S. Bern. hom. 3. super Missus.

S. CODRATUS M. 10. Martii.

ADeste & aures advertite, qui matrem, qui ubera matris, & sinum clamatis molliculi : suum etiam Superis lac est. Matrem CODRATUS in cunis amisit, neque tamen non molliter est educatus. Etenim nube miraculosâ implicitum Numen fovit, & ambrosiâ scilicet enutrivit delicatum. O pluribus cæli hanc instillare, plures ut CODRATOS habeamus ! Nimirum à cælo lactatus cælum sapuit, cælum spiravit CODRATUS, & cæli amore, etsi medicus aliorum prolongaret, suam ipse tamen vitam imò mortem contempsit. Ecce enim verberant crudelem in morem CODRATVM tortores. Aërem, non CODRATVM, verberant. Nunc minas Jason Præfectus, nunc blanditias ingerit & promissa. Surdus est Martyr. Raptatur cum sociis ad supplicii locum. Ad epulum ire sibi visi sunt, atque ut scires, quanto gaudio imbuti, cum cantu ivere, & illo, si iudices vel Cælitum aures rogasses, longè suavissimo. Jam verò cum capite sunt truncati, gaudio demum diceres exsuisse. Terra quoque applaudens eo in loco, quem sanguine pinxerunt, fontē reddidit, sed qui Christianorum pro Christo mori volentium non pelleret, sed accenderet sitim. *Ex Surio.*

Si vis habere ministeria Angelorum, fuge consortia seculi, & tentationibus resiste Diaboli. Renuat consolari anima tua in aliis, si vis in Dei memoria delectari. S. Bern. serm. 4. in Ps. Qui habitat.

SS. MAR-

SS. MARTYRES ANTIOCHENÆ.

II. Martii.

ANno partæ salutis CCC. VI. eò furor Imp. Maximini barbarus Antiochiæ pervasit, ut neque famem crudelem extensi per craticulas Christiani lentoque igne assati exsaturare, neque sitim cruentam flumina jam sanguinis possent sedare. Tantum verò abfuit, ut ad hæc exhorresceret Christiana Philosophia, ut sponte suâ (Numine utique invitante) ad mortem per præcipitia & undas ruerent, promptiores ad excipiendam mortem, quàm ad inferendam tyrannus. Inter hos jure suo laudem hodie fert Matrona (Pelagiam Ambrosius dicit) cum filiabus geminis. Hæ Antiochiam ducendæ pulcherrimè se exornarunt, iterque feminæ pede ac animo virili sunt ingressæ. Ex itinere mater non quidem vitæ, sed tamen pudori virginum timere cœpit, non ignara quoties hic ludibrio tyrannis fuisset. Et jam è geminis tyrannis plus puer Amor Maximino terrebat, cum Numen animos addidit, ut è ripâ in subjectum flumen generoso saltu se abjicerent, Venerẽ in regno suo expugnaturæ. Diu, veluti lusitabundæ choreas ducerent, secundo flumine descenderunt. Tandem haustas inter preces vortex placidè recepit. Corpora undæ neque exanima disjunxerunt, imò ut favere Nymphis nostris scires, vestibis suis quàm decentissimè tectas ad littus exposuerunt, cum littus æternum meliusque dudum animæ tenerent. Ex Ambros. & Euseb. Chron.

*Cui in periculis palpitanti & trepidanti invocatum
JESU Nomen non statim fiduciam præstitit, depulit me-
tum? Cui in adversis diffidenti jam jamque deficienti,*

ſi Nomen adjutorii ſonuit, defuit fortitudo? S. Bernard.
ſerm. 15. ſup. Cant.

S. GREGORIUS M. DOCT. ECCL.

12. Martii.

VLtro mendicabilis januæ paterent, ſi latitantem in iis CHRISTVM, vel Angelum cerne-remus. Tales hospites GREGORIUS habuit, & ob eam pietatem ſummum Pontificatum tulit. Ad hunc evectus inter primas curas habuit medicinam gregi ſuo quærere, quem peſtilentia totâ paſſim Italiâ, ſed Romæ potiffimum lacerabat. Placuit, morte tam atrociter graſſante, ad MATREM VIVENTIVM confugere. Hujus proinde effigiem cum totâ urbe ſupplicabundus circumtuliffet, Angelum vidit, qui iratum jam diu capitibus enſem vaginæ redderet; & aërem noxium purgari vel inde animadvertit, quòd in eo cæleſtes voces, gratantes CÆLI REGINÆ de morte victoriam, audiit. Ita ſervatis domi civibus, foris etiam Chriſtianum Imperium amplificavit, adjecto Anglo- rum regno. Libros deinde lucubrare eſt aggreſſus, qui etiam hodie Doctorem ſuum SPIRITVM S. probant, quem quidem ſpecie columbæ obvoli- rantem capiti ejus non unus vidit. Sed & ad pre- ces illius Angelorum panis in carnem abiit, & hæ- ſitanti feminæ fidem myſteriorum fecit. Tale co- lumen Chriſtiani orbis ſubruere tamen Mauritius Imp. cogitavit. Sed mox impiæ mortis conſilium morte ipſe non unâ luit, toties mortuus priuſ- quàm moreretur, quot ſub ſecuri filios vidit mori. Ipſe idem fatum cum conjuge contra omnium parentum vota ultimus ſubiit. GREGORIVM verò mortuum ferunt annò DC. IV. ſed rectiùs vivere illum

12. Mart. VITA SANCTORVM. 135
illum etiamnum, & immortalem vivere in suis li-
bris dicemus. Ex Surio.

*Totis medullis cordium, totis precordiorum affecti-
bus, & votis omnibus MARIAM veneremur, quia sic
est voluntas ejus, qui totum nos habere voluit per MA-
RIAM. S. Bern. serm. de Nativ. B. M. V.*

S. ISIDORUS CONF. 12. Martii.

ISIDORVM rusticum virtus nobilitavit. Invidete
vos, quibus honorum titulos vel cunæ alienæ
donarunt, vel nummi turpiter mercati sunt. Quod
si ridere serico cachinno terræ filios lubet, cur non
eodem risu excipitis Angelos, quos ISIDORI vi-
cem, dum hic precatur, sulcare non jam aërem
pennis, sed aratro terram, custodire non jam ho-
mines, sed hominis mulos, & baculo in lupos
pugnare conspiciatis? Nimirum, quorum conspe-
ctum vos horrorem, præsentiam nauteam ducitis,
cum his nobiles cæli cives esse delicias suas pu-
tant; vos hircum interim his oletis; vobis cum
omnia adsunt, omnia desunt; at ISIDORO cum li-
buit, olla pultes dedit, & pauper mensa pauculis
structa, hospites eadem totos pauperum manipu-
los admisit saturosque dimisit. Ite jam & sceptro
imperate homunculis timidis. Opilio noster ba-
culo rudi toti naturæ imperat, & nunc aquas jubet
ire, ubi non sunt aquæ; nunc quos vos timetis
morbos, & quam vos fugitis mortem fugat. Vos
generosos terræ vermiculos, ne in prædam cedatis
ignobilioribus vermibus, frustra myrrhæ armant,
frustra balsama propugnant. At ISIDORVM annos
ab obitu CCCC. & L. integrum servavit virtutis
odor, quando laudes illius pleno ore campana æra
suapte motu impulsæ cantarunt. Rectè igitur no-
bilitate

136 VITÆ SANCTORVM. 12. Mart.
bilitatem hanc anno M. DC. XXIII. Greg. Pont.
Max. Cælitum honoribus condecoravit. Vos quo-
que qui largo pulmone nequicquam nobiles spi-
ritus spumatis, è viâ cedite; Rusticus noster in cæ-
lo etiam reges præit. *Ex actis Canon.*

*Si in hac vitâ dolet esse pauperem, & inhonorem,
quale est in perpetuâ patriâ de contemptu dolorem, de
ignobilitate pœnam, de nuditate opprobrium sustinere?
& tunc addici pœnis, quando pauper ducitur ad con-
fessum Dei, & dives trahitur ad supplicium punitorum?
S. Pet. Chryl. serm. 22.*

S. THEOPHANES C. 12. Martii.

PATRIA THEOPHANI, urbs regia Constantino-
polis, parentes Isacius & Theodota fuerunt,
è principe ambo familiâ. In locum patris demor-
tui ipse Imperator subiit, trimulumque in aulâ suâ
omnibus disciplinis erudiri fecit. Sed animus
etiam his altiora spectabat. Quare cum nuptias,
matre ita volente, effugere non posset, domum
quidem sponsam deduxit: cæterum cum Hyme-
næus in thalamum se penetrare vellet, clausas fo-
res stratumque non sibi sed virginitati reperit.
Nempe sponsæ persuaserat jam, ut alteris nuptiis
virginitatem conjugio copularet. Id verò graviter
tulit focer, ut qui dulce nepotis nomen amabat.
Igitur velut degenerem à patriâ virtute apud Leo-
nem Imperatorem ignaviæ accusavit THEOPHA-
NEM. Idemque, nî vestigiis Majorum insisteret,
oculos effossurum se minitatus, ut vinctum mun-
do teneret (nam solitudinem cogitabat) novis ho-
norum dignitatibus oneravit. Sed mortuo Leone,
cum rectius Irene mulier Imperium administra-
ret, THEOPHANES inter Monachos, conjux inter
Virgines

Virgines velatas se abdidit. Fugit tamen ille Abbatibus honores, ne in alteros scopulos vix subductam ratem impelleret. Post hæc Synodi Nicænæ pars magna fuit. Sed & Leoni alteri Iconomacho fortiter se opposuit. Neque hic virum aut carceris obsidione aut fame longâ expugnare potuit. Victor igitur THEOPHANES cælum subiit, duxitque in triumpho duo ingentia monstra, Leones duos. Ex Surio.

Perspice ô homo quantum valeas, & perpende quantum debeas; ut tandem tibi vilis esse desinas, ut vel per hoc erubescendis subjacere vitiis dedigneris, dum generositatem tuam de Creatoris ac Redemptoris dignitate metiris. S. Maxim. hom. 1. de Resurr.

S. EUPHRASIA V. 13. Martii.

NON facile ulla alia Virgo splendorem generis sui, ut EUPHRASIA novit æstimare; quippe quæ alios quantumvis nobiles toros alto animo despexit omnes, unum CHRISTI ambitiosa expectiit. Fortè in hunc fixum cruci oculos defixerat; cum, ut amor facile omnia sibi fingit, quæ arri- dent, passis brachiis amplexum offerri sibi interpretata illico in crucem involavit, & amatum complexa etiam ipsa, æternum illi suos amores devovit; quin mox futurarum nuptiarum flammeum inter sacras Virgines accepit. Interea literæ adsunt à Theodosio Imp. quem sanguine contingebat. Is quòd quinquennem Ordinis Senatori Principi viro desponderat, jubebat nunc in ejus manus venire EUPHRASIAM. Sed pulchrè illa se jam in alterius manus venisse rescripsit, nec ex re suâ, nec verò ex familiæ dignitate fore, immortali sponso mortalem antepondere. Itaque jam liberè
amori

amori suo vacans, sub dio cibi suiꝑue aliquando in trigesimum diem, sæpius in septimum oblita, ab inferno rivali in puteum præceps acta, ferventi perfusa, aliaꝑue perpeſſa, cùm ſatis jam Sponſo ſe probaſſet, ad nuptias eſt evocata. Illas ſplendidiffimè adornari vidit in cælo, quæ Aſceterio Magiſtra præerat, eoꝑue abductam EUPHRASIAM à Sponſi MATRE corollâ nuptiali, & dote in ſingulas virtutes donari. Quis jam dubitet pulchram EUPHRASIAM fuiſſe, quam tanto ſtudio matrum longè pulcherrima multò pulcherrimo filio conciliabat? *Ex Surio.*

Vide quibus brachiis vicariæ charitatis redamandus & amplectendus ſit, qui tanti æſtimavit, imò qui tanti te fecit: De latere enim ſuo te reformavit, quando propter te obdormivit in Cruce, & ſomnum mortis excepit. S. Bern. ſerm. 2. de Mut. Aquæ in Vin.

B. HENRICUS CONF. 13. Martii.

NON abluiſit indoles HENRICI à ſtirpe ſuâ. Regius puer mammæ & matris, & mundi lallare generoſus reſuſavit, & ad magni Franciſci ubera, vulnera, animum appulit. Intereà parente mortuo Daniæ Rege, viduum regni ſceptrum & corona caput HENRICI & manum ipſa ambiebat, ingerebant hæc regni proceres, ſponſa invitabat, & denique mater impellebat. Per tot tamen obſtacula evadit HENRICVS, in ſolitudines, ſuiſꝑue ipſe Rex ſibi imperat. Sed honor, quò nemo alius fugitivos citiùsprehendit, HENRICVM quoque in ſuis latebris invenit, gemmeiſꝑue vinculis ligatum cum publicâ regni lætitiâ ad ſolium reducit. At mater, (quis credat?) illa mater, quæ nuper amore filium deperibat, in NOVERCAM ecce abit, & , ſive quòd impe-

imperandi dulcedine capta, socium regni nec filium vellet, sive quoddam filii vultum jam minimè HENRICVS præ se ferret (austera vivendi ratio deformarat) in rogum hunc conjicit. Induit tamen, quam mater exuit, ignis pietatem, & incolumem reddidit, pulchrius inter flammās quàm purpuram splendentem. Minus verò jam fidendum regno videns, in Italiam religionis causā contendit. sed mors aliò ex itinere abduxit. In cælum ubi venit, hoc denique ei regnum placuit. *Ex Ferrar.*

Descendamus per viam humilitatis, ponaturq; nobis primus gradus ejus, id est primus profectus, Nolle dominari: secundus, Velle subjici: Tertius, in ipsa subjectione quaslibet contumelias & injurias illatas equanimiter Pati. S. Bern. in sent.

S. PETRUS ABBAS. 14. Martii.

QUàm Alites beati familiares PETRO, & PETRVS vicissim illis fuerit, ex iis quæ narrabimus, perspicies. Tyro in religiosâ Claræ Vallis disciplinâ cum esset, obdormiscentis inter preces Matutinas latus vellicavit Ales unus aliquis ex illis, de quibus diximus, gratissimus PETRO monitor. Aliàs cum avocante capitis dolore à sociis abitum è templo pararet, illa repentè verba à Cæli choraulis cani audivit: *Laudans invocabo DEVM*, atque his voculis delinitus, facilè dolorum oblitus est, perrexitque etiam ipse cœptas preces decantare, etsi inter olores illos non malè anserem se putaret. Illud amœnissimum spectaculum oculis PETRI accidit, videre, cum messis tempore labori cum suis intentus esset, Virginum Reginam MARIAM geminâ altera Maria (è Solymis altera, altera ex Ægypto erat) per segetes ambulare, sociisque

ciisque & laborantibus solamen addere, & fatigatis sudorem abstergere illâ manu, quâ, cum lubet, nubes abstergit, & cælum serenat. Certè tanti esse PETRVS credidit VIRGINEM vidisse, ut cum ex ægritudine alterum deinde oculorum amisisset, minimè ægrè hoc ferret, memor, in quali oculo oculum suum abscondisset. Imò gratulatus sibi luscus est, è duobus hostibus (sic enim ille oculos indigitabat) unum saltem amisisse. Lubens igitur etiam alterū beatâ morte clausit. *Ex Petro de Natal.*

Reverà illud verum & solum est gaudium, quod non de creatura sed de Creatore concipitur, cui comparata omnis aliunde jucunditas mœror est, omnis suavitas dolor est; omne dulce amarum, omne decorum fœdum, omne postremò quodcunque aliud delectare potest, molestum. S. Bern. in Epist.

S. LONGINUS M. 15. Martii.

LONGINVM ajunt Centurionem ejus cohortis fuisse, quæ Servatori, & è cruce pendenti, & tumulo condito, custodiæ causâ fuit addita; Eundem lanceâ latus hausisse sacratissimum, geminosque amoris fontes sanguinis & aquæ nobis dedisse, auctori etiam suo salutares, quippe cujus oculis medicinam fecisse liquor illapsus memoratur. Id certè nemo negaverit tot miraculorum spectatori mentis oculos apertos esse, & cum facinus jam suum, ac Judæorum videret, pectus planxisse, & testimonium divinitatis Crucifixo dedisse. Id cum & tunc & in publico post concilio fecisset, odiumque ingens sibi conflasset, Capadociam gemino cum comite petiit. Sed & invidia comes ivit Judæorum, & missi à Pilato, qui caput LONGINI referrent. In hos dum fortè offendit,

fendit, ipse cognitos incognitus domo excipit habetque perliberaliter. Postridie LONGINVS LONGINVM prodit, mirante & tesseram hospitii frangere ipso hoste renuente. Sed animos addit LONGINVS, jamque Martyrū purpuram ambiens vestes candidas induit, animamque cælo, caput Pilato dat ferendum. Hic nobile spoliū in fimerum abjecit. Prodidit tamen iterum se Divus, & ut sepulchro caput cum filii cadavore conderet, matronam oculis destitutam monuit. Itaque tantum thesaurum reperit cæca. Sed & oculos unā reperit. *Ex Metaphr. & vitā Christi Germ.*

Dominus meus JESVS, post cetera inestimabilis sue erga me beneficia pietatis, etiam dextrum sibi propter me passus est latus fodi; quod videlicet non nisi de dextra propinare mihi vellet, non nisi in dextra locum parare refugii; utinam merear esse columba, quæ in foramine lateris dextri habitat! S. Bern. serm. 7. Qui hab.

S. ABRAMIUS ER. 16. Martii.

ABRAMIUS nobili loco natus, ipso festo nuptiarum suarum die, cum domum sponsa du-cenda esset, damnato thalamo, & sponsæ & mundo se subducens, in loca sola aufugit. Inde sacris initiatus, efferam gentem longā patientiā, & supra quā credi potest, magno labore Christo subegit. Sub hæc Maria neptis ex fratre, quam ille à teneris, moribus optimis ac summā pietate imbuerat, cum semel lapsa esset, per omnia deinde vitia voluta, ex eremo demum in mundum (hoc est ex cælo in orcum) præcepit ivit. Jam publica infamia & scopulus audiebat castitatis, cum ostento divinitus objecto ABRAMIUS draconem vidit immani rictu columbam incautam deglutire, qui tamen

MOX

... et locum peridam red-
... et fingam lapſe, &
... omniſque omniſque
... et ad omniſque omniſque
... hic qui L. ipſos
... omnium inſtruit,
... quare ad hilaritatem
... Mer tamen ca-
... cur ve-
... Deo pſais ag-
... cum ce-
... Marium cegit. quid
... Quid ibi,
... Ervies PP.

Crucem propter
... paſſi ſumus,
... ex
... ? S.

16 Martii.

... TORREL-
... gallum
... autem
... cui meliorem
... deſcium fa-
... in urbe peccavit,
... In his ci-
... etiam, veſtis
... in ſe uteba-
... cubile ter-
... ſuere. Sic quo-
... reliquum omne
... etiam credo à
gallo

gallo expergefactus. Veneris flammās vel vepribus suffocavit, vel gelidā extinxit. Sportulam lautam unctamque cum Papiensis Comes in Bacchanalia submisisset, hospiti eam servaturum se promisit; is ursus fuit, qui ē manu Divi cœnavit, dignissimus Bacchanalibus hospes. Atque huic prædam cum lubens volens concessit, sed non perinde lupo puerum. Eripuit enim hunc, pœnamque lupis omnibus illic morantibus exilium indixit. Atque hoc est, cur exuli Senensi (cui reditum in patriam impetravit cælo jam receptus) cum Divi effigiem penes se habere hic percuperet, visendum se cum lupo gremium premente præbuerit. Porro TORRELLVS moriturus Angelum habuit monitorem. Scio habere eum tu quoque percuperes. Et verò nisi aures claudis, hodie habes. *Ex Ferrar. & Chron. Min.*

Va tibi, qui post lapsum fortiolem te nobis exhibes! Ut quid tam rigidus es in tuam ipsius perniciem? Inclinare potius, ut melius erigaris, & ne prohibeas frangi, quod distortum est, ut possit melius solidari. Quid indignaris increpanti gallo? tibi potius indignare. S. Bern. in F. SS. Pet. & Pauli.

S. HERIBERTUS EP. 16. Martii.

Splendorem D. HERIBERTI, quo sive in aulâ Otton. Imp. III. sive Pontificatu deinde Coloniensi conspicuum orbi se fecit, indicavit ingens, quæ matrem parientem lux ambivit. Illustriorem fecerunt radii, qui precantem persæpè cinxerunt, aliaque cum admiratione facta. Et fortè cælum imbres suos terris subduxerat, cum ecce HERIBERTVS, supplex ad Divorum pulvinaria factus, vix oculis pluit, cum cælo DEVS. Tunc etiam
euntem

fi Nomen adjutorii sonuit, defuit fortitudo? S. Bernard.
 ferm. 15. sup. Cant.

S. GREGORIUS M. DOCT. ECCL.

12. Martii.

VLtro mendicabulis januæ paterent, & latitan-
 tem in iis CHRISTVM, vel Angelum cerne-
 remus. Tales hospites GREGORIUS habuit, & ob
 eam pietatem summum Pontificatum tulit. Ad
 hunc evectus inter primas curas habuit medici-
 nam gregi suo quærere, quem pestilentia totâ pas-
 sim Italiâ, sed Romæ potissimum lacerabat. Pla-
 cuit, morte tam atrociter grassante, ad MATREM
 VIVENTIVM confugere. Hujus proinde effigiem
 cum totâ urbe supplicabundus circumtulisset,
 Angelum vidit, qui iratum jam diu capitibus en-
 sem vaginæ redderet; & aërem noxium purgari
 vel inde animadvertit, quod in eo cælestes voces,
 gratantes CÆLI REGINÆ de morte victoriam, au-
 diit. Ita servatis domi civibus, foris etiam Chri-
 stianum Imperium amplificavit, adjecto Anglo-
 rum regno. Libros deinde lucubrare est aggressus,
 qui etiam hodie Doctorem suum SPIRITVM S.
 probant, quem quidem specie columbæ obvoli-
 rantem capiti ejus non unus vidit. Sed & ad pre-
 ces illius Angelorum panis in carnem abiit, & hæ-
 sitanti feminæ fidem mysteriorum fecit. Tale co-
 lumen Christiani orbis subruere tamen Mauritius
 Imp. cogitavit. Sed mox impiæ mortis consilium
 morte ipse non unâ luit, toties mortuus prius-
 quàm moreretur, quot sub securi filios vidit mori.
 Ipse idem fatum cum conjugē contra omnium
 parentum vota ultimus subiit. GREGORIUM verò
 mortuum ferunt annq̃ DC. IV. sed rectius vivere
 illum

illum etiamnum, & immortalem vivere in suis libris dicemus. *Ex Surio.*

Totis medullis cordium, totis precordiorum affectibus, & votis omnibus MARIAM veneremur, quia sic est voluntas ejus, qui totum nos habere voluit per MARIAM. S. Bern. serm. de Nativ. B.M.V.

S. ISIDORUS CONF. 12. Martii.

ISIDORVM rusticum virtus nobilitavit. Invidete vos, quibus honorum titulos vel cunæ alienæ donarunt, vel nummi turpiter mercati sunt. Quòd si ridere serico cachinno terræ filios lubet, cur non eodem risu excipitis Angelos, quos ISIDORI vicem, dum hic precatur, sulcare non jam aërem pennis, sed aratro terram, custodire non jam homines, sed hominis mulos, & baculo in lupos pugnare conspiciatis? Nimirum, quorum conspectum vos horrorem, præsentiam nauteam ducitis, cum his nobiles cæli cives esse delitias suas putant; vos hircum interim his oletis; vobis cum omnia adsunt, omnia defunt; at ISIDORO cum libuit, olla pulres dedit, & pauper mensa pauculis structa, hospites eadem totos pauperum manipulos admisit saturosque dimisit. Ite jam & sceptro imperate homunculis timidis. Opilio noster baculo rudi toti naturæ imperat, & nunc aquas jubet ire, ubi non sunt aquæ; nunc quos vos timetis morbos, &, quam vos fugitis mortem fugat. Vos generosos terræ vermiculos, ne in prædam cedatis ignobilioribus vermibus, frustra myrrhæ armant, frustra balsama propugnant. At ISIDORVM annos ab obitu CCCC. & L. integrum servavit virtutis odor, quando laudes illius pleno ore campana æra suo pte motu impulsæ cantarunt. Rectè igitur nobilitatem

bilitatem hanc anno M. DC. XXIII. Greg. Pont. Max. Cælitum honoribus condecoravit. Vos quoque qui largo pulmone nequicquam nobiles spiritus spumatis, è viâ cedite; Rusticus noster in cælo etiam reges præit. *Ex actis Canon.*

Si in hac vitâ dolet esse pauperem, & inhonorem, quale est in perpetuâ patriâ de contemptu dolorem, de ignobilitate pœnam, de nuditate opprobrium sustinere? & tunc addici pœnis, quando pauper ducitur ad confessum Dei, & dives trahitur ad supplicium punitorum? S. Pet. Chrys. serm. 22.

S. THEOPHANES C. 12. Martii.

PATRIA THEOPHANI, urbs regia Constantino-
polis, parentes Isacius & Theodota fuerunt,
è principe ambo familiâ. In locum patris demor-
tui ipse Imperator subiit, trimulumque in aulâ suâ
omnibus disciplinis erudiri fecit. Sed animus
etiam his altiora spectabat. Quare cum nuptias,
matre ita volente, effugere non posset, domum
quidem sponsam deduxit: cæterum cum Hyme-
næus in thalamum se penetrare vellet, clausas fo-
res stratumque non sibi sed virginitati reperit.
Nempe sponsæ persuaserat jam, ut alteris nuptiis
virginitatem conjugio copularet. Id verò graviter
tulit focer, ut qui dulce nepotis nomen amabat.
Igitur velut degenerem à patriâ virtute apud Leo-
nem Imperatorem ignaviæ accusavit THEOPHA-
NEM. Idemque, nî vestigiis Majorum insisteret,
oculos effossurum se minitatus, ut vinctum mun-
do teneret (nam solitudinem cogitabat) novis ho-
norum dignitatibus oneravit. Sed mortuo Leone,
cum rectius Irene mulier Imperium administra-
ret, THEOPHANES inter Monachos, conjux inter
Virgines

Virgines velatas se abdidit. Fugit tamen ille Ab-
batis honores, ne in alteros scopulos vix subdu-
ctam ratem impelleret. Post hæc Synodi Nicænæ
pars magna fuit. Sed & Leoni alteri Iconomacho
fortiter se opposuit. Neque hic virum aut carceris
obsidione aut fame longâ expugnare potuit. Vi-
ctor igitur THEOPHANES cælum subiit, duxitque
in triumpho duo ingentia monstra, Leones duos.
Ex Surio.

*Perspice ô homo quantum valeas, & perpende quan-
tum debeas; ut tandem tibi vilis esse desinas, ut vel per
hoc erubescendis subjacere vitiis dedigneris, dum gene-
rositatem tuam de Creatoris ac Redemptoris dignitate
metiris. S. Maxim. hom. i. de Resurr.*

S. EUPHRASIA V. 13. Martii.

NON facile ulla alia Virgo splendorem generis
sui, ut EUPHRASIA novit æstimare; quippe
quæ alios quantumvis nobiles toros alto animo
despexit omnes, unum CHRISTI ambitiosa expe-
tiit. Fortè in hunc fixum cruci oculos defixerat;
cùm, ut amor facile omnia sibi fingit, quæ arri-
dent, passis brachiis amplexum offerri sibi inter-
pretata illico in crucem involavit, & amatum
complexa etiam ipsa, æternum illi suos amores
devovit; quin mox futurarum nuptiarum flam-
meum inter sacras Virgines accepit. Interea literæ
adsunt à Theodosio Imp. quem sanguine contin-
gebat. Is quòd quinquennem Ordinis Senatoriū
Principi viro desponderat, jubebat nunc in ejus
manus venire EUPHRASIAM. Sed pulchrè illa se
jam in alterius manus venisse rescripsit, nec ex re
suâ, nec verò ex familiæ dignitate fore, immortali
sponso mortalem antepondere. Itaque jam liberè
amori

amori suo vacans, sub dio cibi suiꝑue aliquando in trigesimum diem, sæpius in septimum oblita, ab inferno rivali in puteum præceps acta, ferventi perfusa, aliaꝑue perpessa, cū satis jam Sponso se probasset, ad nuptias est evocata. Illas splendidissimè adornari vidit in cælo, quæ Asceterio Magistra præerat, eoꝑue abductam EUPHRASIAM à Sponsi MATRE corollâ nuptiali, & dote in singulas virtutes donari. Quis jam dubitet pulchram EUPHRASIAM fuisse, quam tanto studio matrum longè pulcherrima multò pulcherrimo filio conciliabat? *Ex Surio.*

Vide quibus brachiis vicariæ charitatis redamandus & amplectendus sit, qui tanti aestimavit, imò qui tantum te fecit: De latere enim suo te reformavit, quando propter te obdormivit in Cruce, & somnum mortis excepit. S. Bern. serm. 2. de Mut. Aquæ in Vin.

B. HENRICUS CONF. 13. Martii.

NON abluit indoles HENRICI à stirpe suâ. Regius puer mammæ & matris, & mundi lallare generosus recusavit, & ad magni Francisci ubera, vulnera, animum appulit. Interea parente mortuo Daniæ Rege, viduum regni sceptrum & corona caput HENRICI & manum ipsa ambiebat, ingerebant hæc regni proceres, sponsa invitabat, & denique mater impellebat. Per tot tamen obstacula evadit HENRICVS, in solitudines, suusꝑue ipse Rex sibi imperat. Sed honor, quò nemo alius fugitivos citiusprehendit, HENRICVM quoque in suis latebris invenit, gemmeisꝑue vinculis ligatum cum publicâ regni lætitiâ ad solium reducit. At mater, (quis credat?) illa mater, quæ nuper amore filium deperibat, in novercam ecce abit, & , sive quòd impe-

imperandi dulcedine capta, socium regni nec filium vellet, sive quòd filii vultum jam minimè HENRICVS præ se ferret (austera vivendi ratio deformârat.) in rogam hunc conjicit. Induit tamen, quam mater exuit, ignis pietatem, & incolumem reddidit, pulchrius inter flammâs quàm purpuram splendentem. Minus verò jam fidendum regno videns, in Italiam religionis causâ contendit. sed mors aliò ex itinere abduxit. In cælum ubi venit, hoc denique ei regnum placuit. *Ex Ferrar.*

Descendamus per viam humilitatis, ponaturq; nobis primus gradus ejus, id est primus profectus, Nolle dominari: secundus, Velle subjici: Tertius, in ipsa subjectione quâlibet contumelias & injurias illatas equanimiter Pati. S. Bern. in sent.

S. PETRUS ABBAS. 14. Martii.

QUàm Alites beati familiares PETRO, & PETRVS vicissim illis fuerit, ex iis quæ narrabimus, perspicies. Tyro in religiosâ Claræ Vallis disciplinâ cùm esset, obdormiscentis inter preces Matutinas latus vellicavit Ales unus aliquis ex illis, de quibus diximus, gratissimus PETRO monitor. Aliàs cùm avocante capitis dolore à sociis ab itum è templo pararet, illa repentè verba à Cæli choraulis cani audivit: *Laudans invocabo DEVM*, atque his oculis delinitus, facilè dolorum oblitus est, perrexitque etiam ipse cœptas preces decantare, etsi inter olores illos non malè anserem se putaret. Illud amœnissimum spectaculum oculis PETRI accidit, videre, cùm messis tempore labori cum suis intentus esset, Virginum Reginam MARIAM geminâ altera Maria (è Solymis altera, altera ex Ægypto erat) per segetes ambulare, sociisque

ciisque & laborantibus solamen addere, & fatigatis sudorem abstergere illâ manu, quâ, cum lubet, nubes abstergit, & cælum serenat. Certè tanti esse PETRVS credidit VIRGINEM vidisse, ut cum ex ægritudine alterum deinde oculorum amisisset, minimè ægrè hoc ferret, memor, in quali oculo oculum suum abscondisset. Imò gratulatus sibi luscus est, è duobus hostibus (sic enim ille oculos indigitabat) unum saltem amisisse. Lubens igitur etiam alterū beatâ morte clausit. *Ex Petro de Natal.*

Reverà illud verum & solum est gaudium, quod non de creatura sed de Creatore concipitur, cui comparata omnis aliunde jucunditas mæror est, omnis suavitas dolor est; omne dulce amarum, omne decorum fœdum, omne postremò quodcunque aliud delectare potest, molestum. S. Bern. in Epist.

S. LONGINUS M. 15. Martii.

LONGINVM ajunt Centurionem ejus cohortis fuisse, quæ Servatori, & è cruce pendenti, & tumulo condito, custodiæ causâ fuit addita; Eundem lanceâ latus hausisse sacratissimum, geminosque amoris fontes sanguinis & aquæ nobis dedisse, auctori etiam suo salutares, quippe cujus oculis medicinam fecisse liquor illapsus memoratur. Id certè nemo negaverit tot miraculorum spectatori mentis oculos apertos esse, & cum facinus jam suum, ac Judæorum videret, pectus planxisse, & testimonium divinitatis Crucifixo dedisse. Id cum & tunc & in publico post concilio fecisset, odiumque ingens sibi conflasset, Capadociam gemino cum comite petiit. Sed & invidia comes ivit Judæorum, & missi à Pilato, qui caput LONGINI referrent. In hos dum fortè offendit,

fendit, ipse cognitos incognitus domo excipit habetque perliberaliter. Postridie LONGINVS LONGINVM prodit, mirante & tesseram hospitii frangere ipso hoste renuente. Sed animos addit LONGINVS, jamque Martyrū purpuram ambiens vestes candidas induit, animamque cælo, caput Pilato dat ferendum. Hic nobile spoliū in fime-
tum abjecit. Prodedit tamen iterum se Divus, & ut sepulchro caput cum filii cadavere conderet, matronam oculis destitutam monuit. Itaque tantum thesaurum reperit cæca. Sed & oculos unā reperit. *Ex Metaphr. & vitā Christi Germ.*

Dominus meus JESVS, post cetera inestimabilis sue erga me beneficia pietatis, etiam dextrum sibi propter me passus est latus fodi; quod videlicet non nisi de dextra propinare mihi vellet, non nisi in dextra locum parare refugii; utinam merear esse columba, quæ in foramine lateris dextri habitat! S. Bern. serm. 7. Qui hab.

S. ABRAMIUS ER. 16. Martii.

ABRAMIUS nobili loco natus, ipso festo nuptiarum suarum die, cum domum sponsa ducenda esset, damnato thalamo, & sponsæ & mundo se subducens, in loca sola aufugit. Inde sacris initiatus, efferam gentem longā patientiā, & supra quàm credi potest, magno labore Christo subegit. Sub hæc Maria neptis ex fratre, quam ille à teneris, moribus optimis ac summā pietate imbuerat, cum semel lapsa esset, per omnia deinde vitia voluta, ex eremo demum in mundum (hoc est ex cælo in orcum) præceps ixit. Jam publica infamia & scopulus audiebat castitatis, cum ostento divinitus objecto ABRAMIUS draconem vidit immani rictu columbam incautam deglutire, qui tamen

MOX

MOX medius ruptus aëri & libertati pavidam redderet. Hoc viso animatus, cum & fugam lapsæ, & reditum resipiscientis non malus vates ominatus esset, ingenium ecce exerit, & id ætatis senex militem induit atque urbem petit. Hic qui L. ipsos annos vinum nec libaverat, convivium instruit, mensæ neprem adhibet, quæque ad hilaritatem faciunt, omnia facit pius auceps. Mox tamen captatâ in tempore occasione, quis sit, aperit, cur venerit, exponit. Tum verò verbis DEO plenis aggredditur, & primò mirari, deinde nutare, tum cedere, demum manus dare Mariam cogit. quid multis? ad columbaria Eremiti reducit. Quid ibi, ais, columba capta? nempe gemit. *Ex viis RP.*

Deus ob ineffabilem misericordiam, Crucem propter nos sustinuit; cur non & nos erga proximos iusti simus, & agnoscentes eos ut membra nostra & eripientes ex Diaboli faucibus in viam virtutis reducamus? S. Chrys. in Gen. hom. 3.

B. TORRELLUS C. 16. Martii.

PETrum videre te alterum puta, cùm TORRELLVM vides. Nam & hic forte fortunâ gallum in humeros involantem, tertioque cantantem audivit, flevit, resipuit, & ex Veneris, cui meliorem ætatem devoverat, mancipio cæli delictum factus, quidquid pauculis annis in urbe peccavit, LX. omnino annis inter silvas damnavit. In his civium illi frequentia arbores, tectum cælum, vestis setosum porci corium, arma, quibus in se utebatur, catena ferrea, diliciæ panis & fons, cubile terra, plumæ sarmenta, cervical lapis fuere. Sic quoque non nisi tres horas somno, reliquum omne noctis lacrimis transcripsit, tunc etiam credo à gallo

gallo expergefactus. Veneris flammās vel vepribus suffocavit, vel gelidā extinxit. Sportulam lautam unctamque cū Papiensis Comes in Bacchanalia submisisset, hospiti eam servaturum se promisit; is ursus fuit, qui ē manu Divi cœnavit, dignissimus Bacchanalibus hospes. Atque huic prædam cū lubens volens concessit, sed non perinde lupo puerum. Eripuit enim hunc, pœnamque lupis omnibus illic morantibus exilium indixit. Atque hoc est, cur exuli Senensi (cui reditum in patriam impetravit cælo jam receptus) cū Divi effigiem penes se habere hic percuperet, visendum se cū lupo gremium premente præbuerit. Porro TORRELLVS moriturus Angelum habuit monitorem. Scio habere eum tu quoque percuperes. Et verò nisi aures claudis, hodie habes. *Ex Ferrar. & Chron. Min.*

Vae tibi, qui post lapsum fortiolem te nobis exhibes! Ut quid tam rigidus es in tuam ipsius perniciem? Inclinare potius, ut melius erigaris, & ne prohibeas frangi, quod distortum est, ut possit melius solidari. Quid indignaris increpanti gallo? tibi potius indignare. S. Bern. in F. SS. Pet. & Pauli.

S. HERIBERTUS EP. 16. Martii.

Splendorem D. HERIBERTI, quo sive in aulâ Otton. Imp. III. sive Pontificatu deinde Coloniensi conspicuum orbi se fecit, indicavit ingens, quæ matrem parientem lux ambivit. Illustriorem fecerunt radii, qui precantem persæpè cinxerunt, aliaque cum admiratione facta. Et fortè cælum imbres suos terris subduxerat, cū ecce HERIBERTVS, supplex ad Divorum pulvinaria factus, vix oculis pluit, cū cælo DEVS. Tunc etiam
cūntem

euntem columba comitari visa est, & ad extremum in caelos sublimis abire. Eò per infima quæque munera charitatis tendere HERIBERTVS. Itaque pauperulæ filium ipse sacro fonte voluit mergere, alterum tollere mersum, pauperisque cœnæ eo die conviva esse, docturus nostram ætatem, parvo (si velint) opsonare etiam insulas posse. Jam monasterio construendo cum locū circumspiceret, hunc Deipara ipsa signavit, ut viderent Mariani, quæ maximè ædificia VIRGO probaret. Sub hæc cum infensus HERIBERTO S. Henr. Imp. esset, castigatus à cælo non dubitavit cum hostili animo purpuram exuere, & ad ipsos Pontificis pedes descendere, veniam osculis lacrimisque rogantibus. Jam moriturus hic heredes scripsit (adepte testamento Pontifices) fratres suos, non quos caro sed pauper Christus germanos fecerat, quosque ille non fratres modò dicere, sed Dominos etiam est solitus. Tum demum in cælum abiit, non aberraturus, quia & Divorum choros obvios habuit, & columba illi jam olim viam monstravit. *Ex Surio.*

Manus pauperis est Gazophylacium Christi; Da ergo homo pauperi terram, ut accipias cælum: da nummum, ut accipias regnum; da micam, ut accipias totum: Da pauperi, ut des tibi; quia quicquid pauperi dederis, tu habebis, quod non dederis, habebit alter. S. Petr. Chryl. ferm. 8.

S. PATRICIUS EP. 17. Martii.

PATRICIUS puer servitutem serviit Hibernis, magno horum bono: è servitute enim dominos suos servus eripuit. Id hoc modo factum. Parvulum è Musarū sinu latrunculi in Hiberniam abduxe-

abduxerunt. Ibi sues pascere iussus est nobilis puer. Agnosceres sanè margaritam ad pedes porcorum abjectam. Cæterum è scrobe, quem porci fecerant, lytrum egerere Angelus iussit. Ergo in patriam redux in disciplinam SS. Martini & Germani Antisiodorensis se dedit. Post hæc, ut Hibernos Christo adjungeret, suaserunt somnia, in quibus & accipere ex Hiberniâ epistolas supplices, & necdum natorum Hibernorum voces plorantium opem audire sibi videbatur. Euntem igitur in provinciam suam, insulâ Cælestinus Pont. donavit. Anachoretæ baculo, quem, quòd ex manu JESU accepisset, iussusque PATRICIO dare fuisset, ab eodem, JESU baculum dixit. Ita armatus in Hiberniam venit, & æquis auribus tam diu auditus à pluribus est, quoad de inferorum suppliciis dicere cœpit. Hæc enim, velut fabella, risu excepta. At PATRICIUS locum, ubi dicebat, scipione suo cùm signasset, amplum terræ hiatus aperuit, iussitque non fictis vocibus inferos ipsos concionari. Tunc verò inferos esse inferis creditum est, locusque is Purgatorium PATRICII appellatus, qui cùm omnem eam gentem in libertatem filiorum DEI afferuisset, annos natos C. XXII. ex corpore, alterâ servitute, abiit. Pilei loco Superi coronam donarunt. *Ex Lippeloo & Pet. de Natal.*

Propterea rectum fecit Deus hominem etiam corpore ipso, & os homini sublime dedit, cùm prona utique spectent animantia cætera terram; ut attollens ad sidera vultus illico suspiret, ubi tam beatam & perennem conspicit mansionem. S. Bern. serm. de S. Mart.

S. GERTRUDIS V. 17. Martii.

GERTRVDEM quoque ob sanguinem , quem nobilissimum inter Gallos habebat , sanctè superbam vidisses. Quare cùm eam juvenis (è principe & ipse familiâ) sponsam sibi à parente Pipino peteret , ipsumque adeò Regem Dagobertum , qui tum fortè epulo hospes aderat , oratorem haberet , contempsit tamen mortalem sponsum GERTRVDIS , & jurejurando palàm firmavit , non nisi immortalis nupturam se , nec aliam dotem præter cælum admissurâ. In has deinde leges à morte Pipini Virginem D. Amandus Christo despondit. Mox cæli prodigia castissimam sponsam honorarunt. Nam precantē ignea & è cælo delapsa sphaera visa est coronare , & ejus ope servati nautæ à mortis periculo , quod immanis cetus jam jam minabatur. Sed vel nomen GERTRVDIS pro scuto fuit , merisitque subitò , quod navim jam mergere videbatur , monstrum. Jam diem ultimum , quem quidem ut nuptialem GERTRVDIS amavit , monachus illi prædixit Ultanus , commeatum è cælo D. Patritium , & beatos Angelos spondit. Virtutis odorem etiam à morte tumba , quam longè antè fieri ipsa mandaverat , suavissimum spiravit. Ipsa , ne vivere etiam mortuam dubitares , diversorum oculis se objecit cælesti luce circumfusa. Visa etiam ignes grassantes à monasterio illo velo avertere , quo impuras olim flammæ suffocaverat. Tam facilè etiam indomitum Vulcanum est vincere illi , qui Venerem vicit. *Ex Surio.*

Qui Christum videre quarit , cælum , unde Christus est , non terram , de qua aurum est , intueatur. Divites , qui sursum est , non portat sed proculcat divitias , nec incurvatur

18. Mart. VITÆ SANCTORVM. 147
*vatur divitiis, sed levatur. Divitiarum servus, non do-
minus est avarus: at misericors tot servos habet, quot
nummos. S. Pet. Chrys. serm. 4.*

S. EDUARDUS M. 18. Martii.

Sustulerat Edgarus Angliæ Rex binos filios: ex
Elfedâ, lectissimâ matronâ, EDVARDVM no-
strum: ex Elfridâ improbissimâ muliere, Ethelre-
dum. Illi utpote natu majori regnum Edgarus, &
quæ major regno hereditas est, virtutem reliquit.
Non hanc, sed illud invidit noverca improba, &
quò purpuram Ethelredo suo pingeret, sanguinem
statuit EDVARDI fundere; quin si fieri aliter jam
non posset, cum diademate caput auferre. Com-
modum impiis consiliis accidit, ut quarto regni
sui anno illic venaretur EDVARDVS, ubi pessima
fera noverca stabulabatur. Nimirum hæc venatori
laqueos ponit. rogat tectis hospes filius succedat.
Abnuentem, haustum certè è manibus parentis
accipiat, obtestatur. Heu! ut nunquam magis odit
noverca, quàm dum amat! Dum bibit, subornatus
ad scelus servulus, cultro necem domino fert, vi-
numque sanguine miscuit; corpus exanime in
proximâ casâ occultatum: sed scelus Elfridæ una-
que virtutem EDVARDI prodidit etiam in nocte
lux insolita, casam omnem illustrans, lucemque
adeò mulierculæ inhabitantis oculis ferens, quam
nunquam prius videre. Iterum in paludes abje-
ctum cælum ostendit indice columnâ igneâ. Ergo
extractum omni que honore tumulatum Martyris
corpus fontem prope dedit, ex quo passim sanita-
tem ægri bibebant. Noverca etiam veniam ora-
tura illuc contendit, sed neque eques, neque pe-
des progredi unquam potuit, semper vi, nescio
quâ,

148 VITÆ SANCTORVM. 19. Mart.
quâ, arcanâ repulsa. Dixisses neque supplici no-
vercæ jam manes fidere. *Ex Surio.*

*Plantare pacem radicatus, Dei est : evellere penitus,
inimici. Nam sicut amor Fraternitatis ex Deo est ; ita
odium ex Diabolo : quapropter damnanda sunt odia,
quoniam scriptum est, qui odit fratrem suum, homi-
cida est. S. Pet. Chrys. serm. 53.*

S. JOSEPHUS SPONSUS B. M. V.
19. Martii.

Compendium laudum JOSEPHI dedero , si
convixisse JESU & MARIAE dixero ; huic
Sponsum integerrimum, illi nutritorem sedulum.
Arcanorum ergo conscius omnium , multa gavi-
sus est gaudia, multa dolenda doluit. Utraq; VII.
fuisse binis è D. Francisci cœtu ipse voluit manife-
stum. Et gaudio quidem primus omnium delini-
vit animum nuntius , quo non nisi DEO plenam
MARIAM intellexerat : tum deinde aures recrea-
runt ad cunas magni infantis choraulæ nobiles ;
sed longè demulsi suavius nomen , quod ipse in-
didit, dulcissimum. Jam vaticinia Simeonis, quæ
Servatorem puerum ; dejecta in Ægypto simula-
chra Dæmonum, quæ DEVM loquebantur, & An-
gelus, qui in patriam exules revocabat, aliis atque
aliis gaudiis cumularunt. Illud demum delitiis
inundavit, cum quod charissimum habuit pignus,
amissum reperit. Et hæc gaudiorum materia ; illa
dolorum fuere : tristis primò , quem à VIRGINE
parabat, secessus ; tum pauperes cunæ , & prima,
quæ imbribus prælusit, sanguinis pluvia ; mox gla-
dius Simeonis, cor Sponsæ non nisi per præcordia
Sponsi petiturus ; post fugam præproperea & Arche-
lai tyrannis ; demum amissa in uno Pueri omnia
bona ;

bona; hæc inquam, tot mœroris argumenta, quot antè lætitiæ, dubiam utrinque victoriam fecere. Ego, si fas sit, octavum & dolorem & gaudium addidero, mortē inter JESV ac MARIAE amplexus. Quid enim acerbius, quàm hos ex oculis dimittere? quid dulcius, quàm ab his oculos claudi?
Ex lib. 3. Carthag.

Disce homo obedire, disce terra subdi, disce pulvis obtemperare: Erubescere superbe cinis: Deus se humiliat, & tu te exaltas; Deus se hominibus subdit, & tu dominari gestiens hominibus, tuo te preponis Auctori. S. Bern. hom. 1. super Missus.

S. PANCHARIUS M. 19. Martii.

Nemo, ô juvenis! nemo rectè duobus Dominis unus servit. Nempe duos nec amabis, nec amaberis à duobus. Si fidem Christo non habes, ah saltem tibi habe, juventutis habe Principi PANCHARIO. Quid non huic nomen suum promisit? unus Diocletiani furor, qui patriam infestabat, terrebat. Ergo Romam itur. Ah PANCHARI sequeris, non fugis hostem! Aula tamen accipit, opes stipant, honores aulæ Præfectum salutant, ipse Diocletianus amat. Fidem juro PANCHARI, odit tyrannus qui amat. Eheu! vates fui, blanditiis expugnatur cereus animus, & dum fidus regi laborat esse, cælo fit perfidus, Christum, prô! cum Jove mutat. Ite nunc aulæ mancipia, ite Principes, fidem aulæ habete utrique, quæ fidem frangit Deo. Nunquid rectè iterum illud clamabo: *Exeat aula, qui pius esse cupit?* Exit ecce PANCHARIUS aulâ, à matre & sorore Christianis castigatus, & pius est iterum, iterum Christum amplectitur, Jovemque damnat, spectante & audiente Diocletiano. Furit

hic & verberibus sævit. Hæc tu PANCHARI, amoris divini in te principia crede. In theatrum abriperis: Spectatores Superos habebis. Exul Nicomediam abduceris. Gaude vel sic aulâ exiisse. Securi feriunt; sanguini innatas. O factum bene! hanc demum purpuram altera, ad quam tendis, Aula probat. *Ex Meneis.*

Sapientia est in pœnititudine peccatorû, in contemptu præsentium commodorum, in desiderio futurorum præmiorum. Invenisti sapientiam, si prioris vitæ peccata defleas, si sæculi desideria parvipendas, si æternâ beatitudinē toto desiderio concupiscas. S. Bern. l. i. de Conf.

S. SIBYLLINA V. 19. Martii.

NATA SIBYLLINA Papiæ in Biscofsâ nobili familiâ D. Dominici tertium Ordinem nobilitavit. A teneris scelus ingens credidit esse, quem sibi horarum Canonicarum vicem numerum precum præfixerat, vel semel omittere. Loco solo cum se inclusisset, non nisi semel ad Virginem velatam, semel epulo Eucharistico reficienda sponso obviâ processit. Gaudiis tunc inundabat, cum sanguini, quem ipsa flagris septem annis quotidie fundebat. Pudorem unicâ veste & contra æstum, & frigora tegebat. Nudo indormiebat ligno, suavissimo castitati thalamo. Annum XII. egressa, cum oculos corporis amisisset, animi invenit, & D. Dominicum manifestâ in luce conspicuum habuit, tantis gaudiis delibuta, ut jam nollet non fuisse cæca. Et verò quis unquam plura vel Argus vidit, quando longè pòst futura vidit, prædixit; conscios lethalis noxæ animos inspexit; è ligno, quo Christus pependit, reliquias, cordis tactu veras esse pervidit, eoque oculis jam penetravit, ut
quo

quo Christus sub panis orbe, quo non lateret, perspiceret. Sed illa oculis carenti jucundissima spectacula fuere: videre non semel festo Pentecostes die sacrum Pneuma supra caput suum descendere. Denique cum precabunda beatissimum illum passionem JESVM, illum illum solem potuit intueri, an non oculos habuisse jam probos putemus? Enimverò si oculis tunc non vidit, at certè charius aliquid oculis vidit. *Ex tom. 14. Bzovii.*

Preoccupatum secularibus desideriis animum delectatio sancta declinat, nec misceri poterunt vera vanis, aeterna caducis, spiritualia corporalibus, summa imis; ut pariter sapius quæ sursum sunt, & quæ super terram. S. Bern. hom. 5. de Ascens.

S. JOACHIMUS PATER B. M. V.

20. Martii.

JOACHIMVS è regiâ Davidis stirpe affem suum trifariam divisit. Partem templo sacram, alteram egenis & peregrinis communem, ultimam sibi & familiæ voluit reliquam, testamento, quod vel cælum probavit. Nam cum in ipsam senectam usque sine hærede vixisset (probrio id ætatis ac loci tanto, ut cum sacrificio suo etiam repulsam ab arâ tulerit) precibus suis apud Numen hoc questus, candidissimum nuntium certæ prolis accepit. Et verò spem ipse etiam rei eventus longè maximè superavit. Nata enim MARIA, & cum MARIA renatus orbis est. Et pensavit profectò partus tam ferus, quidquid morarum traxerat. Potuit ignosci tempori tam magna parturienti: potuit JOACHIMVS hâc unâ filiâ beatus ridere populos alios filiorum. Proinde officium patris facturum, cælo filiam, cui debebat, vix trimulâ dicat, & templo jam

tum ancillam facrat, nullam cum hoc sacrificio repulsam ab arâ extimescens. Ipse certus de Servatore sinum Abrahæ petit, inde paucis post annis triumphantem CHRISTVM ovans sequitur in cæli arces. Ibi ille olim sterilis senex omnium parentum gloriam nunc exæquat. Summa ejus est, genuisse talem filiam; quæ talem illi nepotem peperit. *Ex S. Io. Damasc. l. 4. de Fide Orth. & orat. de Nat. Maria.*

Si primò non exaudiris, ab oratione non deficias; imò precibus & clamori insistas; vult Deus rogari, vult cogi, vult quadam importunitate vinci. Ideo tibi dicit, Regnum calorum vim patitur, & violenti rapiunt illud. S. Greg. in psalm. 6. Pœnit.

S. CUTHBERTUS EP. 20. Martii.

EXultabat puer CUTHBERTVS insolentiùs inter æquales suos, victor cum omnibus aliis in ludis, tum in luctâ præcipuè. Interea puero Pædagogum submisit cælum trium annorû pusionem, qui gravibus verbis castigavit leviculum, jussitque mores assumere, qui infulam, quâ olim insigniendus esset, exornarent. Et audiit CUTHBERTVS Deum in infante loquentem, & jam tum abire ad partes religiosorum hominum cogitavit, quod ut posset faciliùs, ægrotantis genu Medicus Angelus, equo candido insignis, curavit. Homines deinde ut pascere olim sciret, pascere pecora instituit, & vigil inter preces in illustri nocte Aidanum Episcopum cælo vidit subire. Posthæc inter Religiosos cum hospitum curam haberet, inter hos aliquando Angelum numeravit. Nocturnas Veneris faces sæpius rigentibus aquis mersus collo tenuis extinxit. Episcopus Lindisfarnensis, altero statim

statim anno libentiùs infulam posuit, quàm sum-
psit. Mira quæ patravit plurima alia narrant, &
inter hæc feras abactas à pascuis, ab agris aves, ex
corporibus tortores dæmonas, corpus quoque
ejus post annos quadringentos decemque & octo
integrum mirantur. At me judice majus miracu-
lum tu facies juvenus, si vel pauculos illos annos,
quibus vives, integrū corpusculū servabis. *Ex Bedâ.*

*O quàm compositum reddit omnem corporis statum,
nec non & mentis habitum disciplina! cervicem sub-
mittit, ponit supercilia, componit vultum, ligat oculos,
cachinnos cohibet, gulam frenat, iram sedat, format in-
cessum.* S. Bern. in Ep. ad Soph. V.

S. WULPHRANNUS EP. 20. Martii.

WULPHRANNVS est Senonum Pont. idemque
Frisiorum Apostolus. Ad hos cum mari con-
tenderet, & Ministro sacer calicis orbis impruden-
ti in undas excidisset, jussit brachium hunc in
aquas tendere. Tendenti continuò orbis, specta-
tores Christo adhæserunt. Morem vel Gente suâ
barbarum magis, quo victima Diis improbis ju-
ventus innocens cadebat, non uno miraculo anti-
quavit. Nam & suspensum puerum à laqueo ab-
solvit, &, ut geminis aliis, qui mari exæstuant
prædâ expòsi fuerunt, succurreret, sicco pede
undas perambulavit, & dextrâ hunc, illum sinistrâ
molliter prehensos ad litus eduxit, mox meliore
aquâ, & Christiano ex more mersos matri resti-
tuit incolumes. Atque his miris filium etiam Du-
cis Radbodi ad Christum pertraxit, sed non Rad-
bodum ipsum. Nimirum jam sacris undis etiam
iste admovendus, cum ex WULPHRANNO intel-
lexisset, Majores suos, Ducesque Frisonum omnes
qui

(qui quidem superstitioni dediti fuissent) inferis damnatos esse, exclamavit improbo joco, malle se cum pluribus & Majoribus suis etiam apud inferos, quàm sine his, & cum pauculis aliis apud Superos degere. In hâc sententiâ ludibria dæmonis mali firmarunt, qui aureos illi montes, certè aurea palatia pollicitus est. Et jam iverat legatus à Radbodo missus, qui Deorum munera inspiceret: jam inspecta probaverat oculus fasciatus, cum socius, quem WULPHRANNVS addidit, vana ædificia unico signo crucis omnia destruxit. Radbodus intereà prius, quàm nuntii redirent, ad illos suos plures abiit. Ex Lippeloo.

Renovetur cor à carnalibus desideriis, ut exclusis illis introducatur amor Dei & amor patriæ celestis: recedant ab ore arrogantia & derogatio, & succedant peccatorum confessio & bona de proximis æstimatio; assumatur continentia & innocentia, ut contrariis virtutibus contraria vicia depellantur. S. Bern. sent.

B. AMBROSIUS SANSEDONIUS C.

20. Martii.

Senis ortus AMBROSIVS SANSEDONIVS natalem noctem communem cum D. Thoma & Jacobo Mevaniensi habuit. Eam ne candidam orbis dubitaret, tergemina calculo suo Luna notavit; manè deinde vox probavit pueruli *ad scholas, ad scholas* conclamantis, qui quidem causam clamoris rogatus, tres Principes Doctores natos respondit. Porro AMBROSIVS infans manibus captus pedibusque ea vincula in æde D. Dominici rupit. Viros Religiosos in nutricum brachiis risu salutabat, nec alio magis quàm imaginum aspectu delectabatur, profanas longè repellens, sacras osculis

osculis fatigans. Jam septennis VIRGINIS officium quotidie solitus est persolvere : novennis verò jejunia pane & aqua sancta habere : insuper quot hebdomadis, die MATRI VIRGINI dicato, V. egētes hospitio excipere, ut illud etiam Angeli ambirent, & modulos suos adderent. Fugam è mundo meditati, & declinanti, nescio quod, epulum geniale, Proteus Orci eremicolam mentitus suadere cœpit, primam ætatē suo exemplo voluptati libaret, senectutem DEO litaret. At improbum consiliarium AMBROSIVS signo crucis pepulit. Jamque D. Dominici, jam Alb. M. discipulus, mox ipse Doctor sacrarum literarum Luteriæ, tum Coloniae fuit. Atque ut sciremus unde doctrinam suam haberet, visa est palam Divina columba in aures loqui AMBROSIO, quæ ille ad concionem clamaret. *Ex Ann. Dominic.*

O seculum nequam, quod tuos sic soles beare amicos, ut Dei facias inimicos ! planè enim qui amicus esse vult tuus, inimicus Dei constituitur : Amicus itaque mundi excluditur à consilio amicorum Dei. S. Bern. in Epist.

S. BENEDICTUS ABBAS. 21. Martii.

BENEDICTVS puer ladum cum eremo mutavit, satis jam magnus philosophus, qui terrena contemnere didicerat. Ibi multò post malus Orci pullus merulam mentitus, ingens sub animo libidinis incendium excitavit : sed ille nudus in spinas abjectus sanguine id extinxit ; ut quando Poëtae rofas olim omnes candidas volunt fuisse, ex his spinis primum credam erupuisse. Secundum hæc cum socios legeret, multa admiratione digna fecit, multa passus est. Illud lepidum etiam memoratu. Discipulum, qui à divinis ante finem sub-

ducere se amabat, attentioribus oculis arbitratus, vidit à Stygii coloris nano vestis orâ prehensum è templo trahi. Castigavit virgis vagum, & ecce parvulus etiam ille è Styge Maurus tergum, ne virgis daret, fugæ dedit. At BENEDICTVS castra sanctissima in monte Cassinate locavit: illic everso Apollinis fano, postquam veriora cum aliis multis, tum Totilæ imprimis oracula dedisset, famâ, & discipulis orbem impleisset, sibi etiam denique vates sepulchrum parari jussit, & inter suorum manus, ut Ducem decebat, stans oppetiit. Mox duo Magistrū capere viderunt in cælos viam, amplam illam & veste pulcherrimâ stratam, multisque luminibus coruscantem. Eam tunc nescio quis Cælitarum viam Benedicti; D. Bernardus illius leges dixit; ut jam mirum non sit, si eandem tot Pontifices & Reges calcarunt. Nam viam ad cælum expeditam & jucundam quærebant, vel mundo Doctore. Ex S. Greg. M.

Illud Sathana opus est, ut cogitationes orantis in infinita jaculetur, nec sinat hominē in ea persistere postulatione, quam impetrare contendit. Novit quippe, quod si perseveret deprecans, exaudiet eum, qui fecit illum, et si innumerabilia peccata admisit. S. Ephrem in Pan.

S. CATHARINA SUECA V. 22. Martii.

INfans CATHARINA respuit impurarum nutrimentum ubera, castarum ambiit, Veneris jam in cunis hostis. Puella pupas tractavit; sed cum pupas induti dæmones verberarent dormientem, etiam has sibi Venerem jussit habere. Viro nupta dotem virginitatem attulit, & arrham virginitatem vicissim ab ipso accepit; quæ ut tuta in thalamo etiam dormiret, humi hunc stravit, vilibusque panni-

panniculis, licet e principe familiā esset, involvit. Quæ virtus ita cæli Reginam cepit, ut vultu blandissimo CATHARINAM intueri sit visa, at torvis oculis socrum, quod vestium luxum hæc amaret. Interim centonibus CATHARINÆ DEVS purpuræ splendorem non semel addidit. Romæ cum ageret, pudicitiae custodem B. Sebastianum sibi legit, opemque sæpius ejus præsentem sensit. Gravius nihil aggressa est vel facere ipsa vel alteri suadere, quam VIRGINEM Angeli verbis salutasset. Castigavit tamen MATER MAGNA clientē suam, cum præter Brigittæ matris & virorum Religiosorum voluntatem, patriam cogitaret. Visa est enim sibi CATHARINA inter mundi laborantis incendia frustra opem à VIRGINE rogare, nī Majorum voluntati pareret, & patriam cælo posthaberet. Mortua est pridie VIRGINIS ANNUNTIATÆ, cum plures annos quotidie animum confessione expiasset. Funus Ericus Rex suis humeris extulit. Cælum stellam legavit, quæ funus comitaretur. Miraris nobiles funeris curatores? Nobiliores anima habuit, Angelos. Ex Surio.

Vitam tuam quotidianā discussione examina; attende diligenter, quantum proficias, vel quantum deficias: qualis sis in moribus, & qualis in affectibus: quàm similis sis Deo, vel quàm dissimilis, quàm propè vel quàm longè, non locorum intervallis, sed morum affectibus.
S. Bern. l. Med. c. 5.

S. OTHO CONF. 23. Martij.

Romæ natus OTHO Palladi primam ætatem devovit. A Pallade deinde ad Martem transiit, utroque propitio. Nam & literis excultus, & armis præstans Lothario Imp. cum hic Innocen-

tio III. Pont. contra Pseudopontificem auxilium ferret, ita volente, veteri Majorum gloriæ Equitis etiam titulos adjecit. Nimirum nulla adæquæ calcaria virtutem extimulant, uti aurea. Quod tamen DEVS sub suis signis militare vellet ORTHONEM, ostendit: quæ mundus suis stipendia numeraret. Proinde dum pro Alexandro III. Pont. contra Frid. Imp. arma gerit, speratque palmas & triumphos, captivus carcerem ab hoc aufert & vincula. Adest tamen D. Bernardus precibus vocatus, & dormientem ex hostium manibus non vano somnio educit. Squalor carceris & fames longa alium vultum ORHONI induerant, ut facile omnes falleret. Liber ergo arma in se vertit, sibi bellum indixit. Locus castris metandis placuit Beneventum inter & Asculum. Sed & propugnaculum ingens extruxit cellam humilem: tela preces erant: vulnera ab hostili manu nulla, honestissima à suâ manu tulit. Ita sese subjugato, Arianensium quoque superstitionem aggressus expugnare, effecit, ut qui ad id tempus Jani bifrontis imaginem, quâ publicis, quâ privatis ædificiis præfigebant, Christiani Christum potius præ se ferrent, quàm Deos ridiculos. Iisdem imminentem ob scelera non modò ab Agarenis, sed Christianis etiam vastitatem, & ruinam prædixit; cui tamen ipse morte subduxit sese. *Ex Ferrar.*

*Quæ nos agit vesania vitiorum? Stire absinthium,
hujus mundi sequi naufragium, vitæ labentis pati in-
fortunium, impia Tyrannidis ferre dominium, & non
magis convolare ad Sanctorum felicitatem & ad Ange-
lorum societatem? S. Bern. in Medit.*

S. SIMON TRIDENTIN. M. 24. Martii.

Iterum hodie impietas odiis suis sanguine innocentis litavit, & cum Christi non potuit amplius, Christiani certe sanguinem fudit crudelis. Tridentum tragœdiam spectavit. Egere Judæi, & principem Christi personam SIMON sustinuit, puerulus vix dum menses viginti novem natus. Matres omnes Tridentinæ illacrimarunt. Porro nomina præcipuorum carnificum sunt Moyſes, Samuel, & Tobias, sancta nomina, sed improbissimi homines. Ex his Tobias, fortè lufitabundum ad ædes paternas SIMONEM, & blanditiis captum pullum in domū Samuelis nequam vultur asportavit. Tum verò convolavit cum Moyſe reliquum corvorum agmen: uvæ, poma, & id genus illecebræ primò objecta lacrimanti. Tum denudatum corpusculum & injectum, quod vagitum strangularet, collo strophium. Mox sceleris auctor Moyſes è genis particulam carnis forficibus princeps aufert, inde alii atque alii succedunt. Idem in dextrâ tibiâ factitatum. Tum denique in formam Crucis extensa victima omnium stylis ac cultris præda cecidit, & sanguis sitim cruentam restincturus cratere exceptus est. Horam carnificina durarat, cum SIMON è manibus tortorū in cælos evasit. Hodie meritò illi plaudit juvenus, ut qui maxima patientem Christum tantillus nobis retulit. *Ex Ioan. Matth. Tiber.*

Sit tibi JESVS semper in corde, & nunquam imago Crucifixi ab animo tuo recedat: hic tibi sit cibus & potus, dulcedo & consolatio tua; mel tuum, desiderium tuum; lectio tua & meditatio tua; vita, & mors, & resurrectio tua. S. Bern. in Form. Vit.

ANNUNCIATIO B.M.V. 25. Martii.

Hic ille dies est, quo non tam VIRGINI, quàm mortalibus omnibus salutem Cælū nuntiavit. Nam cum homini consulere in humanā imagine DEVS statuisset, eamque in rem jam olim præ omnibus sibi in matrem MARIAM legisset; ad illam legatum Gabrielem misit, qui postulata exponeret, & VIRGINIS Cælitum nomine assensum peteret. Fecit hic imperata, & lætissimum illud Ave lætus MARIÆ tulit, aliaque in laudē addidit, quæ Angelum imitantes homines meritò quotidie gaudemus iterare. Sed nunquam pulchrius illa erubuit, quàm ad tot laudes suas; mirante nimirum honorem suum modestiā, quā nemo unquam minus agnoscit dotes suas, nemo minus libenter extolli audit. Itaque aggressus timorem adimere beatus Nuntius, matrem fore vaticinatur DEI; inde nomen adjicit filii; sceptrum item & regna (omnia æternatura) promittit. MARIA, vel quòd quānam virgo paritura esset nesciret, vel quòd mater sine virgine esse nollet, longè magis hæsitare, & de pudore, quem DEO voverat, anxia, quā id fieri posset, rogare. Mox tamen, ut ille arcanum rei ordinem enarravit, ANCILLAM modestissimè se præfata annuit, & verbum illud expectatissimū, FIAT, pronuntiavit. Tunc HOMO DEVS & DEVS HOMO potuit dici. Tunc VIRGO quod DEVS fecit, & unico verbo, quo hic orbem antè creavit, illa recreavit. *Ex S. Luca & Ioan.*

Inter gratias Virginis præcipuè redolebat Myrrha Castitatis & Thus Pietatis. Odor iste super omnia aromata, Dominū Majestatis de Excelsis attrahit & invitat, ut inclinet calos & descendat. Gueric. l. i. de Annunc.
 S. LUD-

S. LUDGERUS EPISC. 26. Martii.

CÆlo prius quàm lucem aspiceret, charum esse LVDGERVM apparuit. Palus enim per cadentis matris latus egressus, cum mortem illaturus utrique crederetur, obstetricis instar fuit. Vix verba fingere blæsa, vix gressum firmare scivit, cum magnam in parvulo indolem studia proderunt. Neque enim ille, ut amat ea ætas, ludicris delectari, sed jam tum seria agere, & vel cortices in libros concinnare, vel lectitanti similis aut scriptitanti assidere. Quare compellatus à nutrice, quî diem transegisset, vel libros, respondit, scribendo vel legendo scriptos. Iterum quo magistro usus esset, rogatus, Deo, subjecit. Talem in familiaritatem suam Musæ, & in ipsa adyta sapientiæ admiserunt, quam ut in alios effunderet, ad Frisones Saxonesque contendit: Episcopus Monasterii primus Cœnobium etiam Werdense extruxit, & cum nemora densa obsisterent, ad hæc excindenda famulis ventis est usus, qui noctu everfis latè arbutis, aream amplam ædificio pararunt, unâ tantum arbore relictâ, quæ precantē LVDGERVM texerat. Illud etiam memorabile. Carolum M. cui imprimis charus erat, terriò vocatus, dum preces, quas Canonicas dicimus, recitaret, neglexit adire, & appellatus eâ de re, respondit cum majore Principe sibi colloquium fuisse. Atque hæc, quæ offenderet delicatorem ætatem nostram, libertas, chariorem etiam Carolo fecit, meruitque hic, dum astra, Alcuino doctore usus, contemplatur, novam stellam in cælo videre, LVDGERVM mortuum. *Ex Surio & Lippeloo.*

Verè breve est omnino tempus. Infelix proinde qui in
vita

*vita hujus lubrico fidens perituram insumit operam,
nec advertit, quoniam vapor est ad modicum parens,
& vanitas vanitatum. S. Bern. in sent.*

S. RUPERTUS EP. 27. *Martii.*

Sanguinem suum, quem ad Franciæ Reges Du-
cesque Hiberniæ referebat RUPERTVS, tum
nobilem esse probavit, quando Vangionum Epi-
scopus virgis servilem in modum per urbem cæ-
sus, & in exilium est actus. Sed nobilissimo exuli
dignum domicilium patuit, Bojaria. Huc evoca-
tus in exilium inde superstitionem misit, & pri-
mus ferè Boiis patriam suam cælum ipse exul
ostendit, regemque primò Theodonem, tum
procures, mox populum magno numero sacro
fonte lustravit. Abhinc sedem & arcem sacrorum
Juvaviæ (quæ hodie Salisburgum est) posuit, mox
Cœnobium hîc templumque D. Petro, alterum
dein montibus, idque D. Maximiliano sacrum,
velut præsidium sanctæ religionis imposuit, pro-
digiosis ignibus tunc nobile. Sub hæc in patriam
magnis itineribus contendit, novasque auxiliares
copias viros XII. adduxit, sui planè, ut aliud nihil
dicam, simillimos. His adjuvantibus bellum san-
ctum, totam penè Bojariam Christo subegit, tem-
plaque velut propugnacula pietatis plurima pas-
sim extruxit. Inter hæc utique & pulcherrimum
ornamentum patriæ, & firmissimum munimen-
tum Ædes veteris Oetingæ numeratur, DEIPARÆ
sacra; ut quando huic omnia se debere Boii fa-
tentur, multum profectò etiam RUPERTO de-
beant, qui Regionis tutelam, eam VIRGINEM
inquam, princeps conciliavit. Obiit anno DC.
XXVIII. fari sui certus & diei. Parentare lacrimis
omnes

omnes Boii, sed Angeli cantu festivo visi: illi sordidati, hi candidati: ut nosset illos funeri, hos animi triumpho adesse. *Ex Surio.*

Ad omnem tentationem, ad omnem tribulationem, ad omnem denique cujusque modi necessitatem, aperta est nobis urbs confugii; sinus Matris expansus est, parata sunt foramina petra, patent viscera misericordiae Dei nostri. S. Bern. serm. 7. Qui habit.

S. GUNTRAMUS. C. 28. Martii.

Qui Reges salvam majestatem, & regna sua volunt, rectè arces ædificant, & propugnacula; sed rectius iidem aras struunt templaque, & ad stipendia optimos præsidarios, egentes evocant. Inter hos meritò Regem GUNTRAMVM numeramus, pulcherrimum Galliæ liliū, & meritò in Marianum hortum transplantandum. Regias hic gazas omnes, vel in sinum pauperum, vel templorum adyta prodigus sparsit. Certavit verò cum GUNTRAMO DEVS, nunquam non victor, si de liberalitate cum homine certamen sit. Et forte fortunâ somno, ad quem à venatione fessum perstreptentis rivuli susurrus invitaverat, aliquantum indulgebat. Hic, qui præ dormiente vigilabat, armiger, videt Dominum cum somno nescio quod animalculum proflare; ei cum pontem ense regio struxisset, aquas superavit, & proximo spelæo successit, paulò post viam eandem relegens ore denudò Regis se abdedit. Subinde hic evigilat, & somnium de reperto thesauro narrat. Sed & armiger subjicit, quæ vigilans somniaverat. Ergo in specum itur, & ingens auri vis eruitur, sed omnis iterum cælo, hoc est templis, & egenis transcribenda. Quo factum, ut sicam eorum, qui parri-

cidas

cidas manus afferre regi vel epulo sacro accum-
benti, vel ad matutinas preces eunti parabant,
semper Numē excusserit prodideritque. Tam fir-
ma, ô Reges, munimenta templa sunt, tam fidi, si
admittitis, corporum vestrorum custodes paupe-
rum sunt cohors! Ex Paul. Diac. & Greg. Turon.

*Usque mundi centum ad unum: Deus unum accipit
ad centum: & tamen homines cum Deo nolunt habere
contractum. Sunt forsitan de cautione solliciti? Quare?
homo homini exigua chartula obligatione constringi-
tur? Deus tot & tantis voluminibus cavet, & debitor
non tenetur? S. Pet. Chrys. serm. 25.*

SS. ARMOGASTUS ET SATYRUS.

29. Martii.

AMbos Geiserici Arriani Regis furor afflixit,
et si SATYRVS regiæ domûs Procurator, AR-
MOGASTVS Comes esset. Et SATYRO quidem, ni
ad perfidiam regis mores suos etiam ipse compo-
neret, ob oculos ponebantur officii, bonorum, &
liberorum spoliationes, magna semper apud auli-
cos momenta: ipsa adeò conjunx ultimæ sortis
homini, & qui camelos agebat, ad ludibrium jam
fuerat destinata. Sed facile despiciere hæc omnia
poterat SATYRVS, qui oculos cælo defixerat. Illa
expugnare ferreum poterant animum: supplex
marito conjunx & juncta matri liberorû cohors,
firmissima acies; structæ deinde ante pedes insi-
diæ, infans, inquam, abjectus, minimus ille, sed
maximus apud patrem orator; confusæ denique
omnium in unum lacrimæ gemitusque, potentissi-
ma apud domesticos tela. Perstitit tamen incon-
cussus SATYRVS, & objurgavit etiam intempesti-
vam suorum pietatem, & quæ impium in DEVM
esse

esse juberet. Ita ab officio dejectus omnibusque exutus in exilium nihil præter innocentiam extulit fidemque Deo servatam. Jam ARMOGASTVS cum nervis tibiæ & frons torquerentur, nervo altero hos & fortiori (cruce) non semel rupit. E pedibus suspensus dormire poterat videri. Ad sabulum eruendum damnatus virum in arenâ se præstitit. Bubus pascendis præfectus dignum hunc Martyre magistratum censuit esse. Mortuus quoque tumulari, tamen non nisi sub arbore voluit. Sed egesta sub hac humus sarcophagum è marmore ostendit tam splendidum magnificumque, ut invideretumulum pastori Reges potuerint. Ex Viêt. Vticen.

Si paupertatem vix ferre possumus temporalem, in æternum fieri mendicus quis durabit? Cur ergo Christianus, cui militare est id quod vivit seculo, non cogitat, ut pericula terrena otis celestibus consoletur? S. Pet. Chrys. serm. 54.

S. EUSTASIUS ABB. 29. Martii.

Columbani discipulus fuit EUSTASIVS, ejusque in Luxoviensis Cœnobii præfecturâ successor. Pœnitentium dolori ita semper condoluit, ut prior ipse lacrimas daret, imò suis illorum prolliceret lacrimas, optimam semper peccantibus medicinam. Etsi igitur lacrimis oculos suos corrumpere videretur, geminis tamen virginibus restituit amissos. Has inter Burgundophora fuit Chagnerici viri nobilis filia, & Deo jam olim desponsa; quæ cum postea, parente auctore, hominis thalamum cogitaret, vindicavit febris cogitatum adulterium, &, ut patri dolerent oculi, filia suos eripuit. At EUSTASIVS primò patrem facinus suum
videre,

videre, tum filiam etiam diem fecit. Jam inter eos, qui principes facem Christianæ legis in Boicam intulerunt, numeres EVSTASIUM licet. Et tulit ille operæ pretium suæ, non item Agrestinus, homo temerarius ac vaser, nihilque monachi præter nomen vestemque præferens. Hic malus in eum diem discipulus, religionis tamen magisterium affectavit, & cum minus ex sententiâ cederet, institit magistrum EVSTASIUM totumque Columbani gregem calumniis petere, eamque in rem socios cogere. Sed ex his aliis lupus, aliis fulmen, morbus aliis, ipsi Agrestino silentium securis imposuit à servulo impacta; cum eum non multò antè accusatorem expertus EVSTASIUS, ad divinum tribunal vocasset. Secutus hic paulò post, prævisâ (quod minus timeret) morte, rectius accusaturus Magister discipulum ingratum. *Ex Surio.*

O si velimus omnem mentis nostræ paralysin pervidere, animam nostram virtutibus destitutam jacere in vitiorum stratis videremus: luceret nobis, quemadmodum Christus & nostras quotidie noxias respicit voluntates, & ad salutaria nos remedia pertrahit & perurget invitos. S. Pet. Chrys. serm. 50.

S. MECHTILDIS. V. 29. Martii.

Ceras alii avitas in MECHTILDE easque Principum & Imperatorum numerant; at nos virtutes, quas si non omnes enumerare poterimus, aliquas certè advocabimus. Et primò quidē, quod ferè amat in illustribus puellis fieri, in cunis desponsa videtur, sed nimirum Christo. Certè quinto ætatis anno è parentis in DEI abiit Parthenonem, qui Dießæ tunc fuit. Ab hominis thalamo quàm abhorruerit, inde æstimes, quòd omni lecto absti-
nuerit,

nuerit, carnem quàm oderit. carnisque illecebras, inde, quòd ab hâc semper, dum vixit, abstinuerit; sed nec vinum admiserit unquam, nisi Ratisponæ ex aquâ factum; si tamen id vinum fuit & non nectar potius, quod cælum invitæ tertio tunc miscuit. Jam virginē adultam illam, sed elinguem, & ab orco obsessam unâ operâ & linguæ vinculis, & obsidione tam gravi liberavit. Plura alia mira, quæ vel cùm Antistita esset Edelstettæ in Sueviâ, vel Dießæ (nam huc sub vitæ finem rediit) à morte ipsius sunt prodita, quòd morbos reduces non silentibus minaretur. Capilli demortuæ fulmina exarmarunt. Pagum Diengensem cùm dotem monasterio impetrasset, partem reddituum devovit sanctioribus panibus pinsendis, qui sacrificantium usui cederent. Atque hoc est credo, cur ultimum ægrotanti solatia è cælo tulit VIRGO MAGNA, & cibum divinum Angeli ministrarunt, quando nec epulum, nec epuli spectacula, nec structores, nec conviva nobiliores potuerunt esse. Ex tom. 4. ant. lect. Canisii.

Confitere peccatum, ut Christi possis venire ad mensam; ut sit tibi panis Christus, & panis ipse frangatur in tuorum veniam peccatorum: ut fiat tibi poculum Christus, qui in tuorum delictorum remissionem funditur. Agnosce te peccatorem, ut tecum prandeat Christus. S. Pet. Chrys. serm. 30.

S. REGULUS EPISC. 30. Martii.

Iter in Gallias D. Dionysio cum gemino comite instituenti tertius comes REGULVS accessit, non infelicibus auspiciis. Etenim cùm illi sanguine suo sterile etiamnum solum rigassent, inter divina REGULVS ejus rei nuntias ternas columbas habuit,

habuit, quæ singulæ singulorum Martyrum nomina in schedâ ferebant descripta. His ille auspiciis fretus bellum omni superstitioni indixit, templa passim Deorum evertit, DEO posuit. Cùm ex humano hospitio Stygis incolam exigeret, voluit hic in mulum REGVL I migrare. At quò virtutem crucis vel ab hoc magistro docerentur nostri hæretici, mulus pede priore in pulvere crucem scripsit, itaque longè hostem proscripsit. Divus verò, qui aditum hunc orco negavit, exitum è carceribus Christianis facile indulgit. Nam cùm permulti inter vincula agerent, REGVLVS scipione clavis vicem usus, ostium pulsavit, aperuit, vinctos omnes dimisit; cumque urbi Præfectus unam pro omnibus vicariam victimam REGVLVM morti destinasset, in somnis Dionysius adfuit, mortemque, quam REGVL O parabat, ipsi iudici intentavit. Illud simul lepidum, simul mirandum. Ad concionem dicebat; sed dicentem garrula animalia ranæ sæpè sæpius interpellabant. Imperavit REGVLVS silentium immorigeris, & ecce continuo tacitæ audiverunt declamantem. Dixisses tunc illas in homines iterum, hodie verò homines in ranas iterum abiisse. *Ex Petro de Nat.*

Si amor Dei tenere te non potest, saltem teneat & terreat timor Iudicii, metus gehenna, laquei mortis, dolores Inferni, ignis urens, vermis corrodens, sulphur fœtens, Tartarea & omnia mala. S. Ber. de Int. dom. c. 63.

S. BALBINA V. 31. Martii.

PUellis aliis sponsum forma, BALBINÆ deformitas conciliavit. Id in hunc modum accidit. Ad miraculum primò formosa fuit, obque id parenti Quirino Tribuno unicè chara. Sed quia hîc
Alexan-

Alexandrum Pont. itemque Hermetem Præfectum ob fidem in vinculis habebat, Numen vindicare impietatem patris in filiâ (oculo parentis) statuit, colloque virginis ingens onus, & quod omnem pulchritudinem extingueret, strumam appendit. Cum hâc dote cum nulli jam placeret BALBINAM ducere, & parens desperandum sibi de nuptiis filiæ videret, Alexandrum in vinculis accessit, promisitque, si strumam filiæ collo pelleret, superstitionem se cum hâc animo pulsurum. Facile utrinque convenit. Vix admovit Alexander filiæ vincula sua, quæ Quirinus injecerat, cum illa strumam, uterque superstitionem posuit. Itaque jam nuptiæ splendide parabantur. Sed puer elegantissimus adstitit virgini, face armatus. Is sive Amor sive Hymenæus sanctior facile melioris Sponsi amore accendit, Jesvque ut nuberet, induxit. Interea creberrima oscula salutis auctoribus vinculis Alexandri fixit. Idem præstitit monita ab Alexandro D. Petri vinculis. Mortui deinde pro Christo & Alexander & pater; virgo longius supervixit, utriusque heres virtutis. *Ex Ferrario.*

Sit suavis & dulcis affectui tuo Dominus JESVS contra malè utiq; dulces vitæ carnalis illecebras, & vincat dulcedo dulcedinem, quemadmodum clavus clavum expellit. Sit etiam fortis & constans amor tuus, nec cedens terroribus, nec succumbens laboribus. S. Bern. serm. 20. in Cant.

habuit, quæ singulæ singulorum Martyrum nomina in schedâ ferebant descripta. His ille auspiciis fretus bellum omni superstitioni indixit, templa passim Deorum evertit, Deo posuit. Cum ex humano hospitio Stygis incolam exigeret, voluit hic in mulum REGVL I migrare. At quò virtutem crucis vel ab hoc magistro docerentur nostri hæretici, mulus pede priore in pulvere crucem scripsit, itaque longè hostem proscripsit. Divus verò, qui aditum hunc orco negavit, exitum è carceribus Christianis facile indulgit. Nam cum permulti inter vincula agerent, REGVLVS scipione clavis vicem usus, ostium pulsavit, aperuit, vinctos omnes dimisit; cumque urbi Præfectus unam pro omnibus vicariam victimam REGVLVM morti destinasset, in somnis Dionysius adfuit, mortemque, quam REGVLO parabat, ipsi iudici intentavit. Illud simul lepidum, simul mirandum. Ad concionem dicebat; sed dicentem garrula animalia ranæ sæpè sæpius interpellabant. Imperavit REGVLVS silentium immorigeris, & ecce continuo tacitæ audiverunt declamantem. Dixisses tunc illas in homines iterum, hodie verò homines in ranas iterum abiisse. *Ex Petro de Nat.*

Si amor Dei tenere te non potest, saltem teneat & terreat timor Iudicii, metus gehennæ, laquei mortis, dolores Inferni, ignis urens, vermis corrodens, sulphur fœtens, Tartarea & omnia mala. S. Ber. de Int. dom. c. 63.

S. BALBINA V. 31. Martii.

PUellis aliis sponsum forma, BALBINÆ deformitas conciliavit. Id in hunc modum accidit. Ad miraculum primò formosa fuit, obque id parenti Quirino Tribuno unicè chara. Sed quia hic
Alexan-

Alexandrum Pont. itemque Hermetem Præfectum ob fidem in vinculis habebat, Numen vindicare impietatem patris in filiâ (oculo parentis) statuit, colloque virginis ingens onus, & quod omnem pulchritudinem extingueret, strumam appendit. Cum hâc dote cum nulli jam placeret BALBINAM ducere, & parens desperandum sibi de nuptiis filiæ videret, Alexandrum in vinculis accessit, promisitque, si strumam filiæ collo pelleret, superstitionem se cum hâc animo pulsurum. Facile utrinque convenit. Vix admovit Alexander filiæ vincula sua, quæ Quirinus injecerat, cum illa strumam, uterque superstitionem posuit. Itaque jam nuptiæ splendide parabantur. Sed puer elegantissimus adstitit virgini, face armatus. Is sive Amor sive Hymenæus sanctior facile melioris Sponsi amore accendit, JESVque ut nuberet, induxit. Interea creberrima oscula salutis auctoribus vinculis Alexandri fixit. Idem præstitit monita ab Alexandro D. Petri vinculis. Mortui deinde pro Christo & Alexander & pater; virgo longius supervixit, utriusque heres virtutis. *Ex Ferrario.*

Sit suavis & dulcis affectui tuo Dominus JESVS contra malè utiq; dulces vitæ carnalis illecebras, & vincat dulcedo dulcedinem, quemadmodum clavus clavum expellit. Sit etiam fortis & constans amor tuus, nec cedens terroribus, nec succumbens laboribus. S. Bern. serm. 20. in Cant.

A P R I L I S.

S. W A L E R I C U S A B. 1. Aprilis.

I Maginem Davidis in W A L E R I C O agnosces: nam & hic puer pastoritiam exercuit, & oris testudine totum Psalterium canere nullo didicit magistro, dignus & ipse, qui è caulâ in aulam, vel aulâ dignius Cœnobium assumeretur, ubi nullam Saulis lanceam timeret. Tantum apud Deum potuit, ut plantaria colenti nulla unquam crucasata & brassicas læderet; neque vermiculos solum, sed aves etiam ita obsequentes habuit, ut ex manu ejus pranderent cœnarentque. Rigente brumâ ædes Sacerdotis foco fovendus subierat, quem aliis, quàm veller, calere ignibus sensit. Sacerdos enim & loci Præfectus unâ rum fortè prandentes, Venerem prætextatis verbis nominare ausi, cor W A L E R I C I dolore exussere. Abeunte Divo, mox Dei vindicta subiit: Sacerdos oculis captus est, Præfectus lentâ fœdâque morte contabuit, longas ambo linguæ lascivæ pœnas daturi. Eâ sub arbore tumulari denique W A L E R I C U S voluit, sub quâ Deo supplicare vivus consuêssent, ratus benè ibi corpus quiescere, ubi benè vixisset. Et verò cubare se molliter manifestè ostendit; ne in Aram quidem à sancto Bernardo invitatus migrare fultinuit. *Ex Surio.*

Faceſſat ab ore Militis Chriſti omnis vani rumoris ineptia, & lingua, qua immaculati Agni imò ſummi Verbi rubet ſanguine, dedignetur otioſi ſermonis ſe ſe feſtibus inquinare. S.P. Damian. l. 6. Ep. 26.

S. FRAN-

S. FRANCISCUS DE PAULA,

2. Aprilis.

FRANCISEVS DE PAULA decimo tertio ætatis anno, à parentibus ex voto sancto Francisco consecratus, monente Deo, novam Religionis familiam Minimorum nuncupandam condidit. Piorum ope ædiculâ sacram molientem sanctus Franciscus monuit, ut angustis illis prolatis, amplio-rem faceret: impensas causantem fidere Deo iussit; muris ergo dejectis, mox ab homine copioso magnam vim auri in opus accepit. Cum virtutibus omnibus abundaret, ardebat tamen charitate maximè, quæ ad illum cælo defluxit globo igneo inscripta, ejus tessera futura & Ordinis insigne. Ea flamma cum totum hominem corripuisset, nihil mirum est, ardentes deinde titiones impunè tractasse, subisse caminos, cibos quin adeò absque foco solâ Charitatis flammâ percoxisse: sed animos hominum eodem incendio ambussit, & extremis odiis dissidentes non alio ferrumine colligavit, artificiosus in miracula sancti Amoris. Ut cum fratribus duobus pomiferæ arboris causâ inimicitias inter se alentibus, arborem dissilire mediam iussit, neuter ut uno pomo esset ditior; vel cum pauperum causam apud Regem acturus nummum aureum inter digitos diffregit, ex quo cum sanguis copiosè manaret, inopum eum esse dixit, qui acerbis exactionibus exugerentur. Hâc denique virtute ad cælum subvectus est anno M.D.VII. eâdem fiducia aërem transvolans, quâ olim mare pallio suo instratum enavigavit. *Ex vitâ.*

Quàm pulchrum est, quàm decorum, vulnus à Charitate accipere. Alius jaculum carnei amoris accepit,

alius terreno cupidine vulneratus est ; tu nuda pectus tuum, & præbe te jaculo formoso ; siquidem DEVS sagittarius est. Orig.hom.2.in Cant.

S. GENOVEFA PALATINA 2. Aprilis.

GENOVEFA Brabantia Ducis F.Sifridi Comitis Palatini conjux, post votum DEIPARÆ factum filium enixa est, id temporis Sifrido in Syriâ agente. Interea Golo, qui pro Duce Rempub. administrabat, cum pudicitiam sæpè sæpius GENOVEFÆ necquicquam tentasset, ut scelus scelere tegeret, apud reducem Principem in suspicionem eam adduxit, ac si alieno ex toro filium sustulisset. Maritus continuò crimen cum matre & puero aquis jubet margi. Sed mitiores domino famuli, cum in silvas utrumque exposuissent, domi se imperata peregissee adsimularunt. Nec defuit etiam inter silvas afflictis miserorum MATER, sed cervam misit, quæ statâ horâ quotidie infanti ubera præberet. Annus agebatur orbis restaurati DCCCL. exilii GENOVEFÆ V. cum Sifridus, dum feras quærir, in homines offendit, in iis conjugem & natum, in utroque crimen suum agnoscit, VIRGINI verò SOSPITATRICI id loci templum struit: ut si ejus beneficia urbes taceant, vel silvæ loquantur. *Ex Molano.*

In quacunque hominum verferis frequentiam, cave aliena conversationis esse aut curiosus explorator, aut temerarius judex: & si actum quid deprehendes, nec sic judices proximum, magis autem excusa. Bern. de duod.grad.Hum.

S. MUSA VIRGO. 2. Aprilis.

ERat Mvsa virgo Romana, rarum, at breve teneræ ætatis miraculum, cujus lecto nomine, cave citharam chorosve cogites; nullæ occurrant Pierides; vitæ severitatem, verborum moderationem, animi recessum disce. Quiescenti olim Deipara, denso virginum sacrarum agmine cincta, se obtulit; omnibus in vultu nitor solis, in veste candor nivis. Et Regina quidem eam affata: Comites, inquit, meas dote virginitatis filii mei conubium promeritas vides? augebis tu numerum, si moribus matronam potius quam puellam præstiteris, & infantia senilem miscueris temperationem. Nihil, quo pares leviter exultant, amabis. Religioni risum, jocum sceleri duces. Ad honesta oculis, ad interrogata verbis uteris. Ad necessaria manum, ad jussa gradum movebis. Sic efficiam ut trigésimo die voti compos fias. Sub hæc ita mutata est, Mvsa, ut sollicito parentum oculo non indigeret, ex quâ tot gravitatis peti argumenta poterant. Itaque interrogare subiit novi moris causam: quam filia nocturni visi commemoratione attonitis indicavit. Quinto inde ac vicesimo die febris corripitur: trigésimo Deiparâ Mvsam evocante, illa gestiens iterat, *Ecce Domina venio*, & cum voce hinc abiit; vobis quoque, qui Mvsas colitis, Duce præbitura se, monituraque cælum ambientibus morū levitatem oneri esse. *Ex l. 4. Dial. S. Greg.*

Vt Deum contempleris factus es; non ut humi irrepat vita tua; non ut pecudum ritu voluptate perfruaris: verius ut ad normam & institutum celestis vitæ tuam ipsius componas. S. Basil. hom. 11. in Hexem.

S. RICHARDVS EP. 3. Aprilis.

RICHARDVS natione Anglus fratris inopiam servilibus ministeriis voluntate susceptis, levavit, eidemque paternâ hæreditate, pactoque nobilis & opulentæ virginis matrimonio cessit. Dum litteris navaret operam, nullo certo vivendi præsidio, communi cum Sodalibus duobus pallio, vicissim scholas aditurus utebatur. In Episcopatûs fastigium evectus, cum honore, ut assolet, non mutavit morem, paupertatem à se fugientem velut elapsam bonam fortunam insecutus: aureis quippe argenteisque vasis in pauperum annonam expensis, præstare dictitabat, fictilibus, more parentis, cœnare, quàm Christum egenorum turbâ repræsentatum esurire. Uno pane mille homines saturavit, Deo voluntati benefaciendi facultatem suggerente. Aliquot suarum domorum incendium restrictæ ad largiendum manus vindictam est interpretatus; & quos multi convicio à se manuque rejiciunt inopes, tanquam accepturus, non daturus beneficium, ad petendum blando affatu excitabat: cujus facti rationem postularus, illud ex divinis literis protulit: *Domine prævenisti eum in benedictionibus dulcedinis.* Sub mortem notum Dei-paræ cultoribus carmen à Sacerdotibus lectulo adstantibus iterari voluit:

Maria mater gratiæ, Mater misericordiæ, Tu nos ab hoste protege, Et horâ mortis suscipe.

Immortuus est sacræ crucis complexibus ad annum M. CC. XLV. Ex Surio.

Dic mihi, ubi nunc amatores mundi, qui ante pauca tempora nobiscum erant? quid ex eis remansit, nisi cineres & vermes? Attende quid sunt, quid fuerunt?
homi-

3. April. VITÆ SANCTORVM. 175
*homines fuerunt, sicut tu, comederunt, biberunt, riserunt
& in puncto ad inferna descenderunt. Bern. l. Med. c. 2.*

S. JOSEPHUS POETA C.

3. April.

IOSEPHVS ævi sui Poëta clarissimus Thessalonicæ & Byzantii vitam egit, qualem agere Musæamant, à mundi turbis semotam. Parnassus ei cella, lectus terra, cibus panis, potus aqua fuit: nam hâc, & non mero fluere Hippocrenen noverat. Hic ille sacrorum vatum monumenta lectitare, in vota non vana Poëtarum nomina, sed Numen vocare, atque ita demum pleno ore Cælites canere. Porro in D. Bartholomæi laudes iturus, cum evocare omnes ex Helicone Musas gestiret, meditabundo ipse Divus adesse, & libro pectori admo- to benè precari visus est. Non è Parnasso, sed cælo hoc fuit somnium. Nam deinceps versus JOSEPHVS non fecit, sed fudit, ut qui exciperent, jam olim ad omnes ungues examinatos, nunc è memoriâ tantum promi autumarent. Itaque Imperatoribus etiam gratus, non potuit tamen, quin in exilium secundò pelleretur. Sed quia causam habebat cum DEO communem, etiam hic Poëtarum ingeniosissimum vicit, locoque ac muneri suo semper restitutus, demum immortalî laureâ donandus ad Mecænates suos abivit Superos. Hos omnes, quos quidem versu laudavit, ad exequias Poëtæ sui confluisse, S. Theodorus ab iis ipsis rediens cuidam ad tumbam suam supplici narra- vit. Tantum refert, scire quos laudes. Nunc dum non laudanda in mundo laudant Poëtæ, quod pre- tium ferunt, nisi ut splendidè diu mentientibus mundus splendidiùs mentiatur, & post multas fa-

bulas ultima & longissima fabula ipsimet fiant? Ex
Mensis.

Sicut ignis in lignis viridibus suffocatur, ita sapientia in adolescentiâ tentationibus & libidine impedita non explicat suum fulgorem, nisi labore, & studio, & oratione incentiva juventutis repellantur. S. Hier. ad Nep.

S. JOSEPHUS - HERMANNUS C.

4. Aprilis

HERMANNVS septem annorum puerulus cœpit inter ultimam rerum omnium inopiam Musas, sed præ Musis impensè MARIAM colere. Eam cum in templi oedeo ludentem cum FILIOLO & D. Joanne vidisset, dextrâ VIRGINIS in societatem accitus, homo Superis collusit: puto ut cælum ostenderet, quis maximè ludus studiosum adolescentem deceret. A ludo saxum monstravit PATRONA, unde quoties egeret, nummos promeret. Ita Mecænate cælo usus, simul annum XIII. fuit ingressus, mundo est egressus, & candidum Præmonstrati Ordinis habitum Steinfeldiæ suscepit; ratus longum cæli iter adolescentiæ maturè ineundum esse. Inter religiosæ vitæ studia tam amor in HERMANNO MARIÆ, quàm HERMANNI in MARIA crevit, ut eum primum amantissimo JOSEPHI nomine donaret, tum deinde in Sponsum deligeret, dotemque in manus omnes cæli devitias FILIVM daret. Ægritudines illius complures suâ manu abstersit. Tristiores, quòd muniis aliis distractus precibus vacare non posset, monuit, plus apud Superos sollicita in alios studia, quàm quæta inter preces suspiria mereri. Quoties genii supplex MARIÆ nomen venerabatur, toties omnibus perfundi sibi odoribus visus est. Cælo
hie-

hiemante litantis manus, ne à frigore offenderentur, JESVS & MARIA fovebant, duo utique calidissima sidera. Corpusculum mortui ut supra terram semper, ita etiam sub terrâ diu integrum mansit; an quia odoribus, quos memoravimus, illud condivit? *Ex Surio.*

Ecce parvulus in medio statuitur: studeamus effici, sicut parvulus iste: discamus ab eo, quia mitis est & humilis corde; ne magnus videlicet Deus sine causa sit factus homo parvus, ne gratis mortuus, ne in vacuum crucifixus. Bern. serm. 3. sup. Missus.

S. THEODULUS & AGATHOPUS

MM. 4. Aprilis.

Nemo vel citò vel serò nimis cæli viam ingreditur, si quidem ingreditur. Juvenis ætate THEODVLVS, senex AGATHOPVS, parili tamen cursu per Martyrum stadium cucurrerunt, anno à Christi ortu quarto supra trecentesium. Et THEODVLVS quidem ante cursum, bravium (certè arrham bravii) scribitur è cælo annulum accepisse, qui artificis cæli manum crebris miraculis, quibus omnes passim morbos pellebat, laudavit. Porro cum intra carceres ambo adhuc consisterent, in somnis ab ipso Numine sunt animati, ipsi verò ad fidem exemplo suo adductos alios animarunt. Postridie ad virtutis theatrum (tribunal tyranni) tracti in ruborem hunc, in lassitudinem tortores dederunt. Eâ, quæ secuta est, nocte, iterum carceribus clausi, idem uterque in somnis somnium viderunt. Naufragium sibi facere videbantur, sed auspiciatum illud, & nimium fortunatum: quòd cæteris quidem, quorum longè plurimi

H s,

erant,

erant; fluctu haustis, ipsi nescio in quem montem cælo contiguum evasisissent, candidis ibi vestibus ornati. Somnium hoc dies explicuit. In mare cum saxis appendicibus abjecti ipsissimum Olympum subierunt. THEODVLVS deinde multâ luce candidus, inde ad suos revisit, quòd testamentum facere esset oblitus. Dixit ergo heredes omnium pauperes, & te quoque inter hujus testamenti executores hodie cupit habere. *Ex Metaphr. apud Surium.*

Navicula Christi nunc tollitur ad calum nunc in trepidationum ima descendit: nunc Christi regitur viribus, nunc formidine jactatur: nunc operitur fluctibus passionum, nunc confessionum remigiis enatat. Sed nos iterum atque iterum clamemus, Domine salva nos; Perimus. S. Chrysol. serm. 20.

S. VINCENTIUS C. 5. Aprilis,

SANCTUS VINCENTIVS antiquâ Ferreriarum familiâ in Hispaniâ natus, primis statim annis documenta edidit Magisterii pietatis, quod vir exercuit, jam puer inter pueros Magnus Orator. Ea initia egregiâ indole ac literarum eximio profectu fecit auctiora, omnem libertatem pertæsus, quæ levitatem oleret. Ingressus S. Dominici familiam, & Christi aspectu, morbo levatus, ejus imperio populos ad pœnitentiam evocare institit, tam strenuè quidem, ut satis constet Judæorum viginti quinq; millia, totidem ferè Saracenorum, Christo ejus operâ conciliata; Christianorum centum viginti millia eidem reconciliata: publicis flagitiis infamium quadraginta millia ad innocentiam reducta. Ardorem dicentis inde intelligas, quòd capitalia ausos cum ad furcam comitaretur, ora-

5. April.

VITÆ SANCTORVM.

279

oratione primū effervesce, mox colliquesce, dehinc in cinerem exaresce coegerit felicissimo supplicio amoris extinctos. Tot spoliis Orco abactis triumphantem mirum non est, si Styx odit, & spoliare castitatis gemmā contendit, quantumvis irritō conatu, quod in Magnæ Matris tutelā esset, quæ suo pugili adstitit, & victorem rude donavit, in nos quoque exemplum repetitura, si cum VINCENTIO vincere vellemus. Acta olim furis mater, ac proli suæ iniqua infantem in multas partes secuerat: has collectas vir sanctus integritati vitæque restituit, post dæmonem etiam de morte triumphans, quæ proinde obstruere viam huic sibi non potuit, quo min⁹ ad cælum anno M. CD. XVIII. ferretur *Ex Sur.*

Ad evitandas diabolice pugne molestias valenter assurgimus, si necessitatis ultima periculum providē pertractemus: nam si repentinus ille atque terribilis adventus Christi perpenditur, quid erit in mundo, ubi mens humana delectetur? S.P. Dam. l. i. epist. 19.

S. IRENE V. M. 5. Aprilis.

IRENE S. Anastasiæ famulabatur, conditione, non item virtutibus Heræ impar. Una cum duabus sororibus ad tribunal rapta est immitis Dulcitii, quodque magis timendum fuit, etiam lascivi. Profuit innocentibus, quod amor in furorem abiit, qui Dulcitium ad dissuaviandas ollas impulit, quarum fuligine deformatus cæcus amator, bacchatusque per urbem populo ludos præbuit. Sed neque cum denudari virgines mandasset, vestes corporibus eripi ullā vi potuere; pugnante pro iis, & togas retinente mordicus pudore. Fornace deinde (Babyloniam dixisses) conclusæ IRE-

H 6

NES

NEs sorores, in ignis flammis blanditias verius quam tormenta, mortem somni similem, illæsis corporibus, oppetierunt. IRENE verò ardentiores etiam ignes evasit; in lupanar quippe Veneris fornacem per vim intrusa, ab Angelis sub militari habitu latentibus, illibatâ virginitate, indeeducta est, & in montem ablata, extra teli quidem Cupidinis jactum, non æquè tamen furentis adhuc Dulcitii posita; ab hoc enim celeriter insequente, eminus sagittâ transfixa est volens lubensque, & amorem suum Numini saucio pectore testatura, mox in ejus complexum à cælestibus Paranympis domum, id est Cælum, deducta; anno salutis CCC.IV. *Ex Actis S. Anastasia.*

Mox ut germinare inceperint foeda cogitationes, compunctionis gladio interimat ipsas, qui cordis sui JESUM cupit habere possessorem; virilem super se adhibeat custodiam, quâ nec seducatur nec alliciatur. S. Laur. Just. de Cast. Conn. c. 33.

S. GUILIELMUS C. 6. Aprilis.

GVILIELMVS domi nobilis, Hugoni Abbati, apud Parisienses, à parentibus ad omnem pietatem informandus traditus est. Nec abhorrebat à disciplinâ pius animus, quâ comite feliciter in literis progressus, facile superabat æmulos, quibus ob morum integritatem fastidio fuerat. Patebat multo minus invidiæ, quam ille æquo animo perferens, nihil alienum à virtute patrabat, quæ sedem firmam in pectore ipsius jam fixisset. Dubius quo vitæ genere virtutis studia decurreret, monente tandem severius Odone Abbate, & objectâ Christi crucifixi in vitreâ fenestrâ depicti spe-

specie, pectori ejus faces subdente, in religiosam se familiam recepit, in quâ cælestibus promissis accensus, ita se probavit aliis, ut Roschildensibus præficeretur Abbas. Et quia pii omnes adversis exercentur, nequaquam ab iis vir sanctus eximius fuit, cæli nihilominus deliciis sustentatus. Gravius decumbent! S. Genovefa virgo solamen & morbo medicinam attulit. Morituro denique Reparator noster, Sanctis comitatus, conspicuum se fecit, scilicet ne mortis larvâ terreretur. Cælum Anno M.CC.II. subituro paratum solium ejus discipulus vidit, coronamque, rarum opus & Angelorum manibus elaboratū; sed gemmas GVILIELMVS suppeditavit, virtutes suas, quarum nos nomina fortasse scimus, & subinde de pretio disputamus, sed subterfugimus patientiæ scalpellum, sine quo nulla gemma cælatur. *Ex Surio.*

Christus sit confabulator tuus: Christus sit contubernalis tuus & convivæ, imò Christus ipse sit tuæ delicia, ipse quotidiana refectiōis epulum, ipse tibi sit intima dulcedinis alimentum. S. Pet. Dam. l. 7. Ep. 6.

S. CALLIOPIUS MART. 7. Aprilis.

CALLIOPIVS eximiâ sanctitate juvenis ad agenda Liberalia ab impiis invitatus, liberè abnuït, nefas esse Christianis dictitans, insanire cum ratione. Præfectus urbis Maximus extrema primùm comminatus, cū nihil objectis terroribus profecisset, versus ad blanditias, velut in dotem invitamentumq; sceleris filiaë matrimonium promisit. Eam conditionem generosiùs etiam respicientem plumbatis contundi, nervisque crudis fœdè laceratum, in rotam jubet innecti, curvaturâ cultris obarmatâ, rogoq; juxta validè flammante.

H 7

Utriusq;

Utriusque tamen metum discussit Angelus, qui & ignem oppressit, & rotæ volubilitatem conversionesque stirit. Theoclia mater, audito filii casu, in carcerem ad filium penetrat, vulnera obligat, gratisque vocibus prædicat, quod Martyrē peperisset. Noctu inter precandum cælesti voce confirmantur. Damnato denique ad crucem CALLIOPIO, mater pretio lictores obstrinxit, ut situ inverso statuerent crucem. Mira feminae virtus in comparationē Machabææ vocanda. Ad supplicium velut triumphantem prosequitur, in cruce tanquam folio filium spectatura. Pendentem cælestis nuncius ad æternitatis gloriam evocavit, mater amplexu stringens exanimum, pignus præmissum ad Superos filium è vestigio est insecuta. *Ex Metaphr. & Baron. in Not.*

Perpende & invicem confer tribulationem & gloriam; momentaneum & æternum; leve & pondus; gaude & exulta, quia quod tribulationis sustines, momentaneum est, quod gloriæ præstolaris, æternum est; leve est, quod toleras, pondus, quod expectas. S. Petr. Dam. l. 8. ep. 6.

S. AIBERTUS C. 7. Aprilis.

AIBERTVS stans à puero precationibus somnum distinguebat. Terram, originis memor, frequenter osculabatur: finemque respiciens, modico alimento moriturus utebatur. Cum vitam S. Theobaldi Poëticiis vinctam numeris à vano homine demisisset alius in pectus, in loca primum sola recessit: Aquilæ deinde specie cucullum sibi offerentis excitatus, ad Monasticen se vocari intellexit; demum in solitudinem rediit, finemque arctioris vitæ initiis æquavit. Ibi cum, aditu

aditu aquarum eluvionibus obfesso, vitæ necessariis arceretur, Deipara virginū choro cincta buccam panis in os AIBERTI indidit, quā exinde cibi inopiam annis duobus & viginti, duobus min⁹ bibendi desiderium sustentavit. Cilicio corpus, imò innocentiam tegebat; neque enim castitas tutius habet involucrum. Centies quotidie procumbens, verba divinæ ad Deiparam legationis iterabat. Scamno solove somnum excipiebat, ingratum naturæ exactorem & pretiosi temporis furem mulctandum, non mulcendum existimans. Multos à devio in semitam virtutis, histrionem adeò, cujus quondam odæ mutandi statûs occasionem præbuerant, revocavit; facilis audiendis pœnitentium criminibus, plusque patris quàm judicis adferens ad tribunal. Vitâ ad hunc modum in annum quinquagesimum prolatâ, rebus humanis eximitur anno M.C.XXIV. & nunc quoque non nisi uno cibo pascitur, ASPECTV DEI. *Ex Sur. & Lippel.*

Inter pressuras & arumnas ad illum semper oculos erige, qui te paratus est, post flagella, dulcedinis suæ gremio confovere; qui te post turbines & procellas in supernæ quietis amœnitate constituet, & ab oculis tuis lacrymas linteo consolationis absterget. S. Dam. l. 8. ep. 6.

S. WICTERPUS EPISC. 8. Aprilis.

DE WICTERPO Gallia contendit & Bojaria. sed cælum pridem litem diremit, cum sibi illum vindicavit verior patria. Pontifex Augustæ, fundum, quem ad Julias fauces habebat, Eptaticum, DD. VIRGINI & LAURENTIO donavit, locumque eum velut ad sanctiores ferias Tusculum habuit, frustra Henrico Antistite etiam mortuum inde

inde auferre adnitente, cum vel MARIA WICTERPVM suum nollet dimittere, vel WICTERPVS à MARIA suâ nollet recedere. Templum quoque D. Afræ, quæ inter Hungarorum populationes alteras penè flammis passa est, è cineribus in pristinum splendorem erexit. Vos qui sacra manibus tractatis, unum audite & exhorrescite. D. Herluçë virgini à morte tam fuit familiaris, ut quoties ferè ad epulum sacrum iret, comes iret aut dux WICTERPVS. Fortè solam Herluca se credidit inter preces. Sed sola non fuit. Adfuit cum WICTERPO CHRISTVS, triste oculo amantis spectaculum & verbo ipsissima Pilati scena. Nihil hic, tantum lacrimæ & gemitus loquebantur, & nimirum tot ora quot vulnera clamabant. Illud etiam VVICTERPVS ad Herlucâ addidit: *Ad hanc formam Sponsi expallescis soror? illa; emorior.* Ille iterum: *Cupis ab oculis theatrum crudelitatis hoc amotum?* illa iterum: *ah! percipio.* Ergo, subjicit VVICTERPVS, oculos nega Richardo sacrificanti, cujus impuritas carnifex est Sponsi tui. Audiit, abstinuit ab impuri facris, idemque ut vulgus faceret, auctor fuit. O ætas nostra! ô sacra! ô Sacerdotes! eja dicite; oculos hominum à vobis si abducunt Superi, quibus ipsi vos aspicient, nisi iratis? *Ex Bav. S.*

Si non solum anima, sed & corpus nostrum templum est Spiritus S. quomodo is, cui prohibetur carnale commercium, non violat templum Dei, dum semetipsum petulanti luxuria prostibulum constituit, Spiritum S. in quo signatus fuerat abjicit, spiritum libidinis in se introducit? S. P. Damian. l. 4. Ep. 3.

S. MARIA ÆGYPTIACA. 9. Aprilis.

Audite omnes apud divinum tribunal rei. Patronam si MATREM Judicis habetis, causam peractam habetis. Certè causâ laboravit illa MARIA, cui nomen Ægyptus dedit, & tamen hâc non cecidit, ubi melior MARIA peroravit. Quid enim? nominis illa sui oblita, ut voluptati litaret, pudorem non venalem, sed gratis omnium libidini exposuit: quin festo Exaltatæ Crucis die, cum Hierosolymam Orbis conflueret, ausa est velle ibi infanda Veneris sacra publicare. Sed molientem ter pedem impurum templo inferre, ter repulit vis arcana. Quid MARIA? ad MARIAM abit. quid agis misera? Veneri patrocinari vis Virginem? O quid apud MATREM non possunt lacrimæ? quid non lac MATRIS apud sanguinem potest FILII? orat illa; exorat iste: absolvit Judex admissam, quam absentem damnaverat. Sed audite pœnitentem, qui peccantē inspicitis, VI. annis supra XL. eluit lacrimis feras inter, quidquid inter homines peccaverat, semper oppugnata ab Orco, semper victrix, VIRGINIS auxilio, nulli hominum nisi Zosimo visa. Is divino ductu ad eam venit, & vitæ seriem, quam dedimus, audivit; cum sacro dein epulo revisit, quod ut caperet MARIA, per Jordannem sicco vestigio advolavit. Ita puram cum undæ jam probassent, secundò redux defunctam in arenâ offendit: anxio verò de sepulturâ leo supervenit, & fossam unguibus dedit, æternum non tam pœnitentis, quàm miserantis Mariæ monumentum. Ex vit. PP.

*Si criminum immanitate turbatus, si conscientie
fœditate confusus, si judicii horrore perterritus, si ba-
rathro*

rathro desperationis absorptus es, Mariam cogita, Mariam invoca: non recedat à corde, non recedat ab ore.
S. Bern. serm. sup. Missus.

S. MACARIUS PATRIARCHA.

10. Aprilis.

MACARIUS Armenus Patriarcha Antiochenam sedem beavit, sed multò magis pauperes, quos unus ille domi Palatinos, foris antambulones habuit. Ob id, & quæ jam tunc patrabat mira, ne in ore omnium esset, omnium oculos fugit, & sub quo lateret ignobilis, sepulchrū Christi petiit. Sed Saracenorum scelere ad ipsa ossa usque lacera virtus, & tribus clavis pavimento affixa, pressa que pectus ignito saxo, ut ferè solet, se ipsa prodidit: prodidere Angeli in auxilium missi, ipsique jam hostes MACARIUM, & quod caput est, in MACARIO DEVM agnoverunt. Interea parentes suum esse dedecus arbitrati, orbam filii infulam filiumque exulem videre, mittunt, qui aut verbis, aut vi adducant. Et jam parabant hanc illi. Sed cælo pugnante capti oculis manibusque, quas ad facinus extenderant, MACARIO se dediderunt. Hic cruce, quæ illi scipionis loco serviebat, oculos & manus reddidit, itaque expeditus exul orbem deinde pererravit, Bojariæ quoque hospes, demum Gandavum in Flandriam pervenit, relictis ubique symbolæ loco ingentibus miraculis, quæ unico suo scipione dedit cruce insignito. Flandriam cum dirissima lues popularetur, sese cum gemino socio vicariam urbis victimam morti objecit. A morte geminum circulū cæli ostenderunt & crucem in altero, ut sciremus, quò crux scipio illum abduxisset. Sed numne MARIAM amavit?

amavit? Non nisi in cryptâ eidem dicatâ sepeliri voluit. Et verò ubi mollius ossa nostra jacerent, quàm in sinu MARIÆ? *Ex Sur. & Bav. S.*

Bonum mihi Domine tribulari, dummodo ipse sis mecum, quàm regnare sine te, epulari sine te, sine te gloriari. Bonum in tribulatione magis amplecti te, in camino habere te mecum, quàm esse sine te vel in calo. S. Bern. serm. 17. Qui habit.

S. STANISLAUS EP. M. II. Aprilis.

Iustitia præfides multos habet, Patronos paucos. STANISLAUS adeò Cracoviensis Antistes mortuum citare testem coactus est, ne optimâ causâ caderet. Prædium à Petro viro nobili emptum, fraude amicorum ejusdem propè perdiderat, nisi illum ipsum Petrum, triennio antè defunctum, ad Judices redivivum adduxisset, quem nemo vel intestabilem ausus est dicere, vel refutare. Vitiorum severus vindex semper audiit, ignarus regulam flectere, seu pauperum tabernas, seu regum palatia metiretur. In omnem peccandi licentiam Boleslaus Rex prouerat, quem nequicquam admonitum STANISLAUS piorum tribu movit. Non erat Rex huic probro concoquendo; sed vindictam spirans, satellitibus ad aram stantem, victimam objicit, usque tertium divinâ virtute vim afferre prohibitis, ipse carnificis munus occupat, & laniati à se Antistitis membra dispergit. Damnarunt crudelitatem quatuor Aquilæ perpetuis excubiis reliquias tutatæ; donec miraculo cælestique luce exciti mortales eas in urnam componendas legerunt. Juvit pietatem divina manus, lacerosque inter se artus ita colligavit, ut nullum crudelitatis vestigium superesset. Non sustinuit impius

impius Rex tam luculentam infantiæ suæ exprobrationem ; sed regnum exilio mutavit ; omnium hominum odium ; cum STANISLAI triumphum etiam Aquilæ augerent. *Ex Surio.*

Nunc dum mundus arridet, dum carnis sanitas fervet, dum prosperitas terrena demulcet, quæ post ista sequantur, excogita, & quæcunque transitoria sunt, altiori consilio jam transisse decerne, & velut ludificatoria illusionis somnium deputa. S. Dam. l. 8. ep. 8.

S. GUTHLACUS C. II. Aprilis.

GUTHLACVS regio situ nobilis, circa salutis annum DCC. VI. castra solitudine, sagumque sacco mutavit. Sedem sibi legerat expertem humani cultûs Insulam, quam perpetuis turbis ita infestam dæmones reddidere, ut consilium fuerit, statione decedere, nisi opportunis auxiliis D. Bartholomæus patronus ac tutor confirmasset. Corruptum aliquando ad inferos abstraxerant iidem turbatores, ubi oculis objectâ æternorum ignium atrocitate, minati sunt, nisi Insulâ faceffere vellet, continuò præcipitandum. Gnarus GUTHLACVS nihil ultra minas posse, ausus est vel in hostico abnuere. Ex eo tempore quot diebus ab Angelo tutelari sub diei noctisque crepusculum visebatur, novasque contra increbescentem hostium impetum vires accipiebat. Discipulo, qui ei necem moliebatur, mentis arcanum aperuit : pro quo preces ad Deum fundere non destitit, quoad certam ei salutem impetravit. Eidemque triumphum suum ostendit mortuus, cujus pompæ pars fuit ignea turris à terrâ in cælum pertinens. Ethelbado Regi exuli per speciem objectus regni restituendi nuncius fuit. Qui receptis potestatis insignibus

signibus, cœnobium sui vatis monumento superstruxit, in quo corpus ejus quiescenti quàm mortuo similis inventum est. *Ex Sur. & Lipp.*

Neceſſe eſt, ut illic dentibus ſtrideant, qui hîc edacitate gaudebant: illic ab iis irremediabiliter plangitur, à quibus hîc voluptuoſè ridetur; qui quæ hîc olfaciunt nidoſes aromatum, illic eos ſulphureus fœtor excruciat, & tetra piceï fumi caligo circumdat. S. Dam. l. 8. ep. 6.

S. ALFERUS ABB. 12. Aprilis.

Patria ALFERO Salernum, ſchola Principis illi aſſeſſoria fuit. Ex hac ad regem Germanorum Legatus feliciter è viâ aberravit, & ad Regem Regum in cœnobium Cluniacenſe deflexit. Inde melior jam ad patriam Legatus monachis illi præfuit, & Cavenſe Aſceterium condidit. Ibi mali dæmonis invidiâ ex altiffimo monte præceps dejectus, riſit incolumis veteratorem, altius olim nec tam impunè cadentem. Incolam ſaxo obtritum à ſociis in oratorio ſuo id noctis voluit deponi; mane deinde veſpillonibus funus quærentibus hominem reſtituit. Quina ova cùm eſſent, ſed ſeptem hoſpites, ſine fraude, ſed non ſine miraculo, & fortè cum riſu ſingula ſingulis attribuit. Vates plurimis aliis fuit, ipſe mortis ſuæ vatem longè nobiliſſimum Chriſtum habuit, qui ſexto die prius quàm obiret, ALFERVM ad cœnam invitavit: condixit lubens, & quò famem opſonaret, jejunos venit. Miracula mortuus continuavit, ex multis unum illis narrabimus, qui ex Veneris harâ ad Numinis aram accedunt, & heu! impurati epulo divino inter virgines mentes Angelos accumbunt. Fuit qui quoties ſacram menſam frequentare parabat, ſomniorum intemperie abſterreretur.

Eam

Eam maculam etsi nullâ suâ culpâ contractâ, cum precibus, jejuniis, confessione semper elueret, redibat tamen ad invitum illa, & etsi scelus non esset, videbatur tamen esse. Tandem dormienti adstiteret ALFERS visus est, & fonti admotum sanctioribus undis lustrare, jamque contra Stygis ejuscemodi vulnera eximium facere. O similis, inquis, fons mihi curreret! At si oculos habes, binos domi habes.

Altaria Domini non alienum sed divini duntaxat Amoris ignem accipiant. Quisquis igitur carnalis illecebra ignibus aestuat, & sacris assistere mysteriis non formidat, sicut nunc aestuantis luxurie flammâ decoquitur, ita postmodum gehennæ incendiiis consumetur.
S. Pet. Dam. l. i. ep. 6.

S. JUSTINUS M. 13. Aprilis.

JUSTINVS Philosophus Palæstinâ oriundus, literarum amator, varias in Philosophiâ sectas amplexus, Platoni tandem auscultare cœpit. Declinaverat fortè populi turbam, cum nescio quid ad mare secum meditatus, in hominem incidit, à quo immortalitatem & supplicia animorum edoctus, Christianam veritatem aspexit, eandemque adversus hostes acerrimè tutatus est, sanguinis & vitæ prodigus. Multa Judæi Gentisque adversum Christi cultores machinabantur, quorum causam apud Cæsarum subsellia magnâ dicendi libertate tutatus, illud impetravit, ut Christiani deinceps, nisi maleficii convicti essent, innoxii viverent. Nobilis ingenii monimentum hodieque legitur; gloriæque est bonis literis hanc piam operam Christo Romæ impendisse, ubi melior nunquam causa acta est, etsi optimo ejus Patrono sanguine

April. VITÆ SANCTORVM. 191
guine stetit. Nam cum crescentem vitā & dis-
inā Cynicum, ignorantia hominis multoque
is caninā impudentiā offensus, publicis con-
libus vicisset, ea res scilicet canem illum ad
dictam inflammavit. Nulla ratio perdendi Jv-
aptior visa, quàm si ut Christianum allatras-
Exosum id nomen iterum esse cœperat & ca-
le. Ergo structæ D. JvSTINO insidiæ haud sanè
enti; captus rogatusque Christianusne esset;
mavit. desereretne sua sacra; renuit. mortem
ret; voluit; id Christo mortalium severo judici-
um, sibi utilissimum fore affirmans; ac mox
ice securi subjectâ, vitam perdidit, perditu-
nisi perdidisset. *Ex Surio & Baron.*

*unus omnium ad vitam introitus & similis exi-
liligenter attenditur, varietas illa, qua versatur in
o, necesse est, ut tanquam volax fugacis somnii va-
conciennatur. B. Dam. l. 7. Ep. 5.*

S. HERMENEGILDUS M.

13. Aprilis.

Stendit HERMENEGILDVS, quando tandem
negare obedientiam parentibus, etiam cælo
lente, liceat. Cum enim patrem haberet Leo-
dum VVisigothorum Regem, & hæresi Ar-
e oppidò addictum, ipse saniores fidem à
ule Leandro didicit. Sed veritas etiam apud
ntem odium peperit. Hic enim cum laudibus
isset, ferro filium oneravit, & anno libertatis
stianæ D. LXXXIV. in carcerem dedit. HER-
EGILDVS, ut monstraret, quàm non pensi-
um haberet, humanis rebus omnibus se ab-
vit; purpuram cum cilicio mutavit, tempus
e inter vota ac supplicia transegit, demum è
carcere

carcere templum fecit. Subinde ipsâ sacri Paschatis nocte captivum à parente subornatus Pseudoepiscopus adit, & ad facerrimam scilicet mensam invitat : sed HERMENEGILDVS fidenter negat se in potestate futurum, etiam in vinculis Catholicæ libertatis memor. Eapropter irâ succensus Leovigildus, cum religione patrem etiam exuit, ejusque imperio cadit filius securi caput diminutus, pulcherrima Paschæ victima, sed non à parente danda. Cæterum Martyrem continuò è cælo voces laudârunt, & delapsæ indidem lampades exornârunt. Mox etiam piis manibus parens impius morte suâ parentavit, adductis post ad Catholicam Fidem omnibus VVifigothis. Ita pietas quam decollasse in HERMENEGILDO impia hæresis putavit, toto regno caput extulit. Ex S. Greg. M. l. 3. Dial.

Melius est contristare parentes, quàm contristare Dominum JESVM. Hic enim nos creavit & salvavit; illi sæpe suos amando perdiderunt. Ne te moveant tuorum lacrymæ, ne tu tibi ipsi æternas lacrimas parias. S. Clim. Grad. 3.

S. THOMAS M. 14. Aprilis.

Nata est THOMAS Alexandria, à parentibus bene ac pudicè educata, & demum nuptui tradita, ut antè Virginibus, sic Matronis postea præluxit. Sed rarò castitas inter multos habitat tuta. Ausus est socer, cujus in domo cum marito degebat, omnis juris atque adeò pietatis in filium oblitus, conjugalem in duru fidem tentare. Cohorruit illa ad tam infanda, & monitis preces, precibus lacrimas addidit. At ille, cui pudorem non potest, vitam extorquer, mediamque, non
audita

ita crudelitate, secat. Enimverò non tulit vin-
Numen; sed parricidium extemplo cæcitate
travit. Interea adsunt, qui maritum castissimæ
unt conventum; vident sanguini suo innatare
licitiam; vident cæco vestigio muris oberran-
Susanneum senem; quis tragœdiam hanc de-
it? rogant. Non ausus est diffiteri auctorem se
amens Oedipus; sed cùm atrocitatem crimi-
quam videns non viderat, nunc cæcus vel so-
lariorem aspiceret, non dubitavit ultrò mor-
orare, & capitis in se sententiam ipse pronun-
e. Et verò hunc facile judices audiverunt, cæ-
quo duci scilicet jusserunt: THOMASIDIS verò
ulus ceu Martyris cultus a Cœnobitis Sceta-
Asylon deinceps fuit eorum, qui hostem Cu-
nem fugerent. Nimirum jam antè cæcutiens
oculis suis timet. *Ex Menais.*

*Quoties te sentis turpibus cogitationibus pulsari,
pone ante mentis oculos, quomodo Christus cruci-
est pro te. Redemptor tuus moritur pro te, & tu
is cujusmodi sordidâ cogitatione sordidaris in men-
Hug. l. 3. de Ani.*

S. LYDVVINA V. 14. Aprilis.

YDWINA formam obesse castitati videns, di-
gnum virgine rata est votum, deformitatem
lo petere. Audiit hoc, & omnia morborum
mina misit: iis ita omnis gratia defluxit, ut ne-
i jam placeret cadaver domum ducere. Sed sic
demum formosa CHRISTO visa est. Hic ex a-
tibus solus jam ægræ cum MATRE affidere;
s amoris sui & patientiæ symbola per Ange-
ectulum ambientes ostentare: quorum certè
recordatione LYDWINA cruciatus suprâ
I quam

quàm dici aut credi potest, graves, facilè tamen omnes redimebat. Genium tutelarem ducem ad ea loca, quæ CHRISTVS olim præsentia suâ nobilitavit, ad purgantes item flammæ & beatas sedes habuit. Ab eodem donum è primi parentis horto lignum tulit odore nobile : ut inde una jam vel virginitas vel patientia sperare quid posse videatur. In subsidium pauperum ipsa pauperrima peculium tamè corrogabat, & JESV *crumenam* dictitabat; cui profectò omnes, cum audient, avari invidiebunt, quippe quæ exhauriri nunquã potuit. Homini facinoroso suasit, plumis in unum latus noctem incumberet. Risit ille, sed cum hoc in plumis non posset, ne in flammis olim posse cogere-tur, flevit deinceps. At LYDWINA anno Christi M.CCCC.XXX. ægritudinis assiduæ ac multiplicis XXXVIII. cum id dolorum incrementum irapetrasset, ut ignibus nihil superesset piandum, mortua tandem est, vel, ut rectius loquar, tandem desit mori. *Ex Io. Bruggmano.*

Corporea omnia, & quidquid fluxum est & caducum aspernans, totum te caelesti Patri addicas, nec præ-senti tempori, sed futuro ævo vivas, mortisquæ meditationem, ut Plato ait, hanc vitam existimes. S. Greg. Naz. ad Philagr.

S. FRONTO ABBAS. 14. Aprilis.

Ridiculi homines, morituri ne moriamur fame, extimescimus. Commeatum in annos comportamus, diem victuri: horrea struimus, sepulchrum subituri, formicæ dicam an homines? Nimirum qui vitam dedit, victum vitæ extra urbis fora non poterit dare? Quasi verò si ille velit, etiam inter medias epulas non Midæ, inter aquas
non

4. April. VITA SANCTORUM. 148
 non Tantalum finis: contra, ubi ille velit, non sine
 leges exurgat, in fente vincat? Certe nup̃ equum
 dedisse memini, cumque tota negaret, panem cu-
 lo pluisse etiam in deserto. In Reges, castra culi-
 narum strare, aciem coquorum ducere, famem
 oppugnare. Vincam ego vestram superbiam, aut
 nemo, aut ealem mihi opsonabit. Hæc aut simila
 his cum animo, suo Fausto; hæc ad pulcherrimam
 propolci socios LXX. quos omnes secum ex arde
 in loca deserta ab hominibus sed non Dao etiam
 eduxit. Nec fessellit ingens animas, & spes tam
 generosa. Providit Numen, & alienam avaritiam
 pauperum iussit Faustorum servire. Ergo Ange-
 lus ad dominicam nescio quam divocatus equi-
 dem in totam omnium affluentiam jam copiam
 etiam fastidia, ac Christus interceptus in servis suis
 cum inopia & adeo fame conficitur. Non audit
 hæc Eschlo, sed iterum in utramque aulam dor-
 mit. Ergo aures aliter vellicavit, plagasque, ac
 sermo credenti, addidit. Tum domum quid sibi
 exlum vellet, penitus visas intelligens, & cibus
 LXX. milia ostendit, cum nesciret ubi Fausto
 ageret, sine doctore in incertam dimisit. At illi
 resti inde ad Faustorum, inde exonerati ad di-
 vitem iterum, qui miraculo motus universariam
 deinde cum liberalitatem esse voluit. In vñ. PP.

*Atque fac tibi sacculus, & fac saccum Dni, sed fac
 erigant, quia quidquid pauper accipere, Pauper caligat
 sapient. & ubi erigant? In calo, & ne forte perdidit
 se delat vel agnam, centuplum percipit, quidquid in
 celum pauper promissis perficitur. S. Chrysost. 13.*

S. EUTYCHIUS M. 15. Aprilis.

Hoc die Ferentinates EUTYCHIVM Martyrem colunt, etsi ubi, aut quando animam posuerit, nesciant Annales. Sed hæc Fasti olim cælestes loquentur; nam istis sua commendare, hoc demum ego æternum famæ monumentum credo. Et nos quidem etiam olim facta nescimus, at EUTYCHIVS etiam post mortem vates futura scivit, & ut scirent alii, è tumulo monuit. Etenim Redemptus Pont. fortè templa sua obibat, sacra & sacrorum curatores non (quod hodie fit) alienis, sed suis oculis inspecturus. Ventum est Ferentinum. Hic fessus lectulum sibi adornari propter tumulum Martyris imperat, rectè humana æstimans, tantumque censens à sepulchro lectum distare, quantum mors & mortis germanus frater somnus distant. Tunc quoque inter curas insomnem ferè noctem agenti EUTYCHIVS visus adstare, & quærere num vigilaret? affirmanti deinde illa verba tertium inclamare: *finis venit universa carnis.* simul vaticinium ipse quoque finire. Atque hæc noctis prodigia diei portenta exceperunt. Visa & audita cælo arma quassari, & vento Aquilone duce castra ignea & ignea acies imminere. Hæc verò omnia explicarunt non multò post. Langobardi, cum è Septentrione Italiæ se infuderunt, sacra humanis, humana sacris miscuerunt, clademque patriæ intrulerunt. Inter hos ipsos, tamen armorum strepitus suaviter Redemptus obdormivit. Obdormivit inquam, nam parum differre mortem à somno ostendit vivus cum mortuis dormiens. *Ex Ferrar.*
 & *Greg. Magn. Dial.*

*Petendum nobis est, ut Deus nos à Diabolo liberet,
 qui*

16. April. VITÆ SANCTORVM. 197
qui Christū terris, ut Diabolum vinceret, commodavit.
Clamet homo, clamet ad Deum, clamet, Libera nos à
malo; ut à tanto malo, solo Christo vincente, libere-
mur. S. Pet. Chrys. serm. 70.

S. JOACHIMUS CONF. 16. Aprilis.

FELICES Senæ! vel ideò, quòd inter tot mundi
hodie libertos, ipsæ servos tot VIRGINIS nu-
merant. Ex his JOACHIMO nostro pileum hodie
in cælo Domina dedit. Vir fuit obsequendi studio,
sui contemptu, sed præcipuè charitatis æstu in
ægros mirandus. Exemplò fidem habe in paucis
memorando. Iter illi Arretium; ex itinere obvius
fuit, qui epilepsi, sed multò magis impatientiâ la-
borabat. Noster verbis, consilio, operâ suâ solatur:
sed necquicquam gravius jam animo quàm cor-
pore periclitante. Hic JOACHIMVS post preces
DEO fusas, in se novus medicus morbum omnem
transfert. Igitur Arretii ipso DOMINÆ ASSUMPTÆ
die, dum sacrificanti servit, cereumque elatæ in
sublime Eucharistiæ manu prælucet, cadit morbo
impellente: cereus tamen stationē in medio aëre
servat, gaudente utique Angelo in hominis offi-
cium involare. Sub hæc Senis vi morbi iterum
cadit, mensamque secum instructam trahit. Nihil
tamen fractum, nihil confusum. Sed & alia prodi-
gia clarum fecerunt, ut apertâ ad preces portâ,
radii precantis in oculo (quò sæpius assuevit con-
cedere) caput visi cingere. Cæterum morbo omni
superior illud etiam velut vitæ rectè actæ præ-
mium à cælo emendicavit, ut viventis carnes ver-
mium agmen popularetur. Fatum obiit, quale ex-
petiit ac prævidit, ipso Christi morientis die, cum
illa verba socii legerent: & *inclinato capite emisit*
I 3 *spiritum.*

Spiritus. Sed apud mortuum quoque medicinam morbidi quæsiuerunt, & verò repererunt, Epileptici præcipuè, non ignari expertum mali hujus medicum se accedere. *Ex Ferrar.*

Quid infirmus homine, quem sensus fallit, ignorantia decipit, circumvenit judicium, pompa ludit, tempus deserit, mutat ætas, hebetat infantia, juvenus præcipitat, senectus frangit? S. Pet. Chrys. serm 45.

S. HELENUS C. 17. Aprilis.

Fugiendum est citò, quod nocet citò: Sapiit isto maturè HELENVS consilio, & è mundo prius quàm puèritiâ exiit, tutius inter feras, quàm homines victurus. Jejunia producenti cacodemon escas obtrusit; sed HELENVS & cocum & dapiferum aspernatus cum Cælo quàm Orco prandere maluit; mox enim Angeli, ut Christo quondam dapes esurienti ministrarunt. Tanto deinde promptius ipse quoque per longa itinerum spatia aliis prandia ferre, & si oneri succubuisset, onagris ea imponere, nil repugnantibus pigerrimis alioquin animantium. Neque jam solum onera illius asini, sed ipsum etiam HELENVM, cum Mystam sacrificii causâ accerferet, per amnē crocodilus transvexit; adeò sanctitati obtemperant omnia. Discipulo ejus cum Orci minister libidinis faces admove-
ret, incendiarium HELENVS ad tantas redegit angustias, ut extra circulum, quem in arenâ scipione descripserat, ne latum quidem unguem aut ungu-
lam ponere sit ausus, donec turpe incendium ex-
tingueret. Illud etiam memorabile, quòd illæsus ignem calcârit, ut Zaream Hæreticum falsitatis argueret, qui perfidiam suam per flammam probare non ausus, Catholicæ Religionis, ut veri auri, pre-
rium

18. April. VITÆ SANCTORVM. 199
tium auxit. His facinoribus HELENVS Heliopo-
litanam primùm mitram, deinde æternitatis co-
ronam meruit. *Ex vitis PP.*

*Si vis animam tuam in sua virginitatis integritate
persistere, aures & oculos à negotiorum secularium va-
nitate firmiter obstrue, carnalium hominum colloquia
destructioni magis quàm edificationi profutura con-
temne; nam qui tangit picem, inquinabitur ab eâ.
S Pet. Dam. Op. XII.*

S. URSMARUS C. 18. Aprilis.

QUO tempore mater gravem URSMARO fere-
bat uterum, venerandâ fortè canitie senex
per visum astitit, puerulumque, manu gestatum
ejus curæ commendavit. Excūsanti annonæ diffi-
cultatem panem candidum porrexit, novo mox
inter manus auctu grandescentem; prodigiique
rationem ad nascituræ prolis doctrinam retulit,
cum annis ad multorum mortalium emolumenta
amplificandam. Simul monstravit enitentem in
sublime filiolum per scalam cælo insertam. Præsa-
gio fidem adstruxit vita cælitibus quàm homini-
bus propior: nam Episcopus tempore succedente
creatus, novem annis à pane humano temperavit,
reliqui cibi tam modicus, ut validæ membrorum
vocisque vires haud immeritò miraculi instar
obtinerent. Dæmones frequenter injustâ cor-
porum humanorum possessione dejecit: metu
lemurum infestas ædes aquâ lustrali solvit: mor-
bos curationum fines egressos divinâ sanatione
depulit. Porro charitas servandorumque morta-
lium studium in eminentissimum virtutis fasti-
gium assurrexit, cum esset quotidie cujusvis ho-
minis salutem sanguine vitæque recuperare pa-
ratus.

ratus. Rerum adversarum patientia in Jobi comparationē exexit. Obiit anno Christi D. CC. XIII. de cælo obtinendo sollicitus imprimis, ut qui jam scilicet admoverat, antequam nasceretur. Ex *Rather. Veronense*.

Multi simplices & humiles calos penetrant. Nullus verò arrogans, quamvis omnium liberalium polleat scientiâ, ad caeleste admittetur convivium, tantoq; gravioribus cruciabitur pœnis, quanto nequius donum Dei tractaverit. S. Laur. Just. de Casto Connub. c. 14.

S. THEODORUS M. 19. Aprilis.

THEODORVS cùm sacramentum, quod CHRISTO dederat, Marti negasset, post fustuarium craticulæ injectus, pice ac sulphure perfunditur. Sed cùm crudelitate hâc tellus commota è sinu aquas, quæ rogū extinguerent, effudisset, THEODORVS incolumis ad Marti devotos provocavit: iret ex omnibus unus aliquis in rogam, Deumq; suum etiam ipse probaret. Illi causæ diffisi rem ad sacrificulos rejecerunt. Ex his etiam DIOSCORVS adductus, palàm Jovis patrocinium respuit, suavitq; ipse è flammis causam Jupiter dicere jubetur; se diem ei dicturum, se ex fano obtorto collo ad judices ignes rapturum, cæloque, pulcherrimo, quod unquam fecisset, sacrificio ipsum Jovem immolaturum: probaret ille fulmine se Deum, pictosque suos ignes, & unâ hos in caput sacrificantis, si posset, congereret. Indoluit Jovem, ludos fieri Proconsul, & DIOSCORVM jam Christianum flammis, THEODORVM verò quadrigis raptandum dedit. Hic verò abeuntibus in præcipitium equis, alio è cælo curru triumphans in Prætorium venit. In succensam
exinde

exinde cum militibus, quibus hæc miracula fidem fecerant, fornacem conjectus, altero mane loqui reperitur PHILIPPÆ matri, quæ triennio antè captiva abducta, ad preces filii per Angelum tum erat reducta. Advolat igitur tyrannus, milites hastâ transfigit, matrem capite multat, THEODORVM ipsum in crucem agit. Sed ille post tot victorias, non petiisset aliud trophæum. *Ex Menais.*

Non est patiendum, ut assidua de Deo cogitatio ex animis nostris elabatur; agendumque assidue, ut ex perpetuâ recordatione impressam cordibus nostris piam de Deo cogitationem, velut indelebile signum circumferamus. S. Bas. in Reg. fus. disput.

S. VVERNHERUS M. 19. Aprilis.

WERNHERVS rustica, ex Trevirensi agro, progenies, egenis comparebat paratum diurno labore obsonium: vitrici asperitatem, ipse tam miti ingenio, fugere coactus, in opiliones haud paullo mansuetiores incidit; nam & mapalibus fugientem, & esurgentem cœnulâ exceperunt, quibus ne oneri foret hospes asymbolus, defixo humi bacillo, novum è terrâ fontem salire jussit: à Pastoribus digressus in feras incidit; annum enim agentem XIV. Judæi adhuc Christi in Christianis sanguinem sitientes, capite pronò columnæ alligarunt, S. Hostiam ab ore repetituri: loris deinde ac ferro per omnia membra crudelissimè grassati, satis docuerunt quàm longè Apellæ omnem humanitatis sensum abjecerint: nam etsi triduo inter tormenta exacto, omnium opem ac commiserationem exposceret, eam tamen neque apud judicem argento corruptum reperit, inter acerbissimos

mos cruciatus id unum habiturus solatii, quòd pendens demum ad exemplum Christi animam efflavit. Cadaver ejus in speluncam abjectum est, ne à Judæis, sed feris laniatum credi posset; justa nihilominus ei Cælum persolvit, multâ face circum cadaver accensâ, quæ VVERNHERI innocentiam & Judæorum crudelitatem detexit. *Ex Surio.*

Ad calum respice, brevissima hujus vitæ terminum tibi ante oculos pone; & cum quo de villicatione tuâ rationem ponere debeas, sollicitus meditare. Quid enim proderit hodie auro & gemmis contegi, si cras contingat nudum & reum ad inferni supplicia pertrahi. S. Pet. Damian. l. 7. Ep. 15.

SS. SULPITIUS ET SERVILIANUS MM.

20. Aprilis.

Rursum te ad nuptias invitamus, sed (quemadmodum semper factum est) Agni; quin imò, si lubet, ad choreas etiam, non quidem ut ducas, sed ut spectes, simulq; illud etiam fatearis, verum dixisse, qui ferè ebrios & insanos saltare dixit. Ecce Sulpitio Euphrosyna, Serviliano Theodora despondetur, & Aureliano Consulis filio Domitilla promittitur. Jam quatit Hymenæus faces, jam locus, jam amor ridet, mox lacrimas daturi. Nam intereà Domitilla Euphrosynam & Theodoram familiares suas Christo conciliat; hæ verò eidem sponso etiam suos, adnidente iterum Domitillâ, dum ejus operâ Christum videt cæcus, & mutus loquitur. At nimirum intereà solus Aurelianus cæcutit, solus hic non sana loquitur. Quin adeò tibicines jam solus conducit, & pede frequenti terram pulsans in exitium suum jam pridem Orcum laborat evocare. Jamque duos
omnino

omnino dies totidemque noctes assiduas saltando se exercuerat, cum quiescit tandem morte subitâ prostratus, nec jam ille domum Domitillam, sed illum domum Proserpina ducit. Porro SERVILIANS & SULPITIUS, firmati his miraculis, non dubitarunt postea pro Deo & castitate cervices præbere securi secandas, rectius capite, quam Aurelianus pede saltaturi. *Ex gestis S.S. Nerei & Achillei apud Sur.*

Debet bene conscia mentis esse letitia non inconditis comessionibus, non nuptialibus excitata symphoniis; Ibi enim intuta verecundia, illecebra suspecta est, ubi comes deliciarum extrema est saltatio. Nemo enim, ut dixit quidam secularium Doctor, saltat sobrius, nisi qui insanit. S.Amb.l.3.de Virg.

S. AGNES POLITIANA V. 20. Aprilis.

NAtale solum AGNETI mons Politianus est. Quo die in lucem prodiit, multis vicinus æther facibus stellans illustris vitæ primordia celebravit. Nono ætatis anno, quo virgines aliæ totę pendent à matribus, D.Dominici institutum in sacro Parthenone complectitur. Quindecim annis pane & aquâ victitavit; sæpeque cælesti pluviâ, qualis Hebræis per desertos Arabia campos moventibus annona fuit, inter precandum est operta. Tres aliquando gemmulas ei Deipara dono dederat, vaticinata, suo honori aliquot ab AGNETE templa constituenda. Jesulum alias in sinum ejus infuderat: cujus è collo crucem eam abstraxit, quæ in hæc usque tempora ad facti memoriam piorumque venerationem conservatur. Sæpè ab Angelo divinam hostiam accepit. Balneum, quo valerudinis causâ utebatur, cælesti manna in-

I 6

stratum,

stratum, eoque loco fons medicā salubritate præditus erupit. Et quemadmodum sæpè divinos genios vivens habebat hospites, ita moriens eosdem adepta comites, in cælum evolavit, anno salutis M.CCC.XVII. mortem multi infantes è suis cunis, quā sermone, quā cantu celebrarunt. Corpus putredine taboque intactum virtutum ac præcipuè castimonix luculentam præbuit testificationem. *Ex Bullâ Canonizat.*

Ut sancta anima Christi charactere utrobique signetur, eum in corde suo signaculum ponat, ut amoris ejus facibus medullitus inardescat; ponat etiam in brachio, ut piis operibus valenter insistat. S. Pet. Damian. l. 7. ep. 9.

S. ANSELMUS EP. 21. Aprilis.

FAcilè mundum despicit, quisquis æquis oculis aspicit. Testis luculentus ANSELMVS est. Vidit hic (nebulam ab oculis Deo removen- te) quem nos mundum dicimus, immundam, quā patet, paludem esse, cœni omnis ac sordium colluviem: in hâc volutari miseros homunculos; hinc delitias suas haurire delicatulos, hinc gemmas quærere avaros, hinc triumphare ambitiosos. Miratus ANSELMVS posse tam sordidâ lacunâ pisces gaudere tam nobiles, oculum ad religiosorū septa transtulit, & ædes sibi videre visus est regio opere stru- ctas, & omnibus delitiis affluentes. Has itaque ingressus, ex Monacho Cœnobiarcha, ex Cœno- biarcha Pontifex Cantuariæ mortuus memora- tur, anno M.C.IX. vir qui è minimis quibusque rebus maxima dare documenta scivit. Nam, ut alia silentio prætermittam, cùm lepusculum sub equum suum fugientem à canibus undique cingi

cingi conspexisset, eam morientis conditionem esse exclamavit ab atris geniis obsessi. Jam puerum conspicatus cum aviculâ lusitantem filo alligatâ, peccantis hominis typum esse dixit, qui libertate suâ spoliatus, ad arbitrium Stygii aucupis viveret. Itaque qui jam nos circumspicimus, si ANSELMO credimus, mali dæmonis ludus, lepusculi, & aviculæ captivæ sumus. Nec tamen stulti lepores fugimus, nec aviculæ filum rumpimus: quin quod omnem stultitiam exsuperat, cantitare etiam in tantis miseriis juvat. *Ex Edinero.*

Cum semel anima adhaerit cupiditatibus demersa terrenis, difficile in altum potest, unde descendit, sine Dei favore, evolare. Actuum enim suorum vincula laqueis, & secularium deliciarum illecebris obnoxia tenetur. Ambros. in c. 4. Lucæ.

S. THEODORUS C. 22. Aprilis.

THEODORVM sexcunem mater ad omnem licentiam informabat, cum S. Georgius, ne filium Cæli Imperatori autoratum vitæ corruptelis effeminaret, præsens admonuit, pueri deinceps in sanctitate magister. Eunti ad Ædem sacram dux adfuit viam præstigiis Orci præceptam & impeditam aperiens; matri quoque, si à pietate filium avocaret, stricto mucrone exitium minatus. Prope interitum THEODORVS erat, quando decantatus ille Proteus, assumptâ contubernalis formâ, incautum in præcipitium intulit præsultor ipsius factus, eumque exemplo tracturus, nisi custodis cura prævaluisset. In templo Christum cum Virgine matre præsentem aspexit, à quo ad sanctiorem militiam invitatus, illico stipendia facere coepit. Gigantem credidisses vim cælo illaturum, si

labores spectasses. Miraculis morborumque medelâ clarus, quos aliis absterfit, sibi gratulatus est dolores, eos divinæ in se voluntatis argumenta dictitans. Venenum impiorum invidiâ mistum Reginae cælorum benevolentia superavit, quæ piorum mensis securitatem affert, certiores utique quàm ii, qui periculosas Principum epulas gustu explorant. Huic Reginae Cælitibusque tam charum quid mirum est, si Reges nostri orbis suspexerunt, neque passi sunt THEODORVM voto suo potiri, qui cum probra sitiret, vel invitus honoribus mactatus est? *Ex Surio.*

O quàm suave commercium, imò quàm inenarrabilis dulcedo in humanis visceribus oritur, cum Creator & Creatura alternis in se invicem affectibus delectantur! sicut per prophetam dicitur, Suavis sit ei laudatio mea, ego verò delectabor in Domino. S. P. Dam. l. 7. Ep. 19.

B. ÆGIDIUS C. 23. Aprilis.

ÆGIDIUS tertius Assisiatis Francisci assecla, ingenuo sanctoque mentis candore ad insigne virtutis culmen pervenit. Virum, è S. Domini familiâ, eximiâ doctrinâ, de perpetuâ Deiparæ virginitate dubium sibi que difficilè consentientem, tali prodigio contra ancipitem cogitationem confirmavit. Ter scipione terram impulit, dicto singulos ictus prosecutus, hoc ordine: *Maria Virgo ante partum: Maria Virgo in partu: Maria Virgo post partum: &* mox lilia totidem ad scipionis impulsu Ægidii que vocem solo emerferunt. Tertio ante suum natalem die, Christus ei spectabilis adfuit, reditu per consequentes quindecim dies instaurato. Ex quo tempore tam concir-

23. April. VITÆ SANCTORVM. 207
citatis in cælum desideriis rapiebatur, ut audito
vel à pueris per plateas Paradisi nomine, rerum
omnium sensu destitueretur. Septem in eo emine-
bant virtutes, credendi constantia, pietas erga
Deum, reverentia, commiseratio, cura officii,
obedientia, grata beneficii memoria. Quinqua-
ginta duobus annis in sacrâ militiâ meruit. Post
mortem magnum luentium agmen è lustralibus
flammis in cælum evertit. Obiit Perusii anno
M. C C. L X X X I I I. Ex Surio.

*Si invenis aliquid melius, quàm videre faciem Dei,
illuc te prepara: Va tali amoris tuo, si vel suspicaris ali-
quid pulchrius quàm est ille, à quo est omne pulchrum,
quod te teneat, ne illum cogitare merearis. S. August.
in psal. 43.*

S. GEORGIUS M. 23. Aprilis.

ANno post natum Servatorem XC. supra C C.
GEORGIUS fortissimus CHRISTI miles, &
ob virtutem inter Tribunos adlectus, tum Comitis
etiam titulo à Diocletiano ornatus, cum hujus ni-
hilominus efferam in Christianos tyrannidem
propalam damnasset, in vincula & ipse tractus, sa-
xum primò ingens pectori injectum supinus for-
tius, quàm cælum Hercules tulit; ad machinam
deinde mucronibus omni ex parte armatam, ut
antè ad gladios in acie, risit. Hinc calce tres dies
sepultus, cum illustrior surrexisset, ferreos & ab
igne candentes calceos indutus, nempe ad Olym-
picam coronam cucurrit. Cæsus iterum immani-
ter, ac alapis contusus, in ruborem languoremque
iplos carnifices dedit, & testem fidei suæ mortuum
è tumulo produxit. Tandem post tot egregiè pu-
gnatas pugnas coronatum pridie in carcere ab
ipso

Spiritus. Sed apud mortuum quoque medicinam morbidi quæsiuerunt, & verò repererunt, Epileptici præcipuè, non ignari expertum mali hujus medicum se accedere. *Ex Ferrar.*

Quid infirmus homine, quem sensus fallit, ignorantia decipit, circumvenit judicium, pompa ledit, tempus deserit, mutat ætas, hebetat infantia, juventus præcipitat, senectus frangit? S. Pet. Chrys. serm 45.

S. HELENUS C. 17. Aprilis.

Fugiendum est citò, quod nocet citò : Sapiuit isto maturè HELENVS consilio, & è mundo prius quàm pueritiâ exiit, tutius inter feras, quàm homines victurus. Jejunia producenti cacodæmon escas obtrusit; sed HELENVS & cocum & dapiferum aspernatus cum Cælo quàm Orco prandere maluit; mox enim Angeli, ut Christo quondam dapes esurienti ministrarunt. Tanto deinde promptius ipse quoque per longa itinerum spatia aliis prandia ferre, & si oneri succubuiſſet, onagris ea imponere, nil repugnantibus pigerrimis alioquin animantium. Neque jam solum onera illius asini, sed ipsum etiam HELENVM, cum Myſtam sacrificii causâ accerſeret, per amnē crocodilus transvexit; adeò sanctitati obtemperant omnia. Discipulo ejus cum Orci minister libidinis faces admove-
ret, incendiarium HELENVS ad tantas redegit angustias, ut extra circulum, quem in arenâ scipione descriperat, ne latum quidem unguem aut ungu-
lam ponere sit ausus, donec turpe incendium ex-
tingueret. Illud etiam memorabile, quòd illæsus ignem calcârit, ut Zaream Hæreticum falsitatis argueret, qui perfidiam suam per flammam probare non ausus, Catholicæ Religionis, ut veri auri, pre-
rium

18. April. VITÆ SANCTORVM. 199
tium auxit. His facinoribus HELENVS Heliopo-
litanam primùm mitram, deinde æternitatis co-
ronam meruit. *Ex vitis PP.*

*Si vis animam tuam in sua virginitatis integritate
persistere, aures & oculos à negotiorum secularium va-
nitate firmiter obstrue, carnalium hominum colloquia
destructioni magis quàm edificationi profutura con-
temne; nam qui tangit picem, inquinabitur ab eâ.
S Pet. Dam. Op. XII.*

S. URSMARUS C. 18. Aprilis.

QUO tempore mater gravem URSMARO fere-
bat uterum, venerandâ fortè canitie senex
per visum astitit, puerulumque, manu gestatum
ejus curæ commendavit. Excūsanti annonæ diffi-
cultatem panem candidum porrexit, novo mox
inter manus auctu grandescentem; prodigiique
rationem ad nascituræ prolis doctrinam retulit,
cum annis ad multorum mortalium emolumenta
amplificandam. Simul monstravit enitentem in
sublime filiolum per scalam cælo insertam. Præsa-
gio fidem adstruxit vita cælitibus quàm homini-
bus propior: nam Episcopus tempore succedente
creatus, novem annis à pane humano temperavit,
reliqui cibi tam modicus, ut validæ membrorum
vocisque vires haud immeritò miraculi instar
obtinerent. Dæmones frequenter injustâ cor-
porum humanorum possessione dejecit: metu
lemurum infestas ædes aquâ lustrali solvit: mor-
bos curationum fines egressos divinâ sanatione
depulit. Porro charitas servandorumque morta-
lium studium in eminentissimum virtutis fasti-
gium assurrexit, cum esset quotidie cujusvis ho-
minis salutem sanguine vitæque recuperare pa-
ratus.

ratus. Rerum adversarum patientia in Jobi comparationē exexit. Obiit anno Christi D. CC. XIII. de cælo obtinendo sollicitus imprimis, ut qui jam scalas admoverat, antequam nasceretur. *Ex RATHER. Veronense.*

Multi simplices & humiles calos penetrant. Nullus verò arrogans, quamvis omnium liberalium polleat scientiâ, ad caeleste admittetur convivium, tantoq; gravioribus cruciabitur pœnis, quanto nequius donum Dei tractaverit. S. Laur. Just. de Casto Connub. c. 14.

S. THEODORUS M. 19. Aprilis.

THEODORVS cùm sacramentum, quod CHRISTO dederat, Marti negasset, post fustuarium craticulæ injectus, pice ac sulphure perfunditur. Sed cùm crudelitate hâc tellus commota è sinu aquas, quæ rogū extinguerent, effudisset, THEODORVS incolumis ad Marti devotos provocavit: iret ex omnibus unus aliquis in rogum, Deumq; suum etiam ipse probaret. Illi causæ diffisi rem ad sacrificulos rejecerunt. Ex his etiam DIOSCORVS adductus, palam Jovis patrociniū respuit, suavitq; ipse è flammis causam Jupiter dicere juberetur; se diem ei dicturum, se ex fano obtorto collo ad judices ignes rapturum, cæloque, pulcherrimo, quod unquam fecisset, sacrificio ipsum Jovem immolaturum: probaret ille fulmine se Deum, pictosque suos ignes, & unâ hos in caput sacrificantis, si posset, congereret. Indoluit Jovem, ludos fieri Proconsul, & DIOSCORVM jam Christianum flammis, THEODORVM verò quadrigis raptandum dedit. Hic verò abeuntibus in præcipitium equis, alio è cælo curru triumphans in Prætorium venit. In succensam
exinde

exinde cum militibus, quibus hæc miracula fidem fecerant, fornacem conjectus, altero mane loqui reperitur PHILIPPÆ matri, quæ triennio antè captiva abducta, ad preces filii per Angelum tum erat reducta. Advolat igitur tyrannus, milites hastâ transfigit, matrem capite multat, THEODORVM ipsum in crucem agit. Sed ille post tot victorias, non petiisset aliud trophæum. *Ex Menais.*

Non est patiendum, ut assidua de Deo cogitatio ex animis nostris elabatur; agendumque assidue, ut ex perpetuâ recordatione impressam cordibus nostris piam de Deo cogitationem, velut indelebile signum circumferamus. S. Bas. in Reg. fus. disput.

S. VERNHERUS M. 19. Aprilis.

WERNHERVS rustica, ex Trevirensi agro, progenies, egenis comparebat paratum diurno labore obsonium: vitrici asperitatem, ipse tam miti ingenio, fugere coactus, in opiliones haud paullo mansuetiores incidit; nam & mapalibus fugientem, & esurgentem cœnulâ exceperunt, quibus ne oneri foret hospes asymbolus, defixo humi bacillo, novum è terrâ fontem salire iussit: à Pastoribus digressus in feras incidit; annum enim agentem XIV. Judæi adhuc Christi in Christianis sanguinem sitientes, capite prono columnæ alligarunt, S. Hostiam ab ore repetituri: loris deinde ac ferro per omnia membra crudelissimè grassati, satis docuerunt quàm longè Apellæ omnem humanitatis sensum abjecerint: nam etsi triduo inter tormenta exacto, omnium opem ac commiserationem exposceret, eam tamen neque apud judicem argento corruptum reperit, inter acerbissi-

mos cruciatus id unum habiturus solatii, quòd pendens demum ad exemplum Christi animam efflavit. Cadaver ejus in speluncam abjectum est, ne à Judæis, sed feris laniatum credi posset; justa nihilominus ei Cælum persolvit, multâ face circum cadaver accensâ, quæ VVERNHERI innocentiam & Judæorum crudelitatem detexit. *Ex Suario.*

Ad cælum respice, brevissima hujus vitæ terminum tibi ante oculos pone; & cum quo de villicatione tuâ rationem ponere debeas, sollicitus meditare. Quid enim proderit hodie auro & gemmis contegi, si cras contingat nudum & reum ad inferni supplicia pertrahi. S. Pet. Damian. l. 7. Ep. 15.

SS. SULPITIUS ET SERVILIANUS MM.

20. Aprilis.

Rursum te ad nuptias invitamus, sed (quemadmodum semper factum est) Agni; quin imò, si lubet, ad choreas etiam, non quidem ut ducas, sed ut spectes, simulq; illud etiam fatearis, verum dixisse, qui ferè ebrios & insanos saltare dixit. Ecce Sulpitio Euphrosyna, Serviliano Theodora despondetur, & Aureliano Consulis filio Domitilla promittitur. Jam quatit Hymenæus faces, jam locus, jam amor ridet, mox lacrimas daturi. Nam intereà Domitilla Euphrosynam & Theodoram familiares suas Christo conciliat; hæ verò eidem sponso etiam suæ, adnidente iterum Domitillâ, dum ejus operâ Christum videt cæcus, & mutus loquitur. At nimirum intereà solus Aurelianus cæcutit, solus hic non sana loquitur. Quin adeò tibicines jam solus conducit, & pede frequenti terram pulsans in exitium suum jam pridem Orcum laborat evocare. Jamque duos omnino

omnino dies totidemque noctes assiduas saltando se exercuerat, cum quiescit tandem morte subitâ prostratus, nec jam ille domum Domitillam, sed illum domum Proserpina ducit. Porro SERVILIANVS & SVLPITIUS, firmati his miraculis, non dubitarunt postea pro Deo & castitate cervices præbere securi secandas, rectius capite, quam Aurelianus pede saltaturi. *Ex gestis S. S. Nerei & Achillei apud Sur.*

Debet bene conscia mentis esse letitia non inconditis comessationibus, non nuptialibus excitata symphoniis; Ibi enim intuta verecundia, illecebra suspecta est, ubi comes deliciarum extrema est saltatio. Nemo enim, ut dixit quidam secularium Doctor, saltat sobrius, nisi qui insanit. S. Amb. l. 3. de Virg.

S. AGNES POLITIANA V. 20. Aprilis.

NAtale solum AGNETI mons Politianus est. Quo die in lucem prodiit, multis vicinus æther facibus stellans illustris vitæ primordia celebravit. Nono ætatis anno, quo virgines aliæ totę pendent à matribus, D. Dominici institutum in sacro Parthenone complectitur. Quindecim annis pane & aquâ victitavit; sæpeque cælesti pluviâ, qualis Hebræis per desertos Arabiæ campos moventibus annona fuit, inter precandum est operata. Tres aliquando gemmulas ei Deipara dono dederat, vaticinata, suo honori aliquot ab AGNETE templa constituenda, Jesulum alias in sinum ejus infuderat: cujus è collo crucem eam abstraxit, quæ in hæc usque tempora ad facti memoriam piorumque venerationem conservatur. Sæpè ab Angelo divinam hostiam accepit. Balneum, quo valerudinis causâ utebatur, cælesti manna in-

stratum, eoque loco fons medicâ salubritate præditus erupit. Et quemadmodum sæpè divinos genios vivens habebat hospites, ita moriens eosdem adepta comites, in cælum evolavit, anno salutis M.CCC.XVII. mortem multi infantes è suis cunis, quâ sermone, quâ cantu celebrarunt. Corpus putredine taboque intactum virtutum ac præcipuè castimoniæ luculentam præbuit testimonem. *Ex Bullâ Canonizat.*

Vt sancta anima Christi caractere utrobique signetur, eum in corde suo signaculum ponat, ut amoris ejus facibus medullitus inardescat; ponat etiam in brachio, ut piis operibus valenter insistat. S. Pet. Damian. l. 7. ep. 9.

S. ANSELMUS EP. 21. Aprilis.

FAcilè mundum despicit, quisquis æquis oculis aspicit. Testis luculentus ANSELMVS est. Vidit hic (nebulam ab oculis Deo removen- te) quem nos mundum dicimus, immundam, quâ pater, paludem esse, cœni omnis ac sordium colluviem: in hâc volutari miseros homunculos; hinc delitias suas haurire delicatulos, hinc gemmas quærere avaros, hinc triumphare ambitiosos. Miratus ANSELMVS posse tam sordidâ lacunâ pisces gaudere tam nobiles, oculum ad religiosorû septa transtulit, & ædes sibi videre visus est regio opere structas, & omnibus delitiis affluentes. Has itaque ingressus, ex Monacho Cœnobiarcha, ex Cœnobiarcha Pontifex Cantuariæ mortuus memoratur, anno M.C.IX. vir qui è minimis quibusque rebus maxima dare documenta scivit. Nam, ut alia silentio prætermittam, cum lepusculum sub equum suum fugientem à canibus undique cingi

cingi conspexisset, eam morientis conditionem esse exclamavit ab atris geniis obsessi. Jam puerum conspīcatus cum aviculā lusitāntem filo alligatā, peccantis hominis typum esse dixit, qui libertate suā spoliatus, ad arbitrium Strygii aucupis viveret. Itaque qui jam nos circumspicimus, si ANSELMO credimus, mali dæmonis ludus, lepusculi, & aviculæ captivæ sumus. Nec tamen stulti lepores fugimus, nec aviculæ filum rumpimus: quin quod omnem stultitiam exsuperat, cantitare etiam in tantis miseriis juvat. *Ex Edinero.*

Cū semel anima adhaferit cupiditatibus demersa terrenis, difficile in altum potest, unde descendit, sine Dei favore, evolare. Actuum enim suorum vincta laqueis, & secularium deliciarum illecebris obnoxia tenetur. Ambros. in c. 4. Lucæ.

S. THEODORUS C. 22. Aprilis.

THEODORVM sexeunem mater ad omnem licentiam informabat, cū S. Georgius, ne filium Cæli Imperatori autoratum vitæ corruptelis effeminaret, præsens admonuit, pueri deinceps in sanctitate magister. Eunti ad Ædem sacram dux adfuit viam præstigiis Orci præceptam & impeditam aperiens; matri quoque, si à pietate filium avocaret, stricto mucrone exitium minatus. Prope interitum THEODORVS erat, quando decantatus ille Proteus, assumptā contubernalis formā, incautum in præcipitium intulit præfultor ipsius factus, eumque exemplo tracturus, nisi custodis cura prævaluisset. In templo Christum cum Virgine matre præsentem aspexit, à quo ad sanctiorem militiam invitatus, illico stipendia facere cœpit. Gigantem credidisses vim cælo illaturum, si

labores spectasses. Miraculis morborumque medelâ clarus, quos aliis absterfit, sibi gratulatus est dolores, eos divinæ in se voluntatis argumenta dictitans. Venenum impiorum invidiâ mistum Reginæ cælorum benevolentia superavit, quæ piorum mensis securitatem affert, certiore utique quàm ii, qui periculosas Principum epulas gustu explorant. Huic Reginæ Cælitibusque tam charum quid mirum est, si Reges nostri orbis suspexerunt, neque passi sunt THEODORVM voto suo potiri, qui cum probra sitiret, vel iavitus honoribus mactatus est? *Ex Surio.*

O quàm suave commercium, imò quàm inenarrabilis dulcedo in humanis visceribus oritur, cum Creator & Creatura alternis in se invicem affectibus delectantur! sicut per prophetam dicitur, Suavis sit ei laudatio mea, ego verò delectabor in Domino. S. P. Dam. l. 7. Ep. 19.

B. ÆGIDIUS C. 23. Aprilis.

ÆGIDIUS tertius Assisiatis Francisci assecla, ingenuo sanctoque mentis candore ad insigne virtutis culmen pervenit. Virum, è S. Domini familiâ, eximiâ doctrinâ, de perpetuâ Deiparæ virginitate dubium sibi que difficile consentientem, tali prodigio contra ancipitem cogitationem confirmavit. Ter scipione terram impulit, dicto singulos ictus prosecutus, hoc ordine: *Maria Virgo ante partum: Maria Virgo in partu: Maria Virgo post partum:* & mox lilia totidem ad scipionis impulsu Ægidii que vocem solo emerferunt. Tertio ante suum natalem die, Christus ei spectabilis adfuit, reditu per consequentes quindecim dies instaurato. Ex quo tempore tam concita-

citatis in cælum desideriis rapiebatur, ut audito vel à pueris per plateas Paradisi nomine, rerum omnium sensu destitueretur. Septem in eo eminebant virtutes, credendi constantia, pietas erga Deum, reverentia, commiseratio, cura officii, obedientia, grata beneficii memoria. Quinquaginta duobus annis in sacrâ militiâ meruit. Post mortem magnum luentium agmen è lustralibus flammis in cælum evexit. Obiit Perusii anno M. C C. L X X X I I I. *Ex Surio.*

Si invenis aliquid melius, quàm videre faciem Dei, illuc te prepara: Va tali amor tuo, si vel suspicaris aliquid pulchrius quàm est ille, à quo est omne pulchrum, quod te teneat, ne illum cogitare merearis. S. August. in psal. 43.

S. GEORGIUS M. 23. Aprilis.

ANno post natum Servatorem XC. supra C C. GEORGIUS fortissimus CHRISTI miles, & ob virtutem inter Tribunos adlectus, tum Comitum etiam titulo à Diocletiano ornatus, cum hujus nihilominus efferam in Christianos tyrannidem propalam damnasset, in vincula & ipse tractus, saxum primò ingens pectori injectum supinus fortius, quàm cælum Hercules tulit; ad machinam deinde mucronibus omni ex parte armatam, ut antè ad gladios in acie, risit. Hinc calce tres dies sepultus, cum illustrior surrexisset, ferreos & ab igne candentes calceos indutus, nempe ad Olympicam coronam cucurrit. Cæsus iterum immaniter, ac alapis contusus, in ruborem languoremque ipsos carnifices dedit, & testem fidei suæ mortuum è tumulo produxit. Tandem post tot egregiè pugnatas pugnas coronatum pridie in carcere ab ipso

ipsomet Imperatore CHRISTO, caput iterum coronandum securi subdidit; cum prius ad ejus imperium corruissent omnia Numinum simulachra, & cacodæmones se esse, non Deos, ultrò edixissent, verissimo omnium, quod unquam dederunt, oraculo. *Ex Metaphr.*

Deus ipse omnium rector ac Dominus cum omni Angelorum militiâ certamen tuum expectat, tibiq; contra Diabolum dimicanti parat aternitatis coronam. S. Amb. in Epist.

S. BONA VIRGO. 24. Aprilis.

A Ge virgo anime. hæ tibi leges feruntur. Lecto pudico cubato. Vestis cilicium esto. Ut latrones domesticos effugias, pudorem peregrè ad Divûm templa circumferto. Nempe duras, ais, & verè æreas leges fixisti. Quid vis dicam? Tu non potes quod isti & istæ? addo quod virguncula BONA potuit, cui vix septenni has leges ipse summus Legislator Christus tulit, annuente & probante virgine animo. quid? quòd ultro non lecto sed stramine involvit pudorem, si non tam molliter certè securiùs dormiturum? quòd non semel sed decies ex Italiâ ad S. Jacobi sepulchrum in Galæciam abiit? quòd tres omnibus septimanis dies non nisi pane & aquâ traduxit, & reliquis, quibus opiparè vixit leguminibus vixit, etiam tunc, cum ab Hierosolymitano itinere & longâ Saracenorum captivitate redux continuâ febris laboravit? Superi! quis nostrûm ægro corpusculo facit tam ægrè? Nimirum Virgo facit, ut periclitanti pudicitiae medicinam faciat. Et arrisit his studiis Christus ipse, qui Jerosolymæ ad sepulchrum suum orantis BONÆ capiti ter manum suam imposuit, & post

25. April. VITÆ SANCTORVM. 209
post quadragintadiæ jejunium traductum, in
eâdem eremo à Virgine, in quâ ipse traduxerat
olim, annulo sibi visendus desponsavit, multisque
aliis miraculis ornavit. Ultimò è vitâ BONA inter
risum cantusque abiit. Quid miraris lector? dum
vixit, flevit. Ex Bzovio 13. tom. ann. Eccl.

*Fidelis & religiosus animus ea, quæ sunt caelestia,
concupiscat, & divinarum promissionum avidus in
amorem se incorruptibilis boni & in spem veræ lucis at-
tollat. S. Leo Papa in Ann. Assump. suæ serm. 2.*

S. MARCUS EV. 25. Aprilis.

MARCUS ut primùm res Christi gestas litteris
consignavit, à Petro Alexandriam legatus
est: cum ipso etiam Evangelium in urbem pene-
travit. Cum enim sub portâ Anianus cerdo detri-
tas Apostoli soleas reficeret, subulâque in lævam
exerrante, Deum, ut sit in adversis, inclamaret,
MARCVS vulnè remedium fecit, & Anianum
magno operæ pretio ad Christi Religionem tra-
duxit. Sed cum ob quotidiana fidei incrementa
MARCVS insidiis appeteretur, Anianum pro se ur-
bi Episcopum dedit, ipse Pentapolim abiit. Indi-
dem biennio post Alexandriam rediit, ubi ad
aram ipse Dominicæ Resurrectionis festo die ca-
ptus raptusque per urbem, Paschalis pro Chri-
sto factus est victima. Eâ nocte Angelus nomen
suum Marco albo Cæli inscriptum monstravit, &
Christus ipse magno præsens fuit solatio: postera
luce cum laqueo gula implicaretur, tam citò con-
stringi non potuit, quin celerior anima ad Supe-
ros evolaret. Cadaver ne tortores exurerent, coor-
ta repente tempestas rogam omnem cum bustua-
riis disjecit. Nunc de illius tumulo Italia Germa-
niaque

210 VITÆ SANCTORVM. 26. April.
niaque certant, ut de Homeri cunis Græciæ ur-
bes, lite tantò sanctiore, quantò dignior est, qui
Christi, quàm qui Achillis prælia scripsit. Ex Brev.
Rom. & S. Hieron.

*Sic est vita nostra, quasi homo in domo alienâ, ne-
sciens quâ horâ vel die dominus domûs dicat, vade fo-
ras, quia non est domus tua, in qua es. O seculum va-
num! quid nobis tanta promittis, dum decipis? Auctor
serm. ad Fr. in Eremito.*

S. BASILEUS EP. MART. 26. Aprilis.

S Celus heu! ingens, juvenis. Tuis manibus
tuam occidis, cheu! toties castitatem, cum
olim viri sancti occidere pro alienâ non dubita-
runt. Prodeat BASILEVS, & dum pro alienâ pud-
icitiam pugnat, pugnare pro nostrâ nos doceat. Erat
Licinio Imperatori in Parthenone virgo, virgini
nomen Glaphyra, addictissima Christo & castita-
ti. Huic insidias tyrannus Cupido per alterum ty-
rannum Licinium moliebatur. Glaphyra ab amo-
re docta fugere, ipsa quoque alas assumit, & ad
Episcopum BASILEVM abit. Sed nihil later cæ-
cum licet Amorem. Proditur virgo apud Impera-
torem, & unâ virginis custos Pontifex, & jubet
utrumque vinctum adduci Licinius. Commo-
dum Glaphyra morte beatâ vincula effugit, sed
subit BASILEVS vas pretiosi pudoris. mox jubetur
aut fidem aut caput ponere. Nec multum ille apud
animum suum deliberat, abjicit caput, ut fidem
seruet. Utrumque & caput & truncum corpus
seorsim in mare proturbant carnifices. Sed qui aut
corpus aut caput Martyris periret, si neque unus
ex hoc capillus est periturus? Angelus Elpido-
phoro viro Christiano in cælis animum BASILEI,
in

in undis corpus monstrat. Ergo illi cum piscatoribus ita convenit, ut quidquid demum prehensum id loci verriculo esset, suum esset. Mox BASILEVS extrahitur, non jam minutus capite, sed planè integer. Una tantum & illa rubea linea ornabat, non inficiebat cervicem, ut Glaphyra è Servatoris sui collo præmium, monile hoc videatur suspendisse. *Ex Surio.*

Habet acies Christiana potentes munitiones & arma victricia; Deo scilicet instruente milites suos, ut spiritus veritatis mansuetudo iram, largitas avaritiam, benignitas extinguat invidiã. S. Leo s. 7. de Jejun. 10. Mens.

S. SITA VIRGO. 27. Aprilis.

PROPE Lucam in Hetruriã nata SITA servitutem Fatuellorum familiæ, imò verius egenis servivit. Nam his ferè suum victum cessit, & quod unum in servã supererat opis, pro mendicis quotidie apud dominos mendicavit, præclaram mercaturam dictitans (& mercatores erant) ingens cælum tantillo emere. Et gerò liberali dextræ, cum nihil aliunde suppetere, Numen suggessit. Ita sitiienti rogatori cum aquam se porrexisset crederet, vinum propinavit. Alteri cum fabas vendendas gratis dedisset, nihil tamen dominus superveniens abesse comperit, mensuram cælo, ut promiserat, remetiente. Vestem quoque pellibus subductam, & commodatam ab hero, nudo ipsa commodavit. Nec fefellit. Retulit hic cum irasceretur Herus SITÆ, & ex oculis disprens docuit, nulli securius rem credi, quàm cælo. Aliàs deprehensa panis reliquias miseris ferre, quò oculos dominorum falleret, tantisper in flores vertit, gratissimos deinde esurientibus odores. Suum verò, hoc est, vir-

virginitatis florem , quem à teneris intactum in tumulum etiam saluum intulit , precibus & jejuniiis fovit, lacrimis rigavit, nec lecto, sed quæ floribus amica est , terrâ deposuit , nec dubitavit quandoque procacem servuli petulantiam unguibus notare, itaque vel invitum verecundum facere. Nudis pedibus ad sacrata loca euntem multa miracula comitata. Quid? quòd domum redeunti sub noctem comes e cælo delapsa MARIA ivit, & pontis urbisque portas recluserit. An dubitabimus ergo *Coeli januam* viventi SITÆ tam propitiam morienti paruisse? *Ex Bzovio, 13. tom. Ann. Eccl.*

Succincti lumbos mentis castam & sobriam vitam in Dei timore ducamus, nec concupiscentiis carnis mens principatus sui oblita consentiat. Brevia & caduca sunt terrenarum gaudia voluptatum , quæ ad aeternitatem vocatos à semitis vitæ conantur avertere. S. Leo ser. 2. de Ann. Ass. suæ.

SS. THEODORA ET DIDYMUS

MM. 28. Aprilis.

FAbulam damus, dum vivimus, alius alio pulchriorem: pulcherrimam DIDYMVS & THEODORA dederunt. Hæc dum parvulum tyrannum Amorem fugit, in majorem alterum Maximinum Imp. incidit. Jubetur aut fidem , aut virginem ponere. Quid ageret? Martyr moreretur, non virgo? Virgo viveret, non Martyr? placuit virgini Martyrem sociare. Abripitur in cellam infamem : sed primus DIDYMVS irruit in militis personam vultum amantis præferens : instruitur elegantissima scena : mutantur vestes : sub milite evadit virgo : sub virgine miles deprehenditur. Sed nunquam magis illa virgo , quàm cum sic miles , nunquam magis iste vir,

vir, quàm cum sic femina fuit. Dum enim hic ad supplicium ducitur, adest illa, & litem ecce de morte movet. Vadem ait se pudoris, non mortis legisse; hanc vel fugâ meruisse; esse certè in virgine ferro locum, si injuriæ non fuerit; sed nec animos deesse, quos cum armis sumpisset; demum si THEODORA addicta sit morti, THEODORAM se esse; si DIDYMVS, etiam hunc induisse. Contrà querebatur ille, ingrata benefactori præmium invidere; arma se exuisse non militem, stolam induisse, non feminam; turpe fore viro tergum vertere, si sic mulier pugnaret; illi plus lactis, sibi plus sanguinis naturam dedisse; se denique (sive DIDYMVS jam esset, sive THEODORA) se ad mortem damnatum clamabat. Quid multis? duo pugnarunt, & cernentibus causam lictoribus, ambo vicerunt. *Ex D. Ambr. l. 2. de Virg.*

Virginitas fastigium est omniumque consummatio virtutum; ad quam si quis eniti potuerit, hunc servum Dominus, hunc discipulum Magister agnoscet, hic terram triumphabit, hic erit consimilis Deo, quia virtutem Dei cepit. Lactant. l. 6. de vero cult.

S. PAPHNUTIUS M. 28. Aprilis.

PAPHNUTIUS Eremita, detectis à tutelari genio gentilium insidiis, facto divino sacrificio, ultro in jus, atque judicis conspectum ambulavit. Quem sanguinarius canis tam fœdâ verberum laniatione concerpfit, ut patefactis lateribus exta in terram effunderentur, quæ sacer custos suis denuò receptaculis abdedit, vulnerumque hiatus obsepsit. Cum in vinculis mirâ luce micaret, XL. sectatores veritatis claritate præstricti, unum ac verum Numen sunt professi, eamque ob causam flam-

flammis absumpti. Non multò post sedecim pueros senatorum filios ad tribunal adduxit, hæsitque alienato à sensibus in Deum animo: pueri in proposito constantes extincti. Piscatores octo supra quadraginta sic amore Christianorum sacrorum accendit, ut unà ad supplicium contenderint, jugulumque ferro subjecerint. PAPHNVTVS quadrifariam distractus, membraque in templi tectum jactata hominibus ludibrium, pabulumque fœdis avibus futura. At disjectas corporis partes Angelus conflavit, Christusque vitalem spiritum restituit. Cujus prodigii magnitudine multi ad Ecclesiam adjuncti, fidem sanguine consignarunt. Ad extremum, molâ ad collum deligatâ, in undas præcipitatur PAPHNVTVS. Sed pondere lapidis divinâ manu sustentato, cum mergi volens non posset, in crucem actus eximiorum certaminum in eâ arbore, quæ fortes omnes coronat, palmam tulit. *Ex Metaphr.*

Si sapias, in viâ, quâ nunquam ambulasti, non ipse tibi doctor aut ductor eris, sed aurem Magistris inclinabis & increpationibus eorum acquiesces & consiliis; & operam scientiæ & lectioni dabis, ne serâ pœnitens dicas, cur detestatus sum disciplinâ? Guerr. s. de Advent.

S. PETRUS M. 29. April.

PETRVS Veronæ parentibus hæreticis ortus, septimo ætatis anno duodena credendi capita in scholis perdidicerat, itaque fixa animo retinebat, ut nullis unquam imperiis ad eorum veritatem improbandam compelli posset. Institutionem deinceps D. Dominici per vitam sectatus, speciosum Prædicatoris nomen rebus æquavit: quippe tanto populi studio frequentiaque concionabatur, ut
ægrè

ægrè per confertam multitudinem sellâ gestatus evaderet in suggestum. Dicta factis & prodigiis. affirmavit, ut validissimâ persuadendi ratione. Valuit præcipuè adversus devios ab Ecclesiæ fide, vim contrariam paternæ perfidiæ sortitus. Fuit, cum à Deiparâ, quod olim à Servatore cognominis Apostolus audivit: *Ego pro te rogavi Petre, ut non deficiat fides tua.* Quo patrocinio constantiam tenuit usque ad sanguinis vitæque jacturam: etenim lethalibus aliquot illatis ab hæretico vulneribus, repetens Catholicæ veritatis à magistro instillatæ confessionem, unam mortem plurimis de sacrilegâ sectâ palmis repensavit, ad annum Christi M. CC. LII. Subinde conspectus est in cælo, Mariæ, cujus ope illuc evectus erat, lateri adjunctus: quodque viventem jam concesserat Deus, post fata insigni miraculorum famâ illuxit. Tantum interest à teneris cum recto verum combibisse, quibus semel imbuta mens, ut vasa recentia, odorem primum servabit. *Ex Surio.*

Nulla sunt majores divitiae, nulli thesauri, nulli honores, nulla mundi hujus major substantia, quàm est fides Catholica, quæ peccatores homines salvat, cecos illuminat, infirmos curat, catechumenos baptizat, fideles justificat, poenitentes reparat, justos augmentat, Martyres coronat. S. Aug. serm. 1. de Verb. Apost.

S. HUGO ABB. 29. April.

HUGONEM Ecclesiæ Burgundia, principe natum familiâ, protulit. Hic, adversis parentibus, eò perfugit, ubi splendorem à majoribus tractum humilis familiæ consortio celaret. Capiti divinus spiritus, columbæ specie conspicuus imminere visus: unde vim ad mira perpetranda singula-

gularem hausisse persuasum. Nam & in secreto humanorum pectorum mentis obtutum figebat, & morbis cujuscunque generis medicinam de cælo parabat. Habebat Sanctius in vinculis Alphonsum fratrem Hispaniæ regem, cujus libertatem cum Hygo supplex à fratre postulasset, D. Petrus cœnobitiæ cuiusdam indicavit, HYGONIS apud Deum preces momentum habuisse, Sanctioque deinde conspicuus Alphonsi dimittendi mandatum dedit. Episcopo linguæ ad petulantiam sermonis expeditæ vaticinatus est, post mortem tumente ac obfuso pustulis ore Manes ejus levitatis confessionem edituros. Spectro deinde effatum probante, indicto in dies septenos monachis silentio, constitutâ ex contrario medicinâ, flammis purgantibus reum exemit. Sub exitum Deipara cum D. Petro HYGONI adfuit. Eodemque tempore Fulgentius Abbas duos Angelos vidit in astra geminum lectulum molientes, quorum alterum HYGONI, alterum Anselmo Cantuariensi Pontifici dicerent stratum. Et nunc ambo quàm molliter cubant! ridentque nos, qui, ut S. Augustinus loquitur, volutari malumus in carne & sanguine. *Ex Hug. Clun.*

Si de omni vel otioso verbo, quodcumque locuti fuerint homines, Deo sunt reddituri rationem in die judicii, quantò districtius de verbo mendaci, mordaci, injurioso, de elato vel lascivo, de adulatorio vel detractorio judicabuntur? S. Bern. l. de tripl. Cust.

S. CATHARINA SENENSIS V.

29. Aprilis.

CATHARINA ut primum fari potuit, scalas precreptans ad singulos gradus Angeli verbis MARIAM salutavit. Quid jam mirum, si his gradibus

bus ipsum sanctitatis culmen conscendit ? Anno ætatis septimo, CHRISTO, quem supra D. Domini-
ci ædem conspicuum habuit, se sponfam, ille, con-
ciliante Matre aliisque Cælitibus, Sponsum se ob-
tulit CATHARINÆ. Itaque sæpiusculè jam ad eam
invisere, non rarò personatus mendicus amorem
probare, & stipem deinde datam è cælo multis
laudare. Addixerat se feminiæ fœdo carcinomate
laboranti, nec jam stipendium aliud præter calu-
mnia ferebat. Subtristi eam ob causam nonnihil
ecce CHRISTVS adest, geminam manu coronam
prætendens, hanc auro, illam spinis rigentem, ju-
betque optionem facere. Illa non nescia, quâ Spon-
sus corollâ ornatus esset, spinas invadit, jamque
melius animata impensius pergit servitutem in-
gratæ servire; quin, ut Sponso se probaret, ex ipso
ulcere pus exugit. Meruit hæc sitis alterum hau-
stum, quem ex latere suo dilectæ CHRISTVS pro-
pinavit. Illa ab hac ambrosiâ jam ebria porrò ausa
est petere, cor amans sibi haberet. Superi, quis fi-
dem daret ! nisi amoris hominum tam obnoxios
vos sciremus ? Aufert CATHARINÆ cor CHRI-
STVS, & suum reponit. Tunc profectò expleto
amantium voto, CHRISTVM CATHARINA cor
suum : suum CHRISTVS CATHARINAM vocare
potuit. Ex Surio.

*Difficile imò impossibile est, ut & presentibus quis &
futuris fruatur bonis ; ut & hic ventrem & ibi men-
tem impleat ; ut de deliciis transeat ad delicias ; ut in
utroque seculo primus sit : ut & in cælo & in terrâ ap-
pareat gloriosus. S. Hieron. Epist. 14.*

S. ROBERTUS ABB. 29. Aprilis.

ROBERTVS gente Campanus natalium decus virtute ad immortalem memoriam illustravit. Nondum erat editus in lucem, cū Ermgardis matri per quietem objecta Deipara annulum obtulit, eoq̃ue sibi clausum utero infantem despondit. Quem natum sic Ermgardis eduxit, ut sacro pactæ virginis connubio dignus redderetur. In Cellensi Asceterio Monachum indutus, diversis cum supremâ potestate cœnobiis præsedit, religiosæ potius disciplinæ, quàm cumulandis opibus intentus. Accidit, ut ad portas duo sacris initiati, sed egentes, ab ROBERTO stipem præstolarentur. Negabat penoris præfectus vel unum panem reliquum esse. Ad prandium signo excitis domesticis, Abbas, conspectis in mensâ panibus, unde illati essent, rogavit. Oeconoמו respondente, se Fratrum numero æquatos panes reservasse, omnes tolli iussit, ad fiduciam & obedientiam anxias suorum cogitationes revocaturus. Ex humanis abiit octogenario major, die jam prospecto atque indicato. Curam suorum ne à morte quidem posuit, increpare somnolentos solitus, excitareq̃ue ad divinas laudes, mirâ benevolentia, quâ tamen erga nos Angeli quotidie utuntur, exiguo operæ pretio. Quid vis? Deus ipse ad ostium stat & pulsat; neque tamen expergisceris. Ex Lippeloo.

*Christus per Mysterium suum tibi videatur in ore,
 & Christus per sui amoris incendium tibi vivat semper
 in corde, ut congruat etiam tibi, quod sponsa dicit in
 Canticis, Fasciculus Myrrhæ dilectus meus mihi.
 S.P. Dam. l. 7. Ep. 19.*

SEMA-

SS. MARIANUS & JACOBUS MM.

30. Aprilis.

ANnus ducentessimus sexagesimus secundus par nobile Martyrum habuit: MARIANVS alter, alter JACOBVS fuit. Et illum quidem pollice suspensum pondera talis annexa tentissimis nervis ad ima retrahebant; sed ad carceres reducti, animus in Cælum abiit, æterni convivii promulsæ recreandus, quam in pulcherrimum inducto triclinium, S. Cyprianus propinavit, haud gravatè pro unâ illius guttulâ omnem sanguinem daturus. JACOBVM intereà proprio Martyrum baltheo Angelus cinxit. Ita hic robur suum induit, alter bibit. Nec multò post novus cælo nuntius mittitur de venustioribus ephebis, qui sero vice torquis indutus, & palmam ventilans (nam & ipse nuper unâ cum matre & gemello trucidatus fuerat) MARIANVM & JACOBVM ad martyrum condicere convivium jubet. Nec illi tam lautas epulas aspernari, aut morari diutius ausi, postera die dederunt symbolum ambo capite plexi. Nihilominus equites toto diffusi cælo malum minari carnificibus visi, qui tam candida innocentiae lilia demessuissent. *Ex Surio.*

Dies noster ultimus certissimum est, nobis quod veniat, incertissimum est, quando, vel ubi, vel unde nobis adveniat: nisi quod senibus est in januis, qui juvenibus est in insidiis. Guerr. ser. 3. de Advent.

B. FRANCISCUS SENENSIS. 30. April.

ETiam FRANCISCVM viderunt Senæ libertatem mundi repudiare, & servis VIRGINIS accedere. Quanquam non tunc primum transiit in

servitutem VIRGINIS ; natus in hanc est. Siquidem mater FRANCISCO plena liliū sibi parere est visa , ex quo alia atque alia pullularent , quibus MATREM VIRGINEM coronaret. Videbatur deinde, nescio quis , Pontificiā majestate insignis scepro uterum tangere, spondereque, lilii, quod ferret, candori nihil obfuturas mundi spinas. FRANCISCVS deniq; lustrico fonti admotus plus quàm pueriliter exultare est visus, oculosque suos in jam tunc suum ocellum, MARIÆ iconem defigere. Jam pueritiam ingressus , quotidie quingenties Ave DOMINÆ suæ dixit, orationi extra tempora Musis dicata tam deditus , ut non in domo paternâ, sed templis habitaret. Asellum (ita quam nos ad instar catelli Melitensis habemus, carnem appellabat) saxo & flagris exercebat. Pro concione omnium animos incendebat, ut fidem habeam virginibus, quæ volantem supra dicentis caput igneum globum se vidisse affirmarunt. Adversus obrectatores opem flagitanti PATRONA VIRGO auditum abstulit, ut surdis auribus præteriret calumniantes. Sub mortem ante dicentis vultum Angeli librum explicarunt. Librum vitæ credidero fuisse, & in illo FRANCISCVM nomen suum legisse ; tam hilaris post obiit, & quidem die, quo Christo cælum parit. Ex demortui ore liliū ajunt natum esse, scilicet ut vobis, Sodales , pietatis in VIRGINEM semen esset. Ex Bzovio to. 13. Ann. Eccl.

Imitare minutissimas aves, mane & vesperi Creatori gratias referendo. Et si es devotior, imitare Lusciniam, cui quoniam ad dicendum laudes dies sola non sufficit, nocturna spatia pervigili cantilenâ decurrit.
S. Max. serm. de Carn. host. non timend.

M A I V S.

SS. PHILIPPUS ET JACOBUS
APOST. 1. Maii.

G Emino dies hic sole nitet. PHILIPPVS alter, alter JACOBVS est. Ille vix inter hominum piscatores adlectus, captum illico ad CHRISTVM Nathanaelem adduxit, laudatam ab ipso Servatore prædam. Sed & ii, qui à veri Numinis cultu alieni erant, ad JESVM aditum sibi per PHILIPPVM quærebant. Illum in consilio Magister habuit, cum ingenti multitudini comneatum pararet; illo rogante discipulis in filio patrem ostendit. Hinc cum in sortem paucorum totus orbis veniret, provinciam ipse nactus Scythiam, eam facile CHRISTO subegit, victorque sub annum IV. & L. Hierapoli urbe Phrygiæ in cruce triumphavit; cum lapides viles jactantibus, sed pretiosi PHILIPPO triumphalem coronam multò pulcherrimè exornarent. Et hujus quidem triumphus de Barbaris; de Judæis JACOBI fuit. Hic carne & vino à teneris sibi interdixit; longâ precandi consuetudine genibus callum obduxit, qui vel Camelo certaret; eâ famâ sanctitatis fuit, ut ingredi in sanctiora templi adyta uni illi liceret; & vel oram vestis ejus prehendere, partem felicitatis ducerent. Ita rem Hierosolymæ Christianam cum XXX. annos administrasset, anno partæ salutis LXIII. vitæ XCVI. è templi fastigio dejectus, & inter preces, quas pro hostibus suis faciebat, fuste fullonis cæsus est: ut jam me dubium uterque hic Sol faciat, orbine luxerit,

K 3

xerit, an Cælo occiderit pulchrior. *Ex Brev. Rom.*

Nos quoque timore Domini Crucifixos oportet hic omnibus non solum carnalibus vitiis, verum etiam ipsis elementis mortuos esse; illuc habentes oculos anima nostra defixos, quò nos speramus momentis singulis migraturos. Cassian. l. 4. de Inst. Renunc. c. 35.

S. SIGISMUNDUS REX. 1. Maii.

QUoties noverca ex patre vitricum fecit! Sane SIGISMUNDVM Burgundionum Regem eò artibus suis impulit, ut filium Sigericum, quasi patrem regno exuere cogitasset, vitam ipse exueret. Verum asperlas filii cruore manus tam multis lavit lacrimis, ut quem sic pœniteret, pœnè innocens dici posset. Monitus tamen ab ignoto nescio quo sene, & suam potius vitam, quàm filii (qui cælo frueretur) mortem deflere iussus, ad D. Mauritiij tumulum abiit, causamque illi commendavit; ageret hanc, ut suam olim apud DEVM: adesse fatentem reum: supplicia precari, non deprecari: sævi-
ret nunc etiam pater Deus; modò olim iudex parceret: quam pœnam tam nocens filius meruisset, tum se monstrasse, cum innocentem occideret. Lacrimis non posse satis elui manus; sanguine posse, sed suo; huic fundendo jam se initium dedisse, cum filii funderet: quem malè libasset, rectius litaturum sese. Et verò damnatus voti est: bello enim in annum D. XXVI. à Clodomiro Gallorum Rege petitus, captusque, & capite plexus, in puteum est abjectus. Sed tam ignobile sepulchrum pœnitentis illustrius cantu suo luminibusque cælum fecit; quin ægri magno numero morti jam proximi sanitatem inde suam hauserunt, itaque quam uni eripuit vitam, longè plurimis

mis SIGISMUNDVS restituit. Ex Gregor. Turon.

223

Ascendat homo adversum se tribunal mentis suae: & constituto in corde iudicio, adsit accusatrix cogitatio, testis conscientia, carnifex timor, & sanguis animae confitentis per lacrimas profluat. S. Aug. in libro 50. Hom.

S. ATHANASIUS EP. 2. Maii.

NON rarò pueritia toti vitæ præludit. Ita ATHANASIVS Alexandriae inter lusus adolescentiæ puer à pueris in Episcopum lectus, natu deinde grandior ab ipsomet cælo est confirmatus. Difficile est dictu, quæ bella jam Pontifex cum Arianis gesserit. Producta in medium concilium muliercula, vim pudori suo illatam mentiebatur ab ATHANASIO, quem ne noverat quidem. Hic alius non nemo suppetias laturus innocentiae, ideoque ATHANASIVM sese assumulans; heus, inquit, ego ne vitium tibi feci? mox illa: tu verò ipsissimus. Ita cum & se & impietatem omnium risui exposuisset, exclamant Ariani occisum ab ATHANASIO Arsenium (quem eam ob rem longè illi amandaverant) proferuntque manum velut incantationibus ab eodem devotam. Sed in tempore amici innocentis reduxerant Arsenium. Is itaque in templum progressus, vitæque suæ luculentus ipse testis ostendit, se quidem utramque manum, ceterum accusationem nec caput, nec pedes habere. Exul nihilominus sæpè ATHANASIVS totum pænè orbem pererravit. Annos in cisternâ quâdam latitavit quinque, indeque in impios calamo egregiè pugnavit. Fugienti cum hostis instaret, navim vertit, jamque obvius quærenti num ATHANASIVM vidisset, respondit, non longè illum abesse. Ita rectà Alexandriam rever-

virginitatis florem , quem à teneris intactum in tumulum etiam saluum intulit , precibus & jejuniiis fovit, lacrimis rigavit, nec lecto, sed quæ floribus amica est , terrâ deposuit , nec dubitavit quandoque procacem servuli petulantiam unguibus notare, itaque vel invitum verecundum facere. Nudis pedibus ad sacrata loca euntem multa miracula comitata. Quid ? quòd domum redeunti sub noctem comes e cælo delapsa MARIA ivit, & pontis urbisque portas recluserit. An dubitabimus ergo Cœli januam viventi SIRÆ tam propitiam morienti patuisse ? Ex Bzovio, 13. tom. Ann. Eccl.

Succincti lumbos mentis castam & sobriam vitam in Dei timore ducamus, nec concupiscentiis carnis mens principatus sui oblita consentiat. Brevia & caduca sunt terrenarum gaudia voluptatum , quæ ad aeternitatem vocatos à semitis vitæ conantur avertere. S. Leo ser. 2. de Ann. Ass. suæ.

SS. THEODORA ET DIDYMUS

MM. 28. Aprilis.

FAbulam damus, dum vivimus, alius alio pulchriorem: pulcherrimam DIDYMVS & THEODORA dederunt. Hęc dum parvulum tyrannum Amorem fugit, in majore alterum Maximinum Imp. incidit. Jubetur aut fidem , aut virginem ponere. Quid ageret? Martyr moreretur, non virgo? Virgo viveret, non Martyr? placuit virgini Martyrem sociare. Abripitur in cellam infamem: sed primus DIDYMVS irruit in militis personam vultum amantis præferens: instruitur elegantissima scena: mutantur vestes: sub milite evadit virgo: sub virgine miles deprehenditur. Sed nunquam magis illa virgo , quam cum sic miles , nunquam magis iste vir,

vir, quàm cum sic femina fuit. Dum enim hic ad supplicium ducitur, adest illa, & litem ecce de morte movet. Vadem ait se pudoris, non mortis legisse; hanc vel fugâ meruisse; esse certè in virgine ferro locum, si injuriæ non fuerit; sed nec animos deesse, quos cum armis sumpisset; demum si THEODORA addicta sit morti, THEODORAM se esse; si DIDYMVS, etiam hunc induisse. Contrà querebatur ille, ingratham benefactori præmium invidere; arma se exuisse non militem, stolam induisse, non feminam; turpe fore viro tergum vertere, si sic mulier pugnaret; illi plus lactis, sibi plus sanguinis naturam dedisse; se denique (sive DIDYMVS jam esset, sive THEODORA) se ad mortem damnatum clamabat. Quid multis? duo pugnarunt, & cernentibus causam lictoribus, ambo vicerunt. *Ex D. Ambr. l. 2. de Virg.*

Virginitas fastigium est omniumque consummatio virtutum; ad quam si quis eniti potuerit, hunc servum, Dominus, hunc discipulum Magister agnoscat, hic terram triumphabit, hic erit consimilis Deo, quia virtutem Dei cepit. Lactant. l. 6. de vero cult.

S. PAPHNUTIUS M. 28. Aprilis.

PAPHNUTIUS Eremita, detectis à tutelari genio gentilium insidiis, facto divino sacrificio, ultro in jus, atque judicis conspectum ambulavit. Quem sanguinarius canis tam fœdâ verberum laniênâ conserpsit, ut patefactis lateribus exta in terram effunderentur, quæ sacer custos suis denuò receptaculis abdedit, vulnerumque hiatus obsepsit. Cum in vinculis mirâ luce micaret, XL. senatores veritatis claritate præstricti, unum ac verum Numen sunt professi, eamque ob causam flam-

flammis absumpti. Non multò post sedecim pueros senatorum filios ad tribunal adduxit, hæsitque alienato à sensibus in Deum animo: pueri in proposito constantes extincti. Piscatores octo supra quadraginta sic amore Christianorum sacrorum accendit, ut unà ad supplicium contenderint, jugulumque ferro subjecerint. PAPHNVIVS quadrifariam distractus, membraque in templi tectum jactata hominibus ludibrium, pabulumque fœdis avibus futura. At disjectas corporis partes Angelus conflavit, Christusque vitalem spiritum restituit. Cujus prodigii magnitudine multi ad Ecclesiam adjuncti, fidem sanguine consignarunt. Ad extremum, molâ ad collum deligatâ, in undas præcipitatur PAPHNVIVS. Sed pondere lapidis divinâ manu sustentato, cum mergi volens non posset, in crucem actus eximiorum certaminum in eâ arbore, quæ fortes omnes coronat, palmam tulit. *Ex Metaphr.*

Si sapias, in viâ, quâ nunquam ambulasti, non ipse tibi doctor aut ductor eris, sed aurem Magistris inclinabis & increpationibus eorum acquiesces & consiliis; & operam scientiæ & lectioni dabis, ne serò pœnitens dicas, cur detestatus sum disciplinâ? Guerr. s. de Advent.

S. P E T R U S M. 29. April.

PETRVS Veronæ parentibus hæreticis ortus, septimo ætatis anno duodena credendi capita in scholis perdidicerat, itaque fixa animo retinebat, ut nullis unquam imperiis ad eorum veritatem improbandam compelli posset. Institutionem deinceps D. Dominici per vitam sectatus, speciosum Prædicatoris nomen rebus æquavit: quippe tantæ populi studio frequentiaque concionabatur, ut
agré

ægrè per confertam multitudinem sellâ gestatus evaderet in suggestum. Dicta factis & prodigiis. affirmavit, ut validissimâ persuadendi ratione. Valuit præcipuè adversus devios ab Ecclesiæ fide, vim contrariam paternæ perfidiæ sortitus. Fuit, cum à Deiparâ, quod olim à Servatore cognominis Apostolus audivit: *Ego pro te rogavi Petre, ut non deficiat fides tua.* Quo patrocinio constantiam tenuit usque ad sanguinis vitæque jacturam: etenim lethalibus aliquot illatis ab hæretico vulneribus, repetens Catholicæ veritatis à magistro instillatæ confessionem, unam mortem plurimis de sacrilegâ sectâ palmis repensavit, ad annum Christi M. CC. LII. Subinde conspectus est in cælo, Mariæ, cujus ope illuc evectus erat, lateri adjunctus: quodque viventijam concesserat Deus, post fata insigni miraculorum famâ illuxit. Tantum interest à teneris cum recto verum combibisse, quibus semel imbuta mens, ut vasa recentia, odorem primum servabit. *Ex Surio.*

Nulla sunt majores divitiae, nulli thesauri, nulli honores, nulla mundi hujus major substantia, quàm est fides Catholica, qua peccatores homines salvat, cecos illuminat, infirmos curat, catechumenos baptizat, fideles justificat, poenitentes reparat, justos augmentat, Martyres coronat. S. Aug. serm. 1. de Verb. Apost.

S. HUGO ABB. 29. April.

HUGONEM Ecclesiæ Burgundia, principe natum familiâ, protulit. Hic, adversis parentibus, eò perfugit, ubi splendorem à majoribus tractum humilis familiæ consortio celaret. Capiti divinus spiritus, columbæ specie conspicuus. imminere visus: unde vim ad mira perpetranda singula-

gularem hausisse persuasum. Nam & in secreto humanorum pectorum mentis obtutum figebar, & morbis cujuscunque generis medicinam de cælo parabat. Habebat Sanctius in vinculis Alphonsum fratrem Hispaniæ regem, cujus libertatem cum Hygo supplex à fratre postulasset, D. Petrus cœnobitiæ cuiusdam indicavit, HYGONIS apud Deum preces momentum habuisse, Sanctioque deinde conspicuus Alphonsi dimittendi mandatum dedit. Episcopo linguæ ad petulantiam sermonis expeditæ vaticinatus est, post mortem tumente ac obfito pustulis ore Manes ejus levitatis confessionem edituros. Spectro deinde effatum probante, indicto in dies septenos monachis silentio, constitutâ ex contrario medicinâ, flammis purgantibus reum exemit. Sub exitum Deipara cum D. Petro HYGONIS adfuit. Eodemque tempore Fulgentius Abbas duos Angelos vidit in astra geminum lectulum molientes, quorum alterum HYGONI, alterum Anselmo Cantuariensi Pontifici dicerent stratum. Et nunc ambo quàm molliter cubant! ridentque nos, qui, ut S. Augustinus loquitur, volutari malumus in carne & sanguine. *Ex Hug. Clun.*

Si de omni vel otioso verbo, quodcunque locuti fuerint homines, Deo sunt reddituri rationem in die judicii, quantò districtius de verbo mendaci, mordaci, injurioso, de elato vel lascivo, de adulatorio vel detractorio judicabuntur? S. Bern. l. de tripl. Cust.

S. CATHARINA SENENSIS V.

29. Aprilis.

CATHARINA ut primùm fari potuit, scalas precreptans ad singulos gradus Angeli verbis MARIAM salutavit. Quid jam mirum, si his gradibus

bus ipsum sanctitatis culmen conscendit ? Anno ætatis septimo, CHRISTO, quem supra D. Domini-
ci ædem conspicuum habuit, se sponsam, ille, con-
ciliante Matre aliisque Cælitibus, Sponsum se ob-
tulit CATHARINÆ. Itaque sæpiusculè jam ad eam
invisere, non rarò personatus mendicus amorem
probare, & stipem deinde datam è cælo multis
laudare. Addixerat se feminæ fœdo carcinomate
laboranti, nec jam stipendium aliud præter calu-
mnias ferebat. Subtristi eam ob causam nonnihil
ecce CHRISTVS adest, geminam manu coronam
prætendens, hanc auro, illam spinis rigentem, ju-
betque optionem facere. Illa non nescia, quâ Spon-
sus corollâ ornatus esset, spinas invadit, jamque
melius animata impensius pergit servitutem in-
gratæ servire; quin, ut Sponso se probaret, ex ipso
ulcere pus exugit. Meruit hæc sitis alterum hau-
stum, quem ex latere suo dilectæ CHRISTVS pro-
pinavit. Illa ab hac ambrosiâ jam ebria porrò ausa
est petere, cor amans sibi haberet. Superi, quis fi-
dem daret ! nisi amoris hominum tam obnoxios
vos sciremus ? Aufert CATHARINÆ cor CHRI-
STVS, & suum reponit. Tunc profectò expleto
amantium voto, CHRISTVM CATHARINA cor
suum : suum CHRISTVS CATHARINAM vocare
potuit. Ex Surio.

*Difficile imò impossibile est, ut & presentibus quis &
futuris fruatur bonis ; ut & hic ventrem & ibi men-
tem impleat ; ut de deliciis transeat ad delicias ; ut in
utroque seculo primus sit : ut & in cælo & in terrâ ap-
pareat gloriosus. S. Hieron. Epist. 14.*

S. ROBERTUS ABB. 29. Aprilis.

ROBERTVS gente Campanus natalium decus virtute ad immortalem memoriam illustravit. Nondum erat editus in lucem, cum Ermgardis matri per quietem objecta Deipara annulum obtulit, eoque sibi clausum utero infantem despondit. Quem natum sic Ermgardis eduxit, ut sacro pactæ virginis connubio dignus redderetur. In Cellensi Asceterio Monachum indutus, diversis cum supremâ potestate cœnobiis præsedit, religiosæ potius disciplinæ, quàm cumulandis opibus intentus. Accidit, ut ad portas duo sacris initiati, sed egentes, ab ROBERTO stipem præstolarentur. Negabat penoris præfectus vel unum panem reliquum esse. Ad prandium signo excitis domesticis, Abbas, conspectis in mensâ panibus, unde illati essent, rogavit. Oeconoמו respondente, se Fratrum numero æquatos panes reservasse, omnes tolli iussit, ad fiduciam & obedientiam anxias suorum cogitationes revocaturus. Ex humanis abiit octogenario major, die jam prospecto atque indicato. Curam suorum ne à morte quidem posuit, increpare somnolentos solitus, excitareque ad divinas laudes, mirâ benevolentiam, quâ tamen erga nos Angeli quotidie utuntur, exiguo operæ pretio. Quid vis? Deus ipse ad ostium stat & pulsat; neque tamen expergisceris. Ex Lippeloo.

*Christus per Mysterium suum tibi videatur in ortu;
 & Christus per suæ amoris incendium tibi vivat semper in corde, ut congruat etiam tibi, quod sponsa dicit in Canticis, Fasciculus Myrrhæ dilectus meus mihi.*
 S.P.Dam.l.7.Ep.19.

SEMA-

SS. MARIANUS & JACOBUS MM.

30. Aprilis.

ANnus ducentessimus sexagesimus secundus par nobile Martyrum habuit: MARIANVS alter, alter JACOBVS fuit. Et illum quidem pollice suspensum pondera talis annexa tentissimis nervis ad ima retrahebant; sed ad carceres reducti, animus in Cælum abiit, aeterni convivii promulsade recreandus, quam in pulcherrimum inducto triclinium, S. Cyprianus propinavit, haud gravatè pro unâ illius guttulâ omnem sanguinem daturus. JACOBVM intereâ proprio Martyrum baltheo Angelus cinxit. Ita hic robur suum induit, alter bibit. Nec multò post novus cælo nuntius mittitur de venustioribus ephebis, qui sermo vice torquis indutus, & palmam ventilans (nam & ipse nuper unâ cum matre & gemello trucidatus fuerat) MARIANVM & JACOBVM ad martyrum condicere convivium jubet. Nec illi tam lautas epulas aspernari, aut morari diutius ausi, postera die dederunt symbolum ambo capite plexi. Nihilominus equites toto diffusi cælo malum minari carnificibus visi, qui tam candida innocentiae lilia demessuissent. *Ex Surio.*

Dies noster ultimus certissimum est, nobis quod veniat, incertissimum est, quando, vel ubi, vel unde nobis adveniat: nisi quod senibus est in januis, qui juvenibus est in insidiis. Guerr. ser. 3. de Advent.

B. FRANCISCUS SENENSIS. 30. April.

ETiam FRANCISCVM viderunt Senæ libertatem mundi repudiare, & servis VIRGINIS accedere. Quanquam non tunc primum transiit in

fervitutum VIRGINIS ; natus in hanc est. Siquidem mater FRANCISCO plena liliū sibi parere est visa , ex quo alia atque alia pullularent , quibus MATREM VIRGINEM coronaret. Videbatur deinde, nescio quis , Pontificiā majestate insignis scepro uterum tangere, spondereque, lilii, quod ferret, candori nihil obfuturas mundi spinas. FRANCISCVS deniq; lustrico fonti admotus plus quàm pueriliter exultare est visus, oculosque suos in jam tunc suum ocellum, MARIÆ iconem defigere. Jam pueritiam ingressus , quotidie quingenties Ave DOMINÆ suæ dixit, orationi extra tempora Musis dicata tam deditus , ut non in domo paternâ, sed templis habitaret. Asellum (ita quam nos ad instar catelli Melitensis habemus, carnem appellabat) saxo & flagris exercebat. Pro concione omnium animos incendebat, ut fidem habeam virginibus, quæ volantem supra dicentis caput igneum globum se vidisse affirmarunt. Adversus obrectatores opem flagitanti PATRONA VIRGO auditum abstulit, ut surdis auribus præteriret calumniantes. Sub mortem ante dicentis vultum Angeli librum explicarunt. Librum vitæ credidero fuisse, & in illo FRANCISCVM nomen suum legisse ; tam hilaris post obiit, & quidem die, quo Christo cælum parit. Ex demortui ore liliū ajunt natum esse, scilicet ut vobis, Sodales , pietatis in VIRGINEM semen esset. *Ex Bzovio to. 13. Ann. Eccl.*

Imitare minutissimas aves, mane & vesperi Creatori gratias referendo. Et si es devotior, imitare Lusciniam, cui quoniam ad dicendum laudes dies sola non sufficit, nocturna spatia pervigili cantilenâ decurrit.
S. Max. serm. de Carn. host. non timend.

M A I V S.

SS. PHILIPPUS ET JACOBUS

APOST. 1. Maii.

G Emino dies hic sole nitet. PHILIPPVS alter, alter JACOBVS est. Ille vix inter hominum piscatores adlectus, captum illico ad CHRISTVM Nathanaelem adduxit, laudatam ab ipso Servatore prædam. Sed & ii, qui à veri Numinis cultu alieni erant, ad JESVM aditum sibi per PHILIPPVM quærebant. Illum in consilio Magister habuit, cum ingenti multitudini commeatum pararet: illo rogante discipulis in filio patrem ostendit. Hinc cum in sortem paucorum totus orbis veniret, provinciam ipse nactus Scythiam, eam facile CHRISTO subegit, victorque sub annum IV. & L. Hierapoli urbe Phrygiæ in cruce triumphavit; cum lapides viles jactantibus, sed pretiosi PHILIPPO triumphalem coronam multò pulcherrimè exornarent. Et hujus quidem triumphus de Barbaris; de Judæis JACOBI fuit. Hic carne & vino à teneris sibi interdixit; longâ precandi consuetudine genibus callum obduxit, qui vel Camelo certaret: eâ famâ sanctitatis fuit, ut ingredi in sanctiora templi adyta uni illi liceret; & vel oram vestis ejus prehendere, partem felicitatis ducerent. Ita rem Hierosolymæ Christianam cum XXX. annos administrasset, anno partæ salutis LXIII. vitæ XCVI. è templi fastigio dejectus, & inter preces, quas pro hostibus suis faciebat, fuste fullonis cæsus est: ut jam me dubium uterque hic Sol faciat, orbine lu-

virginitatis florem , quem à teneris intactum in tumulum etiam saluum intulit , precibus & jejuniiis fovit, lacrimis rigavit, nec lecto, sed quæ floribus amica est , terrâ deposuit , nec dubitavit quandoque procacem servuli petulantiam unguibus notare, itaque vel invitum verecundum facere. Nudis pedibus ad sacrata loca euntem multa miracula comitata. Quid ? quòd domum redeunti sub noctem comes e cælo delapsa MARIA ivit, & pontis urbisque portas reclusit. An dubitabimus ergo *Cœli janua* viventi SIRÆ tam propitiam morienti patuisse ? *Ex Bzovio, 13. tom. Ann. Eccl.*

Succincti lumbos mentis castam & sobriam vitam in Dei timore ducamus, nec concupiscentiis carnis mens principatûs sui oblita consentiat. Brevia & caduca sunt terrenarum gaudia voluptatum , quæ ad aeternitatem vocatos à semitis vitæ conantur avertere. S. Leo ser. 2. de Ann. Ass. suæ.

SS. THEODORA ET DIDYMUS

MM. 28. Aprilis.

FAbulam damus, dum vivimus, alius alio pulchriorem: pulcherrimam DIDYMVS & THEODORA dederunt. Hęc dum parvulum tyrannum Amorem fugit, in majorē alterum Maximinum Imp. incidit. Jubetur aut fidem , aut virginem ponere. Quid ageret? Martyr moreretur, non virgo? Virgo viveret, non Martyr? placuit virgini Martyrem sociare. Abripitur in cellam infamem: sed primus DIDYMVS irruit in militis personā vultum amantis præferens: instruitur elegantissima scena: mutantur vestes: sub milite evadit virgo: sub virgine miles deprehenditur. Sed nunquam magis illa virgo , quàm cum sic miles , nunquam magis iste vir,

vir, quàm cum sic femina fuit. Dum enim hic ad supplicium ducitur, adest illa, & litem ecce de morte movet. Vadem ait se pudoris, non mortis legisse; hanc vel fugâ meruisse; esse certè in virgine ferro locum, si injuriæ non fuerit; sed nec animos deesse, quos cum armis sumpisset; demum si THEODORA addicta sit morti, THEODORAM se esse; si DIDYMVS, etiam hunc induisse. Contrà querebatur ille, ingratham benefactori præmium invidere; arma se exuisse non militem, stolam induisse, non feminam; turpe fore viro tergum vertere, si sic mulier pugnaret; illi plus latis, sibi plus sanguinis naturam dedisse; se denique (sive DIDYMVS jam esset, sive THEODORA) se ad mortem damnatum clamabat. Quid multis? duo pugnarunt, & cernentibus causam lictoribus, ambo vicerunt. *Ex D. Ambr. l. 2. de Virg.*

Virginitas fastigium est omniumque consummatio virtutum; ad quam si quis eniti potuerit, hunc servum, Dominus, hunc discipulum Magister agnoscet, hic terram triumphabit, hic erit consimilis Deo, quia virtutem Dei cepit. Lactant. l. 6. de vero cult.

S. PAPHNUTIUS M. 28. Aprilis.

PAPHNUTIUS Eremita, detectis à tutelari genio gentilium insidiis, facto divino sacrificio, ultro in jus, atque judicis conspectum ambulavit. Quem sanguinarius canis tam fœdâ verberum laniênâ concerpfit, ut patefactis lateribus exta in terram effunderentur, quæ sacer custos suis denuò receptaculis abdedit, vulnerumque hiatus obsepsit. Cum in vinculis mirâ luce micaret, XL. senatores veritatis claritate præstrikti, unum ac verum Numen sunt professi, eamque ob causam flam-

flammis absumpti. Non multò post sedecim pueros senatorum filios ad tribunal adduxit, hæsitque alienato à sensibus in Deum animo : pueri in proposito constantes extincti. Piscatores octo supra quadraginta sic amore Christianorum sacrorum accendit, ut unà ad supplicium contenderint, jugulumque ferro subjecerint. PAPHNVTVS quadrifariam distractus, membraque in templi tectum jactata hominibus ludibrium, pabulumque fœdis avibus futura. At disjectas corporis partes Angelus conflavit, Christusque vitalem spiritum restituit. Cujus prodigii magnitudine multi ad Ecclesiam adjuncti, fidem sanguine consignarunt. Ad extremum, molâ ad collum deligatâ, in undas præcipitatur PAPHNVTVS. Sed pondere lapidis divinâ manu sustentato, cum mergi volens non posset, in crucem actus eximiorum certaminum in eâ arbore, quæ fortes omnes coronat, palmam tulit. *Ex Metaphr.*

Si sapias, in viâ, quâ nunquam ambulasti, non ipse tibi doctor aut ductor eris, sed aurem Magistris inclinabis & increpationibus eorum acquiesces & consiliis; & operam scientiæ & lectioni dabis, ne serâ pœnitens dicas, cur detestatus sum disciplinâ? Guerr. s. de Advent.

S. P E T R U S M. 29. April.

PETRVS Veronæ parentibus hæreticis ortus, septimo ætatis anno duodena credendi capita in scholis perdidicerat, itaque fixa animo retinebat, ut nullis unquam imperiis ad eorum veritatem improbandam compelli posset. Institutionem deinceps D. Dominici per vitam sectatus, speciosum Prædicatoris nomen rebus æquavit : quippe tanto populi studio frequentiaque concionabatur, ut
agrè

ægrè per confertam multitudinem sellâ gestatus evaderet in suggestum. Dicta factis & prodigiis. affirmavit, ut validissimâ persuadendi ratione. Valuit præcipuè adversus devios ab Ecclesiæ fide, vim contrariam paternæ perfidiæ sortitus. Fuit, cum à Deiparâ, quod olim à Servatore cognominis Apostolus audivit: *Ego pro te rogavi Petre, ut non deficiat fides tua.* Quo patrocinio constantiam tenuit usque ad sanguinis vitæque jacturam: etenim lethalibus aliquot illatis ab hæretico vulneribus, repetens Catholicæ veritatis à magistro instillatæ confessionem, unam mortem plurimis de sacrilegâ sectâ palmis repensavit, ad annum Christi M. CC. LII. Subinde conspectus est in cælo, Mariæ, cujus ope illuc evectus erat, lateri adjunctus: quodque viventî jam concesserat Deus, post fata insigni miraculorum famâ illuxit. Tantum interest à teneris cum recto verum combibisse, quibus semel imbuta mens, ut vasa recentia, odorem primum servabit. *Ex Surio.*

Nulla sunt majores divitiae, nulli thesauri, nulli honores, nulla mundi hujus major substantia, quàm est fides Catholica, qua peccatores homines salvat, cecos illuminat, infirmos curat, catechumenos baptizat, fideles justificat, poenitentes reparat, justos augmentat, Martyres coronat. S. Aug. serm. 1. de Verb. Apost.

S. HUGO ABB. 29. April.

HUGONEM Ecclesiæ Burgundia, principe natum familiâ, protulit. Hic, adversis parentibus, eò perfugit, ubi splendorem à majoribus tractum humilis familiæ consortio celaret. Capiti divinus spiritus, columbæ specie conspicuus imminere visus: unde vim ad mira perpetranda singular-

gularem hausisse persuasum. Nam & in secreto humanorum pectorum mentis obtutum figebar, & morbis cujuscunque generis medicinam de cælo parabat. Habebat Sanctius in vinculis Alphonsum fratrem Hispaniæ regem, cujus libertatem cum Hygo supplex à fratre postulasset, D. Petrus cœnobitiæ cuiuspiam indicavit, HYGONIS apud Deum preces momentum habuisse, Sanctioque deinde conspicuus Alphonsi dimittendi mandatum dedit. Episcopo linguæ ad petulantiam sermonis expeditæ vaticinatus est, post mortem tumente ac obfuso pustulis ore Manes ejus levitatis confessionem edituros. Spectro deinde effatum probante, indicto in dies septenos monachis silentio, constitutâ ex contrario medicinâ, flammis purgantibus reum exemit. Sub exitum Deipara cum D. Petro HYGONI adfuit. Eodemque tempore Fulgentius Abbas duos Angelos vidit in astra geminum lectulum molientes, quorum alterum HYGONI, alterum Anselmo Cantuariensi Pontifici dicerent stratum. Et nunc ambo quàm molliter cubant! ridentque nos, qui, ut S. Augustinus loquitur, volutari malumus in carne & sanguine. *Ex Hug. Clun.*

Si de omni vel otioso verbo, quodcumque locuti fuerint homines, Deo sunt reddituri rationem in die judicii, quantò districtius de verbo mendaci, mordaci, injurioso, de elato vel lascivo, de adulatorio vel detractorio judicabuntur? S. Bern. l. de tripl. Cust.

S. CATHARINA SENENSIS V.

29. Aprilis.

CATHARINA ut primum fari potuit, scalas precreptans ad singulos gradus Angeli verbis MARIAM salutavit. Quid jam mirum, si his gradibus

bus ipsum sanctitatis culmen conscendit ? Anno ætatis septimo, CHRISTO, quem supra D. Domini-
ci ædem conspicuum habuit, se sponsam, ille, con-
ciliante Matre aliisque Cælitibus, Sponsum se ob-
tulit CATHARINÆ. Itaque sæpiusculè jam ad eam
invisere, non rarò personatus mendicus amorem
probare, & stipem deinde datam è cælo multis
laudare. Addixerat se feminae fœdo carcinomate
laboranti, nec jam stipendium aliud præter calu-
mnias ferebat. Subtristi eam ob causam nonnihil
ecce CHRISTVS adest, geminam manu coronam
prætendens, hanc auro, illam spinis rigentem, ju-
betque optionem facere. Illa non nescia, quâ Spon-
sus corollâ ornatus esset, spinas invadit, jamque
melius animata impensius pergit servitutem in-
gratæ servire; quin, ut Sponso se probaret, ex ipso
ulcere pus exugit. Meruit hæc sitis alterum hau-
stum, quem ex latere suo dilectæ CHRISTVS pro-
pinavit. Illa ab hac ambrosiâ jam ebria porrò ausa
est petere, cor amans sibi haberet. Superi, quis fi-
dem daret ! nisi amoris hominum tam obnoxios
vos sciremus ? Aufert CATHARINÆ cor CHRI-
STVS, & suum reponit. Tunc profectò expleto
amantium voto, CHRISTVM CATHARINA cor
suum : suum CHRISTVS CATHARINAM vocare
potuit. *Ex Surio.*

*Difficile imò impossibile est, ut & presentibus quis &
futuris fruatur bonis ; ut & hic ventrem & ibi men-
tem impleat ; ut de deliciis transeat ad delicias ; ut in
utroque seculo primus sit : ut & in cælo & in terrâ ap-
pareat gloriosus. S. Hieron. Epist. 14.*

S. ROBERTUS ABB. 29. Aprilis.

ROBERTVS gente Campanus natalium decus virtute ad immortalem memoriam illustravit. Nondum erat editus in lucem, cū Ermgardis matri per quietem objecta Deipara annulum obtulit, eoq̃ue sibi clausum utero infantem despondit. Quem natum sic Ermgardis eduxit, ut sacro pactæ virginis connubio dignus redderetur. In Cellensi Asceterio Monachum indutus, diversis cum supremâ potestate cœnobiis præsedit, religiosæ potius disciplinæ, quàm cumulandis opibus intentus. Accidit, ut ad portas duo sacris initiati, sed egentes, ab ROBERTO stipem præstolarentur. Negabat penoris præfectus vel unum panem reliquum esse. Ad prandium signo excitis domesticis, Abbas, conspectis in mensâ panibus, unde illati essent, rogavit. Oeconoמו respondente, se Fratrum numero æquatos panes reservasse, omnes tolli iussit, ad fiduciam & obedientiam anxias suorum cogitationes revocaturus. Ex humanis abiit octogenario major, die jam prospecto atque indicato. Curam suorum ne à morte quidem posuit, increpare somnolentos solitus, excitareq̃ue ad divinas laudes, mirâ benevolentia, quâ tamen erga nos Angeli quotidie utuntur, exiguo operæ pretio. Quid vis? Deus ipse ad ostium stat & pulsat; neque tamen expergisceris. *Ex Lippeloo.*

*Christus per Mysterium suum tibi videatur in ortu
& Christus per sui amoris incendium tibi vivat semper
in corde, ut congruat etiam tibi, quod sponsa dicit in
Canticis, Fasciculus Myrrhæ dilectus meus mihi.
S.P.Dam.l.7.Ep.19.*

SMA-

SS. MARIANUS & JACOBUS MM.

30. Aprilis.

ANnus ducentessimus sexagesimus secundus par nobile Martyrum habuit: MARIANVS alter, alter JACOBVS fuit. Et illum quidem pollice suspensum pondera talis annexa tentissimis nervis ad ima retrahebant; sed ad carceres reducti, animus in Cælum abiit, æterni convivii promulsæ recreandus, quam in pulcherrimum inducto triclinium, S. Cyprianus propinavit, haud gravatè pro unâ illius guttulâ omnem sanguinem daturus. JACOBVM intereâ proprio Martyrum baltheo Angelus cinxit. Ita hic robur suum induit, alter bibit. Nec multò post novus cælo nuntius mittitur de venustioribus ephebis, qui sero vice torquis indutus, & palmam ventilans (nam & ipse nuper unâ cum matre & gemello trucidatus fuerat) MARIANVM & JACOBVM ad martyrum condicere convivium jubet. Nec illi tam lautas epulas aspernari, aut morari diutius ausi, postera die dederunt symbolum ambo capite plexi. Nihilominus equites toto diffusi cælo malum minari carnificibus visi, qui tam candida innocentia lilia demessuissent. *Ex Surio.*

Dies noster ultimus certissimum est, nobis quod veniat; incertissimum est, quando, vel ubi, vel unde nobis adveniat: nisi quod senibus est in januis, qui juvenibus est in insidiis. Guerr. ser. 3. de Advent.

B. FRANCISCUS SENENSIS. 30. April.

ETiam FRANCISCVM viderunt Senæ libertatem mundi repudiare, & servis VIRGINIS accedere. Quanquam non tunc primum transiit in

fervitutum VIRGINIS ; natus in hanc est. Siquidem mater FRANCISCO plena liliū sibi parere est visa , ex quo alia atque alia pullularent , quibus MATREM VIRGINEM coronaret. Videbatur deinde, nescio quis , Pontificiā majestate insignis scepro uterum tangere, spondereque, lilii, quod ferret, candori nihil obfuturas mundi spinas. FRANCISCVS deniq; lustrico fonti admotus plus quàm pueriliter exultare est visus, oculosque suos in jam tunc suum ocellum, MARIÆ iconem defigere. Jam pueritiam ingressus , quotidie quingenties Ave DOMINÆ suæ dixit, orationi extra tempora Musis dicata tam deditus , ut non in domo paternâ, sed templis habitaret. Asellum (ita quam nos ad instar catelli Melitensis habemus, carnem appellabat) saxo & flagris exercebat. Pro concione omnium animos incendebat, ut fidem habeam virginibus, quæ volantem supra dicentis caput igneum globum se vidisse affirmarunt. Adversus obrectatores opem flagitanti PATRONA VIRGO auditum abstulit, ut surdis auribus præteriret calumniantes. Sub mortem ante dicentis vultum Angeli librum explicarunt. Librum vitæ credidero fuisse, & in illo FRANCISCVM nomen suum legisse ; tam hilaris post obiit, & quidem die, quo Christo cælum patuit. Ex demortui ore liliū ajunt natum esse, scilicet ut vobis, Sodales , pietatis in VIRGINEM semen esset. *Ex Bzovio to. 13. Ann. Eccl.*

Imitare minutissimas aves, mane & vespere Creatori gratias referendo. Et si es devotior, imitare Lusciniam, cui quoniam addicendum laudes dies sola non sufficit, nocturna spatia pervigili cantilenâ decurrit.
S. Max. serm. de Carn. host. non timend.

M A I V S.

SS. PHILIPPUS ET JACOBUS

APOST. 1. Maii.

G Emino dies hic sole nitet. PHILIPPVS alter, alter JACOBVS est. Ille vix inter hominum piscatores adlectus, captum illico ad CHRISTVM Nathanaelem adduxit, laudatam ab ipso Servatore prædam. Sed & ii, qui à veri Numinis cultu alieni erant, ad JESVM aditum sibi per PHILIPPVM quærebant. Illum in consilio Magister habuit, cum ingenti multitudini commeatum pararet; illo rogante discipulis in filio patrem ostendit. Hinc cum in sortem paucorum totus orbis veniret, provinciam ipse nactus Scythiam, eam facile CHRISTO subegit, victorque sub annum IV. & L. Hierapoli urbe Phrygiæ in cruce triumphavit; cum lapides viles jactantibus, sed pretiosi PHILIPPO triumphalem coronam multò pulcherrimè exornarent. Et hujus quidem triumphus de Barbaris; de Judæis JACOBI fuit. Hic carne & vino à teneris sibi interdixit: longâ precandi consuetudine genibus callum obduxit, qui vel Camelo certaret; eâ famâ sanctitatis fuit, ut ingredi in sanctiora templi adyta uni illi liceret; & vel oram vestis ejus prehendere, partem felicitatis ducerent. Ita rem Hierosolymæ Christianam cum XXX. annos administrasset, anno partæ salutis LXIII. vitæ XCVI. è templi fastigio dejectus, & inter preces, quas pro hostibus suis faciebat, fuste fullonis cæsus est: ut jam me dubium uterque hic Sol faciat, orbine lu-

mis SIGISMUNDVS restituit. Ex Gregor. Turon.

Ascendat homo adversum se tribunal mentis suae: & constituto in corde iudicio, adsit accusatrix cogitatio, testis conscientia, carnifex timor, & sanguis anima confitentis per lacrimas profluat. S. Aug. in libro 50. Hom.

S. ATHANASIUS EP. 2. Maii.

NON rarò pueritia toti vitæ præludit. Ita ATHANASIVS Alexandriae inter lusus adolescentiæ puer à pueris in Episcopum lectus, natu deinde grandior ab ipsomet cælo est confirmatus. Difficile est dictu, quæ bella jam Pontifex cum Arianis gesserit. Producta in medium concilium muliercula, vim pudori suo illatam mentiebatur ab ATHANASIO, quem ne noverat quidem. Hic alius non nemo suppetias laturus innocentiae, ideoque ATHANASIVM sese assumulans; heus, inquit, ego ne vitium tibi feci? mox illa: tu verò ipsissimus. Ita cum & se & impietatem omnium risui exposuisset, exclamant Ariani occisum ab ATHANASIO Arsenium (quem eam ob rem longè illi amandaverant) proferuntque manum velut incantationibus ab eodem devotam. Sed in tempore amici innocentis reduxerant Arsenium. Is itaque in templum progressus, vitæque suæ luculentus ipse testis ostendit, se quidem utramque manum, ceterum accusationem nec caput, nec pedes habere. Exul nihilominus sæpè ATHANASIVS totum pænè orbem pererravit. Annos in cisternâ quâdam latitavit quinque, indeque in impios calamo egregiè pugnavit. Fugienti cum hostis instaret, navim vertit, jamque obvius quærenti num ATHANASIVM vidisset, respondit, non longè illum abesse. Ita rectà Alexandriam rever-

re est. & illa morientis : *Sancta & immaculata Virginitas*, quibus te laudibus efferam, nescio. Imò verò ANTONINE, egregiè scivisti: Virgo moriens eam in cælum usque extulisti. *Ex Vinc. Mainard.*

Ne simus hic negligentes, ut non per infinita secula postmodum pœnitentiam agere cogamur, ubi nihil proderunt lacrimæ. In studiis atque laboribus gaudent Angeli atque Archangeli, sicut contrà in torpore ac negligentia gaudet inimicus. S. Ephrem. rom. 1.

INVENTIO S. CRUCIS. 3. Maii.

GAudent alii crucem, quam cælum mittit, missam amittere; at amissam olim Christi crucem invenisse hodie se gaudet Helena, triumphat. Rei gestæ ordinem hîc habes. Latebat crux terrâ, plus odiis Judæorum sepulta. At Helena, cùm primùm filius Constantinus Maxentium debellavit crucis sanctissimæ auspiciis, quò grata foret, omni ingenio viribusque eruere defossam, orbiq̃ue adorandam proponere contendit; tunc demum credens thesaurum se reperturam, si crucem. Ita locus à superstitione primùm purgatur; & infame Veneris stabulum statuaq̃ue dejicitur: mox humus altè egeritur; tandem tergeminae cruces parent, & ponè titulus crucis refixus. In ipsissimas auri venas offendisse Helenam credidisses. Minuebat tamen lætitiâ publicam illud, quòd quænam ex tribus Servatoris crux foret, sic nondum constaret. Sed opportunum consilium Macarius urbis Episcopus suggessit, jussitq̃ue ordine singulas morienti fortè tunc mulieri imponi. Pergebat illa ad primæ contactum mori, itemq̃ue ad secundæ, ad tertiæ denique incolumis revixit. Huic Helena templum struere dignum magnificentia suâ, cru-

cemque, hoc est aurum, argento includere, partem quoque unam cum auctario (clavis ejusdem) ad filium Imp. transmittere, regium utique donum. Agnovit ille signa victoriarum suarum, & summè veneratus toto imperio edixit, ne, quæ tesseræ salutis foret omnibus, posthac improborum foret supplicium. Clavorum altero diadematis frontem, altero frenos Imperatorios ornavit, certus majores nobilioresque uniones neque Indiam posse submittere. *Ex Brev.*

Quisquis desiderat ab omni vinculo maledictionis absolvi, & plenam novam gratiam benedictionem consequi, Crucem diligat, ex qua omnis plenitudo benedictionis emanat; per Crucem se Dei mandatis astringat; per Crucem effrenis Carnis incentiva cohibeat. S.P. Dam. serm. de Invent. Cruc.

S. FLORIANUS M. 4. Maii.

FLORIANVM, quem adversus ignium injurias patronum invocamus, aquæ ad Superos trans miserunt. Diocletiano Cæsare, in Norico Ripario Tribunus militaris agebat, cum institutâ de Christianis quæstione, nomen suum ultrò detulit. Aquilinus loci præfectus fustuario primùm ejus constantiam tentavit; deinde ubi Christi nomen extundi ei posse desperavit, in Anassum flumen præcipitem egit. Impii mandati obedientiam carnifex repentinâ cæcitate luit. Corpus exanime appulsum in scopulos aquila tutata est, Jovis olim, nunc FLORIANI satelles. Ipse Valeriam religiosam feminam ad justa persolvenda corpori suo excitavit, & pietati mercedem persolvit, salubrium aquarum scaturigine, quas ægris bibisse profuit. Igne periclitantibus propitium esse pri-
mus

mus omnium carbonarius experimento didicit; suis, quas ipse sufflaverat, involutus flammis FLORIANVM appellavit, & integro corpore è rogo emerfit. Beneficium luculentius fuit, quàm ut illud obscurare invidia vel oblivio posset. Inde posteris quoque mos traditus est, FLORIANI imaginem cum urnâ aquariâ in fronte ædium dedicandi. Vos illam, ô juvenes, etiam animis tutelam adsciscite, adversus multò tristiora incendia, quibus libido faces subdit, & perenne pabulum omnes corporis sensus subvehunt. Lingua, manus, aures, oculi, fatendum est, incendiarii sunt animæ. *Ex Surio.*

O Ignis infernalis luxuria, cujus materia gula, cujus flamma superbia, cujus scintilla prava colloquia, cujus fumus infamia, cujus cinis immunditia, cujus finis gehenna. S. Hieron. in Ep.

S. PELAGIA V. & M. 4. Maii.

PELAGIAM Tharsensem Diocletiani Deique filius sponsam ambierunt, ille corporis, hic animi pulchritudine captus. Respuit mortalem procum Virgo, & cæleste conjugium præoptavit. Paranympheus Clino fuit Episcopus, quem divinitus sibi ostensum inter montium latebras reperit, ubi edocta est, qualis dos afferenda ad sponsum esset. Ea uno verbo innocentia appellatur, quam beati Genii donum PELAGIÆ tulere, cum lustrico fonte, qui ad Clinonis preces è ripe profluxit, tingeretur. Augusta præterea Virgo duplici diademate cincta, ut vel hinc terrarum Cælique Dominam intelligas, palàm visendam se dedit, velut sanctorum sponsalium Antistes. Non fuit deinde difficile PELAGIÆ hoc virginali mundo exultæ,

bombycum fila contemnere. Nimirum non Cæsaris sed Numinis oculis se compsit, cui in sponsâ cilicium præ purpurâ placet. Sed neque rivalem diu sustinuit Christus; hunc enim antelatum sibi indignatus Cæsaris filius, versusque ex amore in furorem, gladio pectus transfixit. Diocletianus tamen filium ulturus non fuerat, si Pelagia amorem à Christo ad se transtulisset. Abhorrentem ab eâ conditione novus Phalaris bovi æreo candenti inclusit, in quo illa, amore veriùs, quàm igne liquefacta est. Exuvias corporis in Linatum montem projectas quatuor leones tutati sunt; Clino in urnam composuit, & monti congregationis nomen indidit. Vos Sodales, qui tituli jure reliquiarum hæredes estis, quod in Pelagiâ pulcherrimum fuit, innocentiae vestem, primo loco votoque poscite. *Ex Metaphrast.*

Si luxuria flamma in ossibus aestuat, protinus illam memoria aeterni ignis extinguat: si callidus insidiator lubricam carnis speciem objicit, illico mens ad mortuorum sepulchra oculum dirigat, & quid illic suave tactu, quid delectabile visu reperiatur, solerter attendat. S. Pet. Dam. op. 7. cap. 23.

S. MONICA VIDUA. 4. Maii.

HÆc est illa MONICA, quæ Augustinum bis genuit, orbi primùm, deinde cælo, secundo quàm primo partu felicior, dum filio pietatem, alteram hominis animam, quam cum lacte instillare non potuit, plorando infudit. Hæresi Manichæâ mortalissimâ humani generis peste perierat Augustinus; mater sic mortuo affundere lacrimas non antè destitit, quàm Episcopi oraculo recreata est spondentis: *Fieri non posse, ut filius istarum lacrima-*

*crimarum periret. Vim nimirum faciebat Deo (uti Augustinus postea jam renatus loquebatur) cor contritum & humiliatum vidua casta ac sobria, petentisq; ab eo non aurum & argentum, sed salutem animæ filii sui. Cujus illud primum indicium fuit, quod Ambrosio acquiesceret, & destillante ab illius viri ore ambrosiâ pasceretur, quem proinde non immeritò ut Angelum Dei Monica diligebat; quando verè idem est boni præceptoris, quod Angeli officium, etsi non eadem utrique dignatio impenditur. Compos tandem facta voti sui, & Augustino in tantas succrescente spes, negavit longiore sibi vitâ opus esse, desiderium cæli ad Ostia Tiberina filio professa, cùm diceret: *Fili quantum ad me attinet, nullâ re jam delector in hac vitâ: immorari cupiebam, ut te Catholicum viderem, &c.* Neque multò post terris excessit, hoc unum precata à filiis, ut ad Domini altare sui meminissent. Nos illam suspiriis repetimus normam & exemplar matrum omnium; nam hodie pleræque non pereuntibus filiis, sed ad Deum abeuntibus lacrimantur, eosque diligendo occidunt. *Ex operib. S. August.**

Primus gradus pietatis est iste, ut quos auctores tibi voluit esse Deus, honores obsequiis, abstineas contumeliis: sed nec vultu ladenda est pietas parentum; moritur cecitatis subire supplicium, qui parentum vultus toruo vultu despexerit. S. Hieronym.

CONVERSIO S. AUGUSTINI. 5. Maii.

HOC die Monica lacrimæ AUGUSTINVM orbi secundum pepererunt; nam hoc Manichæorum erroribus se demum expedivit. Ad id plurimum, ut dixeramus, momenti mater attulit, quæ

filium pessimum euntem ex Africâ in Italiam usque secuta lacrimis, pro ejus salute tantum non exoculavit sese. Monstravit certè parentibus, quàm parum sit filium mundo peperisse, nisi in spem cæli educetur. Jam duo illi ex Imperatoris aulâ, qui lectâ Magni Antonii vitâ, nuntium mundo remiserant, tantum apud AUGUSTINVM potuerunt, ut exclamaret: *Quid hoc? quid audisti? surgunt indocti & calum rapiunt: & nos cum doctrinis nostris volutamus in carne & sanguine?* Sub hæc luctanti cum animo suo in conspectum se castitas dedit, ingenti omnium ordinum ac ætatum coronâ cincta, digitoque nunc senes aut viros, nunc pueros aut puellas signans, & tu, agebat, *non poteris quod isti aut ista?* mox è cælo etiam vox istiusmodi allapsa: *tolle, lege.* Sustulit ille, legitque: *non in comessationibus & ebrietatibus, non in cubilibus & impudiciis, non in contentione & amulatione: sed induimini JESVM CHRISTVM.* Legit inquam hæc, & ex Manichæo Catholicus, ex Rhetore Ecclesiæ Doctor, ex mundi amatore summo summus contemptor evasit. At nos qui eadem & audimus & legimus, moras moris nectimus, dicitque è cælo nobis ipse Divus, quæ sibi olim dicebat: *An quia præcesserunt, pudet sequi? & non pudet nec saltem sequi?* Ex ipsius D. August. Confess.

Si aurum tibi offeram, non mihi dicis, Cras veniam; sed jam exigis; nemo differt, nemo excusat. Redemptio anime promittitur, & nemo festinat. S. Amb. in serm. de Jejun. & Eleemos.

S. ANGELUS CARMELITA. 5. Maii.

Rosam è spinis habe, ANGELVM, inquam, & parente utroque Ju dæo Jerosolymis natum. Sed

Sed quid dico? ipsæ hæ spinæ in rosas abierunt, cum Cæli REGINA Magistræ his in fide se præbuit, geminamque illis prolem Joannem Patriarcham, ANGELVMque nostrum Martyrem est varicinata. Ergo cum ad templum Christianorum se recepissent, ibique in sublimi hostiâ talem Christum, qualis olim à cruce pendebar, non dubiis jam oculis vidissent, Christo geniti Joannem primum, tum ANGELVM genuerunt. Hic altioris vitæ rudimenta in monte posuit Carmelo, qui & nomen illi dedit. Abhinc in seipsum primò, deinde in eremum descendit, ubi cum solum se crederet, adesse sibi vidit JESVM, multo maximo SS. agmine stipatum; & jubentem; victorias suas Alexandriam ferret, inde ad palmam in Siciliam contenderet. Huc priusquam Româ iret, DD. Franciscum & Dominicum felici pede offendit. Nam Franciscus repente plenus Numine fatidico ad pedes ANGELI accidit; osculoque his fixo, martyrem voce gratulabundâ salutavit. Sed & hunc vati suo vatem fuisse ajunt, & jam tum cæli nomine promississe Francisco illa vulnera honestissima, alterum haud dubiè nec minus nobile martyrium. Cæterum in Siciliam appulsus, cum Berengarium Comitem incestâ cum sorore consuetudine multis jam annis infamem clam primò, tum palàm castigasset, immisâ hæreticorum manu, in ipso templo, plura vulnera pro concione interque hæc lethale accepit. Atque ex hoc paulò post mortuus, ad cognomines abiit ANGELVS. Ex Bzov. 13. tom. Ann. Eccl. & Ferr.

Quid ultra debuit facere Christus & non fecit? Cujus vel saxum pectus tanta & talis, à tanto & tali collata multitudo beneficiorum non emolliat? quidquid igitur

igitur es, quidquid potes, debes creanti, redimenti, vocanti. S. Bern. super illud, Regnum Dei, &c.

S. JUTTA VIDUA. 5. Maii.

Qui JUTTAM legis, legentem lege. Nam & illa à teneris vitas legere Divorum gaudebat; sed &, quod pauci facimus, facere gaudebat, quæ legerat. Nubilem jam & fugam è mundo meditantem, nuptiæ illustres implicarunt, neque tamen manus virtuti ligarunt. Mundum omnem muliebrem, quem à parentibus & ipsis illustribus nobilissimum acceperat, ad vestienda ornandaque mendicabula omnē contulit, rectè non pulchrius nuicare gemmas & uniones rata, quàm in pauperis Christi centonibus. Jamque eò devenerat, ut decoctâ ingenti dote, necessaria ad vitam mendicare ipsa non sine risu improborum cogeretur. Sed laudavit Christus hanc prodigalitatem conspicuus, & iterum ditavit illis verbis: *Omnia mea tua sunt, & tua mea.* Enimverò tam opulentam se ubi circumspexit JUTTA, effusior etiam dehinc vixit. Neque tamen redigi ad incitas potuit liberalis dextera. Iterum Christus illi visus potestatem fecit ex divite cordis sui ærario quas luberet opes depromendi. Illa Sapientiæ sanctioris thesauros deprompsit, ut jam sine alio Doctore arcana fidei calleret, & in ipsa adyta sanctissimæ Triadis mulier se penetraret. Nimirum neque jam supremum ægram à Christo ad notas delicias invitata miror, neque dubito animum membris solutum rectà in cælos abiisse, cum versus hos in aërem abiisse interpreces, etiam cum corporis pondere legam. Ex Bzov. tom. 13. Ann. Eccl.

*Suscipiat fidelis anima Auctoris sui atque Rectoris
immar-*

immarcessibilem charitatem, totamque se ejus subjiciat voluntati, in cujus operibus atque judiciis nihil vacat à veritate Iustitiæ, nihil à miseratione Clementiæ. S. Leo serm. de Jejun.

S. JOANNES DAMASCENUS. 6. Maii.

ETIAM hic JOANNES, cui à patriâ DAMASCENO nomen fecit, inter VIRGINIS cultores in paucis est numerandus. Cùm enim Saracenorum Duci à consiliis esset, calamum interim in Leonem sacrarum imaginum hostem strinxit, pulchrum existimans, pro MATRIS capite manum suam obicere. Nam cùm literas commentus impius esset Imperator velut ab ipso JOANNE scriptas, quibus Damascum prodere cogitaret, easque Saraceno transmisisset, dextram hic scilicet derruncavit innocenti. Sed precanti & ante icona DEIPARÆ familiaris quærenti, quòd ad pugnandũ pro ipsius & Filii honore inermis jam esset, ecce tibi auxiliatricem manum VIRGO porrigens, dextram integerrimam restituit, relictâ solum in miraculi vestigium lineâ rubente, quam rectius armillam nos dicemus. Hinc JOANNES sapientiæ sanctioris rudimenta inter Anachoretas discere aggressus, magnos brevi progressus fecit. Fiscellas enim in patriâ jussus vendere, risui scilicet fuit, qui nuper omnium admirationi erat. Jam sordes omnes in cœnobio illâ, illâ non tam suâ quàm VIRGINIS manu jussus purgare, non dubitavit imperio obsequi. Quare manum tam nobili victoriâ splendidam calamo denuò ipsa cæli Imperatrix MARIA armavit, scripsitque illa quæ hodieque orbis omnis miratur. Sed nimirum quæ reddidit, etiam rexit dexteram. *Ex Io. Patri. Hier.*

Nostram

Nostram memoriam repositorium Deipara faciamus. Hoc verò quomodo erit? Ea fuit Virgo, & amatrix Virginum; Si ergo cum corpore mentem quoque castam habuerimus, inhabitantem ejus gratiam possidebimus. S. Jo. Damasc. serm. de Aff. B. M. V.

S. FLAVIA DOMITILLA V. & M.

7. Maii.

ADornabat in centesimum CHRISTI annum FLAVIA Aurelio desponsa nuptias, & ad nuptias sese imprimis: cum Nereus & Achilleus, qui a cubiculis illi erant, sollicitam moverunt, ut eam in comendo curam cælo impenderet, ita fore, uti sponsum CHRISTVM nancisceretur. Audiit illa tam salubria monentes, repudiatoque mortali sponso, immortalis nubentem Clemens Pont. Max. ex more Christiano, flammeo involvit. Consilium hoc optimum etiam ipsis auctoribus fuit. Nam duo egregii illi Paranymphe mox Martyres coronam primi nuptialem abstulerunt; at FLAVIA in exilium missa, dura atque aspera multa perpessa est. Post cum Theodoram atque Euphrosynam, quæ ad Aurelii amores iterum illam abstrahere nitentur, in suam etiam sententiam pertraxisset, & ipse Aurelius dum choreas duceret, subito fato corruens, mortuales fecisset, quas nuptiales putaverat; irâ ardens hujus germanus Luxurius, ædibus in quibus DOMITILLA cum geminis, quas memoravimus, virginibus agebat, ignem subjecit. Sed nempe tam sanctis nuptiis ille sic tædas præluxit; sponсарum verò postridie corpora, ut à Cupidinis, sic à tyranni etiam ignibus integra fuerunt, & à tam sanctis flammarum spoliis hodie Eluacum Germaniæ civitas splendet. *Ex Surio.*

Despiciens-

Despiciendus à nobis hic mundus fuerat, etiamsi rebus prosperis demulceret animum. At postquam tot flagellis premitur, tot nobis quotidie dolores ingeminat, quid nobis aliud, quàm, ne diligatur, clamat? S. Greg. l. 3. Dial.

S. AMATUS CONF. 8. Maii.

AMATO Saludecium patria fuit. Parentibus in tenerâ ætate amissis, multa tulit, fecitque puer & adolescens, etiam viris imitanda. Amor castitatis prima illi bella excitavit, feminâ classicum cantante, proprio sexûs sui genio. Ea fratri AMATI nupta, filiam, quam priore conjugio tulerat, cum AMATO sponsam obtruderet, repulsam ultimis odiis ulta est, quibus etiam fratres collisi sunt, exiguo tamen AMATI incommodo, deputantis in lucro, si virtutis causâ nomē suum amitteret, fieretque exosus: Numinis tamen benevolentiam omnibus officiis optavit, in pauperes tam prodigus, nihil ut sibi relinqueret, sed locatâ promiscuè operâ, famem sustentaret: in emaciato nihilominus corpore flagro ferreo non modò memoriam sed imaginem Christi patientis renovabat; hoc quoque illius assecutus, ut pro malefano habitus publica civium suorum fabula fieret. Sed despectum orbi cælum ad se rapuit, tam familiariter quidem, ut inter castas preces evolantem ad Superos animum etiam corpus sequeretur. Crescentem eo miraculo AMATI famam frater fœdo crimine sugillavit, stupri commercium ei cum Clarâ sorore Deo sacratâ affingere ausus. Sed ambulanti in jus sol absolvit abollam ejus intercepti, suisque radiis sustentans. Iisdem illustrata AMATI est sanctitas; sed ille proditorem suum

suum fugiens, inter sacrās peregrinationes consenuit, in hospitali denique pauperū domo, quam suis impensis erexerat, mortuus. Corpus nondum extabuit, suaque integritate fratris calumniam etiam in tumultu refutat. *Ex Phil. Ferrar.*

Qui orationi vacare desiderat, suasque postulationes offerre altissimo, sic se componat intus coram oculis Domini, ut non minus ipse, quam ejus acceptabilis fiat deprecatio. Non placet Deo orationis sacrificium, nisi placeat prius ipse, qui offert. B. Laurent. Justinian. Fascic. Amoris cap. 15.

S. GREGORIUS NAZIANZENSIS.

9. Maii.

GREGORIUS à patriâ NAZIANZENSIS, ab eruditione postea THEOLOGVS dictus, cū studiōrum causā Athenas peteret, gravi tempestate jactatus, proximè ultimum vitæ discrimen fuit. Quis credat? quod felicitatis venti secundi nūquā tulissent, advern tulerunt. Cū enim voluisset, si ex his undis emergeret, sanctioribus Baptismi aquis caput mersurum, & vitam inter Religiosos acturum, illico cælum arrisit, & damnatus voti GREGORIUS navim non tam ad terram, quā ad cælum appulit. Porro Athenis commoranti uno eodemq; tempore & castitas & sapientia visendam se dederunt, & amanti ambæ lubentes nupserunt, puto ut arguerent juventutem nostram, quæ sine animi puritate sapientiam ducere necquicquam allaborat. Exinde ut in studiis, & legibus monachorum condendis, ita etiam in bello contra Arianos Magno Basilio socius fuit; ausus in ipsum Julianum, in quo adolescente etiamnum Athenis tyrannum latere edixerat, palam & scribere,

scribere, & dicere, sævientis vulgi & saxa in se conjicientis clamores velut plausum accipiens. Sed & Pontifex jam Byzantinus sicario, ab hæreticis in necem suam subornato, facilis veniam dedit: pòst tamen gravibus iterum seditionum fluctibus agitato, missâ urbe ac insulâ, in villulâ patriâ malaciam, in morte denique anno CCC. LXXXIX. portum reperit. *Ex Greg. Presb. apud Sur.*

Cordis contritio optimum est ad percipiendam munditiæ medicamentum. Mox ut germinare inchoaverint fœda cogitationes, compunctionis gladio interimat ipsas, qui cordis sui Christum cupit habere possessorem. S. Laur. l. de cast. Connub. c. 13.

SS. GLYCERIA & LAODICIUS MM.

10. Maii.

GLYCERIA Macarii III. Consulis F. sexûs sui miraculum, utriusque exemplum, Antonini imperio Trajanopoli & Heracleæ triumphavit. Lampodophoria celebrantibus impiis, ipsa frontem cruce insignita in publicum prodit, negavitque aliâ lampade sibi opus esse, cùm crucis radios nec ipse quidem Jupiter marmoreis oculis laturus sit. Fecit dictis fidem comminuta exemplò statua, neque ad vindicandam injuriam satis potens, cùm frustillatim in GLYCERIAM jactaretur, trepidantibus fragmentis munitam cruce Heroidem contingere. Ferocior tamen Jove suo Sabinus præses fuit, & e comâ pendulam lancerari ungulis jussit, temperante cruciatus Angelo, & sua in carnifices tormenta regerente: qui deinde etiam in carcerem abreptæ compedes dempsit, mensam epulis instruxit, fornacis incendium extinxit, detractam capiti cutē restituit; quam cùm

LAODI-

LAODICIUS carceris custos iterū tribunali sistendam non agnosceret, ejusque fugam luere ferro pararet, revocatum à scelere GLYCERIA Christo asseruit, sponte deinde manus pedesque iis vinculis astringentem, quæ virgo tulerat. Et ille quidem securi addictus ad cælum per compendium abiit. GLYCERIA Diis hominibusque victis, etiam belluas triumphavit. Stetit inter leones agna, neque exhorruit contubernium. Ipsis adeò feris tradidit mores suos, & genuinam rabiem cicuravit; vix cum voce de cælo lapsâ excedere circo victrix juberetur, morsiunculam à leonâ impetravit, quæ animæ viam faceret. E corpore oleum fluxit, ne athletis pro innocentia pugnaturis ceroma deesset. *Ex Surio.*

Spiritus subjectam carnem discipline freno coercet, & ad supernam Hierusalem quotidie ferventis desiderii gradibus festinet. Promissa castitati premia incessanter aspiciat, quorum dulcedine provocatus, quidquid versutiâ callidi insidiatoris opponitur, libero fidei pede transcendat. S. Pet. Dam. ep. 7. c. 24.

S. GANGULPHUS C. II. Maii.

GANGVLPHO Dynastæ Burgundo corporis, animi, quæque fortunæ propriè imputamus, bonis felicissimo, nihilominus cum malorum omnium extremo malâ uxore conflictandum fuit. Ea præter cæteram morum perversitatem etiam fœdis amoribus indulgit, quos denique fons prodidit, & hoc & aliis prodigiis illustris. GANGVLPHO in Campaniâ prandenti simplicissima ad speciem quæstio excidit, quanti fontanam, cui affidebat, hospes æstimaret; sibi enim opidò allubescere. hospes delirium interpretatus, pretium tamen statuit.

statuit. GANGVLPHVS aquam , quanti indicata erat, emit, & se dat in viam ; fons , inaudito miraculo, cum sequitur , & Varennis, ubi domicilium habebat, novo ortu erumpit , seriò jam damnante mercimonium suum Campano. Ex hoc ergo fonte calculum levare GANGVLPHVS uxorem iussit, absoluturus eam , si id impunè fecisset. Accipit conditionem cum risu adultera ; sed brachium velut ex Vulcani ollâ fœdè ustulatum retulit ; nullo tamen, præter divortium, incommodo affecta, ad ingenium rediit, & denique adulterio paricidium conjunxit. Id ubi amator illius (prò pudor ! Clericus erat) perpetratum ad prostibulum retulit, infelicem animam cum alvo dejecit. GANGVLPHVM miracula Divis exæquarunt ; quæ cum adultera traduceret , infami per omnem vitam supplicio est exercita , quod prodere verecundiores, quàm illa fuit, literæ erubescunt. *Ex Suario.*

Mentiri & jurare lingua tua prorsus ignoret , tantusque in te sit veri amor, ut quidquid dixeris, juratum putes. De quo Salvator ad discipulos ait , Non jurate omnino : Sit autem sermo vester Est Est, Non Non ; quod autè his abundantius est , à malo est. S. Hieron. ep. 14.

S. PANCRA TIUS M. 12. Maii.

NON omnes serò sapere Phryges , PANCRA TIUS ipse quoque Phryx ostendet. Quatuordecim non amplius natus annos vitā quàm Christum maluit perdere , quæ quidem summa est sapientia. Principe familiâ, Cledonio patre ortus, eoque mortuo, Dionysio patruo in tutelam commendatus Romam cum eo commigravit ; quo tempore Diocletianus, Christiani sanguinis gurges,

ges, totius Imperii viribus ad exscindendam innocentiam abutebatur, commodum accidit, ut in eadem regione urbis Romanus Pontifex latitaret, in quâ PANCRAIVS domicilium collocarat, nimirum ut dignissimâ manu hoc lilium Numini consecraretur; cuius impulsu PANCRAIVS ultro cum patruo illis ab eo tingi aquis petiit, quibus omnes cæli flores rigantur. Voto potitus tam suavem pietatis halare odorem cœpit, ut venaticos Diocletiani canes, omnia Sanctorum vestigia odorantes, non potuerit latere. Raptus ad tribunal quantumvis sanguinarios Cæsaris oculos rapuit, qui tamen præter oris formam nihil intuebatur. Ergo blanditias primùm admovit, infantulum appellitans, & filii nomen offerens, si se patrem, & Jovem habere Deum voluisset. Utrumque contempsit, & Jovem quidem generosissimè, negans tam puerum esse se, ut adulterum, & sororis suæ maritum sibi putet adorandum. Diocletianus ne plura audiret æquè erubescenda, iussit hunc omnis elegantiae florem demeti, cuius sanguine utinam Mariani rigentur horti; ô quales nascentur Narcissi! *Ex Surio & Brev. Rom.*

Qui differt in futuram & forsitan non futuram ætatem suam vitam corrigere, certum bonum dimittit procul dubio; & contemnendo, quod perdit, probat se non amare, quod expectat, & meretur non accipere.
S. Anselm. ep. i.

S. EPIPHANIUS EP. 12. Maii.

Iuvat suavitatem divinæ circa teneram ætatem providentiæ in EPIPHANIO agnoscere. Is Phœnix gente, sectâ Judæus, patrem decennis amisit. Accedente ad orbitatem egestate, equum indo-

mitum

mitum à matre jussus vendere, vitium ejus clam non habuit; donatus ob candorē liberaliter etiam in Christianum incidit Cleobium nomine, cujus aspectu efferatus equus EPIPHANIVM excussit, felici casu; Cleobius enim, invocato Christi nomine, afflictum erexit, calcitronem occidit: ea prima scintilla pectori incidit JESV olim amore arfuro; sed nimirum eam facilè Tryphon suffocasset Hebræorum anæsignanus, qui EPIPHANIO adoptato, eundem sibi generum desponderat, ægrè ex his pedicis extricandum, nisi eas Tryphonis & filiæ mors incidisset. Commodum deinde equitanti Lucianus Monachus se obtulit, qui ad pauperis preces, veste se exspolians, extemplò togam puram è cælo accepit. Et causa EPIPHANIO fuit, ut se homini imbuendum permitteret, Numine tam propitio, ut Episcopus ad lustricum fontem properantis vultum radiare, coronamque imminere capiti cerneret. Lætis initiis vita omnis consentanea fuit. Famem, sitim, morbos, dæmones, mortem, cæteraque orbis mala nemo eo potentius coërcuit. Hæreses pestem his omnibus capitaliorem stilo confixit. Miretur viventis miracula juvenis, unum modò, quod jam exanimis edidit, imitetur. Improbum hominem, nudum corpus inspicere tentantem, calce à se repulit, verecundiæ etiam post mortem retinens, quæ hodie ferè omnium virtutum prima moritur. *Ex Metaphr.*

Aversum ab omni voluptate mundi oportet esse animum, nunquam desinente corpus titillare noxiis illecebris, quas experimento constat appropinquantis demonis esse anteambulones, quos tamen, si mens sobria Dei memoriam nunquam deposuerit, nullo negotio prosterneamus. Ex Testamento S. Epiphan.

S. ALEXANDER M. 13. Maii.

NOs, quâ te voce possumus, Christiane miles, excitamus; ALEXANDRVM enim ad certamen pro fide subeundum Angelus animavit, & adversus Maximiani tormenta invictum præstitit. Sed & Pæmenia mater, raro in feminâ exemplo, cælesti hortatori succinuit, ex Italiâ in Thraciam abducti, & iter omne suo sanguine nobilitantis filii comes. Præconio illius ad illustriora passim tribunalia Christum prædicantis, quidquid inter Italiam Asiamque interest, revixit, & relanguescentes Christianorum animos fortissimi juvenis sanguis ad pares ausus accendit. Diu pulchrius hominibus Angelisque spectaculum præbitum non fuerat, neque contineri vel hi vel illi potuere, quin identidem applauderent certanti. Omnia passum, quæ Tiberiano Præsidi furoris ingenium dictavit, caput à Cælestino carnifice abscissum est, sed ferrum stringere non antè auso, quàm Angeli beati Martyris satellites, ipsomet deprecante, paulò longius ab ejus latere secederent. Corpus in flumen projectum canes extraxere; bini ex iis matri obviam progressi nobilis thesauri indicium fecerunt. Functam ultimo pictatis officio de cælo filius est allocutus paratæ mercedis sponsor. Dolendum ALEXANDRI hujus verè magni virtutibus parem scriptorem non obtigisse, sed illud amplius, tam paucos habere imitatores. Ex *Metaphr.*

Cùm fallax hujus Mundi felicitas tot calamitatibus sit obnoxia, cùm potentia temporalis tot casibus varianda subjaceat, & rerum ordo sese velut scenica vertiginis alternitate confundat, quis sanæ mentis à rebus tam frivolis

13. Maii. VITÆ SANCTORVM, 243
frivolis tamque fugacibus animum non avertat. S.
Pet. Dam. lib. 7. ep. 5.

S. JOANNES SILENTIARIUS. 13. Maii.

DIceres idem jam esse Joannem & MARIÆ amatorem. Certè talis ille fuit JOANNES, qui à taciturnitate nomen habet. Etenim magnarum opum hæres earum hæredem esse MARIAM vivus voluit, nobilissimo in ejus honorem templo extracto; ipse vitam cum aliis DEO DEIQUE MATRI devotam egit, tantâ animi integritate, ut nudum, quoad vixit, nunquam se aspexerit, vel hâc unâ sanè verecundiâ VIRGINI charus. Ad infulam subinde omnium votis præterquam suis vocatus, Hierosolymam abiit: ibi cum stellam cruce insignem vidisset, audissetque vocem, quâ præeuntem sequi jubebatur, memor quàm bona dux Stella jam olim fuisset, extemplò in viam se dedit. Nec aberravit profectò, nam rectà in cœnobium amplissimum venit, in eoque VII. annos; in spelæo deinde IX. alios silentio traduxit. Hinc egressus & viarum anfractibus implicitus, à Cælitibus eò iterum reportatus, & contra incursiones Saracenorum à leone est defensus. Tandē ad cœnobium reversus, & post multos annos ab Angelo proditus, Caryotam in petram abjecit. Et ecce continuo hæc simul radices simul germen agere, tum frondes totâ ædiculâ explicare, & post tertium denique diem fructum ferre. Abiit deinde JOANNES ex humanis anno M. LVIII. ætatis C. IX. vir qui vel tacendo meruit, ut omnis de illo ætas loquatur. *Ex Metaphr.*

Loquere sanè, si quid silentio melius & excellentius habes; at ubi silere præstat, quàm loqui, silentio acquiesce.

244 VITÆ SANCTORVM. 14. Maii.
quiesce. Nosti enim laudatum illud, ordinem labiis con-
stituere, atque alia dicere, alia audire. S. Greg. Naz.
S. Moder. in disp. servan.

S. PACHOMIUS ABB. 14. Maii.

Dabit Christianus adolescens victas Stygi ma-
nus? cū PACHOMIVS nondum Christianus
dæmonibus fuerit formidini, ut præsentē eo vo-
cem mittere non sint ausi, obstupefacti indole ad
nutum Numinis apertâ: cujus notitiam simul at-
que hausit, continuò carni bellum indixit, quam
ut generosius sperneret, cælesti ambrosiâ, quâ
Christo nomen dedit nocte, est pastus. Monasti-
ces Tyrocinio posito, jussus est divinitus cœtus
cogere ex formulâ, quam exaratam ab Angelo
accepit, erudiendos. Quos inter celeberrima
Theodori est memoria, qui clarâ stirpe genitus,
totâ in epulas effusâ domo, hâc cogitatione ictus
est, mundi fabularum quàm tristis sit catastrophe,
& cū personatis gaudiis larva detrahitur, quàm
non juverit ad tempus insanisse. Secutæ sunt la-
crimæ, quas mater conata abstergere, ne fugæ
quidem consilium filio eripere potuit. Quin adeò
cū diu perquisitum delitescere apud PACHO-
MIVM inaudisset, armata Episcoporum Epistolis
irrupit in dicata sancto illius otio nemora, & ad
suas admitti delicias propè cū convitio postula-
vit. PACHOMIVS, Theodoro copiâ facit salutandę
matri, quâ se ille usurum negavit, nî spondidisset
PACHOMIVS, eum sibi congressum olim fraudi
non fore, quam in rem cautus senex fidē dare non
sustinuit. Priusquam quieti se daret, fessa diurno
labore membra sigillatim solabatur; quantillum
enim superesse jamjam in beatitatis rosa collocan-
dis?

dis ? Quid ad hæc suaviludii nostri, qui nunquam in Dei causâ se meminere fatigatos ? Ex *Metaphr.*

Si aeterna bona sub aspectum caderent, itemq; supplicia veritatis agnita desertoribus parata, nullius alterius rei desiderium teneret jam terrâ sublimiores, & præteriti temporis acta recolentes cum lacrimis, donec Dei gratia caelesti nos sponso jungeret. Ex dictis S. Pachomii.

S. BONIFACIUS EP. 14. Maii.

PULchrè BONIFACIUS omnes nominis sui numeros implevit, puer jam multorum pater, nunc sine prætextâ, nunc etiam sine interulâ ad matris sinum redux, & verò jactabundus etiam, quòd tam exiguis panniculis totum CHRISTVM potuisset tegere. Furtum tamen jam tum vel maxime damnavit, eoque vulpes, quæ subducere matri gallinas amabat, ad precantis pedes redire coacta, & rapta reddidit, & facinus morte spontè luit. Jam domi sive messem sive vindemiam habere illi cum libuit, licuit. Inde cum ditiores annonam flagellarent, matris omne frumentum in pauperes sparsit. Sed sementem hoc erat facere. Nam cum mater irasceretur tam prodigo, ad ejus preces subita seges totum horreum complevit. Sub hæc cum spem vindemiæ ditioris grando dejecisset, Antistes jam Ferentinus pauxillum vini, quod legerat, in omnes testas, ac dolia divisit, precando deinde tantum non exundare fecit. Certè vasculum mero plenum Gothi duo ex itinere accepisse se putaverant cœnæ fortè unius illecebram. Sed nimirum cellam illi promptuariam circumferebant, non minus etiam, cum viam relegissent, divitem. Fuit cum bene egenis facturus ipse egeret, & duodecim aureos, nepotis peculium, prodigeret. Verum

cum ei nepos vehementius succenseret, ab imagine DEIPARÆ, totidem alios tulit. Recepit itaque suum nepos, plus utique accepturus, si fœnori moram dedisset. *Ex Dial. S. Greg.*

Magna res homo, & pretiosa vir misericors. Hæc major gratia, quàm mortuos resuscitare: multò namque majus est esurientem pascere Christum, quàm in nomine JESV mortuos suscitare; nam illic tu de Christo bene mereris; hic autē ipse de te. S. Chryſ. hom. 36. ad Pop.

S. PONTIUS M. 14. Maii.

PONTIVM vides, cujus operâ factum est, ne millesimus Romanæ urbis annus dæmonibus consecraretur; quod futurum iidem, PONTIO adhuc matris ventre abdito, permissu Numinis, agnoverunt. Julia, id mulieri nomen fuit, Marci senatoris Rom. uxor, eo gravida, delubrū subierat, cum repentē Flamen furiis incitatus, conceptā mitrā, hostem Deorum adesse exclamavit, uterum detestans in perniciem Jovis fœcundum. Julia vaticinatione perculsa, fœtum necquidquam depellere abortu institit, nato etiam vim allatura, nisi pater vetuisset, utiq; enim Diis ad unum puerum perdendum satis fore virium. Contigit deinde, PONTIVM, audito Christianorum carmine, quo Deorum vanitas irridebatur, Religionis amore capi; haustam etiam patri instillavit, purgataque à Deorum larvis domo, primum id formidatae à dæmonibus indolis specimen dedit. Patris mortui dignitate aditā, Philippis Imp. familiari usu conjunctus est, qui cum in millesimum urbis annum sacrificium Diis pararent, ab eā mente PONTII oratione deducti, Christo nomina dederunt, ejusque Numini Romanum Imp. dedicarunt. Valeria-

no

no & Gallieno imperantibus, accusatus impietatis PONTIVS, & equuleo impositus, machinam precibus rupit. Urſos in ſe incitatos cicuravit, rogum extinxit, gladio denique cervices ſubjecit, uſitatâ Sanctorum modeſtiâ, quorum plerique capite imminuti ſunt, ſuperbis puto inſtituendis hâc poriſſimùm parte indomitis. *Ex Surio.*

Cùm homines quotidie immaturo præventi rapiantur interitu, quid reſtat, niſi ut hoc brevi puncto, quo vivimus, lapſura quæque velut jam lapſa deſpicere, & ad ea, quæ permanent, pleno fervida mentis ſtudeamus deſiderio feſtinare? S. Petr. Dam. op. 12. cap. 13.

SS. VICTOR & CORONA MM.

14. Maii.

Auſpicatiſſima nomina ſuoſque triumphos loquentia, VICTOREM & CORONAM damus. Qui tamen fortitò hæc accipis, laborioſæ felicitatis omen accipere te memento; nam cum Victore quis Hercules ſe componat? Age numeremus Magni Herois labores. I. Digitos articulatim elidendos ſine gemitu præbuit. II. In Fornace accenſâ triduum deſedit. III. Carnes veneno adipatas concoxit. IV. Nervos diſtendi, ſolvi que compagem corporis ridens tulit. V. Oleum fervefactum eodẽ quo gelidam vultu hauſit. VI. Spenſus facibus ardentibus uſtulatus eſt. VII. Venenum aceto temperatũ pro melle bibit. VIII. Conſigendam utriusque oculi pupillam obtulit. IX. Pedibus attractus prono capite triduum pependit. X. cùm degluberetur, tyranno tamen inſultavit. Hæc invictâ patientiâ perpeſſo quid mirum eſt biſſenos Angelos cælo coronam attuliſſe, & minorem inſuper alteram pro CORONA militari femina,

mina, quæ sic excarnificatum felicem tamen beatumque ausa dicere digna Deo visa est, quæ non agones tantum illius, sed præmia etiam aspiceret. Annum conjugii alterum, vitæ decimum sextum agebat, quo propius miraculo fuit non trepidasse, cum bina palmarum cacumina, ad terram ingenti depressa nisu cerneret, quæ à se invicem iterum discessura mediam distraherent. Alligari tamen se sustinuit, & lacerato corpore, integrum animum cælo intulit. VICTOR gladio cæsus eam secutus est: sic olim ad astra itum. Nunc coronæ vilius veneunt. Nullę nos palmę distrahunt; animum à mūdo avelle, Coronam spondeo, & Victorem appellabo. *Ex Sur.*

Mundo se extraneum homo reddat, ut Deo propensioris gratiæ largitate familiaris adhæreat. Mundo mortuus vivat, à terrenis vexationibus se subtrahat, ac velut in sepulchro jam positus in solo Creatoris sui desiderio suaviter requiescat. S. Pet. Dam. op. 12. c. 32.

SS. PETR. PAUL. ANDREAS, DIONYSIA,
MM. 15. Maii.

ITerum triumphantem adolescentiam damus, ne quis magnam virtutem annis metiatur. Imperante Decio, Lampſaci, in ipsâ turpitudinis patriâ, PETRVS adolescens adorare Venerem iussus; ego illam, inquit, cujus vita perpetuum probrum fuit? quæ ex lupâ facta Dea est, neque aliâ gratiâ templis à vobis recepta est, quàm quòd omnium mortalium inverecundissimè peccârit? Hujus dicti libertatem PETRVS in rotâ iussus luere, omnibus confractis ossibus, nec vultum nec animum mutavit; donec gladio ejus patientia finita est. Troadem deinde properanti Proconsuli Nicomachus, audacior quàm fortior, suam in Christum fidem

fidem jactavit, sed sublimis abreptus tormēta non tulit, turpisq; transfuga, ejurato Christo, vix horulam supervixit, quā in rabiem actus commansam dentibus linguam cum infelici animā evomuit. Ejus casum miserata DIONYSIA, sedecim annos nata, illico ad quæstionē, deinde ad lupanar abripitur: sed eam ANDREAS & PAVLVS adolescentes Christiani, & utroq; fortior cælestis genius multā circumfusus luce, à vi tutari sunt; illis postridie lapidum jactu obrutis, invidit DIONYSIA tam suavem sub hāc grandine mortem, inque mediam se procellam inferens, suosque amplexa servatores, popularis insanix reliquias exhaustit. Vixit tamen etiam cum detonuisset, & ultimum gladio spiritum impendit. Sed nimirum saxa & sanguinem loquimur: Beatuli nostri ire ad cælum viā lacteā, & calcare rosas volunt. *Ex Surio.*

Noli vitæ hujus felicitatem pravis hominibus invidere, sed condole: Imò quia ipsi non dolent, potiùs ingemisce: Qui nimirum velut bruta animalia ad macellum edendo properant, & ad gladium lasciviendo festinant. S. Pet. Dam. lib. 8. ep. 6.

S. D Y M P N A V. M. 15. Maii.

Nisi frontem unā cum oculis amisit improbus amor, erubescet ad infamiam facinoris, quod ipso auctore, sub annum sexcentesium gestum est. Regebat eo tempore Hibernos rex barbarus, nullā re nisi amore odioque filix nobilis. Viduatæ conjugæ filiam in thorum pellexit, eā quidem formā, cui comparari eo ævo nulla poterat, sed iis moribus, ut non modò incestos amores abominaretur; sed præter Deum nubere omnino nemini in animum induceret. Vim tamen verita ab infano

L 5

amato-

amatore, cum Gereberno sacerdote fugam ultra mare capeffit, & in agro Antverpiensi sanctioribus se curis addidit. Pater eòdem paulò pòst appulsus, cùm illa ipsa imagine signatũ argentũ exponeret, quã obsonator filiæ hospiti satisfecerat, ejusdem indicio filia prodita est. Fœda omnia sunt, quæ deinde proculus dixit, vel carnifex fecit; malumus tamen spectare sanguinem, quàm audire verba improba & lenonia; quibus cùm nihil moveretur, Gerebernus primum tutor pudicitiae illius, ferro obtruncatus est; Virgo deinde parentis ense cecidit nobilissima castitatis victima. Funus cælum curavit, neque puduit Angelos vespillonum officium occupare, allatis è candido marmore urnis. Virginis honori hoc amplius datum, ut nomen ejus gemmæ Angelus inscriberet; eo argumento agnovit posteritas DYMNAM vocatam fuisse. Itē nunc Alexandri, & manus quibus pingi fingique velitis quærite: Castitas cælatores Angelos habet, & tamen, heu, quàm pauci cupiunt hoc calculo notari! *Ex Surio.*

Eant nunc luxuria dediti, & ad propriæ carnis arbitrium vivant, ut animã postmodum & carne simul intereant: nunc medullas mundanae dulcedinis sorbeant, ut repleti tunc perpetui cruciatus absin hio totis visceribus amarescant. S. Pet. Dam. lib. 7. ep. 19.

S. A B A L D U S E P. 16. Maii.

V BALDVS infulam unam alteramve fugã declinavit, tertiam eamque Eugubii in patriã non potuit effugere, Summi Pont. auctoritate captus. Geminis cæcis cùm oculos restituisset, tertium idem roganti, docuit libenter oculis carere, qui animum excæcaturi essent. Hostes innumeros patriam

patriam obsidentes omnes egit in fugam, cum unicum ipse signū crucis explicasset. Pacis ingeniosissimus artifex, contra injurias cautes inexpugnabilis fuit. Sed utriusque documentum cape. Scissa in factiones geminas urbs, pugnabat in viscera sua. Adest UBALDVS medius inter saxorum & telorum ictus, cadit deinde. Hic verò omnes arma abjicere, damnare discordiam, quæ parricidas cives fecisset. Tum deniq; à piè simulatâ morte surgere UBALDVS, & partam unius eaquæ ludicrâ morte pacem civibus gratulari. Ultimæ sortis homo, & unico suo cæmento memorandus, Pontificem in calcis scrobẽ dejecerat, non tam cæno quàm ignominia aspersum. Illicet amici civesque scelus urbe exigere, & ipsas improbi domini ædes velle demoliri. At ajebat UBALDVS, graviori supplicio vindictæ litandum. Sese vindicem sui exemplum editurū, quod urbs, quod orbis miraretur. Interea pro tribunali sedet: adest reus, vel se judice nullâ non morte dignus. Ergo sententiā profert UBALDVS, & inaudito supplicio reum damnat AD OSCYLVM. Non multo sanguine, ais, se vindicavit, sed certè, ut non nemo inquit, rubore multo. Ex Brev. Rom. Pet. de Nat. & Surio.

Obediamus Christo, & furentium fratrum morsus, verbera, onera, pietatis Virtute portemus: ut & fratres nostros liberemus à pœna, & patientiæ premium consequamur: nec dedignetur servus hoc accipere à conservis, quod Dominus à servis & pro servis dignanter accepit. S. Pet. Chrysol. serm. 28.

S. TORPES MART. 17. Maii.

Raram avem vides, & albo simillimam corvo, Raulicū, inquam, pium ex aulâ Neronis impii.

TOR-

TORPES est D. Paulo familiaris, & in fide, quem-
admodum fertur, Angeli discipulus. Hic tyranni
æmulam cælo machinam, & quâ ille mortalibus
velut alter in terris Jupiter illudebat, solis precibus
destruxit, flumineque cælos vanissimos & orco
merfit. Ilicet Nero Jupiter hoc damno multatus
graviter detonuit, omnibusque pœnis in TORPE-
TEM fulminavit, sed ex pelvi. Nam alapam primò
Sabellici judicis generosè devoravit. Columnæ
deinde alligatus, tortusque crudeliter, Samson
ipsissimus fuit. Quid! quòd corruens columna exi-
tium attulit Sabellico, salvo & incolumi nostro
Samfone? Ergo Silvius Sabellici filius, heresque
idem crudelitatis, rotæ radiis lacerandū illigavit,
bestiis objecit, semper illæsum, quæ res Evellio
consiliario Imperatoris persuasit, ut sibi consule-
ret, fidemque Christi amplecteretur tot miraculis
probatam. Ambo itaque cæsi securi sunt. Porro
TORPETIS corpus fatiscenti naviculæ impositum,
additusque gallus & canis, ut illud vel his, vel cum
his piscibus foret esca. Sed Angelo remige in Hi-
spaniam appulsum excepit Celerina honestissima
matrona, non aliter quàm opes ex divite Indiâ ap-
pulsas, tumuloque augustissimo donavit. Addidit
deinde pietas Christiana templum. Nam cælum
nuper jam Superi dederant, ex quo ille hodie
etiam ridet minicum Neronis cælum. *Ex Bar.
Pet. de Nat. & tom. 6. ant. lect. Can.*

*Quatuor sunt, quorum in hac vitâ obsequiis deser-
vimus: Caro, Mundus, Diabolus, Deus. Caro largitur
servitoribus suis momentaneam voluptatem: Mundus
transitoriam sublimitatem; Diabolus perpetuam capti-
vitatem; Deus interminabilem felicitatem. S. Bern.
serm. 3. Epiph.*

S. ERI-

S. ERICUS M. 18. Maii.

Sveciæ Rex ERICVS Divorum Regum imagines ante oculos suos velut speculum posuit, ipse Regum oculis hodie proponendus. Patriæ & pauperum præcipuè pater, libidinis æstus glaciali aquâ suffocavit. Multæ pecuniariæ tertiam partem, quamvis ultro oblatam, noluit tamen ærario inferri, ne, quod amat fieri, sibi potius consulere, quàm justitiæ videretur. Bella gerebat non tam ut suum, quàm ut Christi regnum amplificaret. Itaque cum Finlandiæ fidem victor intulisset, cæsis hostibus lacrimis fertur parentasse, quòd victis aliter via ad salutem non potuisset sterni, quàm per sociorum stragem. Sed vide obfirmatum ad divina animum. Sacrificanti aderat die Christo triumphanti sacro. Interea cum omnibus copiis imminet Henricus Suenonis filius Daniæ Regis. Arma conclamant alii, & sive pugnæ Ducem, sive fugæ Regem exposcunt. At hic, *sinite, inquit, me litare. reliquum obsequii alibi DEO persolvemus, Pœana in calis cantaturi.* Itaque sacris ad finem pertinax immoratur. Tum demum cruce frontem armatus, aciem subit & pugnam, Numineque ita volente, cadit etiam. Cæterum quo loco sanguinem fudit, fons continuò exortus aquas fudit passim ægris salutare. Illud penè excidit: Cilicinum ejus thoracem asservari regii sanguinis purpurâ etiam hodie rubentem, loricam, qualem hodie in Principum armamentariis rarò videas. *Ex Vita Aquiloniâ Ioannis Vastovii.*

Paratus est Deus & cadentem suscipere & eripere fugientem; ut videri possit relictis omnibus aliis ei soli operam dare: propterea expedit omni anima Deum

*semper attendere tamquā proprium nō modò adiutorem
sed etiam inspectorem.* S. Bern. ser. 5. super Qui Hab.

S. IVO CONF. 19. Maii.

Hic ille inter Jurisconsultos Phœnix, Ivo est, pauperum Advocatus. His ille linguam suam non vendere, sed eorum causam beneficiis sibi emere. Hinc quotidie hospitio eos suscipere, pedibus aquam affundere, mensæ suæ convivas adhibere; de victu ac vestitu, quò illis adderet, sibi demere, & ne deessent, qui patrem vocarent, binos conjuges unà cum IV. liberis domi suæ in IX. annum alere: ut planè penum IVONIS pauperum posses sinum appellare. Ipse interim tam in se durus, quàm in alios benignus, corpus cilicio affligere, somnum humi capere, inter preces septem ipsos dies sine cibo persistere, jejunia legibus Christianis impetrata pane & aquâ transigere. Talis igitur Advocatus quid mirum si orationi suæ semper Cælites habuit faventes? Hi certè panem, qui unus suppetebat, in pauperes dispensanti, tres alios submisere: hi excrefcere sæpè stipem exiguam fecerunt, ut bene multis sufficeret. Ipse CHRISTVS, mendicum præseferens, mensæ illius (Superi, qualis hospes!) assidere, & abiturus bene precari voluit. Inde ille jam medicus etiam omnes passim morbos pellerè, flammæ precibus extinguere, crucis signo per aquas sibi viam facere, demum fati sui non ignarus, stramentis incubare, & morienti, quem manu tenebat, CHRISTO immori, ut ante hominum semper, ita etiam tunc ante DEI tribunal victor. Tam bona, ô Jurisconsulti, pauperum est causâ! *Ex Surio.*

Non memini me legisse malâ morte mortuum, qui libenter

19. Maii. VITÆ SANCTORVM. 255
benter opera charitatis exercuit: Habet enim multos intercessores, & impossibile est multorum preces non exaudiri. S. Hier. Ep. ad Nepot.

S. DUNSTANUS EP. 19. Maii.

INter Angelos, quos Anglia genuit, etiam DUNSTANVM numera, cui serum fuit, miracula in cunis inchoare; nosci prius, quàm nasci voluit. Mater eo gravida Purificatæ Virginis die Numini supplicabat: cùm repentinè extinctis occultâ vi templi facibus, tota urbs cohorruit. Paulò post diviniior ignis, rectà ad DUNSTANI parentem delapsus, ejus cereum accendit, unde reliqui lumen mutuati matrem novi sideris consalutarunt. Confirmavit postea omen Angelus, qui delatum in templum puellum ad omnes Aras circumduxit, futurum pollicitus, uti ejus operâ Religio refloresceret. Eas spes paulò post morbus labefactavit. Adstabant amici animam agentem, cùm ille repentinè lectulo exiliens, ad templum intempestâ nocte properavit. Eam pietatem cùm Stygii canes attraherent, puer audaciam Cerberorum virgulâ compescuit. Templo exclusus Angeli ad aram subvenerunt, ubi postridie sopitum familiares reperere. Hæc præludia fuere crescentium cum ætate virtutum, quarum reliquas usu, castitatem etiam voto firmavit, quæ illum Regina virginum ita conciliavit, ut eidem jam Episcopo cum choro virginum obviam processerit. Jam ipse Dei Filius DUNSTANI acta probavit. Nam cùm ejus de Monachis in Canonicorum locum sufficiendis sanctioni intercederetur, Crucifixi imago palàm hanc vocem misit: Non fiet: Judicatis bene, mutaretis non bene. Ad cælum vocatus negavit, se, nisi populum allo-

allocutus esset, iturum. Idcirco rapi eum necesse fuit; tertium certè cum lectulo in altum subvolavit. Tanta est boni viri in cælo expectatio. Ex Sur.

Et nobis pro modulo nostro pennæ sunt insitæ, virtutes scilicet spirituales, quibus si viriliter utimur, ad cælestia sublevamur; sin autem ex desidia torpore deponimus, necesse est, ut in surripientium vitiorum profundâ mergamur. S. Pet. Dam. lib. 2. Ep. 18.

S. PETRUS CÆLESTINUS 19. Maii.

VNicum modestiæ miraculum PETRVM CÆLESTINVM vides, qui exemplo antehac in viso, postea nunquam repetito, summo se Pontificatu sponte abdicavit, immortalī memoriâ dignus, etsi eo facinore solo inclaruisset: sed idem tenor totius vitæ fuit, cujus quia partem longè maximam in locis solis exegit, non revocabimus ad illam normam mores delicatæ juventutis, contenti si se cum puero patiantur componi. Simul ac fari potuit, illud aureum matri promissum inculcabat, *Volo esse bonus servus Dei*; quod ipsum mater jam tum spe præceperat, cùm in recens nato multa Religiosi insignia deprehendisset. Ergo quantumvis arctis domi rebus, in ludum eum literarium misit, patre nuper mortuo consilium de cælo probante, ut totius terrarum orbis bono susceptum. Incidere tamen remoræ permultæ, quibus omnibus perruptis, mater in filioli oraculo acquievit, tum quidem constantissimè, cùm pædagogum discenti se Christus offerret, visus nonnunquam de cruce ad eum descendere; ut mirandum non sit, Angelos eam operam non dedignatos; & hi quidem etiam morum ab eo rationem exigebant, nunquam impunè delinquere eum passi. Jam vir-

go Deipara curam valetudinis ejus egit, & altero oculo lippientem recreavit. In hoc contubernio educatus, homines penitus deseruit, uno ejusdem propositi socio comitatus, cui tamen constantia defuit; Petri studiis Angeli applauserunt, quos hodie rariùs audimus, quia aures nostræ Sirenum sibilis occupatæ Angelis non patent. *Ex Surio.*

Christum tanquam signaculum in corde nostro debemus imprimere, ut nulla hoc valeat hostilis irruptio violare: Christum etiam operibus nostris debemus insculpere, ut per omne, quod agimus, Crucifixi nos Præceptoris discipulos demonstremus. S. Pet. Dam. serm. 67.

S. BERNARDINUS SENENSIS.

20. Maii.

BERNARDINO puero aras extruere, quæ ad populum dici pro concione audierat, ad pueros dicere, ludus erant. Qualem nunc serium putas fuisse? Verecundiâ tantâ fuit, ut cùm inimicæ castis auribus voces baccharentur, ad quamcunque coronam accederet, illud statim audiretur: *missa isthac nunc facite; siquidem BERNARDINVS adest.* Tantum apud viros potest puer verecundus! Certè puer ejusmodi verba prætextata in viro alapâ castigavit, docuitque frontem effrontem vel invitam erubescere: in alium ejusdem culpæ reum totum puerorum globum coëgit, qui lapidibus scelus urbe proscriberent. Feminas verò ex animo omnes, præter MARIAM, deleverat. Hanc unam ille unicè amare, ad hujus effigiem pro portâ urbis vigilantem quotidie in genua accidere; irridente necquicquam proterviore pueritiâ, cùm VIRGO arrideret. Jam ubi inter discipulos magni Francisci annumeratus est, ea fuit dicentis pro virtuti-

tutibus contra vitia libertas, is ardor, ut ad eum aleas flammis ustulandas omnis urbs comportaret: adeò ut illi, qui his conficiendis vitam sustentat, ultima paupertas immineret, nisi eidem auctor BERNARDINVS fuisset nomen JESV deinceps tabellis insculpendi, quo factum brevi est, ut diceret etiam. Ipse Divus cum de nomine JESV sæpè sæpius diceret, supra caput suum id ipsum quandoque conspicuum habuit sole splendidius. Superi! quis unquam clarior extitit concionator? *Ex Surio.*

Quid amabilius verecundo adolescente? quam pulchra hac gemma morum in vita & vultu illius? quam vera & minimè dubia bonæ nuncia spei, bonæ indolis index? Quid ita turpiloquii & omnis turpitudinis fugitans? soror continentia est. S. Bern. serm. 86. in Cant.

S. AUSTREGISILUS C. 20. Maii.

PURPURATUM è Regiâ Francicâ Magistrum dabitur stantibus in bivio, & de divinitatis erga se consilio incertis. AUSTREGISILVS is est, qui à parentibus ad curam posteritatis impulsus, post longam frustrationem, trium Dynastarum nomina totidem membranis inscripta aræ imposuit, ad quam trinoctio pervigilaturum se sponpondit, eum deinde sœcerum optaturus, cujus sibi nomen sortitò obtigisset. Verùm alterâ ei nocte somnus obrepfit, sed qualis esse solet divina patientium: videre enim sibi visus est Cælites duos de suo cum Justi judicis filiâ conjugio colloquentes. Eum judicem dum vigil postea inquit, vocari ad sacerdotium se, curamque Ecclesiæ intelligit, quæ scilicet ipsissima Justi judicis filia est. Neque displicebat conditio à re uxoriâ abhorrenti: injecta tamen,

men, mali dæmonis invidiâ, aliquantilla prope-
ranti mora est. Betellinus quidam repetundarum
postulatus, AVSTREGISILI nomen apud Guntra-
mum Regem detulit, calumnia tam speciosa, ut
duello purganda fuerit. Ad id diversis se luctato-
res studiis præparabant. AVSTREGISILVS placare
precibus Numen, argentum omne in pauperes ef-
fundere, suis se virtutibus magis, quàm armis in-
volvere. Calumniator generosissimo confusus
equo, dum divinâ vi obtorpescentem fodit calca-
ribus, ab eodem efferato effusus animam exhala-
vit. Nemo dubitavit AVSTREGISILO eum pœnas
dedisse; qui eâ curâ liber, sponsæ suæ (Bituricensis
Ecclesia fuit) ex voto Episcopus obtigit. Pro dote
cælum accepit an. DC. XI. nobis quoque aper-
tum, si exemplo ejus non tam diu, quàm cum Deo
deliberaverimus, quod statuendum est semel.
Ex Surio.

*Si voci Dei tui præparas aurem internam, fuge cu-
ram externam, ut expedito & vacante interno sensu
dicas cum Samuele, Loquere Domine, quia audit
servus tuus. Vox hæc non sonat in foro, nec auditur in
publico; secretum consilium secretum querit auditum.*
S. Bern. Ep. 107.

S. HOSPITIUS C. 21. Maii.

HOSPITIUM qui vidisset, omnibus cooperti
sceleribus crederet; qui nōisset, simulachrum
esse virtutis pronuntiaret. Tanti est, bonum virum
ex cultu corporis, an animi æstimes. Apud Nicen-
sem Gallorum urbem altâ abditus turri, onustus
ferro omniq̃ue reorum squalore deformis, raro
cum hominibus commercio, cum superis æterno
agebat, quibus monentibus, iratum Gallis Nu-
men,

men, & Langobardorum irruptione scelera vindicanda esse intellexit. Aliis autor fugæ factus, ipse ergastulo non excessit, & barbaris per urbem grassantibus in conspectum se dedit: Ii pro malefico habitum ad cædem deposcunt; jamque ferrum supra caput erat, cum repente percussoris brachium obriguit, quod HOSPITIVS, signo crucis contrà edito correxit. Secuta inde viri æstimatio, hausta ab eo præcepta salutis, quæ qui in aures duntaxat admisere, diro omnes lethi genere perierunt. Ultimo ante mortem triduo demi sibi vincula passus est: quem cum toto corpore à vermibus depastum non nemo miseraretur, negavit illos sibi convivas graves fuisse: eorum morsiunculis excitatum se ad amandum Deum, non debuisse suis monitoribus cibum invidere. Simul tamen atque beatum cælo spiritum reddidit, totum examen disparuit, mirâ erga mortuum reverentiâ, ut appareret, in vivum ex ejusdem imperio peccasse. Sed condonemus hoc morti jus, & tantâ nutritum curâ corpus cedat in vermium potestatem. Illum vermem time, qui in animo nidulatur, & inter æternas flammæ, omni Salamandrâ vivacior, nunquam moritur. *Ex Greg. Turon.*

*Perpende, quia caro, quæ nunc accuratis dapibus nutritur, paulò post vermibus scatere compellitur, ipsa quæ tunc sit esca rodentium, quæ nunc saginatur jucunditate ciborum, ac tantò graviores exhalat putrefacta foetorem, quantò suaviorem sibi procuravit educata molli-
ciem. S. Pet. Dam. l. 7. ep. 19.*

S. BASILISCUS M. 22. Maii.

L Atuit subinde etiam sub militari sago magna virtus, & castra theatrum præbuere Christianæ

næ sanctitati. Nunc BASILISCVM inde produci-
mus plurium palmarum militem, quem afflictum
mœrore ferunt, quòd acceptis pro Maximiano
impio Cæsare vulneribus, guttam sanguinis pro
Christo nullam fudisset; cùm tamen Theodorum
martyrem proximâ necessitudine contingeret,
cujus pro fide prælia convitium suæ ignaviæ fa-
cerent, utique, si virtuti suæ Christus confideret,
ejus experimentum pridem capturum fuisse. Rarò
ita cum Superis expostulatum est; neque susti-
nuit cæli Imperator tam pia militis sui desideria
perire; ultro eum allocutione dignatus, memo-
rem esse voti sui iussit, & dignos tantâ spon-
sione animos afferre in imminentem pugnam; cujus ei
copiam Agrippa impius Prætor fecit, qui ferro so-
leatum, clavis plantam penetrantibus, cursu ni-
hilominus æquare citatam quadrigam coëgit.
Subinde à Trajanâ hospitio acceptus aridæ arbo-
ri, sub quâ recubuerat, vitam reddidit frondesque;
credo ne capiti coronæ deessent: fons etiam ad
pedes martyris scaturiit, hanc vicem reddente ter-
râ, cùm sanguinem ejus bibisset: eo prodigio non
fuit tantum comitum ejus, sed perfidia etiam ex-
tincta est. Paulò pòst etiam alteri elemento im-
peravit, devocatoque de cælo igne, Deorum de-
lubrum exussit: ipse capite imminutus, & in pro-
ximum flumen sparsus, maximo & ultimo mira-
culo nihilominus ad beatitatis littus enatavit. *Ex
Menæis.*

*Quid faciemus sub aterni judicis majestate? qua no-
bis subventura est pœnitentia, quam in hac carne con-
tēpsimus? qua nos defensura sunt opera bona, qua in vitâ
non egimus? ad quos sanctos confugiemus, quorum exem-
pla simul & verba despeximus? S.P.Dam.lib.i.Ep.6.
S.BO-*

S. BOBO CONF. 23. Maii.

Quo tempore Mauri Hispaniâ potiti, Galliam etiam Narbonensem mali vicini terrebant, fuit Bobo noster patriæ suæ propugnaculi instar, homo nobilis cæterâ & militaris, sed qui sub sago tegere sciret virtutem, raram inter milites armaturam. Fortè hostis Fraxinetum insulam infederat, & crebris inde excursionibus multum rem Christianam vexabat. Hic Bobo ducibus Apostolorum Petro ac Paulo spolia opima vover, arma non hostis, sed sua: positurum se ista, nec Ducem jam militum, sed pupillorum patronum fore. Ad hæc gratum se quotannis Romam iturum, & liminibus victricibus osculum laturum. Annuere Divi, & per quietem visi animos addiderunt BOBONI; ille mox militibus, quibuscum per medios hostium cuneos arcem ingressus, non modò obsidione hanc liberavit, sed barbarum regem insulâ exuit, itaque terrorem à Galliâ longè amovit. Et hic triumphus BOBONIS de hostibus fuit; alter de ipso BOBONE, Fratricidæ obvius, nutante aliquandiu in vindictam animi acie, sui tandem egregius victor, spoliū ex inimici vultu osculum suspendit. Porro arma exuit, & orphanorum jam Dux annis singulis pedes triumphum suum Romam duxit, dum ex itinere denique mortuus in cæleste Capitolium est invecus. Mortui tumulum quotquot animalia calcarunt, in vestigio mortua monuerunt incolas, ut eum cancellis à profanâ terrâ secernerent, & templo honorarent. Ossa denique Ticinum translata memorant, pompæque, quò augustior hæc foret, lumi-

lumina è cælo, & stellam adfuisse. *Ex Ferrar.*

Confirma amicitiam cum SS. Angelis ; intra in civitatem Dei : Apostolis Martyribusq̃ sociare ; unde illi gaudent, inde gaudeto. Horum divitias concupiscito, & per bonam emulationem illorum suffragia ambito : cum quibus enim fuerit consortium devotionis , erit & communio dignitatis. S. Leo serm. 5. de Epiph.

S. SIMEON STYLITES JUNIOR. 24. Maii.

Hominem cælestem, an terrestrem Angelum SIMEONEM malis dicere, tantò magis dubitabis, quantò rectius noveris. Voti parentum concessus futuræ sanctitatis vatem Christi antambulonem Joannem habuit, cui ne quid in victus parsimoniâ concederet, jejunia in cunis inchoavit, lævo matris ubere, velut omnis causâ, semper abstinens. Sexto ætatis anno ab hominum consortio in loca sola secessit, nunquam tamen solus, cælitibus easdem cum eo casas habitantibus. Ex quo tempore incommoda naturæ, vel non sensit, vel inusitatis fomentis sustentavit, nectare, vel quocunque nomine appellari lubet delicias divinitatis, pastus. Exacto in hunc modum sexennio in cœnobium immigravit, magnâ Religiosæ vitæ commendatione, quam Angelorum contubernio eo factò videbatur antetulisse. Sed nimirum illic quoque Angelos reperit, haustamque eorum usu innocentiam magnis prodigiis affirmavit; ut, cum leopardum pro fele domestico circumduxit, aut cum ad ejus imperium leo puerum à comitibus desertum, tergo ad socios subvexit, quæ magistro SIMEONIS ansam præbuere, eum ad perpetuam in columnis stationem invitandi. Paruit SIMEON, atque corpore juxta animoque supra terram emi-
nens,

264 VITÆ SANCTORVM. 25. Maii.
nens, ex communi illius ævi sensu columna fuit
sustentans orbem terrarum. Nos cum hæreamus
in luto, digito tamen paramus cælum contingere.
Ex Menæis & Evagrio.

*Qui non potest sanguinem fundere, potest semetipsum
pœnitentiæ velo percutere, & in cordis contritione ma-
ctare. Præparetur, ad feriendum, jugulum, non deerit
remunerator, etsi defuerit gladius. Deest carnifex, qui
cervicem exterius feriat, adest iudex, qui bonæ volunta-
tis præmium reddat. S. Pet. Dam. serm. 65.*

S. ZENOBIVS EP. 25. Maii.

ZENOBII pueritiam, vivam honestatis imagi-
nem dicas, in quâ neque Dei oculus quid-
quam reprehenderet: nullus ei unquam cachin-
nus, nullum verbum insolens excidit; neque eam
venustatem insequens ætas violavit, quin corro-
boravit veriùs, ut priscæ etiam sanctitatis Antisti-
tes Damasus, Ambrosius, Paulinusque ZENOBIVM
suspicerent. Mirandorum ejus operum hoc juven-
tus specimen habeat. Florentiæ, quæ ZENOBII pa-
tria, & Pontificalis sedes fuit, fratres gemini è flo-
re nobilitatis parentum indulgentiâ corrupti in
proterviam, occalluerant ad sera matris imperia,
non atrociam tantum dicta, sed calces etiam ingere-
re bene monenti ausi; quâ impietate exasperata
ultra maternum morem mulier, dirâ imprecatione
furias in filiorum caput incitavit. Valere vota: de-
generes illi extemplò infernis obsideri larvis, &
impias manus à matre in sese vertere, laniare ora
mordicus, & canino invicem duello grassari. Fœ-
ditas spectaculi parentis iram misericordiâ muta-
vit, lamentantis tantum precibus fuisse pondus;
nulla erat nisi in ZENOBII pietate spes, qui horas
duas

duas affusus Cruci, furens absolvit. Idem beneficium an. CD. XXIV. cælo receptus in ægrum repetivit, sed eo longè digniorem. Mater nocturnis ejus obsaturata querelis, potum identidem flagitanti, dæmonem simili voto propinavit, sed ZENOBIVS pepulit; utinam & fœdum morem vocantium tam immanes hospites, quasi non invocati in nos irruerent. *Ex Surio.*

Solenter animus ante actionis suæ primordia cuncta debet adversa meditari, ut semper hæc cogitans semper contra hæc thorace patientia munitus, & quidquid acciderit, superet, & quidquid non accesserit, lucrum putet. S. Greg. 5. Mor. c. 33.

S. MUTIUS C. 25. Maii.

AGite mortales, & vel latronem ducem ad cælum sequimini. MUTIVS hic est, qui in apparatu compilandi sacri Parthenonis somno oppressus, rapi ad divinum tribunal sibi visus, supplicia suis facinoribus parata intellexit, nisi celeri pœnitentiâ ipse sibi jus dixisset. MUTIVS rectâ ad sacratos profectus viros, animæ vulnerum medicinam eos poposcit. Tres primùm ex odis Davidicis strophæ ei præscriptæ; quàm ad amissam cum vitam exigeret, Superi postea ejus erudiendi provinciam sibi depoposcerunt. In eorum contubernio expolitus, scholam denique aperuit ex latrone magister factus virtutis. Eum sol reveritus est, inaudito post Josue factum exemplo, ita cursum moderans, ut non antè occumberet, quàm ille tugurio discipuli successisset; quem præter spem defunctum cum invenisset, rogavit familiariter, an redire in vitam vellet. Abnuentem valere jussit, & tumulto composuit; quod ille officium tam studi-

M
sujs

suis impendit, ut nonnemo è sepulchro parcere eum sumptui operæque jussit. Alteri ad mortem imparato vitæ triennium impetravit. Ne curâ corporis à Deo avocaretur, mensam illi Dominicis diebus Angelus instruxit, cæteros impransus, & intæcnatus egit. Hunc tamen tam vicinum cælo avocare, ad nescio quos Pharaonis thesauros dæmon institit. Sed ille Nilum calcare solitus, & clausis foribus, quoquo libuisset, penetrare, viam denique etiam ad Cælites reperit, violentus scilicet homo, atque uti olim ædibus ita cælo quoque vim facturus; nisi spontè patuisset. *Ex vit. PP.*

Nemo diffidat, nemo veterum conscius peccatorum premia divina desperet: novit Dominus mutare sententiam, si tu noveris mutare delictum. S. Aug. ps. 50.

S. CARPUS EP. 26. Maii.

NON est cordi Deo rigida pietas, & justitia misericordiæ oleo non temperata. Id CARPUS te docebit, qui à Paulo Apostolo Christianâ Philosophiâ imbutus, hujus tam præclari & necessarij axiomatis aliquando visus est oblivisci. Compererat Christianæ militiæ tironem, ad deferenda crucis signa, à dæmonis cultore esse inductum, quâ injuriâ ad Deum Opt. Max. pertinente, ita est exacerbatus, ut impia ex æquo capita Orco devoverit, quòd mediocri supplicio nullo vindicari posse scelus manifestarium, & ultimæ perfidiæ persuasum haberet: & verò gestiebat animo, cum dehiscente sub utriusque pedibus terrâ, inferni ignis fumum ferri in ora, ipsosque stantes in præcipitio similes ruituris aspiceret, impulsurus etiam, si copia fuisset. Subinde etiam aperiri cælum,

lum, & Servator generis humani offerre se conspicuum, hortarique CARPVM, si ita ei videretur, ageret miseros illos præcipites, pro quibus ipse sanguinem suum fudisset. Sibi quidem tanto pretio assertos in libertatem, certum esse non deferre, & porrigere manum velle perituris: quin adeò, si necesse foret, non detrectaturum redire ad initium miseriarum, quibus in Cruce moriens finem imposuisset. Plura dici necesse non fuit. Tam mellea verba CARPO bilem absterse-
runt: & nimirum hodie quoque animorum æstus & inconsulta odia defervescerent, si in sanguine Christi intingerentur. *Ex Dion. Areop. In Patric.*

Par est, ut quisque nostrum non minus gratias agat Christo, quam si ob ipsum solum advenisset; neque enim recusaturus erat, vel ob unum solum tantam exhibere misericordiam; adeò singulos homines pari charitatis mensurâ diligit, quâ diligit orbem universum.
S. Chrys. in c. 2. ad Galat.

S. RESTITUTA V. M. 27. Maii.

ROmæ nata RESTITUTA, denata Soræ nobiles natales nobilissimâ morte illustravit. Nubilis domi tamen clausa egit, & formam, quâ passim juvenus nobilis deperibat, velut ignem custodiit, non jam Vestæ, sed Christi virgo. Hujus illa unius thalamum suspirabat, & aliter etiam nuptæ nomen refugiebat. Interea invidit Deo sponsam suam, ut solet, orcus, adfuitque minas spirans & ignes. At RESTITUTA nuper jam boni Angeli aspectu exhilarata, risit rivalem deformem, & tam formidandum monstrum in fugam puella egit. Secundum hæc, Christo auctore, ædibus paternis excessit virgo Soram abitura, nec tamen sine co-

mite. Nam ad Lateranum Angelum invenit, qui toto itinere latus euntis stipavit, dolentis credo cum urbem aspiceret, quod iter longius non fuisset. Jam sub ingressum, cum miraculo prodita esset (morbum nescio à quo removerat) nobilem hospitem, nobile hospitium carcer martyrum excepit, ita Agathio Procos. jubente. Exin scorpionibus cæsa cecinit. VII. dies noctesque sine victu clausa cum Angelis vixit, oblita jam cibi, aspectu satiata. Denique capite una cum Cyrillo Episcopo aliisque truncata, cælum subiit, cum carceris custodes, & adeo carnifices miraculis captos eadem viâ nuper jam præmisisset. *Ex Ferrar.*

Non est injustus Deus, ut obliviscatur operis boni: vivit apud eum memoria beneficii semel accepti. Beatus, apud quem Deus vel semel requiem invenerit; in ejus tabernaculo vel horâ unâ requieverit. Guerric. serm. 3. de Ass. B. M. V.

S. GERMANUS PARIS. EP.

28. Maii.

GERMANO mors nondum nato, ab ipsâ, quod abomineris, matre; nato ab aviâ propinata est. nihilominus inter domestica latrocinia adolevit, veneno priore maternis visceribus, sine noxâ foetus, diffuso, altero ad aviæ filium delato, æquissimo sine dubio errore, ut, cui Germani hæreditas quærebatur, idem paratam innocentem pestem biberet. GERMANVM contra Parisiensis mitra expectabat, & in omnes morbos jus, benevolentiam Numinis maleficia mortalium in ejus gloriam vertente. Saliva ejus, vestium lacinia, stramen, quod in cubitu pressisset, vim medicam habuere. Hæc alexipharmaca etiam Reges ambiebant.

bant. Clotharius, quòd virum sanctum parum civili pro foribus morâ fatigasset, injuriam febriluit, quâ modestior factus, postridie S. viri palliolum osculis trivit, eoque intestinum ignem extinxit. Unicam literulam chirographi ejus delinxisse, monacho biennium ægro saluti fuit. Fugientem animam illustris femina filo de viri veste raptò retraxit. Alteri jam exanimi cum frigidâ vitam infudit. Unicâ voce flammâs sopivit, Crucis signo compedes solvit, pupulatores agrorum urfos extinxit, totas dæmonum catervas fugavit. Et tamen hic morborum, & ipsius adeò mortis triumphator, obitûs sui diem non animo modò, sed oculis etiam ingerere non destitit; hoc ad lecti spondam epigrammate affixo, V KAL. JUNIAS: id quò spectaret non antè intellectum est, quàm eodem die octogenario proximus decederet. Tu, si sapis, ne incerta hora te mortis fallat,

Omne crede diem tibi diluxisse supremum.

Ex Surio.

Homo lenocinantem mundi gloriam sub judicii sui calcibus deprimat, virorem carnis aridum jam pulverem credat, diem suæ vocationis tanquam speculum suis obtutibus semper anteponat, districtum ultime discussionis judicium contremiscat. S. Pet. Dam. l. i. ep. 17.

S. CONON MART. 29. *Maii.*

NObilitatem CONONIS inde æstimo, quòd totis elementis imperavit. Nam & ruentis fluvii impetum tam diu suspendit, dum homines otiosi transirent; & aliàs latè campos inundantem ad modestiam revocavit veteresque riparum le-

M 3

ges.

ges. Sed adeste & parentes, & filii, & officium vestrum discite. Ecce XII. annorum filium pater secum ad tyrannum ducit, idque orat, quod pauci orant parentes: *Liceret secum mori filium videre, vel ante se etiam; suave sibi fore etiam contra aliorum parentum vota, filio oculos claudere. Sciret iudex totum CONONEM non moriturum, si in filio, hoc est, in dimidio sui, viveret. Itaque simul filium neci daret, si totum occisum patrem vellet.* Nec verò non lubens comessiverat ad mortem patri filius, utique sic scipio fessæ, & morientis ætatis. Sed & facili aure preces tyrannus audivit. Quare utrumque in craticulam abjicit, igne subjecto formidandam; in plumis diceret molliter decumbere. Oleo bulliente à flammis perfundit; inungi ad luctam crederes. In succensam fornacem immittit; ut inter hortos cum patre filius deambulat. Suspendit patrem, appendit dulcem appendicem filium; flammam iterum subdit, manus invictas malleis frangit. Interea canere illis arrisit; vis nosse quàm suaviter? non dubitavit vocem illis suam Angelus jungere, quam ut primum illi audierunt, non placuit jam morari in vitâ, illuc abierunt ubi canere Angelos nunquam non audirent. *Ex Baron. & Pet. de Natal.*

Frustra appellamur Christiani, si imitatores non sumus Christi, qui ideo se viam dixit esse, ut conversatio Magistri forma esset Discipuli, & illam humilitatem eligeret servus, quam sectatus est Dominus. S. Leq. ferm. 5. de Nat. D.

B. ANDREAS DE CHIO M. 19. Maii.

ANDREAM habes MARIE, ut paucis dicam, corculum. Juvenis annos natus XXVII. cum febr

febri æstualet, vovit, si VIRGO salutem donaret, sese ei invicem castitatis florem donaturum. Voti damnatus integritatis propositum palam candidam veste professus est, ut orbis sciret VIRGINIS eum candidatum esse, & vestium nives virginis animi essent indices. Et quid ni sic candidatus martyrum etiam honores prensaret? Enimverò Constantinopolim abiit eo ipso tempore, quo fidem Christi prodidit, nescio quis philosophus. Quisquis fuerit, hoc etiam nomine indignus fuit. Certè potuit barbatus histrio à juvene ANDREA discere, primum in Christianam philosophiam dogma esse, mortem pro Christo contemnere. Captus, enim blanditias, & aurea promissa risit. Savientium verò impetus velut cautes in mari fluctus excepit. IX. omnino dies carnificina duravit. Inter quos potuere Mahumetani flagellis, & uncis lacerare corpus, sed non animum: locis suis artus ejicere distrahereque, sed non in suam sententiam trahere; gladiis humeros secare, membra singula per singulas carnificinas carne spoliare, sed non fide perinde ac constantiam ANDREAM, qui inter tot dolores oblitus tamen dolorum, unius MARIAE recordabatur, illud unum semper inclamans: MARIA juva me, MARIA juva me. Et verò juvit illa, integrum quotidie corpus ad pugnam suggerens, nec quidquam barbaris hoc medicinæ suæ ascribentibus. Demum omnibus cruciatibus superior, capite minutus est. Corpus templum MARIAE, animum quid ni sinus MARIAE excepit? Ex Surii tom. 7.

In hac lacrimarum exulantes valle clamemus ad Virginem, quatenus agnoscat Mater filios, libera captivos, deliciis caelestibus impinguata famelicos, conver-

men, & Langobardorum irruptione scelera vindicanda esse intellexit. Aliis autor fugæ factus, ipse ergastulo non excessit, & barbaris per urbem grassantibus in conspectum se dedit: Ii pro malefico habitum ad cædem deposcunt; jamque ferrum supra caput erat, cum repente percussoris brachium obriguit, quod Hospitius, signo crucis contrà edito correxit. Secuta inde viri æstimatio, hausta ab eo præcepta salutis, quæ qui in aures duntaxat admisere, diro omnes lethi genere perierunt. Ultimo ante mortem triduo demi sibi vincula passus est: quem cum toto corpore à vermibus depastum non nemo miseraretur, negavit illos sibi convivas graves fuisse: eorum moriunculis excitatum se ad amandum Deum, non debuisse suis monitoribus cibum invidere. Simul tamen atque beatum cælo spiritum reddidit, totum examen disparuit, mirâ erga mortuum reverentiâ, ut appareret, in vivum ex ejusdem imperio peccasse. Sed condonemus hoc morti jus, & tantâ nutritum curâ corpus cedat in vermium potestatem. Illum vermem time, qui in animo nidulatur, & inter æternas flammæ, omni Salamandrâ vivacior, nunquam moritur. *Ex Greg. Turon.*

Perpende, quia caro, quæ nunc accuratis dapibus nutritur, paulò post vermibus scatere compellitur, ipsa quæ tunc sit esca rodentium, quæ nunc saginatur jucunditate ciborum, ac tantò graviores exhalat putrefacta foetorem, quantò suaviorem sibi procuravit educata molliem. S. Pet. Dam. l. 7. ep. 19.

S. BASILISCUS M. 22. Maii.

L Atuit subinde etiam sub militari sago magna virtus, & castra theatrum præbuere Christianæ

næ sanctitati. Nunc BASILISCVM inde produci-
mus plurium palmarum militem, quem afflictum
mœrore ferunt, quòd acceptis pro Maximiano
impio Cæsare vulneribus, guttam sanguinis pro
Christo nullam fudisset; cùm tamen Theodorum
martyrem proximâ necessitudine contingeret,
cujus pro fide prælia convitium suæ ignaviæ fa-
cerent, utique, si virtuti suæ Christus confideret,
ejus experimentum pridem capturum fuisse. Rarò
ita cum Superis expostulatum est; neque susti-
nuit cæli Imperator tam pia militis sui desideria
perire; ultro eum allocutione dignatus; memo-
rem esse voti sui iussit, & dignos tantâ sponsione
animos afferre in imminenti pugnam; cuius ei
copiam Agrippa impius Prætor fecit, qui ferro so-
leatum, clavis plantam penetrantibus, cursu ni-
hilominus æquare citatam quadrigam coëgit.
Subinde à Trajanâ hospitio acceptus aridæ arbo-
ri, sub quâ recubuerat, vitam reddidit frondesque;
credo ne capiti coronæ deessent: fons etiam ad
pedes martyris scaturiit, hanc vicem reddente ter-
râ, cùm sanguinem ejus bibisset: eo prodigio non
firis tantum comitum ejus, sed perfidia etiam ex-
tincta est. Paulò pòst etiam alteri elemento im-
peravit, devocatoque de cælo igne, Deorum de-
lubrum exussit: ipse capite imminutus, & in pro-
ximum flumen sparsus, maximo & ultimo mira-
culo nihilominus ad beatitatis littus enatavit. *Ex
Menæis.*

*Quid faciemus sub aeterni judicis majestate? quæ no-
bis subventura est pœnitentia, quam in hac carne con-
tēpsimus? quæ nos defensura sunt opera bona, quæ in vitâ
non egimus? ad quos sanctos confugiemus, quorum exem-
pla simul & verba despeximus? S.P.Dam.lib.i.Ep.6.*

S.BO-

S. BOBO CONF. 23. Maii.

Quo tempore Mauri Hispaniâ potiti, Galliam etiam Narbonensem mali vicini terrebant, fuit BOBO noster patriæ suæ propugnaculi instar, homo nobilis cæterâ & militaris, sed qui sub sago tegere sciret virtutem, raram inter milites armaturam. Fortè hostis Fraxinetum insulam infederat, & crebris inde excursionibus multum rem Christianam vexabat. Hic BOBO ducibus Apostolorum Petro ac Paulo spolia opima vovet, arma non hostis, sed sua: positurum se ista, nec Ducem jam militum, sed pupillorum patronum fore. Ad hæc gratum se quotannis Romam iturum, & liminibus victricibus osculum laturum. Annuere Divi, & per quietem visi animos addiderunt BOBONI; ille mox militibus, quibuscum per medios hostium cuneos arcem ingressus, non modò obsidione hanc liberavit, sed barbarum regem insulâ exuit, itaque terrorem à Galliâ longè amovit. Et hic triumphus BOBONIS de hostibus fuit; alter de ipso BOBONE, Fratricidæ obvius, nutante aliquandiu in vindictam animi acie, sui tandem egregius victor, spolium ex inimici vultu osculum suspendit. Porro arma exuit, & orphanorum jam Dux annis singulis pedes triumphum suum Romam duxit, dum ex itinere denique mortuus in cæleste Capitolium est invecus. Mortui tumulum quotquot animalia calcarunt, in vestigio mortua monuerunt iacolas, ut eum cancellis à profanâ terrâ scernerent, & templo honorarent. Ossa denique Ticinum translata memorant, pompæque, quò augustior hæc foret, lumi-

lumina è cælo, & stellam adfuisse. *Ex Ferrar.*

Confirma amicitiam cum SS. Angelis ; intra in civitatem Dei : Apostolis Martyribusq̃ sociare ; unde illi gaudent, inde gaudeto. Horum divitias concupiscito, & per bonam emulationem illorum suffragia ambito : cum quibus enim fuerit consortium devotionis , erit & communio dignitatis. S. Leo serm. 5. de Epiph.

S. SIMEON STYLITES JUNIOR. 24. Maii.

Hominem cælestem, an terrestrem Angelum SIMEONEM malis dicere, tantò magis dubitabis, quantò rectius noveris. Voti parentum concessus futuræ sanctitatis vatem Christi anteaambulonem Joannem habuit, cui ne quid in victus parsimoniâ concederet, jejunia in cunis inchoavit, lævo matris ubere, velut omnis causâ, semper abstinens. Sexto ætatis anno ab hominum consortio in loca sola secessit, nunquam tamen solus, cælitibus easdem cum eo casas habitantibus. Ex quo tempore incommoda naturæ, vel non sensit, vel inusitatis fomentis sustentavit, nectare, vel quocunque nomine appellari lubet delicias divinitatis, pastus. Exacto in hunc modum sexennio in cœnobium immigravit, magnâ Religiosæ vitæ commendatione, quam Angelorum contubernio eo facto videbatur antetulisse. Sed nimirum illic quoque Angelos reperit, haustamque eorum usu innocentiam magnis prodigiis affirmavit; ut, cum leopardum pro fele domestico circumduxit, aut cum ad ejus imperium leo puerum à comitibus desertum, tergo ad socios subvexit, quæ magistro SIMEONIS ansam præbuere, eum ad perpetuam in columnis stationem invitandi. Paruit SIMEON, atque corpore juxta animoque supra terram emi-
dens,

264 VITÆ SANCTORVM. 25. Maii.
nens, ex communi illius ævi sensu columna fuit
sustentans orbem terrarum. Nos cùm hæreamus
in luto, digito tamen paramus cælum contingere.
Ex Menæis & Evagrio.

*Qui non potest sanguinem fundere, potest semetipsum
pœnitentiæ velo percutere, & in cordis contritione ma-
ctare. Præparetur, ad feriendum, jugulum, non deerit
remunerator, etsi defuerit gladius. Deest carnifex, qui
cervicem exteriùs feriat, adest iudex, qui bonæ volunta-
tis præmium reddat. S. Pet. Dam. serm. 65.*

S. ZENOBIVS EP. 25. Maii.

ZENOBII pueritiam, vivam honestatis imagi-
nem dicas, in quâ neque Dei oculus quid-
quam reprehenderet: nullus ei unquam cachin-
nus, nullum verbum insolens excidit; neque eam
venustatem insequens ætas violavit, quin corro-
boravit veriùs, ut priscæ etiam sanctitatis Antisti-
tes Damasus, Ambrosius, Paulinusque ZENOBIVM
suspicerent. Mirandorum ejus operum hoc juven-
tus specimen habeat. Florentiæ, quæ ZENOBII pa-
tria, & Pontificalis sedes fuit, fratres gemini è flo-
re nobilitatis parentum indulgentiâ corrupti in
proterviam, occalluerant ad sera matris imperia,
non atrocia tantùm dicta, sed calces etiam ingere-
re bene monenti ausi; quâ impietate exasperata
ultra maternum morem mulier, dirâ imprecatione
furias in filiorum caput incitavit. Valere vota: de-
generes illi extemplò infernis obsideri larvis, &
impias manus à matre in sese vertere, laniare ora
mordicus, & canino invicem duello grassari. Fœ-
ditas spectaculi parentis iram misericordiâ muta-
vit, lamentantis tantum precibus fuisse pondus;
nulla erat nisi in ZENOBII pietate spes, qui horas
duas

25. Maii. VITÆ SANCTORVM. 265
duas affusus Cruci, furens absolvit. Idem benefici-
cium an. CD. XXIV. cælo receptus in agrum re-
petivit, sed eo longè digniorem. Mater nocturnis
ejus obsaturata querelis, potum identidem flagi-
tanti, dæmonem simili voto propinavit, sed ZENO-
BIUS pepulit; utinam & fœdum morem vocan-
tium tam immanes hospites, quasi non invocati
in nos irruerent. Ex Surio.

*Solenter animus ante actionis suæ primordia cuncta
debet adversa meditari, ut semper hæc cogitans semper
contra hæc thorace patientia munitus, & quidquid ac-
ciderit, superet, & quidquid non accesserit, lucrum pu-
tet. S. Greg. 5. Mor. c. 33.*

S. MUTIUS C. 25. Maii.

AGite mortales, & vel latronem ducem ad cæ-
lum sequimini. MUTIVS hic est, qui in appara-
tu compilandi sacri Parthenonis somno oppressus,
rapi ad divinum tribunal sibi visus, supplicia suis
facinoribus parata intellexit, nisi celeri pœniten-
tiâ ipse sibi jus dixisset. MUTIVS rectâ ad sacratos
profectus viros, animæ vulnerum medicinam eos
poposcit. Tres primùm ex odis Davidicis strophæ
ei præscriptæ; quàm ad amissam cum vitam exi-
geret, Superi postea ejus erudiendi provinciam si-
bi depoposcerunt. In eorum contubernio expoli-
tus, scholam denique aperuit ex latrone magister
factus virtutis. Eum sol reveritus est, inaudito
post Josue factum exemplo, ita cursum moderans,
ut non antè occumberet, quàm ille tugurio disci-
puli successisset; quem præter spem defunctum
cum invenisset, rogavit familiariter, an redire in
vitam vellet. Abnuentem valere jussit, & tumu-
lo composuit; quod ille officium tam studiōse
M suis

suis impendit, ut nonnemo è sepulchro parcere eum sumptui operæque jussit. Alteri ad mortem imparato vitæ triennium impetravit. Ne curâ corporis à Deo avocaretur, mensam illi Dominicis diebus Angelus instruxit, cæteros impransus, & incœnatus egit. Hunc tamen tam vicinum cælo avocare, ad nescio quos Pharaonis thesauros dæmon institit. Sed ille Nilum calcare solitus, & clausis foribus, quoquo libuisset, penetrare, viam denique etiam ad Cælites reperit, violentus scilicet homo, atque uti olim ædibus ita cælo quoque vim facturus; nisi spontè patuisset. *Ex vit. PP.*

Nemo diffidat, nemo veterum conscius peccatorum premia divina desperet: novit Dominus mutare sententiam, si tu noveris mutare delictum. S. Aug. ps. 50.

S. CARPUS EP. 26. Maii.

NON est cordi Deo rigida pietas, & justitia misericordiæ oleo non temperata. Id CARPVS te docebit, qui à Paulo Apostolo Christianâ Philosophiâ imbutus, hujus tam præclari & necessarij axiomatis aliquando visus est oblivisci. Compererat Christianæ militiæ tironem, ad deferenda crucis signa, à dæmonis cultore esse inductum, quâ injuriâ ad Deum Opt. Max. pertinente, ita est exacerbatus, ut impia ex æquo capita Orco devoverit, quòd mediocri supplicio nullo vindicari posse scelus manifestarium, & ultimæ perfidiæ persuasum haberet: & verò gestiebat animo, cum dehiscente sub utriusque pedibus terrâ, inferni ignis fumum ferri in ora, ipsosque stantes in præcipitio similes ruituris aspiceret, impulsurus etiam, si copia fuisset. Subinde etiam aperiri cælum,

lum, & Servator generis humani offerre se conspicuum, hortarique CARPVM, si ita ei videretur, ageret miseros illos præcipites, pro quibus ipse sanguinem suum fudisset. Sibi quidem tanto pretio assertos in libertatem, certum esse non deserre, & porrigere manum velle perituris: quin adeò, si necesse foret, non de rectaturum redire ad initium miseriarum, quibus in Cruce moriens finem imposuisset. Plura dici necesse non fuit. Tam mellea verba CARPO bilem absterse-
runt: & nimirum hodie quoque animorum æstus & inconsulta odia defervescerent, si in sanguine Christi intingerentur. *Ex Dion. Areop. In Patric.*

Par est, ut quisque nostrum non minus gratias agat Christo, quam si ob ipsum solum advenisset; neque enim recusaturus erat, vel ob unum solum tantam exhibere misericordiam; adeò singulos homines pari charitatis mensurâ diligit, quâ diligit orbem universum.
S. Chrys. in c. 2. ad Galat.

S. RESTITUTA V. M. 27. Maii.

ROmæ nata RESTITUTA, denata Soræ nobiles natales nobilissimâ morte illustravit. Nubilis domi tamen clausa egit, & formam, quâ passim juvenus nobilis deperibat, velut ignem custodit, non jam Vestæ, sed Christi virgo. Hujus illa unius thalamum suspirabat, & aliter etiam nuptæ nomen refugiebat. Interea invidit Deo sponsam suam, ut solet, orcus, adfuitque minas spirans & ignes. At RESTITUTA nuper jam boni Angeli aspectu exhilarata, risit rivalem deformem, & tam formidandum monstrum in fugam puella egit. Secundum hæc, Christo auctore, ædibus paternis excessit virgo Soram abitura, nec tamen sine co-

mite. Nam ad Lateranum Angelum invenit, qui toto itinere latus euntis stipavit, dolentis credo cum urbem aspiceret, quòd iter longius non fuisset. Jam sub ingressum, cum miraculo prodita esset (morbum nescio à quo removerat) nobilem hospitem, nobile hospitium carcer martyrum excepit, ita Agathio Procos. jubente. Exin scorpionibus cæsa cecinit. VII. dies noctesque sine victu clausa cum Angelis vixit, oblita jam cibi, aspectu satiata. Denique capite unà cum Cyrillo Episcopo aliisque truncata, cælum subiit, cum carceris custodes, & adeò carnifices miraculis captos eadem viâ nuper jam præmisisset. *Ex Ferrar.*

Non est injustus Deus, ut obliviscatur operis boni: vivit apud eum memoria beneficii semel accepti. Beatus, apud quem Deus vel semel requiem invenerit; in ejus tabernaculo vel horâ unâ requieverit. Guerric. serm. 3. de Ass. B. M. V.

S. GERMANUS PARIS. EP.

28. Maii.

GERMANO mors nondum nato, ab ipsâ, quod abomineris, matre; nato ab aviâ propinata est. nihilominus inter domestica latrocinia adolevit, veneno priore maternis visceribus, sine noxâ fœtûs, diffuso, altero ad aviæ filium delato, æquissimo sine dubio errore, ut, cui Germani hæreditas quærebat, idem paratam innocentem pestem biberet. GERMANVM contra Parisiensis mitra expectabat, & in omnes morbos jus, benevolentia Numinis maleficia mortalium in ejus gloriam vertente. Saliva ejus, vestium lacinia, stramen, quod in cubitu pressisset, vim medicam habuere. Hæc alexipharmaca etiam Reges ambiebant.

bant. Clotharius, quòd virum sanctum parum civili pro foribus morâ fatigasset, injuriam febriluit, quâ modestior factus, postridie S. viri palliolum osculis trivit, eoque intestinum ignem extinxit. Unicam literulam chirographi ejus delinxisse, monacho biennium ægro saluti fuit. Fugientem animam illustris femina filo de viri veste raptò retraxit. Alteri jam exanimi cum frigidâ vitam infudit. Unicâ voce flammâs sopivit, Crucis signo compedes solvit, pupulatores agrorum urfos extinxit, totas dæmonum catervas fugavit. Et tamen hic morborum, & ipsius adeò mortis triumphator, obitûs sui diem non animo modò, sed oculis etiam ingerere non destitit; hoc ad lecti spondam epigrammate affixo, V KAL. JUNIAS: id quò spectaret non antè intellectum est, quàm eodem die octogenario proximus decederet. Tu, si sapis, ne incerta hora te mortis fallat,

Omnem crede diem tibi diluxisse supremum.

Ex Surio.

Homo lenocinantem mundi gloriam sub judicii sui calcibus deprimat, virorem carnis aridum jam pulverem credat, diem suæ vocationis tanquam speculum suis obtutibus semper anteponat, districtum ultimæ discussionis judicium contremiscat. S. Pet. Dam. l. i. ep. 17.

S. CONON MART. 29. *Maii.*

NObilitatem CONONIS inde æstimo, quòd totis elementis imperavit. Nam & ruentis fluvii impetum tam diu suspendit, dum homines otiosi transirent; & aliàs latè campos inundantem ad modestiam revocavit veteresque riparum le-

febri æstualet, vovit, si VIRGO salutem donaret, sese ei invicem castitatis florem donaturum. Voti damnatus integritatis propositum palàm candidā veste professus est, ut orbis sciret VIRGINIS eum candidatum esse, & vestium nives virginis animi essent indices. Et quid nī sic candidatus martyrum etiam honores prensaret? Enimverò Constantinopolim abiit eo ipso tempore, quo fidem Christi prodidit, nescio quis philosophus. Quisquis fuerit, hoc etiam nomine indignus fuit. Certè potuit barbatus histrio à juvene ANDREA discere, primum in Christianā philosophiā dogma esse, mortem pro Christo contemnere. Captus enim blanditijs, & aurea promissa risit. Savientium verò impetus velut cautes in mari fluctus excepit. IX. omnino dies carnificina duravit. Inter quos potuere Mahumetani flagellis, & uncis lacerare corpus, sed non animum: locis suis artus ejicere distrahereque, sed non in suam sententiā trahere; gladiis humeros secare, membra singula per singulas carnificinas carne spoliare, sed non fide perinde ac constantiā ANDREAM, qui inter tot dolores oblitus tamen dolorum, unius Mariæ recordabatur, illud unum semper inclamans: *MARIA juva me, MARIA juva me.* Et verò juvit illa, integrum quotidie corpus ad pugnam suggerens, necquidquam barbaris hoc medicinæ suæ ascribentibus. Demum omnibus cruciatibus superior, capite minutus est. Corpus templum Mariæ, animum quid nī sinus Mariæ excepit? *Ex Surii tom. 7.*

In hac lacrimarum exulantes valle clamemus ad Virginem, quatenus agnoscat Mater filios, libera captivos, deliciis celestibus impinguata famelicos; conver-

*tat misericordes obtutus suos ad miseros, & offensi Filii
justitiam flectat ad gratiam. S. Laur. Just. ierm. de
Aff. B. M. V.*

S. ISACIUS C. 30. Maii.

MOvebat in hostem Imperator Valens ipse
DEI longè maximus hostis, ut qui pro Aria-
nis pugnabat, templisq̃ue Catholicos arcebat. Oc-
currit eunti ISACIVS noster plenus fatidico spiri-
tu, & libertate Christianâ armatus, monuit, *si pa-
cem in Imperio exoptaret, ne bellum calo faceret: si q̃z
belli portas claudere percuperet, Catholicorum templa
prius aperiret; aliter crederet cum Superis sibi bellum
fore, nec nisi sanguine suo, & interitu litaturum Marti.*
Hæc inquam, & similia non semel ISACIVS occi-
nebat Valenti. At hic molestum monitorem in
obvia dumeta jussit abjici. Scilicet si spinæ illæ
nunquam aliàs, tunc certè rosas tulerunt, sangui-
nemq̃ue biberunt, quo rectè erubescerent. Et ve-
rò ad formosa spectacula tres Cœlites advolarunt,
gestieruntq̃ue à spinis ISACIVM (hoc est rosam)
tollere, qui eadem mox oracula tyranni auribus
ingessit. Tum verò eum asservari inter vincula
jussit Valens, dum redux è bello victorq̃ue otiosè
rideret vatem suum. At hic abeunti illa alterius
vatis verba dixit, *si reversus fueris in pace, non locu-
sus est in me Dominus.* Enimverò Valens acie vi-
ctus est, & qui fumos vendenti Ario crediderat,
fumo igneq̃ue in fugâ periit: at ISACIVS vatis ho-
nores tulit. Illi urbis portæ ad preces, quoties li-
buit, patuerunt. illum mortuum omnis Constan-
tinopolis tam luxit, ut unicum hominem omnium
humeris crederes efferri. *Ex Metaphr. & Menol.*

*Cooperatores simus gratia Dei: non enim dormienti-
bus*

bus provenit regnum calorum, nec otio desidiaq; torpentibus beatitudo eternitatis ingeritur; sed, quia si compatimur, conglorificabimur, illa nobis currenda est via, quam ipse Dominus se esse testatus est. S. Leo. serm. 5. de Epiph.

B. JACOBUS VENETUS. 31. Maii.

Quid matrem crepas pueritia, quid patrem, scopulos sæpè filiorum? Si cælo digna es nunquam orba eris, cælum te adoptabit. Ecce JACOBVS cum patre matrem puer amisit. At avia ejus, lectissima matrona, matrem illi dulciorem MARIAM ostendit, cujus si horarias preces tantisper recitaret (& tempus definiebat) præmia cupido pollicita est: quæ etsi illa non persolvit, perrexit tamen JACOBVS officium suum facere, & horas Marianas quotidie decurrere. Ita filius MARIÆ in D. Dominici familiâ patrem etiam JESVM invenit, cujus uti nuper MARIÆ, nomen ita animo infixum gestabat, uti tunc oblivisci horum posse videretur, si patris & matris posset. Ex Divis prætercâ præcipuâ veneratione colebat Ascidum, & Victorium M.M. quorum officium dum ad XVII. Novemb. in horto recitat, vernum præmium rosam recentem abstulit, anniversarium postcâ, quemadmodum ajunt, miraculum. Romæ quoque D. Sebastiani porta clausa aliis, pietati JACOBI ultrò patuit. Linguae petulantiam si quisquam alius, ille odit. Itaque illud Augustini ex eo crebrò audivisses, *Felix lingua, quæ non novit, nisi de divinis, texere sermonem.* Obiit anno M.CCC.XIV. cum carcinomate IV. annos laborans egregia patientiæ documenta edidisset, certus antè de fato, & horâ fati. Reliquit post se, præter binos mor-

M. 5

tuos

tuos in vitam reductos, alia CCC. XXXVIII. miracula, familiarem Divis hereditatem. Ex Bzovio, 14. tom. Annal. Eccl.

Securum jam habet homo accessum ad Deum, ubi mediatorem cause sue Filium habet ante Patrem, & ante Filium Matrem. Christus Patri ostendit latus & vulnera; Maria Christo pectus & ubera: nec potest esse repulsa, ubi concurrunt & orante omni lingua disertius hac clementia monumenta, & charitatis insignia.
B. Arn. Car. L. de B. M. V.

JU-

J U N I U S.

S. SIMEON CONF. 1. Junii.

SIMEON Siculus adoratis, quas Dei Filius sacravit, regionibus, ad amorem paupertatis, quam omnia ejus vestigia spirant, exarsit. Jura sanctitatis eum Anachoretæ docuit, vel semel exerantem in feminas oculum gravi oratione ad officium revocaturus. Ab eo denique manumissus loca plura magnis virtutibus nobilitavit. Subinde in piratas incidit, nihilo mitiora comitibus occisis passurus, nî salientem de puppe petitemque tellis diviniore vis texisset. Tandem delatus Treviros, speculam sibi in turris fastigio elegit, quam expugnare orcus aggressus, suas in Christianum Herculem hydras, & omne monstrorum genus nequidquam armavit. Stultius strategema fuit, cum perditæ tenebriones, nescio quos, fatuos ignes radiosque tugurio ejus infunderent; sed ille fanaticam lucem oculis non admisit, solem suum mortuo sibi oriturum dictitans: dæmones elusis artibus suis, auxilium ab hominum malevolentia petunt, qui noxiam aquarum inundationem sceleribus ejus imputare ausi, convitiis saxisque in caput innocentis sunt grassati. Stationem tamen non antè deseruit, quam illum cæli Imperator evocaret an. M. XXXV. Corpus ejus exanime prodigioso sudore immaduit. Quis arduam neget ad cælum viam, in quâ etiam hi cursores, & quidem post mortem, sudant? *Ex Surio.*

Beatus, qui omni spe rerum hujus mundi seipsum orbavit, ac in solo Deo omnem spem fixit atque locavit

vit suam : sicut enim execrandus est ille homo, qui spem suam positam habet in homine, ita omni laude dignus, qui ex Deo totus pendet. S. Bas. Orat. 7.

SS. MARCELLINUS & PETRUS

M M. 2. Iunii.

Nihil agis impietas ; Christi servus etiam inter vincula liber est ; insultabat Arthemius PETRO compedibus onerato, experiretur Dei sui vires, & rumperet catenarum nexum, si tantum in JESU nomine confideret. PETRVS non id modò præstitit, sed Paulinam insuper ejus filiam diaboli mancipium, expulso improbissimo tyranno, in libertatem asseruit, unaque Arthemio persuasit, Deo antea subsannato, cum omnibus carceris incolis, sacramentum dicere. MARCELLINVS, qui eos Christiano ritu abluerat, nudus vitri fragmentis impositus, non antè quàm ab Angelo jussus, ex illo se lecto proripuit, & cælesti veste excultus cum PETRO, quem idem Angelus cippo exemerat, Christianorum se cœtui reddidit ; quibus animandis cum septem ipsos dies impendisset, pleno tandem agmine Arthemium cum uxore & filiâ ad supplicium euntes comitatus est. Ipsi denique in silvâ, cui Nigræ cognomentum fuit, inter senticeta, capite plexi sunt. Nihilominus vel invito tyranno, abscondi inter spinas lilia nō potuere, & sanctitatis odor rubentes suo sanguine rosas prodidit. Lucilla & Firmina castis illas manibus legerunt, & in communi SS. Martyrū viridario collocarūt. Silve quoq; nomen immutatum est ; pro Nigrâ, Candida posthac audiit. Esto & tu lilium inter orbis spinas, & cæli candidatum te appellabo. *Ex Surio.*

Parati simus semper irruentes vitiorum cuneos.

ac frementes bestias de agro cordis nostri ejicere, nullumq; eis in ea, quæ juris nostri sunt, permittamus locum perverse dominationis habere: non videant nos inimici nostri cedere, ne de nostris valeant recessibus exultare. S. Pet. Damian. serm. 75.

S. NICOLAUS STAUROPHORUS.

2. Iunii.

ALtius in animum NICOLAUS verba CHRISTI demisit, quàm nos passim solemus. Vix enim illa audierat, quibus ad fortiter ferendam Crucem mortales extimulat, cum illico melioris fortunæ, si quisquam alius, sibi ipse faber crucem ingentem paravit, & cum hac in annum CHRISTI M. LXXXVIII. in Italiam venit. Ibi excalceatus, & pannis obsitus pueros cogere; dux his ad templum esse; solemnia, quibus misericordiam Numinis provocamus, verba præire; ante solis occasum nihil in victum admittere; sed & tunc non nisi pane cibario famem, & undâ sitim domare; à precibus intereâ nunquam desistere; Crucem, quam nos ultro abjicimus, nunquam deponere. Visum est hoc genus vitæ loci Antistiti primò insolens: sed re melius inspectâ, laudavit viri studium, & ad mensam insuper suam perquam liberaliter invitavit. At NICOLAUS feбри correptus, ad signa sua prætextatum agmen convocavit, moriensque, inter faustas apprecationes, Crucem illi suam testamento legavit, magnam tam parvulis, & opulentam oppidò, si æstimare norunt, hæreditatem. *Ex Pet. de Natalib.*

Auctor pietatis in Cruce pendens testamentum condidit: Apostolis persecutionem, Indæis corpus, Patræ Spiritum, Virgini Paranympum, Latroni Paradisum.

peccatori infernum, Christianis Crucem commendavit.
S. Ambros. serm. de Pass.

SS. PERGENTINUS ET LAURENTINUS
MM. 3. Iunii.

NON minus sanctum quàm nobile par fratrum
PERGENTINVM & LAVRENTINVM aspicias,
quorum nomen Aretini cives ad Tiburtium pie-
tatis hostem delaturi hæc accusationis capita ha-
buere; ludum literarium eos quotidie frequenta-
re: rimari arcana Philosophiæ Christianæ; & jam
privatim exercere magisterium ejusdem sectæ; id
si publicè audeant, neminem fore, quæm non elo-
quentiâ sint corrupturi. Tiburtius propriâ con-
fessione convictos, inviolatos tamen abire passus
est, tantò nequior, quantò blandior. Nihil deinde
de more suo remittentes cædi fustibus jussit, pla-
gisque obsaturatos inediâ plecti. Tridui jejunio
maceratis Angelus mensam struxit de cælesti penu-
cellaque; cujus delicias qui gustet, sentiat profe-
ctò, obsonare famem tanti fuisse. Allapsa simul
cælo lux, & sponte laxatis carceris foribus, Chri-
stianis cum Pergentinâ sorore ad captivos via pa-
ruit: sed ii cæli nectare ebriis fugam suadere ag-
gressi frustra fuerunt. Carnificum contrà ad mor-
tem eos evocantium suavissimæ voces visæ, quam
priusquam oppeterent, saxeam Jovis statuam ar-
dore precum suarum in modum ceræ coëgerunt
liquefcere. Illustre miraculum inquires; imitabile
tamen: potes tu quoque Bacchum, Venerem,
aliaque improbæ mentis idola precibus extin-
guere. *Ex Surio.*

*Quacunque vitia habemus & quocunque peccata,
tot recentes habemus Deos. Iratus sum; ira mihi Deus
est.*

est. Vidi mulierem & concupivi ; libido mihi Deus est. Vnusquisque enim quod cupit & veneratur , hoc illi Deus est. S. Hieron. in pl. 180.

S. GUALTERIVS C. 4. Iunii.

Dubitabit aliquis GVALTERIVM mundi sidus dicere ? cum humerum stellâ insignitus in lucem prodierit , divino munere parentibus concessus, Numini Basilicam invicem spondentibus. Gratiarum domicilium diceres, tanta erat oris venustas , tanta morum elegantia. Magnis pro eo studiis certatum est, cælo terraque tantum decus ad se rapientibus. Præfæcti urbis filia oculos in eum coniecerat , optabatque sponsum , spe tantò certiore, quantò inter Romanas Nymphas eminebat, & sanè, si quid mortale amandum fuerat, tulisset primas. Jam parentum vota consenserant, gratulabaturque pari , & pulcherrimo conjugio Romæ cum GVALTERIVS generoso fastu conditionem aspernatus , negavit feminam ullam toto orbe dignam se marito : translatisque in cælum desideriis, castarum mentium sponsum virginitatis sibi voto devinxit. Id tamen consilium parentes insaniam vocarunt , & extorquere filio non verbis tantum, sed verberibus etiam sunt conati : ut neutris flecteretur , vox allapsa cælo fugam adolescenti suavit, quam cum Armeno Sacerdote in Picenum instituit ; ubi deinceps eo virtutum splendore vixit , ut palàm fecerit æquum fuisse cum stellatum nasci. Parentes diu perquisitum denique reperere , sed jam inediâ squalidum, alioque, quam quem Roma suspexerat, vultu. Ille tamen Deo plenus factum iis suum non approbavit tantum, sed ut imitarentur , induxit ; quem

finit

finem utinam omnia parentum cum filiis certamina habeant; juvaret acies committere, & cantare classicum. *Ex Phil. Ferr.*

Despiciendus à nobis hic mundus fuerat, etiamsi blandiretur, etiamsi rebus prosperis demulceret animum. At postquam tot flagellis premitur, tantâ adversitate fatigatur, tot nobis quotidie dolores ingeminat, quid nobis aliud, quàm ne diligatur, clamat? S. Greg. 3. Dial. c. ult.

S. BONIFACIUS E. M. 5. Iunii.

BONIFACIO, & hoc, & Apostoli nomen Germania peperit, cum VVinfridus olim vocaretur. Monasticen puer amplexus est, multum adversante patre, donec, immisso divinitus morbo, pertinacia ejus est domita. Sacris initiatus Frisones Christianâ disciplinâ imbuendos, Pontificum deinde jussu, Germaniam universam excolendam suscepit; adolescentulis etiam in partem pii operis adscitis. In Boicâ S. Sturmionem, Treviris Gregorium sibi junxit XIV. annorum adolescentulum, cum Anagnosten in triclinio peritè agentiaures dedisset: capto enim egregiæ indolis experimento, unius congressûs suavitate ad sui eum imitationem attraxit, ut palàm dictitaret, suis se pedibus cum BONIFACIO orbem terrarum peragraturum, si equi copiam avari amici negassent. BONIFACIOII labores, & arduum LV. annorum à Sacerdotio ad martyrium usque actorum cursum quis explicet? in tantâ sæpe necessarij victûs inopiâ, ut calo com meatum ei submitti avium ministerio fuerit necesse. Frisonibus Christo nuper additis diem dixerat, quâ sacro Chrismate frontes inungeret: ii ex discipulis latrones facti, optimè de se meritum cum LI sociis peremerunt. Irruendi

in

in se barbaro Evangelii codicem BONIFACIUS ob-
jecit, qui etsi discissus est, negant tamen ullam li-
terulam eâ plagâ vitiatam. Omnia ipsius facta
dictaque admiranda sunt; illud sæpe sæpius repe-
titum, nostra ætas multò verius quàm BONIFA-
CIANA audiat : olim Sacerdotes aureos cum li-
gneis calicibus fuisse; nunc aureos esse calices, sed
ligneos Sacerdotes. *Ex vitâ apud Nicol. Serrar.*

*Nemo in Ecclesiâ amplius nocet, quàm qui perversè
agens nomen vel ordinem sanctitatis vel Sacerdotis ha-
bet. Delinquentem namque hunc redarguere nemo præ-
sumit, & in exemplum culpa vehementer extenditur,
quando pro reverentiâ ordinis peccator honoratur. S.
Greg. in Pastoral.*

S. NORBERTUS EP. 6. Iunii.

NORBERTVS Dux ejus familiæ, quam Præ-
monstratensem indigitant, summis aulae Im-
peratoriaë honoribus perfunctus, cùm mundo se
abdicasset, suorum progressus atque incrementa
ab ipsomet CHRISTO in cruce pendente est cdo-
ctus. Nocentissimam Tanchelini hæresin Antver-
piæ tum grassantem, introductâ è suis coloniâ, ju-
gulavit. Archiepiscopus pòst Parthenopoli, quia
in corruptos civitatis mores liberè pro DEO, &
dicebat, & agebat, multorum in se odia convertit,
ut jam essent, qui necem ipsi, sociis verò exilium
minitarentur : sed eorum insidias semper cælum
clusit; tametsi NORBERTVS, Servatorem æmula-
tus, obviis nonnunquam hostibus iverit. MARIÆ
cultui se suosque æternum devovit; unde è VIR-
GINIS manu vestem candidam (quâ mores suos
tota hæc familia etiamnum monstrat) ab Augusti-
no verò Leges aureis literis exaratas accepisse
memora-

memoratur. Ita candidatus cū cælum diu ambivisset, anno demum C.XXXIV. supra M. obtinuit, & in victoriæ signum olivam manu præferre visus est. Nonnemo eundem sub lilii imagine transportari in cælum conspexit. An non gratulari sibi terra tunc potuit, cū flores habuit, quos in sua rosaria transferre Superi amabant? Sed & nunc tales daret, si non ungue infesto invidus cælo heu! mundus præriperet. *Ex Surio.*

Bona mors iusti propter requiem, melior propter novitatem, optima propter securitatem. E contra mors peccatorum pessima: mala in mundi amissione, pejor in carnis separatione, pessima in vermis ignisque contritione. S. Bern. in Epist.

S. ROBERTUS ABB. 7. Iunii.

ROBERTVM alterum D. Bernardi oculum imitandum proponimus, cā frugalitate virum, ut helluari sibi videretur, si ip̄s Paschalibus avenaccum panem butyro adipatum gustasset. Genium ergo suum defraudans intactum pauperibus remisit. Sed debebatur cælo tam delicatum Apophoretum, tantaque virtute conditum. Angelus sub centonibus latitans eo donatus est, argumentis aliis pluribus, & illo maxime agnitus, quod discum invisus omnibus in mensam retulit, & paulò post, quasi vicem relaturus, læto ROBERTVM nuncio beavit, nomina discipulorum ejus albo cæli inserta esse, duos duntaxat eā felicitate excidisse: ex quibus alterum credibile est cum ipsum fuisse, quem è medio orantium cœtu dæmonis furcā abstractū, auferri ab eo sportā aspexit spoliū orco. Aliàs globo juvenum immixtum Cacodæmonē, & singulorum auribus sua venena insusur-

insufurrantem à magni sceleris apparatu abduxit, fatentem postcà certum sibi fuisse, nuptiales ludos jurgiis, & multâ cæde finire, nisi à ROBERTO esset interpellatus. Sub annum M. C. LIX. mortuum Godricus familiaris ejus ignei globi specie à tribus Angeli inferni cælo vidit, allatrantibus ponè stygiis larvis, plusquam caninâ impudentiâ, utique si talis prædæ spem neque illo rerum articulo deposuerunt. Nobis quid fiet, qui nunc his belluis colludimus, & neque fuscinam satis neque sportam prædatoriam timemus? *Ex Surio.*

Cogitatio omnis secularis & carnalis tempore orationis abscedat, nec quidquam animus, quàm id solum cogitet, quod precatur. Claudatur contra adversarium pectus, & soli Deo patens nec ad se hostem Dei tempore orationis patiatur accedere. S. Cyprian. de orat. Dom.

S. VICTORINUS CONF. 8. Iunii.

RECTÈ olim pronunciatum est, utcunque rara sit inter homines innocentia, plures esse, qui ab eâ nunquam diverterint, quàm qui seriò reverterint. His tamen tam paucis VICTORINVM accenseas licet magnum pœnitentiæ miraculum. Romæ natus cum Severino fratre Camerinum discesserat, tutissimum vitæ genus, vitato omni humano consortio, aggressus: sed quod mihi asylum dabis, quod non dæmonis improbitas perrumpat? Is vultum habitumque feminæ mentitus nocte intempestâ VICTORINI tugurium auresque lamentis opplevit, dignaretur tecto ultima pericula metuentem, neque prædam se feris objiceret. Peccaturus in humanitatem sibi VICTORINVS videbatur, si ad has preces obsurduisset. Recipit ergo dæmonem hospitio, sed sub larvâ tam bellâ latentem,
ut

ut ille hominum osor hujus amore captus sit. Conflagrantem facibus fœdæ cupiditatis personata lena deseruit, intellexitque miserrimus amator, qualis illecebra Deum sibi mentemque eripuisset. Jus deinde sibimet dixit, immissaque intra diffissæ arboris rimas manu, revulsis cuneis, arctè iterum coëunte trunco, inusitato cippo miserabilis se captivus induit; stetitque sic affixus triennium integrum; Dominicis duntaxat diebus panem & aquam è Severini manibus libare solitus; cùm demum jubente Camerinenſi Episcopo, emortuam ab inaudito carcere manum, utique conciliato Numine, recepit. Audite peccatores. VICTORINVS momentum unum trienni supplicio vindicavit; nos ævo continuo peccamus, & vix momento resipiscimus. *Ex Phil. Ferrar.*

Inanis est pœnitentia, quam sequens culpa coinquinat: nihil profunt lamenta, si replicentur peccata. Nihil valet de malis veniam poscere, & mala de novo iterare. S. August. in soliloq.

S. MEDARDUS EP. 8. Iunii.

Nolit fortasse à Gildardo gemello suo sejungi MEDARDVS, cum quo ita communia habuit omnia, ut eodem die ambo nati, ambo denati, ambo sacris infulis induti sint: leges tamen hîc seorsim de MEDARDI pueritiâ paucula, de Gildardo paria cogitabis. In splendoribus opes natus unicum earum usum noverat, liberalitatem. Prætextam suam cæco largitus, ad matrem propè nudus recurrit, gestiens quòd tantillâ veste Christum induisset. Equorum custodiam cum ultro sibi depoposcisset, unius abducendi copiam egeno viatori fecit; cujus jacturam cùm pater acerbè ferret, gregem

gregem recensentibus numerus nullo capite imminutus apparuit. Ipse nihilominus pietatis suæ fructum præsentem tulit, aquilæ alis à pluviarum injuriâ defensus. De agrorum limitibus exarserat inter vicinos certamen, spectabatque res ad arma, nî puer litem finisset. Saxum enim medio reperi-
tum campo pede contigit, suumque velut in molli cerâ vestigium impressit, eoque prodigio limitem, vel ostendit, vel fecit. Eleutherio contubernali suo de mitrâ olim indipiscendâ oraculum dedit, cui postea vates ipse successit. Defuncto cælum faces funebres suppeditavit. Clotharius Rex Sandapilæ succollavit. Cum tumulo inferretur, cælum diduci pandique visum, nempe ut melior MEDARDI pars cò cum triumpho inveheretur, geminæ columbæ itineris duces futuræ obviam profectæ sunt: quibus tertia, quæ de Sancti ore egressa est, sese junxit. Has alas animæ simplicitas & modestia affixerunt: nos in Pavoninis superbimus. Ex Surio.

Felix promissio, ut postmodum in divino liberetur examine, qui nunc subvenit egentibus in mœrore: Gloriosè mercatur, qui pro misericordia, quam pro pauperibus exhibet, totius Christianitatis continuam orationem promeretur. S. Pet. Dam. Opusc. 9. de Eleem.

SS. PRIMUS & FELICIANUS MM.

9. Iunii.

PRIMVS & FELICIANVS cum Jove & Hercule falsis Diis, Diocletiano & Maximiano crudelissimis Imperatoribus decertarunt, solâ adversus illos pietate, adversus hos patientiâ armati: cujus ut insignia documenta darent, Angelorum beneficio viam sibi ad fugam aperientiû noluerunt uti.
Bellaria

Bellaria tamen , quæ acerrimè verberatis allata cælo sunt, libarunt , ne viribus succumbentibus, levioribus, quam vellent, suppliciis defungerentur. FELICIANVS octogenario major castus, & suffixas unguibus subulas vultu immoto tulit : mentiente nihilominus, ut PRIMO fucus fieret, Præside, Felicianum tormentis cessisse, stultâ impudentiâ : cum Angeli nihil eorum , quæ acta fuerant, Primum ignorare paterentur. Ergo is quoque faces ardentes suo sanguine extinxit : liquatum plumbum (tanta erat patiendi sitis) velut fontanam bibit. Leones & ursi cum illis compositi nec animorum, nec corporum vim imminuerunt. Etiam securi cæcos muscæ canesque non ausi sunt contingere; tanta est virtutis etiam apud animantes æstimatio. Utinam homines , qui soli tanti capaces boni sunt, & præmia noverunt, suis hæc animi decora momentis expenderent. Sed eheu , quàm vili venditur innocentia ! *Ex Surio.*

In hac vitâ virtus non est , nisi diligere quod diligendum est : id eligere, prudentia est : nullis inde averti molestiis, fortitudo est : nullis illecebris, temperantia est, nullâ superbiâ, justitia est. S. Aug. Epist. ad Maced.

S. SYLVESTER CONF. 9. Iunii.

VEntura (namque hoc primum SYLVESTRO nomen erat) quo tempore Florentia à B. Jordanis ore tota pendebat, fulloniam illic exercuit, ipse etiam candidissimæ mentis. Quare facilè locum in hoc Jordanis verba invenerunt. Sed rectius illi eodem tempore visus in cruce Christus concionatus est , plagis suis semper ad misericordiam concitandam facundis. Certè semel illi visus cælestis Agnus nunquam postea mente excidit, sed

sed velut semper eadem spectacula expeteret, illa crebrò inter lacrimas, & singultus verba jaculari ad cælos auditus est: *Ad te levavi oculos meos, qui habitas in calis.* Ad quæ verba mirabatur ille, non ad instar ceræ liquefcere hominum corda. Hæc itaque eremiticam vitam persuasere viro, mutato Venturæ in Vincentii tunc nomine. Insidiantem castitati suæ amorem cum sentiret, urticis tergum suum armavit; & ecce fugit ille, & dum flagra timuit, puerum scilicet se probavit esse. Sub hæc, ut tutior inter plures Deo militaret, Camaldulensium cœtui se junxit, & SYLVESTER deinceps dictus culinam primò, tum triclinium curavit, utrumque magno modestiæ, & obedientiæ exemplo. Orationis intereà perquam studiosus, eam imbibit sapientiam, ut jam Fullonē nostrum velut Apollinem doctissimi quique fidei Doctores adirent. Sub extremum morbum iterum Christum aspectabilem habuit. Et cur non oculos SYLVESTRO ille clauderet, ad quem semper ille levavit oculos? *Ex Chron. Camaldul.*

Tibi quondam abjecto, tibi extruso à Paradisi sedibus, tibi in pulverem & cinerem dissoluto potestas data est, ut de longinquo ad tuum revertaris auctorem, libertus efficiaris ex servo, de extraneo proveharis in filium.
S. Leo serm. 2. de Nat.

S. MARGARITA REGINA. 10. Iunii.

CApe has è MARGARITÆ Scotorum Reginae muliebri mundo gemmas, nulli sexui, nulli ætati indecores. Malcolino Regi nupta, omniumque titulorum particeps, nullum cupidius, quàm matris pauperum affectavit, meruitque non in suo tantum regno, quod liberalitatem ejus non cepit;

pit; quemadmodum neque dies in pietatis operâ ei suffecit. singulis noctibus Matutinum, quem vocant, cursum de SS. Triade, tum de Cruce, denique de Virgine Deiparâ absolvit. Annexuit his votivas pro mortuis preces, & Davidis Odaria: quid post hoc pensum somno relictum est? quem tamen ne tum quidem admisit, priusquàm sex pauperum pedes abluisset. Diem sic auspicata est. Novem infantulos, quos à suis neglectos matribus educabat pro suis, nutricularum occupato officio, pascebat cibos ori ingerens, & quidem genibus nixa, ut reverentiùs haberi non possent, si vel cælo lapsi fuissent. Trecentis aliis, sed adulatoribus, partito cum rege ministerio, cibum inferebat. Tum repetitæ preces utique penetraturæ cælum, cum tot pauperum apprecationibus sublevarentur. Idem publicè prodeuntem stipabant catervatim, vile satellitium, sed ad Superos profecturæ percommodum. In cujus itineris procinctu cum semper stetisset, edocta tandem divinitus est, quando migrandum esset. Mortua toto vultu erubuit. Sensisse plausus diceres, quibus tam rara virtus in cælo accepta est. *Ex Surio.*

Septem horarum Canonicarum officia, quasi septem baptismatum lavacra in Ecclesia sunt gremio constituta; ut septem offensionum maculas, quas ex quotidiana vitæ hujus conversatione contrahimus, totidem orationis quotidianæ fluentis expiare conemur. S.P. Dam. op. 10.

SS. BASILIDES & SOCII MM.

10. Junii.

Offenduntur delicati, cum viam iis regiam, quæ ad cælum ducit, stratam crucibus ostendimus; cum per vepreta, quæ Christus calcavit, per

per cruenta martyrum sanguine vestigia ducimus infuetos laborum; monstrabimur ergo nauseabundis compendium, quo BASILIDES, TRIPVS & MANDALES extra ordinem ad cælum sunt perducti. BASILIDES operam suam Platoni viro primario, sed impiæ superstitioni dedito locabat, studiosè argumenta omnia celans, ex quibus agnosci Christianus posset. Non placebat Christo, quòd tam doctè uteretur foro, & tempori peritius quàm conscientiae velificaretur, adversus præceptum suum duobus dominis emancipatus. BASILIDES nihil moratus Platonem deserit, & cum sociis rectà ad littus profectus, in navem incidit, quā instructiorem nulla unquam aqua tulit. Christus ad clavum sedebat, Angeli remigum officium occupabant, nimis profectò familiariter officiosi. Quid metuerent felicissimi vectores? Syrtésne? an ventos? an fluctus? equidem credam optasse omnia pontum esse, & deesse littora ponto: nam certè in portu denique trepidare cœperunt, adversà de Aureliani sævitie famā perculsi. Ausi ergo rogare Christum sunt, liceret sibi siccā morte, & incruentā defungi. Datum id quoque, placidā compositos quiete Angelorū manus cælo intulerunt. Nihil audies suavius: & tamen frontem contraxisti, cum his quoque negatum audires duobus dominis servire. *Ex Mombricit. & P. de Natal.*

Esto humilis & pacificus & erit tecum Iesus: sis devotus & quietus, & manebit tecum Iesus. Potes citò fugare Iesum & gratiam ejus perdere, si volueris ad exteriora declinare: & si illum effugaveris & perdidideris, ad quem fugies, & quem tunc quæres amicum? Thom. de Kemp. l. 2. c. 8.

S. OLIVA VIRG. MART. 10. Iunii.

Nobilis virgo fuit OLIVA. Id si cunis avitis non crederem, monilibus crederem, vinculis inquam, quæ anno ætatis tertio decimo pro Christo gestavit, multum hoc muliebri mundo, & quantum nulla alia virgo, superba. At mors, sive ætati hoc, sive generis splendori dabat, noluit tam pulchram OLIVAM immaturo fato decerpere. Tyrannus tamen ex oculis patriæ (Panormum erat) in exilium transtulit. Nihil minus in hoc florere visa OLIVA. quid? quod cæco eidemque pedibus capto cum luce Christum ostendit, & ad partes Christianorū docuit ambulare; cum alius interea, quod fidem nollet aspicere, oculos amitteret. Hos tamen etiam resipiscenti restituit, & utrumque ad martyrii cursum præmisit, cum ipsa ad eandem gloriam ferius, & ingentibus triumphis grassaretur. Etenim flagris cæsa in silvas est relegata. Gratulatae sunt scilicet sibi hæc de OLIVA, sub cujus umbrâ etiam effera animalia mansuescere, & cum virgine innoxia totum septennium agere visa. Interea homines in feras migrarunt. Nobilis enim juvenus dum feras captat, visâ virgine in retia Veneris se induit. At virgo, *An, ait, dubitatis parcere virginitati homines, cui vim inferre bestia verentur? aut, qui contra feras me defendit, DEVM pugnaturum pro me in feros homines dubitatis?* Dixit, & nassis expeditos turpibus, mox martyres cælo transmisit. Ipsa etiam superatis denuò flagris & equuleo, oleoque ab igne bulliente triumphans secuta, gladio secandam cervicem, caput coronandum cælo dedit. Nunquam pulchrius laurus OLIVÆ se junxit. *Ex Ferrario.*

Nec

Nec cedendum nec recedendum, etiamsi gravis tentationum fervor utriusque hominis statum affligerit: eligamus potius ardere, quàm cedere. S. Bern. serm. 3. de Vig. Nativ.

S. BARNABAS APOST. II. Iunii.

HABUIT BARNABAS patriam Cyprum; magistrum in lege Judaicâ Gamalielem; in Christianâ ipsum Christum. Apud hunc virtus illum in collegium discipulorum LXXII. adlegit; & melior deinde fortuna orbem perambulanti Paulo aliquandiu comitem addidit. Lystris postquam Paulus claudum in pedes erexit, urbs utrumque velut cælo delapsa Numina excepit; jamque aras, & victimas, & geniales coronas paravit, in Paulo Mercurium, in BARNABA Jovem venerata. Et profectò, etsi, ut par erat, divinum honorem longè illi repudiarunt, officio tamen tunc melioris Mercurii functi sunt, DEVMque civibus nuntiarunt. Supervenientes quoque Judæi plausum lapidibus excitarunt, & his tantum non sepultum Paulum, facile hominem non DEVM esse probarunt. BARNABAS etiam Salaminæ à Judæis multis tormentis exercitus, saxis ultimò obrutus, & in ignem conjectus est. Sed ex hoc etiam rogo suum cælo Phœnicem vidisses prodire, integro etiam corpusculo, quod D. Marcus terrâ composuit. Multò post, cum in sedem Antiochenam invasisset nescio quis hæresi pestilenti afflatus, vigilavit pro re Catholicâ etiam mortuus BARNABAS, & Anthimo Salaminæ Episcopo tertium visus monuit, uti communis causæ patrocinium Constantinopoli apud Imp. susciperet; simul etiam indicavit, quo loco ossa sua, & unà volumen, in quo D. Matthæi

Evangelium exaraverat (nobilissima cimelia) reperiret. Et verò utrumque in honore habuit Zeno Imp. & corpus templo augusto honoravit, volumen verò auro inclusit, rectè gemmam esse ratus. *Ex act. Apost. Baron. & Lipp.*

Agnosce dignitatem tuam, & divinae consors factus natura, noli in veterem vilitatem degeneri conversatione redire: memento cujus capitis & corporis sis membrum, & quia erutus de potestate tenebrarum translatus es in Dei regnum & lumen. S. Leo serm. 1. de Nat. Dom.

S. ONUPHRIUS CONF. 12. Iunii.

ONVPHRIUM toto hirsutum corpore, & rara humani cultûs retinentem vestigia, poterat sanè silvarum monstribus, & Satyrorum generi accensere Paphnutius, si in externâ specie substitisset. At ubi congressus vitæ genus moresque didicit, dubitavit hominemne potius an Angelum diceret. In Thebanâ regione monachum indutus, cum de Anachoretis fando accepisset, egressus in loca sola Angelum vitæ comitem habuit. Nactus deinde novi instituti magistrum, in tugurium palmâ inumbratum deductus est. Inde illi cibus, menstruo proventu; panem & aquam Angelus afferebat quotidianus minister. Octavo quoque die, ut delicatius vesceretur, is quoque, quem propriè Angelorum panem appellamus, majore pompâ, & debitâ Numini est advectus. Et potuit credo ONUPHRIUS hâc Cælitum amicitia beatus hominum oblivisci: certè septuaginta totos annos mortalem non vidit, donec, quem nominavi, Paphnutius Dei jussu morituum invisit, ut è silvarum latebris tam rara virtus eo præcone protraheretur

traheretur in lucem. Mortuo Angeli cecidere
 lessum : palma & casa quasi desiderio viri , &
 alium quemeunque dominum indignantes pro-
 cubuerunt. Quid ad hæc nostra juvenus , mori-
 bus juxtà capillisque luxuriantibus in Nabucho-
 donosorem citius, quàm ONVPHRIYM degenera-
 tura ? Ex vit. PP.

*Comas aut vestes supervacuas curare, vel infelicitum
 est, vel injustorum. Nam quid ex talibus expectandum
 aut suspicandum, nisi ut lascivus ille ornatus feminas
 pratercuntes invitet, aut alienis matrimoniis insidietur?*
 S. Bas. de Legend. lib. Gentil.

S. PEREGRINUS EP. M. 13. Iunii.

CETHEVM in cunis , in tumulo PEREGRINVM
 dixere. Aternensium Pontifex fuit , cum è
 Langobardis in urbe tyrannidem Alais & Umblo
 obtinerent. Horum ille sævitiem detestatus, Ro-
 mam ad commune orbis asylon D. Greg. Pont.
 Max. transfugit. Sed populus Aternensis PEREGRIN-
 NVM jure optimo jam olim suum repetiit, & verò
 judice Gregorio etiam obtinuit. Interea cum nec
 ista regna socium ferrent , tyranni duo armis inter
 se collisi sunt, & Alais in suum præsidium, sed exi-
 tium urbis tertium hostem Vitalianum Comitem
 introduxit. Tunc verò , auctore CETHEO, cives
 arma capiunt victumque Alaim, & vinctum Um-
 bloni tradunt. Mox tamen adest CETHEVS , & vi-
 tam capto orat. Sed quæ alteri prodelle studuit,
 sibi etiam nocuit misericordia. Umblo Alais fa-
 ctioni CETHEVM favere credidit. Quare utrum-
 que ad gladium damnat. Cæso Alai cum carnifex
 Pontifici instaret, omnes ad officium vires amisit;
 at non consilia tyrannus. ex ponte in Aternum

294 VITÆ SANCTORVM. 13. Iunii.
fluvium jubet præcipitari. Enatanti saxum jubet
appendi ingens, iterumque mergi. Sed vel mor-
tui virtus supra aquas se extulit, docuitque etiam
saxa natare. Tumulum deinde primum ignoto
Arrianenses dederunt, unaque PEREGRINI no-
men. Illum facibus suis cælum nobilitavit; quod
ipsum miraculum testis, & ipse miraculosus (cæ-
cus) vidit. Ex Ferrar.

*Si aterni Patris inhabitare domum, si rei caelestis
paricidii teneri nolumus, tetras invidia excludamus in-
sidias: invidiam armorum caelestium viribus compri-
mamus: quia sicut nos Deo jungit charitas, sic à Deo in-
vidia sejungit.* S. Chrysol. serm. 4.

S. ANTONIUS DE PADUA C.

13. Iunii.

ANTONIUS, quem vulgò Patavinum dicunt,
S. Francisci discipulus, suis ad concionem
verbis à flagitiosâ vitâ quàm plurimos revocavit.
Eam ob rem cùm oculi dolerent inferno hosti,
decumbentis in lectulum spiritum elidere fauci-
bus interceptis aggressus est: sed ille unico MA-
RIÆ nomine simul viam loquelæ fecit, simul infi-
diatorem in fugam dedit. Hæreticum, qui sacræ
Eucharistiæ cultum negaverat, ad saniores men-
tem & ipsum reduxit. Cùm enim mulus impii à
negato aliquàm multis diebus, sed præbito de-
mum lautè pabulo, ad ANTONIUM vocatus accur-
risset, sanctiusque epulum pronus in pedes ado-
rasset, sapere à jumento suo etiam dominus didi-
cit. Pro concione funebri lucrionis cujusdam,
palàm edixit, illum æternis inferorum flammis
addictum esse, ejusque adeò rei indicium fore cor
illius non pectore, sed arcâ cum nummis suis clau-
sum.

sum. Præter alia multa, quæ fecit admiratione dignissima, puerum demortuum vitæ reddidit, quò is parentem ANTONII de homicidio accusatum innocentem absolveret. Supremum ægrotantem CHRISTVS invisit, obitum verò ejus per urbem fando infantes vulgarunt, quò minori eloquio, hoc majore virtutis præconio. *Ex Surio.*

Toto mentis affectu beatissima Virginis nos intercessionibus committamus, ejus patrocinia omni nisu imploremus; ut dum supplici obsequio eam frequentamus in terris, ipsa nos sedulâ prece commendare dignetur in calis. S. Aug. in F. A. B. V. hom. 3.

S. HELISEUS PROPHETA. 14. Iunii.

Profuerit juventuti, HELISEI Circenses ludos spectare; redeat inde modestior, & reverentior canæ ætatis. Bethelensis pueritiæ grex calvitiæ sancti senis vernaculis jocis proscindebat. eam dicacitatem urfi duo, quadragenis binis è toto numero conceptis, castigarunt: ne ferulas tantum, sed & feras puerilis lascivia sibi metuentas existimet. Cætera illius viri prodigia quis memoret? aquarum cursum stixit, amarorem correxit, oleum auxit, lepram deterfit, infœcundis conjugibus prolem dedit, orbis reddidit; genti suæ insignes victorias, eidem fame laboranti gratuitam annonam præbuit. Illud æternâ memoriâ dignum, & identidem parum fidentibus Deo suggerendum. Obsessus à Syris, jamque pro desperato à familiari servulo defletus, paventem hoc promisso erexit: *Noli timere: plures enim nobiscum sunt, quàm cum illis.* Trepidanti nihilominus oculos prece aperuit, & diffusa toto monte auxilia ignitasque acies ostentavit. Hostibus vicissim suis offusâ

oculis animisque caligine, torpentibus ducem se obtulit, eoque deduxit, unde si jure in eos agere libuisset, pedem nunquam erant relaturi. Hoc tu robur animi pallio Eliæ imputabis. rectè: sed cur times, qui in baptismo JESVM Christum induisti? *Ex 4. Regum.*

Sit in gestu tuo gravitas, in incessu honestas: nihil dedecoris, nihil lascivia, nihil petulantia, nihil insolentia, nihil levitatis in te appareat: animus enim in corporis gestu apparet: & species corporis simulacrum est mentis, figuraque probitatis. Isid. l. 2. Soliloq.

S. VITUS MARTYR. 15. Iunii.

Iberalius cælum Romæ etiam pueris triumphum non negat. Certè VIRVS adolescentulus duodecim annos natus plures jam tyrannos, eosque inter parentem triumphavit. Flagra enim primò Christianâ fortitudine concoxit, & poterant videri aërem verberasse non VIRVM tortores, nisi & his, & unâ Valeriano Proconsulî manus diriguisset. Restituit tamen hanc martyr tyranno, ne quem vinceret, deesset. Hinc aulâ est inclusus à mulierculis, & ceteris illecebris instructâ, quò blandiore, hoc periculosiore scilicet carcere. Sed prælianti Cælites adfuere tantâ luce corusci, ut lucem curiosi parentis oculis eriperent. Et hos tamen, quò filium sæpius victorem vel invitus videret, ingrato reddidit; ipse, atrociora patre supplicia meditante, Angelo remige usus, in alias terras trajecit. Decrevere nimirum cæli, ut Romæ etiam triumpharet hæc virtus. Huc itaque evocatus, è Diocletiani filio malum hospitem orcum pepulit; sed stipendia tulit vincula. Ad bestias deinde damnatus, etiam has citius cicures, quam

quàm tyrannum reddidit. In ollas porrò injectus, igne ac pice timendas præ thermis suis has Diocletiano laudavit. Ad extremum ex equuleo à genio tutelari ad ripas Silari asportatus, placidè inter umbras arboris animam victricem cælo transmisit, puer, si annos; senex, si triūphos numeremus. *Ex Surio.*

Neganda sunt terrena omnia, ut melioribus abundemus, & contemptu universorum Christus sequendus est; & spiritualium Æternitas terrenorum est damno comparanda. S. Hilarius in Evang.

S. LANDELINUS CONF. 15. Iunii.

IN latrones incidisti, quisquis è bonorum sodalitio in malorū contubernium transisti. Hoc adeò LANDELINO crede. Hic è primâ Gallorum nobilitate, & à puero inter literarum & pietatis studia educatus, dum aures vocanti Deo claudit, aperit avocantibus; dum amicis esse amicus ad aram studet, penè ad inferos fuit. Certè quem inter religiosorum hominum cohortes militare cognati noluerunt, inter publicos prædonum manipulos mereri viderunt. I nunc sanguis, & aspergi maculam generis splendori querere, cùm in Dei servitium abeunti tui; at tu adolescentia audi, quantum custodi Angelo debeas! Diripiendis cujusdam ædibus nox erat dicta à LANDELINO. Sed fortior mors LANDELINI familiam prior diripuit, socium subitò auferendo, quem in paucis ille charum habebat. Ob id tristiori, in somnis bonus genius astitit, & malum socium à peioribus geniis ad inferorum flammās abripī monstrans, *Heus*, aiebat, *an & nunc socius huic eris?* Enimverò non placuit jam Theseum esse, Pirithoo ad orcum ab-

N. 5

eunte.

eunte. Damnat proinde vitam pristinam, ter supplex ad DD. Apostolorum it limina, & post extracta compluria cœnobia, & MAGNÆ MATRI templum, post edita miracula, sub annum DC.L. cilicio, & cineri incubans, sanctè emoritur. Ubi tunc socii olim peccantis? crede iterum LANDE-LINO, quisquis cum pluribus peccas, aut solus flebis, aut serò flebis. *Ex Surio.*

Melius est habere malorum odium, quàm consortium: sicut bona multa habet communis vita Sanctorum; sic plurima mala societas affert malorum. Isidor. l.2. soliloq.

S. BENNO EPISC. 16. Iunii.

BENNO ex illustri Saxonum sanguine monachus, ex monacho Misnensium Pontifex, Slavos sub CHRISTI jugum egit. Captus bello Saxónico ab Henrico IV. Imp. & libertati restitutus, Romam abiit, pars magna illic Concilii futurus: inde redux templi sui claves, quas in Albim, cum iter ingrederetur, abjecerat, in pisce recepit: pedo aquam è terrâ, precibus ex aquâ vinum dedit; sibi per undas viam stravit: manibus Cælitum, non semel ad suos per magna itinerum spatia compendio est transportatus. Misniæ Marchionem, quo die alapam ab eo acceperat, hoc eodem, anno vertente, morituum dixit, & vatem fuisse mors minimè mendax ostendit. Claruit innumeris semper miraculis; tum præcipuè, postquam Monachium Bojorum caput translatus est. Ibi ille pugnante in se populi pietatem beneficiis quotidianis certat vincere, certamine hoc etiam jucundiore, quòd clientes vel victi triumphant. *Ex Hieron. Emsero.*

Cogita peregrinationis tua miseriam, cogita vita humana

humana pericula, cogita fragilitatem propriam; & ejusmodi cogitatione, si perseveraveris, parum senties quicquid foris videtur molestum. S. Bern. serm. de om. SS.

S. TYCHO EPISC. 16. Iunii.

DAmus Euclionibus mancipiis pecuniæ rei augendæ magistrum doctoremq; gratissimæ artis, quâ granaria frumento stipentur, numusque in arcâ crescat. TYCHO is est, ætate puer, sed cano sensu, avari parentis filius, multò tamen peritior pecuniariæ venationis. quod vel hinc intelligas. Pater oneratum panibus in forum miserat: puer indignatus unciarium quæstum iis venditis rediturum, è merce stipem facit, eamque in obvios pauperes effundit. Patri æs reposcenti artificium suum aperit; panes apud Christum in fœnore positos, & quidem centuplicato. eam in rem se syngrapham accepisse. Pater nulli rei præterquam oculis suis crediturus, puerilis fidei experimentum in horreis quæsit: & ecce tibi quæ pridie vacuefecerat, importatum divinitus frumentum ægrè ceperunt. Eâdem facilitate cellas replevit. Aridum vitis surculum & pridem exsuccum humi depanxit, neque vitam illi modò, & germinandi vim, sed perpetui etiam gloriam miraculi contulit. Uaus enim ille palmes, quo die anniversaria TYCHONIS memoria peragitur, sub initium rei divinæ liventes uvas ostentabat, quæ ante sacrificium finitum ad maturitatem percoquerentur, præcocem suo satori vindemiam præbituræ. Quid ad hæc avari? In scholâ Pluti negant recepta esse paradoxa Christi. *Ex Meneis.*

Quid vereris fluxum & fragile bonum facere sempiternum? aut thesauros tuos custodi Deo credere? ubi

non furem prædonem quæ timeas, non rubiginem, non tyrannum: qui apud Deum dives est, pauper esse nunquam potest. Lactant. in Epit. Instit. c. 12.

SS. QUIRICUS & JULITTA MM.

16. Iunii.

Datur optio; exempla Christianæ fortitudinis à trienni puero, an feminâ malis petere: hujus sexûs, illius ætas convitium facient ignaviæ tuæ, si detrectas vel desperas sequi hos duces; & audies sanè quod olim Augustinus: *An non potes quod iste & ista?* Exercebat Tarsi quæstionem de Christianis Alexander. JULITTA QUIRICVM filiolum ultro ad tribunal non duxit, sed tulit, puto ne unicum Abrahæ in hanc rem facinus ostendi generi humano posset. Alexander in disparem prædam non eodem affectu grassatus, matrem atrocissimè, filium blandissimè excepit, haud scias in leoninâ an vulpinâ pelle nequior. Certè QUIRICVS illius receptus sinu, appetitus osculis, inescatus promissis, nullum, neque plorandi, neque quiritandi finem fecit; cum JULITTA contrà pendens in equuleo, & taureis conscissa, gemitum nullum ederet, ut propriâ amborum confessione constaret, utrius conditio esset iniquior. Consumptis lacrimis, imbellia etiam arma expeditit triennis heros, & nuper natos dentes tenerosque ungues strinxit in adulatorem suum, luctando effecturus, ne mitior in se, quàm in matrem esset. Et potitus est voto suo; Alexander ad tribunalis gradus victori animam elisit. Quid mater? nunquam lætiore vultu suum pignus aspexit, idemque beneficium poposcit, ut quàm citissimè eum assequeretur. Imperavit: laniata ungulis, perfusa pice cervicem securi

securi subdidit: sed quantumcunq; properaret, filius cælū subeunti jam coronatus occurrit. *Ex Sur.*

Non solum effusio sanguinis in confessione reputatur, sed devota quoque mentis servitus immaculata quotidianum Martyrium est. Illa corona de rosis & violis plectitur, ista de liliis. S. Hieron. in Epitaph. Paulæ.

S. LUDGARDIS VIRG. 16. Iunii.

Nulla pulchrior virginitate est virtus, quæ DEVM etiam hominis facit rivalem. Ambierant LVDGARDIS thalamum complures, nec ignobiles terræ filii, & ex his familiarius uni fortè loquebatur, cum ei sanctior sponsus CHRISTVS pectus suum, & in pectore cor faucium ostendit, & extra hoc nihil deinceps jussit quærere. Inde videlicet humana omnia usque adeò illi jam vilescere, ut præter crucifixi nullos amores sciret, præsertim ubi ab ejusdem vulneris nectare ebria, tota jam ibi habitabat, ubi sanctior amor degit. Deposuerat DEI MATER apud LVDGARDEM querelas suas, quibus filium ab Albigenibus hæreticis iterum in crucem agi dolebat. Hic ut luctum virgo suum testaretur, VII. annorum sibi jejunium indixit, alterumque æquè longum pro peccantium salute adjecit, & subinde SPONSVM irato PATRI vidit supplicem, & vulnera velut clypeum pro orbe perituro objicientem. Martyrii desiderio tam bulliebat in amante sanguis, ut arteriam aliquando ruperit, cælumque idem præmium, quod martyribus sponderit. Sacrum epulum adire inter Angelos non semel, quandoque etiam inter Mariæ & D. Joannis comitatum visa est. Ante obitum oculis orbata, nunquam tamen magis cælestia, quàm tum vidit. Morienti enim tum

302 - VITÆ SANCTORVM. 17. Iunii.
MATRE, & aliis Cælitibus obuius SPONSVS venit:
quibus ducibus in cælos abiens, errare etiam cæca
non potuit. *Ex Surio & Lippeloo.*

*Putásne Filium Dei reputat JESVM, quisquis ille est
homo, qui ipsius nec terretur comminationibus, nec at-
trahitur promissionibus, nec præceptis obtemperat, nec
consiliis acquiescit? S. Bern. in Serm.*

S. RAINERIUS C. 17. Iunii.

RAINERIUS Pisanus cupiditatum æstu abre-
ptus, ad infames adolescentiæ scopulos nau-
fragium innocentiae fecit: enatauit tamen arre-
ptâ pœnitentiæ tabulâ, & Sacerdoti expiandum se
stitit. Sed obstitit noxius pudor, ne omnia probra
deregeret: donec Angeli voce silentium incre-
pantis animatus bonâ fide se reum peregit. Judex
confesso mulctam nullam imposuit, professus
ejus arbitrium cæleste sibi numen reservasse: ex
eo tempore cum finem flendi nullum faceret, ocu-
li cum lacrimis extillarunt, tanto parentis dolore,
ut vitam abrupturus sibi fuerit, nisi Deus precanti
lumen reddidisset. Publicus deinde pœnitentiæ
præco factus, reversusque Hierosolymis inusita-
tam in paternis ædibus Mephitin est odoratus.
Causam indaganti, ita olere opes, Christus respon-
dit, cæterumque luxus apparatus. Ergo iis quo-
que abdicatis, Hierosolymitanum iter rudi sago
indutus repetiit, ad durissimas leges vitam omnem
exigens, maximè postquam sobriè cum viro sacra-
ro prandentis linguam vespa aculeo fodit, velut
temperantiæ vindex. Posthac enim ad panem &
aquam obsonium nullum adhibuit: condimenta
ramen cælo petebat, sæpe Christum cum Matre
habere convivas solitus, quod prodigiis omnibus,
quæ

quæ plurima patravit, illustrius fuit. Hoc illum contubernium sanctum fecit, miracula probarunt. Mortem an. M. C. LXI. obiit. Nos ejus virtutes taceremus, si sua olim scelera tacuisset. *Ex Phil. Fer.*

Heu cur erubescis confiteri, quod facere nequaquam erubuisti? Melius est coram uno aliquantulum ruboris tolerare, quàm in die judicii coram tot millibus hominum gravi repulsâ denotatum tabescere. S. Aug. de Visit. Infr.

S. AVITUS CONF. 17. Iunii.

Ostendi utique AVITVM Deus mundo voluit, cui tantam nascenti lucem circumfudit, quantam humani oculi ægrè paterentur. Ipse tamen latebras quæsiuit Mictianensi monasterio abditus, magni nominis famam adeò non affectans, ut nullo se libentiùs quàm Bruti vocabulo compelli audiret, præter spem votumque ad honoratiora munia productus, fugam iteratò iniit, & inter nemorum avia mapale molitus, sibi Deoque vixit. Sed illum nocte intempestâ cælesti radiantem luce subulcus reperit, nullo magno viri incommodo, nisi in eam usque diem elingui, & mutuo signo crucis loquendi facultatem dedisset: quid enim ille prolixius postea, quàm sui medici laudes loqueretur? Ejus præconio proditus, tertiam fugam parabat, nisi Præsulum auctoritate motus, boni publici rationem privatis commodis potiorrem habuisset. Ex intervallo cæco lumen, mortuæ vitam reddidit, quibus rebus adeò populorum adversus eum accensa studia sunt, ut Aurelianenses Dunensesque mortui exuviis inhiantes, propè ad arma venerint. Jam castra castris opposita stabant, concursumque fuisset, ni Leusus quispiam summo gene-

genere vir furentes monuisset, ne crudeli pietate Divum offenderent. Utinam pari studio pro virtutibus certaretur, quas in medio positas nulli invidet nobilissimas sine dubio omnium Reliquiarum. *Ex Surio.*

Vberiore fructum præbet audientibus Sanctorum vita, quàm miracula: Illa exigit imitationem, ista ingerunt admirationem: miracula docent quàm sancti fuerunt; vita verò insinuat, qualiter & nunc homines fieri valeant sancti. S. Pet. Dam. l. i. ep. 19.

S. LEONTIUS M. 18. Iunii.

V Espasiani ævo, LEONTIVS militiæ artibus clarus Christianæ pietatis pœnas dedit, Arcadio mite Cæsaris ingenium in virtutum excidium incitante. Datur Hypatio negotium hominis comprehendendi; is in procinctu febre corripitur; quâ se non antè levandum, Angelo docente, intelligit, quàm Deum LEONTII supplex inclamasset. Dictum, factum: etsi ne sic quidem crudele ministerium deseruit; sed cum Theodulo Tripolim LEONTIO imminens abiit. Enimverò non refugit captatores nobilis præda; quin imò domum deductis, comiterque acceptis, ultrò sese aperuit, sed jam attonitis inauditâ humanitate, & imperii oblitis. Tum demum Hypatius suspicere LEONTII Deum, qui suis cultoribus hos mores, talem indolem daret; eundem Theodulus deprædicare, unaque poscere tam sancto utrumque Numini initiaret. Favit cælum votis, & roscida nubes in imbrem soluta capitibus superfunditur. LEONTIVS tinctos Deo consecrat. Adrianus re intellectâ furere, & nihil profecturis sævitiae artibus tenere veterani pariter & tyronum constantiam; &

hi

hi quidem, post equuleum, uncum, & verbera, capite imminuti sunt. LEONTIVS longâ patientiâ præsidis ingenium lassavit, & totum carnificinæ apparatus exhaustit; donec pendenti continuâ verberatione anima extorta est. Utinam, quemadmodum Themistocli trophæa Miltiadis, ita nobis LEONTII triumphus somnum excuteret! Ex Surio.

Quem bene vivere omniaq; ad Dei cultum referre intelliges, etsi semper in carcere vixerit, vel pauper sepulchro revulsus combustusq; fuerit, si tracti impendendum corpus præbuerit, nihilominus hunc beare, hunc felicem dicere, hunc ad sidera tollere memineris. S. Chrys. ser. de Virt. & Vit.

S. OSANNA V. 18. Iunii.

INter Deum & OSANNAM Mantuanam continuum certamen amoris fuit. Data utrinque acceptaque pignora, quibus neque Deus charius quidquam, nec pretiosius mortales habent. Virgo illibatum pudicitiae florem Deo sacravit: ille vicissim arborem suæ crucis orantis humeris imposuit, ex vero deinceps dicturæ: AMOR MEVS PONDVS MEVM. Omnes certè OSANNÆ cogitationes eò ferebantur: iis maximè diebus, quos amor ejus in cruce pendens fecit sanctiores: cui tamen satis non fuit animo fauciam aspicere, nisi corpori etiam stigmata infingeret, non nisi paucissimis, & in omnia familiaria jura receptis, ut tesseram amicitiae concessa. His ditata characteribus satis utique literata fuit, potuitque in hac sancti amoris scripturâ acquiescere. Accessit tamen auctarium, & sub Deiparæ disciplinâ nostrum etiam Alphabetum didicit: ut his quoque humanæ ruditis elementis proficeret ad magisterium virtutis: neque

que enim quemquam postea puduit tot cælestis sapientiæ insignia circumferentem, prospicientem futura, familiarem Angelis consulere, aut audire monentem. Viri Principes agendas illi suas apud Superos causas detulere, certâ spe victoriæ, si patrocinium suscepisset. Et hoc tantum orbis miraculum anno M.D.V. terras deseruit, ne queri quisquam possit, nullam nostro ævo magnam virtutem gigni. Quid vis? an ulli Deus invidet suam crucem? sed nos delicati humeros subducimus. *Ex Phil. Fer.*

Tolle Crucem tuam, & sequere Iesum, & ibis in vitam eternam: præcessit ille bajulans sibi Crucem, & mortuus est pro te in Cruce; ut & tu tuam portes Crucem, & mori affectes in Cruce. Thom. de Kemp. l. 2. c. ult.

S. BONIFACIUS EP. MART.

19. Iunii.

FUIT BONIFACIUS Ottoni Imp. sanguine, plus amicitia junctus, quæ quidem tanta inter illos erat, ut cum familiariter illum hic compellaret, animam suam identidem diceret. Liberalibus artibus omnibus, musicis præcipuè instructus, dum modulos in æde cognominis sibi D. BONIFACII instruit, cælesti Numine repente afflatus, *heus!* exclamat, *quid vanam ego nominis umbram gero; quid Martyris titulum circumfero, si non victorias etiam & palmas? Superos testor, & cognominem Divum, aut non dicar BONIFACIUS, aut ero.* simul ad monasterium abiit Martyrii tyrocinia positurus. Avelli Ottoni animam suam vidisses. At ille bis tantum in septimanâ cibum capiens crebrò interrim corpus in vepres abiciens ad martyrum patien-

tientiam se durabat. Post Romam profectus, & Archiepiscopatus honore mactatus, & jam ad purpuram aspirare ausus, in Russiam abiit. Ibi post multa ludibria rex cum Divo ita paciscitur. Si rogos geminos, qui juncti flammās sociarent, illaesus perambulare, tum sese etiam in Christianorum sententiam pedibus ambulaturum. Dictum, factum. BONIFACIUS per rogum, rex ad partes Catholicorum transit. Ad regis porro exemplum innumera multitudo confluit. Mox sua laborem præmia secuta. BONIFACIUS à germano Regis capite truncatus, nomini denique suo satisfacit. *Ex Pet. Damiano ap. Sur. in vitâ S. Romualdi.*

Universi Christiani agnoscant se regii generis, & sacerdotalis officii consortes. quid enim tam regium, quàm subditum Deo animum corporis sui esse rectorem? quid tam sacerdotale, quàm vovere Domino conscientiam puram, & pietatis hostias de altari cordis offerre? S. Leo serm. 3. in ann. Ass. suæ.

S. ROMUALDUS AB. 19. Iunii.

Spectator fortè ROMUALDUS adfuit, cum patrens duello germanum suum, sustulit. Itaque cum animo suo putans censuit, quod pater manu, hoc se oculis parricidium perpetrasse. Quare ad noxam expiandam, concedere ad aliquod tempus in cœnobium statuit. Sed familiaritate cœnobitæ, nescio cujus, & aspectu è cælo semel iterumque ad se venientis D. Apollinaris caprus, pedem, ne sæpius offenderet, nunquam jam referre in mundum statuit. Quare fundamenta Ordinis illius jecit, quem hodie Camaldulensem dicimus; qui quidem in quantum brevi fastigium assurrecturus esset, scalæ indicarunt ROMVALDO per quietem

tem visæ, in quibus suos pulchro ordine ad cælum vidit conniti. Neque dubitarunt nobilissimi quique procures ex aulâ Ott. III. Imp. hâc viâ cælum petere. Ipse Imp. Romam abiturus, post reditum iisdem accessurum se spondit. Sed ROMVALDVS illa subjecit: *Si Romam videbis, Ravennam ultimùm vidiisti.* Nec fefellit. Redeuntem mors ex itinere insidiis suis excepit, documento futurum iis, qui cum mundo exire laborant, iter tamen differunt, aut viarum ambages quærunt, cum compendia haberent. Ad Cæsarem quoque Henricum cum venisset ROMVALDVS, velut ad prædam accurrit aula, vestemque ejus pelliceam diripiens, ostendit quanti virum faceret, è cujus veste unicum pilum tanti fecit. Henricus ipse in eam vocem erumpere auditus est: *O anima hæc mea domicilium tuum haberet corpus!* Audi orbis. Cæsaris anima non credidit augustius se posse habitare, quàm in religiosi hominis corpusculo. *Ex Brev. Rom. & Sur.*

Mors non miseratur inopiam, non divitias reveretur, non generi cuiuslibet, non moribus, non ipsi denique parcit etati: nisi quòd senibus in januis, adolescentibus in insidiis est. S. Bern. l. de Perf. sustin. c. 4.

S. JULIANA VIRG. 19. Junii.

Nimirum etiam hæc rosa Florentiæ debebatur, ubi Ordo Servorum VIRGINIS floret. O aulæ mancipia, quid ad hæc VIRGINIS servitia vos? eja discite saltem honestam servitutem servire, neque Virginem erubescite Magistram in eâ arte habere, qui Palladem MARIAM salutatis. Fuit JULIANA è nobili familiâ (Falconeriam dixere) sed à servitium MARIÆ à teneris abducta. Hebdomas illi sic agebatur, ut feriâ IV. itemque VI. ob Chri-

Christi patientis memoriam nihil omnino cibi; sabbatho panem tantum, & fontanam admitteret. Interea tamen animum cælesti pane pascebat, pincernis oculis meras lacrimas affundentibus; Christi tormenta quàm altè animo infixæ gestarit, mors probavit, quæ in adverso pectore manifestam Servatoris à cruce pendentis imaginem ostendit, utique illi similem, quam vidisses, si cor inspexisses. Cæterum multis jejuniis exhausta stomachi dolores contraxit ingentes, & ultimam ciborum nauseam. Et verò terrena, ut quæ nunquam illi sapiebant, facilè neglexit; at divinum cibum cum sic ægra non posset accipere, fame scilicet credebatur ante mortem moritura. Voluit tamen in conspectum afferri Angelorum ferculum, saltem ut oculos famelica pasceret. Nec contenta jussit pectori applicari. Tum denique inter risum blandum expiravit, & ut scires saturam abiisse à mensâ sacrâ, nihil ex epulo sacro reliquum esse visum est. *Ex Ferrar.*

Scit quicumque sensum Christi habet, quantum pietati Christiane expediat, quantum Dei servum & servum Redemptionis Christi deceat, unâ saltem aliquâ diei horâ Passionis & Redemptionis ipsius recolere beneficia. S. Bern. l. de Vit. solit.

S. MICHELINA. 19. Iunii.

Laborabat MICHELINA Pifaurensis eodem, quo matres pleræque, morbo, impotenti erga unicam prolem affectu: ei medicinam facere Syriana piissima fæmina cum vellet, totumque contubernalis amorem Creatori affigere, diu frustra fuit: donec inter preces MICHELINA immutata, animo ausa est cum Deo pacisci, si filii curam in se
rece-

recepisset, nihil in humanis sibi tanti fore, quo vel ad momentum temporis ab ejus servitio avocaretur. Acceptavit conditionem Christus, ei que de cruce pollicitus est, obicem pietatis illius sese amoturum. Regressa domum filium exanimem reperit; cum quo simul ac supervacuas curas tumulavit, opes quoque, & cætera malorum irritamenta sine gemitu abdicavit, omnia vicissim sancti amoris insignia assumpsit: vestem setis horridam cinctu ferreo corpori astringit; flagro ferreo concisum corpus nuda humus excepit: pulvilli vicem truncus fuit: stipe ferè vixit, aut mercedulis sui laboris. Quò quisque à morbis deformior fuit, eò impensius MECHELINÆ charitate sublevabatur: satilque constat exesum elephantiasi ejus osculis persanatum, quibus singula ægri ulcera libaverat. Ad cælum an. M. CCC. LVI. abiit. Flagrum ejus, cilicium, zonaque ferrea in Virginis Salutatæ templo asservantur, sacrae militiae tyronibus monstranda. His armis cælum expugnavit femina. Sperabitis molliora viri? Ex Chron. Minor.

Sic propinquos sicut nosmetipsos odio habere precipimur; ut hos ad aeterna rapientes, eorumque carnalem gratiam, cum præpedit, postponentes, discamus, temperata eos discretionis arte, & convenienter diligere, & salubriter odio habere. S. Greg. 7. Mor. c. 14.

S. NOVATUS PRESBYTER.

20. Iunii.

Non jam Priamum aut Nioben Græcus Parnassus canter in funera sua fœcundos. At nos PVDENTI Senatorii ordinis Romæ viro NOVATVM & TIMOTHEVM filios geminos, totidemque filias PVDENTIANAM & PRAXEDEM gratulamur,
om-

omnes cum ipso patre cælo insertos. Et felicitatem hanc tam sancta familia ducibus Apostolorum DD. Petro & Paulo debet, qui post hospitii tesseram PVDENTEM sacris undis admoverunt, & uti animum, ita animi socium corpus candidâ veste induerunt. Et servavit ille utramque ab omni labe eximiam, ædesque suas commune miseris hospitium fecit. De mortui virtutes hereditario jure sibi debitas liberi certatim involarunt, quamvis vivente, & arridente patre, idem jam fecerant. Ædes in templum versæ; patrimonium in pauperes dilapidatum; tota familia (capita numerabat XCVI.) omnis sacro fonte lustrata; latebræ afflictis Christianis datæ; firmati nutantes; roborati morientes; mortui terrâ tumulati. Sacra à NOVA-TO & TIMOTHEO fratre omnibus ministrata. Denique non jam in templum tantum, sed cælum migrasse domum tam sanctam dixisses. Certè cælo digna ab ipso cælo judicata est nobilissima hæc familia; in quam utinam more veteri transire ignobiles nos terræ filii aliquando possimus! Ex Ferrar.

Voca Deum Patrem, & da operam, quatenus tibi sit celestis vita, divini mores, & forma Deitatis tota tua præferatur in formâ; quia celestis Pater respondentes generi suo filios muneribus ditat divinis; degenerantes ad pœnalem revocat servitutem. S. Chrysol. serm. 71.

S. HEMMINGUS EP. 21. Iunii.

IN HEMMINGO Aboënsi Pont. à primis annis jam cæ morum gemmæ emicuerunt, quæ infusæ olim majestatem decerent; ita jam tum in puero nihil puerile præter ætatem erat. A ludis omnibus alienus, totus studiis seriis jam tunc occupabatur, & in his ipsis unius DEI gloriam quærebat, sem-

semper in cælum collimans unicum scopum suum, sed Christiano homini, ut non aberret, satis magnum. Et talis ille etiam duravit, postquam Collegio Canoniorum adscriptus fuit, nisi quòd tunc, ut alii nummorum, ille virtutum potius censum augeret. Dignum ergo tunc Superi judicarunt, cui D. Brigittæ ortum non sine miraculo nuntiarent. Visa enim est precanti HEMMINGO puella è nube lucidâ librum apertû orbi porrigere, & vox ad aures ejuscemodi allapsa: *Nata est Birgero filia, cujus admirabili voce universus mundus personabit.* Sed & ipse HEMMINGVS pro concione saxa molire, & ad DEVM feros animos voce suâ trahere, & jam Regibus etiam ac Pontificibus reprehensione aures vellicare; omnes interea orationes incipere à VIRGINIS laudibus, & suis scilicet finire. Temporis avarus ad verba otiosa mutus adfuit, ad epulas verò Tantalus. Pro oculorum portis excubabat, ne has ulla femina visa subiret, erantque tam sanctis vigiliis tessera illa verba è sacris nostris: *Averte oculos meos, ne videant vanitatem.* Inter preces sæpè aliò, moriens denique inter easdem in cælum est abreptus. *Ex Vite Aquil. Vastovii.*

Deuste, qui caelestem tibi Patrem vocas, ad caelestem vult tendere naturam, ut generi tanto vita respondeat; ne terreni mores degenerent, quos caelestis donavit & contulit natura. S. Pet. Chrysol. serm. 69.

B. ALOYSIUS GONZAGA

Soc. I. C. 21. Iunii.

MOriturus ALOYSIVS nascendo erat, si non parienti matri Mater MARIA affuisset. Inter prima ejus verba JESVS & MARIA feruntur, boni ominis. Puerulus etiamnum in singulis scalarum gra-

gradibus scalam cæli MARIAM salutavit. Hujus horas quotidie, Sabbatho etiam jejunos dixit. Ad hujus effigiem, quam Florentia ANNUNTIATÆ titulo colit, florem virginitatis consecravit, semper, dum vixit, intactum, quia HORTO CONCLUSO commiserat. Interim catenas flagelli, calcaria cilicii loco, quamvis currenti sponte, corpusculo admovebat, victus vix unciam appendebat, feminarum & chorearum hostis, Imperatricem, quam tres annos quotidie adibat, nunquam aspexit, precibus tam ubique addictus, ut loqui eum angulis dicerent, rectius Angelis dicturi. Aiebat frequenter : *Non videre se, cur non mortales omnes religioni se manciparent.* Et certè Senis cum ad Sodales Marianos diceret, bene multis id persuasit. Ipse, cum ASSUMPTÆ VIRGINIS die illa è cælo audisset, *Societatem JESU ingredi* ; post longas cum patre pugnas, MARIÆ JESVM junxit. Hunc, quoties studeret, in genua provolutus vocare ; hunc sub panis velo latitantem ante & post ludum literarium salutare ; sacrificiis quinis senisve minister assistere, ad conspectum HOSTIÆ lacrimis manare ; cum verò eo epulo frueretur, inundare etiam. Itaque nullius noxæ gravioris sibi conscius Angeli nomen meruit ; ut terra cælum dici posset, si plures Aloysios haberet. *Ex Virg. Cepario.*

Persuasum habere, perinde te Angeli ductum sequi oportere, atque cæcum quempiam, qui viarum discrimina ignorans, ejus, qui baculo gressum illius regit, providentiæ in omnibus confidit. Ex dictis B. Aloysii.

SS. ACHATIUS & SOC. MM. 22. Iunii.

Q uale illud cælo spectaculum fuit, cum dena hominum nallia, pro optimâ causâ & amplifican-

ficando crucifixi nomine , crucibus penderent? Dux felicissimæ multitudinis ACHATIVS fuit , cui contra innumerabilem hostium vim pugnaturus Angelus victoriam spopondit , si Christiana sacra , à quibus alienus tum erat , cum sociis suscepisset. Placita conditio est , Christum adoravit , pugnavit , vicit : utque Deum deinceps ritè coleret , cum victore exercitu in Ararathem montem secessit , ubi , Angelis magistris , omnes Deum amandi rationes felicissimis tironibus sunt infusæ. Quantum profecissent , patiendo , quod nobilissimum Christianæ scholæ experimentum est , demonstrarunt. Quinque in eos reges armati sunt ; qui cum procellam lapidum primum effunderent , ii Christi Athletas non ausi contingere , in funditores rediere. Flagris cum secarentur , terra immanitatem non tulit , totaque intremuit. Quo miraculo permotus Theodorus , cum millenariâ cohorte Martyribus accessit , in præacutas fudes muricesque impulsus , viam complanantibus Angelis , nihil cladis acceperunt. Eò denique ventum , ut quæ Christus tormenta tulit , in iis repeterentur. Ergo spinis redimitti , actique in crucem , per ingens montis spatium pependere optimi maximique testes injuriam cruci fieri , cum mala res , & infelix arbor vocatur : periissent , nisi pependissent. Ex Lippel. & Mart. Rom.

Signum Crucis erit in calo , cum Dominus ad iudicandum venerit : Tunc omnes servi Crucis , qui se Crucifixo conformaverunt in vitâ , accedent ad Christum iudicem cum magnâ fiduciâ. Quid igitur times tollere Crucem , per quam itur ad regnum ? Thom. de Kemp. l. 2. c. ult.

S. PAULINUS EPISC. 22. Iunii.

NOVAM artem PAULINVS docuit; etiam cū nihil est, egenis tamen aliquid dare. Cū enim in amplissimā natus familiā atque ditissimā, quam vocem CHRISTI adolescens Evangelicus non audiit, hic audisset, & in pauperes omnes opes erogasset, Antistes dein Nolanus etiā, cū Wandalorum incursionibus Italia infestaretur, omnes reditus captivis in libertatem asserendis contulisset, jamque nihil suppetere videretur, unde unam spem viduæ filium redimeret; ingeniosius se ipsum servū feminæ addixit, quæ abductum in Africam cum filio scilicet permutavit. Ibi Regis focerum, cujus hortos curabat, de morte regis commonuit. Hic accersitum ubi primū vidit, illum ipsum esse exclamavit, quem nuper inter cæli tribunalia conspicuum habuisset, quique flagellum, quod ad castiganda orbis scelera quondam acceperat, e manu rapuisset; quare & ipsum, & cum eo omnes vinctos Nolanos remisit, navesque in donum frumentarias complures addidit. Nola igitur ingressus, pulchrum de servitute triumphū egit, pluribus eum civibus, quā Scipionem pileatis sequentibus. Sed liber animus corporis adhuc ergastulo clausus tenebatur. Tandem anno CCCC. XXXI. hic etiam vindicias secundū libertatem à morte accepit. At tunc Nola, imò Italia iterum captam se putavit, libertatis suæ auctore amisso. Ex Dial. S. Greg.

Nihil tam divinum homo habet, quā de aliis bene mereri tametsi ille majora, hic minora beneficia cōferat; uterq; nimirū pro suis viribus. Fac, calamitoso sis Deus, Dei misericordiam imitando. S. Greg. Naz. de amore Pauper.

S. MARIA DE OEGNIES. 23. Iunii.

EX amplissimo virtutum MARIE OEGNIA-
 CENSIS viridario flores omnes præter virgi-
 nitatis liliū licet carpere. Hoc enim illi paren-
 tum importunitas invidit, qui invitam nuptiis il-
 ligarunt; quarum vix libato usu, marito continen-
 tiam persuasit, magnā Christi approbatione, cujus
 crucem nunquam sine lacrimis, nunquam absque
 suo aliorūve bono adoravit. Militem genere,
 quā moribus nobiliorem suis præceptionibus
 perductum ad frugem, malus dæmon ad infames
 naufragiis ejus scopulos retraxerat. Id MARIA
 longè absens vidit tamen, & Crucifixi affusa pedi-
 bus, precum finem non antè fecit, quā infelici
 avulsum contubernio, Deo sisteret transfugam.
 Eandem sibi apud Deum patronam animæ piacu-
 laribus ardentes flammis optarunt, supplices non-
 nunquam ad eam manus tendere visæ: & verò
 quid illi cælum negaret, centies per diem flexo
 poplite supplicanti, trecentis plagis laceranti cor-
 pus, atro pane vexanti verius, quā extinguenti
 famem, & sanè non duraturæ inter hæc supplicia,
 nisi Angelorum præsentia foveretur, & familiari
 cum Dei Filio usu, qui subinde suā infantia am-
 bilis, alias agni aut columbæ specie decorus, ei de-
 licias faciebat. Ab hoc illi mira in divinas laudes
 eloquentia, vires adversus inferni larvas suppedi-
 tata, quarum cū se una morienti ingereret, hoc
 ejus convitio fugata est: *Discede sanies, & turpitu-
 do.* Id quā fronte dicent, qui per omnem vitam se
 tam cupidè in hujus belluæ fimero volutarunt?
Ex Surio.

Quid aliud Purgatorius ignis devorabit, nisi pecca-

ta tua? Quantò amplius tibi ipsi nunc pareis & carnem sequeris, tantò durius postea lues, & maiorem materiam comburendi servas. In quibus homo peccavit, in illis gravius punietur. Thom. de Kemp. l. I. c. 24.

S. JOANNES BAPTISTA. 24. Iunii.

IOANNES melioris Solis melior Phosphorus ortus sui nuntium Angelum habuit. Ipse in matre jam sanctus, vix natus est, cum mutum parentem loqui oracula infans fecit. Patriam domum cum eremo mutavit, & cibum locustas ac mel agreste, vestem cameli exuvias habuit. Inde anno Tiberii imperantis XV. viam CHRISTO munire exorsus, non tam verbis, quàm vitâ ad pœnitentiam scelerum hortatus mortales, animorum lavacro initium dedit, quod ipsum Servator sanctius tactu suo reddidit. Hunc ille itaque mundo Agnum ostentare, ad hunc è scholâ suâ discipulos rectius erudiendos amittere, & jam indignum se putare ad cuius vel ultimum servitium descenderet. Sed nimirum se ipso major, sacris etiam vatibus omnibus prælatus, & secundus à CHRISTO ab ipso mee CHRISTO est proclamatus. Et tamen tam charum cælo caput Herodes saltatriculæ filiæ pedibus donavit, & crudelibus oculis pascendis mensæ etiam inferri voluit. Itaque tunc, si unquam aliàs, lautè cœnavit gula. Quæ enim mensa tam nobile caput habuit? *Ex Hist. Evang.*

Ioannes sanctus homo missus à Deo, imò Angelus Dei innocentissimum illud corpus sic castigat, sic extenuat, sic affligit; vos indui festinatis bysso & purpurâ, & splendidè epulari. S. Bern. serm. de Nat. S. Joan.

S. IVAN CONF. 24. Iunii.

Minùs multi à cælo aberrarent, si ducem bonum Angelum suum sequerentur. Secutus hunc præeuntem IVAN Regis Dalmatiæ filius, ne salutatis quidem parentibus, anno L VII. supra DCCC. in Bohemiæ silvas venit, & in his speluncam patriæ aulæ antehabuit. Cum verò locum eum infestum à malis dæmonibus deferere pararet, obvius CHRISTI Prodromus Joannes cedenti animos addidit, & cruce datâ armavit. Hæc itaque signa ubi iterum in hostem vertit, victoriam illi eripuit, & quia maternas delitias aspernatus erat, nutricem DEVS cervam submisit, à cujus lacte, & ambrosiâ cælo depluente satur, facile ex animo matris ubera delevit. Cæterum in pias latebras tandem Borivojus Bohemorum Dux devenit, ducem cervam, quam diximus, secutus, telo trajectam. Multum igitur letus tam felici venatione, hortatu Ludmillæ conjugis lectissimæ matronæ, Tetinam arcem suam abduxit IVANEM. Sed hic exosus aulæ, non multò post in spelæum suum iterum concessit, ubi posteaquàm annos II. & XL. egit, tandem lubens aliquando exivit ad aulam, sed cælestem illam, & in quâ nulli magis, quàm silvicolarum istiusmodi mores probantur. Ex Nicolao Salio.

Dole, quia Creatorem offendisti, cujus legem celestia & terrestria, præter te, indefessâ statione conservant; & in tantâ Republicâ Dei tu solus peregrinus es, & Imperatoris Majestatis decreta non servas. S. Pet. Dam. serm. de S. And.

S. GAL-

S. GALLICANUS M. 25. Iunii.

GALLICANI victorias de Persis Scythisque relatas admirandi, illam, quā seipsum triumphavit, imitandi jus esto. Eò gloriæ venerat, ut Constantiæ conjugium præmium militiæ poscanti Constantinus pater negare nihil sit ausus; modò Scythas Romanis finibus eiecisset. In eo dum est, milites panico perculsi metu, magnam partem dilapsi infrequentia signa reliquere. Anxio eā re Gallicano Joannes & Paulus Constantiæ familiares, voti Deo nuncupandi consilium suggessere. Obtemperantem cælestis strategus crucem præferens, eo fretum signo, cinctumque, quos ipsi adduxisset, stipatoribus, sequi se è vestigio iussit. Ita per attonitos hostes ad ipsum Scytharum regem penetravit. Neque ille ausus hiscere adversus tantam vim, vitam pactus se suaque Gallicano permisit. Inde illi veri Numinis admiratio, ejusque ritè colendi ardor injectus. Romam deportato exercitu, abdicatâ conjugii spe, rebusque humanis valere jussis, seipsum Christianæ modestiæ finibus circumscripsit. Ille orbis terror, & secundus à Constantino Dux, pater pauperum, peregrinorum hospes factus, pedum sordes abluere, ægrorum lectulos sternere, inferre convivantibus cibos, obstupesciente orbe terrarum, visus est. Julianus denique pestis pietatis hanc tantam virtutem proscripsit, & gladio addixit. Decuit nimirum ut toties victor cælum laureatus ingrederetur, triumphalem currum manibus pauperum trahentibus. *Ex Surio.*

Non est periculum quantumcunque te humilies, est autem grande periculum, si vel modicè plus vero te extollas; si vel uni te præferas, quem fortè parem tibi

veritas indicat, aut etiam superiorem. Quapropter noli te comparare majoribus, noli minoribus, noli aliquibus, noli uni. S. Bern. serm. 37. in Cant.

S. VIGILIUS EP. M. 26. Iunii.

VIGILIVM Pontificem Tridento Roma sub-
misit annos non nisi XX. natum, sed jam
tunc, si virtutes numerasses, grandævum. Ergo ab
hæresi urbem, à superstitione deinde omnem latè
viciniam purgavit. Eâdem operâ morbos, dæmo-
nesque hospites è corporibus proscripsit, fana di-
ruit Deorum, & solo Veronensium & Brixiensium
agro templa Deo extruxit triginta. Felicem se
etiam credidit, cum hospes hospitem D. Reme-
dium excepit; sed magis oculos recrearunt homi-
nes mille & amplius, quos omnes à fide aberrantes
in viam reduxit Remedius, & ad VIGILIVM ad-
duxit. Cæterum cœpta inter eos familiaritas sem-
per deinde duravit; & ad morientem in solitudi-
ne Remedium accurrit VIGILIUS, ære campano
ex pacto suapte sponte monente. Justis deinde
persolutis, cum ædiculam Remedii in templum
vellet consecrare, præveniri se ab Angelis per
quietem lubens volens vidit. Porro ad Aunaniæ
etiam populos Legatos misit suos, quos cum im-
pii adorti neci dedissent, ipse in illos movit, debel-
lataque superstitione, ubique locorum trophæum
Christo victori Crucem fixit. Et jam reliqua val-
lis unica Randena erat. In hac illi Superi trium-
phum decrevere. Nam cum unus unicus in ho-
stium cuneos irrupisset, & æreum Saturnum re-
ctius cælo quàm Jupiter pulsurus, dejectum fra-
ctumque in præterfluentem abjecisset, ipseque
jam basi statuæ deinceps insistens, ad concionem
dice-

diçeret, densissimo lapidum imbre petitus, ipsoque triumpho suo est obrutus. *Ex Ferrar. & to. 3. Bav. S.*

Dilectio fraterna omnibus desideriis amplectenda est, quæ tot bona potest habere, quot præmia: custodienda præ omnibus Virtutibus pax est, quoniam Deus semper in pace est. Locum non demus inimico, ne inter mella venena felle amariora confundat. S. Pet. Chrysol. serm. 53.

S. LADISLAUS C. 27. Junii.

LADISLAVM Belæ primi Regis Ungarorum filium, imò **MARIÆ** vides; ita totus ab hujus uberibus, dum vixit, pependit, sed neque mortuus, ut audies, dimisit. Cæterum vix alius regum tot virtutibus aut purpuram ornavit, aut coronam distinxit; ut minus mirer, si legam aulam ejus ab Angelis frequentatam esse. Certè ipse ab Angelo germanum suum vidit coronari, sed & Angelum sub cervi schemate ignitis cornibus locum vidit signare, quo promissam **MATRI MAGNÆ** ædem conderet. Eorundem Cœlitum ope, cum in multis aliis pugnis, tum in duello contra patrum suum Regem Salomonem victor evasit. Etenim cum hic cum uno rem sibi **LADISLAO** crederet esse, conspexit sub congressum, contra duos prætereà Angelos sibi certamen esse, qui gladio jam jam **Salomoni** graves imminebat. Noluit igitur, etsi **Hercules** sibi ipse videretur, in tot tantosque pugnare, sed abjecit arma, pacem coluit. Toties victor **LADISLAVS** coronam tamen ferre **Ungariæ** semper respuit, nobiliorem & immortalem ambiens, quam ut facilius obtineret, facere fortiter pro terrâ sanctâ constituit. In eâ proinde expeditione, cum Dux lectus esset omnium copiarum, ecce

in ipso belli apparatu pulcherrimâ morte occubuit. Mortuus porro, & currui impositus, sine jumentorum hominumque ope in templum, quod ab eo VIRGINI structum memoravimus, non tam vehi, quàm currere visus est. Obstupuit ad miraculum orbis: at non ego etiam. Nam cur filium mirer ad Matrem suam decurrere? *Ex Ant. Bonfin.*

Omnis delectatio hujus mundi, universa ejus gloria, quidquid denique in eo concupiscitur, prorsus modicum est, in illius beatitudinis comparatione; si tamen vel modicum dici debet, & non potius nihilum, & vapor ad modicum parens. S. Bern. serm. de S. Clem.

S. POTAMIOENA V. M. 28. Iunii.

F Elices nos, bona si nostra, si quæstum virtutis & certa pietatis vectigalia noverimus: quantillo possumus ditescere! POTAMIOENA Alexandrina virgo formæ causâ cum multis conflictata procis, & in illo certamine superior, ex amoris palæstrâ in scenam crudelitatis transiit, ut ad pudoris lilia constantiæ laurum adjungeret. Aquila homo sanguinarius carnificinæ præerat, ejus in POTAMIOENAM omnem atrocitatem effudit, certus fidem illi vel vitam eripere: jactatam per omnia tormenta, denique ad rogam cum Marcellâ matre damnavit. Virginis ducendæ cura Basilidi demandata non omnino experti humanitatis, & mitiori ingenio, quàm pro tam barbaris ministeriis. Is ergo insultantem virgini multitudinem compescuit, magisque fidi custodis, quàm licitoris munus explevit. Hoc tantillum officium ne suo auctori periret, curæ sibi fore, moritura virgo promisit. Neque defuit dicto fides. Triduo à mor-

te

te exacto, ad Basilidem revisit, eiꝛue coronam civicam velut servatori suo imposuit. Ille ex donativo benevolentiam Numinis æstimans, statuit integrum stipendium mereri, & confestim auctoratus Christo, fidem illi abscisso capite probavit. I, dic magno constare cælum: quantulum dedit Basilides, ut ex liçtore Martyr fieret? Ex Euseb. Hist. Eccl. lib. 6. cap. 4.

Sanctorum Martyrum esto discipulus: Hi ardentem rogum virtute Dei & fide vicerunt: vince igitur & tu ardentem concupiscentiæ flammam. Cruciatus superaverunt, spe, quæ est in Christo, subnixi; tu quoque turpes passiones pudiciæ & cogitatione pietatis superare contende. S. Ephr. de Laudib. SS. MM.

SS. PETRUS & PAULUS. 29. Iunii.

Rectius hodie Roma, misso cum Remo Romulo, conditores suos PETRUM & PAULUM salutat, quando huic melioris orbis imperium capite suo pepererunt. Et PETRVS quidem, qui pro CHRISTO in terris rem Christianam administravit, quæ ad ignem peccaverat, semper oculorum imbre plectens, cum captus, & in vincula datus ab Herode, ab Angelo exemptus esset, morbos passim omnes vel umbrâ suâ fugasset; demum orbem in Urbe adortus, CHRISTI signa primus Romæ intulit. Hic ubi præstigiatores Simonem in cælos (ut ipse quidem ajebat) volantem humi dedit præcipitem, Neronis furori cedens, CHRISTVM obvium habuit, qui rogatus quò iret, Romam ire se ad alteram crucem respondit. Implevit vaticinium CHRISTI continuo PETRVS; sed ut Magistro honorem cederet, inverso corpore tolli in crucem voluit, quò capite terris hoc pedibus cæ-

lo jam propior. Jam PAVLVs ille cæli etiam ante fata civis, ille nominis JESV per omnem orbem præco, post edita miracula, & literarum oracula quàm plurima, hoc ipso die PETRO triumphanti collega additus, securi percussus est. Caput sanguinis loco primò lac, deinde ter geminos fontes totidem saltibus dedit, oleum interim effusum, JESV nomen clamando immiscens. Agnosceres tam pretiosis liquoribus refertum Electionis Vas esse. *Ex Hist. Eccl.*

Pro nobis facit Apostolorum vita, & doctrina, & mors ipsa: Etenim in conversatione continentiam, in predicatione sapientiam, in passione suâ patientiam nobis contulerunt. S. Bern. serm. 3. de SS. Apost. Petro & Paulo.

S. ERENDRUDIS ABBATISSA. 30. Iunii.

ERAT ERENDRVDIS D. Ruperti Noricorum Apostoli neptis, non tam sanguine huic, quàm virtute propinqua. Itaque magisterium in DEO devotas virgines jam tunc, cum in Galliâ adhuc ageret, exercuit. Sed uti Rupertum virorum, ita ERENDRVDEM mulierum nec minùs potens invidia cedere è Galliâ coëgit. Itaque inter auxiliares copias, quas fidei bono in Boicas terras induxit Rupertus, etiam hanc numeravit, & exædificato ad Juvaviam Deiparæ honori Parthenone, illic collocavit virginem, matremque aliarum virginum voluit esse: quod officium illa sic implevit, ut non harum modò, sed pauperum omnium mater audiret, quibus tectum victumque; nunquam nō præbuit. Pedes etiam eorum lavare, ulceraque; velut gemmas gaudens tractare. Ipsa mensē accumbens, non tam corpus cibo, quàm animum piis de DEO collo-

colloquiis reficiebat, quo ut frueretur, dici non potest, quàm abire è vitâ properarit. Tumulum ejus ingentia miracula coronarunt: unum alterumve denarro. Monachus in hereditatem D. ERENDRVDIS invaserat, ausus partē salinarii montis sibi asserere: & occupavit ille terram, quam petiit, sed subito fato in ipso loco, & perjurio extinctus. Aliam expertus est Henr. S. Cæsar, qui morbo tentatus, amuletum è collo suspendit anulum aureum, reliquiis virginis (gemmis utique grandibus) gravem. Atque hunc cum amisisset ille, & ab infesto morbo iterum oppugnaretur, præsentem iterum medicinam ad tumbam ERENDRVDIS reperit, ut qui se Henrico tunc debebat orbis, idem ipsum Henricum ERENDRVDI deberet. *Extom. 6. lect. ant. Canis.*

De terrâ es, & de terrâ vivis, & in terram revertaris. Certum est, quia morieris; sed incertum quando, & quomodo, aut ubi: quoniam ubique mors te expectat, tu quoque, si sapiens fueris, ubique eam expectabis. S. Bern. l. Med. c. 3.

lo jam propior. Jam PAVLVs ille cæli etiam ante fata civis, ille nominis JESV per omnem orbem præco, post edita miracula, & literarum oracula quàm plurima, hoc ipso die PETRO triumphanti collega additus, securi percussus est. Caput sanguinis loco primò lac, deinde tergeminos fontes totidem saltibus dedit, oleum interim effusum, JESV nomen clamando immiscens. Agnosceres tam pretiosis liquoribus refertum Electionis Vas esse. *Ex Hist. Eccl.*

Pro nobis facit Apostolorum vita, & doctrina, & mors ipsa: Etenim in conversatione continentiam, in prædicatione sapientiam, in passione suâ patientiam nobis contulerunt. S. Bern. serm. 3. de SS. Apost. Petro & Paulo.

S. ERENDRUDIS ABBATISSA. 30. Iunii.

ERAT ERENDRVDIS D. Ruperti Noricorum Apostoli neptis, non tam sanguine huic, quàm virtute propinqua. Itaque magisterium in DEO devotas virgines jam tunc, cum in Galliâ adhuc ageret, exercuit. Sed uti Rupertum virorum, ita ERENDRVDEM mulierum nec minùs potens invidia cedere è Galliâ coëgit. Itaque inter auxiliares copias, quas fidei bono in Boicas terras induxit Rupertus, etiam hanc numeravit, & exædificato ad Juvaviam Deiparæ honori Parthenone, illic collocavit virginem, matremque aliarum virginum voluit esse: quod officium illa sic implevit, ut non harum modò, sed pauperum omnium mater audiret, quibus tectum victumque; nunquam nō præbuit. Pedes etiam eorum lavare, ulceraque; velut gemmas gaudens tractare. Ipsa mensæ accumbens, non tam corpus cibo, quàm animum piis de DEO collo-

colloquiis reficiebat, quo ut fruëretur, dici non potest, quàm abire è vitâ properarit. Tumulum ejus ingentia miracula coronarunt: unum alterumve denarro. Monachus in hereditatem D. ERENDRVDIS invaserat, ausus partē salinarii montis sibi asserere: & occupavit ille terram, quam petiit, sed subito fato in ipso loco, & perjurio extinctus. Aliam expertus est Henr. S. Cæsar, qui morbo tentatus, amuletum è collo suspendit anulum aureum, reliquiis virginis (gemmis utique grandibus) gravem. Atque hunc cum amisisset ille, & ab infesto morbo iterum oppugnaretur, præsentem iterum medicinam ad tumbam ERENDRVDIS reperit, ut qui se Henrico tunc debebat orbis, idem ipsum Henricum ERENDRVDI deberet. *Ex tom. 6. lect. ant. Canis.*

De terrâ es, & de terrâ vivis, & in terram revertaris. Certum est, quia morieris; sed incertum quando, & quomodo, aut ubi: quoniam ubique mors te expectat, tu quoque, si sapiens fueris, ubique eam expectabis. S. Bern. l. Med. c. 3.

J. U L I U S.

S. RUMOLDUS EP. MART. I. Iulii.

Quid mirum, ô parentes, si quos vobis DEVS tantisper concedit filios, cum lubet, aufert iterum? Suum ille repetit, & quas vos in liberis delicias quæritis, amore, si fas est dicere, etiam ille deperit. Ita RUMOLDVM Davidis Scotorum Regis filium, non nisi precibus extortum, in tempore sibi iterum vindicavit, Angelo misso, qui juvenem edocuit, quantum æternatura regna perituris antistarent. Quare RUMOLDVS cælo jam tum oculos circumferens facilè sponsam, sceptrũ patrium, & adeò humana omnia despexit. Sed & Pontificatum Dublinensem, cum patre demortuo ad regni gubernacula abstrahere illum cives vellent, fugâ deseruit, iterum ad hoc optimo consiliario Angelo usus. Hoc tam bono Duce Romam, inde in Brabantiam profectus Adoni Comiti precibus suis apud DEVM filium impetravit, & hunc ipsum, ut bis se RUMOLDO deberet, aquis haustum in vitam restituit. Inter hæc dum templum alienâ liberalitate, sed suis curis, ædificat, geminæ operæ consilium viri è medio tollendi ceperunt, opum, quas ingentes penes ipsum credebant, hereditatem paricidio adituri. At tanti sceleris merces fuit nummus tergeminus repertus. Corpus in fluvium abjectum cæleste prodidit lumen, quod omnem ab eo loco noctem fugabat. Extraxere igitur pisces RUMOLDVM mortuum, ingentem tamen vel talem Adoni comiti prædam. Ex Lippeloo.

*Expecta quotidie finem vitæ, & ad iter illud te para;
quâ*

quâ enim horâ minimè putas, mandatum afferetur: vae autem illis, quos tunc imprudentes opprimeret & imparatos. Cordis compunctio est curandis hominum animis medicina. S. Ephrem de Vitâ spirit.

S. EBERHARDUS EPISC. 1. Iulii.

EBERHARDVS gente Bojus, genere Comes, Ecum è Collegio Bambergensium Canonico- rum ad Religiosorum se juvenis transtulisset, à suis inde nolens extractus & in Gallias est aman- datus; ut (quod hodie etiam amat fieri) cum veste mores sanctos & sanctiora proposita poneret. Sed non præpotuere Numini amicorum inimica con- filia. Redux enim in idem monasterium se abdi- dit; Biburgensi dein Asceterio, mox etiam Salis- burgensi Episcopatu jussus præesse, in miseros, si quisquam alius, pius fuit. Itaque Promum Con- dum etsi seniculum insequi hospitem Biburgo Ra- tispnam usque compulit, & quem transeunti ne- gayerat, vini haustum deferre: ipse, cum Italiam peteret, ægræ mulierculæ equum cessit, & pedes Apenninum conscendit. Elephantiacorum cum & corpora & animos curaret, reddente ex his uno cum vomitu Divinum Epulum, ore suo omnia excepit, nec multò post cognovit, sub ægro illo CHRISTVM latitasse virtutis suæ exploratorem. Dum vixit, nulli unquam quidquam MARIÆ no- mine petenti denegavit, ideoque mortuum non- nemo sinu MAGNÆ MATRIS velut infantem fo- veri vidit, & nectare, quod ipsa illi VIRGO libavit, inebriari. Quid hîc agitis Sodales Mariani? Ma- trem esse vestram MARIAM vultis? pauperum pa- tres este. Et profectò aut filii MARIÆ non estis, aut Fratri EBERHARDO sinum invidetis. *Ex tom. 2.*

Henric.

Henric. Canis. & tom. I. Bav. S.

Vtinam sapiamus ad præsentis vitæ moderationem! utinam intelligamus ad præterita correptionem! utinam devotâ in Deum fide provideamus, ut felicem habeamus, ipso miserante, consummationem! S. Bernard. in serm. 2. de SS. Pet. & Paul.

S. SIMEON SALUS CONF. I. Iulii.

QUisquis vestium splendorem quæris, cum SIMEONE, si oculos habes, videbis, si animum, etiam indues. Nempe cœnobium ingresso cum adolescentulus nuper religiosâ veste indutus occurrisset, vidit cœlestem inter comitatum multo lumine insignem & Angelico habitu regiâque coronâ exornatum incedere. Quare eandem dignitatem cum JOANNE fratre tam diu ambivit, dum uterque est potitus. Sed & Philosophum videsis in uno SIMEONE geminum; Heraclitum inquam & Democritum, sed Christianum. Nemo alius tam doctè aut flendo risit, aut ridendo deflevit mundi insaniam. Nempe Emesam urbem ingressus mortuumque canem fune trahens omnes pueros post se, mox omnem civitatem traxit, fuitque Sapientiæ Magistro risus, plausus; convitia & verbera, merces, & ingens quidem nihil aliud querenti. Interea risum comitata sunt compluria miracula. dæmones mali alapâ pulsi, cantu proscripti; carbonēs sive in pallio sive in manu, innoxii splendorem virtutis prodidere. oculi sinapi, aceto, alioque curati, hæretici & infames mulierculæ sapere à Stulto docti, qui scilicet jam oracula etiam dabat. Et fuit cum flagello urbis columnas aliquam multas castigavit, illud addens *state: saltandum vobis est.* & ecce saltarunt illæ terrâ movente, sed

sed steterunt cadentibus aliis. Pueros alio tempore quamplurimos perbenignè salutans in ludo supplicavit pro his Magistro, ne cæderentur, quòd longum illis iter instaret. Et hoc eis nimirum mors indixit paulò pòst per urbem grassata. SIMEONIS quoque funus cùm pauculi homines curarent, adfuere Angeli, & leßum an epinicium? cantarunt totius Orbis Mimo. *Sur.*

Per Christum sensibus innovatus abjectâ seculi huius figurâ, formam tuam in formam tui reduc Saluatoris, ut novitas sensuum tuorum in tuis actibus elucescat, & celestis homo celesti habitu jam gradiatur in terrâ. S. Pet. Chrysol. serm. 120.

VISITATIO B. Mariæ V. 2. Iulii.

REDIBAT in astra Numinis ad MARIAM legatus, quem venturum terris nuntiaverat, cælo venisse nuntiaturus. At VIRGO Deo jam plena visendi ad cognatam Elisabetham studio in viam sededit. Hanc monstravit, qui sub utero ivit comes, ingens MATRI, sed dulcis sarcina. Hic viæ laborem temperabat, hic properantibus pedibus alas addebat, ut expeditior nunquam iverit MARIA, quàm sic onerata. Jam sub aspectum mutuum venerant geminæ cognatæ, jam in amoris vincula brachia coiverant, cum gaudio gestiens in Elisabetha infans VERBUM in utero latens ex utero prodidit, jam tum vox clamantis. Tunc novo prodigio virginitas sterilitati, & sterilitas virginitati: fœcunditatem est gratulata: tunc, quas texere Angelus cœperat Mariæ laudes, pertexere Elisabetha, Domini Matrem salutare, quæ Ancilla venerat, super omnes illam mulieres efferre, ipsum cum primis laudibus in cælum tam sancti uteri hospitem

spitem tollere. Itaque oraculis domus personare, VIRGO lætitiâ etiam ipsa exultans, quo DEVM magnificaret, carmen canere, cui omnem palmam vates concedent. Cerrè ut Superi delicati sint (quippe dulci semper Musicæ allueti) tunc tamen terræ cantus probarunt: nec hodie puto facilius aures Marianis præbent, quàm MARIAM MARIÆ verbis laudantibus, tunc præsertim, si vox Virgo accedat, quam dicere ausim tam libenter audiunt Angeli, quàm nos Angelorum audimus. *Ex Hist. Evang.*

Sit in singulis Maria anima, ut magnificet Dominum; sit in singulis spiritus Maria, ut exultet in Deo: Nam etsi secundum carnem una mater est Christi, secundum fidem tamen omnium fructus est Christus. S. Amb. l. 2. Com. in Luc.

S. OTHO EP. POMERAN. APOST.

2. Iulii.

OTHONEM Pont. Bambergæ Suevia donavit. Præter Xenodochia, structaque vel reparata templa quàm plurima, monasteria exædificavit XXI. Hominum Deo sacratorum aspectu præcipuè delectatus gaudebat his sive sacrificaturis, sive ad mensam accubituris ministrare & fercula osculo condire. In Pomeraniam cùm movisset superstitionē expugnaturus, multæ illi pugnæ fuere, sed victor, etiam, cùm vapularet, abiit. Tandem manus dedit Regio, postquàm Pont. verbis blandis & munusculis captos duos adolescentulos, illi alios, hi alii iterum alios & parentes deniq; ipsos ad sacra nostra induxerunt. Ita post OTHONEM Apostolos Pomerania pueros habuit, quos, ubi sacro fonte lustrati sunt, à profanorum societate remo-

remotissimos voluit, ut neque jam lusus illis communis esset, quorum mores dissimiles esse oportebat. Bambergam redux vitam reliquam egenorum subsidio porro impendit, magno operæ pretio. Nam vidit nonnemo in altissimo monte (Olympum diceret) ab omnis ætatis & sexûs hominibus palatium OTHONI è solidis gemmis adornari. Quid igitur superbia architectos toto orbe conquiris, ut cælum tibi in terris struas, quando obviis hos quotidie habes? Si nescis, cæci sunt, qui aream rectè designabunt: claudi sunt, qui tam pulchra saxa convehent; manci debilesque rectè absolvent, & in cælum tam nobile ædificium educant. *Ex DD. Bamberg. Gretseri.*

Dulcis Domini JESV memoria, ô juvenis, fixa semper inhereat in mente tuâ: ut exercitationis tuæ cursus palma coronam accipiat. Tempus enim instat, in quo strenui premia, ignavi ignominiam accipiant. S. Ephrē de Exercitatione.

S. LANDFRANCUS EP. 3. Iulii.

Nobiles cunas LANDFRANCUS Papiæ Italiæ urbe habuit, nobiliores nutrices, Musas. Harum in sinu non profanam modò, sed & sanctiorem sapientiam imbibit, ut *Lumē Magisterq;* Theologorum jam tum audiret. Sed poterat hic Magister amplius in fortunæ ludo quid discere. Ecce enim dum Gallias petit, in uno omnes captivæ bonæ artes abducuntur. Tulit ægrè ab initio servitutem tam liberaliter educatus; obstrepentibus puto in vinculis, liberioribus, è novem, Sororibus. At rectius severiores monuere. Et, nimirū, agebant, *hoc tu fortunæ didactron etiam Magister debebas; discipulus sanè hujus, si in captivo liberum errare animum nescias;*

nescias ; Si poëta es, absolves fabulam: si orator, persuadebis animo deditiōem. Iam philosophus Orbem, etiam in hoc angusto carcere perambulabis; denique si Lumen es, si Magister, pulchrius in tenebris lucebis, & DEVM è vinculis laudabis. Ad hæc LANDFRANCVS tam cœpit amare servitutem, ut amissus ex hac continuò cœnobio se mancipaverit, utque in scholâ tam sanctâ rectius proficeret, illiteratus videri voluerit. Sed Itali institores, quibus iter illac erat, aperuere, quàm doctæ merces sub rudi cucullo lateant. Itaque primò scholis, mox asceteriis, tum etiam Cantuariensi Ecclesiæ præfectus, anno M. LIX. nobilem hæreticum Berengarium, spectante & applaudente Româ, devicit. Triumphum tamen illi mors in annum LXXXIX. distulit. *Ex Arnoldo Wion.*

Hujus vitæ dulcedinem relinquentes, jam nunc de futuris sæculis quotidie cogitando etiam in hoc corpore prægustare conemur; & exclusâ de sensibus nostris secularium desideriorum amaritudine, quendam beatitudinis saporem cordibus nostris attrahamus. B. Cæsar. hom. 26.

S. UDALRICUS EPISC. 4. Iulii.

Multum ætas tenera nutricibus debet, quæ lac dederunt; plus illis, quæ pietatem instillarunt. Ipse è cælo UDALRICVS adstipulabitur. Hunc puerum VViborada sanctissima virgo leviculè fortè cinctum castiore de lino cingulo donavit, jussitque primò liberioribus sermonibus nec linguam daret nec aurem; tum, quos mundus socios dictitat, hostes duceret; mollem Cupidinem cilicio absterreret, ejus flammis sub pectore grassantibus, verbis Ecclesiæ in adjutorium DEVM exciret,

exciret, simul digito in focum immisso incendiis incendia opponeret; feminas denique, vel se feminā auctore, fugeret. His monitis velut lacte virtus UDALRICI crevit ridentis iridentium coævorum turbam, qui cum ludibrio, sed sine mendacio, Sanctum jam tum clamabant. Sed graviora testimonia jam Pontifici cælum dedit, è quo manus delapsa sacrificare cum UDALRICI manu est visa: Fluvium nunc in perforatā navi, nunc sine illā siccus trajecit: Contra Barbaros Augustam Vindelicorum obsidentes Ottoni Imp. præsentia suā nobilem victoriam peperit: VIRGINIS Augustanæ bona adversus rapaces manus tutatus commilites Cælites habuit, qui variis pœnis in prædones pugnarunt. Multis aliis miraculis illustris factus tamen est pœnas se Numini debere, quòd successorem sibi nepotem (ceterà dignum) legisset. Proinde non nepotes sed pauperes fecit hæredes, in quos moriens etiam supellectilem sparsit. Sed nimirum sic vasa colligunt Pontifices in cælum migraturi. *Ex vitâ.*

Quid tibi necesse est, in eâ versari domo, in quâ necesse habes quotidie aut perire aut vincere? Quis juxta viperam securos somnos traxit? quæ etsi non percutiat, certè sollicitat. Securius est, perire non posse, quàm juxta periculum non perisse. S. Hieron. Ep. 47.

S. VVILHELMUS ABB. 5. Iulii.

BOjariæ hic VVILHELMVS debetur, ex qua oriundus Monachum Ratisbonæ induit. Hic omnibus omnino artibus excultus, Mathesin tamen præ cæteris coluit, quod multa atq; præclara monumenta ipsius loquuntur literis consignata. Eloquentiæ tantæ erat, ut sanctiorem Orpheum dices,

diceres, qui saxa etiam traheret. Præsul Hirsau-
giensis in miseros tam pius fuit, ut his vestiendis
non semel panem se ipsum nudarit. Sed nimirum
fœnus à nullis majus, quàm ab his ipsis, qui redde-
re nihil possunt, avarus speret. Hoc certè VVIL-
HELMVS tunc tulit, cum in suorum usus pondo ar-
genti V. ab ignotâ terris sed non etiam cælo manu
abstulit. Quid jam horrea memorem, quæ, quòd
VVILHELMi liberalitas exhausisset, subitam mi-
ramque messem; quid cellam, quæ effuso per ne-
gligentiam vino, novam in dolio vindemiam vi-
derunt? quid piscatum felicissimum? cum missum
sæpius in aquas rete præter laborem inanem diu
nihil, post imperio Divi Christi que nomine im-
missum ingentem piscium prædam retulit. Taceo
hæc aliaque à morte miracula; & revocatam per
VVILHELMVM ad primas leges D. Benedicti per
omnem ferè Galliam & Germaniam familiam, &
ad Religiosæ vitæ amorem vilissimaque in hac
munia excitos Nobilissimos juvenes laudo, pesca-
tum priori longè præferendum. Cæterum astra
sua VVILHELMVS propioribus oculis aspexit an-
no Christiano M.XCI. *Ex Trithemio.*

*Eleemosynam, quantum possumus, & quamdiu vivi-
mus, & ipsi habere, & aliis impendere festinemus, ut
securi possimus in die Iudicii dicere; Da Domine, quia
dedimus; nos fecimus quod jussisti, tu imple, quod pro-
misisti. B. Cæsar. hom. 15.*

S. GOAR CONF. 6. Iulii.

Iure meritissimo inter Apostolos suos GOAREM
numerant Trevirenses, ut quibus ille supersti-
tione implicitis inter primos DEVM nuntiavit.
Sed dum illum æquis auribus vel maxime audivit
popu-

populus, iniquis invidia oculis spectavit. Quare more suo subornavit, qui apud Archiepiscopum innocentiam ejus insimularent. Gemini erant & fraudibus & mendaciis compositi. Eos GOAR ad se venientes, ut vindictam Christianam sumeret, amicè accepit & ad mensam invitavit. Sed eadem invidia, quæ non nisi infelicitate GOARIS pasci, nec bibere nisi hujus sanguinem avebat, respuit aliis famem aut sitim pelleret. Quare ex itinere defecissent scilicet, nisi semper ad vindictam vigilans GOAR feras Christi imperio advocasset, & earum lacte recreatos hostes animam sibi fecisset debere. Ad tribunal Archiepiscopi ubi ventum, luce clariùs meridianâ apparuit innocentem esse GOAREM, quando pallium suum in ipsius solis radiis suspendit. Adhæc ex puero projectio cum jussu Archiepiscopi nomen parentis quæsiisset, ecce facundissimus infans linguâ digitoque ipsum Archiepiscopum prodidit. Erat hoc scilicet absolvere reum & Judicem damnare. Quare populus ad infulam GOAREM velle vocare, & cum respueret, vim amicam inferre. Sed ab hac iterum illum ægritudo absolvit, quam precibus à cælo extorsit. Præstare credidit morbo quàm ambitione laborare. *Ex Surio.*

Procul contentiones, procul lites, procul maledicta mitantur, & quia laqueus est mortis lingua susurronis & bilinguis, parcat unusquisque anima sua, ne in supplicium suum vincula sibi mortis innectat. Ama pacem & tranquilla sunt omnia. S. Pet. Chrysol. serm. 53.

S. GODELEVA MART. 6. Iulii.

Quoties fallit Amor, positâque larvâ tyrannum se ostentat? Ecce hic etiam dies exemplum

plum oculis exhibet. Adverte animum quisquis blanditiis ejus credis neque fallacias caves. Deperibat GODELEVAM nobilem virginem nobilis item juvenis Bertulphus. Verum cum primum ex voluntate parentum domum Sponsam deduxit, amor ille omnis in odium degeneravit, & primam jam nocte aspectum non sustinuit ejus ferre, cujus absentiam mortem nuper crediderat. Quare vel enecare vel certe à sese abigere aggressus, non nisi unicum panem quot diebus dedit. At illa patientiam ad omnes injurias obarmata, cum multa animi grati significatione accepit, & hunc ipsum cum pauperibus sibi communem esse voluit tam diu, dum fugam ad parentes nudis pedibus coacta fuit arripere. Cæterum cum sacri homines sese interposuissent, iterum domum GODELEVAM duxit Bertulphus, sed efferendam. Siquidem binis servulis ad omne scelus exercitatis, ut laqueo, dum ille domo abit, suffocarent innocentem, imperavit. Virtuti cælum pluribus portentis parentavit. Nam panes, qui sub funebrem diem in miseros erant spargendi, in furno numerum suum longè superaverunt. Aqua, in quam abjectum funus erat à parricidis, medicinam morbidis propinavit. Ipsa humus in loco supplicii egesta in lucidissimas gemmas abiit, ne amplius quisquam dubitaret pretiosam in conspectu Domini mortem Sanctorum esse. *Ex Surio.*

Libidinis vitium expelles, si orationi assidue incumbes & sobrietati; si mentem à malis cogitationibus cohibebis; si nullum proferes vanum verbum; si ad templum accedes frequenter; si mortem & diem Iudicii identidem recogitabis. S. Ephrem. de vit. spirit.

S. VVILLIBALDUS EP. 7. Iulii.

A Nimæ cælo natæ eheu ! exilium amamus, patriæ obliviscimur. At non ita VVILLIBALDVS è regiâ Anglorum stirpe pulcherrimus flosculus. Vix enim mundum seque adeò circumspexit, cum illico peregrinum agnovit, ideoque exire hinc quàm ocyus, nec solus voluit, sed in laudatissimi facinoris societatem VVunebaldum Fr. & VValpurgam sororem, quin Richardum etiam regem parentem excivit. *Si nescis, Pater, peregrini hic etiam reges sumus. Quin igitur is, quò SS. virorum per omnem orbem vestigia, atque adeò Christi te ducunt. Exi, ah ! exi regno ! nisi exis, scilicet efferere.* Ergo purpura penulæ, sceptrum baculo, corona galero cedit ; atque ità digna Regibus Anglis expeditio Romam, inde Hierosolymam adornatur. Ultimum, ut hanc etiam suæ peregrinationem cruces comitarentur, in illo itinere patrem, in hoc oculos amittit. Recepit tamen hos ad urbem sanctam appulsus, viditque deinceps tam bene, ut excæcatis tum à Gentilitiâ superstitione Germanis dux à Gregorio Pont. datus fuerit, quem quidem annis XXXVI. egregiè præstitit, & nobilem hodie Episcopatum Eystetensem condidit. Sed inter omnia ejus (quæ multa & immortalia) facinora, illud princeps est, parentem è regno secum ad DEVM abduxisse. Eant nunc deliri senes, querantur ultimo ætatis adminiculo orbari sese, ubi è mundo filius abit. Ab eundo VVILLIBALDVS, an non parenti scipio fuit ? *Ex Philippo Eystet.*

Semper tibi displiceat quod es, si vis pervenire ad id, quod nondum es. nam ubi tibi placuisti, ibi remansisti.

Semper profice; noli in viâ remanere; noli retro redire; noli deviare. S. August. ferm. 5. de verb. Apost.

S. PROCOPIUS M. 8. Iulii.

S Aulum aut Saulo simillimum Neaniam vides: quippe à Diocletiano Alexandriam missus, quò Christianos illic exscinderet, & ipse Christum obvium habuit, & quidem è cruce sibi loquentem. Multum igitur se aberrasse animadvertens aliam viam deinceps ingressus est, & fabrefieri sibi ex auro crucem fecit illi geminam, quam nuper viderat. Hæc signa vix intulit Agarenis, cum nobilem victoriam abstulit. Sed, quod mirere, victori bellum alterum, bellum crudele mater movit, quæ pietatem filii, quâ fractos pedibus aureos argenteosque Deos pauperum manibus in spoliis iussit cedere, sub impietatis nomine ream egit. Sed victo omnibusque tormentis exercito patronus cum Cælitibus Christus adfuit, & sanguine jam suo pulchrum sacrâ undâ amplius lavit, & abhinc PROCOPIUM dixit. Atque hic ille PROCOPIUS est, qui unus contra omnes carnificum manipulos stetit, quiq; prius quàm gladio cervicem ipse, sibi Tyrannum non unum subiecit. Qua in re iterum Paulo similem illum rectè dicemus; in illo etiam superiorem, quòd Christo moriturus filius matrem peperit. *Ex Metaphr.*

Si invenis melius, quàm videre faciem DEI, illuc te prepara: va tali amoris tuo, si vel suspicaris aliquid pulchrius, quàm est ille, à quo est omne pulchrum, quod te teneat, ne illum cogitare merearis. S. August. in psal. 43.

S. CHI-

S. KILIANUS CUM SOC. MM. 8. Iulii.

V Ti Hiberniæ Italia Columbanum, Gallum Suevia, ita Francia Orientalis KILIANVM debet. A Musis mansuetioribus ad omnem humanitatem efformatus Monachū induit, & Sacerdotio initiatus cœnobii præfecturam accepit. Sed ingenuus qui in pectore bulliebat sanguis maiores ausus est honores sperare, & generosâ morte Martyrū nobilitatem velle mercari. Igitur in Britanniam, mox inde in Galliam, per hanc in Germaniam se penetravit, & Herbipolim Franciæ Orientalis metropolim pervenit, Colomanno & Tornano viæ propositique pulchri comitibus. Vix crucis signa explicata, cum debellata superstitio, & ipse Dux Francorū Gosbertus sub jugum Christi est missus. Sed restabat cum muliere bellū, semper viris etiam periculosum. Geila hæc fuit fratris olim Gosberti conjunx, tunc pellex hujus, & quia hanc consilio KILIANI Dux ædibus parabat ejicere, ipsa prius KILIANVM sociosq; (absente Duce) vitâ ejecit, & corporibus Divorum stabulum superædificavit. Monitus KILIANVS ab Angelo de morte obviâ hostibus processit, iisdemq; verbis, quibus Christus Judam, salutavit. Martyrum porro sanguinem linteo excepit matrona Burgunda. Locum stabulantes equi nullis sordibus contaminarunt. Sicarii malè omnes perierunt, fuitq; qui sceleris sui furiis agitatus clamaret, nunquam non sibi imminere gladium KILIANI sanguine calentem. Ipsa Geila pœnas datura carnificem dæmonē habuit. Ex Sur.

Beatus, qui ab omni abhorret turpitudine peccatorum; seque hostiam viventem & Domino acceptam offert. Beatus, qui semper in seipso Dei memoriam colit;

erit enim totus velut Angelus celestis in terrâ cum reverentiâ & amore sacrificans Domino. S. Ephrem in Beatitudinibus.

S. LANDRADA V. 8. Iulii.

SCITÈ LANDRADA Virgo genus suum, quod è Principum Gallorum stemmate ducebat, novit æstimare, dum despectis, qui multi illam deperibant, terræ filiis omnibus, uni Agno intactam servavit sese. Doluit id multum parentibus, ut qui generos, qui nepotes sperabant. Sed maluit illa familiam emori, quàm virginitatem; & satis se oblectabat numerosâ, quam domi alebat, pauperum sobole. His illa ultima servitia exhibere, interim pretiosum pudorẽ sub vilibus ancillarum pannis tegere, denique quò tutior hic foret, in ultimas solitudines asportare; si tamen solitudines rectè dicimus, quas ab adventu ipsius Cælites deinceps cantu suo frequentarunt, lumine exhilararunt. Et fuit, cùm hi ipsi, festiva inter tripudia, Mnemosynon illi à sponso crucem artificiosam è cælo detulerunt. Huic illa mox aram; aræ templum; templo se suaque dicare ad ultimum vitæ diem usque. Ab hoc spectabilis Lamperto Episcopo tumulum eo in loco se velle significavit, in quem delapsa primùm Crux foret: quod ne fieret, cùm homines intercessissent, bonam operam boni Angeli locarunt, suisque manibus castissima membra eò deportata composuerunt. Tam nobiles Virtus Vespillones habet. *Ex Surio.*

Memor esto arrepti propositi, & imaginẽ tibi propone Crucifixi: Benè verecundari potes, inspectâ vitâ JESV Christi, quia nec dum magis te illi conformare studuisti, licet diu in viâ DEI fuisti. Tho. de Kemp. l. i. c. ult.

S. ANA-

S. ANATOLIA V. M. 9. Iulii.

RECTÈ liliū dixeris virginitatem, sed spinas
 easque plurimas inter. Vel ANATOLIA palam
 id facit, pulcherrimi candoris & ipsa liliū, quod
 ubi carpere proci impudens desperavit, ex ama-
 tore hostis factus; Fidem apud Judicem accusa-
 vit, cujus castimoniam non potuit. Itaque ex ve-
 teri sed pessimo more in exilium virtus mittitur.
 Sed fallor. patriam putasses, ita in honore etiam
 ibi fuit. Etenim cum Diodori Viri Consularis fi-
 lius (Anianum dixerunt) à malo genio correptus
 sæpenumero discruciarī ab ANATOLIA se clami-
 tāssēt, quin ruptis subinde vinculis ad illius pedes
 abjectus, missionem tandem accepisset, ilicet ea
 fama totum Piceni agrum pervasit, ut jam com-
 mune omnium morbidorum asylon virgo exul
 esset, jamque tam felix exilium invideret Decius,
 ideoque huic vincula, equuleos & flammās super-
 adderet, quin etiam Audacem nobilem magum
 evocaret, qui immanem in virginem serpentem
 armaret. Sed pepercit hic virginitati, non item
 magistro suo Audaci, utpote in cuius collum ita
 invasit, ut nisi manum auxiliarem virgo tulisset,
 pereundum illi ab hoc collari fuisset; quam tamen
 sic Audax cervicem serpenti, Christianus postea
 gladio non subduxit, quo ANATOLIA denique
 etiam trajectu pudorem sanguine tinxit, hoc est
 liliis rosas miscuit. *Ex Surio.*

*Si nobis sputa, quæ sine peccato projiciuntur, horro-
 rem faciunt in vestibis nostris, putas cogitationes libi-
 dinosæ, quas diabolus ingerit, qualem horrorem faciunt
 Deo in animabus nostris? B. Cæsar. hom. 3.*

S. FELICITAS M. 10. Iulii.

FELICITATEM in manibus habes, matronam in quâ unâ omnem Spartam Roma extinguit. Stat ecce ad tribunal plena animis, & qui matrem coronat, globum filiorum in tyrannum agit. *Ne, ne oculos in tyrannum filii, aut quas hic minatur pœnas, sed calum, sed quæ calum promittit gaudia, defigite.* Ite, ostendite etiam suos Romanis Machabæos esse, implete nominis mei omen; facite ut sim, quæ dicor, Felicitas. Septem estis, si pueri, certè numero tyranno superiores. Sed & mater adero, pugnabo in singulis, in omnibus triumphabo. *Votum pugna hoc est, ut nostrum ex acie vivus nemo discedat.* Talia mater filiis: at matri tyrannus colaphos ingerebat. Mox JANVARIUS virgis cæsus ridet puerile tormentum. Negant FELIX & cum PHILIPPO SILANUS sive à fratribus sive à Christo avelli posse. Jam ALEXANDER clientelam Imperatoriam offerenti Christi se Libertum respondet. VITALIS porro edicere Judicem jubet dæmonine malo an Deo Opt. serviendum? Denique rectissimè MARTIALIS cassis minis serias Orci pœnas opponit. Has itaque inter pugnas, plumbatis, fustuario, præcipitio ferroque omnis fraterna acies cadit. Et potuit in septem Germanis trecentos Fabios spectare Roma. FELICITAS certè spectavit, & oculis suis tot sibi oculos crui videre sustinuit, dum ultima à ferro est mortua. Si tamen mori jam potuit septies mortua. Ex Surio.

Quid tempore judicii facturi sumus, quando contra Crucifixi Domini livores nota peccatorum nostrorum, & macula libidinum proferentur? quo vultu respiciet redemptio nostra perditionem nostram? tantò graviora erunt

S. GOLINDUCHA M. II. Iulii.

PArcius multi cœnarent, si cum GOLINDUCHA nobili apud Persas matronâ. Epulo assidebat illa, cum ecce tibi, dum alii gulam, ipsa Superis invitantibus oculos suos pascit. Tollit hos Cælo, & quæ Cælites convivia actitent, spectat; poni ambrosiam, misceri nectar videt invidetque. Inde ad inferos demittit, & esurire micam, sitire guttam epulones, interque hos, pro dolor! etiam parentes suos advertit. Ipsa scilicet ad Christum Christi que fidem se vertit. Succensuit conjunx, sociamque thori ad Saporem Regem fide minimè maritali desert. Hic octo ipsos annos in carcerem; tum quatuor menses in antrum compingit à dracone infessum. Cum hoc etiam monstrum virtus domuisset, in infamem cellam abducitur; sed hinc à Tutelari Angelo educitur. Inde ad supplicium rapitur; sed ab hoc iterum eripitur. quòd tamen nimium quantum sanguinem pro Christo gesseret fundere, vulnus in jugulo, sed ab hujus cruore medicinam omnis id loci æger accipit. Hoc porro monili superba GOLINDUCHA cum locos à viris sanctis nobilitatos permultos adiisset, cælo tandem se intulit, & inde ad Saliarum epulas suas etiam oculos Marianorum invitat. *Ex Menais & Theophylacto.*

Quid tam pavendum, quid tam plenum anxietatis, & vehementissima sollicitudinis excogitari potest, quàm judicandum a stare illi tam terrifico tribunali, & incertam adhuc expectare sub tam districto iudice sententiam? S. Bern. serm. 8. super B. qui habitant.

S. JOANNES GUALBERTUS.

12. Julii.

EN vatem, en pauperum Patrem, en Ascetarum Magistrum, miris multis maximisq; illustrem! Nosse vis unde illi hæ artes? semina audi melioris vitæ. Petit JOANNES armigero stipatus Florentiam patriam urbem: angusto in calle obvium habet hostem à cognato sanguine calentem. Scilicet in iras animus, in gladium GUALBERTVS assurgere, & parricidium certè homicidio velle pensare. Quid ageret saxum inter & aram hostis? Ecce bonum in arenâ consilium! ad genua irati descendit, utque ignoscat per orantem è cruce pro hostibus suis Patronū Christum orat. quid expectas? vincit brevis sed fortis eloquentia. iris animum, ferro manum exarmat. verbo, amici discedunt. Sub hæc in ædem sacram JOANNES pèrgit, & ecce Icon suffixi in crucem Christi capite annuens gratias habet ex suo nomine inimico veniam non neganti. Quid ad ista, ô Pyrrhæ genus? vos inquam, quibus pectus immite plusquàm æs triplex asperat, jurati hominum & in homine DEI hostes, & quos hoc unum juvat, non solos perire. Judice precante, reo non ignoscitis rei? tantus è cruce Orator, tot ora vibrans quot vulnera non persuadet? lignea movet se imago, vos duratis? annuit Christus, vos abnuitis? Ite, ite Sampsones egregii, & tumultum hosti, sed unà vobis parate. *Ex Surio.*

Dum nos invicem odio habemus, ita muros civitatis Hierusalem contra nos claudimus, ut nobis nullus aditus remaneat, per quem intrare possimus: nam qui charitatem habere noluerit, quâ fronte ad DEVM, qui charitas est, præsumit accedere? B. Cæsar. hom. 4.

S. JU-

S. JUSTINA V. M. 13. Iulii.

Gemina Dorotheæ JUSTINA est, consimili ferè morte & prodigio à morte consimili illustris. Parentibus orba cum esset, formator hostes illi conciliavit, quot procos. At illa, ut cui in amoribus solus JESVS erat, suam etiam Christianis Penelopen ostendit, & mortales procos facilè cæteros elusit; cum Fabiano Præside plusculum fuit luctandum. Devorandæ enim alapæ, ferenda verbera, & uberum carnificina. Atqui hæc inter supplicia talem JUSTINA vultum præ se ferebat, ut inter paradisi amœnitates, quas unas tunc loquebatur, obambulare sit visa. Et oportebat alteri Dorotheæ alterum etiam Theophilum esse. Zenon hic fuit è judicii subselliis primus. Is, cum virgo ad supplicii locum ridens contenderet, rogavit fructus peregrinos sibi è Sponsi hortis transmitteret. Annuit capite truncanda JUSTINA. Mox latus Zenonis pugio molliter pulsat, & donum à mortuâ virgine strophium missum exhibet. Tunc quoque risit, cum strophium acciperet, qui horti munera sperabat. Sed nesciebat ille sub strophio fructus latere. Hoc enim dum frontem ridens tergit, ecce omnem animo superstitionem abstergit, Christum & se Christianum tam diu clamat, dum lingua è faucibus exsecaretur. Caput demum pro Christo ponit, & quod alii tam grave putant, cælum ridendo meretur. *Ex Ferrar.*

Quousque hic erimus affixi? adhesimus terræ tanquam vermes; in ceno volutamur: corpus de terrâ nobis Deus contulit, ut ipsum in cælum retrahamus; non ut animam per ipsum ad terram detrahamus. S. Chrys. hom. 55. ad pop. Ant.

P 5

S. HEN-

S. HENRICUS IMP. 14. Iulii.

G Emmam Romanæ Coronæ unicam hîc exhibeo HENRICVM. genuere Bojorum Duces, D. VVolfgangus educavit. Quid ni ab his bonum Imperatorem speres? Certè Imperiûm à se ipso auspicatus Virgo idemque conjux in triumphum Cupidinem duxit. Hoc subactò, facilè alios Imperii hostes omnes fudit, tum præsertim, cum Æther illi militavit, & aciem, cui votum ante pugnam fecerat, D. Laurentius & cujus gladio accinctus erat, Adrianus, tum Georgius Angelusque præiverunt. Sed ô lepidam fortunæ faciem! Tantis belli Imperator ecce à pueris vincitur. Obsidebat Trojam Apuliæ urbem, juratus nec imbelli ætati parcere. Cives sive armati, sive supplices in urbem repulsi. Ad triarios nempe res rediit. Erumpit ergo apertâ portâ puerile totius urbis agmen: signum Crux præit; barritus unus omnium, idem Kyrie eleison auditur. quid multis? primâ pugná HENRICVS capitur, & urbs libertate potitur. Adhuc gravior ille conflictus fuit, quem mortuus cum acie infernâ habuisse, Dæmonis, qui rem in suis oculis gestam narravit, fide creditur. Is enim viro Religioso exposuit, nuntasse illic cum lance HENRICI causam, donec iterum suppetias ferens Laurentius, calicem sibi donatum pro clypeo objiciens; rem restituit. Id nisi more suo Dæmon confinxit, præidentem esse oportet, cui cor non palpitat. Ex DD. Bamberg. Jac. Greiseri.

Convertatur amor tuus, ut nihil diligas, nisi DEVM ipsum, aut certè propter ipsum: convertatur etiam ad ipsum timor tuus; quia perversus est timor omnis, quo metuis

14. Iulii. VITÆ SANCTORVM. 347
*metuis aliquid præter eum, aut non propter eum: sic &
gaudium & tristitia convertantur ad ipsum: hoc fiet, si
non nisi secundū eum doleas, aut lateris. S. Bern. de Jej.*

S. BONAVENTURA EP. 14. Iulii.

CONTRÀ quàm hodie fieri amat, BONAVENTV-
RAM mater ultrò Deo & D. Francisco devo-
vit. Apud hunc pietatem doctrinæ ita junxit, ut
dubiam altera alteri palmam faceret. Magnum
testimonium Alexander de Ales est, non peccasse
Adamum in BONAVENTURA. Ipse D. Thomas
miratus raram in viro doctrinam, bibliothecam
suam ut monstraret, rogavit: ille digitum in Cru-
cifixum intendit. Tantus ad purpuram tamen
plus ipsâ purpurâ erubuit. quin quod aliquoties
indignum se putavit, qui sacro Epulo accumbe-
ret? Sed dignum esse Angeli monstrarunt, cū
felicem sportulam ad os BONAVENTURÆ ultrò
portarunt. Moriturus cū vomitu laboraret, la-
teri Cibum Divinum iussit admoveri, & ecce in-
de ad ipsum Cor se EVCHARISTIA penetravit.
Quid jam miramur hoc (uti & caput) multis an-
nis à morte integrum ab omni tabe repertum esse?
Porro, dum vixit VIRGINIS unicè studiosus fuit.
Itaque auctorem eum Sodalitarum inter Laicos,
quos vocant, faciunt. Certè in D. Lucam idèd li-
bentius lucubrationes scripsit, quòd is de VIRGI-
NE plura suggereret. Pulsam quoque æris cam-
pani, quo ex ætate sub noctem venerabundi rex MA-
RIAM salutamus, BONAVENTURA instituit, rectè,
eum humanas linguas laudibus VIRGINIS suc-
cumbere videret, in auxilium vocans ferrea ora
& ferreas linguas. *Ex vitâ & Thom. Bozio.*

Non sic timent hostes visibiles castrorum aciem, sicut

aërea potestates *MARIÆ vocabulum*, patrocinium & exemplum: pereunt sicut cera à facie ignis, ubicunque inveniunt crebram hujus nominis recordationem, devotam invocationem, sollicitam imitationem. S. Bon. in spec. B. V.

S. TUSCANA VIDUA.

14. Iulii.

Audite qui vestrâ jam expugnatâ, alienam oppugnatum itis pudicitiam; pugnae vestrae aleam ex aliorum fortunâ colligite. In *TUSCANAM* oculos sed castos conjicite; cui ad miraculum formosâ nihil è toto muliebri mundo ita ut virginitas placuit. Ergo ad nuptias nobiles imprimis adduci non potuit; trahi, cogi debuit. Et jam liberaverat longiore metu mors conjugis pavidam, cum amor infestus aliâ ex parte bellum intulit. Tres, qui sub Venere merebant, juvenes, impetum in ædes castissimæ facere, & diripere pudorem constituunt. Addit animos visa *TUSCANÆ* forma, imò audaciam pudor proscriptus. Dum precibus illa pugnat, fenestra ordine proditores accipit. Sed ecce ut primum princeps è hostibus intrat thalamum, cadit humo afflictus à malo dæmone. Eadem secundi, eadem tertiæ fortuna. Adsunt interea parentes, veniamque atque adeò vitam victis à victrice *TUSCANA* exorant. Nam hæc precibus suis lacrimisque omnibus vitam infundit. Ergo à morte tergemini adolescentescunt surgunt, narrantque cum lacrimis, quibus illic suppliciiis mulctetur Venus. Mox animos expiant, & jam victuri moriuntur. At *TUSCANA* tot periculis pudorem expositum videns, precibus

precibus & assiduis jejuniis munivit, dum à præsentibus in morte Cœlitibus ad stipendia illis verbis est evocata: *Veni Sponsa Christi TVSCANNA, accipe coronam, quam tibi Dominus preparavit in æternum.* Similem cupis Mariane? vincenti dabitur. *Ex Ferrar.*

Omni studio cave tibi à corpore mortuo in incendio cupiditatis. Objice menti tuæ ignem illum inextinguibilem, & vermem illum, qui non habet finem; & carnis inflammatio confestim extinguetur. S. Ephrem. de Exercitatione.

S. JACOBUS NISIB. E. 15. Iulii.

ILle JACOBVS est, qui Pontifex Nisibensis miræ oppidò egit. Pauca è multis hæc habe. Contra jus & æquum sententiam nescio quis Judex tulit. Hic contra Judicem JACOBVS testem produxit saxum verbo in sexcentas partes diffractum. Sub aliud tempus hominem Divo objecerunt fictè mortuum. Ille precibus primò verò mori, tum precibus iterum non fictè fecit in vitam resurgere. Jam Saporì Persarum Regi urbem obsidenti, ita Numine volente, ex muro ipse Imperator esse est visus; mox in ejus exercitum ingens culicum agmen armavit, castrisque tam levi milite exiit. Illud non minus lepidum est. Lavabant ad fontem non Dianæ sed Veneres. Et facile, ne Actæon fieret, JACOBVS oculis imperasset, sed aures invitas procax sermo & leno risus pulsabat. Succensuit improbitati & suas fonti aquas ademit, puellis intempestivos canos addidit. Illicet ad horum aspectum erubescere denique leviculæ, & lacrimis fontem velle reparare. Et hunc quidem restituit civibus Pontifex, at canos (quò cum his saltem

saperent) perpetuos esse iussit. Ex Surio & Virid. Raderi.

Nullus homo sibi solum vivit, & quanto scun- que exemplo sancta vita edificaverit, cum tantis & pro tantis mercedem retributionis beata vita accipiet & quantif- cunque exemplum male conversationis, etiamsi eum non sequantur, prae- buit, pro tantis se malis noverit rationem redditurum. S. Aug. serm. 1. de temp.

S. VITALIANUS EP. 16. Iulii.

CAPUÆ natus VITALIANVS virtutis præmium à patriâ Infulam tulit. Fuerunt tamen qui de- cus hoc inviderent alieno capiti, suo quærerent. Et placuit insuper, cum vel maximè feriò rem agerent, fabulam tamen dare. Dormienti vestes suas auferunt, & in locum muliebres reponunt. Has ad preces matutinas vocatus imprudens in- duit, & templum petit VITALIANVS. Enimverò ridentibus aliis non riserunt scelorum factores. Meretricio habitu contemeratam Infulæ majesta- tem clamant. Proditam tandem histrionicam vel ab ipsâ nocte sanctitatem. Parum fuisse cum mu- lieribus noctes, dies agere, nisi totus denique in mulierem abiret. Viderent nunc cives an non re- ctiùs colum quàm pedum mulieri committerent. Si viri essent, non laturus sic stolatum Episcopum. Si expiare urbem vellent, monstrum (Episcopum feminam) aquis sepulturos. Quid multis? dum patrono caret innocentia, in mare abjicitur, non jam eluente sed faciente parricidium. culeo. Sed quis innocentiam mergeret? Emergit more suo; & cælum ingratis civibus aquas & cum his sege- rem negavit, dum VITALIANVM revocarent. Unà igitur VITALIANVS & imber è cælo missi excepti- que.

17. Iulii. VITÆ SANCTORVM. 351
que. Sed ille non fidens honoribus, DEIPARÆ
Templum struxit, vivensque in hoc privatus invi-
diam sub VIRGINIS pallio impunè jam risit. Ex
Ferrario.

*Anima, qua amat, ascendit frequenter & currit fa-
miliariter per plateas celestis Ierusalem, visitando Pa-
triarchas & Prophetas, salutando Apostolos, admirando
exercitus Martyrum & Confessorum, choroq; Virgi-
num speculando. S. Aug. Man. c. 24.*

S. ALEXIUS CONF. 17. Iulii.

Theatrum est Orbis, in quo sæpius malè mul-
ti divitem, sed bene pauperem egit ALEXIVS.
Patrem Romæ habuit Euphemianum senatorii
Ordinis, Sponsam Regii sanguinis. Sed quâ nocte
Hymenæus pedem thalamo inferebat, sponsum
non reperit. Nempe noctis beneficio elapsus Edes-
sam aufugit, ibique inter mendicabula tam diu la-
tuit, dum ab effigie DEIPARÆ, ad cuius templum
assiduus excubabat, est proditus. Tunc Romam
rediit, & (quis credat?) in patriâ domo felicius
personam dissimulavit. Hic cum è tantâ heredita-
te vix ultimum angulum ædium impetrasset, risit
scilicet, cum domi se agentem quæri in alieno or-
be videret, cum parentes se orbos, Sponsa viduam
se lamentarentur, cum utrique præsentem incla-
marent, vivum lugerent. Spectabat interim siccus
suorum lacrimas, vivus suas exequias; appellabat
patrem matremque, nec filius audiebat; basiabat
servorum suorum manus & ab his servilia multa
patiebatur, jam pugnis contusus, jam sordibus
perfusus. Sed demum mors siparium reduxit. Vox
etenim humanâ major Romanum & Pont. & Imp.
ad demortuum excivit. Ibi ALEXIVM prodiderunt
vul-

TIVVS umbilicum, NEMESIVS contrahitur, & omnes adversa vulnera sibi gratulantur. Jam EVGENIVS in duas partes, at JUSTINVS, ut amplius augeret fraternam aciem, membratim dissecatur. Denique STACTEVS omnium telorum stat scopus. Neque jam Tyrannus prohibere potuit, quò minus fratres secutus ad astra evolaret: pennas tot sagittæ addiderunt. *Ex Rom. Brev.*

Est bonorum Adolescentulorum timorem Dei habere, deferre parentibus honorem, castitatem tueri, non aspernari humilitatem, diligere clementiam ac verecundiam; quæ ornamenta sunt minoris ætatis. S. Bern. l. de Ord. Vitæ.

S. ARSENIUS C. 19. Iulii.

ARSENIUS bonis artibus & virtutibus juxta clarus Arcadium & Honorium Theodosii Aug. filios literis imbuendos & pietate accepit: quod muneris tanti pius Imp. fecit, ut eum non filiorum modò sed suum etiam parentem dici voverit. Quid? quòd ubi sedentes pro dignitate stans docuit, interveniens Theodosius stare imposterum filios & audire sedentem jussit, timendas imperii secures literatis scholæ fascibus submitte, quos cum in gravius delinquentem Arcadium strinxisset ARSENIUS, necem ille Doctori inferre molitus est, penè Nero ex Arcadio factus. Adeò non jam primum bonorum Magistrorum didactron odia & insidiæ sunt discipulorum. ARSENIO interim vox cælo hæc accidit: *fuge, tace, quiesce.* Fugit itaque sed aulæ servitutem: tacuit Eremitæ discipulus, sed Doctorem Angelum habuit. Hic vana hominum studia illi depinxit primò in Æthiope, qui levando, cui impar erat, oneri, alia
atque

phæum posuerunt Crucem mirè splendentem, & e cujus apice columba solatia dedit & omnibus vulneribus medicinam. Triumphum hunc primum ornarunt XV. millia hominum in libertatem Christianam è Deorum servitute asserta. Non multò post iterum pugnatum, & in triumphum ducti ignis & aqua. Nam & faces ardentes pectori admotas in sancti amoris flammæ, & aquas, in quas abjecta erat, in baptismum vertit DEVS. Iterum ergo triumphanti columba illa divina palam coronam imposuit. Invidit Olybrius, & caput laureatum gladio abstulit. Sed imprudens alteram coronam adjecit. *Ex Surio & Lippeloo.*

Diabolica tentationis tibi proponuntur exempla, ut & ipse contra hostis callidi deceptoris insidias solerter evigiles, & dum te delectat aliorum audire victorias, ipse te per languidi corporis ignaviam non remittas.
S. Pet. Dam. l. 6. Ep. 21.

S. DANIEL PROPH. 21. Iulii.

AGite Mariani, si virtutis ardua, si res qua piget calcare, ecce ille magnorum regum vates, ille leonum & adeo Deorum domitor per pomaria illuc vos ducet. vos modò ne oculos otiosos afferre, sed obambulando ipsum pudicitiaæ florem Susannam spectate. Anne videtis, uti nec formæ decor, nec locus solus, nec blanditiæ minæve hunc possint decerpere? nempe sola non fuit, quæ secum in oculis ubique Numen circumtulit. Certè hoc suis in oculis Susannā tulit. Etenim, agite modò capita scelestæ, eja populum in vestram perniciem cogite, accusate innocentiam damnandi à puero senes. Et, quid tu ais? scelus. ubi facinus patratum? sub *schino*. euge! & tu Orci filicernium, ubi?

ubi? sub *prino*. papæ! neque mentiri scitè didicistis. Io! Innocentia triumphā. nunquam patrono cares. At vos capulares Veneris columbos jam lapidantium manus palpabunt. quid saxa, quid moras trahitis? obruite eja improbas Cupidinis victimas. Epitaphium ego dabo. SUB SAXIS AMOR HIS IACET SEPULTVS. Ex *Dan. ipso*.

Differunt quidem inter se homo pudicus & Angelus, sed felicitate, non virtute: illius castitas felicior, hujus tamen fortior esse cognoscitur; sola est castitas, quæ in hoc mortalitatis loco & tempore statum quendam immortalis gloriæ repræsentat. S. Bern. ep. 42.

S. DANIEL ABB. 21. Iulii.

IMpetraverat à Deo DANIEL hæredem viro, quocum illi hospitii familiaritas intercesserat. Itaque hic eum patronum, at malevoli patrem etiam pueri vocabant. Sed pro innocentia pronuntiavit Innocentia altera. Infans nuper natus, qui iussus à DANIELE patrem palam edicere, digito in verum parentem conjecto, *hic*, aiebat, *pater meus est*, atque ita simul patronum suum absolvit, simul calumniatores improbos damnavit. Sub hæc cum DANIEL Eulogium latomum cerneret in egentes præ aliis pium, precari apud Deum institit, plures opes submitteret tam bene prodigo. Et annuere Deus est visus, si pro Eulogio sponderet, divitias fraudi morum integritati non futuras. Convenit, spondit DANIEL. Igitur Eulogius cum saxis thesaurum eruit, ad aulam abit, honores mercatur, struit palatia, emit mancipia, splendidè ac lautè victitat. Adest DANIEL officii sui amicum commonefacturus, sed surdam ad pauperis vocem januam reperit, verberibus
pro

pro stipe oneratus. Anxius proinde cum à CHRISTO crucifixo exsolvi vadimonio postularer, annuit Filii nomine MATER MAGNA, mox etiam ipse FILIVS, eâ lege ne simile posthac vadimonium faceret imprudens. Interea Eulogius mortuo Imperatore, honorum fastigio opibusque omnibus excidens in latomias suas postliminiò devolvitur, mox cum paupertate pauperum amor & unâ virtutes omnes ab exilio revocantur. Tam malè, ô Divites, vitæ sanctitati cum divitiis, tam bene cum paupertate convenit. *Ex Pet. de Nat.*

Prorsus beati pauperes Christi, quorum fides sic elusit sapientiam mundi, ut soli, quis sit optimus divitiarum usus, invenerint, quòd videlicet divitiæ pauperem faciant, si diliguntur; divitem & beatum, si pro Christo contemnuntur. Gueric. serm. de omn. SS.

S. WANDREGISILUS C. 22. Iulii.

EXemplo in paucis memorando WANDREGISILVS nobilissimam Sponsam conciliavit Christo; ipse Dagoberti aulam, cujus comes erat, Asceterio posthabuit. Inde revocatus regis imperio ad ipsa palatii limina currum rusticelli eversum magno labore, majore sui contemptu, è luto sustulit. Risere scilicet aulæ mancipia, cum principem animum in cœnum abjicere se viderunt. At intempestivos cachinnos castigavit DEVS censor, quando, qui vestes purgaret WANDREGISILI luto aspersas, è cælo palam Ephebus adstitit, & servitia tam nobilia rex ipse Dagobertus invidit. Cum bonâ igitur hujus veniâ deinceps compluria Cœnobîa WANDREGISILVS nobilitavit, unum etiam ipse extruxit Fontinclense dictum, & sub signis monachos CCC. numerava-

meravit. Habuit verò ad hæc hortatorem Angelum, qui & testem se rectè factorum & verò apud Superos præconem etiam fore pollicitus est. Interea, qui Divo necem parabat regio saltui præfectus, à malo genio correptus, sospitatorem WANDREGISILVM sensit. Annonam egenti monita à cælo Regina Blitildis misit. Æger acie tamen Dæmonum aciem vicit, & de victoriâ gratulantes Cælites audivit. Demum ne de cælo ipso dubitaret, triduo antè hoc visum est morituro patere. *Ex Surio.*

Multi de Deo sperant pecuniam; multi de Deo sperant caducos honores & perituros, aliud quidlibet à Deo præter ipsum Deum: sed tu ipsum Deum tuum pete. Relinque omnes amores; pulchrior est ille, qui fecit calum & terram. S. Aug. in Ps. 39.

S. MARIA MAGDALENA.

22. Iulii.

MAGDALENA, quæ omnium in spem peccantium animos erigit, utinam etiam in pœnitentiam erigeret. Tantum lacrimarum potuit lavacrum, cum aquas amor oculis depuleret à flammis suis calentes, cum ingeniosus è capillis lintea texeret. Ergo tot dæmonum malorum nuper hospitium, CHRISTI fit hospita, hujus sermonibus frui & amoribus digna est, ab hoc apud Simonem de audaciâ, apud sororem de otio, apud Judam de prodigalitate accusata defendi semper meretur, apud hunc fratri defuncto vitam exorat, hunc nardi odoribus recreat, ministra per Judæam sequitur, & in crucem sequitur; hîc pedes lacrimis iterum lotos, iterum osculis siccatos tumulo condidit dolore plena, mox redivivos ambit gaudiis ebria,

ebria , & lætissimi nuntii ad Apostolos nuntia. Quid ? quòd hunc etiam ipsa Apostoli vices fun-cta in ipsas usque Gallias Massiliam portavit , & populos nova amoris magistra amare Crucifixum docuit. Hunc illa inter silvas maximè & loca sola venabatur, & in nudo lectulo Crucis, quam illic loci Angeli defixerant, indagabat. Audires jam saxa edocta & littora barbara JESVM suspirare, JESVM ingeminare ; cùm interim sæpiculè hic ad Dilectam è cælo inviseret , illa sæpè sæpius ad Dilectum ab Angelis in aëra , tandem in cælos etiam raperetur. *Ex Evang. & Silv. Prierate.*

Si nos esse peccatores novimus & esse nolumus , pedibus Christi demus lacrimas , figamus oscula , pietatis oleum totâ devotione fundamus. Imitemur Magdalenam , quam conspiciamus non solum caruisse peccatis, sed ad sanctitatis verticem pervenisse. Petr. Chrysol. serm. 2. de S. Magd.

S. BRIGITTA VID. 23. *Julii.*

Vixdum septennis erat BRIGITTA , cùm jam coronâ donari meruit à cæli IMPERATRICE. Hæc eadem acu pingenti in opere adesse Magistra visa est. quidni ab hac Pallade edocta pulchrè pingeret ? Eodem ferè tempore CHRISTVM velut tunc primum in crucem suffixum vidit , dictitantem facinus hoc eorum esse , qui suos amores negligenter, mundi sectarentur. Inde illa dolenti tam condoluit , ut quoties patientis mentio fieret, testes continuò doloris lacrimas daret , feriâ item VI. semper plagas animi nudaret, corpusculum ardenti cerâ perfunderet, herbas ore manderet amarissimas gustui , sed quas medicus amor condivit. Viro nupta vitam egit tam sanctam , ut obstetri-
can-

cantem è cælo manum commodare VIRGO patienti non dubitarit. Ipsa Matris officiorum se functam putavit, cum DEO prolem transcripsisset. Filium certè, cui lacrimis cælum emollierat, ipse DEVS filium lacrimarum vocavit. Jam quoties illam loqui homini contigit graviori labe asperso, oberrare ipsam naribus Mephitim credidit. adeò malè olentes animas scelerati trahitis! A morte conjugis novas religiosè vivendi leges viris virginibusque scripsit, quas ipse Legislator CHRISTVS illi dictavit, cui etiam præsentì, anno suprà M. CCC. LXXIII. animam reddidit. Mortem illius orbis ideò minus tunc ægrè tulit, quòd vivere etiam mortuam in filiâ Catharinâ crederet. *Ex Surio.*

Quæ anima semel didicit Dei præsentiam suspirare, & querere faciem ejus semper, nescio an vel ipsam gehennam experiri ad tempus horribilius ducat, quàm post hujus studii gustatam suavitatem exire denuo ad illecebras, vel potius molestias carnis. S. Bern. serm. 25. in Cant.

S. CHRISTINA VIRG. MART.

24. Iulii.

Dicite, quotquot Musas colitis, quid virgine felicius, si Doctorem habere Angelum mereatur? Certè virgo CHRISTINA habuit, & Christianæ doctrinæ rudimenta cum edisceret, ab ore Angeli pependit. Nempe sic ipsis Diis quoque (quos argenteos aureosque parens habebat) rectè uti didicit, quando fractos in frustra pauperibus jussit cedere, docuitque hos ipsos rectè denique mortalibus propitios esse: jam parentis furorem ut fortiter excepit? Alapæ, vincula, unci, rotæ, flammæ

veli-

velitationis speciem præbuere. Et in hâc ipsâ cum truncas corporis partes in vultum (hostis dicam an parentis?) projiceret, an non invito extorquere verecundiam potuit? Angeli deinde manu persanata an non iterum provocare hostem? Sed totâ ecce acie mors occurrit: in lacum Vulsinum præceps agitur, molari collo appenso. Vincit videlicet mari etiam virtus, & gaudet CHRISTINA à Christo toto lacu nunc baptizari, quæ omni sanguine nuper. Quid quodd incolumis enatat, parens morte infelici stygiis undis mergitur? Quid ages, qui in officio pariter & odiis succedis Dion? quid Julianæ? oleum iterum ardens affundis? cum operâ perdis. picem ingeris? Christo adhæret. fornacem paras? iterum cantus inter flammæ audis. serpentes cogis? jam stygios vicit. Ubera refecas? non eget his virgo. Sagittis denique petis? pennas addis in cælum volanti. Si nescis, illa tibi, illi meta cælum est. *Ex Mart. Rom. Adæne & Petr. de Natal.*

Elige illum amicum præ omnibus amicis tuis, qui, cum omnia subtracta fuerint, solus tibi fidem servabit in die sepulture tue: cum omnes amici tui recedent à te, ille te non derelinquet, sed tuebitur à rugientibus præparatis ad escam. S. Aug. Man. c. 24.

S. CHRISTINA MIRABILIS.

24. *Julii.*

RECTÈ Orbis CHRISTINAM mirabilem dicit, quando talis etiam est vita ejus. Tu quoque mecum mirare. In Hasbaniâ & nata & denata postquam oculis purgantium animarum in piacularibus flammis tormenta arbitrata est, patulum cælum habuit, nunquam excludenda, si semel modò ingredi libuisset. Sed commiseratio, quam in

Q

ani-

animo visa supplicia reliquerant, tantum potuere, ut elegerit in vitam redire, & alienas noxas in suo corpusculo plectere; probante ipso Christo Iudice pium consilium. Horrescit animus narrare, quæ deinceps viva iterum virgo facere non exhorruit. Unum vita tota portentum fuit. Nam ut alia omittam, volucrem illa pernicitate suâ vincere, & jam fornaces succensas ingredi, jam glacie duratas aquas subire, modò è patibulis se suspendere, modò facinororum rotis membra illigare, interdum per sentes & vepræta volutari, canumque dentes in se atmare. Porro vaticinia complura edidit. De decretorio illo Judicii die magno animorum motu concionari solita, scelera omnia, sed luxuriam potissimum, assiduo fletu gemituque damnavit. In supremo tamen morbo recreata est Angelicis modulis, iterumque è vitâ abiens non unam jam animam cælo intulit. *Ex Surio.*

Si est sub terrâ Tartari carcer, si est combustio ardens, si est Infernus sine fine crucians, quid stupemus? quare non omnibus contemptis sola nobis cura sit evadendi à malis talibus, ne viventes mundo ad tantas, tales, tam crudeles subito rapiamur pœnas? S. Pet. Chryl. serm. 124.

S. JACOBUS APOSTOLUS.

25. Iulii.

LAudes JACOBI scripturo pennam ultrò JACOBI volucres ingerunt. Audi juvenus, & patronum tuum mecum lauda. Ibant conjuges pii Compostellam, & trahebant pietatis suæ comitem filium formâ liberali juvenem. O ut periculose castitas peregrinaris! Hospitis filia oculis capta adolescentis, capere etiam ipsum nititur. Evadit hic muliebris amoris laqueos, sed non odii. Sub-

Subdola enim inter sarcinulas castissimi aureum craterem condit, & abeuntem de furto accusat. Damnatur, ducitur, & in crucem tollitur; sed non moritur innocentia. Dum enim mœsti parentes iter relegunt, dum ægrè & pedes trahunt & animas, senectutis scipione filio amisso, dum frui illos vel pendentis aspectu juvat, ecce ab infelici arbore filius: Quid lacrimis vivo parentas mater? vivo DEI MATRE & JACOBO succollantibus: i, Judici dic, ne damnare pergat, quem mors absolvit. Vix hæc ille ad matrem, cum mater hoc ad Judicem mensæ accumbentem. Hic; tam scilicet filius tuus vivit, quam affus hic cum gallinâ suâ gallus, qui lautus unctusque sepulchrum stomachum expectat. Jam carpere parabat, cum gallus & gallina in vitam se erigunt, innocentiae victrici alis applaudunt, gallus etiam Pæana canit. Ergo damnat se ipsum Judex, & innocentem missum facit, volucrum verò proles posthuma etiam hodie plumas suas cum laudibus JACOBI in omnem orbem spargunt, nunquam omnes, licet tot quotidie vellicent, evellendas. *Ex L. Marinao l. 5. de reb. Hisp. c. ult.*

Quid ditius, quid in corde dulcius, quid in terrâ quietius est & securius bonâ conscientia? damna rerum non metuit, non verborum contumelias, non corporis cruciatus, quin & ipsâ morte magis erigitur quam deprimitur. S. Bern. l. de Confid.

S. CHRISTOPHORUS M. 25. Iulii.

CHRISTOPHORVS sive corporis sive animi spectes robur, semper magnus, nomen hoc suum reportasse tunc creditur, cum CHRISTVM sub pueri vultu per aquas transportavit, non ma-

gni laboris maximum naulum. Certè CHRISTVM per Lyciam circumtulit, cùm, ut auctor S. Ambrosius est, hominum millia IV. supra XL. ferre CHRISTI jugum docuit. Virgam manui familiarem cùm ad concionem dicturus aliquando humi defixisset, confestim frondere vidit, & miraculo etiamnum pictores favent. Sed & ad tribunalia tulit CHRISTVM. Captus enim & in vincula conjectus, Decio imperante, immittas ad se geminas & perfrictæ frontis mulierculas à Venere ad CHRISTVM perduxit, cui etiam sanguine suo mox litarunt. Ipse candentem ab igne galeam indutus & in ferreum, cui flammæ suberant, lectum abjectus dormire scilicet suaviter in his tormentis visus est. Inde jaculis militum stetit expositus, ingens meta, sed prorsus innoxia. Quid? quòd ajunt sagittam reversam domini sui oculo perniciem attulisse, & medicinam eidem CHRISTOPHORI sanguinem fuisse, qui tandem cervices gladio fortiter dedit, quod unum restare videbatur, ut humilem cæli portam tam magnus subire posset. *Ex Sur. & Lippel.*

Beata anima, quæ thalamum suum diligenter ac decenter adornat, ut cum digno ac placito Christum regem honore suscipiat. O anima, considera, quæ sit illa Majestas suscipienda, cogita quâ curâ te illi præparare locum oporteat. Guerricus serm. 3. de Purif.

S. GLODESINDIS V. 25. Iulii.

FRustra estis DEI rivales homines. Nemo Christo Sponsam suam eripiet, quando contra hæc pugnat, & propugnat ille pugnantem. id quod GLODESINDIS virgo jam olim fecit manifestum. Natam in principe familiâ domum ducebat

bat ex parentum, non virginis, voluntate, Obolenus homo non tam sanguine, quàm sceleribus nobilis, cùm ecce rege iubente nuptialis pompa in funebrem abit, & hujus imperio Obolenus in carcerem non thalamum ducitur, sceleris convictus, morrem subit non lectum, lessum audit non Hymenæum. Vix hanc pugnam castitas pugnavit, cùm altera excipit victricem. Despondent iterum homini GLOBESINDEM, & melioribus jam, ut ipsi putabant, auspiciis. Quid ageret pudor bis proditus? more Parthi fugiendo vincit. ad D. Stephani contendit, asylon aramprehendit, & quem unum deperibat, Sponsum JESVM complectitur. Hederam viti illigatam dixisses. Et jam septimus dies ierat, & virgo cæli deliciis plena non senserat famem, cùm apparantur palàm & in conspectu populi nuptiæ placituræ tandem ipsi etiam virgini. Adsunt è cælo nitidissimi duo Ephebi Paranymphe, tertius flammeo inde etiam allato non repugnantem obnubit, jamque urbe attonitâ, jam parentibus etiam gaudentibus, GLOBESINDIS in thalamum suum (Virginum Collegium) abducitur. Ex Surio.

Cura habere lilia penes te, si vis habere Deum habitatorem liliorum habitantem in te. Opus tuum, studium tuum, desiderium tuum lilia esse protestantur moralis quidam rerum ipsarum candor atque odor. S. Bern. serm. 71. in Cant.

S. SIMEON CONF. 26. Iulii.

MUndum omnem suis beneficiis obambulare voluisse SIMEON videtur, etiam postquàm exivit è mundo, & vel inter Monachos vel Eremitas vixit. Inter hos agenti cùm fames ultima

minaretur, cervus Diyo sponte suâ victimam se-
stitit. Hierosolymæ hospes cum degeret, malos
hospites Dæmones septem sibi fecit cedere. Ro-
mæ hereſeos accusatus, accusatorem, quem malus
genius corripuerat, precibus suis reus absolvit.
Plura alia mira cum celebrem illic facerent, ho-
nores fugâ eluſit. Fugientem cum Monachi ex
itinere verberibus malè accepiſſent, conjeſtiſque
eam ob rem in vincula ab Episcopo fuiſſent, SI-
MEON noctu hostes suos è carcere exemit, &
gloriam iterum fugiendo vicit. Pisas cum in-
grederetur, obvium è Styge nuntium habuit illud
rogantem: *Quò tendis Monache?* SI MEON hoc tan-
tùm reſpōdit, *Quò me Christus duxerit*, & ecce mo-
lestus rogator viam suam illico in orcum relegit.
Hinc Lucam venit. Ibi cum Judæorum Antesi-
gnanum bellum Virginitati DEIPARÆ moven-
tem morte subitâ ſterneret, reliqui manus dede-
runt. Placentiæ noctu oraturum ſuoſte motu
apertum templum recepit. Padum pedes traje-
cit tam citò ut velis & remis uſum crederes.
Jamque quocunque iret, è viâ morbi cedebant.
Sed nos ſiſtimus calamum feſſum. Tu quoque
Lector, ne orbem nobiſcum perambulare cogaris,
ſimilia illum in Galliis & Hiſpaniis factitaſſe puta.
Ex Ferrar.

*Vt evadas hominem Dominum, quicumque ſervus
es, fugis in ea loca, ubi non eſt Dominus tuus: ut eva-
das Deum, fuge ad Deum: nam non eſt, quò effugias
Deum: preſto ſunt omnia & nuda omnipotentis oculis.*
S. Aug. in Pſal. 30.

S. PANTALEON M. 27. Iulii.

PANTALEON sive PANTELEEMON (namque hoc illi nomen morituro cælum fecit) adolescens medicinæ operam dedit. Sed compendium illi ad hanc artem rectius Hermolaus in Christi scholâ ostendit, quando in hujus nomine latere panaceam edocuit. Experimentum à puero sumptum, quem vipera morfu enecarat. Hunc uno Christi nomine vitæ reddidit, & succedaneam victimam morti viperam dedit. Eâdem medicinâ noctem oculis excæcati pepulit, gemino miraculo; nam hoc tenebras etiam parentis animo discussit, fidemque fecit aspicere. Verum his rectè videntibus, oculi ipsis Medicis cœperunt dolere, cum Æsculapium suum ad Christianos transisse viderent. Quin invidiâ excæcatus etiam Imp. Maximianus in medicum cœpit furere, cum paralyti afflictum in pedes erexisset, quem in opem à sacrificulis vocatus Phœbus destituerat. Ferro igitur & ignibus sævit, liquato oleo perfundit, ex equuleo suspendit, undis mergit, rotæ innectit, necquicquam ingeniosus in pœnas; cum medici vulneribus medicinam Christus semper faceret, & diras omnes carnificum turbas averteret. Spiculator quoque ad primum ictum ferrum suum ceram esse, & collum martyris marmor deprehendit. Resectum denique caput lactis liquorem, & Oleaster ad quem vinctus Martyr steterat, subitas frondes dare visus est. Voluit Herculum suum coronare. *Ex Metaphr.*

In hujus vitæ miseriam intraſti lugens; dies tuos in dolore & ærumnâ pertransiſti; cum luctu & labore hinc exiturus es. Intelligas ergo in quantum ſit ingreſſus

sus tuus flebilis, progressus tuus debilis, & egressus horribilis. Auctor spec. Peccat. rom. 9. S. August.

SEPTEM DORMIENTES.

27. Iulii.

INgens hi Sancti Ecclesie negotium etiam DORMIENTES confecerunt VII. erant omnes germani fratres, quos Decius à patre fide minimè paternâ proditos obstructo spelæo conclusit. Iverant secula jam duo & amplius, quando hæresis ab orco surrexit, quæ surrecturos olim à tumulo mortuos negavit. Somnium hoc esse, VII. hi, quos DORMIENTES dicimus, monstrarunt, qui tum in tempore sive à morte longâ, sive somno prodierunt. Illi noctem se unam dormisse rati, Decium adhuc somniabant. Quare MALCHVM ex suo numero adolescentem, quem ætas & morum suavis elegantia omnibus charum fecerant, exploratorem in urbem mittunt & com meatui præficiunt. Hic dum vigilare pro urbe Crucem videt, dum nullum tonare Jovem sed CHRISTVM audit, mirari unius noctis metamorphosin, & vel adhuc dormire, vel in alterum orbem aut certè urbem delatum se credere. Mox cum monetam antiquitate suâ incognitam protulisset, suspicionem reperti thesauri dedit. Hic ille apud Procos: ad Decium provocare, qui utique nosset adhuc, quem heri unâ cum fratribus, quòd CHRISTO militarent, balteo spoliasset. Obstupuit ad hæc urbis Antistes, & MALCHVM ad montem secutus è ruderibus æneas laminas, cum his rem omnem in lucem profert. Adest ipse Imp. Theodosius, quo spectante beati juvenes eodem loco longius jam dormituri oculos morte clauferunt: sed

sed cum sic mortuis etiam hæresis est mortua.
Ex variis apud Raderum in Aulâ S.

Cùm te torpore, acediâ, vel tadio affici sentis, noli propterea desistere à studio spirituali; sed juvantis require manum, trahi te obsecrans, donec denuo suscitante gratiâ factus promptior alacriorq; curras. S. Bern. serm. 22. in Cant.

SS. NAZARIUS & CELSUS MM.

28. Iulii.

HOs etiam flosculos barbarus Neronis gladius demessuit. Sed tamen sanguine suo rigati vivunt illi etiamnum in manibus tuis. Utinam & odorem virtutis sentias. Audi saltem. Spinæ rosam esse proximam ajunt, id quod NAZARIUS probat ex Judæo patre sed matre Christianâ genitus. Anceps diu in utrius religionem pedibus iret, demonstravit tandem plus matris se bibisse, fontique sacro admotus à Lino Pont. Mediolanum abiit. Ibi non multo tempore patrimonium omne in egenos effudit, cumque vinctis pro Christo animum faceret, mercedem nobilem magnique martyribus æstimatam fustuarium accepit. Sub hæc monitus à defunctâ matre in Gallias contendit. Hic à nobili matronâ nobilissimum puerulum CELSUM accipit inter bonas artes educandum. Quantam, Superi! indoles pulchra discit probo Magistro usa. Neronis imperio ad tribunal uterque raptatur. Dubito an Magistrum, an discipulum plus laudem. Ille pedum calcibus affligitur, nec tamen sibi, sed animulo suo CELSO timet. Hic virgis atrocem in modum cæditur, nec tamen sibi, imò oculo suo Magistro NAZARIO ingemiscit. Mox uterque illatam Christo injuriam

Q 5

in.

in Diis ulciscuntur, rectiusque hos humi affligunt. Mari deinde velut prato inambulantes vidisses. Mitto cætera. NAZARIUS cervicem gladio præbuit. Idem CELSVS fecit, tantillus discipulus Magistro tanto non impar. *Ex Lippeloo.*

Quod loquimur, dictamus & scribimus, de vitæ nostræ parte prætervolat: qui dudum infans, subito puer, repente juvenis, & usque ad senectutem per spatia mutatur incerta, & ante se senem intelligit, quàm juvenem non esse miretur. S. Hieron. in c. 40. Is.

S. OLAUS MART. 29. Iulii.

SI ulli magnatum profuit alienas terras lustrare, OLAO profuit Norwegiæ Regi. Fortè Angliæ regnum hospes intravit, cùm oculis, non ut hodie fit, ad curiositatem abusus, inter peregrina decora Fidem nostram aspexit. Placuit; ac proin Rothomagi postea sacris undis ablutus alius in regnum suum rediit, aulæ comites permultos Episcopos & fidei præcones trahens. Sed & ipse gloriosum duxit dignumque rege munus, Evangelii præconium facere, quæ quidem inter Imperii curas prima jam illi erat. Altera ab hac, cùm otium bella dabant, purgare regnum ab ariolis & incantatoribus, quos ille, quia fumos vendunt, dignissimos ignibus judicavit. Leges quas Ecclesia sanxit, quàm sanctas à suis haberi voluerit, ex eo perspicias, si scias quàm severè neglectas in se ipso vindicarit. Nam fortè festo die cortice bacillum nudabat. Monitus statuit à malè otiosâ manu poenâ continuò expetere. Itaque assulas in ipsâ manu incendi voluit, & peccantem ignibus expiari. Cæterum quia justitiæ amans cumprimis erat, nihil mirum si post hanc terris proscriptam etiam ipse

ipse in exilium est pulsus. Rediit tamen postliminiò in regnum. Verùm, quòd secum reducere etiã justitiam laboraret, concitavit in se Danorum arma. Contra hos dum movet, videt in somnis scalam ad cælos pertingentem, dumque illuc connititur, ecce à legato expergefactus conqueritur nimirum cælo se detractum. Sed eodem mox subiit, cum proditus à suis in pugna cecidit. Nostri tamen ævi principibus scalam, hoc est, vitæ exemplum reliquit. *Ex vit. Aquil.*

Dum vacat & licet, virtutes amplectere: in oculis tuis versetur pudor, in auribus veritas, verba vita in lingua tuâ, imago Dei in corde tuo, in membris omnibus continentia, ut ab Angelis & hominibus collauderis.
S. Ephrem. de Exercitatione.

S. LUPUS EPISCOP. 29. Iulii.

LVPVM dixi. Tu, si vitam leges, ovem, scio, dicēs, ita placidis moribus hic LVPVS erat. In conjugio annos egit septē omnino. Dehinc inter Cœnobitas cœpit vivere, & conjux in virginum collegio, gratissimo Superis divortio. Verùm Trecentēs ex cœnobio extraxerunt, & quamvis invitū LVPVM pastorem sibi legerunt, felicissimo eventu. Alter enim lupus sed longè crudelissimus gregi imminebat Attila, ille orbis prædo, ebrius semper, sed nunquā satur humano sanguine. Et jã infesta signa urbi inferebat, cum obvius irato cum suis sit Pontifex, rogatq; quem deniq; sese esse putaret Rex, qui mundum sic omne fulminis instar pervaderet? Attila nihil humile spirans, *flagellū Dei* se esse respondet. Hic enim verò Antistes portas pandi omnes civitatis jubet & modestissimis verbis avere multum jubet *Dei flagellum*. Quid expectas? verba hæc

ferocissimum & ultima minitantem animum demulserunt, & LVPVS tyrannum cicuravit. Cæterum huic verborum modestiæ victus quoque ratio & vestitus responderunt. Et cibum quidem tertio primùm die sumpsit, Sabbato cibario pane contentus. Vestem quoque unicam gestavit, sed subditiuâ alterâ (cilicio) superbam. *Ex Surio & Naclero.*

Ad Deum tuum refer flagellum tuum: quia nec Diabolus tibi aliquid faciet, nisi ille permittat, qui de super habet potestatem, aut ad pœnam, aut ad disciplinam. Ad pœnam impiis, ad disciplinam filiis: Flagellat enim omnem filium quem recipit. S. Aug. in Ps. 31.

SS. ABDON & SENNEN MM.

30. Julii.

Censebantur ABDON & SENNEN inter primos Persiæ purpuratos. Et verò nisi cunæ in patriâ, mors Romæ purpuram donasset. Nam quòd Christiano principe non indignum officium arbitrantur, Martyrum esse vespillones, suisque manibus terræ mandare horum corpora gauderent, vinctos Decius Romam adduxit. Ibi ad tyranni tribunal steterunt auro gemmisque splendidi reis, sed exinguebant harum lucem catenæ ferreæ, quas nimium quantum gloriosi iactabant. Itaque cum munera ingentia promitteret tyrannus, si ad Deos transirent, risere scilicet, & ad omnia tormenta provocarunt. Plumbatis igitur tentati, contra ferreos se præbuerunt. Inde in theatro feris obiecti; sed plausum meruere & victa Martyribus colla leones submisere, feræque cicures hominem contra feros homines visæ defendere. Reperti interim qui necem inferrent gladiatores. Sed & Mar-

Martyres tales se probarunt, cum jugulum fortiter gladio dederunt. Extincti triduum tumulo caruerunt, dum Cyrinus plumbeis oculis clausum aurum defodit, quod iterum deinde erutum est in lucem, cum Orbi Christiano Sol suus Constantinus luxit. Ex actis S. Laurentii.

Noli caduca & fugacia quæ tanquam cera liqueſcunt, admirari. Vivant alii cum Principibus familiariter; tu per orationem cum Deo verſaris: tu unigeniti Filii Dei corpore veſceris; gaude & letare te dignum effectum eſſe, qui templum ſis Dei. S. Ephrem. de vit. ſpirit.

S. GERMANUS EPISC. 31. Iulii.

GERMANVM Muſæ ad ſummos honores eve-
runt. In his poſitus cum animum ad indigna munere ſuo ſtudia dimitteret, & venandi amore illeſtus Palladi jam Dianam præponeret, monitor adfuit Amator urbis Pontifex, & arbore, in quâ ferarum capita defixerat, exciſâ, inſanum etiam venandi ſtudium ex ejus animo extirpavit. Eſſe enim iratum fugere aliquandiu Amator eſt co-
actus, rediit tamen paulò poſt, & inermem in tem-
plo GERMANVM aggreſſus captum amicâ vi in ſacerdotem attondit, inſulæque ſuæ moriturus heredem fecit. Inde alium jam vidiffes GERMANVM. Nemo. modeſtior illo. Nulli digniores inſulâ mores, ille cilicio corpus veſtire, ille prætor panem hordeaceum & mortis monum. in cine-
rem nihil in menſam admittere. Ille reditus in pauperes diſpenſare, & cum ex his uni tres reliqui aurci eſſent, jubere, ut hi etiam illis in prædam cederent. Verum cum ex his unum miniſter ſer-
vaſſet, Numenque pro binis ducentos dono ſub-
miſiſſet, notavit ſcilicet GERMANVS avaritiem il-

lius, qui ingens fœnus (quod trecentorum aureorum futurū erat) imminuisset. Obiit anno CCCC. XXXV. patriæ suæ unicum præsidium. Nam dum vixit contra imminentes urbi hostes ipse exercitum duxit, signa ipse tulit, utque animos civibus faceret, sæpè sæpius cum suis *Alleluia* insonuit, itaque ferè unus rectè Epiniciū ante victoriā cecinit. *Ex Surio.*

Diem ex die ne differas; sed quā celerrimè ad Dominum te converte, antequam severissimi Iudicis sententia pronuncietur, quæ te vocet ad reddendam rationem talentorum, quæ tibi dedit; & vinctis manibus & pedibus in tenebras exteriores extrudaris. S. Ephrem. de Pœnit. & Conf.

S. IGNATIUS LOYOLA C. 31. Julii.

IGNATIVS ē nobili milite Societatis Jesu Dux animi sanitatem pedum debet vulnere, hujus curationem D. Petro, vitæ immutationem piorum librorum lectioni, castitatis verò donum Virgini **MAGNÆ**, quæ cum Filiolo suo spectandam illi se dedit. Ad hujus aram cum opima spolia, (arma sibi detracta) suspendisset, inter miros pœnitentiæ rigores, **MARIA** dictante, libellum illum Asceticum scripsit, quem ne libro satis laudes. Cum horas **VIRGINIS** percurreret, ad arcanum S. Triadis aspectum admissus est; Eiusdem Sabbatho extra se raptus, nisi altero Sabbatho ad corpus rediit, Animarum micro inhians, vir annorum **XXXIII** literas discere est aggressus; mox socios scribere, parvas copias, sed ingens orbi laboranti præsidium, & cui **JESVS** ipse propitium Romæ se fore appromisit. Unicum ei symbolum fuit, *Major Dei Gloria*; perquā familiaris illa cum lacrimis vox:

Hec

Heu quàm sordet terra, cùm calum aspicio! Hoc obtinuit anno M.D.LVI. vir divinis ostentis, vaticiniis, miraculis clarus & natus Ecclesiæ bono. Nam sanctior juventutis educatio, reductæ ab exilio Musæ, proscriptæ hæreses, assertus DD. & templorum cultus, frequens iterum Sacramentorum usus, demum uterque Orbis, ille CHRISTO subactus, hic servatus, & quicquid in utroq; filii vel faciunt fortiter vel patiuntur, id omne IGNATII est opus. De Sodalitatibus VIRGINIS quid dicam? quisquis ex his MARIAM Matrem clamas, rectè IGNATIUM patrem dices. *Ex vitâ.*

O ingratiſſimum, ô duri cordis hominem, qui nondum intelligit, se ad labores perpetiendos, atque ad gloriam Domini Nostri Iesu Christi summo conatu querendam & amplificandam longè maximè obligatum! Ex Epist. S.P. Ignatii de perfect. Religiosâ.

S. JOANNES COLUMBINUS C.

31. Iulii.

O Si Lector iis oculis vitam JOANNIS legeres, quibus ille Divorum legit! Et leges puto risdem, si leges. Succensuit hic uxori cœnam seriùs apparanti. Illa, ut matrona erat præ aliis pia, jubet, dum famem rectiùs opsonet, oculos pascere legendis Divorum factis. Non erat hoc pro stomacho JOANNIS: abjicit librum. Mox tamen curiositate ductus tollit, legitque in quam primò oculis offendit Mariæ Ægyptiacæ vitam. Hic verò aliâ jam fame stimulari animus, & nauseare omnia terrena. Jam templa & preces amare, benè egenis facere, asseri incubare, castitatem cum conjugē colere, ædes in publicum peregrinorum stabulum vertere, denique ille nuper in pietate discipulus

vel

vel magistram conjugem superare. Et fortè leprâ horridum homuncionē domum portaverat, cuius nec aspectum conjunx ferre poterat. At JOANNES osculis etiam dignatus balneo recreatum in uxoris thalamo deposuit, eidemque, dum à sacris rediret, enixè commendavit. Interea dum hæc cubiculum petit, omnes odorum delicias obvias habet. Supervenit JOANNES cum bellariis, sed præter vestigia, nobiles, quos diximus, odores nihil reperit. Christus fuerat. JOANNES rebus omnibus abjectis pauperem etiam ipse induit, Societatemque condidit, quam Urbanus V. Pont. probavit, patrocinio infantum inductus, qui matres suas, ut JESVATIS (ita is Ordo appellatur) benefacerent, monuerunt, tam magni oratores quàm parvi fuerunt. *Ex Ferrar.*

Habeamus hospitalitatis curam, non ut momentaneam solum retributionem accipiamus; sed ut reponamus nobis immortalium bonorum fruitionem. Nam si hoc facimus, suscipiemus & nos Christum, & suscipiet etiam ipse nos in mansionibus, quas preparavit diligentibus se. S. Chrys. in Gen.

ALL

AUGUSTUS.

SSS. FIDES, SPES, CHARITAS. VV. MM.

1. Augusti.

Felix Roma, cui, quas nullus unquam pingere satis bellè pictor potuit, vivas spectare virtutes licuit, FIDEM inquam SPEM & CHARITATEM SOPHIÆ filias, Charitum Christianarum ipsissimam trigam. Ex his maxima XII. altera X. natu minima IX. omnes paucos annos, sed plurimas palmas numerant. Ecce enim Virtuti, ut solet, Tyrannus bellum movet. sed matre duce & junctis copiis omnes vincunt. Igitur duello singulas aggredi Urbi Præfectus statuit, & primò quidem FIDEM. Contra hanc flagris pugnat. at tergum proscuto objicit FIDES. Sartaginem admover ardentem ille. hæc ridet arictem. Ubera resecat gladius. gaudet FIDES ostentare hæc cælo vulnera. Caput rescinditur, & coronatur scilicet. Ergo SPEM aggreditur tortor, & nervos in virginem armat. at his ipsis fortior puella est. Jubetur proin ignis sævire; sed ad virginem hic deficit & in hostes ipsius pugnat. pice ardenti & bitumine perfunditur; nempè ad novam luctam inungitur. In hac sororis mortuæ amplexibus inhærens ense vincit etiam ipsa, dum cadit ense. Jamque ad tertiam gradum facit Tyrannus bis victus, suspenditur CHARITAS ab equuleo, laniatur flagris. Sed ne audacter ivisse in hostem credas, noveris in rogam suapte sponte insiliisse terebrâ post perfossam & gladio cæsam. Porro mater magnanima SOPHIA, quæ & filias præsentia suâ & sese filiarum virtute hucusque animaverat;

maverat, triduo pòst inter funera sua funus etiam ipsa deprehenditur. Sed tamen ne tu, ne luctu credas hoc factum Roma. Hanc enim ego, vel nullam aliam Matronam gaudio emori potuisse Livio credam. *Ex Suetrio.*

Funiculus Fidei, Spei & Charitatis, qui difficile rumpitur, compedita tenet humilium corda, nec patitur illa extolli, aut à virtutum tramite deviare, quin potius elevat ad summa & conjungit Deo, facitq; gustare gaudia sempiterna. S. Laur. Just. de humil.

S. THEODOTE CUM FILIIS MM.

2. Augusti.

Numerabat THEODOTE in viduo thoro filios, quos è conjugē demortuo genuerat, duos, quos vero Christi amore adoptaverat, vinctos ac captivos longè plurimos. Talem Diocletianus Leucadio, qui mirè ejus nuptias ambiebat, tradit, qui dum nullis eam blanditiis capi videt, & domum ducere jam desperat, vinculis certè captam ad Bithyniæ tribunal adducit. Hic matris pectus per filiorum latus oppugnaturus EVODIVM primò, tum minimum natu filium cuniculis verborum subruere annititur. His ubi nihil proficere se videt, in apertam vim, verbera atrocissima prorumpit. Sed plena animis verba, quibus mater ad constantiam suos firmabat, plus poterant apud filios, quàm verbera tyranni. Intereà Hyrtacus homo non jam sceleratus sed scelus, pudicitiae matronali manum afferre attentat. Sed qui pro hâc tuendâ excubabat Angelus, irruentem ita pugno excepit, ut quantumvis impudentis vultum largo sanguine erubescere tamen faceret. Post hæc Præses matri geminam mortē minatur, dum hanc sub oculis
ejus

ejus filiis geminis intentat. Sed illa Spartanâ voce hoc unicum votum suum esse dicebat, bis antè, quàm semel mori, & filiorum prius oculos, quàm suos claudere; scire se ad hoc filios genuisse, ut essent qui pro patriâ, Cælo, occumberent. Ergo in flammantem fornacem unà omnes injiciuntur. Et ecce continuò Superi probarunt & ad sese rapuerunt aurum. *Ex actis S. Anastasia.*

Cùm sis adolescens, silentium & diligentiam cole: diligentia enim te gratum conservat; silentium autem anima lucem tuetur, nec splendorem ejus tenebris obrui sinit; semper denique & in omni actione comes tua sit humilitas. S. Ephrem de vita spirit.

S. PETRUS EPISC. 3. Augusti.

EX principum Salernitanorū stirpe ajunt oriundum PETRVM. Sed ut in nobiliorem etiam familiam transfiret D. Benedicti, non dubitavit purpuram cum cucullo mutare. Attulit tamen hic alteram illi purpuram, cū Pont. Anagninæ ab Alex. Pont. Max. datus est. Sed nos illud multò pluris facimus, Cælitibus tam familiarē PETRVM fuisse. Etenim cū dubitatio suborta esset Agnaniensibus, num D. Magni ossa penes se haberent, eam ex omnium animo delevit ipse Magnus, & testis suus ipse verissimus feminæ à paralyti afflictæ (excubare eam PETRVS ad tumbam Divi jusserat) sub noctem conspicuus suam præsentiam Episcopo, simul sanitatem ægræ nuntiavit. Idem D. Magnus PETRO oranti visus iter illi Constantinopolim indixit & simul itineris rationem edixit, ut quòd valetudinem Imperatori allaturus, & invicem, quidquid postulasset, esset ablaturus. Itur ergo Constantinopolim ad Michaëlem. Sed negat hic se

se vel Anagniam vel Medicum D. Magnum nosse. Ut igitur nosceret, nocte insequentī cum morte luctanti Imp. spectandum se obtulit ipse Magnus & cum Magno VIRGO Maxima, monuitque PETRO crederet, medicinam morbo facturo. Accersitur igitur hic, & valetudini restituitur Michaël. Rogas, quā medicinā? Saluberrimo MARIE & Magni nomine. Pretium operæ porrò PETRVS suæ Anagniam hoc retulit, ut sumptus Imp. Michaël faceret in ædem maximam ædificandam suffecturos. Sed neque hæc licet magnifica explere oculos potuit PETRI. Ad cæli igitur templa abiit. Eodem tendis? per nostra in illa itur. *Ex Ferrar.*

Exhibeamus nos sicut Dei ministros in multâ patientiâ, diffundentes odorem illius circumquaque, adversa tolerando: sicut enim aromata odorem suum, cum incenduntur, expandunt; sic in nobis quod virtutibus re-dolet, per patientiam innotescit. S. Laur. Just. lign. vitæ.

S. DOMINICUS CONF. 4. Augusti.

ALterum ecce orbis labantis columnen DOMINICVM. Certè Innoc. Pont. Max. subjicere humeros ruinam meditati Lateranensi ædi vidit. Certè flagrantem à tergemino vitio orbem totidem telis castigaturo FILIO MATER clypeum cum FRANCISCO DOMINICVM objecit; ut jam minus mirer necdum natum sive ore facem, sive fronte stellam prætulisse. Et verò etiam hodie lucet in Filiis, qui dum sanctioribus rosis lilium (VIRGINEM) colunt, dignos se probant, quos (quemadmodum ipse DOMINICVS habuit videre) velut pullos suos nunc pallii sui alis foveat. MAGNA MATER, nunc dormientes inviset benè precabunda. Illud omnium bono ex Virgine Divus intellexit,

lexit, toties advocacy pro nobis in cælis ad Filii pedes facere, quoties è terris ADVOCATAM solenni formulâ *clamamus*, ut qui rei non clamant, sibi, non Advocatæ adscribant, si pereant. Porro DOMINICVS quatuor omnino Infulas, quas alii tam studiosè capiti quærunt, generoso fastu pedibus ipse subdidit; ter noctu pœnas à tergo suo, pro se primùm, tum pro viventibus in graviore noxâ, demum pro agentibus in igne piaculari manibus expoposcit. Mitto in homines, dæmonas, adeoque Superos imperium; quippe cùm toties jam hos exoraret quos oraret. Illud memorandum, qui Mariæ vixerat, non sine MARIA demortuum esse. Affuit hæc, neque sola, sed inter Filii & Cælitum comitatum ad astra abduxit. Viam inquiris? per Rosaria ivit DOMINICVS. *Ex vitâ.*

Nemo gratuletur homini, qui prosperatur in viâ suâ, cujus peccatis deest ultor, & adest laudator. Major hîc ira Domini est: irritavit enim Dominum peccator. Ut ista patiatur: id est correctionis flagella non patiatur. August. super Psal. 7.

DEDICATIO S. Mariæ AD NIVES.

5. Augusti.

ANnus agebatur Christianus supra CCC. LXV. quando Romæ civis fuit patricii sanguinis, & huic JOANNES vocabulum. Mariam puto expectas Mariane, cùm JOANNEM audis? Rem loqueris. Fuit huic conjux digna conjugis suo, fuere opes ingentes, sed spes natorum nulla, & in his etiam nepotum decollaverat. Tandem, quid ô! quid terris, ait JOANNES, ignobiles & mecum morituros hæredes quæro? quin cælo adscisco? & an explere dignioribus nominibus ceras possum?

possum? Certè opibus unica MARIA digna omnibus est. Imò JOANNES non sum, si hæredem MARIAM non scribo. Eja igitur Virgo, tu sola jam tabulas imple. Filio si careo, certè tu non cares, qui cum animum æternum oblectem. Audiit JOANNEM MARIA, & assensum omnem in montem Exquilinum conferre jussit templo exædificando eo in loco, quem postero mane nivibus insignem esset factura. Et erat tunc æstus longè maximus & facilius utique grandinem quàm nives daturus. Adit tamen JOANNES locum, & reperit undique niveo vellere vestitum. Sed & Liberius Pont. Max. in somno à VIRGINE monitus accedit & fundamenta templi jacet, quod per omnem orbem hodie clarum Mariæ MAIORIS nomen gerit. Miraris, Sodalis, miraculum? laudas templum? At tu castas ostende sis mihi in animis nives plures; plura ego VIRGINIS templa monstrabo. *Ex Brev.*

Meritò in te ô Maria virgo respiciunt oculi totius creatura, quia in te, & per te, & de te benigna manus omnipotentis quisquid creaverat, recreavit. S. Bern. serm. 2. in festo Pentecost.

S. OSVVALDUS REX C. s. Augusti.

Purpuram qui bis tingunt, etiam OSWALDVM laudabunt, Angliæ Regem, qui suam suo iterum sanguine tinxit. Dubium planè reliquit, an Christi hostes vicerit, an ab his victus deinde sit gloriosius. Pugnaturus cum parvâ manu contra ingentes Britonum copias, trophæum tamen ausus est ante victoriam ponere Crucem, quam adorasse illi cum suis, vicisse fuit. Abhinc regni Christiani proferendi cupidissimus dignum rege munus

munus est arbitratus, dicenti ad populum Aidano Antistiti interpretem assistere. Pium animum illud prodit, quòd sub solemnes Paschatis dies non modò qui mensæ illati erant, cibos, sed ipsam etiam argenteam lancem in frustra cedere & absumi à rogatoribus voluerit. Aidanus, quem tum mensæ adhibuerat OSWALDVS, tam benignam manum amplexatus atque exosculatus fertur iussisse nunquam exinde putrescere. Et parere hæc visa est, cum cæso sub annum DC.LII. à barbaris domino, loco infami unà cum capite suspensa annum integrum integra (uti & deinceps) perduravit. Ipse OSWALDVS tunc quoque cum in acie occumberet, supinis pro more in cælum manibus orare in genibus deprehensus est, eodemque loco ad hominis altitudinem egesta humus omnes morbos vicit, ut vel ideo voluisse illic cadere OSWALDVS videatur, quòd ægri tot inde surgerent. *Ex Sur. & Gras.*

Vide rationem; facile judicabis parricidiali crimine contemni pauperes nostræ arbitrio, quos nullo videmus à nobis DEI opere discretos. S. Paulin. ad Aletium ep. 31.

S. AFRA MARTYR. 5. Augusti.

QUam neque Naso dedit Metamorphosin, nos damus ex Venere Dianam, AFRAM inquam Augustæ Vindelicorū probrum primò, post unicū decus. Magdalim diceres alteram, nisi quos hæc lacrimis, illa ignibus etiam ignes plecteret. Diis devota omnem jam pudorem malè prodigalitaverat, cum Narcissus Præsul fidem Christianam exul circumferens tectis impuris successit. Hic AFRA, dum prædam captat, precabundi primò ad mensam modestiā, dehinc verborum de Deo,

Deo, quibus cibos identidem condiebat, suavitatē illecta ipsa capitur; simul amoribus nuntium mittit, simul Christo totam se dedit, exemploque suo mox matrem Hilariam & scelerum nuper socias tres ancillulas trahit. Tantum odor castus unius Narcissi potuit! Doluit sanè hoc nequam genio, qui propalam vischdus multis questus est animam olim suam AFRAM sibi extorqueri. Hæc interea opes malè partas benè inter pauperes dividens, vitamque veterem castissimis coloribus emendans, jubetur à prætore Cajo, misso Christo, ad Veneris sacra redire, Vulcano, ni pareat, sacrificanda. Maluit hujus quàm illius ignes ferre. Itaque palo alligata cum è pyrâ ardente fumos dæmonis æstusque Cupidinis risisset, flammæ inter cælo se intulit, quò mox mater etiam & ternæ famulæ, quòd lacrimas rogo & tumulto AFRÆ affudissent, alio ex rogo evolarunt. Ipsa Venus puto mirabatur ad tot ignes frigere sese. *Ex Surio.*

Dum carnalis vita corrigitur, & usque ad abstinentiæ atque orationis studium pervenitur, quasi jam in altari caro incenditur, ut inde in omnipotentis DEI sacrificium redoleat. Greg. in Moralib.

SS. JUSTUS & PASTOR MM.

6. Augusti.

IUSTVM & PASTOREM germanos fratres: duo sidera, Castorem & Pollucem dicerem, nisi felicitàri sorte unà uterque è cælo adolescentiæ præluceret. Involverat velut turbo omnem Hispaniam furor Daciani, & Complutum jam pervenerat; cùm hi pueruli, abjectis ultrò tabellis, è ludo literario in campum prodire properarunt, factis ostensuri, quantum in Christianâ Philosophiâ

phiâ profecissent. Dixisses ad gremium matris currere, ita ad carnificum manipulos parili cursu contendebant. Dacianus ubi hæc inaudiit, virgis cædi imperavit. Sed illi ad imbellem scholæ metum ridere scilicet; supplicia hæc timidæ ætatis dicere, quæ sæpè nec pueris lacrimas excuterent. Alia itaque tormenta promeret, Tyranno digna, & cum iis rem sibi cogitaret, qui prætextam cum superstitione jam posuissent. Et verò victoriam jam tum desperans Dacianus non admissos educi extra urbem ad supplicium iussit. Illi in amplexus ruere, novo more frater fratri mortem gratulari; hoc demum Christianæ Philosophiæ esse, mortem pro Christo contemnere; hoc germani fratris, germano immori, nec fatis disjungi, quos uterus matris junxisset. Ita animosi, & pleni, quæ in vultum etiam promicabat, lætitiâ, caput securi subdiderunt. Age nunc, quid ad hos discipulos Complutum, vel ipse Cordubensis Philosophus? Certè Dacianus quamprimùm aliò se contulit, non ausus porrò cum viris congregi, tam turpiter à pueris victus. *Ex Baron. & Lippeloo.*

Si vires tue in pugnando sint parva, Christum invoca adiutorem. Cum te perspexerit fideliter invocantem, qui pro te peccavit in ligno, & hic victoriam, & coronam victoria preparabit in calo. S. Aug. l. de symb.

S. ALBERTUS C. 7. Augusti.

ETIAM ALBERTI splendorem prævia ab utero matris lux indicavit. Et rectius MARIÆ quàm hujus filium dixeris, quippe quem sterili eâ lege illa dedit, ut bonâ fide suo servitio olim hæc redderet. Moram ipsis, quibus jungere se ALBERTVS parabat, Carmelitis quos vocant, interponentibus,
R
graviter

graviter nihilominus Deipara parentes objurgavit. Nimirum furtum hoc esse, cælo dicatum terris velle mancipare. quid simiæ catulum amarent? parum interesse veneno an amplexu partū enecarent. ut dare prolem, ita auferre, cum luberet, Superos posse. Audite parentes omnes: his monitis illi manum Deo, filium omnibus disciplinis excultum, posthabitis etiam regiæ puellæ nuptiis, religioni dederunt: quoque magis jam Virgini sacrificium placeret, suismet manibus ad ejus aram candidissimam hostiam stiterunt. Hic ALBERTVS orcum rivalem sponsæ vultum præ se ferentem res sibi scilicet jussit suas habere. Subinde fatigatis obsidione & fame civibus tres cum commeatu triremes cælo remige impetravit. Hebræos complures aquarum vi abreptos in sicco destituit sicco ipse pede undas percurrens. Jam mortē, quam cælesti voce edoctus obiit anno M.CC.XCII. æs campanum sponte sonans, integritatem corpusculi odor suavissimus, beatitatem animi duo Angeli prodiderunt, qui dubiis an ut Cælitē colerent, an ut mortuū lugerent hominibus, sub initium rei divinæ illa verba *Os justī præiverunt*. Nostras mortes ô quàm rectè lugemus! *Ex Sūrio.*

Quicquid illud est, quod offerre paras, Mariæ commendare memento, ut eodem alveo ad largitorem gratia gratia redeat, quò influxit. S. Bern.

S. MYRO EPISC. 8. Augusti.

Nullæ ceræ ornarunt MYRONEM, sed virtutes multæ, quas quidem neque numerare in hac pagellâ possumus, uti nec pauperes, quos pulchro ordine stantes per atria quotidie laudare nobilem ejus manum vidisses. Seminabat ille in hos, quid-
quid

quid ager, quem colebat, dives dedisset ; in fures etiam liberalis. Nam fortè ex his XII. in horreum se penetraverant MYRONIS. Ibi cum saccos frumento, scelere animum onerassent, injecit Deus furacibus manibus arcana vincula, crevitque in tantum facinoris pondus, ut ne humo jam tollere onus possent. Intervenit interea MYRO, & cum illi trepidi alia vincula sperarent, ille missionem dedit, & tergo improborum non, quod meruerant, patibulum, sed saccos, de quibus diximus, benè fartos suâ manu imposuit, emisitque gravi supplicio mactatos. Interea nihil decessit de MYRONIS opibus, quas ille scilicet eo loco, ad quem fures non adrepunt, -cælo recondebat. Sub hæc virtus sacerdotio, mox Episcopatu & miraculis est honorata. Nam & per medium fluvium Tritonem viam sibi fecit, & misso post, pro suo in illum imperio, scipione, coire iterum Moyse noster jussit. Sed & Herculem in illo agnovisses, cum ingens monstrum draconem clavâ, hoc est, oratione dejecit. Exinde reliquam vitam transegit tumulis Divorum exornandis, dum centenarius eundem honorem etiam ipse meruit. *Ex Menais.*

Non videbit diem malum, qui dies bonos habere pauperem fecit : videbit diem malum, qui diem judicii sine advocacy paupertatis intravit : sine causâ accusant peccata, quem pauper excusat. Excusari non potest, quem fames pauperis accusavit. S. Pet. Chrysol. serm. 14.

SS. FIRMUS & RUSTICUS MM.

9. Augusti.

SOciarunt & pugnas & triumphos FIRMVS & RUSTICVS, ipsamque adeò, quod vitio aliis datur, patriam Veronam triumpharunt. Verberibus

bus hæc primò pugnavit , sed illi gloriosum ducebant patriæ plagas ostentare acceptas à patriâ. Jam in carcerem cùm descenderent , Capitolium videbantur petere. In carcere cùm cibum victoribus Tyrannus victus negaret, triumphales epulas Angeli pararunt. Ad has in testarum fragminibus velut in rosis suaviter illi accubabant. Fame sic pulsâ sanguinem sitiebant fundere. Et verò gladio cæsi hunc quoque libarunt. Porro funus utriusque Cælites curarunt mercatorum os habitumque induti, & nobiles merces (ossa Divorum) non procul Carthagine deposuerunt. Horum pretium indicavit genius malus ex alieno ore locutus , præsentiaque horum mirè discruciat. Itaque in Istriam translata corpora. Sed & Istri tanti hæc æstimarunt, ut expetenti Veronæ (cui imbrem cælum tam diu negaturum se edixerat, dum in urbem Divi exules revocarentur) non aliter vendere voluerint, quàm auro tanto appenso , quantum corpora penderent. Sed faverunt patriæ potius licet ingrata Martyres , cumque ad libellam examinarentur , tam leves se præstiterunt , ut ex corrogato auro triens sufficeret. At verò tunc primum magni ponderis apud patriam fuerunt. *Ex Mombr. & Pet. de Natal.*

Homo quid commune cum terris tibi , qui confiteris tibi genus esse de calis ? ergo caelestem vitam monstra in habitatione terrenâ ; quia si quid in te gesserit terrena cogitatio, celo maculam, caelesti generi injuriam intulisti. S. Pet. Chryl. serm. 71.

S. LAURENTIUS M. 10. Augusti.

DUcebatur ad mortem Sixtus Pont. Max. & ecce LAURENTIUS expostulare cum hoc cœpit,

cœpit, non quòd ad præmia iret, sed quòd sine filio pater iret. Enimverò qui ad aram socius fuerit, ad crucem se futurum. Ad hæc Sixtus: Suum esse præire, ministri sequi; suum, hæredem vitæ relinquere, cujus si fuisset, propediem etiam mortis futurum; thesauros interim Ecclesiæ tyranni manibus subduceret. His lætior LAVRENTIUS confestim opes omnes sacras in pauperum sinus abdit, hi cælo condunt. Valerianum deinde hiantem & inhiantem ad templum ducit, & pauperẽ longo ordine de ponte gregem monstrans, hi inquit, thesauri, quos orbis habet, sunt maximi. quin tu hos ambis avarus, hos foves, &, si sapias, his rumctiam jungis ærarium. Hic Imperator virgas, flagra, ignes inclamare, & hæc omnia continuò LAVRENTIO carnifices admovere, ut jam abeuntem animam Deo martyr commendaret. Sed è Cælitibus adfuit, qui sudorem Athletæ & sanguinem linteo abstergeret. Tyrannus interim os LAVRENTII saxi, hic verò aures tyranni verbis liberimis pulsavit. Ad extremum craticulæ super injectus, & lento igne tostus, non tamen insultare Valeriano destitit, sed subinde arridens illi, *verte* exclamavit, & *manduca*. Et ille quidem hoc epulo indignus fuit. At cæli, quos jam dudum odor nobilissimi convivii exciverat, ad se tam nobile ferculum rapuerunt, & convivas, si modò placet, etiam nos habere peroptant. *Ex Lip. & Baron.*

Quis nolit ad horam uri Laurentii igne, ut æternum gehennæ non patiatur incendium? ejus exemplo provocamur ad martyrium, & accendimur ad fidem, incallescimus ad devotionem, & si in nobis persecutoris flamma deest, fidei tamen flamma non deest. S. Aug. serm. de S. Laurent.

S. ALEXANDER EP. II. Augusti.

IN uno vultu & Philosophum, & Carbonarium, & Episcopum, & Christi Martyrem agnosce. Poterat equidem ALEXANDER inter sapientiæ candidatos facile princeps esse, cum ipsi jam honores suum clientem ambirent. Sed maluit ille honestiore ambitu sordidatus cælum prensare & inter silvas abditus, quibus stultissima mundi vota notaret damnaretque, carbones facere. Interea advenit Gregorius Pont. (is qui à magnis mirisq; factis nomen habet) Comanis Præsulem daturus. Hic cum omnium vota in opulentos & genere ac clientelis nobiles spectarent, unus Gregorius virtutem potius ait in solium extollendam, ubi ubi demum illa etiam sub lacero pallio latitaret. Quin igitur (cum risu è turbâ nescio quis subdit) dictatorem ab aratro nobis, aut certè à carbonibus suis ALEXANDRVM adduci imperas, splendenterque jam antè à rogo suo insulâ insuper exornas? Enimverò Numine ita suggerente jubet adduci hominem Pontifex: mox indolem & modestiam altius æstimans pro imperio vitæ ordinem sibi explicare; eâ intellectâ & sordibus absterfis mitrâ indui, indutum ad concionem dicere jubet. Tunc enimverò ALEXANDRVM Præsulem suum cives jam non inviti salutarunt, finiitque cum plausu fabula. Ille cum sanctè diu munus suum administrasset, à fidei hostibus demum igne exustus iterum carbones dedit, sed quibus Ecclesia hunc diem pulchrius quàm gemmis suos olim antiquitas signat. *Ex S. Gregor. Thaum. & Virid. Rader.*

Omnes delectat celsitudo; sed humilitas gradus est.

Quid

*Quid tendis pedem ultra te? cadere vis, non ascendere;
à gradu incipe, & ascendisti.* Aug. epist. 18.

S. SUSANNA VIRG. MART.

II. Augusti.

V Nam lex vetus nobis SVSANNAM laudat, pu-
dicitiae matronalis exemplar; multò rectius
nos alteram, virginitatis speculum & post sangui-
nem pro Christo fusum longè pulchriorem illâ
alterâ. Quare oculos etiam Maximiani in se, sed
longè antè Christi rapuit; cuius thalamo ut ser-
varet sese, illius amores contempsit. Quid, quòd
eos, qui conciliare SVSANNAM Maximiano adla-
borarunt, prius SVSANNA Christo conciliavit?
Eam ob rem cum grave virgini certamen immi-
neret, ab Imperatrice Serenâ (Christo clàm jam
tunc addicta hæc erat) in aulam evocata est. Ibi
cum totos dies precibus se & adhortationibus
mutuis armassent, in pugnam denique proditura
SVSANNA domum concessit. Nec multò pòst ad-
fuit Maximianus & malis auspiciis amoris ædes
castas necquicquam oppugnavit. Nam rectius
SVSANNA Angeli ductu pugnavit, qui ab ædibus
repulit profanum. Successit Maximiano Imp. Dio-
cletianus, Macedonio misso, qui ad Deorum sa-
crificium velut ad fœdus invitaret tam fortiter
decertantem. Sed nimirum geminum hostem
triumphare etiam hæc SVSANNA debebat. Et verò
triumphavit, rectiusque Deo ipsam humi affli-
ctam dæmonis statuam sacrificavit. Mox eidem
post multa verbera gladio cæsa sanguinem etiam
suum litavit. Istum peplo suo excepit Serena, do-
mumque veluti ingentem thesaurum reportavit.
Et reverà purpuram, qualem nunquam antehac

etsi Imperatrix, & in eâ tot gemmas, quot guttas portabat. *Ex Surio.*

O anima, quæ in te Christum habes, attende tibi, tibi ipsi vaca: immortalis est Christus sponsus tuus; cave eum deseras, ne ab eo derelicta diligas inimicum tuum ab omni justitia pulchritudine remotissimum. S. Ephrem de exercitat.

S. CLARA V. 12. Augusti.

FRANCISCI illustris partus virgo CLARA est, mater eadem omnium virginum, quæ FRANCISCI institutū æmulantur, jam antè parenti suæ, quàm nasceretur, à Christo è cruce laudata. Ergo unicū sexūs sui miraculum ea facere molles virgunculas docuit, quæ multi in viris miramur, pauci imitamur. Asperrimam vitæ rationem, atque ultimam, quam in ordinem suum invexit, paupertatem cordi Deo esse, vel tunc probavit, quando abundare in vacuo etiam vase oleum fecit, & dimidium panem quinquaginta omnino virginibus sufficere. Neque erravero, puto, si Moyse etiam feminam æquiparavero. Certè obsidione gravi cūm Assisium cingeretur, precibus ante Eucharisticum epulum CLARA depugnans omnes in fugam hostes egit, certiorque de victoriâ ab ipsomet sponso Christo est facta. Ab hoc aliàs nunc ad nascentis cunas, nunc ad patientis tormenta spectanda cūm evocata esset, Crucis deinceps signo ita usa est, ut contra morbos Alexiteriorum, contra orci minas Panoplæ vicem esset. Jam moriens uti è terris cum purpurato senatu summum Pont. ita è cælis cum candido virginum agmine virginum Reginam, & cum hac summum Numen ad se pertraxit; itaque in cælo fuit,

fuit, antequàm fuit. Ex Surio.

*Sanguine Agni servatur domus à percussione Angeli:
& aqua maris rubri extinguuntur inimici, quæ sunt
mysteria Ecclesiæ Christi. Hieron. super Luc.*

S. CASSIANUS EP. ET MART.

13. Augusti.

Pulchrius longè CASSIANVS post Pontifica-
tum, quem apud Brixentas gesserat, quàm post
Regnum olim Dionysius, ludum in foro Cornelii
exul aperuit, non ignarus has demum illas esse
rasas tabulas, è quibus nec senectus mores expun-
gat, quos olim infantia inscripsit. Sed heu quoties
juventus indignum tuis Doctoribus Minerval in-
grata persolvit? Rapitur ecce ad iudices CASSIA-
NVS, & impietatis in Deos damnatus pueris tra-
ditur excarnificandus. Nulla mora. Convolant
velut ad ferias literarias pesium feriati, & ad pec-
nas magistrum nudum discipuli vocant. Pars ta-
bulas capiti illidunt franguntque, pars graphiis,
nunc punctim, nunc verso stylo cæsum invadunt,
vulnera identidem convitiis interpolantes. Alii
nunc demum sibi literatum videri præceptorem
clamare; alii rogare, num rubrica hæc placeret?
num amplius satis latusque stylus esset? satne acu-
tum foret epigramma, quod exararent? Alii de-
nique hortari se mutuò, ne otiosi essent; hoc
præceptoris semper unicum præceptum fuisse,
nunquam stylum ponere, semper aliquid scripti-
tare. Et fortè unus è turbâ aliquis: ingrati non
erimus CASSIANE magister, multas fateor tibi de-
bemus, sed, hem! quas accepimus omnes reddi-
mus, & cum fœnore, plagas. Quærebat interea
per mille vulnera exitum ingens anima, nec re-
periebat.

periebat, usque dum omnia in unum confusa victrici in cælum viam fecerunt. *Ex Prudent.*

Spem tuam omni horâ in Deo pone, & quidquid tibi accesserit, sive bonum sive malum, ex toto corde semper dic, Deus in adjutorium meum intende. Si vis saluus esse, versiculus iste de corde tuo non recedat : cum ipso dormi, & cum ipso vigila. S. Aug. serm. i. de Jejun.

S. RADEGUNDIS REGINA.

13. Augusti.

SAlve nitidissimum coronæ Gallicæ lilium, salve RADEGVNDIS ! & tu Mariane, eia mecum odoribus pascere ; quibus cælum gaudet. Superi ! Regis filia, & Regi nupta ecce mendicabulis famulatur, opobalsama ducit pædorem & nauteam : exesa scabie capita & quas lingua nominare fugit ultimas sordes dignas gemmas putat, quas regiâ manu tractet. Inter delicias esurit, inter falerna sitit : purpuram pulchrè cilicio suffulcit : superbit tergemino torque, sed ferreo, sed carni nudæ jam innato potius quàm illigato, quid ? Anne regnum etiam calcas generosa ? ecce aulam Asceterio, Clotarii lectum Christi thalamo permutat. Quid amplius à feminâ sperem ? & tamen nescio quid amplius amor ingeniosus meditatur. En flammæ hic subdit, manum armat, æneam candentemque plus à suis quàm alienis ignibus Christi effigiem corpori inurit, dum cordi cupit. Falleris ô RADEGVNDIS si animo insculptum necdum credis. inde prototypon manus sunt mutuata. Nimirum hæc cælo vim faciunt. Adest Deus amatus & amantis etiam ipse vultum indutus blanditiis amantem demulcet, & coronæ suæ pulcherrimum eam unionem appellat. Sed & paranymphe Angeli sponsæ

sponsæ morienti adsunt, & cantu ah nimum suavi animulam evocant. Quid ô Angeli! quid suum terris liliū eripitis? Ah alia saltem cælo semina spargite. despero. imò ex horto Mariano spero. *Ex Surio.*

Christus opprobria, irrisiones, contumelias, alapas, sputa, flagella, spineam coronam crucemq; sustinuit. Et nos miseri ad nostram confusionem uno sermone fatigamur, uno verbo dejicimur? Isidor. de summo bono.

B. STANISLAUS KOSTKA.

14. Augusti.

STANISLAUS ex illustri apud Polonos Koskarum familiâ, cum Viennæ Rhetoricæ operam daret, Mariam ferè laudandam sibi sumpsit, latum videlicet oratori campum. A fratre majore etiam verbera passus non tamen ideò minùs aut virtutem coluit, aut sacrum epulum frequentavit, ad quod semper pridiano jejunio famem acuebat. Inde hoc ipsum ægro; cum ter irruentem in se Stygis Cerberum Crucis signo fugasset, D. Barbara inter Angelos ministravit; mox ipsa MATER languentem recreavit, collocato puero JESU in decumbentis lectulo; abiens deinde monuit, Societati JESU nomen daret. Cui rei cum obicem posaturi essent frater ac parentes, fugâ elapsus Dilingæ in convictorum ædibus tam nobilis hospes mediastinum egit: Romæ in Societatem receptus iis divini amoris facibus arsit, ut recreare frigidâ pectus æstuans fuerit necesse. Itaque cælo jam maturus cum prælegi sibi patronorum nomina (menstruorum præcipuè) jussisset, nunc in JESU effigie vulnera, nunc in Mariæ, tibia deosculans, & utriusque nomina inclamans expiravit.

pridie VIRGINIS ASSUMPTÆ; quam num amaret rogatus, quid ni, inquiebat, MARIAM amem matrem meam? ita enim eam appellitabat novos semper de illâ titulos & magnifica verba excogitans. Utique igitur MARIA mater STANISLAI, sed & filius STANISLAUS MARIÆ fuit. Utinam plures fratres numeraret! *Ex Franc. Sacchino.*

Panem caelestem spiritualiter manducate, innocentiam ad altare portate. Mentiri Deo potes, Deum fallere non potes; novit ille quid agas: intus te videt, intus te examinat, intus inspicit, intus judicat, aut damnat, aut coronat. S. Aug. tract. 26. super Joann.

ASSUMPTIO B. MARIÆ VIRG.

15. Augusti.

A Ge penna, quid humi repis, dum VIRGINEM laudas? altius vola, & supra cælos laudibus hodie merentem tolle. Sequimini Sodales, si germani MARIÆ pulli estis. Crescebant, & oculos cæli multum delectabant primi Ecclesiæ flosculi, cum hos è cælo filius, in terris MATER foveret. Sed denique ille matrem terris, hæc filium cælis invidebat. Ergo igitur iterum boni nuntii bajulus Gabriel adest, & ad suavissimum mortis somnum invitat. Adsunt interim divino nutu, qui toto orbe divisi erant Apostoli, & lectulum abiturientis ambiunt. Cerneret pro virgine certantem cum cælo terram. Hinc filii lacrimis retinent, & amplexu morantur; illinc suavissimi Cælitum moduli animam beatam proliciunt, trahuntque ah! sponte properantem. Suscipit proinde matrem filius, sinumque pro sinu rependens illuc evehit, unde unum illa Deum suspicit, alia omnia despicit. Solabatur terra luctus suos opimo spolio,

spolio, corpusculo Virgineo, sed etiam hoc brevi spolianda. Etenim cum, ita Numine volente, serius è XII. proceribus Thomas advenisset, & amissam Matrem etiam in tumultu mœstus quæreret, præter lintea, tam magni thesauri nuper involucria, nihil reperit; quòd cælum etiam Corpus subduxisset. Ah liceat amplexis pedes, & in hederæ morem alligatis dicere; Nunc, si terram nauseas, Virgo, Scande Cælum. *Ex Brev. Rom. &c.*

Præcessit nos Regina nostra, præcessit, & tam gloriose suscepta est, ut fiducialiter sequantur Dominam servuli clamantes, trahere nos post te; in odore unguentorum tuorum curremus. S. Bern. serm. I. de Ass. B. M. V.

S. ARNULPHUS EP. 16. Augusti.

SÆpè matres & viva filiorum funera malè rident & malè lugent mortua; id quod ARNULPHI etiam mater primò factitabat, dum quem primum enixa est filium, spem unicam familiæ, sed morte intempestivâ sublatum non posse deflere satis sibi videbatur. Sed monuit bonus Genius æquo animo ferret, quod non posset non ferre; qui maximè oculis arriderent flores, hos primos carpi. Non invideret filio Cæli contubernium, in omnia vitia, si porrò ivisset, atque adeò latronum societatem abripiendo. Potius nascituri àlterius filii spe animum erigeret, qui vitæ sanctioris famâ orbem esset impleturus. Atque hic ARNULPHVS noster fuit, aulam primò & militiam, tum monasticen secutus, eo semper vitæ tenore, ut dubium pænè fecerit, sanctiõrne miles an monachus fuerit. Ex hoc Abbas, ex Abbate Pontifex Sueffione ita se gessit, ut extremum ægro ter concussum cubiculum tex spectaculum objecerit jucundissimum

morituro. Nam primò videre Apostolorum Principem habuit, qui noxarum veniam largissimam nunciabat: mox cælestium agminum Primipilum, qui com meatum in cælum promittebat; demum ipsam cæli Reginam, quæ festo sibi, quo cælo recepta fuit, die, recipiendum cælo etiam ipsum indicavit. Tanti, ô Superi! tanti ægrotare etiam mihi foret! *Ex Surio.*

Pretiosa mors sanctorum, pretiosa planè, tanquam finis laborum, tanquam victoriæ consummatio, tanquam vitæ janua & perfectæ securitatis ingressus. Bern. in epist.

S. ROCHUS CONF. 16. Augusti.

NAscitur Rochus loco perillustri in Galliâ, portentosâ Cruce à matre rubens: ætatis anno duodecimo amissis parentibus etiam opes in pauperes abjicit; ipse ditione suâ patruo commissâ, Italiam Religionis causâ petit. Hic dum laborantibus peste servitium suum addicit, magnâ omnium admiratione quàm plurimos sanitati Crucis signo restituit. Secundum hæc divinitus edoctus, quibus malis porrò exercendus esset, acutâ primum feбри tentatur, mox sagittâ coxam trajicitur. Sanus boni Angeli ope, dum in patriam repedit, iterum æger ex itinere sub arbore decumbit; annonam in dies singulos panem unum cane subministrante. Redux denique in suam ditionem, eandem domi, quàm foris fortunam, hoc est iniquam reperit. Grassantibus enim per ea tempora ubique bellis, pro exploratore habitus captusque ab ipso patruo hospitio publicitus, hoc est, carcere excipitur. Hoc cum mille modis absolvere se ipsum posset, quinque ipsos tamen annos delite-

scit.

scit. Tandem cū nomen tabulæ suæ inscripsisset, simul amplam sponsonem, quā cælum omnibus peste correptis medicinam ROCHI intercessionem fore edixerat, peste ipse Medicus pestiferorum decedit. Sed tanti fuit, ut liber animus è gemino carcere evolaret. *Ex Lippeloo.*

Quomodo tenebas sacculum, ne tibi extorqueatur à fure, sic custodi innocentiam, ne tibi extorqueatur à diabolo; sit illa certum patrimonium tuum, de qua sunt divites & pauperes. Quid tibi prodest lucrum auri, & damnum innocentia? ergo custodi innocentiam. S. Aug. serm. 3. sup. ps. 36.

S. MAMMAS M. 17. Augusti.

Qui puerum MAMMANTEM Martyrem miraris, noveris lac Martyris bibisse. In carcere quippe natus primas cunas vincula habuit, primum ridere inter utrumque parentem mortuum visus est, cū pater ante ejus ortum, mater non multò post obiissent. Talem matronæ commendavit Angelus educandum. Mox cū annum ageret quintum decimum, virum jam se tyranno & contra verbera Spartanum, contra ignes Romanum præbuit. Undis deinde suffocando iterum Genius Tutelæ adfuit, actisq; in fugam tortoribus Martyrem in montem duxit. Hic generosus puer tot jam penè nutrices, quot silva feras numeravit; cū hæ ultrò Divi mulgentis manum ambirent, iisdemq; deliciis & famem nobilem & sitim pellerent. Atque hujus miraculi fama cū aures Præsidis pulsasset, equites misit, qui MAMMANTEM sisterent. Excepit MAMMAS ignaros, primumq; lacte & caseo, tum ipse ferarum spectaculo recreatos in urbem est secutus. Iterum er-

go plagis sævitum, sed quas inter rideret MAMMAS; iterum fornax succensa, sed in quâ quartum puerum Babylon agnosceret. Feris quoque cum objectus esset, ursus pardusque sudorem Athletæ abstergebant; leone interim, qui comes Martyri è monte iverat, in carnifices grassante. Denique tridente confossus MAMMAS ilia effusa extra urbem extulit, & moriturus ipse sepulchrum speluncam subiit. *Ex Metaphr.*

Terram nesciat, amorem carnis ignoret, nihil in se vitiis licere permittat, qui se Dei filium credit; actu, vitâ, moribus, tanto generi respondeat; ne iterum ad terrena descendens ad tanti genitoris tendat injuriam. S. Pet. Chryl. serm. 68.

SS. PAULUS & JULIANA MM.

17. Augusti.

Ptolemaidem urbem Aurelianus Imperator ingrediebatur, Christianos, si ita Diis placeret, triumphaturus; cum inter effusos obviam cives PAULVM conspexit signo Crucis contra minas improbas se armantem. Primum igitur impetum Tyrannus in hunc fecit, suspensumque cædi atrociter imperavit. Interea Soror PAULI adest JULIANA geminâ planè virtute, & iisdem armis in hostem armata. Ea verbis pro innocentia germani pugnans acriter in tyrannum invehitur. At hic eodem supplicio jubet affligi. Sed ærem verberabant carnifices. Hinc in liquatam flammis picem mittuntur; sed ingressos Bajas crederes. Mox in sellas imponuntur ab igne subjecto ardentes; sed illi inter pœnas has verè otiosi affidebant. Ergo in carcerem compinguntur fame longâ expugnandi. Sed ecce nocte intempestâ Angelus adest. & ex-
pe-

peditis è vinculis epulum triumphale struit. Ab hoc veteres iterum pugnas pugnant, inter vipers incolumes, inter omnia tormenta salvi. Illud JULIANÆ peculiare, è lupanari pudorem salvum asportasse, Angeli præsidio, qui luce insolenti, quotquot vim inferre Virgini meditabantur, omnes excæcavit. Restituit tamen illa facinus detestantibus oculos, & post victos iterum ignes gladio cæsa novo more & spectaculo nunquam Romæ viso cū Fratre Soror triumphavit. *Ex Metaphr.*

Tale viri Christiani Apostolus voluit esse convivium, ut magis fides Christi, quàm prandiî sagina comedatur; & plus reficiat hominem Dominici nominis frequens invocatio, quàm epularum multiplex & copiosa collatio, meliusquè pascat religio, quàm sagina. S. Max. hom. 2. de Carn. Host.

S. CLARA DE MONTE FALCO V.

17. Augusti.

COrculum videre te Cæli puta, quisquis Cor hoc CLARÆ vides tantâ verecundiâ Virgunculæ, ut loqui aliter, quàm vultu velato, religionem professio germano erubuerit, vulnus etiam à tali oculo timens, quid imò facinus non nisi lacrimis expiandum rata imprudentem in somno pedem lectulo extulisse. Huic pudori tuendo noctes pervigilavit; infandis flammis cilicia objecit; Cupidinem flagris, virgis & urticis terruit; hostem verò intestinum ultimâ fame domuit, linguamque ita frenavit, vel semel tantum, matris alloquendæ gratiâ, silentium in vitâ fregerit. Huic virtuti insidias facturus Veterator Joannam sororem (vitæ tam sanctæ Magistram) mentitus est, & virginitatem cum velo jussit exuere, ni vitâ vel-
ler

diceres

gignatis in

non ferre

ferous à

re nihil p

HELMVS

genti Vab

abstulit. C

VVILHE

ramque m

gligentiam

derunt? q

Expius in

nihil, pòst

missum inq

hæc aliaq

VVILHE

omnem fer

ad Religio

munia exc

tum priori

sua VVIL

no Christi

Eleemosy

mus, & ip

securi possi

dedimus; n

misiſti. B. C

S,

IUre mer
numera
tione imp
Sed dum il

hunc, ut cujus consilia omnia denique in fumum abirent. Tum verò geminari verbera, & perfundi pectus bulliente à flammis aquâ, & pugnis frangi malas Athletæ tyrannus iussit. Sed hic, non ille etiam hæc sensit supplicia, vi divinâ è tribunali mox etiam è vitâ exturbatus. Aurelianus ergo Imp. morte AGAPITI Antiocho suo parentaturus ad bestias damnavit invictum. Sed hæc cum pedes victoris lamberent, docuerunt humanitatem in feras, feritatem in tyrannum immigrasse. Tandem AGAPITVS decollatus intra geminas columnas dicere sine mendacio Herculi potuit PLUS ULTRA. Ex Ferrario.

Si membris integris & valentibus flores, noli corporis robore & viribus gloriari; sed considera quot & quanta corpori pericula immineant; quamvis enim ad exiguum tempus corpus nostrum firmum sit, tamen quid posterior sortitura sit dies, ignoramus. S. Ephrem. de Vit. spir.

S. LUDOVICUS EPISC. 19. Augusti.

LUDOVICVM Caroli Regis Sicilia primò, post S. Francisci filium tenes. Puerulus somnum patris humi precationibus interpellavit. Caponem, quod pauperum præda esset, pio furto è mensâ ablatum, cum parens id subodoraretur, in rosas vertit. Arma ludicra tractantem cum equus abiecisset, vicissim mundum ludibrio habiturus arma se & equos abiecit. Quare quo die soror in matrem hominis convenit, ipse sacris initiatus virginitatem Deo despondit, demonemque sub felidiantem signo Crucis elusit. Æger voto ad D. Virginem factò è morbo surrexit, & in D. Francisci familiam abiit. Inde ad Pontificatum Tolosanum evehctus est. VIRGINEM uti in omni vitâ, ita

periebat, usque dum omnia in unum confusa vitrici in cælum viam fecerunt. *Ex Prudent.*

Spem tuam omni horâ in Deo pone, & quidquid tibi accesserit, sive bonum sive malum, ex toto corde semper dic, Deus in adiutorium meum intende. Si vis saluus esse, versiculus iste de corde tuo non recedat : cum ipso dormi, & cum ipso vigila. S. Aug. serm. i. de Jejun.

S. RADEGUNDIS REGINA.

13. Augusti.

SAlve nitidissimum coronæ Gallicæ lilium, salve RADEGVNDIS ! & tu Mariane, eia mecum odoribus pascere ; quibus cælum gaudet. Superi ! Regis filia, & Regi nupta ecce mendicabulis famulatur, opobalsama ducit pædorem & nauteam : exesa scabie capita & quas lingua nominare fugit ultimas sordes dignas gemmas putat, quas regiâ manu tractet. Inter delicias esurit, inter falerna sitit : purpuram pulchrè cilicio suffulcit : superbit tergemino torque, sed ferreo, sed carni nudæ jam innato potius quàm illigato, quid ? Anne regnum etiam calcas generosa ? ecce aulam Asceterio, Clotarii lectum Christi thalamo permutat. Quid amplius à feminâ sperem ? & tamen nescio quid amplius amor ingeniosus meditatur. En flammæ hic subdit, manum armat, æneam candentemque plus à suis quàm alienis ignibus Christi effigiem corpori inurit, dum cordi cupit. Falleris ô RADEGVNDIS si animo insculptum necdum credis : inde prototypon manus sunt mutuatae. Nimirum hæc cælo vim faciunt. Adest Deus amatus & amantis etiam ipse vultum indutus blanditiis amantem demulcet, & coronæ suæ pulcherrimum eam unionem appellat. Sed & paranymphe Angeli sponsæ

14. Aug. VITÆ SANCTORVM. 395
sponsæ morienti adsunt, & cantu ah nimum suavi
animulam evocant. Quid ô Angeli! quid suum
terris liliū eripitis? Ah alia saltem cælo semina
spargite. despero. imò ex horto Mariano spero.
Ex Surio.

*Christus opprobria, irrisiones, contumelias, alapas,
sputa, flagella, spineam coronam crucemq; sustinuit. Et
nos miseri ad nostram confusionem uno sermone fatiga-
mur, uno verbo dejicimur? Isidor. de summo bono.*

B. STANISLAUS KOSTKA.

14. Augusti.

STANISLAUS ex illustri apud Polonos Kos-
karum familiâ, cum Viennæ Rhetoricæ ope-
ram daret, Mariam ferè laudandam sibi sumpsit,
latum videlicet oratori campum. A fratre majore
etiam verbera passus non tamen ideò minùs aut
virtutem coluit, aut sacrum epulum frequentavit,
ad quod semper pridiano jejunio famem acuebat.
Inde hoc ipsum ægro; cum ter irruentem in se Sty-
gis Cerberum Crucis signo fugasset, D. Barbara
inter Angelos ministravit; mox ipsa MATER lan-
guentem recreavit, collocato puero JESU in de-
cumbentis lectulo; abiens deinde monuit, Socie-
tati JESU nomen daret. Cui rei cum obicem posi-
turi essent frater ac parentes, fugâ elapsus Dilingæ
in convictorum ædibus tam nobilis hospes me-
diastinum egit: Romæ in Societatem receptus
iis divini amoris facibus arsit, ut recreare frigidâ
pectus æstuans fuerit necesse. Itaque cælo jam
maturus cum prælegi sibi patronorum nomina
(menstruorum præcipuè) jussisset, nunc in JESU
effigie vulnera, nunc in MARIÆ, ubera deoscu-
lans, & utriusque nomina inclamans expiravit,

pridie VIRGINIS ASSVMPTÆ; quam num amaret rogatus, quid ni, inquiebat, MARIAM amem matrem meam? ita enim eam appellitabat novos semper de illâ titulos & magnifica verba excogitans. Utique igitur MARIA mater STANISLAI, sed & filius STANISLAUS MARIÆ fuit. Utinam plures fratres numeraret! *Ex Franc. Sacchino.*

Panem caelestem spiritualiter manducate, innocentiam ad altare portate. Mentiri Deo potes, Deum fallere non potes; novit ille quid agas: intus te videt, intus te examinat, intus inspicit, intus judicat, aut damnat, aut coronat. S. Aug. tract. 26. super Joann.

ASSUMPTIO B. MARIÆ VIRG.

15. Augusti.

A Ge penna, quid humi repis, dum VIRGINEM laudas? altius vola, & supra cælos laudibus hodie merentem tolle. Sequimini Sodales, si germani MARIÆ pulli estis. Crescebant, & oculos cæli multum delectabant primi Ecclesiæ flosculi, cum hos è cælo filius, in terris MATER foveret. Sed denique ille matrem terris, hæc filium cælis invidebat. Ergo igitur iterum boni nuntii bajulus Gabriel adest, & ad suavissimum mortis somnum invitat. Adsunt interim divino nutu, qui toto orbe divisi erant Apostoli, & lectulum abiturientis ambiunt. Cerneret pro virgine certantem cum cælo terram. Hinc filii lacrimis retinent, & amplexu morantur; illinc suavissimi Cælitum moduli animam beatam proliciunt, trahuntque ah! sponte properantem. Suscipit proinde matrem filius, sinumque pro sinu rependens illuc evehit, unde unum illa Deum suspicit, alia omnia despicit. Solabatur terra luctus suos opimo spolio,

spolio, corpusculo Virgineo, sed etiam hoc brevi spolianda. Etenim cum, ita Numine volente, serius è XII. proceribus Thomas advenisset, & amis-
sam Matrem etiam in tumulto mœstus quæreret, præter lintea, tam magni thesauri nuper involu-
cra, nihil reperit; quòd cælum etiam Corpus sub-
duxisset. Ah liceat amplexis pedes, & in hederæ
morem alligatis dicere; Nunc, si terram nauseas,
Virgo, Scande Cælum. *Ex Brev. Rom. &c.*

*Præcessit nos Regina nostra, præcessit, & tam glorio-
sè suscepta est, ut fiducialiter sequantur Dominam ser-
vuli clamantes, trahere nos post te; in odore unguentorum
tuorum curremus. S. Bern. serm. I. de Ass. B. M. V.*

S. ARNULPHUS EP. 16. Augusti.

SÆpè matres & viva filiorum funera malè ri-
dent & malè lugent mortua; id quod ARNVL-
PHI etiam mater primò factitabat, dum quem pri-
mum enixa est filium, spem unicam familiæ, sed
morte intempestivâ sublatum non posse deflere
satis sibi videbatur. Sed monuit bonus Genius
æquo animo ferret, quod non posset non ferre;
qui maximè oculis arriderent flores, hos primos
carpi. Non invideret filio Cæli contubernium, in
omnia vitia, si porrò ivisset, atque adeò latronum
societatem abripiendo. Potius nascituri àlterius fi-
lii spe animum erigeret, qui vitæ sanctioris famâ
orbem esset impleturus. Atque hic ARNVLPHVS
noster fuit, aulam primò & militiam, tum mona-
sticen secutus, eo semper vitæ tenore, ut dubium
pænè fecerit, sanctiôrne miles an monachus fue-
rit. Ex hoc Abbas, ex Abbate Pontifex Sueffione
ita se gessit, ut extremum ægro ter concussum cu-
biculum tex spectaculum objecerit jucundissimum

morituro. Nam primò videre Apostolorum Principem habuit, qui noxarum veniam largissimam nunciabat: mox cælestium agminum Primipilum, qui commeatum in cælum promittebat; demum ipsam cæli Reginam, quæ festo sibi, quo cælo recepta fuit, die, recipiendum cælo etiam ipsum indicavit. Tanti, ô Superi! tanti ægrotare etiam mihi foret! *Ex Surio.*

Pretiosa mors sanctorum, pretiosa planè, tanquam finis laborum, tanquam victoria consummatio, tanquam vita janua & perfecta securitatis ingressus. Bern. in epist.

S. ROCHUS CONF. 16. Augusti.

NAscitur ROCHVS loco perillustri in Galliâ, portentosâ Cruce à matre rubens: ætatis anno duodecimo amissis parentibus etiam opes in pauperes abjicit; ipse ditione suâ patruo commissâ, Italiam Religionis causâ petit. Hîc dum laborantibus peste servitium suum addicit, magnâ omnium admiratione quàm plurimos sanitati Crucis signo restituit. Secundum hæc divinitus edoctus, quibus malis porrò exercendus esset, acutâ primum febris tentatur, mox sagittâ coxam trajicitur. Sanus boni Angeli ope, dum in patriam repedit, iterum æger ex itinere sub arbore decumbit; annonam in dies singulos panem unum cane subministrante. Redux denique in suam ditionem eandem domi, quàm foris fortunam, hoc est iniquam reperit. Grassantibus enim per ea tempora ubique bellis, pro exploratore habitus captusque ab ipso patruo hospitio publicitus, hoc est, carcere excipitur. Hoc cum mille modis absolvere se ipsum posset, quinque ipsos tamen annos delitescit.

scit. Tandem cū nomen tabulæ suum inscripisset, simul amplam sponfionem, quā cælum omnibus peste correptis medicinam ROCHI intercessionem fore edixerat, peste ipse Medicus pestiferorum decedit. Sed tanti fuit, ut liber animus è gemino carcere evolaret. *Ex Lippeloo.*

Quomodo tenebas sacculum, ne tibi extorqueatur à fure, sic custodi innocentiam, ne tibi extorqueatur à diabolo; sit illa certum patrimonium tuum, de qua sunt divites & pauperes. Quid tibi prodest lucrum auri, & damnum innocentia? ergo custodi innocentiam. S. Aug. serm. 3. sup. ps. 36.

S. MAMMAS M. 17. Augusti.

Qui puerum MAMMANTEM Martyrem miraris, noveris lac Martyris bibisse. In carcere quippe natus primas cunas vincula habuit, primum ridere inter utrumque parentem mortuum visus est, cū pater ante ejus ortum, mater non multò post obiissent. Talem matronæ commendavit Angelus educandum. Mox cū annum ageret quintum decimum, virum jam se tyranno & contra verbera Spartanum, contra ignes Romanum præbuit. Undis deinde suffocando iterum Genius Tutelæ adfuit, actisque in fugam tortoribus Martyrem in montem duxit. Hic generosus puer tot jam penè nutrices, quot silva feras numeravit; cū hæ ultrò Divi mulgentis manum ambirent, iisdemque deliciis & famem nobilem & sitim pellerent. Atque hujus miraculi fama cū aures Præsidis pulsasset, equites misit, qui MAMMANTEM sisterent. Excepit MAMMAS ignaros, primumque lacte & caseo, tum ipse ferarum spectaculo recreatos in urbem est secutus. Iterum ergo

go plagis lævitum, sed quas inter rideret MAMMAS; iterum fornax succensa, sed in quâ quartum puerum Babylon agnosceret. Feris quoque cum objectus esset, ursus pardusque sudorem Athletæ abstergebant; leone interim, qui comes Martyri è monte iverat, in carnifices grassante. Denique tridente confossus MAMMAS ilia effusa extra urbem extulit, & moriturus ipse sepulchrum speluncam subiit. *Ex Metaphr.*

Terram nesciat, amorem carnis ignoret, nihil in se vitiis licere permittat, qui se Dei filium credit; actu, vitâ, moribus, tanto generi respondeat; ne iterum ad terrena descendens ad tanti genitoris tendat injuriam. S. Pet. Chrys. serm. 68.

SS. PAULUS & JULIANA MM.

17. Augusti.

PTolemaidem urbem Aurelianus Imperator ingrediebatur, Christianos, si ita Diis placeret, triumphaturus; cum inter effusos obviam cives PAULVM conspexit signo Crucis contra minas improbas se armantem. Primum igitur impetum Tyrannus in hunc fecit, suspensumque cædi atrociter imperavit. Interea Soror PAULI adest JULIANA geminâ planè virtute, & iisdem armis in hostem armata. Ea verbis pro innocentia germani pugnans acriter in tyrannum invehitur. At hic eodem supplicio jubet affligi. Sed aërem verberabant carnifices. Hinc in liquatam flammis picem mittuntur; sed ingressos Bajas crederes. Mox in sellas imponuntur ab igne subjecto ardentes; sed illi inter pœnas has verè otiosi affidebant. Ergo in carcerem compinguntur fame longâ expugnandi. Sed ecce nocte intempestâ Angelus adest & expe-

peditis è vinculis epulum triumphale struit. Ab hoc veteres iterum pugnas pugnant, inter vipers incolumes, inter omnia tormenta salvi. Illud JULIANÆ peculiare, è lupanari pudorem salvum asportasse, Angeli præsidio, qui luce insolenti, quotquot vim inferre Virgini meditabantur, omnes excæcavit. Restituit tamen illa facinus detestantibus oculos, & post victos iterum ignes gladio cæsa novo more & spectaculo nunquam Romæ viso cū Fratre Soror triumphavit. *Ex Metaphr.*

Tale viri Christiani Apostolus voluit esse convivium, ut magis fides Christi, quàm prandii sagina comedatur; & plus reficiat hominem Dominici nominis frequens invocatio, quàm epularum multiplex & copiosa collatio, meliusquè pascat religio, quàm sagina. S. Max. hom. 2. de Carn. Host.

S. CLARA DE MONTE FALCO V.

17. Augusti.

COrculum videre te Cæli puta, quisquis Cor hoc CLARÆ vides tantâ verecundiâ Virgunculæ, ut loqui aliter, quàm vultu velato, religionem professio germano erubuerit, vulnus etiam à tali oculo timens, quid imò facinus non nisi lacrimis expiandum rata imprudentem in somno pedem lectulo extulisse. Huic pudori tuendo noctes pervigilavit; infandis flammis cilicia objecit; Cupidinem flagris, virgis & urticis terruit; hostem verò intestinum ultimâ fame domuit, linguamque ita frenavit, vel semel tantum, matris alloquendæ gratiâ, silentium in vitâ fregerit. Huic virtuti insidias facturus Veterator Joannam sororem (vitæ tam sanctæ Magistram) mentitus est, & virginitatem cum velo jussit exuere, ni vitâ vel-
let

let exui. Sed rejectâ hâc adulterinâ sorore, vitæ doctor deinceps Christus successit. Hic modò CLARÆ vel è Matris sinu osculum, vel seipsum manibus suis cibum ferre, vel stipem mendicus auferre; modò Agnelli formâ castissimæ colludere, modò denique cum Cruce Sponsi habitu adesse, & locum huic in corde expetere. Atque tunc nobilem illam, & quam in grandi demortuæ corde admirabundus Orbis spectavit, peractam cœlaturam credimus, quæ præter ternos ejusdem inter se ponderis globos (nobile Sanctissimæ Triadis symbolum) omnia Sponsi patientis arma exhibuit. In nobis nil tale ideò Cælum sculpit, quia dura heu! nimis saxa gerimus. *Ex monum. Eccl. Mont. Falc.*

Infige pectori tuo, cordi tuo signaculum Crucifixi; infige & brachio tuo, ut opera tua peccato mortua sint. Nihil in his criminis reviviscat, nihil erroris resurgat. Ambros. in ps. 118.

S. AGAPITVS M. 18. Augusti.

ETIAM AGAPITI citius annos, qui XV. tantum fuere, quàm pugnas numeres. Nervis enim primò dirissimè cæsus talem se præbuit, ut Sparta suum diceret, nisi Præneste sibi vindicaret. Mox in carcere quatuor diebus sine omni cibo degens suo succo, hoc est, cæli deliciis vixit. Inde iterum protractus vivos carbones in capite circumtulit, pulchrè ipso supplicio suo coronatus. Sub hæc vestibus spoliatus omnibus, ad luctam se jam expeditiorem credidit. Ab equuleo ex pedibus pendulus gavisus est è terrâ sublatum cælo se propiorem esse. Flagris pessimè acceptus nuditatem tunc domesticâ purpurâ textit, sanguine. Jam ubi fumum pendenti Antiochus præses subjecit, risit etiam hunc

hunc, ut cujus consilia omnia denique in fumum abirent. Tum verò geminari verbera, & perfundi pectus bulliente à flammis aquâ, & pugnis frangi malas Athletæ tyrannus iussit. Sed hic, non ille etiam hæc sensit supplicia, vi divinâ è tribunali mox etiam è vitâ exturbatus. Aurelianus ergo Imp. morte AGAPITI Antiocho suo parentaturus ad bestias damnavit invictum. Sed hæc cum pedes victoris lamberent, docuerunt humanitatem in feras, feritatem in tyrannum immigrasse. Tandem AGAPITVS decollatus intra geminas columnas dicere sine mendacio Herculi potuit **PLVS ULTRA.** *Ex Ferrario.*

Si membris integris & valentibus flores, noli corporis robore & viribus gloriari; sed considera quot & quanta corpori pericula immineant; quamvis enim ad exiguum tempus corpus nostrum firmum sit, tamen quid posterior paritura sit dies, ignoramus. S. Ephrem. de Vir. spir.

S. LUDOVICUS EPISC. 19. Augusti.

LUDOVICVM Caroli Regis Siciliæ primò, post S. Francisci filium tenes. Puerulus somnum stans humi precationibus interpellavit. Caponem, quò pauperum præda esset, pio furto è mensâ ablatum, cum parens id subodoraretur, in rosas vertit. Arma ludicra tractantem cum equus abjecisset, vicissim mundum ludibrio habiturus arma ipse & equos abjecit. Quare quo die soror in manum hominis convenit, ipse sacris initiatus virginitatem Deo despondit, dæmonemque sub fele insidiantem signo Crucis elusit. Æger voto ad D. Virginem factò è morbo surrexit, & in D. Francisci familiam abiit. Inde ad Pontificatum Tolosanum evehctus est. **VIRGINEM** uti in omni vitâ,
ita

ita in morte frequentissimè salutavit. Causam rogatus id solum respondit: *Morientem illa iuvabit me.* Neque falsus est. Visus inter Angelorum manus in cælos evolare, auditæque ejuscemodi voces: *Sic fit servienti Deo in munditie & puritate.* A morte multi propitium mortales habuere. Inter hos Dionysium Lusitanorum regem numerant, quem ursus ex equo in ultimum periculum dejecerat. Sed in tempore LUDOVICVS è cælo adfuit, monstravitque Dionysio, qui pugione mortem à se in ursum averteret: Hoc beneficium LUDOVICI gratumque Dionysii animum Ædes sacra extructa & in Æde Epigraphæ hæc (LUDOVICO SERVATORI) loquitur. *Ex Lippeloo.*

Si vis terrenas bestias non timere, si vis evitare aves rapaces, voraces vultures, hoc est, aves aëreas, quæ sunt nequitie spirituales, elevare à terrâ, terrena desere, sume alas columba, sume pennas divini solis fulgore radiatas. S. Pet. Chryl. serm. 98.

S. SEBALDUS CONF. 19. Augusti.

REgius sanguis SEBALDVS Sponsam non impari conditione domum duxerat Virgo Virginem & pietatis amans amantissimam ejusdem. Ei sub primam noctem ob oculos SEBALDVS posuit SPONSAM VIRGINEM SPONSVMQUE JOSEPHVM, quos utique non nisi Virgo amor junxisset. Hos olim jam ostendisse, posse lilia casta etiam è thalamo Virgine surgere. Tam gratum cælo odorem nisi ipsa invideret, statuisset se hæc miracula iterum orbi ostendere. Nihil poterant gratius audire Virginis aures. Itaque bonum factum! alteræ nuptiæ eadem nocte fiunt, & virginitas conjugio copulatur. Subinde Romam SEBALDVS
abit,

10. *Aug.* VITÆ SANCTORVM. 405
abit, & in viâ ecce castitati cibum potumque è
cælo Ales ministrat. In reditu apud Ratisponen-
ses foco, cum ligna deessent, glacies inservit, &
adeò virtuti jam unda flammam præbet. Quid?
pallio instrato Istrum trajicit (Nymphis credo ca-
stitati plaudentibus) talisque nauta oculos alteri
nautæ immefitò effossos restituit. Moritur deinde
anno D.CC.XL. cum vitam solam propter No-
rimbergam egisset. Funus feri tauri duxerunt.
Adeò omnia alia domat, quisquis carnem. Ex
Bav. S. Raderi.

*Ah quando tantum Deo, quantum mundo? quando
tantum celo, quantum terra? quando tantum virtuti,
quantum vitiis fragilitas humana famulatur? Totus
homo sic carni deditur, ut nihil in se, quod divinis bonis
deserviat, derelinquat. S. Pet. Chrys. serm. 114.*

S. BERNARDUS ABB. 20. *Augusti.*

BERNARDVS est, ille (invidete Mariani) Dei
collactaneus, quem mater cum utero ferret,
catellum putavit, sed pro Ecclesiâ latraturum.
Puer puer CHRISTVS nocte Natalitiâ visus est,
nobilius omni die spectaculum. Adolescens quòd
oculum in feminam defixisset, in rigentes aquas
insiliit, incendia aquis præventurus. Aliàs cum
ejus pudori insidias hospita strueret, *latrones, latro-
nes* iterum iterumque clamavit, ratus dirissimos
prædones esse, qui animum castitate exuerent.
Hinc ad Cisterciense Monasterium XXX. secum
socios traxit. Hos inter cum fratres omnes BER-
NARDI præter Nivardum natu minimum essent,
& huic Guido natu maximus inter valedicendum
dixisset: *Eia frater te unum jam hereditas paterna
spectat*; supra omnes senes doctè puerulus respon-
dit:

dit: *Pulchrè verò assem dividitis; vobis calum habetis, mihi terram reliquam facitis: at hoc fide profectò minimè germanâ.* Mox cum per ætatem licuit, fratres secutus litem de cælo illis non ingrata fecit. Eru-
ditionem BERNARDI loquuntur ejus Volumina meros favos spirantia, tum præcipuè cum de mel-
leâ VIRGINE sermo est; ut meritò ex hujus uberibus hausisse hoc nectar credamus. Sed & nobis ii-
dem fontes essent, si eadem cum BERNARDO sitis esset. *Ex vitâ ejusdem.*

*Mundus transit & concupiscentia ejus, & relinque-
re hæc magis expedit, quàm relinqui. Sed nec inutilis
commutatio, pro eo, qui super omnia est, omnia reliquis-
se.* S. Bernard. sup. illud. Eu. Ecce nos.

S. STEPHANUS REX. 20. Augusti.

STEPHANO nomen necdum nato ipse STEPHA-
NVS Protomartyr indidit. Sponsam duxit Gi-
selam D. Henrici Imp. sororem. Hæc illi Emeri-
cum, cæterum Christo omnes Ungaros peperit.
Tutelam sibi regnoque suo æternam *Castro-
rum Aciem ordinatam VIRGINEM MATREM* legit. Hu-
jus enim auxilio copias Contradi Imp. jam Unga-
riæ imminentes avertit. Ipse inter omnes milites
maximè sanctas Vigiliis nocturnas habuit, sed
preces inter; visumque sub his ipsum aliquando
tabernaculum regium Angelis bajulis humo sus-
tollî, & tunc per aërem mox per omnium homi-
num ora volare. Trophæa pietatis suæ templa ac
cœnobîa per totum orbem sparsit. Miseros ingen-
ti charitate complexus non dubitavit de ademate
ornatum caput manusque sceptro armatas ad ho-
rum pedes abluendos demittere, sportulamque in-
cipientes ipse dispensare. Quare factum aliquan-
do,

do, ut certantibus his stipem auferre, barba etiam regis spoliū manibus appetentium cederet. Et hoc ipsum conquestus familiariter VIRGINI STEPHANVS fertur, durius ab ejus militibus se acceptum, quàm ab hostibus sperare potuisset. Sed pilūmne ille amitteret, qui liberalem manum multis annis à morte integram orbi ostendit? Hanc obiit ipso VIRGINIS assumptæ die. Huic moriturus unicè iterum se regnumque commendavit. Felices Ungari, si testamenti STEPHANI meminerunt! *Ex Surio.*

Si est ascendendi ad superna possibilitas, si est facultas vivendi in caelestibus, quare non calo mutamus terram? quare non caducis emimus aeterna? quare non perituris manentia comparamus? S. Pet. Chrysol. serm. 124.

S. BASSA CUM FF. MM. 21. Augusti.

BASSA non tam tergemino filiorum partu, quàm morte felix vixit sub ea tempora, quibus Maximiani ferro longè plurimi Martyres vixerunt, Dæmonum sacrificulo, hoc est, agna lupo juncta. Sed & filii matrem vultu, non patrem retulerunt, utpote omnes Christiani. Eam ob rem unà in jus iniquissimum rapti, accusante ipso filios patre, & uxorem marito damnante. Primum exequuleo pendere viderunt cæli & laudarunt THEOGNIVM membris lacerum, animo integerrimum. Alterum AGAPIVM virgæ non puerum sed virum probarunt & sine cure jam suâ fortio-rem quàm in alienis exuviis Herculem. Alia item tormenta tertium fratrem sanè Germanum probarunt. Omnes igitur eodem gladio cæsi, eâdem palmâ coronati: ad quem nuncium BASSA plus ali-

aliquanto exsiliit gaudio, quàm si uno die vicisse omnes in Olympicis audiisset. Interea hanc carcere & fame vexatam Angeli cibo suo recrearunt, ut suum terræ jam minimè invideret BASSA. Et carceribus ubi prodiit, ignem, aquas, lapidantium manus & Deos ipsos humi dejectos femina triumphavit. Triumphum splendidiorē feræ immisissæ reddiderunt, quas cicurare virtus potuit, non tyrannum, qui toto mari obruere triumphum BASSÆ voluit. Sed in fluctus abjectam matrem gloriosi è cælo filii naviculâ excepere & ad portum incolumem deduxere. Verum illa potius cæleste litus spectabat. Atque ad hoc octiduo post etsi cruribus fractis & sine capite, enatavit tamen per sanguinem suum. *Ex Men.*

Subducti terris speculemur calum, ut ducatu signorum celestium, gubernante Christo, flante Spiritu sancto, evictis voluptatum spumis, superatis vitiorum fluctibus, atque omnium delictorum naufragiis evitatis, lucrum vite & gaudia Resurrectionis intremus. S. Pet. Chrys. serm. 8.

S. SYMPHORIANUS M. 22. Augusti.

ANno post Deum hominem CC. XXIII. SYMPHORIANVS juventutis Augustoduni in Galliâ princeps, quòd cultum Diis negasset, jussu Heraclii, qui pro Valeriano illic furebat, in vincula est abreptus, sed quæ ille digna nobilitate Christianâ monilia putavit. Pugnabat in fortissimum juvenem geminâ acie tyrannus: hinc agmen minæ, verbera, flagra, illinc blanditiæ, munera ac promissa ducebant: perripit tamen martyr utrumque cornu, & illud constantiâ, hoc etiam risu vicit fuditque. Sed victorem pessimus judex
ad

ad gladium damnavit. At SYMPHORIANVS præferri sibi secures non in supplicium sed triumphum putavit, quem augustissimum mater triumphantis fecit, dum his vocibus è tecto & ipsa triumphans, acclamavit Io! fili, triumpha! Io! tecum mater triumpho! quid enim? Certè victorem filium, præferri secures, & sequi victum tyrannum video. Sed cur sine purpurâ? fallor; an tuus hanc cruor dabit. Et cur sine coronâ? iterum fallor, cælum hanc dabit, nec è mortali lauro dabit. Superi! filio jam supervivere matrem juvat; juvat oculos claudere. Audite votum novum sidera, & tu fili, i. sanguine subscribe. Hæc aut similia mater: filium interim cæleste jam Capitolium victor tenebat. *Ex Surio.*

Quæris aurum, & si volueris, fortè non habebis; Deum cum volueris, habebis; quia & antequam velles, venit ad te; & cum aversa voluntate esses, vocavit te; cum conversus esses, terruit te; & cum territus confitereris, consolatus est te. S. Aug. sup. Ps. 32.

S. BERNARDUS SENENS. CONF.

22. Augusti.

SEnis oriundum sive JOANNEM sive BERNARDUM dicas, nunquàm nomen mentietur, semper virginis clientem loquetur. JOANNES à puero indigeratus, cum mansuetiorum musarum ductu ad Themidis adyta penetrasset, & quas didicerat modò leges cum plausu jam doceret, quò rectius humana perspiceret, in oculorum gravissimam ægritudinem incidit. Placuit à MARIA veriori Cynthiâ lumen mendicare; huic, si oculos illa reddat, totum hominem voveret. Voti damnato dies interim appetebat, quo disputandum pro
S more

more in publico erat. Hic dum Codicem, dum Digesta frequens corona hiat, ille alia omnia ingressus dicere contra legem hominumque vanitatem declamat; eam vel cœcutientibus nuper oculis se ait pervidisse; ne mirarentur, si hi redditi à VIRGINE humana omnia despicerent deinceps, è cælo esse: sequerentur illi oculatum nunc Doctorem, qui lippientem nuper. Finem orationi fuga dedit in montem olivis nobilem, quò pluribus jam concurrentibus, JOANNES scalas è cælo, & in his descendere beatos genios vidit, secumque candidatos quàm plurimos ad VIRGINEM FILIUMQUE VIRGINIS abducere, quod visum nequaquam somnium esse tunc credidit, cum Pontificis auctoritate vestem pro suis ex cæli sententiâ candidam, leges à D. Benedicto sancitas, Ordini nomen à MARIA de Monte Oliveti, ipse BERNARDI accepit. Obiit dum sociis, à peste infectis oculos pius claudit ipsissimus ocellus cæli, ex quo utinam ô MARIANI Argum faceretis! Ex Chron.ejusd.Ord.

Quantum illi laudandi atque predicandi, qui dignati non sunt cum mundo florente florere; tantum increpandi & accusandi sunt, quos perire cum pereunte delectat. August.epist.45.

S. ANTHUSA VIRG. 22. Augusti.

ANTHVSAM patria Seleucia, in hac nobiles parentes, apud hos raræ opes, & cum his rarior forma commēdabat. Sed illa additura aliquid formositatis etiam animo, Christiani fontis balneas suspirabat, & lavari à Tharsensi Antistite Athanasio exoptabat. Quare veluti ad nutricem invisura currum comite uno alterove servulo conscendit.

In-

Interea monitoribus & comitibus Angelis usus Athanasius obviam venit virgini, & ad primum congressum fontem precibus suis dedit, tum deinde ANRHVSÆ corpus undis, animum gaudiis perfudit. Et ut sciret, quem hîc colorem in tam sanctis thermis induisset, adfuere gemini cælites, qui veste & ipsâ candidâ candidissimam animulam donarunt. Hac illa superba faciliè auream, quam gerebat, contempsit, exutamque Athanasio, ille miseris dedit. Talis denique nutricem adiit, quæ cum pretium vestis non intelligeret imprudens, culpavit scilicet virginis in tantâ nobilitate modestiam. At hæc clam matre ad Episcopum revertit, & quod sciret faciliè innocentiae vestem sordes trahere, impetravit alteram & setis horridam, quâ tegeret priorem & indemnem servaret. Quia, ut ne domestici fures hanc raperent amici, in silvas exportavit. Sed & nutrices pro unâ illâ tot illic invenit, quot feras, quæ triginta & duos annos aluere hospitem. Immortua est rupi (lectus hic illi erat) adversus plurimos insultus dæmonis mali ipsa etiam rupes. *Ex Meneis.*

Caro pretiosis indumentis cooperta quid aliud est, quam caro foetida, corruptibilis, necnon ex omni corporis meatu scaturiens in saniem, quam non valet sustinere visus, olfactus percipere, neque ipsa hominis natura perferre? S. Laur. Just. l. de Humil.

SS. CLAUDIUS, ASTERIUS, NEON
MM. 23. *Augusti.*

Potest Ægæa hodie invidiam Romæ facere, & ter geminos fratres & ipsa suos jactare, Horatii vel ideò fortiores, quod vivus e pugnâ nullus abierit, omnes ceciderint victores. Illis nomina

sunt CLAVDIVS, ASTERIVS & NEON, dissimilia vocabula, cæterum virtus sub pectore eadem planè & constantia. Primò singuli, tum totâ fraternâ acie pugnarunt; nec in tres solùm hostes, sed in totas carnificum cohortes. Videlicet ad servilem metum, virgas, cederent Christi milites? Risum hæ, non gemitum expressere. Jam unci ferrei & ungulæ bubulique nervi in lacerato corpore integrum animum prodiderunt. Prunis & cum prunis tyranno insultarunt etiam. Tædas corpori admotas fortior ignis extinxit DEI amor. Ex equuleo verò velut è cathedrâ, pulcherrima & dignissima Philosophiâ Christianâ oracula ediderunt. Post tot igitur pugnas meritò denique in cruce triumphavit nobilis fratrum tercio. Neque obfuit triumpho huic, quòd corpora feris avibus præda cederent, cùm nobilissimam eorum partem animam beatiores jam volucres abstulissent. Ex Lippeloo.

Renatus & à Deo adoptatus in filium imaginem, tul porta auctoris, non majestate, qua solus est, sed innocentia, simplicitate, mansuetudine, patientiâ, humilitate, misericordiâ, qua dignatus est nobis fieri & esse communis. S. Pet. Chrys. serm. 117.

S. PHILIPPUS ORD. SERV. B. M. V.

23. Augusti.

Multam multi servitutem serviunt, nulli honestiorem, quàm qui servos se VIRGINIS gloriantur. Horum ædem, quæ Florentiæ est & MARIÆ ab Angelo Salutatæ fert nomen, ingressus PHILIPPVS noster, dum illa ad alium Philippum verba leguntur, Philippe accede & adjuunge te ad currum istum, videt cæli Dominam aureo
in

in curru à beatis mentibus stipari, ab ove & leone trahi, videt cæleste donum atri coloris vestem sibi porrigere. Prodigium hoc alterum sub noctem excepit, cum ab eadem DOMINA servos ejus accedere est jussus. Et verò accessit pulcherrima appendix, egitque aliquandiu in spelæo nomine ipsius hodie nobilitato, & fonte, quem ego è lacrimis, quas oppidò multas illic fudit, enatum credo. Inde famâ nominis sui factorumque tam inclaruit, ut iis permoti purpurati Romæ Patres ad clavum Ecclesiæ vocare cogitarint; sed ille summos honores humili fugâ elusit, & Arretii cum fame ultimâ socii premerentur, ante imaginem HERÆ suæ in Saturnalia sportas geminas candidissimis panibus onustas abstulit. Ad extremum è Germaniâ (quò magno hujus bono Rudolphus Imp. invitârat) Florentiam rediit primò omnium VIRGINIS templum ingressus, & ante ejus aram in genua abjectus, *Hæc requies mea* exclamavit. Vatem sibi fuisse, ipso Assumptæ in cælos DOMINÆ die morbus, tum octavo ab illo mors ostendit. Vitæ testimonium ad rumbam ejus claudi manci- que, quin adeò muti mortuique loquuntur. Ex Archang. Ianio.

Agnoscit Virgo, & diligit diligentes se, & propè est in veritate invocantibus se, præsertim his, quos videt conformes sibi factos in castitate, & humilitate, & totam spem suam, post filium suum, in eâ posuerint, & toto corde quaesierint. S. Bern. in serm. super Salve Regina.

S. BARTHOLOMÆUS AP. 24. August.

Sunt, qui BARTHOLOMÆVM in purpurâ natum velint. Sanè obiisse purpuratum nemo negaverit. Ut Deum in vota sua flecteret, genua centies

die, toties noctu fertur flexisse. Cum deinde orbis XII. viris in totidem provincias cecisset, subigendis CHRISTO populis, diu collega Philippo fuit; post hujus verò triumphum, in Indiam & Armeniam majorem movit. Hic loci ad ejus facundiam continuò malorum dæmonum simulachra obmutuerunt, & torqueri se immaniter à BARTHOLOMÆO clamitarunt. Proinde orci larvas è cive, itemque Regis Polymii filiâ facilè abegit. Eam ob rem cum Rex onustos illi auro gemmisque camelos transmisisset, remissis omnibus, eidem significari jussit, minimè harum rerum mercatorem se agere, sed animarum, quas si cælo intulisset, tum demum lucrum ingens se fecisse existimaturum. His igitur Rex permotus non difficulter manus illi dedit, à quo ipsi Dii victos se esse faterentur; traxitque suo exemplo cum liberis regni benè magnam partem. At Astyages Regis frater nimium quantum hoc nuntio exacerbarus, pellem vivo detraxit BARTHOLOMÆO, & capite truncavit. Quid ad hæc vos, qui pellem lautè ac nitidè habetis, qui aqualiculo fulcitis? necdum angustam ad cæli atria portam creditis? *Ex Brev. Petro de Natal. & Lippeloo.*

Non caret regiâ potestate, qui corpori suo novit rationabiliter imperare: verè enim dominator est terra, qui carnem suam regit legibus disciplina. S. Aug. l. de verâ innocentia.

S. AUDOENUS EP. 24. Augusti.

ANulum Dagoberti Regis AVDOENVS curabat, ipse anuli pulcherrima gemma. Officio suo tunc se fungi arbitrabatur, si Regem sui commonefecisset. Pauperum pater amantissimus, sui ju-

judex severissimus carnem nudam cilicio tegebatur, cilicium aureâ veste dissimulabat, hoc sanctior, quò superbior. As paternus inter illum & fratres ita dispensatus, ut omnem pauperes monachi quæ acciperent. Ipsi quoque rebus humanis omnibus vale dixerunt, & vel inter monachos aulici, vel quod magis mirere, inter aulicos monachi vixerunt. Episcopus Rothomagensis creatus Hispanias septem annorum siccitate vexatas lacrimis primò, mox imbre beato recreavit. Monumenta pietatis templa ac cœnobia plurima reliquit, prodigiis non rarò adjutus. Ita templum meditati locum crux per aërem visa rutilare ignea quæ columna ostendit. Aliàs commercium, quod illi cum cælo erat, literæ inde missæ prodiderunt, quibus monebatur, ne D. Marculphi caput à reliquis ossibus (ut quidem cogitabat) separaret. Saxum ingens, quod loco movere multa bouum iuga non poterant, duabus buculis obsequens habuit. Id cum insideret per contemptum muliercula, discludi è suis orbibus oculos suos vidit. Quid, quòd laudes AVDOENI ranæ templo vicinæ locutæ sunt, cum obstrepentes divinis officiis tacere jussæ imperio Divi paruerunt? At nostro ævo ranas garrulas in ipsum templum videas penetrare. Ex Surio.

Angusta via est, quæ ducit ad regnum. quisquis ergo honoribus inflatus fuerit, & auri thesauris dilatatus, tanquam onustum animal transire non poterit. Tam enim angusta est diviti porta celestis, quàm est camelo acus foramen. S. Max. serm. de S. Mich.

S. GREGORIUS CUM SOCIIS C.

24. Augusti.

Quo tempore rerum Constantius potiebatur, multumque Arrianis ipse etiam Arrianus favebat, reperire tergeminos fuit milites (GREGORIUM, THEODORVM & LEONEM dixerunt) qui pluris facerent sacramentum quod Deo, quam quod hæretico dixerant. Proin cum pro Fide sanâ aut mori fortiter, aut pulchrè certè vivere apud animum suum constituissent, in Samum Insulam trajecerunt, ibique templi nescio cujus rudera velut castra novæ suæ militiæ insederunt. Hic nimirum semper illi in acie contra orcum stare, aut egregii certè triarii inter preces in genua subsidere, quin imò inde ad superos excurrere, cælumque jam non invitum lacrimis & gemitibus tam diu expugnare, quoad emeritis uno eodemque die omnibus beatam vacationem mors felix dedit. Fortè in vicino homo agebat nobilitate opibusque potens, sed cujus felicitatem fortuna leprâ horridâ aspererat. Huic pro valetudine pristinâ supplicanti cælites nostri se objecerunt, monueruntque, ut corpora, quæ ferarum injuriis ad id usque temporis exposita jacebant, terris mandaret; ita fore, ut cum his lepram etiam sepeliret. Enimverò cum studiosè medicos suos ille quæreret, ducem denique pastorem & odorem (quem mirum corpora spargebant) secutus, invenit tandè; & cum primum oscula his cœpit figere, simul lepram cœpit abstergere. Jamque gratus singulis Divis tumulum, æternum deinde omnibus monumentum monasterium extruxit. *Ex Pet. de Natal.*

Rex noster Christus non tam nitorem vestium, quàm ani-

25. Aug. VITA SANCTORVM. 417
*animorum requirit affectum : non inspicit ornamenta
corporum , sed considerat merita cordium ; nec cinguli
operositatem miratur , sed castimonia libidinem restrin-
gentis pudicitiam miratur. S. Max. in Vig. Nat.*

S. GENESIUS MIMUS M. 25. Augusti.

CUM Comœdias hucusque & risum dedisset
GENESIVS, tandem posuit hodie soccos , &
cothurnos indutus tragœdiam & sanguinem de-
dit. Nempe doctissimus Mimus, cum mores ritus-
que Christianos ad amussim perdidicisset , fabu-
lamque oculis Diocletiani dare instituisset , æger
in theatro procumbit , aquasque lustrales multis
gemitibus suspirat. Adsunt ex composito socii &
undâs petenti simul Imperatori ac populo risum
propinant. Interea seriò rem agit, aliaque spectacu-
la GENESIO cælum facit. ostendit benè longum
scelerum, quæ patraverat, catalogum, atque his,
modò velit, spongiâ baptismum promittit. Hic
enimverò Christum GENESIVS conclamar , &
Christianum se jactat , nimis benè simulare jam
doctus. Igitur risus, plausus muneraque missa Mi-
mi artes laudabant. Imperator quoque ludos post
ludos sperans milites mittit, qui GENESIVM (Chri-
stianum scilicet) ad tribunal raperent. Sed hic se-
cutus ostendit reipsâ Diocletiano, etiam post po-
sitam personam, Christianum se esse. Tum enim-
verò in furorem abire ille, palàm fassus sanguinem
se gestire bibere GENESII. Et dedit hic sangui-
nem ex equuleo pendens, ferreisque uncis lacer &
tædis ustulatus. Jamque ultimus actus è fabulâ re-
stabat. Hunc more jam apud Martyres recepto
mors gladio absolvit. Et nimirum luxit tunc Ro-
ma delicias amissas. at Superi tunc primum Mi-

S. S.

mo,

mo etiam ipsi adridebant. Ex Surio & Baron.

Cesset vitiorum pruritus pestifer, discutiatur à sensibus caligo tota pompe secularis, abjiciatur à mentibus mundanae cupiditatis illusio, appetatur paupertas Christi, sanctitas anima custodiatur, ut imago Creatoris nostri portetur & clarescat in nobis. S. Pet. Chrys. Serm. 117.

S. LUDOVICUS REX C. 25. Augusti.

Vitam omnem LUDOVICI noveris, si leges noveris, quas sibi primò, tum deinde filio dixit. Harum capita habe. I. Deum præ omnibus amato. II. Peccatum mortiferum ceu anguem fugito. III. Adversis ne deprimitor. IV. néve prosperis extollitor. V. Animæ plagas spiritali medico crebrò nudato, & medicinam quamvis asperam nullam respuito. VI. In precandi studio assiduus esto. VII. Animum in miseros pium & liberalem gerito. VIII. Cum animo malè est, in consilium quàm mox virum bonum adhibeto. IX. Boni tibi nunquàm non adsunt, mali semper exsunt. X. Bonum omne amplectitor, malum omne detestator. XI. De Deo loquentibus aures lubenter dato. XII. obtreccionibus verò obsecrato. XIII. Deum Divosque impunè, te Rege, nulli laceffunto. XIV. Gratus Deo in primis, sed & hominibus esse memento. XV. Pro tribunali æquus esto, & pauperum querimonias ne negligito. XVI. In causâ tuâ, dum res non liquet, contra te statito. XVII. Aliena ocys restituito. Clero & Religiosis pro scuto esto. XVIII. Parentibus amorè deferto. XIX. Bella si contra Principes Christianos gerere necessitas suadet, sacris parcito. XX. Lites pro virili dirimito. XXI. In Magistratus sedulò inquirito. **XXII.**

XXII. Pont. Max. ut par est, reveretor. XXIII. Impensæ modestiam ne excedunto. XXIV. Pro me, ubi obiero, sacra fieri curato. *Ex Surio.*

Amat Deus disciplinam ; perversa autem & falsa innocentia est, laxare habenas peccatis. Valdè perniciosè sentit filius patris lenitatem, ut justè postea sentiat Dei severitatem, & hoc non solus, sed cum dissoluto patre suo. S. Augustinus sup. Ps. 30.

SS. IRENÆUS & ABUNDIUS MM.

26. Augusti.

Quid auro te vestis homo, si nobiles animas etiam in cœno latentes Numen amat? quid opobalsama spiras, quando etiam inter latruncas (parce, si Superis parcis, & mihi) suavè tamen olet virtus? Age & qui nares sordidis rebus, ne aures nominibus nega: docebunt te hæc alta negligi à cælo, infima eligi. Erat IRENÆVS conditione vitæ homo omnium ultimus Romæ (in cloacas fortunæ munus detruferat) in tantis sordibus tamen candidissimum animum eumque Christianum circumtulit. Fortè D. Concordiæ corpus exanime, heu! non digno sepulchro, cloacâ tumulatur. Quærit hoc pietas Christiana, quærit & impietas Porphyrii militis; illa virtutis odore, hæc avaritiæ illecta, & nummos in vestibus & gemmas subodorata. Atque hæc sua consilia Porphyrius IRENÆO detegit. Itur, eruitur Concordia nullâ spurcitie aspersa. Sed aurum & gemmam Porphyrius excæcatus ab avaritiâ nullam videt. At hoc abeunte, IRENÆO merum aurum & una gemma totum corpus martyris visum. Igitur ABUNDIVM in auxilium vocat, & ad Justinum Presb. thesaurum fert; ille terrâ abscondit. Sed & merces sua IRENÆO &

ABVNDIO constitit. Vivi enim in cloacam demersi à Valeriano animas pulcherrimâ tamen morte posuerunt. Itaque etiam sanctior ludit fortuna, quando non jam ab aratro sed è cloacâ ad purpuram & ad Martyrum purpuram vocat. *Ex actis D. Laurentii.*

Quantò quis altius se per tumorem mentis erigit, tantò magis in imo despicabilius jacet. E' contrario èd honorabilius humilis coram Deo provehitur ad summa, quò per vilem sui estimationem se vilipendendo magis collocat in profundo. S. Laur. Just. de Humil.

SS. AURELIUS & NATALIA MM.

27. Augusti.

O Quàm pulchra est casta generatio ! quæ tantum splendorem etiam thalamo conciliat. Audi orbis, & , si vides , hunc juxta mecum vide. Sustulerat jam AURELIUS è conjugè NATALIA geminam prolem ; abhinc ergo castitati placuit, non liberis vacare. Sed & cælo hoc cum primis placuit , cujus oculos nulla alia tam facilè virtus, ut castitas rapit. Certè ocellus cæli Christus inter Angelorum comitatus visus descendere , & hic quidem benedicere cubantibus , illi tapete candido etiam pavimentũ , quod tam pudici pedes premebant, vestire. Virginum etiam Regina ad spectaculum Superis tam jucundum delapsa cælo, solari in non viduo lecto viduos conjuges voluit. O Superi ! quæ ego somnia tam castè dormientiũ fuisse putem , ubi lectum VIRGO MATER & VIRGO FILIUS sternere veluti non dubitavit ? quàm molli-ter credam cubuisse, cùm suas Angeli plumas cælo afferrent ? Et audi quàm suavibus somniis cælum demulserit castos. Cùm assem in pauperes &

man-

martyres erogassent, ex his florâ laurâque AVRELIÆ per somnum visæ utrique præmium operæ martyrii palmam sunt pollicitæ. Non fefellit tam sanctus Morpheus. Ducti ad supplicium cum plurimis aliis (ex quibus uni scala in cælum se porrigens viam scilicet ostendit) caput truncandum pro fide præbuerunt, duplici dehinc titulo beati, cum & conjuges & martyres audiunt, iidemque & casti & fortes. *Ex Surio.*

O quàm beata mens, quæ propter sui innocentiam in conspectu invictissimi æternique Regis astare non veretur, & ad quam velut in proprium thalamum celestis festivè declinat sponsus! S. Lau. Just. de cast. con. c. 14.

S. CÆSARIUS CONF. 27. Augusti.

Quisquis flores aut fraga legis inter Poëtarum vireta, heu! cave tibi; *latet anguis in herbâ.* Vides indormire CÆSARIUM serpentis amplexibus? Non Æsculapius erat hic, sed Apollo, profanus inquam codex, cui noctem quandoque invigilabat ille, cum precibus debuisset. In somnis ostendit cælum, serpentis non libri volumina esse, quibus incumberet. Quare manibus hæc excussit. Tu quoque, quæ in sinu hos angues imò in oculis geris legendo, cavebis, iterum moneo, juvenis. Cæterum puer CÆSARIUS non semel prætextam posuit, ut pauperes hanc acciperent, domi deinde spoliatum se à prætereuntibus commentus, cum interim ultrò in has prædonum manus accurre-
ret. E mundo cum abiret, inconsultis id parentibus (ne viam obsiderent) fecit. Abhinc mundo mortuum quis negabit, quando ubi Abbas ad Episcopatum Arelatensem quærebat, tumulo, quo se absconderat, fuit extrahendus? Multis sæ-

pius calumniis appetitus, exilio mulctatus, vinculis oneratus, unis tamē beneficiis semper certavit. Certē calumniatorem lapidibus obruendum servavit, civicamque ex hoste meruit. Rex ipse Theodoricus cū reum ad tribunal vocasset, ubi ad instar Angeli splendentem intuitus est, habere exinde patronum suum apud DEVM maluit. Ejus dona (uti & vasa sacra vestesque) omnia in captivorum subsidia dilapidavit, veros Ecclesiæ thesauros animos esse reputans. Abiit tandem mortuus ē vivis, cū prius ipse mortuum ad vivos reduxisset. Ex Lippeloo.

Demonum cibus est carmina Poëtarum, secularis sapientia, Rhetoricorum pompa verborum. Hæc sua omnes suavitate delectant, & dum aures versibus dulci moderatione currentibus capiunt, animam quoque penetrant, & pectoris interna devinciunt. S. Hieron. in parab. fil. prod.

S. MARGARITA VIDUA. 28. Augusti.

Nobilem hanc MARGARITAM fortuna ad gregis, quem paupercula pascebat, pedes abiecit. Et tamen splendor illius ex ipso cælo Christum accivit, ut pauperem & ipse indutus stipem peteret. Nec abnuit illa, sed panem, quem unicum habebat, illi tradidit non parvo lucello. Nam continuo Christus ex oculis abiens suavissimo odore MARGARITAM perfudit. Hoc interim probè pasta cū domum deinde venisset, & mater negaret in penu panem esse, protulit tamen inde MARGARITA talem, qui candore & sapore cælum loqueretur, famemq; non familiæ modò, sed totius vicinix unicus placaret. A morte mariti (nam nubere coëgerant parentes) rota in pietatis studia abiit.

abiit. Lectum sarmenta sternebant, cervicem lapidis fulciebat molle semper castitati pulvinar. Caput omniaque in mensa panis, cella fons fuit. Calcei nulli, vestis ei unica, præter cilicinam, quâ pectus ita astringebat, ut sanguis expressus in saniem abiret; sed hæc illa formosissima Superis videbatur. Interea primo manè sacris aderat, reliquum diem visendis agris, & rogandâ, quam pauper in pauperes erogaret, stipe non malè comburebat. Mortis diem à cælo edocta cum à matre filia mnemosynon expeteret, calceos suos illa promisit. Et nimirum, agebat hæc, illos, quos nullos habes? imò, illa, quos mors donabit. Et ecce dum defunctam intuetur filia, videt tenuissimis membranis calceatam. Detracta ea spolia salutem morbidis plurimis tulerunt. Et quid jam dubitas virtus ad cælum etiam per medias spinas currere, quando contra has te cælum calceabit? *Ex Ferrar.*

Quàm præclara possessio sit humilitatis, si norunt, qui jugum illius ferre non erubescunt. Nudus & sine calceis ingredi potius elige, quàm humilitate spoliari: nam humilitatis studiosos Deus ipse protegit atque defendit. S. Ephrem de vit. spirit.

S. AUGUSTINUS EP. 28. Augusti.

AUGUSTINVS ubi manus Deo & D. Ambrosio dedit, in Africam redux & sacerdos primùm, mox Pontifex Hipponensis factus, patrem se Catholicis omnibus, hostem hæreticis acerrimum exhibuit, quorum manus divino præsidio sæpius evasit. Mores improbos suorum liberrimè pro concione carpsit, illorum præsertim, qui sacris vel à principio non adessent, vel ante finem subducerent sese; quiq; non Deo loqui in templo, sed homini-

hominibus confabulari consueissent. Mensa ejus, quæ frugalis erat, & vasis vel ligneis vel testaceis superba, quoslibet hospites admittebat, si illos excipias, quos ascripti hi versiculi proscribebant :

Quisquis amat dictis alienam rodere vitam,

Hanc mensam vetitam noverit esse sibi.

Supremum æger Davidis carmina, quæ à poenitentiâ nomen habent, parietibus cubiculi inscribi voluit, interque earum commentationes mortem sanctissimè obivit, & Ecclesiæ hæreditatem amplissimam eloquentiam suam & profundissimam doctrinam reliquit; illud puto juventuti legavit, quod in libr. XXII. de civit. Dei c. 8. narrat; matrem scilicet filios immorigeros diris devovisse; vota cælum audisse; & illos vagos, & horrendâ omnium membrorum concussione tremebundos orbem pererrasse; ex his denique duos ad aram D. Stephani sibi redditos esse. Superi! si improba mater in improbos filios tantum potuit, eheu! Mariani, quid in immorigeros MARIA MATER poterit? *Ex vitâ & ipsius D. Augustini libris.*

Si terrenos parentes tanto affectu diligimus, qui parvo tempore pro nobis sustinuerunt labores, nonne celestis pater magis amandus est, qui pro nobis crucifixus est? Nam quidquid parentum nostrorum circa nos fuit obsequium, ejus est beneficium. S. Aug. l. de salut. docum.

DECOLLATIO S. JOANNIS BAPT.

29. Augusti.

Natalitias hoc die Herodes epulas dedit, quas rectius funebres vocabimus. Aut enim nullas, aut istas sol fugit, quas sanguine humano heu! nimium nobili crudelitas condivit. Nam cum ad reliquas mensæ illecebras filia etiam accessisset, &

salu.

saltu leviculo terram plaussisset, ecce tibi præmium pedes caput maximi vatis JOANNIS abstulerunt. Nec satis erat, per mensam tam delicatum ferculum ambulare, & oculorum gulæ facere satis. Extraxit conjux adultera palato suo linguam (illam gratissimam Suadæ sedem) & mille nunc convitiis, nunc acu mille locis fodit scelestæ. Sed profectò pessimè acu rem tetigit. Nunquam enim magis viva etiam crudelitatem Regis, quàm tunc fuit locuta, & meritò deinde divinum VERBUM loqui tyranno renuit, cujus vocem decollaverat. Ipsa saltatricula pœnas si seras, serias certè luit, quando astrictas gelu aquas transiens, ruptâ sub pedibus impiis glacie, abscindendum crustis caput dedit, etiam tunc portentosum in modum subsiliens, & choreas, quibus viva assueverat, mortua etiam continuans, manifestum omnibus mortalibus documentum, quàm non multo saltu opus sit, ut in orcum devolvamur. At dicet nonnemo, ergone odiosam pede calcare terram non liceat? imò verò calcanda illa est, & pede utroque, sed graviore, & cui cælum non orcus arrideat. *Ex Bar. & Martyrol.*

*Si Ioannes tantus, Ioannes talis, tantâ eremo separat-
tus à feminis, feminarum pericula non evasit, quis est,
qui inter feminas vivens evasurum se sine labore
maximo, maximâ sine cautione confidit, nisi qui sancto
alitur spiritu? S. Chrysol. serm. 2. de Decoll. S. Joann.*

S. BONONIUS ABB. 30. *Augusti.*

Optima Philosophiæ pars est mortis medita-
tio; hæc BONONIVM puerum mundo mori
docuit, quâ quidem morte ad vitam nihil est sa-
lubrius. Hinc Ægypti deserta petiit tantamque
sanctorum civium frequentiam invexit, ut in
solitu-

solitudinem urbes, in urbes solitudinem diceris migrasse. Ipse totam Ægyptum concionabundus obibat, Christoq; longè plurimos jungebat, mercatores præsertim, quibus tempestate aliquando jactatis post preces fusas solem & cum sole fidei lucem ostendit. Ob id cum Alexandriæ in summo honore jam esset, iterum Ægypti intima petiit. Hic illi tectum cælum, cubile terra, culcitra cili-
cium, cervical lapis fuit. Huic etiam invigilabat potius quàm indormiebat; quò mollius tamen jaceret, lectulum hunc suum lacrimis quotidie lavabat. Verùm è privato hoc pulvere extractus in arenam à Petro Vercellensi Antistite, cui unà cum pluribus aliis capto libertatem apud barbarum Regem exoraverat, Cœnobitis Lacedensibus præ-
esse jussus est, dum vitâ simul & munere est functus. Porro quem adgeniculari ad tumulum Divi cernis, fraternæ cædis reus est. Hunc cum supplicem Sacerdos quidem, sed non conscientia absol-
veret, annos plures à domesticis furiis agitato malaciam tandem animo apud cineres BONONII reperit. Veniam nuntiarunt ruptæ ultrò manicæ, quas reus ipse dextro & cædis auctori brachio induxerat. Hæ nunc licet è ferro sint, an non pulchrius tamē suspensæ tumulo BONONIVM ornant, quàm Manliani, quos olim abjecerat, torques facturi fuissent? *Ex Gabr. Paleoto.*

Licet cecideris, licet fueris in scelera devolutus, vide ne desperes; remansit tibi unde piissimo satisfacias creditori. Absolvi vis? ama. Caritas cooperiet multitudinem peccatorum. S. Petr. Chrysol. Serm. 94.

S. AIDANUS EP. 31. Augusti.

Hic ille AIDANUS est Lindisfarnensis Pontifex, quem ad Angliæ regnum Christo subji-
ciendum

ciendum purpurato interprete usum (Oswaldo Rege) supra diximus. Nimirum tot Apostolos ferè olim Anglia, quot Reges habuit. Sed quæ in alia etiam regna dives fuit, hodie externæ culturæ est indiga. Cæterum AIDANVS, uti multum Regibus, ita plus aliquantò familiaris mendicabilis fuit. Ex his cum uni equum donasset phaleris regiis superbum, & Oswini (frater is erat Regis) nobile donum, succensuit nonnihil Oswaldus & objurgavit AIDANVM. At cum hic pauca pro se dixisset, atque id tantum quæsiuisset ex Oswaldo, plùsne equum hominis mancipium, quàm in paupere homine Dominum Christum adamaret? continuo in sese primò Rex, mox deinde in genua coram AIDANO descendit, & à Pontificiâ tiarâ veniam Regiæ coronæ rogavit. Et abstulit non hanc tantum, sed mortis etiam beatæ nuntium, cum modestissimo Rege non digna jam esse superba regna dictitaret AIDANVS. Porro cum hic in iratum mare oleum immisisset, oleo mitius etiam mare vidisses. Flammas quoque, quas tyrannus Penda urbi injicere parabat, in suas partes traxit, & averfas ab urbe in hostes armavit. Ita victor è vitâ abiit non sine triumpho, quem D. Cuthbertus tunc puer ducere illum in cælum vidit multo lumine nobilem. O triumphum tuum AIDANE sequi etiam nos pileati olim possumus! *Ex ven. Bedæ hist. Eccl. l. 3.*

Per misericordias pauperum misericordiam paremus, ut possimus esse de pœnâ liberi, & de salute securi: gratis misericordiam sperat ibi, qui hic non fecerit misericordiam: qui facit misericordiam, currit ad præmium; qui non facit, decurrit ad pœnam. S.P. Chrys. serm. 8.

SEP-

S E P T E M B E R.

S. ÆGIDIUS CONF. 1. Septembris.

Stemma in ÆGIDIO regium indoles munifica prodidit. Nam puer prætextam exuit, ut pauperem ægrum indueret. Et hic quidem morbum cum centonibus posuit, at ille nudus cætera, ut virtutem & miraculum saltem tegeret, ablatam sibi vestem à nescio quo non satis noto homine piè commentus est. Eodem scilicet furto assem omnem paternum abstulerunt egeni, quando Gallias ÆGIDIUS petiit, & post multa prodigia easdem cum cervâ latebras habitavit. Atque, ut qui matrem deseritis, alia cælo ubera esse sciatis, hæc famelico eadem cerva præbuit. Exclamare hîc Roma potuisset: ecce fera hominis hospes, ecce homo feræ asylon. Etenim cum nutricem frequens venatorum corona cingeret, tutelam sinum ÆGIDII & preces habuit, quibus ad reli jactum damnati canes allatrare prædam potuerunt, non prehendere. Ipse Rex Clodoveus libertatem cervæ, ÆGIDIO fortuitâ sagittâ tunc vulnerato cœnobium, cœnobio dotem regiam donavit, sibi unam erroris veniam oravit. Et verò non hujus modò sed gravioris etiam sceleris impetravit, quod quidem studiosè ille occultavit, sed ÆGIDIUS sub divinis scheda annotatum è cælo accepit, nunquàm delendum, nisi stylum Rex vertisset. Divus porrò noster satis jam à terrâ lactatus ad perennes beatitatis fontes contendit, quos adeò appetivisse quid mirum est? à nutrice suâ cervâ sitim hanc bibit.

Ex Lippeloo & Pet. de Natal.

Vendere

Vendere patrimonia & dare pauperibus stultitia huic saculo, sed sapientia DEO est. Vt contrā divitiis incubare, pecuniam fœnore augere, terminos dilatare violentiâ, industria & quaestus apud sæculū, sed apud DEVM crimen & pœna est. S. Paulin. epist. 2.

8. ANTONINUS M. 2. Septembris.

POterat ANTONINVS è Galliis oriundus forte suâ contentus nobilem & in digitis anulum & in pedibus lunulam jactare, sed nimum quantum ambitiosus purpuram insuper ausus est sperare, quam ut cælum illi lubentiùs pingeret, non dubitavit, ostro deficiente, sanguinem promittere. Incredible enim dictu est, quàm inde à puero pro Christo hunc fundere gestierit. Et verò non passus repulsam est, æternâ præsertim virginitate candidatus: sed sacerdotio initiatus cum baculi ictu populis ad Christiana sacra adductis undas dedisset, ipse altero, sed gladii, ictu promissum diu cruorem dedit, utque hic copiosior flueret, corpus in partes sectum, partes in aquas sparsæ. Sed præclarum ostrum, martyris inquam sanguis omnis in undis officiosus coivit, ipsæ undæ ut ne tumulto ANTONINVM prohiberent, penitus abscessere. Jam caput nobile volucres cæli mentes aquilas indutæ, naviculâ ad Principis Festi, quem Christo martyr pepererat, regiam usque, secundo flumine, deduxerunt. At Festus Divi ædes templum & capitis sacri monumentum esse jussit. Nos etiam pro meritis ANTONINVM laudaremus, si vel unam illæ, de quibus diximus, volucres pennam dedissent. *Ex Mombrizio & Petro de Natalibus.*

Noli contemnere plebejum, quia nobilis es, noli despicere servum, quia potens es; noli pauperem fastidire, quia

quia dives es: nunquid nobilior, nunquid potentior, nunquid ditior es Christo? ille pro te illa, qua tu despicias, elegit. S. Ambros. super Psalm. Beati.

S. AIGULPHUS MART. 3. Septembris.

Humiles cunas AIGVLPHVVS magnis virtutibus nobilitavit, monachus primò Floriacensis, tum Abbas Lirinensis factus. Unus certè dignus à Deo habitus est, qui, somno monitore, opima illa spolia (ossa D. Benedicti) Cassino in Gallias asportaret. Cæterum invidia Arcadium quendam, & suo minimè dignum nomine Columbum, (Pseudomonachum utrumque) excivit, qui virum & monasterio & vitâ ejicerent. Exceptit AIGVLPHVVS amico convivio hostes, & cæsus atque in vincula datus, licet ab ipso custode ad fugiendum animaretur, turpi fugæ gloriosum carcerem prætulit. Inde captivus cum suis abductus, cum tempestate diebus XL. jactarentur, solus portum sibi petere visus est. Et petebat, sed beatitatis; quam quia jam unam & animo spirabant & ore loquebantur, linguam Columbus primò jussit præscindi, tum omnibus radicitus evelli. Etiam tum disertè loquentibus laudes Deo, quin AIGVLPHO ad concionem mirâ facundiâ dicenti erui etiam oculos mandavit, gratulatuos puto sibi, quòd abhinc monstrum hoc, tyrannum monachū visuri non essent. Ad extremū in insulam ejecti gladioque sunt cæsi. Ne tamen improbitas ob successus sibi plauderet, adfuit in somnis Columbo ipse AIGVLPHVVS, & sanguinis sui guttâ in scelerati pectore ac tergo geminos circulos descripsit. Ex his supplici unum duntaxat reliquit, certissimum mortis omen, quâ Rex Clodoveus meritissimum affecit. Nam ut
omnes

omnes scriptores taceant, facinoris immanitatem exactæ linguæ loquuntur. *Ex Graf.*

Vidit Deus opera tua, recursus & excursus flagitiorum tuorum, & continuit iram suam. Cælum non fulminavit, aqua non submersit, non absorpsit tellus; & cum omnis terra sit plena gloriâ Domini, non reveritus es præsentem Dominum, & coram tantâ munditiâ immunditias tuas exercere. S. Pet. Dam. serm. de Char.

S. ALBERTUS C. 3. Septembris.

Alsque ventis adversis fuisset, nunquam animum ALBERTVS ad cælum appulisset, usque adeo malè Favonios sæpè vocamus. Natus in magnas opes, majores has artibus non bonis effecerat, stultusque cælum dudum auro vendiderat. Ut tamen divitiis divitias, hoc est lutum luto adderet, velis remisque per lacum Verbanum contendit. Verùm exorta repentè ingens procella alias scilicet oculis undas Cocyti objecit, alium nautam Charontem. Ergo cum omnia jam unicum naulum crederet, & orco debitum, vota cum velis vertit, & ut viveret, cælo vovit deinceps vivere. Arrisit continuò votis cælum, ut audisse hæc scires. Sed ecce in ipso portu naufragium. Opes omnes (ne time lector) in miseros abjicit, inde conjuge inter velatas virgines abditâ, montem non sine ingenti labore conscendit, qui in eum, de quo mentionem fecimus, lacum excurrit. Hic cælo propior cum DEO jam commercia habuit, & com meatum à præternavigantibus demissâ sportâ lagenulaque accepit tam diu, dum Angeli denique victum è cælo ministrarent. Itaque cum Superûm hospes necquicquam ab hominibus jam mendicaret, mortuum rati sunt accolæ. Sed
vivere

vivere splendor casæ imminens ostendit, & pestis à vicinis populis ALBERTI & D. Catharinæ, cui templum ponere Angelus jussierat, precibus propulsata. Eidem templo illatus ALBERTVS, ambrosiam, quâ, cùm viveret, pastus erat, mortuus etiam spiravit. *Ex vitâ B. Alberti.*

Dilige totâ animâ Dominum Deum tuum, sponsum tuum, vitam tuam, solatium tuum, consilium tuum, & refugium tuum. Dilige illum, qui tibi est quidquid amabile aut optabile esse potest : dilige eum castè, devotè & sanctè ; non verbo, non linguâ, sed opere, & veritate.
S. Bern. op. de char. c. 31.

B. ROSA VIRGO. 4. Septembris.

ROSAM etiam in autumnno donamus, unam Reandemque & castis nivibus & verecundâ purpurâ formosam. Protulit Viterbium Italiæ urbs, fovit D. Francisci hortus, & ne malè alii, bene cælum carpsit. Hæc inquam ROSA, ut contra procaces manus se armaret, à primis annis omnibus corporis afflictationibus se dedit. E gravissimo morbo decumbens & jam jam moritura cùm ea de alterâ vitâ differuisset, quæ oculis tunc coram intuebatur, testesque dictorum sorores jam olim defunctas nomine quamque compellasset, VIRGO MATER intervenit, & porro vivere, sed inter eas jussit, quæ Magnum Franciscum sub Minorum veste sequuntur. Quod cùm è morbo recreata ROSA egregiè præstitisset, denuò ad eam Magna MATER invisit. Et sufficere poterat id spectaculum, sed illa alterum objecit, FILIUM tormentis olim omnibus exercitum, qui nimirum tot plagis saucius cor amantis etiam ipsum tam sauciavit, ut tum denique verè inter spinas ROSAM dixisses.

dixisses. Sub idem tempus cum Friderici II. Imperat. factionem castigasset, cum omni familiâ urbe ejecta Sorianum venit. Sed exilium leve Angeli & non multò post mortē Friderici libera patria fecerunt. Placuit tamē etiam præ hâc cælum, quod quò facilius videret, circa annū M.CC.LIV. oculos clausit. *Ex vitâ apud Moniales D. Rosa.*

Nulla vel brevis hora subrepat, in quâ non habeas memoriam Filii Dei pro tuâ miseriâ, & suâ misericordiâ Crucifixi. Quid faciet Dominus majestatis, si nos, qui cinis & pulvis sumus, tantæ misericordiæ viderit ingratos? S. Bern. op. de char. c. 32.

S. EUDOXIUS M. 5. Septembris.

Clamat EUDOXIVS illud hodie nobis: *Exeat aulâ, qui pius esse cupit.* Certè quòd pietatem Christianam coleret, licet aulæ Imperatoriæ comes, aulâ tamen ejectus est. Sed neque extra hanc ferte in EVDOXIO Diocletianus potuit probitatem, sed in vincula jussit abripi, quasi verò vinciri virtus posset. EVDOXIVS ubi adesse exploratores intellexit, nec dum notus mensæ admovit suæ, laurèque & perquàm liberaliter habuit. Inde suus ipse jam proditor, lubens volens ad Imperatorem abiit, pugnasque edidit, quas sperare à voluntario Christi milite posset. Sed neque solus in aciem prodiit. Prodiere cum Duce tam forti mille centum & quatuor, qui omnes ad tyranni pedes cum superstitione primò balteum, mox vitam etiam projecerunt. Atque hi quidem præivere triumphantem EVDOXIVM, qui ex equuleo veluti è triumphali curru accepta pro cæli patriâ vulnera jactabat. Secuti deinde sunt amici integerrimi MACARIUS & ZENO, hic in ipso loco supplicii ab

T

EVDOXIO,

EVDOXIO, ille à BASILISSA EVDOXII conjuge ad triumphī pompam invitatus. Itaque non sæpè cælum tot armatos unà recepit. Agite tamen, ô Sodales Mariani ! non ideo subire cæli mœnia minùs contendite ; liberalior Deus Romulo est ; coronam auferet , etiam qui ultimus transcendērit. *Ex Metaphr.*

Si fidem & fiduciam tuam jactes in livores & vulnera Crucifixi , & in tuæ salutis usum convertas memoriam Dominicæ passionis, erit sanguis ipsius pretium redemptionis tuæ, mors ejus convertetur ad vitam, dolor ejus in gaudium tuum , in tuum honorem ejus opprobria. S.Bern.de char.c.34.

S. ELEUTHERIUS ABB. 6.Septembris.

Minimam laudem à nostro calamo ELEUTHERIVS accipiet , qui maximam jam olim à Magno Gregorio accepit. Summa est, D.Gregorium sub ultimum verni jejunii diem, inediæ, ob imbecilliozem stomachum, succubiturum fuisse, nisi pulpam latranti ELEUTHERIVS preces suas objecisset. Id beneficium Gregorius non modò stylo sed facundâ etiam picturâ in templo locutus est. Quin & mortuum ajunt ab ELEUTHERIO precibus denuò animatum ; sed nos dæmoni ereptam prædam laudamus. Fortè ex itinere Divus ad sacrum Virginum Asceterium diverterat , in quo puer agebat atri genii obses. Non ausus est eâ nocte malus hospes puerum torquere, sanctiorem hospitem veritus. Itaque ille domum patronum suum sequitur. Hîc etiam pacem crederes : sed induciæ tantum erant. Dum enim ELEUTHERIVS alieni cœnobii vires elevat , suas laudat, redux velut ex insidiis hostis solo adolescentulum affligit

affligit miserisque modis discruciat. Sed obfuit provocasse ELEUTHERIVM. Neque enim hic prius cum suis pugnare precibus desuit, quàm penitus statione non suâ orcum pepulisset. Nunc similes pugnas cur non spectamus? an ne quos dæmon timeat, ELEUTHERII, an quos agitet, pueri desunt? Ex Grasio.

Quoties honor nobis nolentibus ingeritur, necessarium est ut in pavimento cordis sub districto discipline pede calcetur, & velut venenatus serpens in ipso suggestionis capite ictum sentiat, ne in extremo bonæ operationis calcaneum movere presumat. S. Petr. Damian.

S. STEPHANUS EPISC. 7. Septembris.

ASpera & inculta terrarum habitare D. Bruno-nem ajunt. Viridaria rectius dicerent, quæ tam nobiles nobis flosculos submittunt. Arque hem tibi ex his STEPHANVM Lugduni Galliarum nobili familiâ satum! Hic vitæ reliquæ in ipsis cunis bullæque præludens, quem diem patienti Christo dicamus, materni lactis abstinentiâ sanctum habuit. Amorem suum Christum sub pane latentem quoties contemplatus fuit, putasses æstu absumentum, nisi lacrimis, quibus diffuebat, hunc temperasset; dixisses Crucifixo immortuum, nisi vitam suspiria prodidissent; denique existimasses cælo precabundum interesse, nisi hoc descendere ad STEPHANVM vidisses, Angelo misso. Jam tempestates fugatas, desperabundos cælo, ægros sanitati, mortuos vitæ redditos taceo. Unum idque utile juventæ, quod Pontifex jam Diensis edidit, facinus narrabo. Dixerat graviter in omnia vitia, illud præsertim, quo festos Divorū dies aleis, choreis & id genus ludicris vulgus amat profanare.

Cum aures necquicquam diu pulsasset, dæmoni denique malo, qui ad eas nugas impellere animas adsolet, pro concione imperavit, positâ larvâ palam sese ostenderet. Enimverò paruit tam horribilis, ut jam magistri sui puderet in ludo discipulos, facilèque cum illo etiam hunc damnarent. Sed, ô Superi, invenit hodie iterum discipulos pessimus Doctor. Juvat chartas minimè doctâ pictas manu crepare. juvat aleam (vel salutis) jacere; juvat terrâ plaudere, & ne serò pereamus, ad orcum non jam imus; currimus, saltamus. Ex Surio.

Quod Sirenes fuisse finguntur, id verè sunt illecebra cupiditatum, & blandimenta vitiorum: habent enim in specie lenocinium, in gustu venenum, quorum usus in crimine, pretium in morte numeratur. S. Paulin. ep. 35.

NATIV. B. M. V. 8. Septembris.

POtuit denique post longissimæ noctis tenebras solem hoc die tellus sperare, quando tot votis jam olim exoptatam nasci *Auroram* vidit, **MARIAM** inquam, quæ Joachimo atque Annâ prognata lucem primò vidit dicam? an videndam orbi propinavit hodie. Certè festum agere hunc diem multis jam retrò seculis Christianus orbis instituit, idque cælo auctore. Nam ferum Anachoreten hâc ipsâ luce quotannis audire cælestes illos Amphiones solitasse, qui lætissimis modulis omnem latè aërem exhilararent; sed & Paulum quendam annis permultis sub eam noctem, quæ diem *Virginis* natalem præit, vidisse sidus ingens cælo se demittere, & festivis ignibus ædem Lauretanam exornare: utrumque porro Angelis doctoribus didicisse, id ob *Cunarum virginearum* memoriam Superos factitare. Echo itaque solum est
omnis

omnis hodie mortalium plausus , quam cælum
suis concentibus provocat , utinam vel ad ultima
hujus vota responsura ! scintilla est , ab æthere in
animos hominum illapsa , utinam in incendia abi-
tura ! Bene profectò Innoc. IV. quòd à morte Cæ-
lestini IV. Pontif. Max. creatio , quam Frideric. II.
Imperat. turbare nitebatur , VIRGINIS ope felici-
ter successisset , patronæ cunas omnibus annis
dies VIII. celebrari jussit. Sed hoc etiam parum
esse , audacter dico. Felices illæ Cunæ , illæ linguæ ,
in quibus quotidie MARIA cum aurorâ nascitur ,
cum sole vivit , & neque cum die emoritur. Ex
Duran. Beleth. Vincent. Tursell.

*Studeamus seculi hujus blandimenta despicere , car-
nis incentiva reprimere , Crucem Christi assidue in
mente portare , quatenus dum nunc gladio Mariæ trans-
figimur , cum ipsâ de æternæ felicitatis dulcedine satie-
mur. P. Damian. serm. 2. de Natal. B. M. V.*

S. ADRIANUS MART. 8. Septembris.

M Appam dixisset martyrum sanguinem , qui
hunc mitti vidisset , tam ad pugnam Chri-
stianos olim passim excivit. Ita ADRIANVM ex
equestri ordine virum , ut Christo militaret , ea-
dem prælia , martyrum gloriosa & invicta in tor-
mentis constantia , accenderunt. Et vicisse etiam
se ratus est , cum manus tyranno dedit vinculis li-
gandas , ex quibus cum aliquot post dies cum bo-
nâ veniâ egressus ædes suas repeteret , conjunx
ejus Natalia fortissima matrona transfugam è san-
ctis castris adventare rata recto exclusit , nec prius
admisit , quàm fidem se Deo servasse ostenderet.
Quin ipsa in vincula reduxit maritum , ipsa cum
cæsus ilia effunderet , dictis firmavit. Et quia femi-

nis aditus ad ergastula martyrum jam negabatur, positis capillis, ut viro femina animos adderet, virum induit, cumque membris truncandi jam Christi milites essent, id scilicet à carnifice multis precibus blanditiisque exoravit, ut primas conjux teneret; ab hoc verò, ut sponte manus securi subjiceret. Ipsa dexteram ADRIANI legens thesauri loco (& erat) asservavit. Nec multò post cum ADRIANVS ad cælitum gaudia Nataliam etiam invitasset, conjugii suo conjux iterum & æternum juncta est. Quamvis quid conjuges dico, quando in utroque virum agnovimus? Ex Surio.

Quæ collatio tui est ad ineffabilem, ad incomparabilem, ad incomprehensibilem Deum? nihil ei ad mensuram meriti retribuere potes, si in retributione eorum, quæ pro te sustinuit, te millies mille annis gehennali incendio cruciaries. S. Bern. op. de char. c. 27.

S. CORBINIANUS EP. 8.Septembris.

CORBINIANVM fugientem è Galliâ honor Romæ affecutus in totius orbis oculis infulâ maectatum in patriam remisit. Iterum Romam dum fugit, ursum qui clitellarium equum interceptum absumpserat, vicariam sibi operam jubet addicere, & cum equo equi etiam sarcinas ferre. Reduci per Bavariam Grimoaldus Dux hospitium offert. At negat ille impudicitiae stabulum hospitium sibi fore, pelleret, quam uxoris loco haberet, Pilitrudem, fratris nuper conjugem. Advolant, ecce, uterque, & infames nuptias ejurant. Subinde CORBINIANVS ad epulum vocatur. Adest, benè precatur, assidet. Sed dum Grimoaldus buccam cani objectat (audite qui canes plures quàm pauperes alitis) eversâ mensâ è diætâ se proripit, de-
testatus

testatus epulas, quibus quidem Præsul dixisset benè, sed canes accubuissent: se deinceps cum hominibus cœnaturum. Non multò pòst in Strigem offendit, audit incantationibus Pilitrudis filio salutem attulisse, invicem ingentia munera abstulisse. Enimverò jubet omnia in prædam egenis cedere, debitaque superstitioni stipendia probra & plagas numerat; mox paratas capiti à Pilitrude insidias effugit, sed non perinde etiam hæc cæli iras. Nam primò filium, mox etiam maritum vitâ videt exturbari. Ipsam longum funus vivumque, captivam; Galli abducunt; exulem dein in Italiam asellus asportat. At CORBINIANI tumulum suis cælum funalibus ornavit, Frisinga pro Asylo habet. *Ex tom. I. Annal. Boio.*

Debemus animo premeditari, quod aliquando futuri sumus, quod, velimus nolimus, abesse longius non potest: nam si non gentos vitæ excederemus annos, tamen nihil esset præterita longitudo, quæ esse desisset.
S. Hieron. ep. 3.

S. BONFILIUS ORD. SERV. B. M. V.

8. Septembris.

Quid Roma pileum, quid secundum libertatem vindicias crepas? ego iterum illos laudo, qui pulchram servitutem sub Mariæ nomine circumferunt. Tu felicissima servitutis cunabula audi. Fuit jam olim nobilis inter cives Florentinos Societas VIRGINI sacra. Hi dum ex more festum cælo translatae diem agunt, BONFILIUS pars magna & ipse horum, quiniq̃ue alii faces subdi pectori senserunt, quibus, ut se totos VIRGINI manciparent, inflammabantur. Nec mora, vitam opesque veteres cum veste ponunt, & novus ipso

T 4

Natae

Natæ VIRGINIS die, peculiaris eidem cœtus enascitur, Artingi primò is loci Antistitis, tum Innocent. IV. Pont. Max. auctoritate probatus: cumque stipem colligentes infantes facundo miraculo *Servos VIRGINIS* clamitarent, id hodieque scilicet nomen ferunt. Jam incrementa ordinis promisit vitis, quæ sub vernum tempus fata, mox DOMINÆ luce (quâ Salutatâ ab Angelo colimus) & florem & gemmam adeoque uvam exhibuit. Sed & vestes servis suis Deipara obtulit pullas, quibus & FILIVM patientem & viduam MATREM lugerent. BONFILIO deinde ad pileum voce cœlesti evocato testimonium sanctitatis in vultu splendor, in toto corpore odor dixerunt, & iusta hominibus permixti Cœlites illis verbis cecinerunt; *Subvenite Sancti DEI, & exaudite.* Tales exequias *servi VIRGINIS* merentur, alias sperate qui liberti, qui libertini amatis audire. *Ex Ordin. ipsius monum.*

Considera quanta sit dignitas nostra, quantaque nobis proportio sit cum Mariâ: Conceptit Maria Christum in carne, deferimus & nos illum in mente. Resciebat Maria Christum, cum teneris labris lac exprimeret uberum, resicimus & nos variis bonorum deliciis operum. S. Pet. Dam. serm. 2. de Nativ. B. V.

S. AUDOMARUS EP. 9. Septembris.

COepit AVDOMARVS tunc vivere, cum desiit mater; quando nimirum à morte hujus cum patre mori mundo inter Ascetas occepit. Jucundum credo videre cœlo erat, patrem unâ & filium in eâdem virtutis scholâ discere, miraculo eò majori, quòd ad hanc filius patrem duxerat. Quid jam mirum, si mira alia quàm plurima patravit AVDOMARVS, si radiare è ligno crucem, si exsurgere

gere è lectulis ægros , è vinculis captivos jussit ? Nos duo tantum scribemus, quorū pueri unum, alterum bis pueri senes legant. Episcopus jam Morinensis adolescenti interdixerat, ne cymbâ iniquis luderet. Risit ille, & lusit. Sed inobsequentem venti fluctusque in altum, inde è Galliâ in Daxoniā usque ejecerunt, & ut contra immorierum conjurasse cum aquis terram agnosceret, atrones in littore venientē præstolabantur. Quid geret sine velis, sine remis puer nauta? Nempe emi preces, vela divi apud DEVM AVDOMARI nerita fuerunt. His ille in patrium portum inventus, naulum Navarcho suo obsequium dehinc ersolvit. Hic cum amissos senio oculos ad D. Vestiti tumulum recepisset, mox facti pœnitensum non videret, an ex re animi esset videre, preatus est DEVM, iterum eriperet, si noceret, lumen, ripuit, & in cælum abituro duces Angelos misit. ubi ille cæcus nunc DEVM videt. *Ex Surio.*

*Indue te, quæso, veste innocentia, orna te quasi veste
olymitâ varietate virtutum, & qui te fidei annulo
obarrhavit, in te odorare letetur aromata gratiarum.*
Bernard. de char. cap. 31.

S. SALVIUS EPISC. 10. Septembris.

MERITO hodie plaudimus SALVIO, qui bellè omnes personas egit in eādē vitæ fabulâ, index, Monachus, Abbas, Episcopus. Et ne evenis sive Comicos, sive Tragicos desideres, bis vivus, bis mortuus. Unicam scenam spectâ. Conuserat, cum Abbatem exuisset, angustâ cellâ sese. Sed natus cælo animus libertatem morte quæsit reperitque. Jam extulerant mortuum, jam mulo inferebant, cum è ferali capulo se tollens

T 5

simul

Natæ VIRGINIS die, peculiaris eidem cœtus enascitur, Artingi primò is loci Antistitis, tum Innocent. IV. Pont. Max. auctoritate probatus: cumque stipem colligentes infantes facundo miraculo *Servos VIRGINIS* clamitarent, id hodieque scilicet nomen ferunt. Jam incrementa ordinis promisit vitis, quæ sub vernum tempus fata, mox DOMINÆ luce (quâ Salutatâ ab Angelo colimus) & florem & gemmam adeoque uvam exhibuit. Sed & vestes servis suis Deipara obtulit pullas, quibus & FILIVM patientem & viduam MATREM lugerent. BONFILIO deinde ad pileum voce cœlesti evocato testimonium sanctitatis in vultu splendor, in toto corpore odor dixerunt, & iusta hominibus permixti Cœlites illis verbis cecinerunt; *Subvenite Sancti DEI, & exaudite.* Tales exequias *servi VIRGINIS* merentur, alias sperate qui liberti, qui libertini amatis audire. *Ex Ordin. ipsius monum.*

Considera quanta sit dignitas nostra, quantaque nobis proportio sit cum Mariâ: Concepit Maria Christum in carne, deferimus & nos illum in mente. Reficiebat Maria Christum, cum teneris labris lac exprimeret uberum, reficimus & nos variis bonorum deliciis operum. S. Pet. Dam. serm. 2. de Nativ. B. V.

S. AUDOMARUS EP. 9. Septembris.

COepit AVDOMARVS tunc vivere, cum desit mater; quando nimirum à morte hujus cum patre mori mundo inter Ascetas occepit. Jucundum credo videre cœlo erat, patrem unâ & filium in eâdem virtutis scholâ discere, miraculo eò majori, quòd ad hanc filius patrem duxerat. Quid jam mirum, si mira alia quàm plurima patravit AVDOMARVS, si radiare è ligno crucem, si exsurgere

gere è lectulis ægros , è vinculis captivos jussit ? Nos duo tantum scribemus, quorū pueri unum, alterum bis pueri senes legant. Episcopus jam Morinensis adolescenti interdixerat, ne cymbā in aquis luderet. Risit ille, & lusit. Sed inobsequentem venti fluctusque in altum, inde è Galliā in Saxoniam usque ejecerunt, & ut contra immorigerum conjurasse cum aquis terram agnosceret, latrones in littore venientē præstolabantur. Quid ageret sine velis, sine remis puer nauta? Nempe remi preces, vela divi apud DEVM AVDOMARI merita fuerunt. His ille in patrium portum inventus, naulum Navarcho suo obsequium dehinc persolvit. Hic cum amissos senio oculos ad D. Vedasti tumulum recepisset, mox facti pœnitens cum non videret, an ex re animi esset videre, precatus est DEVM, iterum eriperet, si noceret, lumen. Eripuit, & in cælum abituro duces Angelos misit. Ibi ille cæcus nunc DEVM videt. *Ex Suario.*

Indue te, quæso, veste innocentia, orna te quasi veste polymita varietate virtutum, & qui te fidei annulo subarrhavit, in te odorare letetur aromata gratiarum.
S. Bernard. de char. cap. 31.

S. SALVIUS EPISC. 10. Septembris.

MERITO hodie plaudimus SALVIO, qui bellè omnes personas egit in eadem vitæ fabulâ, Judex, Monachus, Abbas, Episcopus. Et ne eventus sive Comicos, sive Tragicos desideres, bis vivus, bis mortuus. Unicam scenam spectâ. Concluserat, cum Abbatem exuisset, angustâ cellâ sese. Sed natus cælo animus libertatem morte quæsit reperitque. Jam extulerant mortuum, jam tumulo inferebant, cum è ferali capulo se tollens

T 5

simul

simul vivere iterum, simul vitæ illacrimari cœpit. Heu! cheu! ubi? hominum & Cælitum fidem! ubi sum? imò cheu! ubi fui? unde, ah! excidi? felix mors, quæ vivere me feceras? infelix nimirum vita, quæ mori iterum me cogis! Juvat, ô juvat iterum mori! Narrat deinde à morte ad beatas delicias abductum se inter Angelorum & Divorum comitatum, jam ambrosiam gustasse, jam nectar illud libasse; sed quod opera ejus porro terris necessaria diceretur, ad vitam iterum damnatum esse. Et nimirum ex ergastulo suo ad Pontificatum Albigensem extractus pauperibus patrem, captivis vindicem se libertatis præbuit. Vaticiniis insuper clarus Regiis ædibus quandoque nudum gladium imminere conspexit, qui geminos Regios filios intra vicesimum diem sustulit. Quod tamen mortuum se crederet, quamdiu vivebat, sui funeris ipse vates & vespillo tumulo se composuit, & bis victor cælo subiit, viæ utique, quam nuper iverat, minimè jam ignarus. Ex Greg. Turon.

Hunc sequamur, huic militemus, cui conjunctus nunquam disjungitur miles, qui militantibus sibi gloriam vitæ æternæ, honorem regni cælestis & divitias hereditatis suæ & divinæ cognitionis consortium perenne largitur. S. Paul. Epist. 36.

S. NICOLAUS TOLENT. CONF.

10. Septembris.

SEPTENNIS NICOLAUS solenne deinceps habuit Stres in hebdomade dies, interque eos illum etiam, quem VIRGINI dicamus, pane cibario & fontanâ victitare. In Canonicorum deinde Collegium ascitus, cum illa pro concione D. Joannis audisset

audisset (*Nolite diligere mundum, neque ea quæ in mundo sunt*) quasi uni illi dictum esset, extemplo ad eos Anachoretas abiit, qui D. Augustinum æmulantur. Ibi facile ostendit, quàm mundum mundi quæ omnia odisset. Sacerdos ubi primum litare cœpit, è piacularibus flammis umbra adfuit, abduxit quæ ad immania tormentorum ergastula. Ibi simul hæc, simul sociæ umbræ omnes patronum sibi NICOLAVM legerunt; pro quibus cum ille ad aram aliquoties dixisset, partem longè maximam à suppliciis absolvit. Sub hæc cum eum è cognatis unus aliquis à Religionis amore abducere & mundo iterum conciliare pessimè conciliatus adniteretur, surdum scilicet reperit. At faciles aures invenerunt è cælo vates, qui obitum feliciter NICOLAVM Tolentini cecinerunt. Eò enim ocyus abiit, stellâ duce, quæ ibi demum constitit, ubi tumulatus postea fuit. Morituro jam Christus cum Matre & D. Augustino obvius venit, cum sex ante mortem mensibus quotidie sub noctem Angelorum concentus audisset, manifesto indicio, quàm non longè à cælo abesset. *Ex Surio.*

Vis scire quales Dominus querat ornatus? Habeto Prudentiam, Iustitiam, Temperantiam, Fortitudinem; his cæli plagis includere; hæc te quadriga velut aurigam Christi ad metam concita ferat: nihil hoc monili pretiosius. S. Hieron. ep. 2.

SS. MENODORA, METRODORA,
NYMPHODORA, VV. MM. 10. Sept.

Iterum Virgines Martyres aspicias, hoc est, rosas & candore & purpurâ suâ nobiles, pulcherrima virtutis mixturâ MENODORA est, METRODORA

& NYMPHODORA sorores & è Bithyniâ oriundæ. Hæ quò securior sive ab apertâ vi, sive proditiōne pudor foret, collem omnes desertū infederunt, munimentum virtutis ingens & propugnaculum. Solæ tamen, etsi maxime volebant, minimè potuerunt esse: virtus enim, ut ferè fit hospites, ex omni loco excivit; & fuere crebra miracula ad convocandam multitudinem tubæ instar. Sed uti inter spectatores alios admiratores castitas, ita alios hostes habet. Inter hos infestissimū Frontonem vidisses omnibus machinis oppugnare virginitatis castrum. At huic animus etiam crevit in pugna, auditaque inter omnia tormenta una eademque omnium vox velut tessera pugnantium: *Agnosces Christe sponsas tuas coram Patre, quem coram hominibus neque sanguine fateri erubescimus.* Interea MENODORA inter virgas moriendo vincit, & saluum virginitatis scutum patriæ cælo ostentat. Sororibus ad demortuæ conspectum etiam animas accedit. Quare post faces ardentes & equuleum METRODORA, post uncus ferreos NYMPHODORA vectibus cæsæ geminarunt triumphum, in quodum corpora in flammam projiciuntur, alia flamma cælo delapsa judicem omnemque tortorum manipulum momento in cineres vertit. At ex illis aliis flammis tergeminus cælo Phœnix prodiit & vanitatis accusavit, scilicet poëtas, unicum tantum esse jurantes. Ex Surio.

Sicut peccati cogitatio decolorat, affectio vulnerat, sic consensus omnino animam necat: caveamus ergo cogitationes inutiles, ut animarum nostrarum facies decora permaneat; quòd si noxia cogitatio subierit, laboremus citius abluere sordes, quibus nos maculari conspiciamus.
S. Bern. serm. de car. Cut. & Off.

S. EU.

S. EUPHROSYNUS C. 11. Septembris.

MAla cape sis ex Elysiis hortis, quid horres? securus cape. Non illa sunt, à quibus primi parentis dentes obstupuerunt. Nec Eva mater, sed EUPHROSYNUS porrigit, ille quidem terræ filius & inter monachos ad culinæ nidorem damnatus, sed cujus labores cælo impendio sapiebant. Ostendit hoc sacerdoti & ipsi integerrimæ vitæ, quanti eos faciat, quos imprudens nihili facit tellus. Sordebant huic jam diu humana, & nauseabat mortalia immortalis animus; illas gustare delicias avebat, quas alieno gustu miselli perdidimus. Neque negavit DEVS, sed votis tam piis satisfactorius, extasi abreptum in felicissimos hortos transfudit. Ibi dum ille gaudiis inundatur, EUPHROSYNUM nostrum videt non jam ignobilis terræ colonum. Atque ut ne somnum crederet somniūve, accipit ab eo laudata à nobis poma, quæ vel odore suavissimo patriam suam loquerentur. Interea ære campano ad preces matutinas vocante sibi redditur Sacerdos, & dum ad templum properat, involuta pallio poma reperit: mox ubi eadem omnia ex EUPHROSYNO intelligit, Ascetis munera portentosa & in his virtutem EUPHROSYNI prædicat. Et nobiles quidem illi fructus fructus alios quotidie miracula proferebant, at EUPHROSYNUS proditus fugâ se subduxit. Et quod ais, fugit ille? Nempe si sic illi Paradisus patebat, gratis jam quæris. *Ex Men. Gracis.*

Nihil est, benedicte fili, quod possit aut debeat præferri ei, qui est verus Dominus, & verus Pater, & Imperator aternus. Cui enim rectius vitam nostram impendimus.

446 VITÆ SANCTORVM. 11. Sept.
dimus, quàm illi à quo accepimus, cui si in hoc seculo
militaverimus, tunc ad ipsum transire merebimur.
S. Paulin. ep. 39.

S. THEODORA POENITENS.

11. Septembris.

Virum an feminam spectasse te, lector autu-
mas? utrumque, si mihi credis. Nam femina,
puto, fuit THEODORA, cum lapsa est, vir, cum sur-
rexit. Id te vita docebit. Tenebat illa matronas
inter Alexandriae principem locum. Sed ex hoc le-
na eademque venefica turpiter dejecit, cum quæ
Sol occidens non spectat scelera impunè perpe-
trari suavit, itaque adulterium persuasit: ac si unum
solummodo cælum oculum haberem & mediâ
etiam in nocte Argus non esset. Vidit ipsa THEO-
DORA crimen, cum primum lux animo aborta
est, & quò ruborem absconderet, cœnobio se
abdedit, utque viros effugeret, inter viros virum
se venditavit. Et jam lacrimas quibus facinus
piabat, vel Crocodilus probaverat, dum dorso
innoxiam per fluctus tulit; jam silvæ, per quas
invidi monachi intempestâ nocte miserant à feris
devorandam, virum & ipsæ crediderant; cum lo-
co pellere dæmon malus aggressus, non quidem
virum negavit THEODORAM, sed tamen infamis
mulierculæ operâ patrem mentitus est. Poterat se
ipsam absolvere THEODORA sexum fatendo, sed
maluit suum sub alieno scelere scelus luere. Itaque
pulsâ cum infante septem ipsos annos propter Mo-
nasterii fores jacuit cæli hominumque injuriis ex-
posita. Denique cætera miracula, & morientis
apud cælites gloria Cœnobiarchæ ostensa, addu-
ctusque eodem temporis articulo maritus, mors
ipsa

12. Sept. VITÆ SANCTORVM. 447
ipsa denique palàm orbi fecerunt feminam fuisse
THEODORAM, sed quam viri imitarentur. Ex
Metaphrast.

*Meliora mihi amici vulnera, quæ Christus accepit
ut sanaret me, quàm voluntaria inimici oscula, quibus
mihi per illecebrus delectationum caro male suada blan-
ditur, ut quasi parricidiali Iuda osculo paratis in capti-
vitatem meam prodat inimicis. S. Paulin. ep. 2.*

S. GUIDO CONF. 12. Septembris.

ETIAM GUIDONEM humili genere natum ad
astra virtus evexit, tutissima eorum scala, qui
generosi humi obrepere detrectant. Natalem ter-
ram Brabantia dedit. Puer non prius animo hilari
esse unquam potuit, quam aut preces Deo, aut
egeno stipem dedisset, quam ubi non habuit, ipse
scilicet coëgit, mendicorum mendicabulum.
Adolescens VIRGINIS templo operam suam ædi-
timus addixit, gnarus cæli portam esse, quam cu-
raret. A tam sancto munere cum à mercatore per-
suasus mare conscendisset, & ventos & Superos
adversos sensit, quin remo manum tamdiu exi-
mere non potuit, quousque hanc redux VIRGI-
NIS aræ supplicem retendit, manifesto in hujus
transfugas exemplo. Sanctius postmodum iter
instituit, cum Romam & Hierosolymas aliosque
Christianis vestigiis nobiles locos petiit, septem-
que ipsos annos talem se, quales omnes sumus,
peregrinum vendidit. Hinc cum fesso Deus quie-
rem donare vellet, in lectulum dejecit. Hoc cum
æger Anderlaci decumberet, columba è cælo
multo lumine corusca advolavit, simul vox audita
est, quæ *ad coronam dilectum* invitavit. Enimverò
lubens paruit. Orbe scilicet pererrato, restabat
ut

648 VITA SANCTORVM. 13. Sept.
ut alia videret; quum viam an illi juvenes insi-
derent. qui Gallias tunc & Italiam petunt, tibi, qui
has res paraveras esse. Ex Sarno.

*Nonne impie non diliges illos, qui te non di-
ligunt? Quare peccatum non despectit? Vide
quid per te impie agatur, qui meritis summa & aterna
recompensa servatur. S. Bern. op. de char. c. 27.*

S. MAURILIUS EP. 13. Septembris.

MAURILIO patria Mediolanum, parentes
Nihilini nomine, vixit Magister D. Martinus
episcopus. Ad hoc & sacerdotio & insula Andegaven-
si consecratus est. Subitoque calculo suo candi-
dissima columna prodante capiti MAURILII ob-
voluta. Mox plura prodigia. Vos qui ani-
mas, qui juvenum carnis, ad unicum animum
converitis. Puerulus, neque moriturus sacro chri-
stianis nominibus erat. Dum sacris MAURILIVS
nominibus imbutus, emoriatur ille. Nimirum
hoc nam sanctorum precibus credere, non expian-
dam, qui tunc advenit. Proinde se iudice
eius clamorem concussit; lapsisque in mare,
quas iterum fecerat, templi clavis, vovet non
perire. Mox tunc, quam claves amissas. Mox
magistro mari ferunt se viro principi addicit, hor-
umque tota ille super Italiam unicus flosculus.
Iam tunc omnino septem tota Europam à suis
quiritis. Angelis demum indicio inventus est.
Tunc precibusque misit lacrimas, redditæ.
Quæ à patre, qui vitam miserat, claves, & promif-
sa pueri à Deo vita, reditum tandem persuafe-
runt. Neque primò omnium ad tumulum est
itum, ut una Divus à precibus & puer à morte
surrexerit. Infelix etiam haeres MAURILII, cujus
ulti-

ultima moribundi ad astantes illa vox perhibetur, cogitarent, quas gererent animas, pretioso, ab! nimium lytro, Christi sanguine emptas esse. O juvenus Parthenia, etiam tu animo hæc volveres! Tantillo animas non venderes. Ex Surio.

Quomodo redamabis, anima, vita tua gratuitum largitorem, largissimum administratorem, pium consolatorem, sollicitum gubernatorem, copiosum redemptorem, eternum conservatorem, ditatorem, glorificatorem?
S. Bern. op. de Char. c. 5.

EXALTATIO S. CRUCIS.

14. Septembris.

SI minus bellare feliciter, certè prædari novit COSRHOAS, qui cum captam toties Hierosolymam ipse etiam cepisset, prædam nimium quantum magnam Crucem Servatoris in Persidem asportavit. Doluit Christianus Imp. Heraclius spolia hæc Christianis detracta esse, & cælo auctore armis commune omnibus Christianis dedecus aggressus abolere, ternas copias COSRHOÆ totidemque Duces felici Marte devicit, fortissimè Christianis utpote pro signis suis dimicantibus. COSRHOAS dum fugâ Tigrim trajicit, socium regni filium minorem Mardesam sibi adsciscit. Id maximus natus Syroës impatienter ferens gemino parricidio & fratrem & parentem sustulit, pactusque regnum cum Heraclio pro cruce est stultissimus mercator. Hanc porro Heraclius cum imperatorio habitu fulgens eò ferre vellet, quò primò Servator tulerat, nec tamen, occultâ vi gradum morante, progredi jam posset, monuit Præsul Zacharias fastum ponere & aurum nimis animo

nis aditus ad ergastula martyrum jam negabatur, positis capillis, ut viro femina animos adderet, virum induit, cumque membris truncandi jam Christi milites essent, id scilicet à carnifice multis precibus blanditiisque exoravit, ut primas conjux teneret; ab hoc verò, ut sponte manus securi subjiceret. Ipsa dexteram ADRIANI legens thesauri loco (& erat) asservavit. Nec multò post cum ADRIANVS ad cælitum gaudia Nataliam etiam invitasset, conjugii suo conjux iterum & æternum juncta est. Quamvis quid conjuges dico, quando in utroque virum agnovimus? *Ex Surio.*

Quæ collatio tui est ad ineffabilem, ad incomparabilem, ad incomprehensibilem Deum? nihil ei ad mensuram meriti retribuere potes, si in retributione eorum, quæ pro te sustinuit, te millies mille annis gehennali incendio cruciares. S. Bern. op. de char. c. 27.

S. CORBINIANUS EP. 8. Septembris.

CORBINIANVM fugientem è Galliâ honor Romæ affecutus in totius orbis oculis infulâ mactatum in patriam remisit. Iterum Romam dum fugit, ursum qui clitellarium equum interceptum absumpserat, vicariam sibi operam jubet addicere, & cum equo equi etiam sarcinas ferre. Reduci per Bavariam Grimoaldus Dux hospitium offert. At negat ille impudicitiae stabulum hospitium sibi fore, pelleret, quam uxoris loco haberet, Pilitrudem, fratris nuper conjugem. Advolant, ecce, uterque, & infames nuptias ejurant. Subinde CORBINIANVS ad epulum vocatur. Adest, benè precatur, assidet. Sed dum Grimoaldus buccam cani objectat (audite qui canes plures quàm pauperes alitis) eversa mensa è diætâ se proripit, detestatus

testatus epulas , quibus quidem Præsul dixisset benè, sed canes accubuiſſent: ſe deinceps cum hominibus cœnaturum. Non multò poſt in Strigem offendit, audit incantationibus Pilitrudis filio ſalutem attuliſſe, invicem ingentia munera abſtuliſſe. Enimverò jubet omnia in prædam egenis cedere, debitaque ſuperſtitioni ſtipendia probra & plagas numerat; mox paratas capiti à Pilitrude inſidias effugit, ſed non perinde etiam hæc cæli iras. Nam primò filium, mox etiam maritum vitâ videt exturbari. Ipſam longum funus vivumque, captivam; Galli abducunt; exulem dein in Italiam aſellus aſportat. At CORBINIANI tumulum ſuis cælum funalibus ornavit, Friſinga pro Aſylo habet. *Ex tom. I. Annal. Boio.*

Debemus animo præmeditari, quod aliquando futuri ſumus, quod, velimus nolimus, abeſſe longius non poteſt: nam ſi nongentos vitæ excederemus annos, tamen nihil eſſet præterita longitudo, quæ eſſe deſiſſet.
S. Hieron. ep. 3.

S. BONFILIUS ORD. SERV. B. M. V.

8. Septembris.

Quid Roma pileum, quid ſecundum libertatem vindicias crepas? ego iterum illos laudo, qui pulchram ſervitutem ſub Mariæ nomine circumferunt. Tu feliciffima ſervitutis cunabula audi. Fuit jam olim nobilis inter cives Florentinos Societas VIRGINI ſacra. Hi dum ex more feſtum cælo tranſlatæ diem agunt, BONFILIUS pars magna & ipſe horum, quiniſque alii faces ſubdipectori ſenſerunt, quibus, ut ſe totos VIRGINI manciparent, inflammabantur. Nec mora, vitam opesque veteres cum veſte ponunt, & novus ipſo

Natæ VIRGINIS die, peculiaris eidem cœtus enascitur, Artingi primò is loci Antistitis, tum Innocent. IV. Pont. Max. auctoritate probatus: cumque stipem colligentes infantes facundo miraculo *Servos VIRGINIS* clamitarent, id hodieque scilicet nomen ferunt. Jam incrementa ordinis promisit vitis, quæ sub vernum tempus fata, mox DOMINÆ luce (quâ Salutatâ ab Angelo colimus) & florem & gemmam adeoque uvam exhibuit. Sed & vestes servis suis Deipara obtulit pullas, quibus & FILIVM patientem & viduam MATREM lugerent. BONFILIO deinde ad pileum voce cœlesti evocato testimonium sanctitatis in vultu splendor, in toto corpore odor dixerunt, & iusta hominibus permixti Cœlites illis verbis cecinerunt; *Subvenite Sancti DEI, & exaudite.* Tales exequias *Servi VIRGINIS* merentur, alias sperate qui liberti, qui libertini amatis audire. *Ex Ordin. ipsius monum.*

Considera quanta sit dignitas nostra, quantaque nobis proportio sit cum Mariâ: Concepit Maria Christum in carne, deferimus & nos illum in mente. Reficiebat Maria Christum, cum teneris labris lac exprimeret uberum, reficimus & nos variis bonorum deliciis operum. S. Pet. Dam. ferm. 2. de Nativ. B. V.

S. AUDOMARUS EP. 9. Septembris.

COepit AUDOMARVS tunc vivere, cum desit mater; quando nimirum à morte hujus cum patre mori mundo inter Ascetas occepit. Jucundum credo videre cœlo erat, patrem unâ & filium in eâdem virtutis scholâ discere, miraculo eò majori, quòd ad hanc filius patrem duxerat. Quid jam mirum, si mira alia quàm plurima patravit AUDOMARVS, si radiare è ligno crucem, si exsurgere

gere è lectulis ægros , è vinculis captivos jussit ? Nos duo tantum scribemus, quorū pueri unum, alterum bis pueri senes legant. Episcopus jam Morinensis adolescenti interdixerat, ne cymbā in aquis luderet. Risit ille, & lusit. Sed inobsequentem venti fluctusque in altum, inde è Galliā in Saxoniam usque ejecerunt, & ut contra immorigerum conjurasse cum aquis terram agnosceret, latrones in littore venientē præstolabantur. Quid ageret sine velis, sine remis puer nauta? Nempe remi preces, vela divi apud DEVM AVDOMARI merita fuerunt. His ille in patrium portum inventus, naulum Navarcho suo obsequium dehinc persolvit. Hic cum amissos senio oculos ad D. Vedasti tumulum recepisset, mox facti pœnitens cum non videret, an ex re animi esset videre, precatus est DEVM, iterum eriperet, si noceret, lumen. Eripuit, & in cælum abituro duces Angelos misit. Ibi ille cæcus nunc DEVM videt. *Ex Sirio.*

Indue te, queso, veste innocentia, orna te quasi veste polymita varietate virtutum, & qui te fidei annulo subarrhavit; in te odorare latetur aromata gratiarum.
S. Bernard. de char. cap. 31.

S. SALVIUS EPISC. 10. Septembris.

MERITO hodie plaudimus SALVIO, qui bellè omnes personas egit in eadem vitæ fabulâ, Judex, Monachus, Abbas, Episcopus. Et ne evenus sive Comicos, sive Tragicos desideres, bis vivus, bis mortuus. Unicam scenam spectâ. Concluserat, cum Abbatem exuisset, angustâ cellâ sese. Sed natus cælo animus libertatem morte quæsit reperitque. Jam extulerant mortuum, jam tumulo inferebant, cum è ferali capulo se tollens

T 5

simul

simul vivere iterum, simul vitæ illacrimari cœpit. Heu! cheu! ubi? hominum & Cœlitum fidem! ubi sum? imò cheu! ubi fui? unde, ah! excidi? felix mors, quæ vivere me feceras? infelix nimirum vita, quæ mori iterum me cogis! Juvat, ô juvat iterum mori! Narrat deinde à morte ad beatas delicias abductum se inter Angelorum & Divorum comitatum, jam ambrosiam gustasse, jam nectar illud libasse; sed quod opera ejus porro terris necessaria diceretur, ad vitam iterum damnatum esse. Et nimirum ex ergastulo suo ad Pontificarum Albigensem extractus pauperibus patrem, captivis vindicem se libertatis præbuit. Vaticiniis insuper clarus Regiis ædibus quandoque nudum gladium imminere conspexit, qui geminos Regios filios intra vicesimum diem sustulit. Quod tamen mortuum se crederet, quamdiu vivebat, sui funeris ipse vates & vespillo tumulo se composuit, & bis victor cælo subiit, viæ utique, quam nuper iverat, minimè jam ignarus. Ex Greg. Turon.

Hunc sequamur, huic militemus, cui conjunctus nunquam disjungitur miles, qui militantibus sibi gloriam vitæ æternæ, honorem regni caelestis & divitias hereditatis suæ & divinæ cognitionis consortium perenne largitur. S. Paul. Epist. 36.

S. NICOLAUS TOLENT. CONF.

10. Septembris.

SEPTENNIS NICOLAUS solenne deinceps habuit tres in hebdomade dies, interque eos illum etiam, quem VIRGINI dicamus, pane cibario & fontanâ victitare. In Canonorum deinde Collegium ascitus, cum illa pro concione D. Joannis audisset

audisset (*Nolite diligere mundum, neque ea quæ in mundo sunt*) quasi uni illi dictum esset, extemplo ad eos Anachoretas abiit, qui D. Augustinum æmulantur. Ibi facile ostendit, quàm mundum mundi quæ omnia odisset. Sacerdos ubi primum litare cœpit, è piacularibus flammis umbra adfuit, abduxit quæ ad immania tormentorum ergastula. Ibi simul hæc, simul sociæ umbræ omnes patronum sibi NICOLAVM legerunt; pro quibus cum ille ad aram aliquoties dixisset, partem longè maximam à suppliciis absolvit. Sub hæc cum eum è cognatis unus aliquis à Religionis amore abducere & mundo iterum conciliare pessimè conciliatus adniteretur, surdum scilicet reperit. At faciles aures invenerunt è cælo vates, qui obitum feliciter NICOLAVM Tolentini cecinerunt. Eò enim ocyus abiit, stellâ duce, quæ ibi demum constitit, ubi tumulatus postea fuit. Morituro jam Christus cum Matre & D. Augustino obvius venit, cum sex ante mortem mensibus quotidie sub noctem Angelorum concentus audisset, manifesto indicio, quàm non longè à cælo abesset. *Ex Surio.*

Vis scire quales Dominus querat ornatus? Habeto Prudentiam, Iustitiam, Temperantiam, Fortitudinem; his cali plagis includere; hæc te quadriga velut aurigam Christi ad metam concita ferat: nihil hoc moniti pretiosius. S. Hieron. ep. 2.

SS. MENODORA, METRODORA,
NYMPHODORA, VV. MM. 10. Sept.

ITerum Virgines Martyres aspicias, hoc est, rosas & candore & purpurâ suâ nobiles, pulcherrima virtutis mixturâ MENODORA est, METRODORA

& NYMPHODORA sorores & è Bithyniâ oriundæ. Hæ quò securior sive ab apertâ vi, sive proditiōne pudor foret, collem omnes desertū infederunt, munimentum virtutis ingens & propugnaculum. Solæ tamen, etsi maxime volebant, minimè potuerunt esse: virtus enim, ut ferè fit hospites, ex omni loco excivit; & fuere crebra miracula ad convocandam multitudinem tubæ instar. Sed uti inter spectatores alios admiratores castitas, ita alios hostes habet. Inter hos infestissimū Frontonem vidisses omnibus machinis oppugnare virginitatis castrum. At huic animus etiam crevit in pugnâ, auditaque inter omnia tormenta una eademque omnium vox velut tessera pugnantium: *Agnosces Christe sponsas tuas coram Patre, quem coram hominibus neque sanguine fateri erubescimus.* Interea MENODORA inter virgas moriendo vincit, & saluum virginitatis scutum patriæ cælo ostentat. Sororibus ad demortuæ conspectum etiam animæ accedit. Quare post faces ardentes & equuleum METRODORA, post uncus ferreos NYMPHODORA vectibus cæsæ geminarunt triumphum, in quodum corpora in flammâ projiciuntur, alia flamma cælo delapsa judicem omnemque tortorum manipulum momento in cineres vertit. At ex illis aliis flammis tergeminus cælo Phœnix prodiit & vanitatis accusavit, scilicet poëtas, unicum tantum esse jurantes. *Ex Surio.*

Sicut peccati cogitatio decolorat, affectio vulnerat, sic consensus omnino animam necat: caveamus ergo cogitationes inutiles, ut animarum nostrarum facies decora permaneat; quòd si noxia cogitatio subierit, laboremus citius abluere sordes, quibus nos maculari conspiciamus.
S. Bern. serm. de car. Cut. & Off.

S. EU.

S. EUPHROSYNUS C. 11. Septembris.

MAla cape sis ex Elysiis hortis, quid horres? securus cape. Non illa sunt, à quibus primi parentis dentes obstupuerunt. Nec Eva mater, sed EUPHROSYNUS porrigit, ille quidem terræ filius & inter monachos ad culinæ nidorem damnatus, sed cujus labores cælo impendio sapiebant. Ostendit hoc sacerdoti & ipsi integerrimæ vitæ, quanti eos faciat, quos imprudens nihili facit tellus. Sordebant huic jam diu humana, & nauseabat mortalia immortalis animus; illas gustare delicias avebat, quas alieno gustu miselli perdidimus. Neque negavit Deus, sed votis tam piis satisfactorus, extasi abreptum in felicissimos hortos transfudit. Ibi dum ille gaudiis inundatur, EUPHROSYNUM nostrum videt non jam ignobilis terræ colonum. Atque ut ne somnum crederet somniumve, accipit ab eo laudata à nobis poma, quæ vel odore suavissimo patriam suam loquerentur. Interea ære campano ad preces matutinas vocante sibi redditur Sacerdos, & dum ad templum properat, involuta pallio poma reperit: mox ubi eadem omnia ex EUPHROSYNO intelligit, Ascetis munera portentosa & in his virtutem EUPHROSYNI prædicat. Et nobiles quidem illi fructus fructus alios quotidie miracula proferebant, at EUPHROSYNUS proditus fugâ se subduxit. Et quò, ais, fugit ille? Nempe si sic illi Paradisus patebat, gratis jam quæris. *Ex Men. Gracis.*

Nihil est, benedicte fili, quod possit aut debeat præferri ei, qui est verus Dominus, & verus Pater, & Imperator æternus. Cui enim rectius vitam nostram impendimus,

446 VITÆ SANCTORVM. 11. Sept.
*dimus, quàm illi à quo accepimus? cui si in hoc seculo
militaverimus, tunc ad ipsum transire merebimur.*
S. Paulin. ep. 39.

S. THEODORA POENITENS.

11. Septembris.

Virum an feminam spectasse te, lector autu-
mas? utrumque, si mihi credis. Nam femina,
puto, fuit THEODORA, cum lapsa est, vir, cum sur-
rexit. Id te vita docebit. Tenebat illa matronas
inter Alexandriae principem locum. Sed ex hoc le-
na eademque venefica turpiter deiecit, cum quæ
Sol occidens non spectat scelera impunè perpe-
trari suavit, itaque adulterium persuasit: ac si unum
solummodo cælum oculum habere & mediâ
etiam in nocte Argus non esset. Vidit ipsa THEO-
DORA crimen, cum primum lux animo aborta
est, & quò ruborem absconderet, cœnobio se
abdedit, utque viros effugeret, inter viros virum
se venditavit. Et jam lacrimas quibus facinus
piabat, vel Crocodilus probaverat, dum dorso
innoxiam per fluctus tulit; jam silvæ, per quas
invidi monachi intempestâ nocte miserant à feris
devorandam, virum & ipsæ crediderant; cum lo-
co pellere dæmon malus aggressus, non quidem
virum negavit THEODORAM, sed tamen infamis
mulierculæ operâ patrem mentitus est. Poterat se
ipsam absolvere THEODORA sexum fatendo, sed
maluit suum sub alieno scelere scelus luere. Itaque
pulsâ cum infante septem ipsos annos propter Mo-
nasterii fores jacuit cæli hominumque injuriis ex-
posita. Denique cætera miracula, & morientis
apud cælites gloria Cœnobiarchæ ostensa, addu-
ctusque eodem temporis articulo maritus, mors
ipsa

ipsa denique palàm orbi fecerunt feminam fuisse THEODORAM, sed quam viri imitarentur. Ex *Metaphrast.*

Meliora mihi amici vulnera, quæ Christus accepit ut sanaret me, quàm voluntaria inimici oscula, quibus mihi per illecebras delectationum caro male suada blanditur, ut quasi parricidiali Iuda osculo paratis in captivitatem meam prodat inimicis. S. Paulin. ep. 2.

S. GUIDO CONF. 12. Septembris.

ETIAM GUIDONEM humili genere natum ad astra virtus evexit, tutissima eorum scala, qui generosi humi obrepere detrectant. Natalem terram Brabantia dedit. Puer non prius animo hilari esse unquam potuit, quam aut preces Deo, aut egeno stipem dedisset, quam ubi non habuit, ipse scilicet coëgit, mendicorum mendicabulum. Adolescens VIRGINIS templo operam suam ædificans addixit, gnarus cæli portam esse, quam curaret. A tam sancto munere cum à mercatore persuasus mare conscendisset, & ventos & Superos adversos sensit, quin remo manum tamdiu eximere non potuit, quousque hanc redux VIRGINIS aræ supplicem retendit, manifesto in hujus transfugas exemplo. Sanctius postmodum iter instituit, cum Romam & Hierosolymas aliosque Christianis vestigiis nobiles locos petiit, septemque ipsos annos talem se, quales omnes fumus, peregrinum vendidit. Hinc cum fesso DEVS quietem donare vellet, in lectulum dejecit. Hoc cum ager Anderlaci decumberet, columba è cælo multo lumine corusca advolavit, simul vox audita est, quæ ad coronam dilectum invitavit. Enimverò lubens paruit. Orbe scilicet pererrato, restabat

ur

ut astra videret ; quam viam an illi juvenes insistant , qui Gallias nunc & Italias petunt, tibi, qui hæc legis judicium esto. *Ex Surio.*

Quâ presumptione non diliges illum , qui te non diligentem dilexit , qui te peccantem non despexit ? Vide quaso quâ compensatione , quo merito summa & aterna respondeas Trinitati. S. Bern. op. de char. c. 27.

S. MAURILIUS EP. 13. Septembris.

MAVRILIO patria Mediolanum , parentes illinc nobiles , vitæ Magister D. Martinus fuere. Ab hoc & sacerdotio & infulâ Andegavensi condecoratus est, factumque calculo suo candidissima columba probavit capiti MAVRILIO obvolitans. Mitto plurima prodigia. Vos qui animas , qui juventam curatis , ad unicum animum advertite. Parvulus , isque moriturus sacro chrismate firmandus erat. Dum sacris MAVRILIVS plusculum immoratur , emoritur ille. Nimirum hoc suum facinus Pontifex credere , non expiandum , nisi munere abdicato. Proinde se iudice exul clam navim conscendit ; lapsisque in mare, quas secum ferebat , templi clavibus , vovet non prius patriam visurum, quam claves amissas. Mox trajecto mari servum se viro principi addicit, horumque colit ille nuper Italiæ unicus flosculus. Jam annis omnino septem totâ Europâ à suis quæsitus , Angeli demum indicio inventus est. Tot preces precibusque mistæ lacrimæ , redditæque à pisce, qui navim insilierat, claves, & promissa puero à Deo vita , reditum tandem persuaserunt. Nempe primò omnium ad tumultum est itum , ubi unâ Divus à precibus & puer à morte surrexit, infulæ etiam hæres MAVRILII, cujus
ulti-

ultima moribundi ad astantes illa vox perhibetur, cogitarent, quas gererent animas, pretioso, ah! nimium lytro, Christi sanguine emptas esse. O juvenus Parthenia, etiam tu animo hæc volveres! Tantillo animas non venderes. Ex Surio.

Quomodo redamabis, anima, vitæ tuæ gratuitum largitorem, largissimum administratorem, pium consolatorem, sollicitum gubernatorem, copiosum redemptorem, æternum conservatorem, ditatorem, glorificatorem?
S. Bern. op. de Char. c. 5.

EXALTATIO S. CRUCIS.

14. Septembris.

SI minus bellare feliciter, certè prædari novit COSRHOAS, qui cum captam toties Hierosolymam ipse etiam cepisset, prædam nimium quantum magnam Crucem Servatoris in Persidem asportavit. Doluit Christianus Imp. Heraclius spolia hæc Christianis detracta esse, & cælo auctore armis commune omnibus Christianis dedecus aggressus abolere, ternas copias COSRHOÆ totidemque Duces felici Marte devicit, fortissimè Christianis utpote pro signis suis dimicantibus. COSRHOAS dum fugâ Tigrim trajicit, socium regni filium minorem Mardesam sibi adsciscit. Id maximus natus Syroës impatienter ferens gemino parricidio & fratrem & parentem sustulit, pactusque regnum cum Heraclio pro cruce est stultissimus mercator. Hanc porrò Heraclius cum imperatorio habitu fulgens eò ferre vellet, quò primò Servator tulerat, nec tamen, occultâ vi gradum morante, progredi jam posset, monuit Præsul Zacharias fastum ponere & aurum nimis animo

mo onerosum ; nescire crucem purpuram , nisi quæ de Christi sanguine ruberet , sed neque coronam nosse , quam spinæ non ornarent. Aliter ergo triumphandum sibi esse intelligens Heraclius , nudus pedes & plebejam togam indutus facile jam pedem promovit , & sublimem crucem loco suo & honori restituit. Hæc EXALTATÆ CRUCIS festa initia ajunt. Nego ego , & cum bonâ pace Heraclii , ea Christo primitus adscribo. Ex Brev. & Baron.

Intuere ne mortiferam crucem efficias , in quâ facias Filium Dei amaris doloribus interire : superbia superius , inferius Luxuria ; à dextris prosperatio iniquitatis , à sinistris adversitatis desperatio , spinas , clavos & lanceam Filio Virginis representant. S. Pet. Dam. ser. 1. de Exaltat. S. Crucis.

S. AICHARDUS ABBAS. 15. Septembris.

INgens duellum matrem inter & patrem felicissimè AICHARDVS sustulit. Dum enim hic militiæ , illa Deo devotum vellet filium , hic pulchræ litis arbiter , ut ex æquo rem componeret , utrumque præstitit , & ad militiam abiit , sed religiosam & DEO sacram. In hac cum egregiè diu adversus Orcum depugnasset , & in fundo paterno victrici VIRGINI ædem , hoc est , propugnaculum sibi exædificasset , Dux demum nongentis monachis datus est. Inter fortia ejus facta memorant in fugam actum non semel hominum hostem , sive crucis telo , cum arbore dejectâ obruere Christi milites vellet ; sive aquâ lustrali , cum hac omnibus suorum cubiculis exegit. Post multas maximasque pugnas beatam vacationem tandem pro suis à DEO petiit. Annuit hic & Angelum bonum misit,

misit, qui post longam cum malo luctam bacillo mediam partem tam sancti exercitus signavit. Erat hoc rude emeritos donasse. Nam de morte & ipsi moniti, cum quatuor dierum jejunio corpus curassent, & sacris omnibus se armassent, ultimum pugnarunt, eodemque die, vultu (ut victores scires) læto & præfulgido omnes cælum triumphantes ingressi sunt. Sed & AICHARDVS tunc secutus est. Cur enim à triumpho Dux excluderetur? Ex Grasio.

Deputat Deus Virtutes Angelicas humana custodia, & infelix homo relictâ puritate virtutum, squaloribus se polluit vitiorum: & Angelus foetorem ac inhonestam purulentiae nauseam invitus tolerat, etsi caelestis imperii lege constrictus obedientiam non omittat. S. Pet. Dam. l. i. ep. 15.

S. EDITHA V. 16. Septembris.

Ferax olim Divorum tellus Anglia, quàm cheu! degenerasti. sponte tuâ ferebas fructus olim, quos jam non nisi gladiis sulcata, & sanguine rigata donas. Illos inter EDITHA numeratur Edgari Regis filia & Christi sponsa, cui amores suos primis annis devovit, paranymp hos novo more leprosos diligens, quos, quò deformiores aspectu erant, hoc formosiores & digniores se putabat; ut jam cælo id muneris ambiente, non dubitaret Angelus pauperem præ se ferre. Porro in deliciis EDITHÆ Crux fuit, quam cum pingere toties manu Dunstanus Antistes vidisset, pollicem prehensens nunquàm tabo obnoxium esse iussit. Id quod postea factum vidit Anglia, cum à morte (quæ ut suavis esset, cantu suo Angeli fecerunt) trigesimo die marri, tum anno tertio decimo

Dun

Dunstano spectandam se dedit, monuitque corpusculum tolleretur integrum tunc etiam, si membra, quibus in molli ætate ad levitatem abusa esset, exciperet. Itum & inspectum monumentum est, fidemque fecerunt præter oculos, pedes & manus, omnia reliqua à tabo immunia membra. Sed & in dextrâ pollex à putredine fuit eximius. Quid? quòd cum miraculum Canutus Rex rideret, reserato iterum loco media sepulchro se extulit, manumque injicere improbo paravit? Supplicem tamen & in gratiam recepit, & inter undas postea servavit. Magni hæc olim Anglia miracula faciebat, pluris ego Angliam, si in vitam nobis EDITHAS revocaret. *Ex Gras.*

A tuâ dignitate nimis enormiter & ignominiosè te dejicis, si transitorias & inanes pulchritudines appetis. Mundus propter te factus est; ideo mundum non ames. quia Mundus non est te dignus, cum sis eo longè dignior. S. Bern. opusc. de Char. 29.

S. LAMBERTUS E. P. M. 17. Septembris.

LAMBERTVM Trajectensi mitrâ ornatum Theodoricus Rex in exilium expulit. Ille cum in Monasterium Stabulense se recepisset, tum denique in patriâ sibi visus est vivere, exilium omnium miserrimum maximumque mundum ratus. Obsequio sancto fasces suos ita submisit, ut Abbatis imperio, sævissimâ hieme, sub cruce precando noctem transegerit, unico contra frigoris asperitatem cilicio armatus: sed hoc scilicet divini in pectore ignes propulsarunt, quos in reducis vultu splendor insolens prodidit. septimo abhinc anno cum Pipinus Rex Trajectensibus Pontificem suum, Pontifici solium suum reddidisset, hic tum gra-

gratum se fore existimans , si regiæ famæ & saluti consuleret , liberrimis verbis ob pellicem Alpaïda castigavit, hanc neque poculo neque alloquio, licet multum ambiret , dignatus. Ostendit etiam hæc, quid mulier irata & pellex posset ; & germano adnitente Dodone , LAMBERTVM cum sociis obtruncavit. Sed & cælum iratum ostendit , quid contra impios posset. Et Dodoni quidem putrescenti humum etiam negatam scribunt : eum verò, qui Divo lethale vulnus inflixit, duello & fratrem peremisse, & peremptum ab eodem fuisse ; omnes denique scelerum socios aut mortuos illicò esse, aut diu, hoc est miserè, vixisse. Illud omnino memorabile, odium, quo infandos amores persequeretur LAMBERTVS, ab animo etiam in corpus demortui transisse , & cum passim exanimi oscula ferret vulgus, arcanâ vi solas ab his pellices exclusas esse. Atque hujus odii tam sancti hæredem te hodie LAMBERTVS vult , Mariane. *Ex Surio & Grass.*

Quid suavius homini, quid jucundius, quàm mundum contemnere, & se reputare seculo celsiorem, atque in bonæ conscientie vertice consistentem mundum habere sub pedibus, & nihil in eo videre quod appetat, cui invidet, quem metuat ? S. Bern. op. de Char. c. 18.

S. SATYRUS C. 17. Septembris.

AMbrofium in SATYRO vides. Nam frater hic illius fuit , non virtute modò sed vultu quoque & habitu corporis tam germanus, ut familiarium etiam oculos falleret. Et nesciissent hi sæpius , quemnam ex duobus alloquerentur , nisi amor & vitæ morumque similitudo, adeoque animorum consensus unum jam pridem ex geminis fecis-

fecissent. Erat porro in SATYRO ea animi simplicitas, ut columbam; ea prudentia, ut serpentem; virtutum fragrantia tanta & copia, ut hortum jure dixisses. His ille præsiidiis instructus rem fratris domesticam ita administrabat, ut pietas familiam duceret. Eripi sibi oculos credebat Ambrosius, cum ex oculis SATYRVS abiret. Abibat tamen, cum negotia id exigebant. Et ecce navim conscendit SATYRVS, sed non sine armamentis. E collo Angelorum panem suspendit. Mox venti insurgunt & fluctus navim expugnant. At SATYRO naufrago non commeatus, non vela, remi, malus, non anchora deest, omnia hæc adsunt in SS. Eucharistiâ. Illo succollante, quem collo ipse ferebat, emergit; &, Anathema templo ipsum Servatorem suum gratus donat. Credidit in portu se esse; & fuit, non tunc quidem, sed paulò post, cum beatâ morte defunctus est. Verum tunc naufragum Ambrosium lacrimis vidisses. *Ex ipso D. Ambrosio.*

Reatus qui sanctæ Communioni atque orationi tanquam celestis Angelus incumbit, & mundis quotidie cogitationibus vacat, neque aditum præbet improbo demoni, ut animum suum expugnet & abducatur à Deo Servatore, S. Ephrem. in Beatitud.

S. HILDEGARDIS V. 17. Septembris.

NEscio quid de HILDEGARDE sentiendum, mundumne deseruerit, an potius nunquam fuerit in mundo; quippe IIX. annorum virguncula inter virgines sacras adlecta. Cælestia ab ipsis cunis videre habuit, nutuque hæc prodidit, quando sermone non potuit. Literas, quas nunquam didicit, scripsit tamen, easque non suâ linguâ: atque ut cantaturam scires olim, quod canere alii despe-

desperabunt, carmen, jam tunc absque doctore scitissimè modulabatur. Vatum etiam sacrorum oracula fideique nostræ volumina legebat & explicabat puella, ut ipsissimam seculi illius Sibyllam Bernardus laudaret, & in concilio Rhemensi Eugenius PP. probaret. Cæterum visæ cælestia morbus comitabatur ferè continuus, qui castigabat scilicet timidam, quoties prodere hominibus monita cælo data negligeret; fuitque, cum lecto affixam ita undique oppugnarunt dolores, ut cedere anima & velle deditioem facere jam jam videretur. Sed præfidio Angeli venerunt è Primpili Michaëlis cohorte, qui atros Genios unaque morbos omnes in fugam egerunt. Dum porrò vixit, mira egit innumera, lynceoque vultu ipsas cordis latebras inspexit, sensaque animi obtutu suo deprehendit. Funus illustravit iris gemina in cælo visæ, hanc lux coronabat lunæ circulum referens, quem itidem crux ornabat, multiplici mox incremento innumera. Id miraculum super defunctæ domum descendit. Et ascendere nos dubitamus tam familiariter invitati? *Ex Surio.*

Beatus qui puris cordis oculis Deum semper intuetur, qui que bonis ac honestis colloquiis delectatur, & à pravis ac turpibus, quæ bonos mores corrumpunt, abhorret; quoniam minimè fiet diaboli mancipium. S. Ephr. in Beatitud.

S. FERREOLUS M. 18. Septembris.

ANnum à Christi ortu tertium supra trecentesium victoriis suis nobilem fecit FERREOLVS, non tam militum quàm Martyrum antesignanus. Hostis, qui cum ei bellandum erat, atrox & versipellis Crispinus Procos: fuit, ut qui
modò

modò insidias (blanditias) admovit, modò aperto Marte (tormentis) pugnavit. Utraque vel elusit prudenter vel vicit fortiter FERREOLVS. Et poterat facilè pacem cum hoste componere, si vel semel sacrificasset. Sed maluit suum sanguinem Christo, quàm vel alienum Diis improbis litare. Et jam tota agmina carnificum vicerat, cum ferro oneratus in carceres triumphans abiit. Inde ruptis cælesti ope vinculis, per sopitas custodias & portas patentes ad Rhodanum evasit, quem cum Angelis succollantibus transuataisset, retractus à fugâ ultimam nobilissimamque pugnam edidit. Nam capite D. Juliani Commilitis objecto, iussus est aut suam mutare, aut similem expectare sententiam. Ille charum caput amplexatus multumque dissuaviatus, sanguinem sanguini, caput capiti, tumulumque tumulo sociavit. Hunc ajunt multis post annis D. Mamerti operâ adaperitum, FERREOLI, & in manibus FERREOLI, Juliani caput, utrumque integrum ostendisse. Exemplo vel Græciâ Judice supra omnes Pylades & Orestes amico. *Ex Sur. & Pet. de Natal.*

Beata esset nostra conditio, si æquè DEO & hominibus vel displicere timeremus, vel curaremus placere: si tantum præcepta Christi, quantum populi sibila vereremur; & si tanti laus quæ ex DEO est, quanti isti de vulgo plausus, emeretur. S. Paulin. ep. 31.

S. JANUARIUS CUM SOC. MM.

19. Septembris.

VIdit JANUARIUS Beneventanus Pont. flammam cælo lapsam caput Sosii Diaconi lambere. Eo prodigio excitatus accurrit, Sosiumque osculis & amplexu impeditum Martyrem salutata-

lutavit, Martyr etiam ipse futurus. Etenim ad annum Christi CCC. XLV. à Timotheo in furnum tertio jam die succensum conjectus est. Nimirum qui puerorum olim inter flammās modulos mirati sunt, magis nunc inter easdem senem Cygnum JANVARIUM obstupuissent, cui, ut omnibus numeris suis constaret musica, voces suas Angeli junxerunt. Innoxium itaque ex equuleo suspendi tyrannus imperat. Sed vel omnibus lacertis nervis fortis tamen paruit. Jam cum victorem victus ante currum Puteolos egisset, bravium scilicet speravit JANVARIUS. A cursu ad carceres reductus, familiarem suum illic Solum reperit. Mox ad bestias damnatus virtute suā omnes cicuravit, præter Procons. qui cum capitis sententiam in Divum pronuntiasset, oculis repentē orbatus, tunc demum errorem suum vidit, jamque propitium Numen sibi à JANVARIO oravit. Sed diceres omnem, quam bestię posuerant feritatem, in unum judicem coisse. Vix enim JANVARIUS lumen ingrato reddidit, cum hic gladio illi abstulit. Aspexere tamen fidei lucem, quam videns videre respuit Timotheus, quinque millia hominum. *Ex Baron.*

Vacat tibi ut Philosophus sis; non vacat tibi ut Christianus sis? verte potius sententiam; verte facundiam: sis Dei Philosophus, & Dei vates, non querendo sed imitando Deum: sapiens, ut non tam lingua quàm vita eruditus, tam differas magna quàm facias. S. Paulin. ep. 35.

S. EUSTACHIUS M. 20. Septembris.

EVSTACHIUS, olim Placidus (cujus vel nomen Romani Imperii hostes debellabat) dum fe-

ras sectatur, Christum inter cervi cornua conspicuum habet, domumque nobile venationis spoliū FIDEM portat. Ab eo tempore etiam Christiani Jobum suum habuerunt. Nam opes & familiam everfam mitto. Ab exilio exordior. In hoc conjugem impurus nauta sub oculis avehit, mox ipsos oculos (filios geminos) illum quidem leo, hunc lupo rapit. Jam ille tantorum nuper exercituum Imp. pecoris fit Dictator, classicum bubus canit, dux oves præit, baculo in lupos pugnat. Sed proditus demum à cicatrice, ad Traianum iterum, ad exercitus ab aratro abducitur. Et vide mihi sis fortunæ ludum. Merent sub illo Agapius & Theopistus, quos dentibus ferarum opiliones olim excusserant, ipsissimi filii EVSTACHII; hi dum alter alteri pueritiam suam narrant, & repente fratres se mutuò salutant, audit hæc è vicino mater (cujus pudicitia Deus consuluit, impio nautâ extincto) & utrumque ad ducem rapit, petitque, filios sibi vindicet. Hic insperato EVSTACHIUS pro se pronunciat, agnitusque & uxorem & filios sibi addicit. Victor deinde Romam ingressus, ipsos in triumphum Deos ducit. Dum enim his sacrificare renuit, ad bestias cum suis damnatur, innoxius denique tauro Phalaridis includitur. In hoc mugire ipsum alii credebant, sed ille fortunam ridebat. Ex Surio.

Judicatu ro Domino lugubre mundus immugiet, adducetur cum suis stultus Plato discipulis, Aristotelis argumenta non proderunt. Tunc tu rusticanus & pauper exultabis & ridebis, & dices, Ecce crucifixus Deus meus; ecce judex qui obvolutus pannis in præsepio vagiit. S. Hier. ep. i.

S. MATTHÆUS AP. & EV. 21. Septembris.

V Idit Judæa hodie clarum inter pauca miraculum : Camelum scilicet per angustias acus se penetrantem. MATTHÆVS fuit, è prædivite Publicano impiger CHRISTI sectator, cujus etiam vitam literis descriptam reliquit, maximam posteris hæreditatem. In Æthiopia multa illi lucta cum Magis fuit, qui geminos aliquando in Divum dracones emiserunt, sed quos ille quàm mox cicures in loca sola amandavit. Cum his monstris etiam perfidia exulavit. Nam cum insuper filium regis demortuum ad vitam revocasset, permota hujusmodi miris regni longè maxima pars CHRISTVM amplexa est. Sed cum regnum adiisset, qui Iphigeniam jam olim Deo desponsam copulare sibi sacrilegus pertentaret, MATTHÆVS, quòd palàm impium procum damnaret, dum ad aram facit, securi cæsus ipse victima sacerdos cadit. Continuò Iphigenia virginitatis Patrono templum ponit. Hic Rex non amore jam modò, sed irâ etiam ardens, ignes Virginis ædibus subjicit. Sed iterum pro pudore Angelo è cælis & D. MATTHÆO pugnantibus, flamma ad tyranni recta evolans vix locum dedit, ut cum filio se subduceret. Nimirum mors illi minimè sicca debebatur. Suus ipsius carnifex suum denique hausit sanguinem, qui alienum semper sitiverat, regnumque Iphigeniæ germano reliquit, sub quo (utpote Christiano) liberè jam colere Æthiopia MATTHÆVM cœpit, cui quidem nos illud palmarium dicimus, quòd purioribus undis primus non frustra Æthiopes laverit. *Ex Lippeloo.*

Agnosce te peccatorem, ut tecum prandeat Christus,

460 VITÆ SANCTORVM. 22. Sept.
intra cum peccatoribus convivium Domini tui, ut possis non esse peccator. Agnosce Christum, audi Dominum tuum, audi caelestem medicum: si vis curam, agnosce languorem; si cupis misericordiam, confitere peccatum. P. Chrysol. serm. 2. de S. Matth.

S. MAURITIUS CUM SOC. MM.

22. Septembris.

VOcaverat ex Thebæâ legione jam semel iterumque ad supplicium decimum quemque Maximianus, cum ita ad reliquos dux MAURITIUS: Libavimus milites hodie sanguinem nostrum, nondum litavimus. Sed bonum factum! litabimus, ubi nostrum cum sociorum cruore miscEBimus. Illos è cælo jam spectare vos, è cælo audire credite. Quid enim? erubescite. primus è nobis cælum subiit, quisquis decimus cecidit. Proinde si viri estis, uni semper novem invidetis. Me non ducem putate, nisi ad mortem moriendo vos duxero; vos modò mortem triumphalem portam credite. Nimirum uno jam ore omnes Maximianum inculcare; quid tam parcè biberet, quem tam sitiret sanguinem? Indulgeret improbæ siti, quando sibi tantumdem sanguinis in divite venâ ac sociis bulliret. Si crimen esset DIIS non sacrificare, crimen hoc omnium esse. cur pauci lucrent, quod omnes peccassent? Itaque cingit omnis exercitus fortissimam phalangem, mactatque omnem; cum ecce veteranus supervenit, clamat, frustra veteranum se dici, si præmia juvenes præripiant; frustra tot stipendia numerare, si nullam martyrii palmam. per emeritam denique senectam orat, sequi saltem triumphantes in cælum Thebæos liceret, quos præire tarda ætas prohibuisset.

buisse. Et annuit etiam huic Maximianus, in hoc uno adversus Christi cultores liberalis. Et profectò in nullis puto canis tam pulchrè vel sanguis rubuit, vel laurus viruit. *Ex Surio.*

Solenter animus ante actionis suæ primordia cuncta debet adversa meditari; ut semper hæc cogitans, semper contra hæc thorace patientia munitus, & quidquid acciderit, providus superet; & quidquid non accesserit, lucrum putet. S. Greg. 5. Mor.

S. PHOCAS M. 22. Septembris.

HORTUM PHOCAS dum vixit, coluit. Horti pulcherrimam rosam ipsum non malè horticulorem dixero, tunc præcipuè, ubi suo se sanguine rigavit. Cæterum patria illi Sinope fuit, ferax olim philosophorum urbs: quibus quidem omnibus vel opum vel mortis contemptu certavit olitor noster. Etenim quidquid hortus ferebat, prudentius PHOCAS in miseros hospitesque, quàm ille olim in mare abjecit. Jam verò pro Christo moriens haud paulò elegantius Christianæ philosophiæ sanguine, quàm nostrates philosophi atramento, subscripsit. Sed audite vos qui fortiter declamatis, molliter morimini, in lectulis & mensis sapientes. Adsunt spiculatores, qui PHOCAM ad gladium quærunt. Tecto, mensâ hic ipse excipit, & hospitalitatis tesseram securus cum hostibus communicat. Intereà quærunt hi quis PHOCAS? ubi agat? quibus consiliis capi, necari possit? Nimirum ait PHOCAS, hunc nulli æquè ac sibi notum, nec longè abesse, & verò postero die traditurum se PHOCAM sine turbis in manus ipsorum. Interim tumulum sibi parat suus pridie vespillo, postridie proditor. Cohorruere satelli-

tes, & Jovem hospitalem reveriti, manus hospitis sui sanguine lavare reformidarunt. Sed ille nullam aliam symbolam quàm cædem suam oravit. Accepit ergo hanc, & tumultu suo est conditus. Noverat jam, noverat resurgere flores terrâ obrutos. *Ex Surio.*

Stude cognoscere te; quia multò melior & laudabilior es, si te cognoscis, quàm si, te neglecto, cognoscere cursum siderum, vires herbarum, complexionem hominum, naturas animalium, & haberes omnium celestium & terrestrium sapientiam. S. Bern. l. Med. c. 5.

S. EMMERANUS M. & P. 22. Septembris.

Ortum hoc sidus in Aquitaniâ est: luxit diu Bojariæ, sed numquam clariùs, quàm cùm occidit. Res in hunc modum gesta. Uta Theodoni IV. Bojorum Ducis filia, dum stupri consuetudinem cum Sigebaldo juvene cætera nobili habet, ecce uterus intumescens scelus prodit; ipsa EMMERANO, dum patrem eum dicit, mortem parit. Landbertus enim Utæ germanus scalarum radiis illigato manuum pedumque digitos, aures item naresque & quæ natura velavit, articulatim omnia præsecat, eruit oculos, linguam denique stirpitis avellit. Sed etiam sine hac cùm loqueretur EMMERANVS, quid aliud loquebatur, quàm innocentem se mori? Quid? terra & illa quæ sanguinis imbres biberat, & illa quæ tumulum prima dederat, numquam non virenti cespite læta; ær, qui ipsos XL. dies nefas fleuit, quod homo fecerat; undæ Danubii & ipsæ cæli lacrimis exundantes; lampadum ignes, qui in eâ pompâ, quâ Ratisponam sacra lipsana advecta sunt, inter omnes ventos pluviasque pertinaciter emicabant; mira

mira denique alia innumera, an non totidem integritatis testes sunt ab omni naturâ submissi? Nec pro EMMERANO solùm, etiam contra EMMERANI hostes Numen pronuntiavit. Corrupti infantiâ carnifices. Uta Landbertusque exules, illa inter Italos, hic inter Hunnos perierunt, vindictâ in feros etiam posteros grassante, quorum omnium vel cita vel longa mors, hoc est misera vita fuit, ut ita non minùs diu, quàm sæpè moriens innocenti tyrannus parentaret. *Ex tom.1. Bavar.S. & tom.1. Annal. Boic.*

Tu, ô Christiane, quæris vindicari de adversario tuo, qui tibi forsitan injuriam fecit? attende Christum medicum agritudinis tue: propter te pependit in ligno, & nondum est vindicatus; & tu vis vindicari, & non vis tantum & talem Magistrum imitari. Aug. l.2. de S.

S. PROIECTUS EP. 23. Septembris.

Nihil jam novi, si laudes suas infantia in utero loquitur. Ita PROIECTVS noster gravidæ parenti visus est in somnis per latus nasci, & dextrâ liliū præ se ferre triumphans. Sensit certè patria (Forum Cornelii fuit) virtutis odorem, & laudavit animum etiam lilio candidiorem. Ipse literis bonis imbutus Episcopo Cornelio adfuit, & cùm in stipem pauperum non nisi duo denarii superessent, oculos vacuos tanto miraculo infarfit, ut in totius paupertinæ cohortis stipendia suppeterent. Aliàs cùm tres hospites alii hospites riderent à carniū esu sibi temperantes, nec moniti ipsi à risu temperarent; collapsum repentè cœnaculum est, risu omnibus, præter tres, quos diximus, & PROIECTVM, emortuis. Subinde mortuus etiam Cornelius viduam infulam reliquit. Et tulisset

hanc jam tunc ad PROIECTVM populus, nisi alterius ambitio præripuisset. Huic ipsi tamen optatam prædam mors intra xxv. dies eripuit, ut alter sibi delatam, cum fatalem esse capiti non merenti videret, ultrò ad PROIECTVM remitteret. Tunc demum infula locum se dignum credidit nactam esse, quando non tam ipsa lilium, quam lilium ipsam coronavit. *Ex Ferrar.*

Si pro temporali curâ agri medicis obediunt, servant arduam parcitatem; quare pro sempiternâ salute sit durum Christo moderatis obedire jejuniis, corpus gubernare mensurâ, mentem regere parcitate, sensum sobrietate frenare? S. Pet. Chrys. serm. 41.

S. THECLA V. & M. 23. Septembris.

PRinceps earum virginum THECLA memoratur, quæ candidum animi pudorem martyrii purpurâ exornarunt. Hæc à Magno Paulo fidei Iconii edocta, cum ab ejus ore dies noctesque è fenestrâ penderet, facile misso, qui ei è primâ nobilitate fuit, sponso, Christo amores suos addixit. Quam ipsam ob causam cum castitatis magister Paulus in vincula esset datus, gemmis omniq̃ue mundo muliebri distractis, aditum sibi ad eum mercata est, eas demum gemmas æstimens, quas è Pauli ore legeret. Et vide in virgine Herculem. Capta cicuravit, quibus objecta fuit, leones; domuit, quibus alligata fuit, tauros; vicit undarum, quibus immissa est, monstra; triumphavit, quos conscenderat, ignes; & flammæ, quæ nec Herculi pepercerant, virgini pepercere: ut sciant, qui castitatem eunt occisum, omnibus monstris insaniorese se esse. Cæterum tot victoriis inclita Seleuciâ venit, ubi cum ægris compluribus salu-

salutiferam manum porrigeret, medici, quibus, quòd nullam jam lucelli spem viderent, oculi scilicet dolebant, in virginem infames adolescentulos armarunt. Hos lenones cum fugeret, quæ nec leones fugerat, jam, jam comprehendendæ sinum rupes discedens præbuit, clausæque castitati & asylon & tumulus fuit. Itaque qui pudori periclitanti non consulit, hunc ego etiam rupe duriorẽ dicam. Ex D. Basil. & Metaphr.

Inter omnia certamina Christianorum sola sunt dura praelia castitatis; ubi quotidiana est pugna, & rara victoria: gravem namque sortita est castitas inimicum, cui quotidie resistitur, & semper timetur. S. Aug. l. de Hon. mul.

S. GERARDUS EP. M. 24. Septembris.

GEnuere Venetiæ GERARDVM magno suo honori, majori Ungariæ bono. Nam per hanc illi dum iter est ad sacras Solymæ terras, hospitem interceptit Rex D. Stephanus, & detentum amicæ vigenti Episcopum dedit. Nihil illi post Christi honorem prius, quàm Matris hujus cultus, quem toto regno magnâ animi sui voluptate, fructu hominum quàm maximo, disseminavit. Pietatis in MARIAM illud argumentum esto, quòd ante ejus aram numquam non binos ministros excubare voluit, qui thuris odore eam honorarent, & fumo tam pio proderent, quibus Virginem castissimè ardebat, ignes sanctissimos. Adhæc nemo unus fuit, qui ab offenso veniam non exorasset, simul interposito Patronæ MARIÆ nomine orasset: ut jam nominis hujus characteres totidem calculos candidos dixisses, quibus omnes apud illum rei absolverentur. Jam ut corpus in virtutis

palæstrâ exerceret, noctu silvas & ex silvis ligna petebat, leprosis interim in lectulo Episcopi vicem dormientibus. Hostibus, qui regi Petro regnum, quod Stephanus suâ morte illi in manus tradiderat, vi eripuerant, malam mortem, sibi optimam vaticinatus est & sanguine comparandam. Et verò anno M X L I I. à globo impiorum cinctus, lapidibus primò est appetitus: sed, quia innoxius hos scuto Crucis excipiebat, post currum eversum hastâ transfixus est, cum pro parricidis suis, Christi & Stephani exemplo, è genibus perorasset. *Ex Surio.*

Beatus qui ab omni abhorret turpitudine peccatorum, seq̃ hostiam viventem & Domino acceptam offert. Beatus qui semper in seipso Dei memoriam celit: erit enim totus velut Angelus celestis in terra cum reverentia & amore sacrificans Domino. S. Ephrem in Beatitud.

B. PUER CONSTANTINOPOLITANUS.

25. Septembris.

Quid hodie primùm miramur desipere hæreticos? jam olim barbatos horum Magistros & ferulâ dignissimos ad rudem pueritiam erudiendos cælum ablegavit. Ita Petro Fulloni, qui Eutychetis œstro afflatus unicam tantùm in Christo naturam, adeoq̃ue mortalem DEVM somniabat, doctorem puerum multò antè providit. Nam cum sub Theodosii Junioris tempora terræ motu totus orbis, sed Constantinopolis potissimùm, v. r. ipsos menses laboraret, præter nobilissima urbis ædificia tecta q̃ue & sacra & profana dejecta, animi insuper omnium ita sunt consternati, ut cum ipso Imp. suo urbs urbem desereret, camposque

que habitaret. Illud tamen civium bono factum, quod tellus sic mota mentes hominum non tam ad metum quam pietatem movit. Ipse Theodosius Imp. in togâ privatâ sordidus & pedes nudus dies noctesque Superos veniam sibi ac suis orabat. Inter hæc PVER innocentulus turbine raptus sublimis sub omnium & ex omnium oculis abiit, comesque huic una vulgi vox Kyrie eleison ivit. Hora non amplius abiit, cum eadem viâ puer redit, narratque quod à cæli Choraulis cantari audierat Trisagion. *Sanctus Deus, Sanctus fortis, Sanctus immortalis, miserere nobis*, aitque veritum esse cæli consulto quidquam his addi. Simul legatione suâ perfunctus ad musicam suam moriens abit. Interea Patriarcha voluit, ut voces auditas repereret terra, cantuque etiam ipsa cælo, quod provocaverat, responderet. Factum, & Trisagion cantatum terram firmavit trepidam; ut homines non jam certasse tantum Superis voce, sed tunc superasse videantur. *Ex Men.*

Si accipientes munera taciti & immemores fuerimus, tamquam ingrati & indigni eorum subministratione fraudabimur; ut Deum, quem beneficiis non cognovimus, malis ingruentibus requiramus, & adversis stimulemur ad rogandum, qui prosperis gratiam non egimus ad fruendum. S. Maxim. de non tim. car. host.

S. JUSTINA V. & M. 26. Septembris.

AN hodie suum parentes faciant, nescio, olim parentum officium liberi etiam fecerunt. Ita JUSTINA à teneris annis Christianas leges clam edocâ, docere easdem parentes cœpit. Et jam per matris ad pectus patris aditum sibi fecerat; cum hunc nutantem jam in partes Christianas

visus per somnum ipse CHRISTVS impulit. Itaque brevi pòst mortuus pater vitam in acceptis filiæ tulit. Cæterum fuit e Parnasso nescio quis Aglaidus, qui oblitus virgines esse, quas colebat, Musas, impuris amoribus extremum JUSTINAM deperibat. Sed Palladem scilicet castitatis ægide contra omnes preces & minas armatam reperit. Itur ergo ad CYPRIANVM nobilem tunc cum primis magum, & orco omnes amores contra JUSTINAM evocantur. Sed omnes faces incestæ, omnia tela unico crucis clypeo repelluntur, & totus Cupidinum exercitus ab unica fugatur Dianâ. Enimverò irasci hic arti suæ, sed multò magis artis magistro cacodæmoni CYPRIANVS: & quia hic victum palam se fatebatur, nuntium illi mittere, jamque libros & in libris Venerem Vulcano dare, ipse Christo & JUSTINÆ adherere. Cum hac in exilium, in carcerem, in equuleum, in bullientes à flammis sartagine, ad palum denique & secures ivit. Itaque quando hodie virgini JUSTINÆ virum magum CYPRIANVM, hoc est oviculæ lupum, junximus, an non aurea secula reduximus? *Ex Lippeloo.*

Illum amemus, quem amare debitum est: illum osculemur, quem osculari castitas est: illi copulemur, cui nupsisse virginitas est: illi subjiciamur, sub quo jacere supra mundum stare est: illi commoriamur, in que vita est. S. Paulin. ep. 4.

S. NILUS ABBAS. 26. Septembris.

O Primè omnium post conjugis mortem viduam vitam NILVS egit, quando solus jam in locis solis egit. Sed quid dico solus, quando exempli socios complures, & Cryptæ Ferratæ Abbas im-

imperium in Mignates, & adeò Imperatores & Pontifices habuit? Nam, ut alios taceam, Eupraxium Imperatoriâ præfecturâ superbum morbo curavit, & inter monachos adscriptum morte paulò pòst felici beavit. Alios viros Principes, quòd inventum monachi cucullum riderent, graviter objurgavit, edixitque id fore, quod factum mox est, ut scìò hunc sed serò ante mortē essent petaturi. Ipsum Joannem XVI. Pont. & Othonem Imp. censoriâ virgâ notavit. Et ille quidem cum videre errorem suum nollet, oculos amisit; hic pœnitentiâ ductus patrem sensit B. NILVM, & manus hujus, in quas ille coronam unaque se & sua tradiderat, benè precantes habuit. Quia vis etiam Otho promittens, si peteret modò NILVS, illud audivit, nihil nisi animum Imperatoris ex toto imperio se petere. memor esset, quos orbis nunc adciaret fasces, Dictatori olim supremo submit- tendos. Hoc Principibus, illud omnibus omnino proderit. Invisere ad NILVM viri è primâ nobilitate iidemque literati. Sed ille inanes disputantium argutias exosus, thesin legi jussit inexpectatam, Simeonis Eremiticæ inquam visum, quo vix decimum quemque mortalium cælo afferendum affirmabatur. Cohorruere ad hæc omnium animi tunc. At nostri philosophi Heracliti omnes sunt, rident, nescio an tam feliciter decimandi. Ex Baron. tom. 10.

Si quem videris superbiâ tumidum, habitu splendidum, & comitantium catervâ reliquos prementem, illi ne inideas, neque perturberis, sed fortis ac temperans esto, & eum paulò pòst extinctum aspicias: soli enim illi perpetuò florent, qui Dei obtemperant voluntati. S. Ephr. in Vit. rect. rat.

S. CALLISTRATUS M. 27. Septembris.

Spectavit CALLISTRATVS Carthaginensis miles in avo suo patientem Christum. Inde est, quòd magna pati Christianum & ipse duxerit. Christianum verò se esse commilitonibus tunc prodidit, cum inter preces assiduus pernoctavit. Debebat tam sanctas vigilas in milite laudare Dux Persentinus & militaribus donis ornare; sed ille pium vigilem equuleo, verberibus & testarum fragminibus laceravit; ita tamen, ut inter ea omnia tormenta canere etiam CALLISTRATO adlubesceret. Atque ut ne infacetè cecinisse putet, capti modulis delphini gemini, cum culeo insutus & undis merfus esset, tergo Ariona suum exceperunt, & littori plaudentes reddiderunt. Eo miraculo permoti milites alii XLIX. cum Christo nomen dedissent, vincti in mare præcipientes acti sunt. Cum enataissent rectius instruendi in novâ militiâ, denuò unâ cum CALLISTRATO piscibus præda abjecti sunt. Sed vicere iterum undas, & victoriam cælum gratulatû est, quando coronam misit, quæ caput CALLISTRATI cingeret. Quid expectas? in carceres abrepti, cæsi omnes in frustra sunt. Et hoc nimirum fuit, quòd plebejâ morte defungi noluerunt. Juvabat non integros, sed artuatim Christo perire. Nec poterant per minutas rimas exire; ampla ostia, magna vulnera ingentes & militares animæ quærebant.

Ex Metaphr.

Christus omnibus vita, omnibus via, omnibus janua est. Perge quòd curris, ut apprehendas, in quo apprehensus es; enitere per angustam viam, ut pervenias in amplam possessionem hereditatis aeternæ. S. Pauli. epist. 31.

S. EL-

S. ELZEARIUS CONF. 27. Septembris.

DUXIT ELZEARIUS Gallus Comes Dalphinam. Dos rari pretii fuit, virginitas, quam sacrosanctam uterque per omnem vitam habuit. Vidit hanc matrona à Superis laudari sub gemmæ figurâ, quâ utique nulla etiam VIRGINIS dextræ clarior est. Aliâ, omnium ordinum turmas legere Agni vestigia, & his signiferum præire ELZEARIUM. Iterum aliâ decumbentibus in thalamo medium assistere & renidentem Christum conspexit. Talia nimirum virgo animus somnia alit. Jam familiæ suæ leges ELZEARIUS has fixit: *Sacris quotidie interess. nt: vitam castam agerent: post octavum diem animum expiarent: post mensem Epulo sacro reficerent: antemeridianum tempus pietati, pomeridianum labori darent: verbum vel inipium vel obscænum atro panē & aquâ luerent: vetito ludi genere omni se abstinerent: pacem non frangerent, fractam illico resarcirent: horam denique quotidie piis colloquiis donarent.* Ipse quòd irasci numquam vellet, jam non posse credebatur; sed verius lædi non poterat, ut qui habitare in Crucifixi vulnere se dictitabat. Cæterum quòd nescio cujus noxæ periculum adisset, Christus cum per totum carminis Davidici, quod quinquagesimum numeramus, decursum, flagellis cecidit. Quid hîc illi, qui ad peccandi pericula non eunt, sed currunt? Obiit demum mortem sub annum M.CCC.XXIII. cum vitæ magistrâ, ut ipse Christus edixerat, MARIAM habuisset. Vestra vita, Sodales, qui eâdem magistrâ gloriamini, dicite, cur est dissimilis? *Ex Surio.*

Non solum à gravibus peccatis tempera, sed etiam ab illis, quæ levia apparent, quæ ferè negligi sperniq; solent, quasi

quasi nulla de similibus reddenda foret ratio, cum per ejusmodi etiam nos perdere soleat diabolus. S. Ephrem c. de Temperant.

S. THIEMO EP. MART. 28. Septembris.

Natus in illustri Bojorum familiâ THIEMO, & in sinu sociorum D. Benedicti educatus, literas omnes à primis annis imbibit. addidit deinde pingendi fingendiq̃ue & cælandi artes. Tam doctum ille artifex dæmon pænè fefellit, cum fugam è cœnobio persuasit. Sed acceptam ignominiam reversus mox novâ victoriâ obruit, & , ut hanc probari à Superis scires , insequente nocte per somnum victori sibi deferri infulam Salisburyensem & Martyrum palmam vidit. Nec multò post moriens Gebhardus Pont. heredem THIEMONEM dixit. Sed involavit in hanc Pseudoepiscopus Berchtoldus , qui pro Imp. Henrico contra Pont. Greg. stabat. Hic captivo THIEMONI spem infulæ auferre cum capite voluit. Sed aut exerravit gladius , aut durior se cervicemprehendit. THIEMO modò palmam prehenderet, facilè infulam missam facturus, elapsus è carcere Hierosolymam una cum Guefione petiit. Sed à Turcis captus , cum statuariam artem professus esset , jussus est truncum & deformatum Mahometis simulacrum splendori pristino reddere. Hic THIEMO malleum aliaq̃ue artis instrumenta petere ; mox , ubi hæc ad manus fuere , celebre & oraculis illustre idolum in mille alias partes deformare, numquam doctius arte suâ usus. Nec præmium artifice suo defuit, scuticis toxicatis cæso, omnibusq̃ue membris trunco venter discissus, baculoq̃; implexa ilia sede suâ cum corde evulsa.

Reliquit

Reliquit tamen opus immortale post se, & quale nullum Praxiteles. *Ex Bav. Sancta.*

Beatus qui sanctitatem ut lucem diligit, & tenebrosis diaboli operibus non inquinat corpus suum in conspectu sanctissimi Dei nostri. Beatus qui corpus suum Servatori custodit in sanctitate, & malis operibus non contaminat animam suam, sed gratus manet in Domino Deo suo. S. Ephrem in Beatitud.

S. VVENCESLAUS M. 28. Septembris.

DIsparis educationis dispares exitus vide. ERANT VVENCESLAUS & Boleslaus germani fratres, Bohemiæ uterque Dux: sed illum avia Ludmilla sanctissima matrona, hunc monstrum mulieris Drahomira mater eduxit. Nempe uterq; mores nutricis imbibit. Fratres negares: tam iste pietatem oderat, tam ille amaverat. Ille divina humanaque omnia susque deque habere; hic vero nudis pedibus summâ hieme templa obire, & facienti Sacerdoti minister adesse. Ostendit cælum, gratum sibi esse, hominem iis muniis assuescere, quibus cives sui Angeli delectarentur. Cùm enim in Radislaum moveret VVENCESLAUS parcus sanguinis suorum, sed prodigus sui, hosti duellum obtulit, ensiculo brevi succinctus, sed benè loricâ è cilicio & cruce armatus. Adest ille totus ferreus, hastâque ingenti & machærâ timendus; verùm pugnam sibi non cum homine esse, sed Angelo videt, qui perterritû ad genua VVENCESLAI cogit descendere. Quin Otho etiam Imperator cùm comitia haberet, inter Angelorum manus ingredi aulam VVENCESLAVM vidit, comitatu profectò ipsi etiam Imperatori invidendo. Tandem Drahomira blandis verbis ad se invitatum per

per Boleſlaum in menſâ obtruncat. Sed parricidium novercæ matris , neque ipſa quidem Styx tulit: curru quippe vectam cum omni comitatu (ſi modò aurigam excipias, qui ære campano excitus ad aram accurrerat) vivam abſorpsit, utique non levem terram habituram, cui viva tam gravis fuerat. *Ex Surio.*

Nemô ſperet in patronis, nemo in amicis aut parentibus, cum etiam frater fratrem tradat in mortem, pater filium, & filius patrem. S. Joann. Chryſoſt. hom. 24. in Matthæum.

S. CHARITON CONF. 28. Septembris.

Sic perſuaſum habeo, uti dedecus plenum ignominia civi Romano fuit, ita plenum gloria facinus Chriſtiano fuiſſe , ad tribunal cædi. Cur enim CHARITON nobilis Iconii civis obtorto collo in jus iniquiſſimum raptatus exultavit etiam gaudio , cum in crucis formam extenſus flagris cæderetur barbarum , & facibus uſtularetur miſerandum, niſi quòd uni Scævola Romano invidiam facere omnes Chriſtiani vellent , docereque nullas honeſtiores cicatrices eſſe, quàm pro Chriſto à tyranno acceptas? His plenus miles noſter in carcerem detruſus eſt. aperuit tamen hunc , quæ vitam clauſit impiam Aureliano mors impia. Ergo liber CHARITON, ut Chriſti veſtigiiſ inſiſteret, inſtituit Hieroſolymam petere; ſed interceptum ex itinere prædones in antrum ſuum abducunt, ignari à captivo ſe ſpoliandos. Etenim cum palantibus illis ſerpens hauſtum libaſſet, mortem omnes ſub adventum biberunt , & è vinculis CHARITON Angeli operâ exemptus, ſpolia omnia prædonum prædam pauperum fecit. Inde jam animis inſidias ſtruere

struere CHARITON, & ex urbe socios vitæ plurimos in silvas pellicere, jamque asceteria terna condere, verbis, exemplo tenere. Post hæc denique placuit rupem conscendere (per solas scalas aditus erat) indeque velut ex arce suis advigilare. Fons quoque cum deesset, lacrimis hunc mercatus est. Denique cum ad suos undique convocatos pro virtute verba faceret, dixit & vixit. Ex *Metaphr.*

Si mortem assidue meditaberis, non peccabis: si ab omnibus terrenis negotiis liber ac nudus fueris, latronis impetum non timebis: si hæc caduca & fugacia despexeris, victoria palmam obtinebis. S. Ephrem in Beatitud.

S. LIOBA ABBATISSA. 28. Septembris.

LIOBA est, nobilis cum primis & Deo dicata virgo, eademque virginum multarum mater. Et hanc, cum Germaniam percoleret D. Bonifacius, ex Angliâ in auxilium evocavit, ut novo Parthenoni Bischoffsheimensi Antistes præesset. Vitam vixit, quam rebellis cælo Angelus invideret homini. Inde cum labe nullâ posset, sinistris rumoribus famam vitare virginis aggressus est in hunc modum. Muliercula stipe victitabat, quam in dies singulos virginum asceterium porrigebat. Hæc cum prolem extra thori leges enixa esset, crimen mergere cum partu in rivo voluit, qui cœnobium proximus alluebat. Sed non eluerunt aquæ facinus; prodiderunt, & in suspicionem cædis ad populum totum virginum Collegium vocarunt. Hic LIOBA in auxilium Superos passis manibus tam diu vocare, dum Davidis omnia carmina percurreret. Inde cœnobii muros circumlatâ cruce lustrare. Neque refugit patrocinari cælum.

cælum. Sceleris conscia mulier à dæmone correpta ultrò se stitit, & crimen falsa innocentes omnes absolvit. Porro LIOBÆ de Deo illi fuere sermones, ut hos Imperatoriæ Caroli M. & conjugis augustissimæ aures sitirent. Miris etiam post mortem plurimis, multis etiam in vitâ claruit. Inter hæc illud memorandum, quòd tempestatem ultima minitantem urbi crucis signo fugavit, CHRISTIQUE & MARIÆ nomine omne cælum serenavit. Et verò ad geminos soles cur non nubes fugerent? *Ex Surio.*

Si propriam gloriam quaris, florenti invides, absenti detrahis, reponis ladenti te. Hoc Christus non fecit. Confiteris te nosse Deum, factis autem negas; non rectè, non planè, sed impiè; linguam Christo, animam dedisti diabolo. S. Bern. Serm. 24. sup. Cant.

S. MICHAEL ARCHANG. 29. Septemb.

MICHAEM vides Angelorum bonorum omnium Principem, malorum omnium dominum: Numinis ad mortales principem legatum, horum ad cælos ductorem fidissimum, operumq; æquissimum libripendem. Tam benè itaque de se merito Christiana Respub. jam olim trophæa, aras & templa statuit. Nam ut montem Garganum, cujus alibi mentionem fecimus, hic taceam, D. Joannis Apostoli ætate MICHAELIS nomen, quòd salutiferas in hominum usum aquas eduxisset, apud complures populos celeberrimum fuit. D. etiam Autbertus sub annū Christianū DCC. IX. ita jubenti MICHAELI ædem in rupe, quam mare undique alluit, exædificavit. Imp. deinde Constantinus, cum ejus auspiciis hostes suos omnes devicisset, gratitudinis monumentum splendidi-

didissimum templum posuit, cujus exempli sui heredes viros deinceps principes permultos, sed nostrā potissimum tempestate habuit. Vidit certē Bavaria in eam magnificentiam sacra D. MICHAELI tecta exsurgere, ut aut has aedes terra dignas aut nullas habeat, quas cæli Princeps post cælum incolat. Quamvis, si verum loqui velimus, non tam Angeli nobiscum, quàm nos secum habitare percupiant.

Quantā solitudine nobis opus est, ut dignos nos exhibeamus Angelorum frequentiam, & eo modo conversemur in conspectu eorum, ne fortē sanctos offendamus obtutus? Va enim nobis, si provocati peccatis nostris indignos nos judicaverint suā visitatione. S. Bern. S. I. de S. Michaeli.

S. HIERONYMUS D. ECCL.

30. Septembris.

FUIT HIERONYMVS natione Dalmata. Mundum pænè omnem cum lustrasset, neque usquam hic arrideret, pedem extra mundum tandem posuit, hoc est, ad Anachoretas transtulit. Hic dum identidem profanos adhuc scriptores lectitat, evocatus ad divinum tribunal, quis sit? rogatur. Respondet Christianum se esse: at negat iudex, Ciceronianum esse dictitans, non Christianum; simul mendacii convictum cædi tamdiu imperat, dum vitæ emendationem HIERONYMVS, cælites vadimonium spondent. Et certē amplius quid fuisse quàm somnium sparsæ passim per omne corpus plagæ loquebantur. Quid jam mirum, si exinde, quidquid demum ageret HIERONYMVS, auribus tuba illa fatalis obmurmurabat, oculisque viadex ille iudex oberrabat? Porro in more possum

tum habuit, cum orcus incurfaret, ad Jefu pedes confugere, hos longis jejuniis multisque lacrimis mollire, infesta interim cogitationum agmina affiduis faxorum ictibus è pectore propullare; tam dulci victoriæ fructu, ut quandoque sublatum in cælum fe putaret, qui merfum modò imis fe inferis redebat. Interim etiam dum vixit, Doctorem fuum in HIERONYMO orbis Chriftianus coluit, hoftem verò hærefis extimuit. Ipfe vitam denique ibi claufit, ubi ordiri Deus infans voluit, magnus heros, ut cui in tumulum Chrifti cunæ celferunt. *Ex vitâ & ejusd. ep.*

Ecce de calo tuba canit; ecce cum nubibus debellaturus orbem Imperator armatus egreditur; ecce bis acutus gladius ex Regis ore procedens obvia quæque metit; & tu mihi de cubiculo ad aciem, tu de umbrâ progredieris ad folem? S. Hier. Ep. i.

S. GREGORIUS ARMENIUS EP.

30. Septembris.

GREGORIO huic noftro patria cognomen Armeno fecit. A Tiridate rege suppliciis, quantis vix ullus alius Martyr, exercitus duravit tamen, inter mille mortes numquam mortuus. Darem catalogum cruciatuum, fed non capit hos fcheda hæc: totum illi librum vitæ implent. Tibi hoc fufficiat, Lector: non ferenda tulit, non dicenda nobis fecit. Itaque victor in omnibus pugnis, demum in cifternâ altitudine fuâ & fœtore horridâ ipfos annos x. & iv. triumphavit, cum annonam diurnam panem unum matrona vidua fubministraret. Inter hæc Agni auspiciis in Armeniam advenit totum virginum agmen. Ducebat Gainna antiftita: formâ verò inter omnes eminebat

nebat Ripsimis, cujus cum castitatem oppugnatum iret Diocletianus, fugit scilicet illa, vincere docta Parthorum more. Sed Tiridates rex non minus Diocletiano in virgine dictâ periit. Offendit tamen in Amazones: vitam eripere potuit omnibus, Christum sponsum ne uni quidem. quamvis nec illud impunè. Audi enim quisquis cum Ulyssæ Circæam non fugis Venerem. Tiridates, Deo sic volente, cum animum humanum jam nuper exuisset, nunc corpore etiam in porcum abiit, mundoque non fictum Elpenora spectandū dedit. Sed neque setas prius posuit, quam ex cisternâ extractus Gregorius cruce templaq; Christo, & quod caput est, populum sacrasset. Tum enim & rex sordes posuit, & sacro lavacro lotus cum hominis schemate mores etiam humanos recepit. Mirabantur tunc hominem in porcum migrasse. magis ego miro familiare hoc nobis miraculum & quotidianum admirationi non esse. *Ex Surio.*

Non potest in iis, qui fluido astu voluptatum huc atque illuc feruntur incerti, ullius spiritus esse vitale commercium. Homo igitur ipse sibi auctor est ærumna: nam nisi quis porci more vixisset, numquam in eum accepisset diabolus potestatem. S. Ambros. l. 6. in S. Luc. cap. 8.

O C T O B E R.

S. NICETIUS EPISC. I. Octobris.

NICETIVM prius cælum ad Sacerdotium, quàm Pont. destinavit, quando natus jam tunc Sacerdotale capitis decus coronam gestare visus est. Hanc amplius deinde infula Trevirensis exornavit, quam ubi illi Theodoricus rex decrevit; nescio quid grave cervici suæ tertium incumbere sensit. credo ut cum illo scirent omnes Pontifices, infulam non tam ornamentū capitis quàm onus esse. Sed onus hoc pares humeros in NICETIO invenit, & contra reges etiam fortes. Et evenit, ut cum aulæ asseclas à sacris prohibitos templo Theodobertus rex nollet excedere; homo à dæmone infessus uti virtutum NICETII, ita scelerum regis longum catalogum palàm recitaret, ut jam rex non illos modò, sed omnes omnino exesse templo percuperet. Cesserunt igitur illi ex æde sacrâ, mox dæmon ex homine etiam. Sed & in ipsos reges non semel fulmen sacrum vibravit, neque exilio, neque adeò morte intentatâ absteritus. At urbis servatorem & civium esse tunc patuit, quando grassante gravi lue mali genii illas voces auditi sunt loqui: Faceßite hinc socii, quando pro urbis alterâ portâ D. Eucharis, pro alterâ D. Maximinus, pro totâ urbe medius NICETIVS excubat. Quid? quòd Christus è turri conspicuus spectacula fecit NICETIO, & in scenam omnes ordine Gallorum reges produxit. Quid spectatorem tunc fecisse NICETIVM credis? ego, uti in Tragicomædiâ fieri assolet, nunc risum, nunc lacrimas

lacrimas credo dedisse. Ex Surio.

Nemo quasi concretis sibi vitiis obsequatur, & quod est criminis, esse putet natura; sed sumat cum Christo arma jejunii, criminum propellat impetus, prosternat castra vitiorum, ut de ipso auctore mali, sumat, Christo dimicante, victoriam. Diabolo victo, vitia nihil valent. S. Pet. Chrys. Serm. II.

S. BAVO CONF. 1. Octobris.

Aliam aulam Bavo cum conjuge, aliam hanc demortuam habitavit. Illa talis erat, qualem vetus nobilitas & à principe Francorum sanguine origo commendabat; hæc qualem cælum laudat, quercus primò cava, mox cella hoc augustior quò angustior. Sed si illam priorem plures homines, hanc ultimam plures Angeli frequentarunt. Auri-ga verò, qui ad hujus ædificium lapides convehbat, quas diras BAVONI imprecatus est, ipse sensit, cum à dæmone ex equo, à rotis equorumq; calcibus vitam ejectus est. Sed Bavo ut sanctè se vindicaret, vitam reddidit. Interea evenit ut in servulum offenderet, quem olim in alienam servitutem vendiderat. Veniam igitur oraturus supplex dominus mancipii pedes prehendit. Nec prius expiatam hanc noxam credidit, quàm domini tergum serviles manus virgis immaniter lacerassent. Addidit alterum ipse supplicium compedes, quibus lubens volens libertatem sibi ademit. Ita ligatus vicit tamen quoties cum dæmone fuit (& sæpè fuit) pugnandum. Victorem coronavit crux cælo delapsa, & caput multo splendore ambiens, quam ille ita salutavit: *Agnosco gloriosa militiæ meæ signa.* Morienti Angeli, imò Christus præstò fuit. Certè suprema verba BAVONIS illa

X

feruntur:

feruntur : Christo adventanti quid ni obviam exis anima ? Ex Surio.

Si in nobis venenum avaritia se diffundit, Christum crucifixum consideremus, & sanat; si scorpio nos libidinis compungit, ipsum rogemus, & curat; si terrenarum cogitationum nos morsus lacerant, eundem precemur, & vivimus: hi enim sunt spirituales serpentes, propter quos conculcandos Dominus crucifixus est. S. Max. de Pass. Serm. i.

B. FRANCISCUS BORGIA CONF.

I. Octobris.

NON prius FRANCISCUS patrem aut matrem quam JESUM & MARIAM balbutiens salutavit. Puer vel facientem vel dicentem Sacerdotem æmulatus est. Juvenis gynæceum non nisi cilicio armatus adiit, reputans se toties hosti loqui, quoties feminæ. Jam Gandiæ Dux & Gothalanæ Prorex, per vetustum familiæ morem annum patronum sortiendi in menstruum vertit, eumque in Societatem postea, & Marianos cœtus invexit; ipse tunc patroni die pauperes mensæ suæ minister adhibuit. At verò cum illud formæ miraculum (Isabellam Augustam) in sandapilâ attentius considerasset, honorum titulos ut certissima mortis spolia ultrò abiecit, & in Societatem JESU (cui universæ deinde præfuit) se abdedit, dicere abhinc solitus, tum vivere se cœpisse, cum desisset Isabella. Corpus tam durè habuit, ut duplicari jam & indumenta & cutis possent. Ad Purpuram non semel oblata tam erubuit, ut alii ad hujus repulsam solent. MARIÆ, quam D. Lucas depinxit, effigiem primus æri incisam spargi per omnem orbem curavit. Hanc cum aspiciebat. *Mihi*, agebat,
Virgo

Virgo hoc onus gestat, mihi lac MATRIS, mihi FILII bullit sanguis. In vitam suam inquisivit horis singulis, reum ad Sacerdotis pedes bis quotidie se egit, quin neque voce neque literis alium se quàm *Franciscum peccatorem* prætulit. Sed talem peccatorem anno M.DC.XXIV. Urbanus VIII. Pont. Beatum dixit. *Ex vitâ.*

Quis jam calcari recusabit, cùm videat in torcularē Christum premi? sanè nisi fumum vani honoris atque existimationis propria proculcaverimus, faciliè ab hostibus nostris conculcabimur, & Christi discipuli esse desinemus. B. Franc. Borg. in Epist.

S. LEODEGARIUS EP. M. 2. Octobris.

Nemo pulchrius in hostem suum, quàm Pont. Augustodunensis LEODEGARIUS movit, ut qui huic cum sacris è templo signis obvius ivit, victoriam ratus sub his vinci. Captus itaque, tunc demum Christianâ se libertate potitum credidit. Carcerum tenebris abditus, igne è cælo misso resplenduit. Oculis orbatus, primùm Martyrem se esse vidit. Nudipes per testas & aspera saxorum fragmina jussus ambulare, currere etiam ad tam optatam metam gestiit. Labiis & linguâ multatus, sine labiis tamen & linguâ facundus ad concionem dixit. Cesus denique securi, in novos animos surrexit, horamque totam victor post mortem stetit, nec nisi à spiculatore impulsus cecidit. At non tam felici morte cædis auctores defuncti sunt. Nam & carnifex, de quo dixeramus, à malo genio correptus in vindicæ flammæ se ipsum immisit, mox in majores alias mittendus; & qui cædem imperaverat, Ebroinus Regiæ aulæ præfectus, gladio, quem in innocentem strinxerat,

ipse nocens occubuit; & demum, qui tumultum Martyris impiè calcavit, Divumque sine miraculis injuriosè compellavit, in ipso vestigio, moriendo mendacem se fassus est, & jam miracula patrare LEODEGARIUM si non aliis, certè sibi credit. *Ex Surio.*

Ad sunt defensores nostri sancti Martyres; rogari volunt, & querunt ut querantur. Hos adjuutores nostris orationibus queramus; hos protectores nostri reatus inveniamus; quia ne punire peccatores debeat, rogari vult & ipse qui judicat. S. Greg. hom. 32.

S. JOANNES CHUZUBITA CONF.

3. Octobris.

NON aliud altius in hostem infernum vulnus descendit, quàm quod à demissi animi dextrâ venit. Miserat ad JOANNEM CHVZYBITAM Anachoretam alter Anachoretas Ananias nescio quem à malo genio infessum. Hunc vix ita noster compellavit: (Eia cedere, impure, te hospitio non tuo, non ego sed Ananias jubet) cum verba hæc plena animi demissioris jam dudum exosus fugit ocyus hostis superbus. Et pepererat fama miraculi hujus JOANNI Pontificatum Casariensem. Ille tamen mox iterum urbem cum silvis suis mutavit, ingens onus infulam se abjecisse existimans. Secutus Divum rusticellus filium itidem ab orco agitatum in sportâ è recto suspendit, & ecce arrogans iterum pulsus est inquilinus. Ergo igitur, ut ultum hic iret dolorem suum, JOANNEM præcipitem è monte egit. Sed qui caderet humi semper repens animus? risit scilicet veteratorem altius longè olim cadentem. Porro sub ultimos vitæ annos, cum JOANNEM cupido cepisset, Martiani viri

vir integerrimi visendi, nec tamen ob catenam, quâ se ipse ad carcerem suum beatum damnaverat, egredi antro posset; eodem tempore Martianus ipse inter famulas Cælitum manus delatus adfuit; quo abeunte, cum animo suspicio præstigiarum suboriretur, altero miraculo ruptæ compedes facultatem dedere specu pròdeundi, iterumque Martiano loquendi. Ad extremum carnis etiam vincula exiit anno supra quingentesimum vigesimo secundo. *Ex Mensis.*

Antiquus hosiis terrarum locis à tentatione non excluditur: quia si in Paradiso hominem stravit, quis locus extra Paradisum esse potest, in quo mentes hominum penetrare non valeat? In sola ergo Creatoris nostri protectione fidendum est. S. Greg. l. 8. Regist. c. 45.

S. FRANCISCUS CONF. 4. Octobris.

Hic vir, hic, FRANCISCUS est, sanctioris spes altera Romæ, & qui unâ cum altero Atlante Dominico lapsurum orbem firmavit. Mercator adhuc fœnus facere etiam apud pauperes scivis, neque umquam pluris vendidit sua, quàm cum gratis dedit. Evocatus in somno ad arma cruce insignita, cum novam militiæ tesseram non agnosceret, ab ipso Crucifixo est edoctus. Ducem itaque nudum Christum secutus, primam pugnam (utî ferè amat fieri in hoc sacro bello) cum patre habuit. Et vicit avaritiem paternam, cum non tantum omnibus bonis, sed etiam vestibus se coram Antistite exiit, illis verbis hostem prosterbens: *Patrem hætenus te dixeram: nunc denique nihil intercedit, quin veriùs dicam, Pater noster qui es in celis.* Quis credat? Sic nudus tum denique armatum se probè credidit, & scriptis sociis orbem expugnavit,

pugnavit: expugnatum, si agnoscimus, paupertate suâ ditavit. Porro animi candorem in viro, scis Lector, nives probarunt, in quas se abjecit; & miratæ puritatem sunt undæ, quibus calorem improbum merfit. De animi ejus submissione quid dicam, & quo DEVM ardebat amore? Seraphinis à cælo sociatus, & in sede Angeli, quem superbia inde exturbârat, locandus, ultimum se mortalium, sed inter sceleratos principem dixit. Mariæ additum fuisse ille non dubitabit, qui noverit, quæ gaudia in ejus æde (de Portiunculâ dixerunt) abstulit. Sed frustra sum. Herculem ego in hac digitali tabellâ non pingo. Vin' compendium lector viri? Totum Christum in Francisco videbis, si vulnera ejus inspicias. Ex D. Bonav.

O quàm gloriosum & magnum, habere in calis Patrem! ô quàm sanctum, Paraclitum pulchrum & amabilem habere sponsum! ô quàm sanctum & quantum delectabile, beneplacitum, humile, pacificum, dulce & amabile, habere talem Fratrem, qui posuit animâ suam pro ovibus suis? Ex Epist. S. Francisci.

S. THERESA V. 5. Octobris.

Quid, heu! quid cum prætextatis verbis tibi prætextata malè turba? disce, eia infantia rectè vel ab infante THERESA fari. *In æternum! in æternum! in æternum!* ah quoties balbutiens clamatavit! Nos scilicet puerilem senectam, non senem æternitatem in animo & linguâ gerimus, disertissimi infantes. At THERESA parvula cum parvulo fratre domo paternâ aufugit, ad Mauros abitura, & brevi morte longam eternitatem auspicatura. Vivere tamen Deus illam, & ut viveret, quæ ferè mors est liberorum, mori matrè voluit.

Illa

Illa Matrem vicariam cælo MARIAM advocavit, numquàm abhinc orba futura. MARIA porrò filix suæ sponsum Filium conciliavit, quando ex sanctioribus amoribus Seraphinus ales cor THERESÆ terebravit. Ipse amor hominum Christus, quò certius illam sauciaret, sua vulnera dilectæ impressit, occulta tamen, ut ferè solet amor. Adfuit deinde sæpè sponsæ, nunc cruce pro more chlamydatum, nunc spineâ, quæ illum maximè decet, corollâ ornatus, nunc qualis mortem triumphavit, conspicuus. Arrhæ ab eodem datæ gemmæ quaternæ & pendulæ è Rosario Cruci additæ, Dos verò omne cælum: cujus opes cùm quandoque THERESÆ CHRISTVS ostentasset, *Viden*, agebat, (tute tibi lector dictum puta) *quantis se bonis peccatores spolient*? Sed & veste nuptiali cùm Ordinem, quem Carmelitarum dicimus, restauraret, Virgo MATER & VIRGINIS SPONSUS JOSEPHVS cælo allatâ exornarunt, ut nihil jam ad nuptias deesset, nisi quæ facem præferret, anno MD.LXXXII. mors beata. *Ex vitâ.*

Prudenter sagittari, & impugnari salubriter postulat sanctus, cùm dicit in oratione, Confige timore tuo carnes meas. Optima timor iste sagitta, qui conficit & interficit carnis desideria, ut spiritus salvus sit. S. Bernard. serm. 29. in Cant.

S. MEINULPHVS C. 5. Octobris.

VIX MEINVLPHVS illa Christi verba audierat: *Vulpes foveas habent, & volucres cali nidos, Filius autem hominis non habet ubi caput reclinet*, cùm apud se constituit non solùm Christo locum in animo suo facere (ubi enim ille libentiùs nidularetur?) sed & templum ponere. Circumspicienti aream, de-

lapſa cælo in ſilvas lux & cervas inter crucem cornu præferens cervus ſignavit. Eo igitur in loco Deo & virginibus ſacris domicilium, ſibi tumulum ſtruxit : cui cum mortuus inferendus eſſet, ecce magnâ VIRGINE volente, tam diu vitæ reſtitutus eſt, dum res templi & cœnobii compone-
ret. Multò poſt apertus ſuâ ſponte tumulus cym-
balum oſtendit, quo divus in ſacris Miniſter uti ſolitus erat. Hoc deinceps, quoties virgo ex aſce-
terio moritura erat, ſonitu ſuo mortis inſidias de-
texit. Ipſe Divus bis viſus in ſomnis, bis è vitio-
rum veterno excitare clientem, qui à cubiculis illi fuerat, laboravit. Sed ille in utramque aurem dormivit. Ergo tertium adeſt, & multis objur-
gans, quòd mortis æternæ reus dormiret tam altum, viſionis non vanæ argumenta vaticinatur. Hic demum experrectus alter, & barbam ſibi evulſam ſentiens, credere monenti, reſipiſcere, ad templum MEINVLPHI properare : & cum illic rudis antè, & nec primis literis tinctus, ſubitò Latine linguæ peritiam accepiffet, aræ miniſtris vel ideò ſe facilius ſociare, quòd attonſus jam à ſomno eſſet. *Ex Surio.*

Cur non conſideras, quia mundus in fine eſt ? omnia urgentur; quotidie ad reddendas rationes æterno & tremendo Iudici ducimur; quid ergo aliud niſi de adventu illius cogitare debemus? qui ſive nolentes, ſive volentes, per momenta, quotidie ad finem tendimus. S. Gregor. in Regiſt. l. 6.

S. BRUNO CONF. 6. Octobris.

Quo tempore D. BRUNO Lutetiæ Pariſiorum ingenium bonis artibus excoluit, vir è vitâ exceſſit princeps inter literatos, quique virtutis
exiſtima-

existimationem longè maximam post se reliquit. Sed eheu! quantum aberratis mali iudices hominum oculi! Dum iusta persolvuntur, ad illam carentis vocem: *Responde mihi*, ecce tibi è capulo se defunctus tollit, & cum gemitu, *Iusto*, inquit, *Dei iudicio accusatus sum*; mox postridie, *Iusto*, exclamat, *Dei iudicio iudicatus sum*; demùm tertio die tertium è feretro fulmen auditur, *Iusto Dei iudicio condemnatus sum*. Enimverò plus quàm tragica hæc catastrophe omnes movit; at BRVNONEM eò permovit, ut non modò umbram hanc hominis, sed ipsos etiam homines fugeret. Atque hinc illa sanctissimi viri & omnium, qui ducem hunc sequuntur, frequens in silvas fuga, hinc illud in omnibus lugubre silentium, ille pallidus in vultu color, ut interfuisse tristi spectaculo in BRVNONE omnes posteros credas. Sed benè morum candidissimorum cygni homines fugiunt cum Superis acturi: benè nunc tacent, cantaturi tunc, cùm flebunt alii morituri. Jam ipsa *Dei Mater* æternam illis tutelam adpromisit, si illi, quod diurnum VIRGINIS officium dicimus, quotidie persolvant. Pulchra profectò conditio, & quam meritò ambient tam pulchrè candidati. Quid illud, quòd Numen fugam è mundo BRVNONIS sociorumq; sex, totidem S. Hugoni stellis significavit? Nempe, numerum stellarum augent, quotquot ad BRVNONIS partes accedunt. *Ex Surio.*

In omnibus rebus respice finem, & qualiter ante districtum stabis Iudicem, cui nihil est occultum, qui muneribus non placatur, nec excusationes recipit, sed quod iustum est iudicabit. Thom. de Kemp. lib. i. de Imitat. Christi.

Oportet inter fluctus sæculi confugere ad Mariam, & respectu exempli ejus cursum vitæ dirigere : quod qui fecerit, non jactabitur vana gloria vento, nec frangetur scopulis adversorum, nec absorbebitur voragine voluptatum, sed prosperè ad æterna quietis portum veniet. S. Epiph. in Panar.

S. GEROLDUS M. 7. Octobris.

GEROLDVS à puero pietatem ducem secutus facile ad ipsa adyta virtutis penetravit, multas tamen identidem pro castitate pugnas pugnavit, vincendus, nisi aliis armis, quàm nunc amat adolescentia, usus fuisset. Nimirum hodie nativâ in galeâ suâ tam molliter cristata frons ictus Cupidinis eludet? in thorace tam vulnerato non minùs lacer animus tela improba repellet? tot vincula etsi serica, vincula tamen, fugam in hâc luctâ tam laudatam promovebunt scilicet? Aliter GEROLDVS noster pugnavit. Ille fame hostem obsidere, ille animum precibus, pectus cilicio, manum flagello obarmare, toties victor, quoties cæsus, & aversis vulneribus nobilior, quàm adversis Romanus : quæ ille tunc potissimùm non horruit, cum inter pias commentationes cæsum Ducem ob oculos Christum posuit. Has victorias cum per Hispanias & Italias circumtulisset, jamque Palæstinam etiam meditaretur, militem suum Superi ad triumphum evocarunt. Etenim cum pagum Cremonæ vicinum transiret, latrones duo, quò in insidias pertraherent GEROLDVM, litem ex composito adsimularunt. Hic nempe, quò digladiantes dirimeret, illicò accurrit. At illi jam dudum in mortem innocentis amici caduceatorè suum multis plagis confecerunt, interque

vocavit, vovitque ne moreretur, in Religioso cœ-
ru se victurū. Convaluit : sed soteria solvere obli-
tus vindicem morbum secundum sensit, nec prius
manum iterum OSITHÆ medicam, quàm objur-
gatus ab hac fidem liberaturum se spondit. Ita-
que bis voti damnatus templo & cœnobio ana-
thema, se, dedit. *Ex Surio.*

*Vide ne promissum tuum irritum facias, neque fidei
tue vota disrumpas. Habebis profecto accusatores præ-
varicationis tue; habebis veridicos testes testificantes
adversum te; habebis judicem, qui nullius personam
accipit in sue executione sententia. S. Laur. Just. de
Cont. mundi c. 19.*

S. PELAGIA POENITENS.

8. Octobris.

Vixit PELAGIA Antiochiæ sub Theodosii
Minoris tempora, ob formæ venustatem
corporisque cultum non jam Veneris serva, sed
ipsa Venus habita, pudor urbis, & castitatis ipsis-
sima perniciēs. Quis credat? quæ oculis captivam
post se urbem trahebat, in hanc obtutum defixisse
D. Nonno Antistiti etiam profuit. Quid enim?
(exclamabat post visum hoc elegantiae idolum il-
le) quo demum studio, quo sive temporis dispen-
dio, sive impendio sumptuum, hæc faciem comit
pingitque? & hoc cur? quò nempe oculis aman-
tium arideat, cælo lacrimante. Animæ interim
meæ, quam, auiam dicere, Deys deperit, quis
splendor? nempe, ad hanc infamiam collata,
Æthiopissa es anima. Itē & sordes meas, cheu! la-
crimæ lavate. Hæc Nonnus. At PELAGIA, spe-
ctante & morante urbe, ad pedes ejus descendit,
& vitæ licentiam sancto fletu gemituque teste
X 7 ejurat.

ejurat. Mox jejuniis & vigiliis corpus defluere, vultum non jam gratiæ, sed pallor, squalor, maciesque insidere, nihil jam in totâ fronte rubere, præter præteritorum memoriam. Nempe obstrepere hic Veneris puer, desertum se fide non bonâ queri, formam se, opes, amores dedisse: ipsam probra, contemptum, odiumq; ingratham rependere. Sed virum scilicet invenit. Nam sparsis omnino in egenos auro, laqueos amantium, capillos rescidit, feminam cum veste exuit, Pelagium se dixit, vitæque reliquum Hierosolymis inter summas vitæ asperitates egit, in illo monte, qui ab olivetis nomen habet, ab ipso Christo dudum edocta, ad cælum illinc ascendit. *Ex Surio.*

Quidquid animo ex præfenti seculo arridet, ex consideratione æterni ignis amarescat; quidquid in mente pueriliter hilarescit, disciplinæ censura coërceat, ut, dum sponte temporalia fugimus, æterna gaudia sine labore capiamus. S. Greg.

S. DIONYSIUS AREOPAGITA.

9. Octobris.

IS est DIONYSIUS, cui nomen Areopagus fecit, vir inter Athenienses eximiè doctus, & siderum contemplationi addictus. Quare eo tempore, quo omnis natura morientem Christum lugebat, exclamasse fertur, *aut Deum laborare, aut mundum ruinam meditari.* A Paulo deinde CHRISTO additus, præesse novitio Christianorum gregi Athenis jussus est. Ajunt cum Apostolis abeunti in cælos VIRGINI adfuisse. Certè eam vidisse, aspectuq; tam augusto attonitus, ingenuè scribitur affirmasse, pro Deo hanc habiturum se fuisse, *ni fides DEI matrem esse suggessisset.* Paulo etiam com-

10. Octob. VITÆ SANCTORVM. 495
commori cupidus Romam advolavit. Sed præ-
vertit Neronis crudelitas, qui spem tantam in
Paulo prius decollavit. Galliam ergo cum jussu
Clementis Pont. adiisset, annos numerans X. supra
centum, vincula primò tulit, tum verbera; utraque
Christianâ fortitudine. Exinde ferreo, cui flam-
mæ subjectæ erant, lectulo incubuit; sed suaviora
numquam somnia de cælo, quàm tunc vidit. Ita
semitustulatus feris objectus est, sed has etiam vir-
tus demulsit. Iterum in flammis missus, aurum
exivit. Post in crucem actus, cruce scilicet gravius
habuit deponi è cruce. Ad extremum cum sacrifi-
cantem in carcere CHRISTVS spectabilis animas-
set, non minùs mortis D. Pauli, quàm vitæ æmu-
lus, gladio occubuit. Illud memoratu dignum,
quòd abscissum caput inter Angelorum accinen-
tium comitatus, suis ipse manibus passus bis mil-
le ad destinatum tumulum portaverit, novo mi-
raculo & funus idem & funeris ductor. Ex Hildu-
no & opere Marian. Canis.

*Crucifixum intueamur, ut à peccato sanemur : quo-
modo qui intuebantur serpentem aneum in deserto, non
peribant morsibus serpentum : sic qui intuentur fide
Christi mortem, sanantur à morsibus peccatorum.
S. August. in Joan.*

S. THEOPHILUS CONF. 10. Octobris.

Huc oculos & filii & parentes ! Speculum
commune utrisque hodie THEOPHILVS
esto. Trimulum & sacris undis ablutum parentes
pii ad Stephanum Eremi incolam abduxerunt,
precibus Deo jam-tum initiandum. Nimirum ad-
huc pueritiam immaturam cælo credemus ? Ter-
tio decimo ætatis anno necdum exacto, sub Ste-
phani

phani vultu feliciter THEOPHILVM Angelus bonus fallens ad mundi contemptum illis verbis pellexit : *Tolle crucem tuam, & sequere me.* Et hodie ad eundem invitare hominem homini non licebit? non licebit Angelum æmulari? Jam non ignavus THEOPHILVS, etiam inconsultis parentibus, ad Stephanum, inde ad monachos abiit. Atqui nostro ævo (ô tempora!) facinus est culeo dignum, parentes tam piè fallere, & facere quod laudatæ toties olim antiquitas, quod ipse puer CHRISIVS fecit. Huc itaque, eia! iterum oculos, hoc in speculo (THEOPHILO nostro) maculas vestras & filii & parentes corrigite. Correxere certè THEOPHILI parentes, & rectius sapere edocti, quò mundum fugienti alas adderent, ipsi cœnobium filio struxerunt; factumque hoc cælum probavit, cum suâ voce filium illuc evocavit. Inde vi extractus, multaque sub sacrarum imaginum hoste Leone passus, sed ad extremum dimissus, nil magis doluit, quàm ereptam sibi, quam manu jam jam prehenderat, martyrii palmam: quamquam neque hæc illi negasse Superos existimo. Magnū enim longumque oppidò martyrium est, mundo mori. *Ex Menais.*

Reduc ad animum prosperitates temporum, multitudinem hominum, dignitatum pompas, divitiarum abundantiam. Attende hæc omnia, ubi vel quid facta sunt: & ex hoc pensa, quòd nulla sint, & quia qui ista diligit, somnium vigilans videt. S. Greg. l. 7. Regist.

S. JOANNES CONF. 10. Octobris.

JOANNIS inter literas etiamnum in Academiâ Oxoniensi agentis animum non insepexisses, templum musarum, sed multò magis virtutum domicilium:

ses: ita utrasque pulcherrimo connubio in pectore suo sociavit. Ne verò cum scientiis suis in carne & sanguine volutaretur, anno ætatis vigesimo D. Augustini institutum amplexatus est in Bridlingtonensi cœnobio, in quo cum omnibus se postponeret, omnibus denique præpositus est, factumque hoc tam lubentibus aliis, quam uno ipso invito. Tam modestè tamen imperium usurpavit, uti aperta unius è suis convitia non nisi silentio refelleret, monitusque ut læsam auctoritatem vindicaret, præstare diceret, iratis flammis demere quàm addere oleum. Triclinium illi cum aliis idem, eadem mensa; in mensâ tamen major abstinencia fuit. Amoris divini æstu tam ardebat, ut, cum sacrificaret, vestes, quibus hieme alii se contra frigus armabant, ille tunc poneret, & flammæ pectoris loqueretur frequens multusque vapor è capite palam assurgens. Ipse corpore præsens ad aram, animo interea cælum obambulabat, incendio ita paulatim crescente, ut oculi lacrimis non jam fluere, sed toti liquefcere viderentur. Denique ne dubites JOANNEM in cælum evolasse, noveris ante mortem hunc virgini è Vestalibus uni formâ aquilæ visum esse, quæ nubes transcendens illa è schedâ, quam rostro ferebat, verba loquebatur: *Amor meus* JESVS. Evolare ad cælos etiam tu cupis? ab hoc amore alas mutuare, non illo qui humi repit. *Ex Surio.*

Quid tibi cum carne & sanguine, qui divinam in te gestus imaginem? quid tibi cum mundo & vitiis, qui ad hoc conditus esse probaris, ut cælum conscendas, atque cum angelicis spiritibus beatâ Dei visione fruaris? S. Laur. Justin. de Cont. mundi, c. 21.

S. BRUNO EP. C. II. Octobris.

Fuit hic Bruno Henrici Aucupis German. Regis fil. Othonis I. Imp. frater. Scientias divinas juxta & humanas calluit, sed eloquentiam inprimis, quam pro miseris potissimum exeruit, ut quorum semper bona causa est. Temporis avarus nullum nisi literarum otium amavit, ut quocumque demum cum Imper. Fr. iret; famuli libri sequerentur, suavissime iter inter comites Musas facientem. Comitatus uti ipse singulari erat, ita morum levitatem in aliis summe oderat. Quare cum Henricum Fr. & affinem Cunonem sub divinis confabulantes vidisset, palam edixit, intempestivam illam familiaritatem seminarium fore maximarum inimicitiarum; id quod postea orbis vidit. O Censorem debitum nostro ævo, quo templa passim aut fora fieri aut curias videmus, & ex his exire sæpè, qui plurima hominibus, nihil Deo, nihil Divis sunt locuti! Sed mitto linguaces. Silentium potius in BRVNONE laudo & frugalitatem, quam Archiepiscopus jam Coloniensis (uti & in vestibus modestiam) in Canoniorum Collegium postliminiò reduxit, utinam non iterum nunc ubique ferè terrarum exulem! Ipse post maxima obitamina, post extructa aut reparata templa & cœnobìa plurima, ut pacis amans, & pacis conciliandæ inter viros principes mirus artifex, excessit è vitâ, anno post DEVM hominem D. CCCC. LXV. cælum moriens multis lacrimis mollivit, & crebro gemitu, velut ariete, perrupit. *Ex Lippeloo.*

Esto Angelus, hoc est, divini minister imperii: obsequere mandatis Domini: cum fueris Angelus, videbis

II. Octob. VITÆ SANCTORVM. 499
bis faciem Domini. Ipse Dominus JESVS ait, Beati mundo corde: ipsi enim Deum videbunt. Adver-
tis, quid à te exigatur ut videas Deum? Emunda igi-
tur cor tuum. S. Ambr. in Ps. 118.

B. JACOBUS ALEMANNUS CONF.
II. Octobris.

Felix, (si quidem norit hodie bona sua) Ulma Suevorum JACOBVM nostrum peperit, & probè educatum Romam ad DD. Apostolorum limina supplicem misit. Româ Neapolim hic abiit, & ab Alphonso rege militiæ adscriptus, nullum hostem quàm prædam fugit. Quare illa demum castra placuere, quæ non aliena raperent, sed suis se spoliarent: id quod ipse etiam fecit, cum Bononiæ ad D. Dominici signa transiit. Hic ille boni militis partes omnes implere, primus semper ad ducis nuntum, portarum animi, oculorum inquam, vigilantissimus custos, & flammæ hostiles casto animo injectas suffocare illicò doctus, sanguinis recordatione à Christo fusi. Jam arma (preces) numquam posuit, primo mane omnes Divorum aras veluti stationes militares obiens & semper à castrorum acie Virgine auspiciu sumens. Quid jam mirum, si miles noster dæmones fustibus pugnantes risit, præsertim quando cum pugnante, Angeli visi pugnare? si Cyclopem infernum sibi infestum cruce prostravit, & eadem corvorum Stygiorum agmen fugavit? Quid? quòd & insidias structas Reipublicæ ab orco detexit. Ad D. enim Antonii tumulum cum lætantes dæmones spectasset, & triumphum adornantes ob futuram altero die inter cives cædem, medius preces suas interposuit, & civibus pacem, orco pro triumpho luctum peperit.

Fuit

Fuit cum ad hortos Elysios avolans ea oculorum spectacula habuit auriumque illecebras, ut irascere-
retur illis, qui cum avocarunt. Ne igitur quis-
quam molestiam revocando faceret, morte illuc
non rediturus abiit. *Ex Suario.*

*Quisquis es, qui divini luminis illustraris splendore,
sentiſq; ad contemptum mundi provehi, à Domino pra-
stitum noli tibi spernere donum, noli obsurdescere aperire
pulsanti. Surge ocyus, & te volenti erigere manum por-
rige. S. Laur. Just. de Cont. mund. c. 19.*

S. MAXIMILIANUS EP. M. 12. Octobris.

MAXIMILIANVM, quo cive Pannonia, Austria
patrono gloriatur, parentes nobiles Celeiæ
genuerunt, lactarunt Gratia, Musæ eduxerunt.
Talis, inquam, MAXIMILIANVS dignus cælo visus
est, quem in suas partes pertraheret; & verò facile
ille obsecundans meliora suadenti, hereditate suâ
(quæ opulenta ei erat) ultrò egenis cessit, divitem
feratus, si centuplo amplius liceret sperare. Jam
honoris etiam umbram cum fugeret, insecuta ta-
men hæc virtutem, Laureaci mitrâ sibi devinxit, &
in solium renuentem extulit. Hoc deinde cum
furia Decianæ deturbassent, Romam abiit; mox
tamen Xysto II. Pont. Max. auctore rediit, & vi-
ginti ipsos annos munere suo cum summâ laude
est functus. Sub hæc in mentem venit, patriis
etiam terris operam suam locare. Et forte Evila-
sius illic Prætor Christianam pietatem oppugna-
rum ibat. Tanto amplius festinandum sibi ratus
illicò advolavit, & supperias laborantibus in tem-
pore tulit. Sed dum in primâ fronte acrius pugnat,
inter primos gladio cadit. Post hanc tamen tam
nobilem Hostiam propitia victoria semper post-

13. Octob. VITA SANCTORVM. 501
ea cum Christianis stetit. Diceret suum etiam
Pannoniæ Decium obtigisse. Ex Bruschio.

*Quid prodest quemlibet hodie auro, gemmis & pur-
purâ contegi, si cras contingat eum nudum & reum ad
infernî supplicia pertrahi? Quid juvat, si quis hodie
terram faciat sub pedibus suis tremere, & cras medicus
& pauper de hoc mundo compellatur exire? S.P. Dam.
l. 7. ep. 15.*

S. COLMANNUS MART. 13. Octobris.

COLMANNVM Regii sanguinis juvenem &
juventæ ævo suo facile principem genuit &
educavit Scotia, hospitem Bojaria vidit & Au-
stria. Habuit tamen hæc hostiliter potius quàm
hospitaliter. Etenim quòd genus & virtutem, sub
peregrino dissimulasset, jussisque valere & patriâ
& opibus patriæ, sacram Hierosolymæ urbem in
votis haberet, diu jam dæmoni malo ægrè facie-
bat. Hic igitur contrà ægrè COLMANNO facturus
id machinatur, ut innocentia sub proditoris no-
mine accusetur. Capitur, carceri datur, torquetur,
urit, laceratur, damnatur, & ex aridâ arbore ipse
flos juventutis suspenditur. Hic demùm pro inno-
cente crebra miracula perorant. Et integritatem
animi sesquiannum sub dio pendens integrum
corpusculum loquitur. Meruisse canos crescentes
capilli & ungues testantur; clamat sanguis è vul-
nere numquam non recens. ipsa, quam emortuam
diximus, arbor in frondes suas reviviscens non
debuisse mori COLMANNVM ait. Tot testibus
tandem convicta Austria vertit sententiam, absol-
vit COLMANNVM, & se damnavit. Sed & hic tot
honoribus pòst, quot suppliciis antè mactatus
Au-

Austriam jam absolvit. Ex Diurnaro, Stabio,
& VV. Lazio.

Quid prodest, si homines laudent, & conscientia accuset? aut quæ debet esse tristitia, si omnes accusent, & sola conscientia nos liberos demonstrat? si nobis est testis in calo, testis in corde, dimitte stultos foris loqui quod volunt. S. Greg. l. 8. Registr. c. 45.

S. FORTUNATUS EP. 14. Octobris.

FAcilè orco imperat, quisquis peccato non servit. Inter testes longè plurimos etiam FORTVNATVM numero Tudertinum Episcopum, qui totas legiones dæmonum ex hominibus non semel unus fugavit. Sed nocuit pænè fugiendo orci satelles. Nempe pulsus sub noctem urbem obambulat hominis vultum mentitus, rem indignam clamat factam ab Episcopo FORTVNATO; peregrinum se hospitio ab eo ejectum, cujus munus esset etiam invitare verecundantem. quam nunc virtutem habitare sub tecto Pontificis cives crederent, unde hospitalitas exularet? Audiit hæc nescio quis, & non tam misericordiâ motus quàm invidiâ, quam facere FORTVNATO volebat, domo excipit, cæli scilicet exulem. Sed malus hospes non minùs malam symbolam reliquit, abiensque hospitis filio in ignes coniecto animam elisit. Tum denique infidam hospitalitatis tesseram pater damnavit. Sed quàm cordi FORTVNATO juvenis fuerit, audi. Gothus prædam agebat nobilem, adolescentes geminos. Pontifex cum nec precibus hos nec pretio redimere posset, malum vaticinatus est militi, quod illi equus dedit, cum lapsus coxam fessoris fregit. Hoc malo multatus Gothus ultro jam FORTVNATO pueros remisit; sed
non

14. Octob. VITÆ SANGTORVM. 503
non gratis. Nam remisit Pont. sanitatem, ingens
ægro pretium. Ex D. Gregorii Dialogis.

*Adverte, quaeso, si mundum diligis si in illo conver-
saris, in quanto discrimine vivas. quocunque te vertes,
concupiscentia ignem accensum invenies: quem si copula-
ri permiseris tuo, uret te, & in favillam rediget. Fuge
igitur ad montana cum Loth, & salvaberis. S. Laur.
Just. de Cont. mund. c. 19.*

S. DOMINICUS LORICATUS C.

14. Octobris.

AUdite, qui aras, calices, infulas vel venditis,
vel emitis. DOMINICVS à primis annis aris &
ipse admotus, tandem sacerdotio initiatus est. Ve-
rùm quòd eos honores nescio quo dono (pellis
credo caprina erat) parens filio mercatus esset, de-
testatus hic impia munera, adeoque jam se etiam,
longè fugere statuit partas malè dignitates, & pa-
ternum facinus in se vindicare. Ad hoc commo-
dissima visa est solitudo, & in hâc virorum socie-
tas, qui austeram cum primis rationem vivendi se-
quebantur. Nempe his unum totâ ferè vitâ jeju-
nium, deliciae die Solis Jovisque pultes, cibis per
reliquam hebdomadem solus panis erat. Nam de
potu quid dicam? aquam lacrimis miscebant. Jam
loqui semel in septimanâ, dabatur, cædere verò
flagris sæpius in die se, sæpius cædi ab aliis mos re-
ceptus jam fuerat. Hæc omnibus tunc communia,
at DOMINICO nostro peculiarior illa ajunt: nudam
carnem loricâ ferreâ onerare, itaque in vigiliis
sanctis noctes dies perstare; tum bis quotidie Re-
gii Vatis carmina cantando decurrere, manu in-
terim utrâque virgis armatâ mensuram imperan-
te. Durum, ais, est nimis sic vivere. At sic vivendo

504 VITÆ SANCTORVM. 15. Octob.
virgo vixit DOMINICVS, & ut tales vos vivatis,
Sodales Parthenii, testamento arma vobis sua le-
gavit. *Ex Lippeloo.*

*Optimè pœnitet, qui dum carnem verberibus mactat,
lucrum, quod delectatione carnis amiserat, afflictionibus
recompensat, & salubrem illi nunc amaritudinem inge-
rit, cujus olim noxiâ delectatione peccavit. S.P.Dam.
l. 5. epist. 8.*

S. HEDWIGIS DUCISSA. 15. Octobris.

IN regium te gynæceum introducimus. tamen
terreare, si ad limina pauperes excubent: HED-
WIGIS intus habitat, quæ ex illustri Andecen-
sium Comitum & Tyrolensium stirpe Henrico
Polonorum Duci nupta, primos annos liberis
procreandis, reliquum deinde vitæ tempus, non
invito conjuge, castitati dedit, maluitque à pau-
perum jam turbâ, quàm Regum mater dici. Ex il-
lis tredecim quotidiebus mensæ adhibuit, flexo
poplite in iis Christum ac duodenos Apostolos
adorans. Ajunt multos ex iis, impositâ capiti VIR-
GINIS MAGNÆ icunculâ, valetudini restitutos ab
HEDWIGE. Certè inventam VIRGINIS effigiem
multis ab obitu annis inter digitos tres primores
eosque integros asseverant, magno sive HEDWI-
GIS IN VIRGINEM, sive VIRGINIS IN HEDWIGEM
voluntatis testimonio. Porro tam dura sibi, quàm
benigna aliis, pedes ferè nudos etiam hyberno
tempore circumferebat, indormiebat asseribus,
corpusculum & ipsa verberabat, &, quod pauci
volunt, verberari ab aliis volebat. Sacerdotibus,
quotquot denique faciebant, quotidie omnibus
assistebar, nullas alias voluptates umquam sectata,
quàm quæ preces inter animum demulcebant:
qua-

quarum quidem ingens argumentum fuere nunc prodigiosus in vultu splendor, nunc cum animo suo in aërem etiam corpus abreptum. Et fuit, cum sic precanti è cruce bene ultro Christus precaretur, & rata omnia vota ejus haberet. Horum scilicet compendium cælum erat, quod ingressa est HEDWIGIS inter Theclæ & Catharinæ aliarumque Virginum comitatum, ut & tunc Principem crederes. Ex Surio.

Qui ad caelestes nuptias firma spei gradibus festinas, non parvam partem substantiæ in tuto loco repone: mar-supium autem sinus est pauperum, sustentatio miserorum. Hoc est fidele depositarium sine ullo prorsus detrimento, quod suscepit, redditurum. S. Pet. Dam. l. 8. epist. 14.

S. GALLUS ABB. 16. Octobris.

GALLVS ad Laci Brigantini incolas Columbanus duce venit, quem in literis & pietate magistrum habuit. Hic permultis auctor fuit, damnatâ superstitione, ad Christi partes transeundi: ipse antra silvasque à colubris & lemuribus purgatas melior hospes cœpit incolere, commearum sapius cælo suppeditante. Et fortè preces Numini faciebat, cum ursus adfuit pauperis cœnæ reliquias populaturus. Sed jubet GALLVS lignum potius fur comportet, eoque focum foveat. Facit ille imperata, & in laboris stipendium panem capit. Tum Divus cum eodem ita paciscitur, communem uterque montem haberent, cæterum nemini deinceps mortalium ursus noceret. Has inquam leges homo tulit, & sacrosanctas fera habuit. Vidit hoc & invidit orcus, omni que vi pellere GALLVM est aggressus. Sed facile hic iterum

in fugam versipellem hostem egit, victor trophæum Crucis erexit, & præsidium sacra Divorum lipsana imposuit. Quin longius etiam hostem persecutus, pepulit è filiâ Ducis Gunzonis, quam insederat, Galliarum tum regis, sed Christi postea sponsâ. Et poterat in præmium accipere insulam Constantiensem, nisi hanc, quam tanti alii faciunt, nihili ille fecisset. Itaque ad majora præmia, & GALLO digna, cælum evocavit. Ejus funus equi ferocissimi sponte ad sepulturæ locum duxerunt. usque adeò nihil ferum in orbe est, quod virtus non domet. *Ex VValfrido Strabone apud Sur.*

Vtinam sapiamus ad presentis vitæ moderationem! utinam intelligamus ad præteritæ correptionem! utinam devotâ in Deum fide provideamus, ut felicem habeamus, ipso miserante, consummationem! S. Bern. serm. 2. de SS. Pët. & Paul.

S. ANDREAS M. 17. Octobris.

Bello, quod sacris Dei Divorumque imaginibus barbarus Copronymi furor indixerat, multum virtus ANDRÆ enituit: quippe qui sub ejus statim initia è Cretâ Constantinopolim advolavit linguâ & pectore propugnaturus pietatem. Et nimirum (clamabat ille in publico virtutis theatro) majores nostros, qui pulchram pro patriâ mortem oppetierunt, stantes in saxo, in ære, in auro suspicimus; at verò qui pulchrius pro cælo sunt mortui, nullo honore dignabimur? Tibi homini, Copronyme, aureas poni statuas, & surgere cælo colossos spectabimus, neque impune hos quisquam nostrum jam violabit; tu verò cæli Imperatoris imagines, tu Imperatoris Matris magnæ, tu amicorum hujus gratis eversum
ibis

18. Octob.

VITÆ SANCTORVM.

507

ibis? quin etiam improbe illam ex animo tuo imaginem deles, quam suâ manu, cū te finxit, Numen depinxit? Sed quid ajo? dudum hanc orcus deformavit, & suis te coloribus pinxit. Hoc unum audi. Aut fallor ego (imò non fallor) aut, si terræ filius bellum porrò cælis movere pergis, si sedibus suis Superos deturbare laboras, fulmen etiam tu senties. Erat hoc furiosum laceſcere. Itaque flagra, taureas inclamat tyrannus: his lacerum in vincula, inde inter lapidum imbres ad infamem mortem raptari jubet. Sed ecce adest, qui ex itinere, amputato altero pede, Divum cælo transmittit; profuitque ad compendium viæ, pedem abjecisse. *Ex Suario & Menais.*

Inſipiens est, qui se à Paradisi gaudiis peregrinum esse non considerat, & se exulem in hoc exilio non attendit. Stultus est, qui licet ista cognoverit, liberari tamen à mundi miseriâ per vitæ meritum non intendit. Auctor Spec. peccat. tom. 9. S. Aug.

S. LUCAS EUANGELISTA.

18. Octobris.

LUCAM nobis Antiochia Syriæ peperit, edulcaste verò ipsæ in sinu suo Musæ videntur. Nam literis & Ægyptiis & Græcis omnibus excultus, arte insuper medicâ clarissimus habitus est. Sed nihil hæc omnia ad illa, quæ in Christi scholâ grandis discipulus didicit, sui Dei que agnitionem. Fertur etiam socius Cleopæ fuisse in Emaus eunti, tūc cū ambobus à morte CHRISTVS se comitem junxit, hospesque non a symbolis mensæ accubuit. Post hujus verò, quem in cælos duxit, triumphum, ubi in orbis partitionem cum cæteris Apostolis venit, fidus magno Paulo

in omni itinere, quin adeò in vinculis Achates, Christi primò vitam mortemque, tum, quæ Apostoli alii fortiter fecerunt, perscripsit. Abiit è vivis cùm annum ageret quartum supra centesimum, & tunc etiam memor medicum se esse, ægris vel è tumulo medicinam, oleum salutiferum propinavit. Illud pænè memoriam fugisset. Primus fuit LVCAS, qui MARIAM felici manu depingeret, in eâ tabellâ, quæ etiam hodie miraculis lucet, dignus profectò, cujus penicillû Mariani omnes imitentur, idem in animis faciendo, quod LVCAS in tabellâ fecit. *Extom. I. Baron.*

Recurramus ad innocentiam primitiva Ecclesia, ut discamus & possessa relinquere, & in regia paupertatis simplicitate gaudere. Non nos à caelesti itinere carnalis illecebra retrahat lenocinium, quibus per precedentis Redemptoris introitum patet aula celorum. Pet. Dam. serm. de S. Luca.

S. JUSTUS M. 18. Octobris.

DOmi cum parentibus JUSTVS puer, at in servitute frater Justinianus agebat. Igitur nec sinus jam matris, nec oscula patris arridebant JUSTO, quæ dividere cum germano non licebat. Multis proin lacrimis persuadet tandem patri, secum creptum è servitute fratrem eat. Itur. Ambianum venit. Hic etsi JUSTVS fratrem numquam videret, inter multa tamen mancipia continuo agnoscit; indicium cognato intus sanguine faciente. Sic dimidio sui jam auctior dum domum redit, à Ricciovaro equites adsunt. JUSTVS postquam spelæo patrem fratremque abdidit, obviavit it exploratoribus. Scilicet hi mortem intendant, nî comites prodant. Sed negat ille didicisse se
pa-

parentes prodere ; id vel tum ostendisse , cum caput pro libertate fratris objecisset. Dicenti hæc crudelior cæteris caput aufert. Sed ecce truncus Martyris suis ipse manibus hoc amplexatus humo attollit. Diffugiunt monstro perculsi equites , & ad tristem aspectum exclamat pater fraterque. Verum solatur utrumque JUSTVS: nempe officium se filii fecisse, vitam, quam à patre acceperisset, reddidisse. Demum caput suum offert, mandatque, matri ferant tumulandum. Id cum factum est, tanto lumine ædes maternas complevit, ut sua etiam oculis cæcæ puellæ lux rediret , puto , ut qui in JUSTO illustre sive in fratrem sive patrem pietatis exemplum non videt , etiam cæcis minùs se videre videat. *Ex Surio.*

Si propter proximum Christus sanguinem effudit, quid magnum facis , si per exhortationem jacentem erigas? Quinimò, si periclitandum etiam fuerit pro salute alterius, non subterfugiamus. Nam id nobis salutis erit occasio, multamq; conciliabit fiduciam. S. Chrysost.

S. VARUS MART. 19. Octobris.

VIdit & persæpè laudavit Ægyptus VARI militis virtutem , sed numquam magis , quàm cum in ipsum Imperatorem suum Maximianum pugnavit, sine perfidiâ, quia pro fide. Pugnae verò occasio hæc fuit. Septemgemini Martyres è vinculis libertatem Christianam propugnabant. His dum VARVS inservit , ecce uni ex eorum numero cælum beatâ morte vacationem à militiâ donat. Sed ne numero suo fortissima cohors destitueretur, ultrò VARVS noster in demortui stationem succedit. Mox Christianæ fortitudinis ingentia documenta contra equuleum, scorpiones

& plumbatas edit, nec prius è pugnâ quàm mortuus & victor abit, viâ ingenti & fortissimæ animæ per novaculâ discissum ventrem factâ. Corpus Martyris sepultum in canibus volebat tyrannus; sed Cleopatra nobilis matrona secum hoc in Palæstinam avexit, toto templo (quod illi postea extruxit) tumulandum. Finem ubi ædificandi fecit, ausa mercedem à Martyre sperare, induxit in templum filium, petiitque, optima quæque illi VARVS à Deo impetraret. Mox alia omnia, quàm orasset fieri putavit, cum mori filium sub oculis suis vidit. Tunc verò lacrimis mater & singultibus cælum accusare, VARVM ingratitude notare. Sed hic unâ cum filio multâ gloriâ vestito, & coronato, visus Cleopatæ, docuit nihil petere filiis matres, nihil dare cælum posse beatius quàm mortem beatam. *Ex Særio.*

Certamen tuum non est leve, nec risu dignum. Angelos & Angelorum Dominum in luctâ, qua tibi cum diabolo est, habes spectatores. Vincente te & adversarium prosternente plaudunt Angeli, & Deum laudant, qui tibi hostem vincendi dedit facultatem. S. Ephrem de pœnit.

S. ETHBINUS CONF. 19. Octobris.

Axioma est à magistro CHRISTO dictatum, & receptum jam olim in Christianâ philosophiâ: *Qui non renuntiat omnibus quæ possidet, non potest meus esse discipulus.* Indocti discipuli quàm pauci hoc intelligimus, quàm multi intelligere nos altum dissimulamus! At vix hoc dici audierat ETHBINVS Scotus nobilis adolescens, cum dicto etiam audiens opes egenis, se monasterio devovit. Ex hoc cum vitæ melioris magistro Winvaloco in agrum fortè egressus, in hominem offendit leprâ

19. Octob. VITÆ SANCTORVM. SIE
præ horridum. Quod avertere oculos potuisset
delicatos; ERHBINI sociique invitavit etiam.
Oritur pulchrum magistrum inter & tironem
certamen. Hic brachiis stringere, & sinu miserum
fovere, ille sordes & saniem velle officiosus à vul-
tu abstergere, quin (quod æger aliter nolle fre-
ri) generosâ sibi purulētā scabiem ebibere. Scio,
horres hæc legere. Sed tunc facere hæc virtus
non horruit. Et ecce, (ô Superi! ô amor, qui col-
ludere homini DEVM facis!) dum saniem sperat
Winvalocus, gemmam unicè pretiosam ore exci-
pit, & mutatâ repentè rerum facie videt ERHBI-
NYS in miseri fronte crucem rutilare, videt ab al-
to famulos Cælites advenire, & è manibus non
jam leprosum, sed Christum abire; amicissimis
verbis sua utrique præmia pollicentem. Et finie-
rat fabula pulcherrima, cum iterum lis sancta ex-
orta est, utrius virtuti hanc DEVS dedisset. Post
multa ita conventum est: ut silentio omnia invol-
verentur. At frustra agitis, ô Divi. gemma vos
prodidit, & verò olim Christus proder. Ex Surio.

*Christus tibi contubernalis sit & conviva, imò Chri-
stus ipse tua sit delicia, ipse quotidiana refectionis epu-
lum, ipse tibi intima dulcedinis sit alimentum. Cum illo
simul lege, cum illo jugiter psalle: cum illo lectulus te
dormiturnum capiat, cum eodem sopor inveniat. S. Pet.
Dam. l. 7. epist. 6.*

SS. CAPRASIVS & FIDES MM.

20. Octobris.

VT fidem sanguine suo firmaret CAPRASIVS,
FIDES virgo suggestit. Nam cum hæc anno
post natum Servatorem trecentesimo tertio pro
CHRISTO captiva in lassitudinem omnes jam car-

nifices dedisset, & denique in craticulam abjecta esset lento igne crucianda; vidit è specu suâ, quâ delitescibat, CAPRASIVS, manifestâ in luce columbam cælo adventare, quæ & rore asperso ardores temperaret, & sero longè pulcherrimo caput victricis coronaret. Puduit vinci à virgine, & latere jam noluit, si talem se femina proderet. Abiectus proinde in preces oravit; si cælo placeret etiam virum in pugnam prodire, veller, suberet, eo in loco fontem enasci. sanguinem se daturum, si aquam spelunca. Et dedit hæc aquam, sed quæ CAPRASIO cruentam sitim accendit. Hanc ut poneret, in urbem & in theatrum ad tyrannum properare, & jam palam ostendere, non frustra tamdiu in pulvere privato exercuisse sese; denique non modò inter omnia tormenta sibi constare, sed & longè plurimos alios in eandem sententiam pertrahere, quibuscum omnibus capite ultimò truncatus effecit, ut exiguus aquæ fons in flumina sanguinis excresceret. *Ex Surio.*

Ad evitandas diabolica pugna molestias audenter assurgimus, si necessitatis ultima periculum providè pertractemus. Nam si repentinus ille atque terribilis adventus Christi perpenditur, quid erit in mûdo, ubi mens humana vel desipiens delectetur? S.P.Dam.l.7.ep.19.

S. HILARION ABBAS. 21. Octobris.

Multum puer HILARION in ludo literario, plus apud D. Antonium in religiosâ scholâ profecit. Itaque anno ætatis XV. cælesti philosophiâ jam plenus, jamque vates, pectora hominum inspexit, absentia & longè pòst futura multò antè vidit. Mox magister etiam ipse sanctioris sapientiæ, fidei dogmata multos, multos mundi contemptum

21. Octob. VITA SANCTORVM. 513
temptum edocuit. Asellum suum (ita corpus ta-
miliari convitio appellitabat) calcitrantem non
hordeo (ut ipse dicere solebat) sed paleis sustenta-
bat, hoc est, fame, siti, labore edomabat. Latrones
vim meditantes inferre viro, celum errore viarum
abductos totâ nocte delusit. Ipse quoque dæmo-
num ludibria non semel impunè risit ; quin Plu-
tonem quandoque cum curru suo per terræ hia-
rum ad inferos redire compulit , irridēdum etiam
suis tunc puto, utpote sine Proserpinâ, quam spe-
ra verat, reducem. Jam sæpius ex humano domi-
cilio eundem proscripsit, non ita tamen, quin vir-
ginem gravibus verbis castigaret obsidione jam
liberam, quòd pro pudore non excubans aditum
dæmoni Amori fecisset. Porro terram triennio si-
cientem pluviam beatam recreavit. Cruce serpentum
morsus exarmavit. Draconem coëgit structum
rogum conscendere , & suapte sponse victimam
igni se dare. Talis tamen ac tantus mori timuit, &
moriturus animam suam ita alloqui est auditus,
*Quid egredi anima, quid times? septuaginta ipsos annos:
Christo meres, & mori times? Audi hæc orbis: Hi-
lariones timent mori. Nos, ah! quali morbo? ri-
su emorimur. Ex D. Hieron*

*Va hominibus injustis, va impudentibus, va delicias
& voluptates sectantibus, va superbis. In ipso enim
mortis articulo & angustiis inferni suo periculo di-
scant Dei timore nihil esse præstantius. S. Ephrem de
Vita spirituali.*

S. MALCHUS CONF. 21. Octobris.

NON latuit MALCHVM thesaurum esse virgi-
nitatem, tot prædonibus quot oculis exposi-
tum. Quare ut in tuto hunc collocaret, secum in

silvas exportavit. Sed, cheu! non sola in silvis Diana, etiam Venus venatur. Et vide sis rectissima hujus retia. Emoritur MALCHI pater, & ficta pietas orbam solari matrem suadet. Clamat vitæ sanctioris Doctor, impietatem esse ipsissimam, alienam mortem suâ delugere, & ut funus comitaretur, funus velle fieri. Si mundo mortuus esset, quid illi cum vivâ matre? si Deo viveret, quid cum mortuo patre foret? Sed surdo fabulam. Abit è latibulis suis virginitas, peritura, nisi in latrones incidisset. Hi in servitutem abducunt, &, ne fugere possit, molestissimâ compede, uxore onerant. Conclamabunt hîc alii. Sed noverint sic vexatam revixisse virtutem. Secura etiam in thalamo jacuit, & per conjugii larvâ diu Venerem risit illibata virginitas. Quòd tamen rectius fugiendo quàm pugnando pugnat pudor, fugere ultimò pudici conjuges. Et jam per undas enataverat castitas, cum jugulo herus, & cum hoc servulus, uterque camelo vectus hæsit. Defendit tamen antrum trepidos, & antrum suum læna, utroque hoste lacerato. sed & domicilium fortioribus hæc cedens, aliò cum catulis emigravit. At MALCHYS non jam leones, sed nuptam suam fugiens, hanc inter virgines deposuit, ipse monachum rursus induit, mortuusque meruit, ut tumulo ejus rarum miraculum (VIRGO CONIVNX) inscriberetur. Ex D. Hieron.

Nunc dum tibi mundus arridet, dum carnis sanitas fervat; dum prosperitas terrena demulcet, qua post illa sequantur, cogita: & quaecumque transitoria sunt, altiori consilio jam transisse decerne, & velut ludificatoria illusionis somnium deputa. S. Pet. Dam. l. 8. ep. 8.

S.URSULA cū Sodalibus VV.& MM. 21. Octob.

CLassem & vela spectas: omnia à castis nivibus candida, omnia à casto sanguine rubentia; virum in his nullum nisi hostem; sed omnes virilis animi; Amazones rectè dixeris, sed quas zonâ virgine nec victor Attila possit spoliare. Harum omnium ecce dux URSULA est, Dianethi Britonum regis filia, ob formæ florem Connano Armoricæ Dynastæ desponsa. Et verò jam ecce vela facit classis castissima, & pudori suo timens, non tam in undis, quàm lacrimis suis natat: jam Armo-ricam versus contra vota etiam sua feliciter fertur, jam obvius Hymenæus ingratum verecundis auribus obstrepit; cum ecce tempestas suboritur, & arreptas naves in Rhenum aufert, Agrippinam Coloniam ejicit. Nimirum adversum hunc alii ventum dicent, at secundum URSULA vocat & castitati velificantem. Longum igitur exilium citis nuptiis præferens, Romam cum comitatu abit, inde iterum Coloniam. Sed longè gravior redeuntes procella excipit. Naufragium iterum minitatur virginitati Hunnorum & Alanorum vis. Quid agis pudicitia? obluetaberis tot barbarorum insultibus virginum agmen? Enimverò pulchrum, Superi, facinus! ne pudor mergatur, omnes in Rhenum animas projiciunt, & ne telo Cupidinis violentur casta pectora, ad barbarorum intentos arcus ultrò jugulum offerunt. *Ex D. Ursula vitâ apud Lippeloum.*

Navis tempestate jactata portum quarit, & viri pudici anima expetit solitudinē: ut enim illa fluctus maris naufragium minitantes fugit, ita hac mulieris aspectus perniciem afferentes vitat. Nilus Orat. 2. advers. vitia.

S. JOANNES BONUS. 22. Octobris.

Genuit Mantua JOANNEM BONVM. sed, & malum ! bonum divitiarum non siverunt esse. Nempe dubites, an, cum demortuo parente hereditatem adiit, plures nummos an vitia numeraret. Unica jam mater suis apud DEVM precibus sustinebat in præceps ruentem: frustra etiam ipsa futura, nisi morbus quoque manum iniecisset, lectuloque affixisset. Hic, uti ferè amat, gustum illi voluptatum abstulit, quæ nuper tam sapiebant: jamque ut valeret JOANNES, valere mundum jussit, & vitam Religiosam vovit. Hæc salutari medicinâ in pedes erectus, morbi sui fomenta (divitias) non invitatus abiecit, & post vitam prope Cæsena in summa austeritate aliquamdiu actam, in eremum ad D. Augustini partes transiit, Ordinemq; eum magnis incrementis & miraculis amplificavit: quin adeò subinde ad castissima vulnerum oscula ab ipsomet Christo in cruce est invitatus. Sed nondum etiam hic extra teli jactum castitas stetit. Huc etiam sagittas suas misit Amor improbus. Et jam corpus à flammis impuris æstuabat, jam pudor vicini incendia metuebat; cum contra tela infanda, tela alia, arundines strinxit JOANNES, & sub primores digitos tam validè adegit, ut triduum exanimis jacuerit. Triumphavit tamen hostem à celo recreatus, & eximius dehinc ab hostilibus ejusmodi incurfibus vixit, Cupidine plus jam arundinum aculeos, quàm apum olim fugiente. *Ex Ferr.*

Reverà hæc est vera cordis requies, cum totum in amorem Dei per desiderium figitur, nec quidquam aliud appetit, sed in eo, quod tenet, felici quadam dulcedine delectatur, delectando jucundatur. S. Aug. Manual. c. 29.

S. SE.

S. SEVERINUS BOETIUS.

23. Octobris.

Ipsam oculi tui Musarum ocellum BOETIVM vident, cui vel hostis Theodoricus rex testimonium hoc dedit, omnes omninò sciētias unum complexum fuisse, ut jam Græciæ Roma nec Ptolemæos, Nicomachos, Euclides, aut Archimedes, nec Pythagoras, Platones aut Aristoteles invideret. Tot tamen ætarum miracula unico ingenio clausa extinxit idem Theodoricus, furiis Arianorum (quos stylo BOETIVS confoderat) aggratus. Cæterum clientem suum in ipsum carcerem usque Musæ sunt secutæ. Nam & in hoc librum *de Consolatione Philosophiæ*, & alterum *de Trinitate* ad socerum Symmachum scripsit, virum itidem eruditum & Consularem, quin in eadem causâ piè post mortuum. Et BOETIVS quidem resectum caput utrâque manu memoratur humo sustulisse, interrogantiq̃ue per inurbanū jocum, à quo percussus se existimaret, seriò, *ab impiis*, respondisse; inde progressus in templum demisisse in genua sese, ac preces inter caput arâ, animam cælo deposuisse. At Symmachus gladio & ipse cæsus suum sociiq̃ue caput abundè fertur vindicasse. Siquidem cœnanti Theodorico portentosi piscis caput appositum Symmachi ajunt imaginē induisse, hianti q̃ue ore & dente minitabundo ita perterruisse, ut metu morte q̃ue rigens infelicem animam in ollas (quemadmodum S. Gregorius refert) Vulcani expiraverit, tunc etiam multis deflens innocentum Martyrum necem. Sed & hodie Musæ BOETIVM SYMMACHVM q̃ue flerent, nisi in his oculos suos amisissent. *Ex vitâ Boët. & Bar.*

Quanta est mentis occupatio in appetitu terrena gratiæ? & quantus est timor, ne hac eadem gratia perdatur? Perpende ergo quæ pœna sit aut prosperitatis desiderio fatigari, aut adversitatis timore pavescere? S. Greg. l. 6. Regist.

S. MACARIUS ROMANUS CONF.

23. Octobris.

Bellè Veneri illuſit MACARIUS, cùm nuptiali in thalamo ſponſam reliquit, & Raphaële comite in ultimas ſolitudines caſtitatem aſportavit. Ibi dum antrum ſubit, in geminos catulos & ponè accubantem exanimem leænâ offendit. Hanc igitur tumulto infert, catulos de ſuâ menſâ alit educatque. Creſcunt illi, & à nutritii ſui collo innoxii pendent, blandientem lambunt, arridenti adruſiunt blandum. O ſemper tutior inter feras, quàm non dicam inter mulieres, ſed mulierum etiam umbras virginitas! Prodit foras MACARIUS, ſtrophium reperit è ſindone, è ſerico calceolos. Quid agis, MACARI? Viſcum mitte. audit allaçrimantem malis ſuis vocem. Ah aures obtura! Sirenem audis. Videt mulieris formam omni ſimulachro emendatiorem. Eheu oculos claude! Scorpionem vides. Ecce recto recipit. Superos teſtor, MACARI! vivam leænâ introducis, qui mortuam extuliſti. Quid multis? triumphato hoſpiti in fumos abit dæmonium, in lacrimas MACARIUS, in fugam leones. Quin ipſe quoque ſe fugit; ſed obſiſtit bonus ductor Raphaël. Ergo in genua & preces ſe abjicit, xl. ipſos dies jejunus. Tum verò conciliatos Superos, primùm leones reduces, deinde multa lux cælo allapſa, tum gratantium Angelorum voces, demùm Chriſtus ipſe

ipse conspicuus indicarunt. Atque hæc MACARIVS ipse tribus aliis eremi incolis, nos verò Marianis idè hodie narramus, ut sciant securius castitatem binis leonibus cohabitare, quàm uni fæminæ. *Ex Menxis.*

Contra reliqua vitia Deo auxiliante debemus in presenti resistere; libidinem verò fugiendo superare: contra hujus impetum apprehende fugam, si vis obtinere victoriam; neque tibi sit verecundia fugere, si castitatis palmam desideras obtinere. Augustin. serm. 250.

SS. MARTYRES NAGRANI.

24. Octobris.

NON jam singulos Martyres producere in arenam, & cum tyrannis componere, sed producere in campum plenam aciem juvat, & totam pro Christo pugnaturam urbem Nagranam armare. Cave tamen cum in exercitu nostro sacros homines, senes, matronas, pueros, & adè puellas vides, apparatus nostrum riseris. Videbis majores corporibus suis animos, & viros sub stolâ, ipsamque in senibus juventam, in sacerdotibus fortitudinem. Ecce enim Arethas (urbi præfectus fuit) xcv. annorum senex canos pulchros sanguine pingit, lauro ornat: potuit ne quidquam gloriosius ab hac ætate fieri? Ruunt cum hoc in mortem eandem socii ccc. xl. an præeuntem ducem non rectè secuti milites? Sacerdotes sacrorumque ministri omnes uno igne cremantur; an pulchrius poterant sacrificare? Puella xii annorû in faciem Dunaani tyranni spûto pugnat, eadem cum sorore ferro jugulum dare non abhorret; an non fortiter utraque? Utriusque sanguinem mater ore suo libat, mox suum miscet; an non viriliter fecit mulier?

lier? Sed hem in quinquenni puero Herculem Oetæum. Supplicat hic pro matre ad ignes damnatâ; sed ubi ad perfidiam invitari se videt, à rege non jam matris solum, sed suam etiam mortem orat, & lacrimis perorat, & blanditiis sævientem morfu provocat tyrannum. Nihilominus servandus custodiam fallit, & ad matris sinum per ignes, cum illâ ex ignibus ad cælum volat. Ecce Roma vetus, quæ ab omnibus sæculis exempla fortitudinis in omni sexu non mendicabis, omnia spectanda uno die dedit virtus Christiana. *Ex Metaphr.*

Quid Dei benignitati pro omnibus ejus muneribus rependemus? Nam si mille annos in terrâ viveremus, ne pro uno quidem colapho, nedum pro morte, quâ pro nobis foedissimâ fuit affectus, illi unquam ullo modo posset à nobis satisfieri. S. Ephrem in Confess. peccat.

S. MARCIUS CONF. 24. Octobris.

ORbi Romano Justino juniore imperante, rectius sibi MARCIUS imperavit. Aula illi spelunca non procul Caleno in Campaniâ, quantò angustior tantò angustior fuit; pincerna verò petra, quæ aquæ tantum, quantum sat erat, quotidiebus fida ministravit. Doluit dæmon malus, & veterem serpentis larvam indutus, sive oranti, sive cœnanti, sive quidquid demùm aliud agêti accubare perstitit. Ille orcum vicissim ludos faciens, nunc pedem, nunc manum ultrò ori ita ingessit, ut tamen dentem malum figere hic minimè auderet; sed post triennium victum se falsus per alterum montis latus in præceps abiret, ambustis circumcirca omnibus, quâ volvebatur, arbustis. Sed ecce tibi pugnam, quâ dæmon ceciderat, prostitute frontis femina parat restituere. Quis credat? pericu-

periculosius longè certamen hoc MARCIUS credere; non jam ludere, sed fugere, sed in faciem abjectus, nec oculo hostem audere aspicere. Cessit tamen etiam hæc, atque ne victam dubitares, mortua corruit. & subinde alii sanctiore consilio ad MARCIUM inviserunt; quos inter puerum memorant, fallente vestigio, in subjectam vallem innoxie lapsum. Quid? quòd saxum ingens spelæo imminēs, & à rupe suâ avulsum, saltu MARCIUM transiit: qui jam à principio catenæ, quæ modum ambulationi præscriberet, pedem alterum illigavit; monitus tamen à D. Benedicto amoris potius funiculis teneri vellet, catenam quidem posuit, cæterum longitudinem ejus numquam excessit, nisi cum excedere denique mors felix jussit. Ex S. Greg. P.

Cum finis nostri dies advenerit, ubi nobis erit quod modo cum tantâ curâ queritur, & cum solitudine congregatur? Non ergo honor, non divitiæ querendæ sunt, quæ dimittuntur. Illa diligamus, quæ sine fine habebimus; illa timeamus, quæ à reprobis sine fine tolerantur. S. Greg. l. 6. Regist.

B. JOANNES ANGELUS CONF.

24. Octobris.

IOANNEM ANGELVM exhibeo, vel nomine suo debitum VIRGINI; cui nempe si immortales illi Angeli servire gaudent, quidni noster etiam? Atque hoc est, quòd Mediolani in liberâ nobiliq; familiâ natus, annumerari tamen Florentiæ Servis MARIE præoptârit. Ibi illum, ut scias quòd vota sua miserit, abiisse inter preces in aëra ajunt, multaque alia fecisse, quæ posteris miramur. Sola castissimi interula innumeris parientibus auxilio
velut

velut obstetrix salutaris adfuit. Racemum cum è vite aliò tulisset, & ægrè alii hoc ferrent, viti suæ quàm mox ita restituit, ut ne cicatricem è vulnere superstitem cerneret. Illud omnino & scriptu & lectu jucundum, VIRGINIS servo, ANGELO inquam nostro, feliciores illos Angelos inserviisse. Nam fuit, cum è morbo decumbenti incidere venam medicus constituit. Hic, absentibus omnibus aliis, adfuere è cælo ephebi gemini, cælo ipso suo formosiores, qui lumen aliave ministrarunt, & sanguinem ægri obsequiosi exceperunt. Tanti sane erat omnem omnino sanguinem prodigere. Certè tam duriter vixit JOANNES, ut præter cutem & ossa vix quidquam hominis jam haberet, eò rectius ANGELVS dicendus, quò minus jam carnis illi erat. Hanc denique omnem posuit anno partæ salutis M.D. VI. Laudes ejus funebres (quòd puto impar his lingua esset) campanæ sponte impulsæ cecinerunt. *Ex Ferrar.*

De dilectione Conditoris lingua, mens & vita requiratur. Numquam est Dei amor otiosus: operatur etenim magna, si est; si verò operari renuit, amor non est. S. Greg. Hom. 30.

SS. CHRYSANTHUS & DARIA MM.

25. Octobris.

CHRYSANTHVS patre natus Polemio senatorii ordinis viro, dum fortuitò in manus sumit, quem Euangelii librum dicimus, legitque, manus dare Christo discit, brevi lectione longè plurimum edoctus. At Polemius, ut filium à Christianâ disciplinâ dimoveret, nihil non movere, carcerique demùm mancipare. Sed hic gymnasii instar virtuti erat. Ergo ad insidias amico-
rum

rum consilio versus cubiculum adornat, & omnibus deliciis instruit; addit mulierculas omni mundo muliebri præter verecundiam superbas. Inter has collocatus CHRYSANTHVS tunc demum in carcere esse se credidit & ingemuit. Quid faceret? clypeum nempe (oculum clausum) objecit. Sed & cælum somno lenarum oculos obruit tam profundo, ut castitati facile esset dormientium manus evadere. At ecce novum duellum: DARIAE virgini & formæ & literis cultissimæ committitur. Pergit tamen ille victoriis victorias accumulare, & sponsum expetenti promittit hunc, sed Christum. In has leges & pax & nuptiæ promittuntur: quæ ut festiviore apparatu fierent, plurimos ille juvenes, plurimas illa virgines ad castitatis amorem traxit. Enimverò hic demum furere Venus, & vinci toties tela sua indignata, tyrannum armare, jamque CHRYSANTHVM in carceres, DARIAM in lustrum trahere. Sed illum contra tormenta lux cælo allapsa, istam contra lenones leo defendit. Ultimò vivi terrâ obruti castissimi conjuges, primum thalamum, tumulum habuerunt. At olim degener Roma non castitatem, sed impudicitiam sic tumulabas. *Ex Metaphr.*

Fluxa & seductoria immundi hujus mundi blandimenta despice: minas ejus animi fortitudine supera: surgentia carnis incendia reprime: mentem virtutibus dilata: torporis frigus de corde depelle, & ad supernæ beatitudinis gaudium flammato desiderio suffira.
S. Pct. Dam. serm. 5.

S. DEMETRIUS MART. 26. Octobris.

NAtale solum DEMETRIO dedit Thessalonica, parentes nobilitatem, literarū studia laudem,
at

at militia denique totius Græciæ imperium, Christus illi semper in ore, hujus præco ipse Proconsul non dubitavit esse; quo factum, ut passim ubique superstitionem in provinciâ suâ expugnaret. Debebatur illi ob res tam benè gestas triumphus. Sed hunc ille scilicet in carcere duxit. Corona ut non deesset sic triumphanti, hanc è cælo Angelus attulit. At ille non unâ contentus, sed plures sperare ausus, certamini suo alios præmisit. Et fortè ludos dabat Maximianus more suo. cruentos. Lyæus staturâ & robore monstrum solus in quosvis pugnabat, numquam non victor. In hunc DEMETRIVS immittit Nestorem adolescentulum viribus longè inferiorem, cætera cruce frontem & pectus probè armatum. Hic portentosum gladiatorē in arenâ porrexit. Sed per hujus latus Imperator se saucium sensit. Itaque in Nestorem gladio, in DEMETRIVM lanceis sævit; sed non ita, quin post mortem in ore omnium viveret. Nam chlamys Martyris sanguine tincta ægros contra omnes morbos armavit, & Lupus DEMETRII servulus cū anulum suum cruore domini, hoc est, gemmâ ornasset, compluribus deinde sanitatem eo impertiit, dum vitam pulchrâ pro Christo morte etiam ipse obsignavit. *Ex Surio.*

Habes arma, ô homo, quibus adversus hostes tuos utaris: quæ si ad salutem tibi data spreveris, victus in die Indicii quomodo te excuses non habebis. si adversus te corporis cupiditatem demon incitârit, temperantia thoracem induito; si te lascivia sagittis petierit, sume galeam castitatis. S. Ephrem de Ling. morb.

S. FULCO EPISC. 26. Octobris.

Qui pauperes esse Musas indignantur, exemplum patientiæ licet à FVLCONB mendicent. Hic extremâ rerum omnium inopiâ pressus, non tamen ideò minùs literas coluit, dudum ab his ipsis edoctus somnia doctiora non post merum, sed aquas in Helicone potas obreperc. Quare non invitus à magistro doctrinam, ab aliis victum vestitumque precariò accepit. Et forte fortunâ ditiores ædēs pulsavit, cum ancillula stipem per jocum eâ lege porrexisset, ut ne infulam umquam acceptaret. Enimverò jam jam prehensurus panem, FVLCO manum illicò retraxit, indignum reputans tam parvo lucello tam magnas spes vendere. Et placuit generosus hic animus usque adeò ædium domino, ut victum deinceps ceteraque vitæ præsidia omnia FVLCONI liberaliter suppeditaret. Itaque positâ molestâ paupertatis sarcinâ, cum liberius jam studiorum stadia decurreret, inter Canonicos, quos vocant Regulares, adnumeratus, missusque Lutetiam Parisiorum, Doctoris primò titulis ornatur, mox Placentiæ ad D. Euphemiam reliquis præponitur, inde Archipresbyter, inde Episcopus Placentinus; denique Papiensis etiam renuntiatur: & jam illa olim omnibus supplex manus anulo vestitur, caput omnibus apertum mitra regitur, docta que egestas purpurâ involvitur. Sed tamen memor fortunæ veteris, dum vixit, quinos semper mensæ pauperes adhibuit, totidemque cum magistro suo Musarum clientes, & septem egentes viros nobiles aluit. Atque hi fecere, ut licet virgo FVLCO, pater tamen obiret. *Ex Ferrar.*

Erige animum: Tribulatio vires non opprimat, ad-
versa

versa sæculi patientia superet : pompam mundi securamens despiciat : actio tua ad ea, quæ Dei sunt, se occupet : considera quàm nihil sit, quidquid sine concluditur.
S. Greg. Registr. l. ii. c. 23.

S. ELESBAAN CONF. 27. Octobris.

Non erubescant reges in regem ELESBAANVM intueri, & ex ejus vultu, Æthiopis licet, mores tamen suos componere. Bellum illi grave erat cum rege altero Dunaano Judaicæ superstitioni addicto. Causæ & Deo fidens, purpuram quidem pugnaturus exiit, cæterum ingentes animos induit : quos majores etiam Anachoretæ, nescio quis illi fecit, cum, ut sibi DD. Martyrum præsidia (optimas utique auxiliares copias) accerferet, persuasit. His frētus cum in aciem descendisset, etsi initio laborare hæc videretur, pugna tamen ad extremum venit, auspiciatissimo D. Gabrielis nomine velut militari tessera tertium in aëre conclamato. Adhæc Superi Dunaanum hostem ita deludere, ut veluti fascinator catenâ aureâ, & se & amicos illigatos venienti ELESBAANO objiceret : quos quidem victoriæ hi : sacrificaturus eodem ferro omnes immolavit. Sed nunc triumphum spectata Lector. Hunc ecce, triumphali coronâ Hierosolymam missâ, ELESBAANVS faccum non togam palmatam indutus, & solus obscurâ nocte in montem proximum ducit; casam, non Capitolium subit; vota victor vovet numquam inde egrediendi; jamque triumphales epulas pane nudo, herbis ac fontanâ continuat, nulli hominum visus, uni sibi & Superis notus. Nihil hæc ad meos triumphos, ait Romulus. Sed sic triumphantem calum applausit. *Ex Metaphr.*

Laqueus

Laqueus est in auro, viscus in argento, nexus in pradio, clavus est in amore. Dum aurum petimus, strangulamur; dum argentum querimus, in visco ejus haeremus; dum pradium invadimus, alligamur; quin etiam mulieris decus dum tentat, astringit. Ambros. de Bono mortis cap. 5.

SS. SIMON & JUDAS APOSTOLI.

28. Octobris.

Vbi primum debellandum sibi orbem Apostoli sumpserunt, aliis aliò moventibus, SIMON in Ægyptum, JUDAS verò THADDÆVS frater SIMONIS in Mesopotamiam expeditionem adornavit. Subactis iis provinciis, in Perside copias junxerunt, missâque iterum sub jugum CHRISTI innumerâ multitudine; demum uno eodemque tempore de morte ambo fratres triumpharunt. quod spectaculum ne Romæ quidē toties triumphanti obtigit. Porro JUDAS dudum antè regem Edossæ adiit Abagarum (is est qui olim Christum, cum in vivis adhuc ageret, per amicas literas in regni societatem evocavit) telam ferens, in quâ vultum sui quàm simillimum Servator expresse-
rat: munus profectò etsi ipsum artificem suum non referret, ab artificis certè manu quàm maxime commendandum. Hoc ubi cubiculo decumbentis regis fuit illatum, locum ilicò omnem inusitatâ luce complevit, mox aspectu suo Abagarum à morbo recreavit, tactu verò persanavit etiam. In sacris undis cum omni aulâ suâ ablutus imaginem conspicuo loco venerandâ proposuit, ipse epigraphen, literis auro viventibus, in hunc sensum adjecit: *Spes nulli unquam imponit, quam quis in se Christe ponit.* Rectè, ait, Dei effigiem in honore

honore Abagarus habuit. Tecum sentio. Sed nego illos hodie rectè facere, qui vivos Dei vultus, animos inquam, perturpare per summam injuriam non vetentur. *Ex Constant. Porphy. Hieron.*

Quia presentia gaudia sequuntur aeterna lamenta; hic vanam letitiam fugite, si illic flere formidatis: nemo enim potest & hic gaudere cum seculo, & illis regnare cum Christo. S. Greg. II. homil. in Euang.

S. NARCISSUS EPISC. 29. Octobris.

FLorere sibi videbatur Hierosolyma, cum NARCISSVM haberet Pontificem odore virtutis charissimum patriæ & acceptissimum. Sed ex tam pulchro flore pessima aranea invidia venenum sibi suxit. Terni & ex mendaciis compositi cives in innocentiam conspirarunt, & sanctissimam viri famam foedissimi criminis delatione contaminare sunt aggressi; utque ruitura mendacia perjurio fulcirent, si fallerent, poenas ipsi sibi iudices rei dictarunt, & primus ignes, alter morbum foedum, ultimus oculorum orbitatem imprecatu est, omnes à Cælitibus non surdis audiendi. Etenim etsi perfidiæ etiam juratæ nemo crederet, testisque maximus & unus omnium instar NARCISSI ipse esset NARCISSVS; execratus tamen hic vel suspicionem facinoris subduxit se, & silvarum exilio innocentem se damnavit. Mox tamen aliam in adversarios sententiam cælum pronuntiavit. Primus enim ille cum omni familiâ igne tectis nescio unde illapso exustus facem, ut innocentia pateret urbi, accendit. Alter horrido morbo obsessus, uti à capite ad calcem usque sancti nihil, ita nihil sani habuit. Interea dum vindicem DEVM tuentur, timuere sibi oculi tertii testis,

stis, & sceleris pœnitundine hic ductus, publicâ confessione perfidiam & lacrimis damnavit, sed tot ac tantis, quibus oculi effluerent, mitissimâ vindictâ, quòd simul noxam eluerent. Ita cæli patrocínio defensus muneri suo ac loco est restitutus, vixitque NARCISSVS, quàm diu nullus flos alius vivit, c. & VI. annos. *Ex Euseb. l. 6.*

Tu quis es, qui tam improbè, tam manifestè, tam proeaciter servo detrahis alieno? noli fratris tui reprehensibilia acta detegere, sed potiùs edicito tua. Redi ad te, & discute te, judica te & in staterâ humilitatis appende. S. Laur. Justin. de Vit. solit. c. 4.

S. ERMELINDIS V. 29. Octobris.

Eodem tempore thalamum ERMELINDIS & DEVS & DEI numquam non rivalis mundus ambivere. Sed exhorruit rectè infamem procum virgo, & duodennis sponsum sibi pulcherrimum è filiis hominum CHRISTVM legit, candidũ eundem & rubicundum. At stultissima parentum vota generum mundum malebant; eamque ob rem, pro potestate, cogere filiam ad nuptias parabant. Hic verò illa generoso ausu virginem professâ capillos suos ipsa rescidit, hisque veluti vinculis jam expedita, mundo ne nuberet, excessit mundo. Insecuti tamen castissima vestigia sunt gemini fratres, iidemque Veneris mancipia. Horum alter cum suam DEO sponsam etiam è templo raptum iret, monita ERMELINDIS à Tutelari Angelo suo, pudori fugâ iterum consuluit, solaque deinceps vixit. Sed quid dico sola? quando cælo Paranymphe adfuere, castissimosque inter Hymenæos ad sponsum suum abduxere. Neque verò mortuam etiam latere sponsam suam hic voluit. Cælestes iterum

Z

iterum cantus splendorque, sed præcipuè odor suavissimus mortalibus immortalem ERMELINDEM prodidère. Cur, nisi ut in odorem castitatis etiam tu curreres Mariane? *Ex Molano & Surio.*

Hac recordatio magna tibi debet esse instructio: quoniam pro magno diligere non debet, quidquid sine concluditur. Illa petenda, illa summoperè diligenda sunt, quæ nec inventa transeunt, nec adepta deficiunt. S. Greg. l. 7. Regist. c. 54.

SS. ZENOBIUS & ZENOBIA.

30. Octobris.

ADeste hereditæ filii, & dilapidare (neque enim hoc jam vetabimus) patrimonia vestra à ZENOBIO nostro discite. Iste ubi hereditatem paternam adiit, totam hanc in pauperes & agros intra non multos dies effudit. Quid frontem contrahitis tam subito avari? an rectius poterat sua locare quàm cælo, quò, quidquid accipiunt, fidæ pauperum manus ferunt? Sed & viventis etiamnum manum munificam remunerare Deo placuit, quando arte medicandi tantâ imbuit, ut vel ad tactum ejus omnes passim morbi fugerent, ac deinde in patriâ urbe Ægis pontificali pedo, palmâ denique gloriosâ ornâvit. Hanc ille scilicet Lysæ Proconsuli inter omnia tormenta victor extorsit. Et fortè ab equuleo pendens cassas tyranni minas despiciebat, cum ZENOBII etiam soror ZENOBIA accurrit, & verò ex eodẽ tam forti sanguine se prægnatam jactitans sociam germano se junxit. Lysias utrumque in ferreum lectum injici & subjici ignem jussit. Sed hunc cælum mitiore rore facile temperavit. In fornacem succensam posthæc abjecti iterum flammæ triumpharunt,
Superis

Superis acclamantibus; & certos esse beatitatis jubentibus. Meruere ergo laurum, quâ ut coronarentur, capita securi submiserunt. *Ex Metaphr.*

Ante hos est Christus; ante nos braviū ejus: ad hunc dirige oculos tuos, averte à spectaculis, averte ab omni seculari pompa: serva eos, ut erigas melioribus: erige ad calur; specta mare, terram circumspice, ut opere facta divino omnis creatura te pascat. S. Ambrosius in Psal. 118.

S. WOLFGANGUS EPISC.

31. Octobris.

S Tellam parturire sibi mater VVOLFANGI videbatur. Non fefellit. VVOLFANGVM peperit, fidus, à quo omnis Bojaria illustrem se fatetur. Natalium splendori jam inde à puero majorem lucem à bonis artibus, maximam deinde à virtute accendit. Hæc cum inter Herciniæ silvæ Ascetas aliquamdiu latuisset, suis tandem se radiis prodidit, & præluere Bojis Ratisponæ jussa est. Agnovere in Præsule suo vitæ magistrū omnium ordinum homines. Virgines præcipuè Deo dicatæ, quas ille à vitæ, ad quam nunc etiam pronum est deficere, licentiâ, ad sanctiorem disciplinam facile omnes revocavit. Postea in desertos montes aufugit, struxitque sacellum miraculis etiamnum inclytum. Sed non potuit oculos effugere stella tam nobilis. Retractus VVOLFANGVS post longam absentiam pulchrius jam Ratisponensibus velut post tenebras luxit. Illud minimè tacendum. Henricum Bavarum postea Augustum educasse, illique Imperium tum in vitâ, tum à morte suâ prædixisse: nam ferunt Henrico dormienti VVOLFANGVM adstitisse, & parieti gemina hæc

332 VITA SANCTORVM. 31. Octob.
verba (Post sex) inscripisse : expectatum illum
mortem primò in sextum diem , pòst in sextum
mensẽ , tum in annum sextum expectasse , sed
tunc pro morte Imperium scilicet adiisse. At
VVOLFGANGVM, cùm assem omnem suum in fra-
tres (ut ipse vocabat) pauperes partitus esset, cæ-
lum ex ipso templo D. Othmari, qui & Episcopa-
tus illi & mortis vates fuit, ad se rapuit. Nec in-
juriam terræ fecit, suum abstulit, stellam tulit.
Ex Surio.

*Hora exitus nostri semper est intuenda ; ista Redem-
ptoris nostri admonitio ante mentis oculos semper po-
nenda, quã ait, Vigilate, quia nescitis diem neque ho-
ram. S. Greg. Hom. de x. Virg.*



N O V E M B E R.

F. O M N I U M S A N C T O R U M.

1. Novembris.

IN nuce Iliadem, in pagellâ, inquam, omnes Sanctos tenes. Cæterum quæ festo huic diei origo fuerit, lubet denarrare. Et principio id constat, cum Deos jam Romani plures ferè quàm homines numerarent, fanum exædificasse, in quo totus Deorum Dearumque grex stabularetur, & hoc ipsum ex re Pantheon dixisse. At anno, postquam Dii omnes uni cessere Deo, nono supra sexcentesium, Bonifacius IV. PP. vacuum à dæmonibus locum lustrare aggressus, rectius hunc VIRGINI MATRI & Divis Martyribus sacrum voluit esse. In eam rem xxviii. Divorum ossibus onustos currus cum triumpho, quàm potuit splendidissimo, induxit, simul ut ille ipse dies festus Romæ sanctusque esset, imperavit. Idem postea sub annum Christianum octingentesimum trigesimum quintum Greg. IV. per Occidentem sanxit, eam potissimum ob causam, ut, quando, tum ob numerum innumerum, tum quòd viro- rum sanctorum pars longè maxima cælo, non item terris nota est, non potest Ecclesia singulis diem donare, certè omnes uno die veneretur. Atque hæc sunt diei hujus festa exordia. Tu, si sapi- sis, numerum auge Beatorum. Nam ex omnibus Divis nisi tu etiam aliquando unus es, heu! nullus es. Ex Baron. & Mart. Rom.

Veneremur Sanctos, quibus traditum est triumphale regnum, judiciaria sedes, Angelorum consortium, cor-

Z 3

porum

porum immortalitas, beata visio, Christi conformitas, stellarum claritas, secunda mansio, grata societas, jucunda fruitio, & divini luminis sempiterna comprehensio.
S. Laurent. Justin. serm. de Omn. SS.

S. CÆSARIUS MART. I. Novembris.

PRæferebat jam penè ipsi Romæ sese urbs Anxur, quòd, quem semel illa omni ævo Curtium ostentarat, ipsa quotannis exhiberet Italiæ. Nimirum vidisses Kalendis Januariis lectissimum quemque è juventute equo & armis conspicuum pro salute Reipubl. è sublimi monte in undas ire præcipitem, eoque facto nomen apud cives patris patriæ promereri. Et verò sceleris hujus irritamenta scelera erant alia, quæ sex aut octo totos menses inter omnem luxum & petulantiam impunè piaculares ejuscemodi hostiæ perpetrabant. Enimverò cum ei spectaculo interesset CÆSARIUS ex Africâ redux, palam facti atrocitatem verbis castigavit. *Insaniam esse, urbem, ne olim pereat, in flore suo facere perire, & ut servantur cives mali, optimum quemque ex his occidere. quid hoc aliud esse, nisi orco victimas sceleribus saginare, & sceleribus velle Superos demereri?* At non ita sentire dux superstitionis Firminus, cujus impulsu Leontius vir consularis tri-duanâ fame vexatum CÆSARIUM ante currum ad Apollinis templum egit, nudum illum, sed paratissimum sic ad luctum. Et victum se fassus est Apollo precibus Divi, cum templo & sacrificulo Firmino in terram dejectus sepultusque. Sed & Leontius post annum carcerem & inedia athleta Christi succubuit, priorque CÆSARIO pro fide mortuus est, qui demum culco infusus cum Sacerdote Juliano in mare demersus est (ut ipse piè jactabat)

jaçtabat) & natus cælo & denatus. Certè haud paulò rectiùs pro patriâ mori Juventam docuit. Ex Lippeloo.

Quid tibi cum carne & sanguine, qui divinam in te gestas imaginem? quid tibi cum mundo & vitiis, qui ad hoc conditus es, ut calum conscendas, atque cum Angelicis spiritibus beatâ Dei visione fruaris? S. Laur. Justin. de Cont. mundi c. 21.

COMMEMORATIO FIDELIUM DEFUNCTORVM. 2. Novembris.

Pictas lacrimas, Mariane, oculis tuis objicimus, ut his oratoribus tibi exprimamus veras, & quibus opem non fictæ calamitati feras, nec jam pictos extinguas ignes. Id porrò quàm meritò facias, ex annalibus D. Dominici disce. Numeravit hic inter alumnos suos duos præ cæteris pietati deditos, Bertrandum alterum, alterum Benedictum. Ille pro peccantibus, hic pro luentibus in flammâ piaculari peccata multùm sollicitus, preces ac sacrificia quisque in suos congerenda credebat. Et pugnabat Benedictus magnis rationum momentis, & ajebat, illos, si modò velint, rebus suis abundè posse consulere, ore suo orare, manu suâ avertere iram Numinis posse; hos verò, ut qui manu carerent, utique auxiliari alterius egere. Contrà contendebat Bertrandus tam hos suæ salutis, quàm alteros illos, nî à præcipitio abducerentur, interitûs certos esse. itaque gravius periclitantibus succurrendum. Et perstitisset in hâc sententiâ, nisi ex purganti igne anima una omniû legatione functa, terrore suo sub noctē insequentem, patrocinium suum & sociarum ita persuasisset, ut jam nemo alius pro his ad aram frequentius

porum immortalitas, beata visio, Christi conformitas, stellarum claritas, secunda mansio, grata societas, jucunda fruitio, & divini luminis sempiterna comprehensio.
S. Laurent. Justin. serm. de Omn. SS.

S. CÆSARIUS MART. I. Novembris.

PRæferebat jam penè ipsi Romæ sese urbs Anxur, quòd, quem semel illa omni ævo Curtium ostentarat, ipsa quotannis exhiberet Italiæ. Nimirum vidisses Kalendis Januariis lectissimum quemque è juventute equo & armis conspicuum pro salute Reipubl. è sublimi monte in undas ire præcipitem, eoque facto nomen apud cives patris patriæ promereri. Et verò sceleris hujus irritamenta scelera erant alia, quæ sex aut octo totos menses inter omnem luxum & petulantiam impunè piaculares ejuscemodi hostiæ perpetrabant. Enimverò cum ei spectaculo interesset CÆSARIUS ex Africâ redux, palàm facti atrocitatem verbis castigavit. *Insaniam esse, urbem, ne olim pereat, in flore suo facere perire, & ut servantur cives mali, optimum quemque ex his occidere. quid hoc aliud esse, nisi orco victimas sceleribus saginare, & sceleribus velle Superos demereri?* At non ita sentire dux superstitionis Firminus, cujus impulsu Leontius vir consularis tri-duanâ fame vexatum CÆSARIUM ante currum ad Apollinis templum egit, nudum illum, sed paratissimum sic ad luctum. Et victum se fassus est Apollo precibus Divi, cum templo & sacrificulo Firmino in terram dejectus sepultusque. Sed & Leontius post annum carcerem & inedia[m] athleta Christi succubuit, priorque CÆSARIO pro fide mortuus est, qui demum culco infusus cum Sacerdote Juliano in mare demersus est (ut ipse piè jactabat)

jaçtabat) & natus cælo & denatus. Certè haud paulò rectius pro patriâ mori Juventam docuit. *Ex Lippeloo.*

Quid tibi cum carne & sanguine, qui divinam in te gestas imaginem? quid tibi cum mundo & vitiis, qui ad hoc conditus es, ut cælum conscendas, atque cum Angelicis spiritibus beatâ Dei visione fruaris? S. Laur. Justin. de Cont. mundi c. 21.

COMMEMORATIO FIDELIUM

DEFUNCTORVM. 2. Novembris.

Pictas lacrimas, Mariane, oculis tuis objicimus, ut his oratoribus tibi exprimamus veras, & quibus opem non fictæ calamitati feras, nec jam pictos extinguas ignes. Id porrò quàm meritorè facias, ex annalibus D. Dominici disce. Numeravit hic inter alumnos suos duos præ cæteris pietati deditos, Bertrandum alterum, alterum Benedictum. Ille pro peccantibus, hic pro luentibus in flammâ piaculari peccata multùm sollicitus, preces ac sacrificia quisque in suos congerenda credebat. Et pugnabat Benedictus magnis rationum momentis, & ajebat, illos, si modò velint, rebus suis abundè posse consulere, ore suo orare, manu suâ avertere iram Numinis posse; hos verò, ut qui manu carerent, utique auxiliari alterius egere. Contrà contendebat Bertrandus tam hos suæ salutis, quàm alteros illos, nî à præcipitio abducerentur, interitûs certos esse. itaque gravius periclitantibus succurrendum. Et perstitisset in hac sententiâ, nisi ex purganti igne anima una omniû legatione functa, terrore suo sub noctē insequentem, patrocinium suum & sociarum ita persuasisset, ut jam nemo alius pro his ad aram frequentius

Bertrando oraret. Et profectò si sapimus, vicina incendia, & nobis quoque jam jam impendentia, communi operâ sopimus, hoc est, cilicio opprimimus, precibus avertimus, flagris fugamus, gemitibus diffamus, oculorumque imbre extinguimus vindices ignes. Quin quisquis fila manu tenes, & globos *Virgini* sacros, tenere te funem puta, quo ex inferno carcere ascendere hodie ad cælum animas facias.

O fratres mei, qui modò modicam febrem, vel modicum quemcumque dolorem non potestis pati, quid facietis, quantum dolebitis, quantum plorabitis illo incendio inflammati, & totaliter à poenis absorpti? S. Bonav. serm. I. de S. Laur.

S. EUSTOCHIUM V. 2. Novembris.

FUIT EYSTOCHIVM nobilissimæ & D. Hieronymo laudatissimæ matronæ filia, ejusdemque virtutis ex asse heres. Degebat illa sub patrui Hymetii tutelâ, certa nulli nisi Agno nubere, eamque ob rem animi potius mundo, quàm corporis studens, & hoc pulchrior, quò negligentior sui. At Hymetius alia omnia animo volvens, ut quàm pulcherrimè posset ornata virginem ad nuptias nobilissimis juvenibus vendicaret, eam curam conjugii Prætextatæ mandat. Hæc igitur EYSTOCHIO vestes induere, ad elegantiam sæculi factas, faciem fuco tingere, frontem & aures gemmis pingere, crines ferro & igne fingere, denique totam ad lascivam venustatem componere. Sed in tam pulchrâ EYSTOCHIO nihil jam cælo placuit, præter lacrimas, quibus naufragium timens virginitas quotidie innatabat. Periclitanti tamen succurrit Angelus bonus, & in somnis ad
Prætex-

Prætextatam, Nimirum, ait, egregia cognati sanguinis lena, mundo conciliabis DEO desponsam? DEVM nauseas generum habere, terra filium quaris? ex fronte virginis palestram Veneris facis? ex oculis Cupidini muscipulas struis? ex capillis laqueos nectis amantibus? At non impune hæc facies. Iam enim, ut abstinere à lenociniis manus discant, arescet manus: jam domum Christus EVSTOCHIVM, te orcus ducet: si porrò neptem DEO invides, certè morti conjugem liberosque non eripies. Atque hæc omnia evenisse ordine Hieron. affirmat. ô Superi! quid ad nostræ elegantiam ætatis dicitis; quando puellæ viros induunt, & (quod turpius longè est) calamistrati viri (phui) in puellas degenerant? S. Hieron.

Conditor Angelorum dum in præsepio vagiens reclinatur, non ostrò, sed vilibus legitur panniculis involutus. Erubescat ergo terrena superbia & arrogantia redempti hominis, ubi erumpentibus radiis exorti coruscat humilitas Redemptoris. S. Petr. Dam. l. 6. Epist. 14.

S. VVENEFRIDA V. M. 3. Novembris.

WENEFRIDAM nobile è Britannia Nympham CHRISTO Benvocus vir famâ sanctimonie id ætatis longè maximâ despondit. Nec abnuebant parentes in tam amplas spes filiam dare; sed obstabat Cadocus regis Alani filius, ausus castissimam & cælo datam fidem tentare, cum sola virgo domi ageret. Illa verecundata aliquamdiu tam inornatam se deprehensam, in cubiculum abiit velut mundum inde muliebrem petitura, reverà ad asylon (templum) properatura. At Amor tam magnus tyrannus quàm parvus puer pingitur, alas Cadoco insequenti suas præbuit. Hic prehensam virginem & reluctantem ense obtruncat. Et ecce

& virtutis & sceleris præmia. Ad sanguinis fontem fons alter aquæ limpidissimus exsiliit, suasque undas ita etiam hodie sociat, ut tamen ripam sanguine castissimo pictam numquam abluat, muscusque odorem virtutis semper spiret. Porro Ben-vocus Martyris caput ad latronem asportavit, ut in eo velut speculo facinus suum & videret & fleret. Cæcum morti in eo loco devovit, & VVENEFRIDAM, juncto cum corpusculo capite, vitæ reddidit. Et Cadoci quidem ajunt etiam corpus disparuisse, (Orco nimirum cum animâ tumulandum) VVENEFRIDAM verò in virtute tam doctam virginibus cæteris VVitheriaci magistram datam fuisse; illic miris multis illustrem ultimò concubiâ nocte ab ipso Christo sponso ad nuptias evocatam abiisse. Ad has quid nî Mariani etiam vos itis? Ite, & si vox virgo vobis est, Hymenæum (licet) canite. *Ex Surio.*

Quid sit mundana dignitas & honor, apparet in pulvere; potestas & gloria cognoscitur in cinere; lascivia autē incontinentium & petulantia demergentur in barathri carcere. S. Laur. Justin. Ligni vitæ c. 5.

S. MILUS EP. MART. 4. Novembris.

MILVS Persa cogitabat stipendia sub rege facere. Sed cælum sibi auctoratum ad sua signa compulit, postquàm horrido viso objecto, ostendit quàm malè ad tyrannum mundum fugitivi homines à DEO transiremus, etsi tot stigmatibus, quot beneficiis ab hoc notati. Nec diu Christo militavit, cum Pont. inauguratus ordines inter Christianos cœpit ducere. Sed non tam multæ gravesque illi cum hoste, quàm cum domesticis pugnae fuerunt: quamvis quæ pastore noluerunt, perierunt

perierunt deinde oves, urbe & vitâ amissâ; quod ipsum bonâ fide illis, sed non sine lacrimis MILVS vaticinatus est. Alteri etiam Episcopo impendentem è cælo vindictam prædixit; cumque ille non audiret, verborum tonitrua fulmen excepit, & surdas aures correxit. Virum principem gravi ægritudine decumbentem, ad motis non manibus, sed precibus absens curavit. His atque aliis adduxit longè plurimos, in Christi leges ut jurarent; sed non regem etiam, qui multis suppliciis excruciatum MILVM ferro devovit, & carnificis munus cum fratre divisit. Hos quoque semianimis Divus ad properantem Nemelin jussit cavere. Nec nisi diem hæc abfuit. Postridie enim, dum ambo cervum fugientem jaculo insequuntur, ambo exerant, sed mutuis se vulneribus fratres conficiunt. I, seram cæli vindictam memora, quando cervo & jaculo ocyor venit. *Ex Menais.*

Quidquid aliis accidit, tibi accidere potest: quia homo es; homo de humo, limus de limo; de terrâ es, & de terrâ vivis, & in terram revertêris, quando veniet dies ultima, quæ subito veniet, & forsitan hodie erit.
S. Bern. in Medit.

S. CAROLUS BORROMÆUS.

4. Novembris.

ERubescant, puto, ad CAROLI purpuram omnes purpurati. Reditus Ecclesiasticos, nec ab illustrissimo parente aliter quam in pauperum usus verti patiebatur. Galero & infulâ insignis Parochorum vitam ipse inspicere, ipse morbidas ocellulas curare, ipse pro suggestu his acclamare, ipse Sacramentis pascere. Quid hîc illi animarum pastores, qui suum numquam numerant, quin neque

noverunt gregem? Atqui ille, quæ diximus, tunc fecit, cum provinciam dira lues famesque popularetur, quando, ut Christum operiret, parietes aulæis, se lectulo etiam nudavit. Pestem supplicationibus avertit ad DD. pulvinaria institutis, in quibus ipse nudus pedes, funeque in collum injecto, crucem prætulit, & in hâc clavum ex illis unum, è quo nobilissimum olim anathéma Servator pependit. Porro authoritati Ecclesiæ vitam posthabuit; & suam purpuram suo iterum sanguine pinxisset, nisi globus Divum jussus ferire à tergo ad pedes delapsus esset. Puer, cum alii ludos, ipse VIRGINIS templa obibat. Præter Horas Canonicas, etiam Marianas quotidie dixit, & dici à domesticis voluit. Sub MARIÆ nomine collegium adolescentulis nobilibus extruxit. MARIÆ statuam ante omnium templorum portas posuit. Hujus icone armari omnes milites suos voluit, forti utique clypeo. Mitto cætera, hoc addo: alios purpura, CAROLVS purpuram ornavit. *Ex vitâ.*

O si consideraremus, quis sit Deus iste, qui nos dignatur aspicere, cui tam gratum est, quidquid pro salute animarum sit, quàm avidè & promptè curreremus omnes, dicentes, Domine, Ecce ego, mitto me! S. Car. Bertom. Concion. 4. in Syn. xi. habitâ.

S. JOANNICIUS C. 4. Novembris.

Quid aula confers, si sanctius in caulâ vivimus? Dum gregem pascit, ovis est JOANNICIVS; dum ejectus a fortunâ latus jam Isaurici Leonis stipat, in lupum abit, & rabiosâ hæresi correptus tristè terris & cælo ululat. Exi, ah! aulâ exi, JOANNICI, si exire errore gestis. Audit talia monentem Anachoretam: sequitur vocem, ab aulæ

aulæ frequentiam ad silvæ solitudinem invitantem, jamque inter aulicas larvas etiam hæresin abjicit. Agnoverunt itaque iterum & amarunt JOANNICVM suum Superi, cumque invidia illi venenum misceret, fraudem detexerunt. Ille preces veteres frequentavit: *Spes mea Deus Pater, asylon Christus, scutum Spiritus est.* Certè unica crux & panoplia & panchrestum JOANNICIO fuit. Hæc ille cum gregem suum circumscripsit ad preces abiturus, nihil umquam ex illo desiderabat; hæc morbos pellebat, serpentes exarmabat, rumpebat vincula, medios hostium cuneos penetrabat, ipsos malos dæmones fugabat. Ipse tamen fugere non erubuit, cum in impuras cogitationes pugnandum fuit. Quin, cum è virgine sacrâ has proscripsisset, sed iisdem se obsessum animadverteret, ita ab his abhorruit; ut non dubitaret rectâ ad draconem tendere, prædamque se illi (si Nûmini placuisset) devorandam objicere. Et profectò, si sapit juvenis, non ita ad flammantes draconis oculos, non sibilos iratos, & dentatos rictus, uti ad aspectus Veneris molles, ad verba mellea, & arridentia oscula exhorrescet. *Ex Metaphr.*

Luxuriam mortem anima ille evadere poterit, qui ipsius occasiones fugit, principiis tentationis resistit, carnis desideria frangit, corporis abhorret otium, corporis resolutionem recogitat, & præcipuè cordis humilitatem possidere conatur. S. Laurent. Justinian. lib. i. de Spirit. interitu animæ.

S. EMERICUS CONF. 4. Novembris.

PATER EMERICO D. Stephanus fuit Ungariæ rex. Matrem in terris Gisellam, D. Henrici Imperatoris sororem, in cælis MARIAM salutavit,

cui natum unicè semper pater commendaverat. Atantis parentibus minimè degener EMERICVS, non dies modò, sed quas juvenus somno aut voluptatibus, hoc est, somniis, dare amat noctes, precibus pius vigil transcripsit, non priùs ab aurorâ deprehensus, quàm omnia Vatis Jessæi carmina decurrisset, & post singula intercalare osculum terræ fixisset. Oculos habuit tam puros, ut ipse animorum occulta sensa perspiceret. Nam jussus à pâtre salutem ferre viris Deo devotis, oscula quidem in omnes amicissima dispensavit, aliis tamen plura atque aliis tulit, non neminem etiam septies dissuaviatus. Caussam deinde rogatus, oscula sua meritis singulorum respondere affirmavit; qui plurima tulisset, eum virginem ad id ætatis animum gestare, mille etiam osculis dignum. Ipse cum vocem audisset cælo allapsam, nihil præ virginitate Superis arridere, quàm mox Deo DEIQUE MATRI florem suum dicavit. nec ipsam priùs admisit, quàm suum & ipsa cælo despondisset. Et placuere ita hi Numini, ut abstinere jam non potuerit manum, sed ex his EMERICVM beatâ morte decerptum in sua rosaria transtulerit. Eò enim ferri Eusebius Episcopus vidit. Invide tu quisquis adhuc cum vento, cum æstu, cum hieme luctaris flos virgo. Marcescis, si te cælum non carpit, & marcescentem manu scilicet VIRGO abjicit. Ex Surio.

Duo sunt amores; mundi, & Dei: si mundi amor in te habitat, non est, quâ intret amor Dei. recedat amor Mundi, & habitat Dei; melior accipiat locum. amabas mundum? noli amare mundum; cum exhausseris cor amore terreno, hauries divinum. S. August. Tract. 2. in Epist. S. Joan.

SS. GA-

SS. GALATION & EPISTEME MM.

5. Novembris.

Nulli æquè flores cælo. arident, ut animi virginis lilia, maximè quæ ex thalamo surgunt, hoc utique pulchriora, quo rariora. Vides hodie tamen hæc in GALATIONE & EPISTEME, quibus castissimum thalamum virginitas stravit, verecundia ornavit, mors defendit. Et GALATIONEM quidem matri sterili, si Christo adhæreret, spondit Anachoreta, firmavitque pactū in somnis visus in cruce Christus. Liberata utrimque fides, & filio hereditatem parens uterque Fidem, sponsam verò EPISTEMEN reliquit formâ singulari & omnibus virtutibus dotatam. Hæc cælesti ostento, nec uno, instructa cum virginum beatos choros esset intuita, facilè virginitatem etiam in conjugio coluit. GALATIONE exinde inter monachos abdito, ipsa inter virgines velatas vixit, abducta que per visum cum marito in cælestia palatia, jussa que coronam sperare, etiam ad sanguinem Deo litandum animum erexit. Etenim eunte ad tribunal impium GALATIONE, pari passu virum mulier secuta, negavit rectè facere conjugem, si sine conjuge ad coronam aspiraret, quam nuper utrique cælum promississet. Et verò hanc non minus sponsæ quam sponso deberi. Itaque cum, ut in lecto casto, ita etiam tormentis omnibus socia esset, post corpus virgis concisum, post infixas sub unguis spinas, linguâ primò & pedibus manibusque, post capite etiam sunt truncati, felicissimi conjuges & sine filiis morituri, nisi hoc, in quos omnia bona sparserant, pauperes negarent. *Ex Metaphr.*

Beatus,

Beatus, qui sacra Virginitatis hortum conclusum, fontemque signatum Christo Domino inviolabiliter consecravit. Ipse procul dubio in aeterno sponsi convivio, unâ cum B. Mariâ Virgine Virginis Matre, Reginâque Virginum Agnum sequetur, quocumque verit. S. Laurent. Justin. de Regim. Prælat. c. 8.

S. MALACHIAS EP. 5. Novembris.

A Desturba literaria, & si placet, euntem ad ludum puerulum MALACHIAM comitare. Vides ex viâ subsistentem, & passis brachiis identidem non Apollini sed Numini supplicem? O plures sic ad scholas itarent, ut plures inde Malachiæ redirent! Nunc unicum laudamus, qui Sacerdotio à Musis donatus sororem è piacularibus flammis facto sacrificio exemit, mox patriæ (Hiberniæ) Episcopatum tulit. Verum uti honor artes alit, ita invidiam provocat. Capiti MALACHIÆ plures insidias posuerunt, ut ipsius infulâ suum tegerent caput. Sed cælum pro virtute pugnavit. Nam dum MALACHIAS ad asylon templum confugit, tempestas omnes ejus hostes fulminavit, lacerosque eorum artus hinc inde stipitibus arborum ad cogitati parricidii infamiam suspendit. Sed & mulier, quæ linguam in Divum armaverat, putrescere hanc sensit, ut oris virulentam infamiam graveolentia proderet. Alios oculorum orbitas, ferrum alios ignesque & dæmon malus sunt ulti. Ita omnibus periculis subductum caput in tutas latebras Claram Vallem tulit, & ut securum jam esset, cucullo abdidit. Morienti oculos clausit D. Bernardus, quem quia præconem laudû etiam suarum habere meruit, non jam Achilli Homerum puto invidabit. *Ex S. Bern.*

Beatus,

Beatus , qui se ab omni maculâ purum atque integrum servat, ut cum fiducia in domum suam recipiat Regem gloria ; qui cum reverentiâ ac tremore ad sacrosancta mysteria Servatoris accedit , seq̃ vitam eternam suscipere non ignorat. S. Ephrem in Beatitud.

S. ANDREAS FUNDANUS EP.

6. Novembris.

RECTÈ dixit, qui dixit primum ad lapsum gradum esse, occasionem non fugere. Id si homines inficias ire velint, ecce mali dæmones ultrò fatebuntur. ANDREAS omnibus virtutibus, sed castitatis laude inprimis clarus feminam domi suæ, privatus primum, post Fundanus etiam Episcopus, habebat ipsam quoque DEO devotam. O, ut fumo semper ignis est proximus ! Ibat Romam ex Campaniâ Hebræus nescio quis : deprehensus à tenebris ad Apollinis fanum divertit, & intempestâ nocte in senatum cum regulo suo frequentes coire orci principes videt. Hic dum rem benè gestam singuli gloriantur, & alii alia facinora sibi quisque palmaria clamant ; insolentior cæteris unus aliquis, & multum nequitiâ suâ superbus, jactat id tandem magno molimine se effecisse, ut ANDREAS Præsul mulierculæ tergum molliter destingeret. Enimverò acclamatum ab omnibus est ; & factum id multis Pluto laudavit, veluti que jam de victo ANDREA triumphus de retus est tenebrioni. Sub ea in discedentium oculos Judæus incurrit ; sed quòd aliena arma, Crucem, more Christiano objecisset, tantum risere hominem, testam probè signatam, cæterà inanem dictitantes. Nempe hic rectà ad ANDREAM, qui Hebræo Christianis, & fano D. ANDRÆ Apost. trāscriptis, domo

domo abhinc omnes omnino mulieres proscriptæ. Audite hæc aris devota pectora. Feminae apud vos si exulaverint, ab exilio castitas redibit. Ex D. Gregor.

Ne sub eodem cum mulieribus tecto mansites, nec in præteritâ castitate confidas, Nec sanctior Davide, nec Samsonè fortior, nec Salomone potes esse sapientior; memento semper, quòd Paradisi colonum de possessione suâ mulier ejecerit. S. Hieron. Epist. 2.

S. ENGELBERTUS EPISC. M.

7. Novembris.

CUnas, vitam, mortem, omnia in ENGELBERTO præclara reperio, & digna infulâ Coloniensi, quam ille, uti & libertatem Ecclesiæ, etiam contra cognatum sanguinem (audiant utinam hæc illi, qui Christi patrimonia sua putant, & in suos effundunt!) toto pectore propugnavit, ipsique adeò vitæ antehabuit. Neque enim alia ulla fuit causa Friderico Isenburgensi Comiti, & patrono ENGELBERTI, cur sub annum millesimum, ducentesium & vigesimum quintum, immissis sicariis ex itinere nepotem obtruncaret, parricidio tot sceleribus, quot vulneribus pleno, quæ quadraginta & septem erant. Nec verò minus piè, quàm fortiter est mortuus ENGELBERTVS. Nam, ut taceam VIRGINEM solemni omnibus diebus Mercurii jejuniis cultam, monitus per literas de insidiis, animum quidem confessione purgavit & lacrimis expiavit, cæterum ut ne hostem proderet, igni literas damnavit. Fridericum deinde, cum jam parturiret ultimum scelus, hospitio non semel cum suis excepit, neque comitem habere viæ abhorruit, utque malus Genius ex ore

ore alieno palam, fassus est, moriens Christo Christi verbis pro hostibus suis supplicavit, facultatem ob id nactus mira (quæ innumera sunt) patrandi. Sub idem ferè tempus lunæ geminam alteram lunam cœnobita vidit gladio insignem, non dubitaret orbis, sideribus novum sidus ENGELBERTVM additum. Ex Surio.

Optimum vindictæ genus est, culpam agnoscere, & humanitatis beneficia non negare; mala pati, & stillicidia gratiæ communicare. Hoc superna Deitatis opus est, quæ quotidie innumerabiliter injuriis laceffitur, & sustinet; blasphematur, & non irascitur. S. Laur. Justin. de Casto connub. c. 18.

S. GODEFRIDUS EP. 8. Novembris.

COepit GODEFRIDVS in tempore (quinquennis utpote) ad sanctitatem inter cœnobitas con-
niti, Musis juxta & pietate succollantibus. Anno ætatis xxvi. Abbas, inde Pont. Ambianensis, mirum est quàm benignum se miseris exhibuerit, tredecim quotidie de his epulo solitus excipere, ablutis suâ manu eorum pedibus; nihil utique alienum à summâ dignitate existimans, facere, quod prior Pont. Max. Christus fecisset. Et fortè bene magnum, & qui culinæ unicus superabat, piscem inde ipse asportaverat, donum leprosis stipem rogantibus. Ei rei cum absens tunc succenseret postea œconomus, illud modò respondit GODEFRIDVS: *Etiam atque etiam videret, illène abundaret, an pauper Christus esuriret, rectiùs?* Et verò ut hunc regeret, non dubitavit suis laciniis summâ hieme se spoliare, & mendicabulum his ditare, ipse contra frigora hâc unâ charitate satis armatus. Jam clementiæ in subditos illud sit argumentum,

mentum, quòd ad tyrannum, quem ob scelera templo proscripserat, per maxima itinera exaltatus contendit, & ad facinorum detestationem reum supplex in genua Judex invitavit: quin tunc etiam contumacem nihilominus captivum postea in libertatem asseruit. Quòd tamen cives Ambianenses monita ejus vel negligerent, vel contemnerent etiam, igneos urbi exercitus imminere vidit, interitum hujus, ut D. FIRMINUS GODEFRIDO vaticinatus est, portendentes, qui non multò post reapse delapsis cælo flammis est insecutus. Nos, ne cælo Deus ignes, oculis lacrimas rectè pluemus. *Ex Surio.*

Sit am sollicitè corporalis fugitur mors, ut nemo mori velit, quantum fugi debet eterna? Si momentanea rationabiliter sunt evitanda tormenta, qua finem habent, quo animo fugienda sunt omni sine carentia? S. Laur. Justin. c. 17. de Contemptu mundi.

MEMORIA CRUCIFIXI BERYTENS.

9. Novembris.

Nimirum facilè CHRISTO cum Carpo hodie credemus, velle illum iteratò pro nobis mori, si modò vivere nos velimus. Berytus civitas est Tyro & Sidoni contermina. In hac sub annum DCCCLXV. habitare inter spinas lilia, hoc est inter Hebræos Christianos, vidisses. Et fortè Christianus ædibus suis Judæo cessit, aliòque migravit, oblitus secum ferre nobilissimam & ab omnibus retro majoribus acceptam hereditatem CHRISTI imaginem cruci suffixam, opus ab artifice manu ipsius Nicodemi commendandum. Spectasses in nepotibus suis antiquos Servatoris hostes, & non jam odii simulachrum, sed ipsissimum

mum veteris impietatis bellum. Iterum Christus vincula fert, & captivus triumphatur, agitur, raptatur. Iterum sputa volant, alapæ insonant, flagra crepant, spinæ se armant, clavi malleiq; intonant. Iterum fel, & felle suo acerbior lingua sævit. Denique (ô cæli patientiam!) iterum pectus ferro impio petitur; atque, ut ne aberrasse existimes, iterum fons geminus sanguinis & undæ fluit. Hic omnium morborum medicus febres pellere, lepram abstergere, claudos in pedes erigere, ipsis denique sceleris auctoribus oculos ita aperire, ut tam cæci nuper fidei tunc lumen aspicerent, miraculo hoc gratiore, quòd urbs tot jam Longinos, quot paulò antè Judæos numeraret. *Ex actis Nicenæ Syn. II.*

Cùm ponis oculos tuos, ut non respicias calum: & voluptuosis carnis tuæ motibus moveris, durioribus clavis pedes Omnipotentis transverberans illi infers supplicium, dum momentaneâ voluptate voluntatem dominantis excludis. S. Pet. Dam. serm. 38.

S. THEOCTISTA V. 10. Novembris.

REctius hoc die Lesbos THEOCTISTAM, quàm Rolim Sappho suam laudat. Apage decimam Musam, quæ virgo non est. At quam scribimus, THEOCTISTA, inter virgines sacras à primis annis educata virginitatem etiam ipsa spirat, gratissimum odorem illi, cui odoratum mundus non abstulit. Et potuere THEOCTISTÆ libertatem eripere Arabes prædones, sed non pudorẽ proinde, ut qui numquam expugnatur, nisi ubi à proditore animo habitatur. Itaque cùm vivere inter latrones animorum se videret, in silvas aufugit horridas & metuendas, sed fidas semper virgini latebras.

latebras. Hic ad templi rudera castissima Sacerdos preces cælo facere, corpusculum herbis, animum cæli deliciis pascere. Tandem cum annos vixisset v. supra xxx. & veste jam defluente foliis pudorem tegeter, venatori visa est, pro monstro utique habenda, si vox & virtus non prodidissent. Texit tunc suis vestibus hic, & anno vertente cibo divino recreavit. Sed cum à venatione denuò ad illam viseret, exanimem reperit, & de tam nobilibus exuviis manum sibi dexteram abstulit. Verum cum non nisi restitutâ hâc solvere è portu potuisset, narrassetque miraculum sociis, accurrerunt hi venerabundi, sed nihil quidquam præter virtutis vestigia invenerunt. Dubitarem à quibus ablatum corpus foret castissimum, nisi tumulari virginitatem ab Angelis Catharina doceret. *Ex Metaphr.*

Per humilitatis custodiam servanda est munditia castitatis : si enim spiritus piè sub Deo premitur, caro illicitè super spiritum non levatur : nam si auctorem suum superbiendo contemnit, jure à subjectâ carne prælium suscipit. S. Greg. l. 26. Mor. c. 13.

S. MARTINUS EP. II. Novembris.

EXistimaverat MARTINVS Neophytus etiamnum, mediâ chlamyde suâ medium pauperem utcumque se texisse ; sed insequenti nocte totum eâ se vestisse Christum vidit. Pont. Turo-
nensis Divorū aspectu atq; adeò familiaritate, cæli præsertim Regina, inter Theclæ & Agnetis comitatum, jucundissimè perfruebatur. Bonorum Angelorum manu palàm adjutus, malorum fana & simulacra subruit. Quanti Sacerdotii majestatem faceret, tunc ostendit, cum eam Imperatoriæ
ante-

ante habuit, primumque in epulo poculum præbibens non Imp. Maximo, sed Sacerdoti suo porrexit. Quin ipsam Imperatricem famulam ad mensam habuit, & tum hæc se basilicè vixisse putavit, cum micis, quas reliquas fecit MARTINVS, vesci potuit. Orci præstigiatores, qui Christum ementitus, cætera habitu regio illi se obtulit, ita delusum dimisit, ut diceret, alium nullum Christum se nosse, præter crucifixum. Venienti ad se cum Imp. Valentinianus assurgere negligeret, facere hoc assurgens e sede flamma coëgit. Extremum æger in fugam iterum dæmonem malum egit, uti lubens moriturus, ita ad majores labores, si Numini placeret, porro victurus. Sed placuit huic MARTINVM inter beatarum mentium plausus cantusque ad se evocare. Conditionis tamen suæ memor, non nisi cineri incubans mori voluit. At ex hoc cinere suus cælo Phœnix prodiit. *Ex Sulp.*

Ecce Redemptori minime sufficit, quod in extremo judicio dicturum se perhibuit, Quod fecistis uni de fratribus his meis minimis, mihi fecistis; nisi & ante judicium demonstraret, quæ quisque nunc bona opera indigentibus exhibet, ei hæc specialiter impendi, cujus hæc amore exhibuerit. S. Greg. hom. 39.

S. CUNIBERTUS EP. 12. Novembris.

Vtrumque CUNIBERTVS, & quæ adolescens rapere in se oculos possit, & quid amare oculi in adolescente debeant, docebit. Nam si e pulchro corpore gratior venit virtus, gratissima e CUNIBERTO venerit necesse est, adolescentulo, in quo & forma rara, & indoles elegans, & mores suavissimi certamen de palmâ videntur suscepisse.

pisse. Me quidem iudicē his omnibus imperavit ultima in generoso adolescente animi demissio, quā nobilissimus æqualium suorum flosculus ad infima etiam obsequia descendere non erubuit, neque jam aut calceos purgare, aut purgatos inducere aliis abhorruit. Talis facilē regis Dagoberti (cujus inter ephebos agebat) oculos cepit, tunc præsertim, cū dormienti cælum inusitatā luce advigilare perspexit. Nam post hoc ipsorum Superūm testimonium non potuit quin castissimē amplexatus dulcissimeque deosculatus CUNIBERTVM in filium rex adoptaret. Sed ambivit nobiliorem hereditatem cæli capax animulus, mundoque valere jussu, Deo & aris se addixit. Ab his ad Pontificatū Coloniensem evectus est, bonis utique avibus, quando sacrificantis caput ambire candidissima ē cælo columba visa est. Obiit cæli delictum, & amor civium, anno DCLXIII. & amare se vicissim hos mortuus ostendit, cū grassantem urbe ignem, & jam D. Petri basilicam expugnantem, pressit domuitque. Neque mirum hoc nobis videtur; majores & Veneris flammās puer jam vicit. *Ex Surio.*

His qui ex Deo sunt, omni te obedientiā & humilitate substerne, ut, qui in te Christum querunt, Christum invenient, & in mansuetudine, quam exterius viderint, auctorem mansuetudinis in tua mentis solio præsiderē deprehendant. S. Pet. Dam. l. 6. Epist. 30.

S. MAXELLENDIS V. M. 13. Novembris.

Supra & sexum & ætatem MAXELLENDIS Cameracensis virguncula sapuit, crepundia rata, quidquid magnum orbis oculis ostentat, & generoso fastidio omnia terræ nauseans, uni cælo arri-

arridens. Quid, quòd necdum viro, sed cælo tamen matura se lubens volens huic despondit? Itaque serò nimis postea filiam in manus dare Hartuino juveni nobili & prædiviti parentes constituerunt. Noctem enim illa pro consultatione cum petiisset, ei que qui optima suaderet, Tutularis Angelus intervenisset, in eam denique sententiam virgo animus ivit, ne detrimenti quidquam virginitas caperet, omnia & agere & pati, quin vitam potius ipsam quam pactam Christo fidem prodigere. Nec multò post, duce pessimo amore, bellum movit virginitati Hartuinus, & cum absentibus parentibus ædes castissimas expugnasset, prodite ab ancillulâ MAXELLENDI, & è latebris protractæ, ubi florem non potuit, vitam abstulit. Verum, ut videret sub quo stipendio mereret, oculos eo ipso in loco amisit, nec nisi post tertium annum, quando ad tumbam virginis veniam sceleris rogavit, recepit, reapse id edoctus, quòd nequaquam Poëtæ mentiantur, tyrannum esse Amorem & cæcum. *Ex Surio.*

Hæc nostra Christianitatis summa est, ut amantibus vicissitudinem, ledentibus patientiam rependamus: qui ergo fuerit patientior ad injuriam, potentior constituitur in regno. Non enim ad imperium calorum pervenitur superbiâ & divitiis, sed humilitate, pauperie, lenitate. S. Maxim. serm. de S. Mich.

S. HOMOBONUS CONF. 13. Novembris.

FECIT HOMOBONUS nomini vitam respondere. Neque adeò huic rei conjugium, quo implicatus fuit, neque mercatura, quam exercuit, obstitit. Quin tum demum non sterilem se putavit, cum patrem illum miseri appellarent; tum lucrum

554 se fecisse, cum iis, qui neque unde persolvant, habent, pauperibus rem credidisset. Multum illi eam ob rem uxor negotii faceffivit. Sed huic identidem ille occinebat: neminem umquam quantumvis prodigum in egenos ad incitas redactum esse; plus dando accipi, quam dari: tutissimum ærarium esse, pauperum sinum: quod his detur, non donum sed mutuum esse: quantum dissolvere Superi differant, tantum fœnoris ad crescere: & quædemum mercatura lucrosior possit esse, quam nummo cælum emere? Probavit hoc studium Numen, cum canistrum non magnum portentosam panum copiam, fons etiam merum dispensatori ministravit. Adhæc positum in more habuit, concubiâ nocte templum precandi causâ petere, quod clausum aliquoties cum reperisset, nobiles illi Atrienses Cælites aperuerunt. Ille numquam non vel ad magnæ MATRIS vel FILII effigiem cernuus jacuit, pulchrâ vicissitudine, nunc ab ubere, nunc à vulnere ebrius. Certè ad CHRISTI in crucem suffixi pedes in templo vitam posuit; cum illa Angelorum verba (*Gloria in excelsis DEO*) homines canerent. Sed ille hæc suavius cani ab ipsis Angelis scivit. *Ex Surio.*

Nihil est dignius, quam ut homo sit sui auctoris imitator, & secundum modum propriae facultatis, divini sit operis exsecutor: nam cum aluntur esurientes, & vestiuntur nudi, nonne auxilium Dei manus explet ministri, & benignitas servi munus est Domini?
S. Leo serm. de Quadrag.

S. LAURENTIUS EP. 14. Novembris.

Parentem LAURENTII nostri fuisse ajunt Mauritium inter Hybernæ procures latissimè imperantem.

perantem. Ob id cum oculi Regi Dermicio dolerent, Mauritius fidei suæ obsidem in filio, quem natu minimum & charissimum habuit, animum dedit. Et poterat suavissima pueruli indoles barbarum licet cujusvis pectus expugnare. Unus Dermicius rex gratulatus sibi est, quod ægrè denique patri in filio posset facere. Quare innocentissimam animulam vinciri jubet, & in insulam desertam asportari, squalore & sordibus reo utique quàm obsidi similiorem. Subjecit ea res justas iræ faces Mauritio, ut è satellitio regio duodenos etiam ipse victos abduceret morituro filio, nisi in tempore hic redderetur, omnes uni parentaturos. Mitius proin habitus, & in sacrorum hominum sinu eductus Abbas Glindalacensibus, tum Dublinensibus Archiepis. datus, denique à Pont. ad omnem Hyberniam legatus est. Ergo omnium primò mores Canonorum in pejus prolapsos ad Majorum regulam correxit, sui etiam severissimus censor. Nam corpus cilicio vestivit, & ter quotidie flagellari à familiari scrvulo voluit, carneque sibi, quoad vixit, interdixit. Interim ex egentibus numquam pauciores triginta quotidie convivas habuit, satis ipse jucundissimo hoc oculorum epulo pastus. Ultimò dum pacem pacisci inter Henricum Anglorum & Deriogum Hybernorum reges laborat, ab hoc Hyberniâ proscribitur, & in Nortmanniâ moritur. reperit in exilio patriam. *Ex Lippeloo.*

Multi simplices & humiles calos penetrant, nullus verò arrogans, quamvis artium liberalium polleat scientiâ, ad caeleste admittetur convivium, tantoq; gravioribus cruciabitur pœnis, quanto nequius donum Dei tractaverit. S. Laur. Justin. de Casto connub. c. 14.

SSS. SAMONAS, GURIAS & ABIBUS MM.

15. Novembris.

Triumpharunt tergemini Heroës isti Edessæ. Alii multa eorum miracula, nos unum narrabimus. Erat Edessæ matrona vidua Sophia, & huic filia Euphemia; illam virtus, hanc etiam formæ gratia commendabat. Sed & miles præfidarius Gothus erat, qui oculis puellæ captus eodem matrem perpulit, ut barbarum socerum quàm hostem mallet. Prius tamen jurare sibi hunc ad Martyrum nostrorū tumbam conceptis verbis voluit, eo loco habiturum se novam nuptam, quo socii thori fides juberet. Facile jurare militi fuit. Ergo in Italiam abducit Euphemia, non dominam, ut ipsa rebatur, sed servam planè, ut qui domi conjugem pridem habebat. Huic insuper forma tam liberalis in ancillâ minimè placebat. Multò maximè libertus ex eâ natus displicebat. Itaque dolorem vultu & imperiis vindicat, partum veneno tollit. At Euphemia reliquias hujus ab ore filioli legit, meroque miscens novercam infantis Manibus inferias mittit. Ipsa utrique parentatura, tumulo hujus à cognatis includitur. Sed adfuere tandem fidejussores GURIAS, SAMONAS & ABIBUS, & Euphemia somni beneficio transvectam patriæ & parenti reddiderunt. Subinde & Gothus adest; rogatus à Sophiâ de filiâ & nepote, salvum utrumque & ab utroque salutem nuntiat, venturis utique, si gradum militarem gradi vel mulier vel infans potuisset. Verum perfidiæ à productâ ex adytis Euphemiâ convictus capite pœnas dedit, & occidit ecce puer Amor, cui ingens Mars pepercit. *Ex Metaphr.*

Quid

Quid potest tibi mundus conferre sine JESU? Esse sine JESU gravis est infernus; & esse cum JESU dulcis paradisus. Qui invenit JESUM, invenit thesaurum bonum, imò bonum super omne bonum; & qui perdit JESUM, perdit nimis multum, & plus quàm totum mundum. Thom. de Kemp. l. 2.

B. ALBERTUS MAGNUS.

16. Novembris.

ALBERTVM, quem nobis Lawinga Suevorum dedit, MAGNUM fecit VIRGO MAGNA, in cujus clientelam parvulus se dedit. Atque hæc adspectabilis ALBERTO, monuit ad D. Dominici castra transfiret. Ivit ALBERTVS; verùm quòd indolem ad studia tardiozem attulisset, penè stationem suam tiro deseruit. Jam fugam paranti & scalas admoventi cæli scala VIRGO iterum se objecit, utque animos ALBERTO faceret, jussit inter omnes & sacras & humanas scientias ejus optionem facere, quæ maximè animo arrideret. Ille continuò Philosophiam expetiit. Ne tamen sibi hanc ascriberet, repetituram se dona sua olim VIRGO edixit. Itaque ALBERTVS ille nuper omnium risus, per omnium ora nunc volare, Doctorque primùm Hildeshemii, tum Ratisponæ, Lutetiæ deinde Parisiorum, Colonia Agrippinæ, famâ nominis orbem implere. Sed omnia dixero, si D. Thomam unicum sanctioris doctrinæ magistrum, fuisse discipulum ALBERTI dixero, qui infulam Ratisponensem cum primùm potuit cum libris suis mutavit. Sed ecce tibi dum in ultimâ senectâ orbis hoc oraculum responsa fundit, subito deficiente rerum omnium memoriâ, obtruncit, vivumque è scholâ funus discipulorum corona

A a 3

domum

domum cum lacrimis deduxit, quas ille etiam toties fudit, quoties aures MARIAE nomen pulsaret. Porro quotidie abhinc tumultum suum contemplari solitus, inscendit denique hunc anno M. CCXC. Vivit tamen hodie etiam in libris suis, & eruditionis suæ fontes ubera VIRGINIS laudat. *Ex Bavar. S. Raderi.*

Omnes actus nostri Christo socio debent vel teste compleri; ut bona ipso auctore faciamus, mala propter ipsius contubernium declinemus. Erubescit enim mala facere, qui scit Christum se habere participem: Christus enim in bonis adiutor est, in malis noster est conservator. S. Max. in Hom.

S. EDMUNDUS EPISC. 16. Novembris.

A Nglos Gregorius Angelos dixit. Certè EDMUNDVS fuit. Hic nihil antiquius habuit, quàm eos fugere, qui animorum ipsissimi latrones, Pyladen tamen mentiuntur. Et fortè prator solus inambulabat, cùm videt formâ scitissimâ pusionem; capit salutem, redditque. Audit eum esse, qui latus suum in classe, & ubi ubi esset assiduus stiparet. Mox exaratum in fronte JESV nomen legit, & hoc tunc jussus est contra mortem inopinam memoriæ semper infixum ferre. Tam JESV igitur amicus ausus est sponsam MARIAM ambire; quod ut amor facilius impetraret, annulos sibi geminos fabricavit, è quorum gemmâ gemma altera MARIA ab Angelo salutata emicabat; horum altero VIRGINIS digitum, altero suum coronavit. Atque ita quidem ille pulchrè virginitatem suam obsignavit. Ceterum cùm statas sponsæ suæ, & D. Joanni preces percurrere omisisset literis absorptus, ferulam Joannes intentavit

tentavit dormienti. Itaque à mediâ semper nocte AVRORAM MARIAM veneratus, tum demum sacra volumina ante eburneam illius imaginem lectitavit, non nescius ex hujus potissimum uberibus divinæ sapientiæ rivos scaturire. Archiepisc. Cantuariensis factus affirmavit, malle se in ignē, quàm in noxam labi. Exul moriturus, Mi JESU, exclamavit, te testem habeo, te præter nihil umquam expetisse. Hujus vulnera tunc millies est exosculatus, pectus præsertim faucium, in quod etiam vitam expiravit, nobilem ad invidiam tumultum. *Ex vitâ.*

Si publica fama te non damnat, propria te conscientia condemnat; quoniam nemo potest seipsum fugere. Vis numquam esse tristis, BENE VIVE. Bona vita semper gaudium habet; conscientia reorum semper in poenâ est. S. Bern. de Int. dom.

S. GREGORIUS THAUMATURGUS EP.

17. Novembris.

Miracula, quæ GREGORIUS patravit, pagellâ hâc circumscribere, novum foret miraculum. Famam castissimi juvenis traduxerat muliercula; obsessa tamen à dæmone palinodiam cecinit, obsidione non nisi à GREGORIO liberata. Sub initia Pontificatûs magistram VIRGINEM MATREM, VIRGINEMQUE JOANNEM habuit, dignus his discipulus, utpote & ipse Virgo. Caco-dæmoni oracula loquenti silentiū indixit, & fano proscripsit; pòst eidem ab exilio redeundi potestatem per literas fecit. Ut fratres duo, quos lis de paterno lacu disjunxerat, in amicitiam rursus coirent, cedere omnem inde aquam; ut fidem testatam faceret, temploque exædificando locum,

montem aliò ambulare iussit. Iterùm Lyco flumini exundanti moram posuit scipionem suum, qui illicò frondescens ripam umbrâ suâ vestivit. Insequentis se sociumque hostis oculos ita precando fefellit, ut, quos impius quærebat, arbores crederet. Moriturus è suis septemdecim dumtaxat reliquit superstitioni deditos, cum sub adventum suum non plures Christo addictos reperisset. Tumulum cum aliis sibi communem esse voluit, ne, quod vivus numquam fecerat, mortuus proprii quid haberet. Suspiciant alii hæc mira; ego de GREGORIO, quod de Malachia Bernardus, dico: inter multa magnaque miracula, maximum miraculum, quod fecit, ipse fuit. *Ex Gregor. Nyss.*

Si vis utiliter aliquid scire & discere, ama nesciri, & pro nihilo reputari. Hac est altissima & utilissima lectio, sui ipsius vera cognitio & despectio. De se ipso nihil tenere; & de aliis semper bene & altè sentire, magna sapientia est. Thom. de Kemp. lib. I.

S. GREGORIUS TURON. EPISC.

17. Novembris.

ILle est GREGORIUS, cui nomen insula Turo-nensis fecit. Parentes illi è primâ nobilitate, nutrices à teneris annis Musæ fuerunt, quibus vicem ille tam postea rependit, ut nesciam plûsne ille Musis, an Musæ illi debeant. Puer vitam, quam à patre acceperat, bis eidem reddidit, nec sine miraculo, cum medicinam morituro nunc nomen JESU ligno inscriptum, nunc alter Tobias piscis exta adhibuit. Ipse quoties ægrotavit (& ægrotavit sæpiusculè) è cælo medicos, vel D. Eligium vel Martinum habuit, cujus vitam rectè in templorum parietibus, sed multò rectius in animo suo

suo depinxit. Sub noctem VIRGINI sacrā, ædem hujus frequentari ab Angelis cum multo lumine vidit, & portā sponte suā reſeratā ipſe etiam admiſſus eſt. Tam charus cælo, caſtigatus ſcilicet ab hoc non ſemel eſt. Etenim ſomnum dormientis in natalitiā Chriſti nocte Angelus alapā diſcuſſit. Tam non poſſunt ferre Superi Epiſcopum dormientem. Jam ſimul ac lapſus eſt in neſcio quam gloriolæ vanæ cogitationem, equus etiam ipſe lapſus ſub GREGORIO reprehendit GREGORIVM. Itaque in poſterum miracula, quæ plurima patrabat, non ſibi ſed Divorum liſſanis, quæ ferebat, adſcripſit. Congreſſus Romæ cum Gregorio Pontif. cum hic viri ſtaturam (multum animo minor erat) tacitè miraretur, non neſcius arcanarum cogitationum noſter, *Dominus, dixit, fecit nos; non ipſi nos.* Itaque maximi deinceps GREGORIVM ipſe etiam Magnus Gregorius fecit. Ex Surio.

Tres virtutes ſunt, quæ pueris adoleſcentibus magis congruunt, Verecundia, Faciturnitas & Obedientia. Non eſt autem dubium, ſi has ſtuduerint habere, quin poſſint, Chriſto duce, ad culmen perfectionis, quæ virtutum aſcendere. S. Bern. l. de Ord. vitæ.

SS. ROMANUS & BARULA MM.

18. Novembris.

PArabat anno Servatoris ccc i. Aſclepiades Procoſ. exſcindere templum Chriſtianorum Antiochiæ. Huic nimirum ROMANVS ſeſe oppoſuit, & dictis ſuis animos ſociis unicus addidit. Nunc demum pugnandum pro Aris cogitarent. Hoſtem utique eſſe Aſclepiadem patriæ, qui huic DEVM ereptum iret. Pulchrum fore, ut aras defenderent, cadere ad aras litaturos. In quamcumque demum partem alea caderet

A a 5

pugna,

pugna, victores Christianos futuros. Captus igitur velut seditiosus ROMANVS, & ex equuleo suspensus, cum plumbatis cæderetur, ferreum se præbuit. Quin causæ optimæ fidens, ausus est ad teneræ ætatis testimonium provocare. Audiret vel ex hâc judex, Deûmne unum an dæmonas tot colere præstaret? Et ecce evocatus BARVLA infans penè non minùs fortiter quàm facundè pro DEO & ROMANO dixit, dictaque sua flagris & ipse concisus sanguine firmavit. Sic enim verò peroranti filio suo acclamavit è turbâ mater fortissima, quin inter tormenta sitibundum objurgavit etiam, quòd aquam rogaret, quando Superi sanguinem ipsius sitirent. Inde ad supplicii locum & dux & bajula filii caput abscissum & sanguinem, dulci urnâ, sinu excepit. At ROMANVM ad ignes damnatum patrocicante cælo imber absolvit. Quin linguâ orbatus innocentiam suam tamen priùs loqui non desit, quàm strangulatis faucibus vox intercepta est. Sed & hujus Echo cum plausu cælo excepta. *Ex Prud. & Chrysost.*

Quid illi grave videri poterit, qui semper mente tractat quàm non sint condignæ passionibus hujus temporis ad futuram gloriam? quid concupiscere poterit in seculo nequam, cujus oculus semper videt bona Domini in terra viventium? S. Bern. serm. 4. de Ascens.

S. ODO ABBAS. 18. Novembris.

Officio suo fungi patres à patre Odonis discant. Unicum & vix natum filiolum è cunis inter brachia in cælum sustulit, divo què Martino & sacris devovit. Dixisses assensum infantem, ita non tam lac maternum, quàm erga Martinum amorem suxit, qui scilicet cum puero deinde crevit,

vit, dum literis excultus inter Canonicos Turo-
nenses est cooptatus. Sed cum tunc etiam vanis
poëtarum (& Virgilii præcipuè) commentis plus
quàm piis commentationibus vacaret, per som-
num vas vidit cumprimis elegans, sed serpenti-
bus plenum. Monuit scilicet iterum cælum, quod
ipse Maro, anguem ut juvenus caveat in herbâ
latentem, dum fraga legit. Noster deinceps pre-
cibus ad D. Martini noctes invigilavit: quò sæpius
euntem cum ex itinere vulpes infestarent, mirum
dictu suppetias contra has lupus tulit, idē deinde
ODONIS hospes, ædiumque non ridiculus jam
custos. Sub hæc dum Lutetiæ Parisiorum amplius
literis operam navat, ab ipso Greg. Pont. noctu
calamum dono accipere visus est, quo magni
Doctoris Moralia, ut ajunt, sparsa omnibus libris
in unum corpus colligeret. Jam monachus labo-
ravir tam diu, quoad monachum etiam pater, ma-
ter velum indueret inter vîrgines. Abbas Gignia-
censis, mox Cluniacensis miranda & fecit & pas-
sus est, dum collapsam monasteriorum discipli-
nam erexit. Ad extremum æger Romæ impetra-
vit, ut redire in patriam liceret. Ibi denique vi-
tam posuit ubi accepit, ad D. Martini tumulum.
Ex Surio.

*Vis scire, homo, quid Deo debeas? quòd factus es,
Dei creditum est; quòd es rationis capax, Dei scœnus
est; quòd discretionem mali bonive possides, accepisti;
& quòd vivendi normam acceperis, per chirographum
legis stipulanti Deo spondesti. S. Pet. Chrys. l. 94.*

S. PATROCLUS CONF. 19. Novembris.

GENUS & origo PATROCLUS humilis fuit, sed
indoles nã generosa, quæ tum se prodidit,

cū rus ad oves est ablegata, fratre Antonio ad ludum literarium amandato. Etenim cū hic oblitus eodem ovo se prodatum, fratrem opinionem averfaretur Musarum pullus, tam ille succensuit silvis, ut relicto in his Pane ad Apollinis castra etiam ipse transfugerit, nec multò post ostenderit, non ingenio, non studio se fratri, solo fastu cedere. Ita hodie etiam videas convitiis (veluti ventis incendia) non extingui, sed ali artes. Cæterum ab Apolline transiit ad sacra, ab his ad solitarium locum: & operam in erudiendâ juventute posuit, fuitque omne Minerval *una Dei gloria*. Inde quoque, ubi solum esse non permiserunt prodigia, in silvas aufugit, cū loci ac facelli heredes sacras virgines instituisset. Sed & silvæ miraculis coruscarunt viri, & dæmon pulsus ex hominibus passim per urbes famam PATROCLI ferebat. Pulsurus tamen vicissim statione suâ hostem veterator, cogitationem de reditu ad urbes ingessit. Hic Tutelaris Angelus conscendere secum columnam jussit, indeque totam mundi tragœdiam, hoc est, furta, rapinas, adulteria, ac denique horum omnium epilogum interitū jussit spectare. Dedit lacrimas arbiter ludi PATROCLYS, nec placuit jam spectare, minis agere fabulam tam funestam; quin totus mundo ut exiret, ad cælum abiit. A morte pluribus cæcis oculos aperuit: utinam nobis etiam, quò nempe mundum iis, quibus ille, oculis aspiceremus! *Ex Suvio.*

O pravaricatores revertimini ad cor, intelligite non intelligentes, quia omnes mundi promissiones seductoria sunt, omnes blanditiæ venena, cuncta delectationes pocula mortalia, viaque illius sempiterna mors. S. Laur. Justin. Ligi. vit. de Fide c. i.

S. ELI-

S. ELISABETHA VIDUA. 19. Novemb.

A Ge superbe, qui deficiente animo ELISABETHAM ad Servatoris Christi effigiem vides, audi etiam quæ dolor intus loquitur. *Nimirum me terra pulvisculum purpura involvit, tu, mi Christe, heu! nudus meam erubescis vicem. Mihi corona auro & gemmis, tibi spinis & sentibus riget. Ego pulvinaria calco, tu locum capiti circumspicis, nec, eheu! invenis. Me aula serviitia vallant, te soli hostes stipant. I, purpura; rectius sanguis me Sponsi pinget. Ite gemma; nobiliores sub cruce legam. Abi gravis aurea corona; rosas è spinis nectam. Tollite pulvillulos; crux, Sponsa erit lectulus. Secedito amicorum cohors; dolores me rectius ambient.* Hæc inquam tantum apud ELISABETHAM potuere, ut jam se ipsa superbior omnem pedibus mundum subderet, totamque miserorum se servitiis addiceret. Ergo igitur extructo quàm amplissimo xenodochio, ingentis familiaris mater nongentis quotidie victum ipsa ministrare, aquam capiti pedibusque affundere, sordes abstergere, ipsa adeò foedissima ulcera nobilissimis osculis honorare. quid? quòd conjuge è vivis erepto, arce pulsa omnes injurias ipsamque famem forti animo concoxit, damnatisque regibus fufis pulchriora sibi ipsa è cælo nevit. Interea apud Deum omnia potuit, & matrem exemit è piacularibus flammis, juvenem verò nuper ab impuris ignibus ardentem sanctioribus cæli amoribus tantum non emori fecit. Morienti ut alias sæpè Christus adstitit, & accinuere Cælitès aviculam induti. Bonis igitur avibus è vitâ abiit.

Ex Iacobo Montano.

Si desideras Deum videre sublimem, humilem primum

JESVM videre curato : intueri prius exaltatum serpentem in deserto , si videre desideras Regem in solio residentem. Ista te humiliet visio, ut illa exaltet humilitatum: reprimat ista tumorem tuum, ut illa repleat desiderium tuum. S. Bern. serm. I. de verb. Isaia.

S. DASIVS MART. 20. Novembris.

ID quod palàm hodie , & sine larvâ dæmon facit, hoc jam olim fecit Saturnum mentitus. Voraverat hic plus quàm inhumanâ ingluvie filios suos , & viscera sua in viscera crudeli dente congelerat. Scilicet divinitatem hæc impietas meruit, cui deinceps orbis puerorum sanguine ac morte litaret. Et tenuit hic mos non unam aetatem, atque Christiana sæcula etiam infamiâ suâ aspersit. Ita Dorostorum urbs scelere, quod nec, qui alluit illam, Ister satis eluet , annis singulis ipsum juventæ florem principemque infando sacrificio immolabat. Ut verò eò pulchrius hoc adornaret , xxx. omnino dies omnibus deliciis victimam infelicem saginavit , utque splendidius periret, purpurâ auroque induit, sic inter risus potius quàm gemitus morituram. Atque hæc fors cum **DASIVM** formæ omnis compendium nominasset, invitatus scilicet ad patriâ sacra, palàm directavit non mortem, sed causam mortis. Nam qui Saturno noluit, rectè Christo victima procubuit. Exhorrescitis, scio, parentes infanda hæc sacra : at quid aliud paratis , quàm orco victimam, cum filios voluptatibus frangitis , vestium luxu corrumpitis , & in patriæ conspectu indulgenti amplexu perimitis , ipsissimi & heu ! inter medios Christianos, Saturni? Quàm rectius, filios Christo, cum hic parvulos ad se vocat, non negaretis?

retis? Ex Menais & Menolog.

Homo redi ad Deum sic amatus à Deo, & ad illius gloriam da totum te, qui se totum propter te ad suam deduxit injuriam: & voca patrem fidens, quem tanto amore tuum probas, sentis, intelligis esse genitorem.
S. Pet. Chrys. serm. 70.

S. EDMUNDUS MART. 20. Novembris.

ALter EDMUNDVS rex est; altera Angliæ gloria. Hic anno DCCC. LXX. cum Jugar Daniæ rex, vastitate Angliæ ingenti illatâ, misisset, qui regias gazas veluti suæ jam victoriæ præmia, nî totas mallet amittere, dividere secum juberet, fortiter respondit. *Nulla se latronibus stipendia numerare solitum: liberum se & regem meminisse, neq; aliter, cum vires starent, partiurum divitias suas, quàm ferro fuisse. Nunc post lacerum regni corpus quid capiti parceret? plebeio sanguine huc usque ebrium rectius regium hausturum. Tum denique se extincto totam hereditatem adiret. Inter spolia Numinis iram etiam, & vindictam reperturum.* His in majores jam iras versus Jugar captum non regiis catenis oneravit; flagris deinde servilem in modum acceptum, scopum esse militum sagittis jussit; demum caput auferri, aliter à cælo jam coronandum. Porro hoc feris in pabulum inter dumeta abjectum præclarus jam denique custos lupo tutatus est, & cum caput suâ voce se quærentibus prodidisset, etiam funus mœsto ululatu prosecutus scribitur. Tyranno in lupo abeunte, lupo in hominem rediisse dixisses. Sed & caput corpori suo redditum integrumque à tabo longè post repertum ajunt; quin barbæ capitisque pilos succrescentes quotannis detonsos esse. Et dubitabimus porro
virtutem

virtutem etiam post mortem vivere? *Ex Surio.*

Sicut Christi milites, deposita corporis animæque torpore, virtutum procedamus ad campum: dedimus corpori annum, demus animæ dies: impendimus nobis tempora, tempus deputemus auctori. vivamus DEO paululū, qui seculo viximus totum. S. Pet. Chryss. 12.

PRÆSENTATIO B. Mariæ V.

21. Novembris.

HEus! ad spectaculum hodiernum omnes vos in orbe parentes voco, liberos omnes. Ne dubitate oculos adferre, cum, ut hos pascant, effundere se cælo, & convolare Superos videam, videam arridere, acclamare audiam. Ecce TRIMULA VIRGVNCVLA, Judææ delictum, patris & matris amor, spes familiæ unica, unica fessæ ætatis virga, hæc inquam talis ac tanta, è parentum sinu & brachiis non ad Veneris alicujus gynæceum, non ad nuptias, quas cunis promittere amant patres; sed ad castissima vota, ad templi adyta deproperat, evolatque ad aram, ipsa mox templum, ipsa Numinis ara futura. Assentiuntur interea Joachimus & Anna, & filiæ sibi que plaudunt. Quid hic nostra ætas? Nimirum pereat flos virgineus, ne stirps avita: intereat pudor, ne familia. Lacrimantur Angeli, modò nepotes rideant. Sit vacuum incolis cælum, modò domus non heredibus. Si quid pulchrum in liberis, si quid ingenuum & liberale, aulæ hoc debetur genio, mundi servitio mancipatur & carnis amplexibus. At si quid monstri nascitur, illud demuni, ajunt, in claustra Religiosa (desertas insulas cogita) exportetur. Si quid bardum, blæsum, luscum, claudum, hoc hoc cellâ occultetur, silentio monastico

monastico corrigatur, cucullo abscondatur, togâ involvatur. Deus sibi habeat, quod nemo hominum velit: Christus domum ducat, quas thalamo omnes terræ filii excludunt. Erubescite parentes, & ruborem vestrum in speculo, in vultu Joachimi & Annæ, hodie corrigite.

MARIAM ô fidelis anima imitare. Castis Deo inhare amplexibus, devotionis gemitus emitte, amoris prome carmina, & ignita laudis sacrificium exolve: eris proculdubio pulcherrima turtur eò speciosior, quò frequentius his amoris praludiis inharebis. B. Laur. Justin. in F. Pur. B. M. V.

S. COLUMBANUS CONF. 21. Novemb.

ECce sub pedibus filii triumphatam matrem. Quid oculos avertitis filii molles, si Deus arridet? Nimirum sic pugnandum est, cum mater in filium movet, non jam mater, sed hostis; cum lacrimæ classicū canunt, tela volant verba melle illita, trabales è pectore sagittæ gemitus veniunt, ferreum pectus penetraturi; cum insidias ubera detegunt, & uni tota acies (mater) se opponit. Perrupit tamen COLUMBANVS, & quod Christi militi Hieronymus suavit, per calcatam matrem ad victoriam sibi iter stravit, Religioniq̃ue opima spolia ex parente tulit. Domito cognato hoste, quid mirum si virtuti lupi cesserunt; quos inter duodenos obambulantem COLUMBANVM ovem aurei sæculi putasses: sed & ursus antrum suum cessit fortiori. Unus Theodoricus Galliæ rex monitis piis ausus est resistere, sed suo & posteritatis suæ interitu. Hoc igitur etiam triumphato, dux COLUMBANVS eorum factus est, qui in parentes cælo auctore pugnant.

HIS

His castra ille struxit cœnobia, &, ne commeatu destituerentur, precando nunc crescere in horreis, nunc in manu annonam fecit. Ut verò in obsequio Tirones exerceret, ægros è lectulo surgere & flagellare frumentum iussit. Et verò laboris fructum sanitatem tulerunt. Mitto alia mira, sed non illud; ut subdicere Christo plures animas allaboraret COLVMBANVS, Angelum illi Tutelarem in membranâ orbem (magnum virtutis stadium) ostendisse. Quid, ah! quid nos igitur agimus, quibus non jam unum, sed geminum stadium, geminum inquam orbem, Superi expli-
cant? *Ex Ionâ.*

Navem corporis nostri solvamus à littore mundano, secularis patriæ renunciemus curis, in Crucis arbore tota mentis vela tendamus, virtutum funibus, sapientia remis, gubernaculis disciplina navigii nostri navigamus incessum. S. Pet. Chrys. serm. 8.

S. CÆCILIA V. & M. 22. Novembris.

SI quæris, quod intercontinentibus organis CÆCILIA carmen dederit, illud respondeo, quod unæ, quæ Agnum sequuntur, virgines sciunt modulari. Itaque quo die homini in manus danda erat, nuptialem vestem cilicio astringit, quo nobiliorem virginitas non habet zonam. Noctu sponsum Valerianum monuit, caveret pudori sua manus inferre, cujus longè fortissimum custodem è cælo Angelum haberet. Hunc coràm intueri cum ille percuperet, suavit impuros à superstitione oculos sanctiori prius baptismatis undâ elueret. Eluit, & voti mox compos formosissimum multæque luce vestitum Ephebum vidit: qui sero nobili utrumque coronavit, & precantes miro
odore

odore perfudit. Et fecit hic odor post Christum currere etiam Tiburtium Valeriani germanum, amboque ita in stadio Christiano cucurrerunt, ut bravium Martyres obtinerent. CACILIA è balnearum, quas tyrannus succenderat, flammis pulchrior, tribusque in collo vulneribus velut totidem monilibus ornatior, cum triduum supervixisset, ædesque suas in templum vertisset, Martyrum vestigia velut paranymphorum insistentes, cælum & ipsa petiit, & Agno denique nupsit minime sterilis virgo, ut quæ moriens uno partu Christo cccc. peperit. *Ex Metaphr.*

Sunt plurima, quæ Angelis placent, & eos in nobis invenire delectat; ut est sobrietas, castitas, paupertas voluntaria, crebri in calum gemitus, & orationes cum lacrimis & cordis intentione. Super omnia unitatē & pacem à nobis exigunt Angeli pacis. S. Bern. f. 1. de S. Mich.

S. CLEMENS PAP. M. 23. Novembris.

PRODIIT CLEMENS è D. Petri scholâ: virtutis primò magistri, tum insulæ etiam heres inter Pont. Max. tertius numeratur. In pictatis sub Trajano accusatus, & in exilium ultra Euxinum Pontum deportatus, munere suo nec in eâ quidem fortunâ oblitus est fungi, docuitque bis mille Christianos, quos ad latomias tyrannus damnaverat, præter saxa è terrâ patientiam eruere, ad quam verbis & exemplo erexit, & miraculis firmavit. Etenim cum aquæ dulcis penuriâ laborarent, eamque petere per VI. milliaria cogarentur, CLEMENS è proximo manare copiosam jussit, cum ipse Servator familiarem sibi Agnum indutus dextro pede & omine fontis indicium fecisset. Potrò cum aquâ longè lateque miraculū emanavit.

Et

Et jam ad trecenta milliaria fana Deorum evertebantur, undique sanctis quingenti quotidie tangebantur; cum denique Procol. Aufidius Pontificem anchoræ illigatum in mare præcipitavit. Emicuit tamen ingens animus, & ad portum cæli enatavit. Ad preces deinde Christianorum mare cessit ad tria milliaria, structumque in imo à Calitibus Martyri templum tumulumque è marmore ostendit, iterato quotannis deinceps hoc miraculo: quod auxit puer quandoque à parentibus per errorem illic relictus, annumque totum incolumis servatus. Frustra igitur tyrannus mergere laudes CLEMENTIS mari voluit. Anchoram suam Martyr cælo fixit. *Ex Metaphr.*

Ecce beatus Clemens homo erat similis nobis, & carni suæ eodem vinculo naturalis affectionis inherens; si ergo ille calicem salutaris accepit, quid nos retribuimus Domino pro omnibus, quæ retribuit nobis? eadem certe insignivit imagine, eodẽ sanguine nos redemit. S. Bern. serm. de S. Clem.

S. TRUDO CONF. 23. Novembris.

IN Hasbaniensi agro spinas inter, hoc est, divitias patrias, educatus flosculus TRUDO suffocari tamen minimè potuit. quin caput supra nubes puer tulit, eoque altius, quò profundius in se descendit. Itaque servulis suis inservire dominum TRUDONEM vidisses. Quam virtutem ut tegeret, vilissimos corpori vestiendo pannos iniecit. Porro omnia etiam quæ per ludum egit, egit seriò. Quare cum tumultuario opere & congestis temerè saxis sacellum extruxisset, futuri operis sui hoc typum & votum voluit esse, quod reapse postea in propectâ ætate persolvit. Placuisse & operam

operam & artificem puerum, cælum ostendit, cum mulieri improbæ ædificium ludicrū disturbanti oculos eripuit; quos tamen, ubi primum facinus animo vidit & agnovit, reddidit TRYDO. Egenis tam favebat, ut suas cum illis vestes communes haberet, & ut illos indueret, se his exueret. Talis Angelo bono adhortante patriam fugit, & cælesti disciplinā ampliùs erudiendus concessit ad Tungrensem Episcopum Remaclum. Profectum cælestes in vitā radii, à morte odor & prodigia alia complura prodiderunt. ex quibus illud memorabile in primis est, quòd cognatum, qui contra vota cælo facta in thalamum sponsam induxit, virgā castigavit per somnum, claudumq; reddidit adulterum Amorem patri suo deinceps Vulcano in hoc similem. *Ex Surio.*

Beatus qui puris cordis oculis Deum semper intuetur, quiq; bonis ac honestis colloquiis delectatur, & à pravis ac turpibus, quæ bonos mores corrumpunt, abhorret; quoniam minimè fiet diaboli mancipium. S. Ephrē de Vita spirit.

S. FIRMINA V. & M. 24. Novembris.

ITerum ecce terra astris nubit: iterum dos sanguis virgo, & arrha cælum est: iterum Cælites sunt paranymphī. Nomen si nosse sponsæ cupis, FIRMINA est, Calphurnii Urbi Præfecti filia, & digna tam magnā fortunā; quæ ut amoribus tam castis liberiùs vacaret, deseruit Urbem, & Ameriam habitavit. Sed ubique castitas insidias incurris; una tibi tota vita lucta est. Invidet Christo sponsam suam homo Olympius, cui Ameriæ præfectura tunc erat demandata. ad cœnā & nuptias invitat, renuentē thalamo includit adulter procus.

Quid

Quid ageret captiva Christi nupta? precibus pugnabat; cælum miraculis. Etenim cum Olympius jam in exosa amoris vincula manus stringeret, obriguere eousque hæ, dum castitati victas daret, & Christianam fidem cum totâ familiâ (centum erant & quinquaginta) amplecteretur, cujus pulchritudinem ingens, quod è cælo affulsit, lumen attonitis ostendit. Et jam ecce primus pro castitate & fide Olympius occumbit, ex Christi rivali paranympbus factus, habuitque socium tortorem non absimili miraculo sociatum. Sic præeuntem non invita jam secuta est FIRMINA. Viam flagra stravere verberaque, & quas inter expiravit, facces lateri admotæ. Itaque has etiam rectè nuptiales fuisse dicemus. *Ex Ferrar.*

Melius est habere malorum divortium, quàm consortium; quia sicut bona multa habet laudabilis vita & conversatio sanctorum, sic plurima mala societas affert malorum, quam quicumque tenuerit, continentiam nunquam tenere valebit. S. Laur. Just. Lign. vit. c. 5.

S. MERCURIUS MART. 25. Novembris.

Audete milites: non excludit vos cælum, si quam aliis vim, etiam huic facitis. Fecit MERCURIUS, qui malè Decio primùm, sed benè post Christo militavit. Cum enim in ipsâ acie de Angeli sui Tutelaris manu gladium accepisset, quo hostium benè magnam partem trucidaverat, non moratus est sub illo deinceps mereri, qui optimum stipendium certam victoriam numeraret, quam ille etiam contra Decium reportavit. Quid enim? Superi! quatuor palis alligatus, distractusque, abstrahi tamen ad tyranni partes non potuit. Suspensum è capite saxum ipse pedes suspensus, velut

velut fascem suum generosus miles portavit. Sed neque ignes horruit, & plagas pro Christo etiam averſas adverſas putavit. Exilium velut miſſionē accepit. Caput ſpiculatori velut Imperatori coronandum porrexerit. Illud inprimis memorabile, quòd MERCURI operâ, etiam cùm in cælo jam ageret, VIRGO MATER ſit uſa. Nam ajunt D. Baſilium ante VIRGINIS effigiem Juliani impietatem accuſaſſe, hanc capitis in tyrannum ſententiam dixiſſe, & ad id ablegaſſe MERCURIVM; à quo ille confoſſus hauſtum è vulnere cruorem cum hâc impiâ voce in cælum ejaculatus ſit: *Viciſti Galilee: rem omnem ab abſente tunc Martyris haſtâ & poſtridie cruentâ proditam eſſe. Atque hoc puto etiam Sodalibus aurem vellicabit, quæ ſemper MATER audit, etiam nonnumquam eam judicem eſſe. Ex Baron. & Metaphr.*

Audes aperire os tuum, & in cælum juramenta atque blaſphemias emittere? & non times ne forte falx ignea, quam Propheta vidit, demoretur in domo tua, teque excidat, qui ſic audes aperire os adverſus Deum, in quem Angeli non audent oculos conjicere? S. Ephrem paræn. 43.

S. CATHARINA VIRG. & MART.

25. Novembris.

PAlladem Chriſtianam damus, CATHARINAM inquam, fortiſſimam virginem & ſanctiorum Muſarum digniſſimam Præſidem, non ægide aut haſtâ mendaci, ſed rotâ fractâ & lacteo gladio formoſam. Auſa eſt hæc una ex omni Alexandria Diis ſacrificantem Maximinum interpellare, ſtultitiæque propalàm arguere, quin captiva cum quinquagenis Philoſophis pro Chriſto
in

in arenam descendere. Et facti sunt tot viri à virgine se victos, & in flammis abjecti, manus Deo, & palmam CATHARINÆ dederunt. Illuc CATHARINA etiam Imperatricem, quæ ad victam inviserat, carcerique præfectum Porphyrium cum suis præmisit. Ipsa ultima cum tyranno commissa primas tamen abstulit. Nam carceris tenebras cur non suspexisset, in quibus præsentem illi licuit Christum aspicere? Jam verbera ac plagas facile tulit, cum idem, ut promiserat, robur suppeditaret. Negatum verò undecim ipsos dies cibum potumque etiam contempsit, cum commeatus è cælo suppeteret. Quid? ingeniosam in tormenta rotam, velut melior fortuna calcavit. Denique virum (ut nobilis ævi nostri Poëta ait) credidisses, nisi cum caput ensis abstulit, virginem lac, quod pro sanguine fluxit, prodidisset. Meruit tanta virtus ab Angelis in monte Sinâ tumulari, & è tumulo hodie etiam CATHARINA oleum terris dividit; ut quod de suâ Pallade finxit antiquitas, de nostrâ sine mendacio possimus affirmare. Ex *Metaphr.*

Virgo Christus est, & Virginis filius, & virginem conjugem vult habere. Tu si habes Angelicam (plus dico vobis) Christi Matrisque suæ gratiam, hilaresce, tripudia, & in amplexus Christi gestiens, illud amatorium clama suspirans; Osculetur me osculo oris sui. S. Bern. in Euang. de 10. virg.

S. CONRADUS EP. 26. Novembris.

CONRADVS infulam Constantiensem accepit à D. Udalrico Augustanorum Præsule. Fuit cum uterque cœnam frugalem sanctis de Deo sermocinationibus aspergerent. Et erat is dies Jovi dicatus.

dicatus. jamque protracto ultra mediam noctem colloquio is expiraverat, Venerique cesserat; cum fores nuntius pulsat, admittitur, auditur, & pernæ frusto ab inadvertente donatus dimittitur. Nimirum, agebat ille ad alios, hoc est, in Veneris odium carnem edomare; simul carnem è sinu parabat producere, cum ecce piscem ostentat, jamque pisce suo magis mutus se ipsum damnat. Inambulabant aliàs animi causâ, & cadentes ex alto Rhe- ni aquas arbitrabantur; cum geminas inibi ani- mas volucrum indutas torqueri cognoverunt. Vix pro his ad aram fecerunt, & ad cælos visæ sunt evolare. Ceterum CONRADVS priusquam obiret, GEBHARDO nobili adolescenti sedem suam insidenti vates fuit, seriò id post se facturũ, quod nunc per ludum faceret. Dum ad aram sacrificat, delapsus araneus in calicem se infert. quid face- rer? eodem poculo & vita & mors propinaban- tur. Bibit tamen, & imperterritus à sacris mensæ accumbit. Ibi omnibus admirantibus ex ore ara- neus innoxius exit, meritò pedem efferre jussus à mensâ, quem invocatus intulerat. *Ex Membran. Eccl. Const.*

Opera misericordie, affectus charitatis, sanctitas pietatis, incorruptio castitatis, modestia sobrietatis semper tenenda sunt; sive cum in publico sumus, sive cum in domo, sive ante homines, sive in cubiculo; sive lo- quentes, sive tacentes; sive aliquid agentes, sive va- cantes. S. August.

B. SILVESTER CONF. 26. Novembris.

OCulos & aures advertite omnes Veneris co- lumbi, & quam vos in aliis, in vobis alii de- pereunt faciem, in alienâ cum SILVESTRO con-

templamini. Auximi natus in Piceno vivebat, imò moriebatur SILVESTER, formarum elegantium idem amor atque amator. Fortè sepulchrum vespillones aperuerunt, adolescentis nobilitate & divitiis inclyti, & formâ dum viveret ad miraculum exculti. Hujus spectaculi arbiter SILVESTER, cum occidisse oculorum tam lucidas stellas, defluxisse turpiter aureos illos capillos, turbatam putore illam frontis serenitatem, expirasse illam oris ambrosiam, illum genarû dulcissimum risum, illum denique, quo tota urbs ardebat, ignem omnem in pauculos subsedisse cineres videret; *Heu mihi!* exclamavit, *nisi cum mente sanâ oculos etiam abstulit Venus, in hoc speculo meum video vultum. Video planissimè: Sum, quod hic fuit: & verò ero non multò post, quod hic est.* Verba hæc gemitus interruperunt, lacrimis deinceps loquentibus. Jamque patriâ relictâ solus deflere incepit, quòd cum multis peccaverat. Mox hujus etiam instituti socios invenit, quos undique miraculis accivit tenuitque. Namque, quos flendo ipse corrumpebat oculos, reddidit aliis amissos: quamque bibebat aquam, vinum aliis non semel voluit esse. Denique quid multis? rectè vivere à mortuo didicit. *Ex Ferrar.*

Inclinemus nos, & oculos in sepulchra dejiciamus, & naturæ nostræ mysteria cognoscemus. Confusos ac permixtos ossium acervos & calvarias carnibus exutas intuebimur; hæc intuentes nos ipsos in illis, tamquam in speculo, contemplabimur. S. Ephrem de Vitâ spir.

S. JACOBUS INTERCISUS M.

27. Novembris.

JACOBVS inter procures Persarum facilè princeps, regiùque Isdegerdi unicè charus, ut huic fidem suam probaret, Christo datam abjuravit, communi aulicorum vitio abreptus, qui hodie etià quosvis mores in rege Deos putant, & Deos adorant. At mater conjunxque JACOBI, nobilis utraque & Christiana matrona, non ferendū facinus ratae, literas dignas se ad eundē scripserunt. In his & sinu mater & thalamo conjunx proscribebant. Neque enim mater agnoscere aiebat se filium præter eum, qui suo in vultu patris matrisq; vultum, hoc est, Christianum, ostenderet. Ubera sua si bibisset, spiraturum, quam cum lacte instillasset pietatem. Scire cælo se filium genuisse, non terræ, qui Superis bellum indiceret. Abortum proinde esse, quem nunc Jacobum dicerent, ideoque abjicere hunc sese. At conjunx desperare se de thori socio scribebat, qui ipsam fidem adulterasset; nimirum qui hanc frangere immortalī Deo non dubitasset, mortali servaturum; sanctamque castitatē habiturum, qui Numina Venerem adulteram, qui vagum Amorem coleret? Qui igitur & filium & conjugē exuisset, nomina quoque tam splendida poneret, nec alius dici quàm esse vellet. Habuere momentum literæ, amore dictante & lacrimis suggerentibus, atramentum scriptæ, & recepit meliorem mentem JACOBVS, palamque Christianum iterum se confessus, novem horarū carnificinā, manuum primò pedumque articulis, tum brachiis suisque, ultimò capite truncato, vitam suam nuperum omni sanguine

guine oblitteravit. *Ex Niceph.*

Dignus planè est morte, qui tibi Domine JESU recusat vivere, & mortuus est: & qui tibi non sapit, desipit: & qui curat esse nisi propter te, pro nihilo est, & nihile est: denique quid est homo, nisi quia tu innotuisti ei? S. Bern. serm. 20. in Cant.

SS. BARLAAM & JOSAPHAT CC.

27. Novembris.

ETiam Indis pulchra jam olim fuit juvenus. Princeps hujus memoratur JOSAPHATVS regis Abenneris filius, voluptatibus ab ipsis cunabulis innutritus, & ne, quid miseria humana esset, vel nosse posset, procul ab oculis aliorum, inter omnes illecebras educatus. In tam blando carcere agentem adiit BARLAAMVS Eremita incola gemmarum mangonem præseferens. Certè nobilissimam illi gemmam fidem vendidit. Mox cum deambulatum produxisset cupidum, in homine primum mendico, tum leproso, in decrepito denique sene ad eum diem numquam visis, mundi vultum & ementitum colorem, velut in minimè mendaci speculo ostendit. Laborabat itaque nequidquam parens, vel ad Deos filium, vel ad voluptates iterum abducere. Frustra absente BARLAAMO nescio quis impostor, qui vultum hujus quàm simillimè referebat, alia velle docere aggressus est; cum ita Numine volente palàm pro Christo loqui lingua subdola cogeretur. Frustra & Theodas magus ab orco auxilia evocavit, & regia puella blanditias admovit, cum JOSAPHATVS, ostensis ab Angelo cælitum & inferorum sedibus, pluris orci pœnas, quàm minas, pluris cæli gaudia, quàm carnis fallacias faceret. Tandem in melio-

meliolem sententiam cum patrem etiam abduxisset, hoc mortuo, regnum alteri cessit, & quam inter homines minus poterat, inter feras angelicam vitam, annos v. supra xxx. vixit. Accepit tamen tumultum cum magistro suo in regiâ urbe, cui tunc primum mortuus videbatur, cum ille jam olim fuisset. *Ex Ioan. Damasceno.*

Salutem tuam medicus querit, qui errantem ovem convertit, qui ad malos & bonos vocandos ad bivia misit. Ecce & nunc tibi vendit regnum calorum: si non habes obulum, unde emas, eme gemitu: fragmento panis calorum regnum tibi retribuitur. S. Chrysof. hom. 22. ad pop. Antioch.

S. STEPHANUS MART. 28. Novembris.

STEPHANO huic tempora cognomen Junioris fecerunt. Natus est post votum VIRGINIS imagini, quæ Blachernis colebatur, à matre factum. Monachus non tamen Reipublicæ non profuit. Pugnavit è latebris suis fortissimè in communem Divorum hostem Copronymum; tum præcipuè cum in templum Blachernense (cunas STEPHANI) debacchatus barbarus furor est. Tunc, inquam, STEPHANVS pro Matre & DEI & suâ pugnaturus prodiit, & producto in conspectu tyranni nummo, qui imaginem ejus præ se ferebat, ostendit faciliè augustissimas etiam DEI Divorumque imagines honore debito colendas esse. Igitur insidiis appetitus, & impuritatis à mulierculâ mendaci accusatus, è speluncâ suâ ad tribunal, inde in exilium abducitur. Ibi quoque cum imaginum cultum multis miraculis tueretur, vinctis à tergo manibus in publicos carceres reducitur, sex panis uncias & tres scyphos in hebdomades singulas

las matronā Christianā subministrante. Quòd tamen cæli Saturnalia instare sibi certus esset, hæc etiam vitæ fomenta xi. ante mortem diebus respuit, & cum icones Divorum (tota illi hereditas erant) matronæ illi, de quâ diximus, donasset, obviis hostibus ivit, & post multa ludibria raptatus per urbem, calcibusque passim insultantium pulsatus, tigno denique cæsus oppetiit. Parricidæ carnifex dæmon fuit. Mulierculam lactentes gemini infantes in lecto lacerarunt, ipsi etiam scelerei immortui. Nec verò aliter decebat aut parere aut mori viperam. *Ex Sur. tom. 7.*

Immensus est Deus & infinitus in justitiâ, sicut & in misericordiâ; multus ad ignoscendum, multus ad ulciscendum. Sed misericordia sibi priora vendicat, ut, si voluerimus, districtio non inveniat in quem se viat.
S. Bern. serm. i. de Epiph.

S. RADBODUS EP. 29. Novembris.

Vitas Divorum RADBODVS speculum suum dicere est solitus. In hoc dum oculos suos defixit, alterum nobis speculum vitam ecce suam dedit. Pictatem in Caroli & Ludovici Imperatorum aulâ edoctus est, ipsissimâ virtutis tunc scholâ. Hæc clienti suo insulam Trajectensem peperit, dignissimo omnium calculis, præterquam suo. Submittere tamen eandem ad pauperum pedes, quos quotidie abluebat, non dubitavit, utque oculos & suos & aliorum falleret, ex auro quidem bibit, sed aquam; quam cum libare vellet non nemo, in merum vertit RADBODVS: itaque cavit ne pessimus pocillator gloriola venenum suum virtuti affunderet. Jam Danos, cum dicenti ad concionem obstreperent, diris devovit, quas
illico

illico senserunt peste abrepti. Demum mortem sibi, alteri infulam suam vaticinatus, inter preces, quibus ferè vitam duxit, absolvit vitam, in opem præcipuè D. Martinum vocans, qui morienti adfuisse non vanis argumentis creditur. Illud indubium, ad decumbentem virginum Reginam SS. hinc Theclâ, illinc Agnete stipatam venisse, eam ob causam, uti ipsa ajebat, quòd in precibus suis, RADBODVS numquam non memor VIRGINIS fuisset. Et verò quì matris oblivisci filius posset? certè oblivisci filiorum mater hæc non potest. Ex Surio.

Iustitia per se sibi abundat ad gloriam: spectaculum populi, vulgi laudes, favores hominum, mundi gloriam non requirit: à Deo genita calum spectat, in oculis agit divinis; supernis virtutibus mixta, semper à Deo solo, ut glorificetur, expectat. S. Petr. Chrys. serm. 9.

S. ANDREAS AP. 30. Novembris.

ANDREAM, quo D. Petrus germano gaudebat, tradunt omnium primum Christi scholæ nomen dedisse; arcanorum magistri inter paucos omnium conscium, quam hauserat doctrinam, ab ejus morte Scythiæ primò, mox Epiro & Thraciæ, tum Achaiæ etiâ intulisse; hîc contra Procos. Ægeam, crucis acerrimum inimicum, fortiter rem gessisse; ab hoc ad impia sacrificia invitatum id respondisse: nobilius sibi sacrificium, idque quotidianum esse & incruentum; Agnum illum omnis maculæ expertem, & qui, postquam ejus carne sanguineque omnes Christiani vixissent, non minus tamen etiam ipse integer viveret; sub hæc in vincula conjectum esse, eximendum facile, nisi manus ipse Christianis, precibus suis,

vinxisset; Protractum inde, ne supra magistrum primus etiam discipulus esset, virgis cæsum, ad crucem raptatum esse; hanc procul conspectam amicissimè salutasse, ad hanc velut ad exoptatam vitæ metam properasse, hanc velut expetitū senio suo scipionem amplexatum esse, velut nobilissimum suggestum cupidissimè conscendisse, ab eâ duos dies totidemque noctes, ab ejus ore hominum millia xx. pependisse; quorum accursu cū territus Procos. detrahère eum de cruce cogitaret, ANDREAM, id ne fieret, magnopere Deum esse precatum, ac proinde inter multum, qui precantem cinxerat, splendorem, è cruce ad cælum, Ægeam verò à malo dæmone, obtorto collo, ad pessimam crucem in orcum abiisse: ex tumulo denique ejus oleum stillasse, & hoc uno dolorem suum Christianos leniisse. *Ex Baron.*

Felix anima, quæ in cruce gloriatur & triumphat: tantum ut perseveret in eâ, & nullis valeat tentationibus dejici. Oret igitur quisquis in cruce est, cum B. Andream Dominum & Magistrum suum, ne patiatur eum de cruce deponi. S. Bern. serm. 2. de S. Andr.

S. JOSCIO CONF. 30. Novembris.

VT nullo non tempore suam VIRGINI nectere corollam possis, Mariane, ecce tibi rosas in hieme etiam suggerimus. Cape sis, & hortum ex quo illæ veniunt, nobiscum mirare. Vixit anno post partum virginum M.C.LXIII. apud Audomarense Joscivs monachus, & MARIE unus amator. Amoris alia argumenta taceo, unum prodo, quod prius cælum prodidit. Igitur, ut numquam animo dulcè illud nomen MARIA excideret, quinque quotidie sibi dicendos Psalmos delegit,

delegit, quibus initium optimi ominis literæ ex eodem sacrosancto nomine dederunt, *Magnificat. Ad Dominum cum tribularer. Retribue servo tuo. In convertendo. Ad te levavi.* Quoties igitur hos decurrebat, MARIAM oculi legebant, aures bibe-
bant, lingua sonabat, cor suspirabat. Et vide sis quàm hoc studium MARIA probaverit. Moritur JOSCVS in pervigilio S. Andreæ, & ecce geminæ & purpurâ tinctæ rosæ ex oculis, totidem ex auribus, ex ore denique una pullulat, singulæque literas suas, omnes MARIA nomen loquuntur. Et quaternæ quidem ad primum tactum & ipsæ mortuæ cum corpore sunt tumultatæ. At illa, quam ex ore prodiisse diximus, quamque decerptam Episcopus crystallo inclusit, vivit hodie etiam, credo ut germen esset, ex quo similes rosas daret Mariana posteritas. *Ex Molano.*

Filium honoremus in matre, & matrem veneremur in filio; utriusque vota nostra fideliter exolvamus: quatenus genitrice filium pro nobis interpellante, vincamus mundum, diabolum superemus, tentationibus renitemur, consequamur gratiam, adipiscamur coronam.
S. Laur. Justin. serm. de Nat. B. V.

D E C E M B E R.

S. ELIGIUS EPISC. I. Decembris.

QUÀM altum ELIGIVS virtute suâ evolaturus in cælum esset, aquila monstravit parturienti matri per somnum visa. Puer aurifici instituendus traditus, artem eam non multo tempore ita perdidicit, ut nemo alius hâc tam gratus regi Clotario esset; tunc præcipuè ubi fidem suam ita probavit, ut ex auro, ex quo sellam unam tantum facere jussus erat, geminas concinnaret. Interea tertiam sedem cælo aggressus parare, animum suum, hîc demum artificem se ostendit: quando lacrimis hunc perpolivit, asperis pœnitentiæ studiis scalpsit, omnibusque virtutibus ita exornavit, ut ad spectaculum Cælites traheret. Etenim ex his unum aliquẽ, cum de more noctem ante hierothecam sacrarum reliquiarum insomnis inter preces traduceret, ipse vidit, rataeque preces tuas apud DEVM esse intellexit: mox caput rore tam copioso perfusus & tam suavi est, ut jam minimè lacrimarum pœniteret, quibus hunc deliciarum imbrem provocaverat. Jam quidquid arte suâ corradebat ELIGIVS, id omne non jam ELIGII, sed pauperum & captivorum lucrum erat. Ad hos juvandos, nec aliò Regum benevolentia utebatur: à quibus, cum jam miraculis etiam clarus esset, Episcopus Noviomensis dictus, cum eo in munere Apostolus Flandriæ dici meruisset, cœnobîa plura fundasset, corpus etiam S. Quintini Mart. repertum terrâ eruit, vicemque ipsius suum huic mandavit. *Ex Lippeloo.*

Noveris

Noveris licet omnia mysteria, noveris alta terra, alta celi, profunda maris; si te nescieris, eris similis aedificanti sine fundamento, ruinam non structuram faciens. quidquid extruxeris extra te, erit instar congesti pulveris ventis obnoxium. Non ergo sapiens, qui sibi non est. S. Bern. l. 2. de Confid.

S. PHILARETUS C. 1. Decembris.

PAphlagonia PHILARETVM genuit rusticæ fortis hominem, sed qui sementem egregiè facere novit. Cum enim optimos agros non malè existimaret pauperes esse, in hos liberali manu disseminare sua non prius abstinuit, quàm ipse denique egeret. Non tamen fidem fefellere optimi coloni tam bene culta arva. Etenim cum Irene Imp. filio Constantino sponsam diu circumspiceret, Maria demum, formæ id temporis unicum miraculum, eademque PHILARETI neptis, placuit. Igitur Maria ad regium thalamum, PHILARETVS ad summos honores, Consulatum evocatur. Hic verò noster ab aratro Consul in id potissimum incubuit, ut pauperum necessitati confuleret. Nimirum vidisses proletarios, & uno capite prius censos censum jam Consulis numerare. Jam pontem Consulis Curiam dixisses, pontisque incolas conscriptos PP. qui utique frequentes coibant in eum senatum, in quo de ipsorum salute consultabatur. Porro PHILARETVS supremum ægrotans, cum agnati sanguinis omnes convocasset, multa præclara moriens oracula dedit, ultimò eos omnes suæ in miseros pietatis heredes scripsit, & testamentum pulcherrimo dicto (*estote misericordes*) obsignavit. *Ex Menais.*

Transferamus, obsecro, quæ in hac alienâ regione

habemus : etenim licet multum inter se distent , facilis tamen est transvectio per manus pauperum : eorum enim manus in caelestia promptuaria sibi data reponunt.
S. Chryl. in cap. 32. Gen.

S. FRANCISCUS XAV. SOC. JESU.

2. Decembris.

FRANCISCVM XAVERIVM damus, virum, cujus animo alter etiam orbis angustus fuit. Dum vixit, virgo vixit. Testimonium animo integerrimo corpus dixit, longè post mortem etiam in vivâ calce integrum. Sui semper egregius victor non semel è morbidi ulcere ipsum pus hausit. Sed tam sitibundû DEVS deinde tot deliciis per omnem vitam perfudit , ut ebrius sæpè exclamare, diducto à pectore vestimento, coactus sit: *Satis est, Domine, satis est.* Apostoli per novum orbem non tam nomen, quàm vitam tulit, ad id muneris ab ipso Numine dilectus. Siquidem multò antè in somnis terri coloris hominem, & qualem Indum effingimus, portare humeris sibi per quietem visus est. Et quid aliud vigilans postea egit, cum ejusmodi hominum decies centena millia ad Ecclesiæ gremium suis humeris tulit, & tot non tam vultus, quàm animos fuscis sacrâ undâ solus lavit, & cæli candidatos esse jussit. Vaticinia insuper edidit innumera, precibus mare exarmavit, exercitus vicit, idem eodem tempore geminis in locis & longissimè distitis, periclitantibus adfuit, de mortuos in vitam revocavit quinque supra viginti. Omnibus omnia factus, in conviviiis etiam atque ludis animorum lucrum quæsit, invenitque. Ad extremum dum amplissimum Sinarum regnum laborat ingredi, in ipso ejus portu
ad

ad cælum animam appulit. *Ex vitâ.*

Quid nobis in extremo spiritu futurum est, cum debilitatis corporis animique viribus, gravioze quàm umquam tentatione vexabimur, nisi per ritum prius spem totam in Deo reponere, atque ad eum tempestivè confugere didicerimus? Ex Epist. S. Franc. Xavierii ad socios Goanos.

S. LUCIUS REX M. 3. Decembris.

I Gnosce iterum Anglia, quantum, heu! quantum mutata ab illâ es, cum præcones veræ fidei aliena regna Reges habuerunt tuos! Sed age in memoriam juxta mecum revoca avita decora. LVCIVS ille tuus (è stirpe regiâ germen) puer jam Catholicæ fidei, & verò hæc illi etiam arrisit. Nimirum quin hanc amplecteretur, unum illud moram injiciebat, quòd nulli ferè tunc nisi sanguine suo purpurati eam ambirent. Ubi verò primùm transire ad Christianorum partes etiam palmatas Romæ togas inaudiit, quàm mox statuit etiam coronâ suam Christo submittere. Igitur sanæ fidei Doctores Româ ab Eleutherio Pont. accivit: mox è discipulo ipse etiam Doctor, & calcato regni fastu è rege Apostolus Augustam Vindeliciam venit. Constitit hîc operæ suæ fructus, ad fidem præter alios nobilissimâ familiâ adductâ. Sed & merces sua LVCIO constitit, utpote qui verbera & lapidationem in lucro posuit, præcepſq; actus in puteum maximam scilicet inde voluptatem hausit. Nec verò hanc solum Augustâ Coloniam, etiam alteram Reginoburgum adiit, neque prius quàm Christum per omnem Vindeliciam Noricumque circumferret, morte beatâ Curia quievit. Gratias igitur Anglia tibi habemus exteræ

nationes, & si modò is, vicem rependimus, nostrosq; tibi Doctores ecce submittimus. Ex Brev. Cur. & Bav. S.

Pretiosior pens ejus est, quæ aurum despicit, quàm quæ aurum requirit: majores planè sunt divitiæ, non habere aurum, sed aurum habentibus eminere. Qui enim propriis abundat bonis, sæculi thesauros non requirit. S. Maxim. de SS. Taurin.

S. THEODULUS C. 3. Decembris.

A Scenderat in id fastigium honorum THEODULVS, ut aula illum Theodosiana Præfectum salutaret. Verum his etiam altiora virtus ambiit. Etenim quòd aulæ technas & insidias probè perspectas haberet, ludos facere hanc vicissim voluit. Quare assem omnem (Philippeorum millia quinque supra quinquaginta) liberali sparsione in miseros abjecit, ipse columnam Edessæ ascendit, inde aulæ fastus, minas, pericula, omnia despecturus. Ita mundo & sese altior respuit jam cum homunculis prandere, cœpitque cum Cælitibus solâ ambrosiâ, hoc est, Angelorû pane, deinceps vesci. Post annos sic traductos xxx. cupido subiit scire eccuinam ex DEI amicis vitæ meritis æquiparandus foret. Responsum è cælo, Cornelio Mimo æquandum. Ruborẽ expressit hoc THEODULO. Adiit tamẽ virum, & hæc deniq; sibi fateri coëgit: mimicam artem à primis annis tractasse, nunc cum in mentem ultima illa nec ficta mundi scena venisset, serium se & frugi esse, nuperque adeò, ut pudori nescio cujus matronæ, unaque decoctoris ejusdem viri, qui à creditoribus in vinculis tenebatur, libertati consulere, vestem & supellectilem vendidisse, & corrogatum inde quadringen-

dringentorum aureorum assēm alienæ miseriæ donasse. Laudavit tam bene clausam à Mimo fabulam THEODVLVS, & lætus iterum conscendit columnam suam, paulò post ex hâc in vicinum cælum transcendit. *Ex Menais.*

Initium omnis peccati & causa totius perditionis superbia: propterea quisquis es, qui salutem tuam operari studes, adversus hanc signum crucis super caput tuum habere memento, ut non eleveris in superbiam, ut non exaltetur cor tuum. S. Bern. serm. 2. de S. Andr.

S. GALGANUS C. 3. Decembris.

V Oluptatibus primò GALGANVS militavit, tum Christo, D. Michaëlis ductu, qui tertio dormientem monuit, è veterno ut surgeret, & cum somno vitia excuteret. At ut porro malè dormiret, mater & amici thalamū obtrudere laborabant virginis formâ & divitiis inclytæ. Ad hanc cum visum iret, equiti suo frenū equus iniecit, contraque omnia calcaria contumax pedem proferre medio in itinere negavit, disertè tandem cum asinâ Balaami locutus, quò minùs progrediretur, ab Angelo se prohiberi. Contra tot stimulos calcitrare cum equus non posset, neq; homo jam voluit; sed damnatis nuptiis, eo ipso in monte (in quo & equi & miraculi vestigia hodieque visuntur) castra sua novus miles, hoc est, cellam posuit, primumque trophæum de se, crucem inquam ex ense suo inibi defixit. Pugnatum deinde sæpius, & sæpius orcus fugatus. Illud plenum periculis prælium fuit, cum proditum à venatore (ei vestes suas GALGANVS & equum dederat) inopinantē mater & sponsa oppresserunt. Constitit tamen sibi, & tunc etiā victor matrē Deo se dedere, sponsam

sponsam etiam castitati, potentissimis verbis eoëgit. Exinde cum Romam profectus fuisset, qui casam Divi exusserunt hostes, malè omnes perierunt; & id ipsum Pontifici, cum fieret, Romę GALGANVS narravit. Redux deinde ad beatam missionem illis verbis à DEO vocatus est: *Satis est quod laborasti; metes nunc quod seminasti.* Quin igitur & tu laboras, nec parca manu rectè facta seminas? Ibi certè falcem suam in alienam messem nemini licebit mittere. *Ex Ferrar.*

Laqueus est mundus, qui voluptatibus & opibus, velut escis, objectis, allicit atque capit incautos, & secum trahit in nassam interitus. Unde vix possibile videtur, ut, qui mundi legibus vivit, immaculatus hinc emigret. Hugo Philonius de Scient. bene mor.

S. ANNO EPISC. 4. Decembris.

ANNONEM à puero pater suis, hoc est militari-
 ribus, studiis imbuat. Abhinc avunculo auctore à Marte ad Musas honestissimā defectione, transivit. Jam Musæ commēdarunt Henrico III. Imp. qui eum inter Palatinos suos adlectum mox infulā Coloniensi donavit. Hāc ornatus ad concionem numquam sine lacrimis auditus est; quod suis ille signum veluti omnium singultibus daret. Divitiis cum afflueret, sæpè tamen nec obulum ipse, omnia pauperes habebant, quos ille velut thesauros suos (& erant) secum circumducebat, pater idem horum, & mater pupillorum. Aedes xenodochii unas, monasteriorum condidit & amplissimè dotavit quinque, non morituras filias. Libertatis Ecclesiasticæ egregius propugnator infulam nulli, neque adeò, a quo eam acceperat, Cæsari submittebat, juris quàm vitæ appetentior. Sed

Sed nec urbe pulsus à civibus suis animū despondit. Quòd tamen redux alieniorem ab his animū ferret, visus est sibi noctu, cum inter Divorum Episcoporum comitia locum veller capessere, aditu prohiberi, quòd in veste cetera candidissimā unicam maculam præ pectore gestaret, quam tamen ipsam mox unā cum injuriæ memoriā ex animo delevit. Mortuus est anno M. LXXV. cum se Mariæ unicè ac sæpius commendasset. Cælum nempe subiturus januam hujus pulsabat. *Ex Surio.*

Tamdiu quisque peccata sua ignorat, quamdiu curiose aliena considerat: qui semetipsum aspicit, non querit in quo alios frequenter reprehendat, sed in semetipso, quod lugeat. S. Bern. l. de Inter. domo.

S. BARBARA V. & M. 4. Decembris.

Nullius tam à vitâ nomen ablusit, quàm BARBARÆ. Dioscorum habuit parentē Deorum mancipium, ipsa Deo addicta. Matura, ob formam, turri inclusa, libertate Christianā, si umquam, est usa. Ter sanctæ enim Triadi devota, ut fidei radii splendidiùs animis illucerent, binis fenestris tertiam superaddidit, balneum verò multà cruce insignivit, gnara qui mentibus lavandis ex hac fontes scaturirent. Interea cum stomacho Dioscorus intelligit, filiam Christianam esse, & ferro insequitur. Sed sinum, quo parens expulerat, mons præbuit disclusus. Et lubens thesaurum hic occultasset, nî, qui miraculum viderat, innocentem oviculam pastor nequam prodidisset. Captam itaque filiam inaudito exemplo ad tribunal pater rapit, cædi virgis viscera sua videt, sanam à Christi manu iterum affligi, quin ubera etiam castissimæ abscondi, non facturum, si bibisset ubera.

ubera. Hinc novus filia suæ leno per urbem ludibrio circumduci sustinet unâ verecundiâ tectam. Demum è tyranno carnifex suâ manu non barbaram filiam barbarissimus parens demetit. Sed carnificis carnifex fulmen fuit, qui in eodem loco scelus extinxit. Nunc BARBARUS à cælo opitulatur, qui, ne sine sacro epulo diem ultimum obeant, orant. Testis ejus rei locuples Stanislaus est sanctissimus è Societate JESU adolescens; quem si æmulabitur, rectè faciet adolescentia. *Ex Baron.*

Si quando senseris te ad aliquod cieri peccatum, in mentem revoca nulli mortalium tolerabile Christi judicium, omnium durissimam pœnam, confusionem sempiternam: hoc timore, quasi freno animam tuam, ad vitiosam concupiscentiam proclivem cohibe. Ex Basil. in psal. 33.

S. SABAS ABBAS. 5. Decembris.

SAbam si spectasses, Imperatorem dixisses; ut qui monachorum exercitum non unum ducebat, viros omnes, quales vultu etiam se ferebant, cum ille imberbem in castra sua neminem admitteret. Sævientis fornacis flammæ scribitur crucis signo extinxisse; feras & feris magè feros homines domuisse: Agarenum, qui fallaci animo accesserat, terræ hiatus devovisse: templum, cælo monstrante, in rupe alicubi reperisse: in genium malum ab ipso Christo armatus depugnasse, ab eodem nunc cibariis, nunc pecuniis donatus. Jam leonem, qui medicam SABÆ manum expertus erat, ajunt asino custodem ducemque ad pascua fuisse tamdiu, quoad agaso luxuriæ fœdâ se contaminavit, tunc enim devorasse asinum. *Ipsam*

Ipsū SABAM, cū ad Anastasium Imp. hæreticum iret, anteambulonem habuisse Angelum, verbis impium liberis castigasse, mortemque ei imminentem multò antè prævidisse. Sed & Justinianum itidem Imperatorem palàm coronam cælo vidisse descendere, & caput SABÆ ambire, qui tamen exorari non potuit, ut heredem Imperatori apud DEVM impetraret, quòd hunc hæreticorum partibus accessurum sciret. Denique in cælum abiisse anno D. XXXI. inter DD. Martyrum comitatus. *Ex Metaphr.*

Verè dives est, qui in conspectu Dei potest dives videri, in cujus conspectu terra exigua, mundus ipse angustus est. Solum illum Deus divitem novit, qui sit dives aternitate, qui non opum sed virtutum fructus recondat. S. Ambr. l. 3. ep. 1.

S. NICOLAUS EP. 6. Decembris.

MOres cum lacte ab infantiâ imbibi NICOLAUS probat, qui cū à primis cunabulis diebus Mercurii & Veneris semel in die, idque noctu tantum, maternum lac admisisset, eam consuetudinem jejunii per omnem deinde vitam sacrosanctam habuit. Adolescens divitias omnes in pauperes dilapidavit, ad hoc ingenio etiam, ne gloriolam mercaretur, usus; uti tum fecit, cū tribus puellis, quas noverca paupertas prostituere parabat, dotem trinīs noctibus furtim per fenestras immisit. Subinde cū pietatis causā terram CHRISTI vestigiis nobilem peteret, iratum mare quieti; nautam extinctum vitæ reddidit. Pòst ex eremo ad homines divinā voce evocatus, & divino item indicio Pontifex creatus Myræ, pro libertate Catholicā fortiter carcerem & vincula

cula tulit. Pro salute suorum sollicitus, etiam cum longissimè abesset, adfuit tamen. Ita Imperatori quandoque Constantino conspectus iussit sententiam revocare, quam in tergeminos Tribunos innocentes tulerat. Ita institorem in somnis monuit, frumentū, quod haberet, in urbem suam, quam fames vexabat, conveheret. Aliàs vocatus à navigantibus, sæpius opem tulisse visus est. Quid? quòd animum NICOLAI tumultus ejus est imitatus, oleum miseris propinans. Tumulatus verò memoratur circa annum CCC. XXVI. cum moriturus Angelos obvios habuisset, etiam nobis occursuros, si rectam viam insistamus. *Ex Iustinia. & Brev. Rom.*

Post memoriam Virginis singularis tam dulcis pietas, vel pia dulcedo in cordibus fidelium obversatur, ut in die tribulationis nomen NICOLAI teneatur in ore, requiescat in corde. Si pulsamur incommotis, statim S. Confessoris nomen profilit in os nostrum, NICOLAYS ingeminatur. S. Bern. serm. de S. Nic.

S. PAULUS CONF. 7. Decembris.

PAVLVM parentes dixere, addidit deinde virtus *Obsequentis* cognomen, quod ille nec cum Alexandris aut Scipionibus nunc commutabit. Quid? quòd cœnobio ipsi, quod habitabat, nomen miraculis ingens peperit? Nam illud quantum obedientiæ sive exemplum sive præmium fuit, cum pigem in aheno bullientem à flammâ, jam jamque exundantem nudo brachio, quoad subsideret, impunè versavit? Quod factum cum alii, ut par erat, laudibus extollerent, convitiis alii deprimerent; perstitit tamen ille in statione suâ, suopte judicio terræ purgamentum & canis pigel-

pigellus, cælo intercæ omnia alia de ipso sentiente. Cùm enim socii scire percuperent, quo loco apud Superos PAVLVs esset, abrepti animo in felicissimos primi parentis hortos, PAVLVm illic invenerunt, qui munera (fructus miros) in singulos dispertiret, simul vale omnibus diceret. Siquidem altero manè ad montem è cœnobio contendit non procul Constantinopoli situm. Ad hujus pedem cùm annos aliquot habitasset, evocatus denique à DEO, velut alter Moyſes, in culmen, inde facili transitu in cælum est. *Ex Menais.*

Felix, quem in omni confabulatione duplex timor sollicitat, primum quidem divina Majestatis, in cujus manus incidere prorsus horrendum; de hinc fraternæ infirmitatis, cui nihilominus perfacile est offendiculum ponere. S. Bern. serm. de tripl. custod.

S. ASELLA VIRGO. 7. Decembris.

FELIX ASELLÆ pater, cui Superi filiam, prius quàm nasceretur, lympidâ crystallo clausam spectandam obtulere, ut jam tum animi castissimi sive candorem sive splendorem miraretur! Sed felicior ipsa ASELLA, quæ in primâ ætate Agno jam nupta thalamum in parentis domo cellam angustam, lectum terram, delicias cum sale panem & fontanam habuit. Atque ad has nuptias post annum ætatis duodecimum, ut mundum muliebre non inconvenientem sibi pararet, torquem aureum, quem pro more familiæ (nobilissima erat) è collo pendulum gestabat, clam vendidit, emitque qualem à matre exorare nunquam poterat, vilem & pulli coloris vestem, omnibus hâc testata jam mundo se mortuam esse. Ita deinceps unius Christi amoribus vacare, hunc lacrimis

lacrimis poscere, anhelare gemitibus, precibus orare, jejuniis cogere; domo intereà nisi ad templa, numquam pedem efferre; verbo ut genibus ita vitæ consuetudini callum obducere, jamque raro miraculo inter medias mundi turbas sola agere, & patrias ædes sibi in monasterium vertere. Constitit intereà corpusculo etsi tam malè habito suus nihilominus vigor & integra semper valetudo, ut videres non tam asperitatem vitæ, quàm delicias obesse. Obiit anno partæ salutis cccc.l. Vitæ laudatorem habuit Hieronymum; imitatore[m] quem nunc? Ex D. Hier.

Beati qui in Domino vigilant cum sobrietate & castitate: protegentur enim ab eo in judicii die, & ut sponsi comites atque amici cum gaudio & letitiâ eum sequentur & aspicient. S. Ephrem in Beatitud.

S. AMBROSIIUS EP. 7. Decembris.

AMBROSII infantis osculum apes ajunt infedis-
disse, verissimos ejus eloquentiæ vates. Deprompsit sanè, cum libuit, ore suo melos, & hoc adeò ipsum Augustinum inescavit, ut qui à Manichæis venenū hucusque hauserat, ex ore deinceps AMBROSII mel legeret. Episcopum Mediolani prodigiosus præco infans proclamavit. Dicenti ad populum astare bonum Angelum ipsi hæretici viderunt & inviderunt. Inter hos multum illi negotii Arriani, plus Imperatrix Justina, latrones, magique, plurimum dæmon malus fecit; sed incassum omnes. Majestatis Pontificiæ memor, neque majestatem Imperatoriam exhorruit. Itaque Theodosium ob cædem Thessalonicensem publicè reum non nisi post publica pœnitentis animi signa templo pedē permisit inferre, illud

illud Davidis exemplo se tuenti inclamans, Securus es errantem, sequere pœnitentem. Vidit igitur tunc orbis caput suum ante pedes Episcopi jacere, numquam ita extollendum, nisi ita demisisset sese. Porro AMBROSIVS obsessos ab orco libertati, infantem demortuum vitæ reddidit, Divorum multorum ossa è tenebris in lucem gloriosâ pompâ transtulit, ipsius verò calumniatores morte subitâ vindex Deus abstulit. Morituum cælesti voce excitus Honoratus Episcopus sacro pane refecit, morienti verò blandum arridere Christus visus est, arrisurus etiam nobis in morte, si flentes in vitâ viderit. *Ex Paulino.*

Cùm diluculò surgimus, debemus, priusquam procedamus ex cubiculo, gratias agere Salvatori, & ante omnes actus seculi, actus habere pietatis, qui nos quiescentes & dormientes in lectulis custodivit. Ut enim ego securus dormiam, ille vigilat. S. Ambr. serm. 43.

CONCEPTIO B. M. V. 8. Decembris.

SPeculum sine maculâ ostendimus, VIRGINEM Conceptam. Festi hujus diei originem, quæ sub annum cœpit millesimum ac septuagesimum, sic habe. V Vilhelmo Nortmannorum Duce Angliâ potente, missus ab hoc Helsinus Præsul est, qui hostium numerum ac robur exploraret. Dum facit hic imperata, fortè per eos dies gravi tempestate jactatur. Nullâ aliunde ope affulgente, Stellam maris MARIAM vocat. Adest pro hâc è cælo Nicolaus, spondet manum naufrago, si VIRGINIS Conceptæ diem habiturum se festum spondeat. Illico convenitur. Subsidit mare, enatat & vota Helsinus Sospitatrici exsolvit. Atque hæc initia ampliora D. Anselmus fecit: amplifi-

mis deinde Indulgentiis ornavit Sixtus IV. Pont. Max. in viii. continuos dies, quos etiam ipsos luculento miraculo Numen probavit. Etenim Nicolaum Pratensem memorant, ad icona immaculatæ VIRGINIS rosam cum his precibus deposuisse, vellet juberet, si gratum ei esset, octo dies memoriam Conceptionis suæ agi, numquam eo anno rosa illa marcesceret. Floruit semper, & cum rosâ multorum etiamnum in hanc diem pietas floret, quam ipsa ædium limina in Hispaniâ his verbis loquuntur: *Benedictum sit S. mysterium immaculatæ Conceptionis Mariæ.* Quid? quòd aliter sentientes Doctores rectius nuper ab Hispanis infantibus erudiri vidimus. Se certè accuset, qui maculam hodie videt; suam dicat. Non habet purum, sed ostendit maculas, speculum. *Ex Baron. & Spinello.*

Opem intercessionis Mariæ poscamus singuli, poscamus omnes: oremus ut sit protectrix in prosperis, submoveat noxia, suggerat profutura, admittat preces supplicantium intra sacraria divinitatis, nobisq; impetret consortium suæ beatitudinis. S. Hildephon. serm. 6. de Assumpt. B. M. V.

S. SYRUS EPISC. 9. Decembris.

SAcra nostra SYRVS à D. Hermagorâ est edoctus, ipse Papienses docuit, multum eâ in re S. Juventii operâ usus, quem socium expeditionis Hermagoras addiderat, cuique à morte SYRVS noster mediis Martyres inter triumphare est visus. Veronâ transeunti, ut de fide nostrâ dicenti fidem haberent incolæ, testem è tumulo mortuum excivit, & cum primùm Papiam est ingressus, senis civibus gravissimè decumbentibus salutem

tem corporis, multò pluribus deinde animorum tulit, qui verbis mirisque ejusmodi inducti facile Christianis accesserunt; tunc præsertim, cùm novo hospiti cedere hospitem Orcinum viderunt, qui è puero Syri imperio illicò ad ergastula sua migravit. Addo è plurimis aliis illud, quod unum Papiensibus admirationem parere poterat; nobis justissimum metum potest, si impiati sacramentam frequentemus. Ausus est Hebræus inter Christianos profanus accumbere, divinum cibum ore exceptum non stomacho, sed cœno post sacradaturus. Prohibuit Numen, & vindices ignes se ore servare scelus advertit, qui tamdiu miserabili incendio impurum exusserunt, dum quæ palato impio pendeat, Hostiam sacram SYRI manibus reddidit. Quid hîc Christiani? porrò mentam cum Judæo impuri acceditis? Non sentitis ultores hos ignes? graviores sentietis. *Ex Surio.*

Si qui regiam purpuram coinquinant, haud secus quàm qui eam scindunt, puniuntur; quid mirum si qui immundâ conscientia Christi corpus accipiunt, idem supplicium subeant, quod qui eum clavis cruci affixerunt? S. Chrysostr. hom. 45. in Joan.

S. MENNAS MART. 10. Decembris.

MENNA M Maximinus Antiochiæ præfecit suis, ut quidem putabat, sacris, reverà Christianis addictum. Erravit feliciter tamen Imperator, neque Respublica umquam melius illic stetit, quàm cùm Christianis jus Christianus Proconsul diceret, & alios verbis, alios miraculis, omnes vitæ exemplo ad Christum traheret. Id ubi aliquantò seriùs rescivit Maximinus, qui rem

Deorum restitueret, Hermogenem misit. Hic de loco ac munere MENNAM, sed non perinde de constantiâ deiecit: ut qui resectâ fœdè à pedibus carne in sententiâ tamen perstitit, neque post erutos oculos linguamque vel à viâ virtutis excessit, vel clamare animo Christum destitit; quin cum sub noctem medicinam membris omnibus ipse Christus fecisset, & Angeli palàm se Martyri junxissent, associare etiam se Hermogenes non dubitavit, pulchrâ metamorphosi ex tyranno Episcopus urbis factus. Tot damnis mactatus Imperator ipse adfuit, Deosque & se ulturus, Hermogeni manus pedesque auferri cremarique, ipsum ventre discisso aquis mergi; MENNAM vero ex arbore, ex MENNÆ pede faxum suspendi jussit, nobile anathêma. Sed ecce mortem tunc uterque, sed & postridie Maximinum iterum triumpharunt capite truncati. Ossa quoque tum-bâ ferreâ condita & in mare abjecta nautæ Angeli Byzantium deportarunt, à loci Antistite tumulanda. Ibi molliter nunc quiescunt, qui duriter olim vixerunt. *Ex Surio.*

Si tantâ curâ agitur, ut aliquanto plus vivatur, quomodo agendum est, ut semper vivatur? Et si prudentes dicuntur, qui omnibus modis agunt, ne perdant paucos dies, quàm stulti sunt qui sic vivunt, ut perdant æternum diem? S. Aug. serm. 64. de verb. Dom.

S. EULALIA V. & M. 10. Decembris.

E Merita Lusitaniæ oppidum, oppidi longè maximum decus EULALIA est virgo, quæ plures palmas quàm annos, dum vixit, numeravit. Certè annum cum vix duodecimum ageret, sæviretque in Christianos impietas, vigilem licet paren-

parentum custodiam noctis beneficio fecellit, interque Angelorum comitatum in jus ultro ambulavit. Ibi sic rea ipsum judicem accusare ausa est, & ejus in pios tyrannidem populo spectante & audiente multis objurgare. Quid? quod, cum hic dictis mellitis suadere insisteret, ut ad Deos transiret, quod dicta illa despiceret, in vultum tyranni expuit; Deosque & rursus Deorum, cumque his minas omnes heroo pede calcavit: flagris deinde lacera risit etiam, sanguineque suo picta velut superbe circumspexit sese: demum cum faeces ardentes admoventur, flammam ore parulo excepit, Deoque cum animâ lætabunda transiit. Et verò ecce testes castissimi & animi & corpusculi! Ille, uti ipse carnifex spectavit, argenteas columbæ pennas indutus cælo se abdedit. Hoc, ut tumulus manibus responderet, prodigiosæ nives texerunt. Et erubuerunt, puto, hæ, cum candidius aliquid se, virginitatem viderunt. *Ex Prud.*

Nihil est in omnium virtutum dignitate præstantius, quam pietas misericordiæ, & puritas castitatis. His nos præsidis specialiter instruamus, ut tamquam duabus alis elevati de terrenis mereamur esse caelestes. S. Leo serm. 4. de Pass.

S. DANIEL STYLITA. 11. Decembris.

CÆlo vicinus incola DANIEL est, qui annos CXXIX. columnam habitavit, indeque tempestates, & cum his mortalia omnia generoso supercilio despexit, orci ingens terror, Superis gratissimum spectaculum. Nempe terris adeoque se altior, clientes sibi que obnoxios reges habuit. Ita Leonem filio beavit, & mortis periculo exemplum Imperatorem sibi vitam debere fecit. At

Zenoni regni jacturam longè antè vaticinatus est. Contra Basiliscum verò Ecclesiæ hostem ut pugnaret, è columnâ descendit, & impendentes Numinis iras sævienti objecit non vanus augur. Jam & in dæmonas malos regnum tenuit, eque corporibus humanis, cum libuit, proscripsit, fuitq; cum mulier, quæ Divi innocentiam infami rumore asperferat, à vindice genio obsessa, non potuit obsidione nisi ab ipso DANIELE liberari. Ceterum cum cælo uti propinquum, ita frequens illi fuit commercium, sub ultimos præsertim tres vitæ dies, quibus Cælites plurimi ad ægrum viserunt. Horum nomina prodidit hominis item incola dæmon, uti & horam, quâ moriturus DANIEL, & ipse fugadus erat. Obiit verò anno cccc. lxxxix. In corpore, quod diu tergemina crux illustravit, tumultando reges laborarunt. Animus fecit, quod in vitâ jam fecerat; cælum habitavit. *Ex Metaphr.*

Nemo sibi vivat, sed ei, qui pro se mortuus est. Cui enim justius vivam, quàm ei, qui si non moreretur, ego non viverem? cui commodius, quàm promittenti vitam eternam? cui magis ex necessitate, quàm flammæ perpetuas minitanti? S. Bern. ep. 143.

B. JUVENIS ÆGYPTIUS ANONYMUS.

II. Decembris.

VT exciderit antiquitati nomen adolescentis hujus, aliud certè sibi & immortale apud posteros peperit. Et videtur etiam hic minùs facturus fuisse, si minùs peccasset. Etenim Amirani Saracenorum regis favorem ut aucuparetur, Christum cum Mahomete mutavit, & calcatâ cruce, more barbaro impioque sacramentum acin-

naci

naci dixit. Ingemuere ad impium facinus parentes pii, & pœnitebat hostem Deo & cruci genuisse, nec jam heredem volebant, qui ex asse optimam partem avitam pietatem nolleret. Quod tamen unū poterant, precibus pro perituro apud Deum agebant, scelusque non suum suis lacrimis plectebant. Et profectò plus lacrimis parentum filius, quàm lacti olim debebat. Instillarunt enim hæ denuò bonam mentem. Rediit prodigus, & pulchrum parentum consilium secutus, signa, quæ turpiter abjecerat, crucem inquam, manu venerabundâ sustulit, & intrepidus palàm iterum ad Amiranum tulit, lacrimis interim & gemitibus perorantibus, quos sæpius intercalaris illa Ecclesiæ vox *Kyrie eleison* interpellabat. Illum ergo cum neque fames aut verbera, neque carcer aut vincula avellere à cruce possent, naviculæ Amiranus imposuit capite minuendum. Ergo animus cæli, caput abscissum urbis portum petiit, redemptumque à Christianis centum aureis, & argento inclusum diu oleum sudare visum est, ut vel ex hoc Christi Athletam agnosceres. *Ex Menais.*

Crucem Domini semper in mente, in ore, ut signo, tenete. Crux Domini armatura vestra contra satanam, galea custodiens caput, lorica protegens pectus, clypeus tela maligni repellens, gladius iniquitatem sibi propinquare non sinens. Martial. epist. ad Burdeg.

S. SPIRIDION EP. 12. Decembris.

SPIRIDION ex opilione Cypri Episcopus, non vitæ conditionem sed gregem mutavit, omnes pascere sollicitus, pauperes præfertim. Itaque serpentem mutasse in aurum fertur, quò egenti esset, unde frumentū coëmeret. Alio item tempore cum

avari animum nullis precibus expugnare civis indigens posset; SPIRIDION huic disertis verbis in crastinum annonam spondit. Neque aliter factum quam dictum. Aquarum alluvio auctum ex Euclionis granario frumentum ad ipsas inopis ædes detulit, nullo nec rei nec vecturæ pretio. In fures etiam non minus beneficus quam comis fuit. Nempe cum gregem hi direpturi advenissent, & arcana Numinis vis ligatos omnes SPIRIDIONI tradidisset, exsolvit hic officiosus, & viæ comitem abeuntibus ultrò ambulare arietē jussit. Porro filiam, quam, dum olim in matrimonio ageret, sumpsit, ut defunctæ depositum aurum indicaret, tantisper è tumulo evocavit. Sed & alium morte sublatum vitæ & matri reddidit, mox matrem filio etiam, cum hæc gaudio emortua esset. Ultimùm cum in messe occupatum æstus gravior affligeret, ros cælo illapsus recreavit, simul alii capilli albescere, nigrescere alii, alii denique canescere visi sunt. Hos ille ut mortis prodromos accepit, postquam illum laudibus omnis ætatis homines mactaturi essent. Tu etiam disce hinc non senes modò, sed & juvenes, quin vix natos capillos emori. *Ex Surio.*

Totum quod es, illi debes, à quo totum habes; illi præcipuè Domino, qui & te fecit, & benefecit tibi. Huic totis medullis, totis viribus serviendum: ne fortè indignationis oculo te respiciat & despiciat, & conterat in æternum. S. Bern. de Quadrupl. debito.

S. LUCIA V. & M. 13. Decembris.

SI virgo è cælo fidus lucet, LUCIAM esse credidero virginittatis laude præ aliis illustrem. Hæc dum cum matre ægrâ ad tumbam D. Agathæ prece-

precatur, adest ecce hæc ipsa sanitatis primò nuntium matri ferens, tum LVCIAE mortis optatissimæ & pro Christo subeundæ. Sic igitur moritura LVCIA omnium primò testamentum cogitat, & pauperes non jam scribit, sed facit heredes. Id enim verò non ferendum ratus LVCIAE sponsus, queritur apud judicem, & sponsæ dotem sibi clamat deberi; hic demum agnoscit in amoribus non se, sed Christum esse. Mox igitur amoris ira successit. Dei nupta lenonibus traditur, mancipiis amoris prostituenda. Sed nequeunt mille manus unam virgunculā, nequeunt funes & plura boum juga de loco, minus de proposito casto dimovere. Ergo sarmenta congeruntur, rogos accenditur. Sed lucet pulchrius ignibus suis LVCIA. Gladio trajicitur; sed vivit virgo & viros animat, & è flammis Imperatoribus mortem, Syracusanis præsentem opem, Ecclesiæ pacem vaticinatur. Denique dum iudex in vinculis Romam¹ abducitur capitis damnandus, divino cibo recreata, cælo fidus, ut dixi, inseritur. Sed & tibi illic adhuc locus est Mariane. Stella & tu es, si virgo es. Fuisti? Ah! stellam cælo credas decidisse. *Ex Særio.*

Deus semper pater est; amavit nos fœdos, ut ex fœdis faceret pulchros. Erimus pulchri eam amando, qui pulcher est. Quantum in te crescit amor, tantum crescit pulchritudo; quia ipsa charitas animæ est pulchritudo.
S. Aug. Tract. 9. in Epist. S. Joan.

S. JODOCUS CONF. 13. Decembris.

NOvam litem audite Mariani, quam JODOCVS Angliæ regis filius germano fratri de regno movit, non uter hoc criperet, sed uter cederet alteri. Fugiebant novo more non opes

dominos suos, sed domini opes suas, & quam aliis invitis mors aufert coronam, ultrò ab his abjiciebatur. Denique rex sibi videbatur, non qui regnum coactus adiit germanus, sed JODOCVS, qui regno subduxit sese, & in Galliam aufugit. Hic ille sibi scilicet imperavit, sed & feris non multò pòst, quas obsequentes illi cælum voluit esse. Illud perjucundum accidit, cùm fami placandæ ultimum subsidium panis unicus in penu fuit, & hunc in IV. partes à JODOCO sectum CHRISTVS alium identidem atque alium pauperem præseferens unus omnes piissimâ fraude asportavit. Negabant id rectè factum esse discipuli. Sed rectiùs illos edocuit magister, cùm pro IV. è panis frustulis, secundo flumine descendere submissas à cælo totidem naviculas frumentarias ostendit. Demum sacris operanti manus è cælo bene visa est dicere, quæ quòd terrena regna despexisset, cælestia omisit. Hæc demum placuere JODOCO, potitùsque his est anno DCLIII. LX. omnino annos in tumulo integer, virtute in JODOCO faciente, quod in viris principibus aliis balsama faciunt. *Ex Flor. Abb.*

Amemus vitam æternam, & ex eo noverimus, quantum pro illâ laborare debeamus, cùm videmus homines amatores præsentis vitæ sic pro illâ laborare, ut, cùm venerit metus mortis, quidquid possunt, faciant, non ut auferant, sed ut differant mortem. S. August. serm. 64. de verb. Dom.

SS. NICASIVS EP. & EUTROPIA V. MM.

14 Decembris.

Quid ni animos etiam tu Lector ad pugnam sumis, toties qui sanguinem Martyrū vides?
Hic

Hic NICASII Rhemensis Pont. & sororis ejusdem germanæ EUTROPIÆ est. Fudit Attila, ebrius jam dudum ab alio. Rem breviter sic habe. Flagellabat Gallias dux barbarus, jamque Rhemen-sibus etiam malum minabatur, cum cives ad asylon suum NICASIVM confugerunt. Ille exitium urbi vaticinatus edixit peccata esse, quæ Attilam armassent; hæc si ponerent, illum quoque exarmandum. Interim brevi morte æternam ut redimerent, suavit, neque jam pro se hosti, sed pro hoste Deo supplicarent. Se vitæ hucusque ducem, non abnuere, quin mortis etiam esset. Itatus EUTROPIA stipante obviâ hosti ad D. VIRGINIS progreditur, & humi nixus dum versum Davidis canere incipit, caput gladio amittit, carmen tamen etiam mortuus absolvit. Satis spectatum esse soror putavit. Quare cum formæ miles parceret, execrata crudelem misericordiam in oculos carnificis involat, mortemq; invitam in se armat. Interea contra barbaros cælum movit, cujus copię visæ; simul iratæ è templo voces in fugam illos conjecerunt. Ad Martyrum verò corpora tam diu lucere faces suas sidera voluerunt, dum terrâ regerentur, splendore olim his ipsis certatura. Ex Surio.

Carnem afflixisse, libidinem superasse; avaritiæ restitisse, de mundo triumphasse, pars magna martyrii est. Ergo si tormenta Martyrum perferre non possumus, vel contra malas concupiscentias repugnemus. S. Aug. serm. 4. de Mart.

S. DACHATIUS M. 15. Decembris.

DACHATIUS Palæstinus sex fratres germanos fertur numerasse, ipse septimus, imò inter

C. c. s. omnes

omnes primus meritò laudatur. Nam cùm pater exigui lucelli spe, quam rex Saracenus ostentabat, inductus, à Christo ad Mahometis partes malum pedem tulisset, repressit suum DACHATIVS, rectè sic à parente degener. Pòst ubi mortem infelicem sed debitam sceleri tanto pater optulit, DEI ductu & matris optimæ, Jerosolymas abiit, tinctusque Christianis undis in D. Sabæ cœnobio, ingentibus, quæ postea edidit, præliis egregius sui victor prælusit. Tum denique & cæli ope & suâ virtute satis armatus in patriam excurrit, & cùm matri còpias junxisset, post multas pugnas fratres omnes dare manus victas Christo coëgit. Unum tantum excipe, qui fide non germanâ, sed Punicâ sanè, DACHATII nomen ad Prætorem detulit. Hic vinctum ad Tribunum misit. Sed neque fratris perfidia, neq; carnificum tormenta tantum potuerunt, ut non vinceret DACHATIVS. Victor igitur caput gladio submisit tot civicis coronis condecorandum, quot patriæ celesti cives fratres servavit. *Ex Menais.*

Nihil est quod anima possit equiparari, ne universus quidem mundus. Itaque si immensas pecunias pauperibus eroges, plus tamen effeceris, si unam converteris animam. S. Joan. Chrysoft. super Psal. 48.

S. CHRISTIANA ANCILLA IBERA.

15. Decembris.

HUjus quoque nomen nescimus. credo, quia virtus supra cælos hoc evexit. Illud satis constat, vixisse, cùm rerum Constantinus potiretur, & Iberis servitutem serviisse; ceterum præter conditionem servile nihil habuisse, quin ab hac SEBYA Iberos pileum libertatis Christianæ accepisse.

pisse. Res sic gesta memoratur. Filium Ibericæ matronæ gravi morbo afflictū precibus ad DEVM fufis valetudini restituerat, cum ejus facti rumor ad aures reginæ gentis perlatus est, tunc itidem graviter fortè è morbo decumbentis. Ergo, cum in spem valetudinis & ipsa venisset, deportari servulorum manibus ad Divam nostram voluit. Ibi in lectulo servili collocata sanitatem exemplò & vires recepit, quas frustra in regiis stragulis suspiraverat. Ut verò grata Numini foret, autor esse conjugii regi cœpit, ut Christo se dederet, cui morbi & mors ipsa jam parerent. Ille moris moras neſtebat, dum inter venandum iratos & cælos, & ventos expertus, & in ultimum vitæ periculum devolutus, opem Christi præſentē ipſe etiam ſenſit. Tum verò templum Deo poſuit, in quo Diva hæc columnam, cum viribus nullis poſſet, precibus erexit, ſuſpenſamque in aëre tam diu ſervavit, dum ſpectantibus omnibus ſuoſpte motu in locum ſuum deſideret. Atque in hoc templo primas Christo Iberi aras, pectora ſua devoverunt. Gere caſtum cor, & templum Salomōnæo præſtantius erexiſti. *Ex Socrate & Theodor.*

Quemadmodum febricitantes appetitum & robur amittunt : ſic qui principum aſſas frequentant, mentem & bonos mores perdere ſolent, niſi frequenter animo repetant hoc dictum, NOSCE TE IPSVM. Anton. Monach. ſerm. 59. ſententiarum.

SSS. ANANIAS, AZARIAS, MISAEI.

16. Decembris.

A Page vetus Roma cum foculo ſuo Scævola matrem ! In fornacem hanc oculos mitte, & ſuperari à pueris Hebræis viros tuos ſpecta. Tres

erant (ANANIAM, AZARIAM, MISAELEM dixerunt) principes juventutis, interque ephebos regis Nabuchodonosoris accensi. Hic in eâ ætate formæ gratiam & senē in pueris sapientiam amabat; at DEVS amplius quid, virginem animum & à regiæ mensæ deliciis abstinentem. Ita de adolescentum amore rex magnus & Max. DEVS certarunt. Quid nî hic vinceret? Fortè statuam posuit Nabuchodonosor, auream illam, sed superstitione infamem. Facile erat aliis persuadere, ut aurum adorarent, in quo omnis ætas delirat. Uni ex omnibus hi pueri sapuerunt, disertis verbis dictitantes regem se, ut par est, veneraturos, ceterum DEVM solum adoraturos, & antè mortem animam quàm statuæ genua submissuros. Stabat fornax validè flammans. In hanc abjiciuntur nobiles animæ. Inhorruit ad facinus ignis, & vim à virtute venerabundus repressit; quin impetu potius in hostes facto longè plurimos corripuit, & succidaneas victimas cremavit. Angelus etiam è cælo, submissus flammis beato rore temperabat, lenique aurâ demulcebat juvenes magnanimos. Ergo inter hæc supplicia cantare etiam placuit, & quò plenior foret musica, cælum terrasque animare. Jamque Nabuchodonosor ipse innocentiam parrono igne sanctam absolvit, miraculique toto regno, per literas præco, divinum honorem rectè homo Numini transcripsit. *Ex Daniele.*

Habentes cor ardens in viâ Domini, & inter ignes seculi divino igne muniti, sicut illi in camino pueri inter sibilantes impetu flammis rorabimur, & hymnum Domino inter incendia refrigerantia, Dei filio concipiente, cantabimus. S. Paulin. ep. 29.

S. LA.

S. LAZARUS CONF. 17. Decembris.

Ille LAZARUS est, quo fratre germano nobiles sorores Martha & Magdalis gaudebant, Christo dilectus, & ab hoc amici etiam nomine donatus. Plus dico. Ille est, qui mortuus lacrimas Deo & gemitus potuit excutere, eoque adigere amantem, ut contra ferreas mortis leges sepultum jam & tabescentem vitæ, & quod caput est, amicitiae suæ redderet; quæ unica puto causa fuit, cur è sinu Abrahamæ non invitus rediret LAZARUS. Ceterum sic vivus invidiâ tantum non emori Judæos fecit, nimis contra improbos magnus certusque Servatori testis. Itaque alteras illi mortis insidias struxerunt, stultissimo consilio, cum fatis jura dicere Christum viderent notum jam nuper LAZARI patronum. Hoc tamen in caelos, & Apostolis in divisum à se orbem abeuntibus, revixere odia in LAZARVM nobilemque familiam. Itaque cum Maximino (è scholâ Christi & LXXII. discipulis fuit) Marthaque & Magdalenâ sororibus, virgine item Marcellâ, exul in navim compingitur, velis remisque sed non cælesti etiam auxilio destitutam. Nam LAZARVM sociosque in Gallias tulit, & innoxios Massiliæ exposuit. Miraculo & hæc & aliæ vicinæ urbes permultæ Christo crediderunt. Tum demum amoribus suis in silvis Magdalena vacavit, Martha sanctis virginibus, LAZARUS civibus Antistites præfuerunt. Dubium ergo est LAZARUS ne invenerit illic portum, an ostenderit Gallis? certè absque LAZARO fuisset, naufragium in portu Massilienses fecissent. *Ex histor. Evang. & Brev. Rom.*

Iusti mors ut presentis est exitus vita, ita introitus

Cc 7

melioris

*melioris . Bona mors , si peccato moriaris , ut justitia vi-
vas . Hac mors necesse est ut præcurrat , ut sequatur illa
secura . Dum vivis in carne , morere mundo , ut post
mortem carnis Deo vivere incipias . S. Bern. ep. 105.*

S. MODESTUS EPISC. 18. Decembris.

NObiliores nemo MODESTO habuit cunas.
Rogas quales? carceres fuere , in quos ad
captivum patrem vix natum mater asportavit,
docuitque à teneris Martyrē esse. Quinto à partu
mense inter preces uterque parens inibi animam
Deo reddidit , opulentiam filio hereditatem vin-
cula post se relinquens. At hanc invidens Maxi-
mianus Imp. educendum viro Senatorii ordinis
tradidit. Sperabat hic patris nomen, sed cum pri-
mum MODESTVS per ætatem intelligere cunabu-
la sua potuit, doluit scilicet vel inscium se à pa-
rentum vestigiis deflexisse : & degenerem tam
diu se putavit , quousque fugā Athenas delatus
Christianis se junxit. Hic dum sacro lustratur
fonte , radiantem ignibus columnam in caput
pueri descendere Episcopus vidit. Cum deinde è
cive genium malum , è sorore verò heri sui mor-
bum depulisset , heredem hic MODESTVM cum
ceteris liberis suis scripsit. At isti, quò potius ac-
cederet aliquid ad hereditatem, quam decederet,
Ægyptio homini & à sacris nostris alieno ado-
lescentem vendiderunt. Septem annos cum ser-
visset , è servitute Deorum tandem etiam domi-
num eripuit , & libertus Solymas abiit. Ibi de-
mum ad Patriarchatus dignitatem evectus , cum
veneno infectum fontem purgasset, fontisque in-
colam serpentem neci , cacodæmonem sub cane
larrantem fugæ dedisset, hospitioque, qui in ser-
vitutem

vitutem illum dedetant, coheredes illos suos peramanter excepisset, dignam natalibus suis mortem obiit. Sed amisit Ecclesia, vel cælo teste, tunc columnam suam. Imò non amisit; transtulit eò, ubi ipsa sese ædificat. *Ex Menais.*

An non meritò coronabitur, qui sic certaverit, mundum abiciens promittentem, irridens inimicum tentantem, & quod gloriosius est, de seipso triumphans, & crucifigens concupiscentiam prurientem? S. Bern. serm. i. de Omn. SS.

S. MEGENGAUDIUS C. 19. Decembris.

Illa demum vera nobilitas est, non pauciores virtutes, quàm ceras quæ potest numerare. Potuit MEGENGOR Geldriæ Comes, idemque fortissimus militum dux, & hoc nomine Imperatori Ottoni III. cùm primis charus. E conjuge Gerbirge Zutphaniensi item Comite cùm filias iv. filium sustulisset unicum, hunc ipsum in primo ætatis flore, bello Bohemico amisit. Quid expectas? scilicet lacrimas vel armato Marti exprimendas, & dignos patre gemitus? viduos matris capillos, & lacerum planctu pectus? omnia alia audies. In funere filii mortuique vultu suum agnovere parentes, hoc est mortalem. Utique mortem lectionam maturos ætate fructus suos, quæ immaturos carperet: satis oppidò jam vixisse parentes, qui vixisse filium aspicerent. Convasare igitur MEGENGOR & in tuto locare impedimenta, opes, hoc est, in cœnobio, cui Adelhaïdem filiam præfecit, deponere; ipse quoque animo à mundo abesse, cùm non posset corpore; castitatem deinceps cum conjuge colere; lectioni sacrarum literarum se dedere, denique in oculis nihil præter

præter mortem & æternitatem habere. Ita non imparatum hæc offendit anno ab obitu conjugis tertio. Mortuus filia primò visus est illa verba Vatis blandissimè effari, *Ecce moritur justus, & nemo recogitat*; tum alteri deinde è virginibus regio habitu fulgens nuntiansque MEGENGORIS nomen in MEGENGAVDII sibi mutatum esse. Ex *vita S. Adelhaidis & Molano.*

Christi humilitas nulli aspernanda divitum, nulli est erubescenda nobilium. Nec enim in tantum provehi potest quælibet felicitas humana fastigium, ut aestimet sibi pudendum, quod Deus in formâ servi non est arbitratus indignum. S. Leo serm. i. de Resurr.

SS. AMMON ET SOC. MM.

20. Decembris.

Sub annum partæ salutis ccliii. Alexandriae eodem tempore in Christianos sævitum est, & in latrunculos animadversum; simili in longè dissimillimos supplicio. Fortè inter nomina horum nomen delatum est Genesii. Hic quòd extra culpam esset, facile se purgavit. Sed dum à latrocinii suspicione absolvitur, ut Christianus accusatur. Hic nihil negare jam Genesius, gloriari hoc facinore. Latronibus igitur sociatus, pejorque his ipsis habitus igne crematus est. Hoc verò supplicii genere territus alius quispiam è Christianis, cum nutare non dubiis signis ad tribunal impium videretur, ecce AMMON, ZENO & PTOLEMÆVS (fortissimi milites) per medium agmen penetrare, & cum verbis non possent, nutu labantem ad constantiam hortari. Itaque jam oculis annuere, jam manibus loqui, jam lacrimis & gemitibus clamare, jam toto corpore supplicare, ne indigne

gnum quidquam Christiano admitteret. Hoc ipsum verò cum oculos non posset fugere spectatorum, vulgum scilicet in se armarunt. Tum verò nihil dissimulandum amplius rati, in medium omnes prodierunt, & Christum jam pleno etiam ore confessi populum omnem in stuporem rapuerunt, socios contra tyrannum mirum quantum animarunt, ipsi verò gaudio exilierunt, quòd cæli civem, hoc est Martyrem, servassent. *Ex epist. Dion. Alex. apud Euseb.*

Quo, quaeso, dignum te judicabis, qui factus ad imaginem factoris tantæ in te majestatis non defendis dignitatem? & tu homo, cum in honore esses, honorem tuum non intelligens, compararis jumentis insipientibus, dum nil spirituale aut æternum elaboras? S. Bern. epist. 104.

S. THOMAS AP. 21. Decembris.

DIVUS THOMAS est, cui etiam palpate fidem licuit; & profuit, dubitasse THOMAM, ut Indus crederet. Nam fidem in Indiam Meliaporem usque tulit, firmavitque miraculo, cum ingenti mole arborem, & quam multi & homines & elephantis movere loco frustra laborarant, obsequentem ipse cingulo suo per milliaria x. tractam templi structuræ devovit, simulque vaticinium edidit, cum mare pertingeret illuc, affuturos, qui quam ipse nunc fidem præluceret, extinctam iterum populis accenderent; quod fieri nuper sub cœptas Hispanorum navigationes vidimus. Ceterum fuit è sacrificulis tum temporis, qui suâ manu filium mactavit, scelusq; THOMÆ affinxit. Hic alium nullum pro se causam dicere THOMAS voluit, præter infantem mortuum. quis credat? Absolvit

Absolvit disertis verbis infans THOMAM, & patrem suum damnavit. Enimverò his miris uti nuper arborem, ita nunc in sententiam Regem ac populum omnem traxit, si unos sacrificulos demas, qui aliò ab invidiâ abstracti præcantē ante sacram crucem THOMAM sagittis primò, tum hastâ trajecerunt, strenuum utique fidei propugnatores, qui, ut signa defenderet, cecidit ante signa. *Ex Maffeiò & Osorio.*

Sicut Thoma, ita etiam inimicis suis demonstraturus est Christus vulnera, ut convincens eos veritas dicat, Videtis vulnera, quæ inflixistis; agnoscitis latus, quod pupugistis; quoniam per vos & propter vos apertum est, nec tamen intrare voluistis. S. Aug. de Symbol.

S. ANASTASIA MART. 22. Decembris.

ANASTASIA è Romano & patricio sanguine patrem in fide agnovit S. Chrysogonum. Nupta viro (Publio nomen erat) à Christianâ religione alieno, matrimonii usu semper abstinuit, sive castitatis amore, sive superstitionis odio. Interea tamen mater pro Christo victorum audiebat, quos illa summis studiis ultimisque servitiis colebat, tunc præsertim, cum conjunx malus malam mortem obiit, qui carcere omnibusque malis, dum vixit, ANASTASIAM exercuit. Publio Ulpianus in impietate successit, sed quòd vim inferre castissimæ tentasset, oculis primò orbatus, mox vitâ ejectus, Publium ad orcum quoque subsequutus est. Sub hæc cum bene magnus numerus Christianorum in navim perforatam imponeretur, certo naufragio perituris dux ANASTASIA data est. Sed neque sic navigantibus sidera defuerunt. Visa est in velis D. Theodora nuper è flammis

flammis cum tribus filiis astris inserta. Hæc Helenâ magis propitia navim ad littus appulit. Sed hem in portu alia tempestas insurgit! ANASTASIA tribus palis alligata igne exuritur; socia turba omnis per diversa supplicia fortes animos expirat, eâ in vultu & oculis lætitiâ, ut ad nuptias ire omnes dixisses. Et ibant, sed Agni; ituri porro, quocumque hic iverit, quid? quod vestigia sua, quò nos etiam sequi sciremus, sanguine signarunt. *Ex Metaphr.*

Contra mortifera blandimenta luctemur, scientes in eo quotidiana martyria Christianis deesse non posse. Si enim castitas & veritas & iustitia Christus est; sic & ille, qui eis insidiatur, persecutor est; & qui ea in aliis defendere, & in seipso custodire voluerit, Martyr est. S. August. serm. 250. de Temp.

S. VICTORIA V. & M. 23. Decembris.

NEmpe nuptias VICTORIA parabat, nihil magis sollicita, quàm ut ad easdem abhorrentem Anatoliam impelleret. Aiebat itaq; nuptias primos homines celebrasse, Deo ipso paranymphe. Easdem sacrosanctas ab omnibus gentibus, etiam Christianis, habitas esse. Christum nuptias adiisse & miraculo probasse; ipsum adeò despondere sibi Ecclesiam voluisse. denique quid liberis & nepotibus dubitaret orbem implere, quando, ut hic cresceret, Deus imperasset? Contra pugnat Anatolia, in primâ mundi ætate hæc locum habuisse, cum juvenem hunc crescere & impleri inquilinis opus erat. At nunc incolas non tam orbi quàm cælo deesse. Christum non nisi è Virgine voluisse nasci, vivere morique virginem voluisse, sponsum Ecclesiæ non nisi Virginis esse.

Neque

Neque verò se nuptias respuere, modò sponsus Deus esset. Videret ipsa, an hic terræ filio postponendus esset? Nuper adeò se ex Angelis didicisse (& didicerat) dotem huic unicè virginitatem placere, Eois lapillis omnibus chariorem. Itaque in hunc amores suos se transtulisse. Quòd si invideret VICTORIA, paratam se esse etiam illi hunc conciliare. His & similibus dictis jam dudum parili amore VICTORIA in Christum ferebatur. Quò ergo eum sibi devinciret, misso homine, dotem in paranymp hos pauperes profundit, & in exilium acta ad alteras jam nuptias se parat. Jamq; unica purpura nuptialis deerat. Bonum factum! dedit hanc sanguis pro sponso fusus. *Ex Adone & Aldelmo.*

Amor rerum terrenarum viscum est spiritualium pennarum. Ecce concupisti, hasisti. Quis dabit tibi pennas ut columba? quando volabis? ubi verè requiescas, quando hic, ubi malè hasisti, perversè requiescere voluisti? S. August. serm. 33, de verb. Dom.

S. NICOLAUS MILES. 24. Decembris.

Hanc militum ego periculosissimam pugnam puto, quam cum castitatis hoste Amore pugnant. Nam huic succumbere, quid aliud est, quam triumphos suos vendere? NICOLAO nostro crede, qui cum in Bulgaros movit Nicephori Imp. auspiciis, ecce priusquàm bellum hostis faceret, militi mulier fecit hospitis filia. Ter impetum in castissimum fecit; sed ter NICOLAVS repulit verecundiæ umbone tutus. Poterat ergo ante pugnam victoriam canere, solus ex omni exercitu Nicephori victor. Etenim sub noctem somnus NICOLAVM in campum producit; videt stantes utrimq;

utrimq; acies, signa signis inferri, viros viris concurrere, scuta scutis, pede pedem hære. Interea aspicit ex cælestibus ducibus unum, qui decussatis in crucem pedibus, aleam belli regebat, & victoriam ex suo arbitrio dispensabat. Nam cum sinistrum pedem dexter premebat, Romani; cum sinister dextro incumbebat, Bulgari vincebant. Sed & inter cæsorū corpora locum vacuum videt, auditq; fatalem eum sibi & commilitonibus suis futurū fuisse, si Veneri heri palmam cessisset. Somnii veritatē cum sole dies ostendit, & strages Romanorum, quibus vincentibus primò, Bulgari ultimò victoriā extorserunt. Tum enim verò NICOLAVS rectius dehinc bellaturus, nomen militiæ religiosæ dedit. In hâc tot trophæa posuit, quot pugnas pugnavit. Illud nobilissimū omnium est, quod NICOLAVS de NICOLAO statuit. *Ex Menæis.*

Vide quid tibi ante tribunal illud terrificum respondendum sit de eo, quod acceperis in vano animā tuam, & animam talem; si inveniaris nihil egisse amplius de immortalī & rationali spiritu, quàm quod vis pecus de suo? S. Bern. epist. 104.

NATIVITAS CHRISTI. 25. Decembris.

Euge nox omni die candidior! Vides, quæ nullus dies vidit. Surgit, ecce, non ab undis, sed stipulis Sol meus. Superi! tam propè junctam soli quis umquā lunam conspexit? viden' ut è filii vultu lætiores radios mutuetur maternus oculus? Cæcus sum, nisi in hâc nocte amorē Dei mei video: video, video in hoc speculo ruborem meum. Stabulum, stipulæ, panni arguunt: Boreas frigus pectoris accusat: bos asinusque ingrati clamant: loquaces puelli lacrimæ, & è parvo pectore magni

magni gemitus damnant. An sisto igitur me-
reum? at iratum metuo. At infans est: risu placatur.
Negant manus tam parvæ fulmen ferre: si
ferre velint, fasciæ vetabunt; mater non feret. Et
numquid non pacē Angeli nuntiant? Quid? quòd
blando insuper risu puer dulcissimus invitat, ob-
vius etiam iturus, si pedes ferrent. Certè in am-
plexus brachiola offert. In tam amica vincula
non curram? Imò pedibus plumbum denique
demo. Ite, omnia puero vos membra substernite.
Fœnum etiam vos estis. I, culcitra lingua esto:
aptior VERBO non potest esse. Et tu cor pulvillum
præbe: tactu mollesces. Vos quoque ite suspiria,
& algentem fovete. Eia brachia in fascias; in bal-
nea oculi abite. Denique ignoscite, qui aëra &
rusticos mulcetis, silete Angeli. Præ omnibus
modulis vestris vox optima, vox vagientis placet.

*Ecce offertur tibi JESVS; curre obvius manibus, ex-
tende manus, expande sinus; devotionem tuam probet
tam actus, quàm affectus. Filium qui tibi offertur,
suscipe fide, amplexare affectu, semperque inter ubera
commoretur. Gueric. serm. 2. de Nativ. Dom.*

S. STEPHANUS M. 26. Decembris.

PRimus pro fide Christianâ sanguine suo STE-
PHANVS subscripsit; ut purpurati in cælo ag-
minis antesignanus non immeritò habeatur. Sa-
pientiâ Deoque plenus; eoque ab Apostolis in-
ter VII. principes Diaconos adlectus, mirum est,
quàm multis magnisque prodigiis sive Christia-
norum animos erexerit, sive fregerit dejeceritq;
Judæorum. Et movit ea res bilem indurato ad
omnem malitiam populo, ut, veluti legem profa-
nasset, in jus raperent. Sed ille pro Deo, & se ira
dixit,

dixit, ut ad oculorum verborumque fulmina attoniti omnes hærent, jamque non in hominem pugnare se, sed Angelum crederent. STEPHANVS hoc acrius victis instare, tunc præsertim, cum ad spectaculū cælo se effundente, virtutis arbitrum ponē dextram Patris stantem CHRISTVM habere se vidit. Itaque cum urbe exturbatus saxis obrueretur, in genua subsidens egregius triarius fortissimè omnia excepit; Deo identidem nunc se, nunc hostes suos commendans. Et licet horum causa pessima esset, tam bono tamen patrono perorante, veniam impetravit Saulus, non ita multò post CHRISTO conciliandus, & in Paulum mutandus. Tam verum jam tunc fuit, Martyrum sanguinem Christianorum semen esse. *Ex Act. Ap.*

Etiam nos exemplo S. Stephani pro Domino pugnare non pigeat. Indicta nobis est pugnandi necessitas. Implacabiles sunt adversarii nostri, contra quos spiritualia arma sumenda. Corde certandum est, & corde vincendum. Laur. Justin. serm. de S. Steph.

S. MARINUS M. 26. Decembris.

A Ge Sparta, & vel omne juventæ tuæ robur cum unius adolescentis MARINI fortitudine compone. Hic Romanus, & patricius, flagra tamen ecce concoquit. Catenas ut torques induit. Carceri ut palatio arridet. Suspensus ab equuleo despicit tyrannum. In lacero uncis corpusculum animum jactat non faucium. Serrâ ligneâ secandus gaudet geminus pugnare. In crate velut thoro accumbit. Ignis ubi subjicitur, flammæ Hercules invitat. Dum plumbum superfunditur liquatum, blanditias probat. Dum in sartaginem immittitur flammantem, laudat delicias. Arboris
ramis

ramis distrahendus evadit Milone fortior puer. Jam ad feras damnatus, ecce colludit his, & pardus pedes veneratur linguâ blandâ; manus tigris exosculatur; collum leo blandus amplectitur. Sed à feris in succensam fornacem ducitur inter Angelorum comitatum. Scilicet post binos dies aurum exit. Denique ad gladium vocatur. Sed tu crederes ad præmia invitari. Quid? quòd mortuus perrexerat tyrannum fatigare. Custodes enim corpori additos fulmine fugavit, dum terræ hoc Theophilus quidem mandaret; & Martianus judex à partu suo (vermibus) periit corrosus, inhonestum, sed vivum tamen nactus sepulchrum. Ex Mart. Rom. Pet. de Natal. & Ferrar.

Gravis est nobis inimici tentatio, sed longè gravior illi nostra oratio: ledit nos iniquitas ejus & versutia, sed multò magis nostra eum simplicitas & misericordia torquet. Humilitatem nostram non sustinet, uritur charitate nostrâ, obedientiâ cruciatur. S. Bern: serm. 3. de Dedic.

SS. INDES & DOMNA MM.

26. Decembris.

DOMNA superstitionis in aulâ Maximiani Imp. summa Antistita, dum quæ fortiter egerunt Apostoli, legit, & aures Christianæ dat Virgini, sacrificare rectius Christo discit, & jam semet parat immolare. Tam sancti propositi socius, qui illi à cubiculis erat, INDES est factus. Cum hoc primò omnium aurum & argentum in manibus miserorum occultat. Tum cibos, quos quotidie Imperator lautissimos submittebat, ad eosdem transmittit, ipsa cibario pane & aquâ famem sitimque martyrii accendit. Ea res cum aulam omnem

omnem in admirationem raperet, curiosus Eunuchus in cubiculum se penetrat DOMNÆ, & cum libro, de quo diximus, & cruce, itemque thuribulo & cistellâ, quâ delicias suas panem Angelorum asservabant, rem omnem in lucem protrahit. Cæsi igitur fame ultimâ excrucianti in carcerem concluduntur. Sed numquam aliàs tam opiparè vixerunt, quando mensam Angeli posuerunt omnibus lautitiis instructam. Inter hæc DOMNA unicâ zonâ, quam gestabat, auro & gemmis gravem, per fenestram demissâ, totam pauperum cohortem vestivit. Mox, ut cum cœnobio aulam liceret mutare, prudenter desipere se adsimulavit. Iterum deinde insidiantem Maximum virili veste elusit, cumque jam non hanc modò, sed animum etiam virilem induisset, & INDEN mari mersum extractumque tumulasset, cæsa pro Christo, & in ignes conjecta, ex Sacerdote rectè victima est facta. *Ex Metaphr.*

Audiant Christiani qui quotidie corpus Christi attingunt, quantam de ipso corpore sumere possint medicinam; quando mulier totam rapuit de solâ Christi simbriâ sanitatem. Sed quod nobis flendum est, notis medicina ipsa retorquetur ad vulnus. S. Petr. Chrys. serm. 34.

S. CONSTANTINUS CONF.

26. Decembris.

Natus est hic CONSTANTINVS Hebræus, vixit verò Christianus, cum Christianum alium, qui in fossam lapsus signo crucis se manierat, surgere incolumem vidisset. Ab eo tempore ita CHRISTI crucisque amore arsit, ut flammæ pectoris prodigiòsus in vultu splendor proderet.

D d

Impuram

Impuram è gente suâ puellam ad illicita se pelli-
cientem cruce neci dedit, cruce vitæ reddidit. In
cœnobium deinde, divino ductu, cùm venisset,
dum Servatoris è cruce pendentis pedibus oscu-
lum tulit, Servator ipse amplexum illi rependit,
simul suâ manu ductâ crucē fronti ejus impressit.
Ipsè quoque locum eum, quo sacris undis est tin-
ctus, pedum suorum vestigiis insignē; eum verò,
quo preces solitus est facere, cœlestibus odoribus
nobilem fecit. Jam templorum portæ spontè illi
pandebantur. Totus oculus illa etiam, quæ in
animis hominum gerebantur, pervidit: undas
sicco, cùm libuit, pede perambulavit, terrâ obru-
tus umbilico tenus XL. dies sine cibo duravit.
Obiit verò anno, postquàm sacris est initiatus,
VIII. verissimus Abrahæ filius. *Ex Menais.*

*Cùm cruce signaris, in mentem tibi veniat omnis
vis, quam crux continet, ac tum iram omnesque à ra-
tione aversos impetus extinxeris. Cùm frons consigna-
bitur, aut reliqua membra, fac ut te ipse hostiam Deo
gratam offeras. S. Chrysost. de Ven. crucis.*

S. JOANNES APOST. 27. Decembris.

ECCE, MATER magna, filius tuus! Ecce quis-
quis filius Mariæ es, germanus Virginis
Sodalis JOANNES, cui ultimum cœnans Christus
in pulvillum pectus suum, moriens in matrem,
matrem dedit suam, nostram etiam deinceps, si
Joannes sumus. Asiam administravit. Exul pa-
triam tamen cœlestem, aliaque quæ scriptis man-
davit, arcana vidit. Venenum, quod cruce tempe-
rasset, innoxium bibit, nec ab hoc tantum abhor-
ruit, quantum ab hæreticis, Cerintho præcipuè,
quicum ne lavare quidem eisdem in balneis vo-
luit.

luit. Amorem ejus aquæ multæ non potuerunt extinguere. Magis etiam arsit, cum oleo Romæ ab igne bullienti immissus fuit. Ajebat summā legis *Amorem* esse. Illud unum in ore habuit: *Filioli diligite alterutrum*. Certè quantum animos dilexerit, argumentū ingens juventæ nescio quis juvenis est. Hunc Ephesum abiturus JOANNES Episcopo unicè commēdaverat, sed pessimo custodi. Ecce adolescens is capitur ab animorum prædonibus (socios hodie malè dicimus) mox ipse corporum etiam latro, mox dux latronum evadit. Subinde JOANNES adest, & pretiosum ab amico depositum exposcit. Amissum ubi audit, graviter fidem malam objurgat, in silvas deinde excurrit (senio alas amore ministrante) visamque prædam tamdiu insequitur, dum lacrimis suis sistit, canisque, & amplexibus impeditam in viam reducit. Cessit itaque feliciter hæc venatio. Hodie multæ ejuscemodi feræ pereunt, quia retia fugiunt, maluntque ab orco rapi, quàm à cælo capi. *Ex Bar.*

Per B. Ioannis vestigia ad Redemptorem nostrum, pleno cordis amore tendamus: hujus doctrinam velut coruscam lampadem nostris semper gressibus præferamus; pudeat jam terrenis incumbere, qui per spei desiderium ad celestē cœpinus gloriam festinare. P. Dam. serm. 2. de S. Joan.

SS. INNOCENTES MM.

28. Decembris.

MAla omnia nunciabat. Herodi nuncius. Magis allatus. Quid? mea demum corona erit, quæ duos reges ferat? aut regni mei alienum heredem vivi spectabunt liberi? vivus ego? quin caput illi nunc aufero, ne ille diadema mihi? pur-

D d 2

puram

præter mortem & æternitatem habere. Ita non imparatum hæc offendit anno ab obitu conjugis tertio. Mortuus filix primò visus est illa verba Vatis blandissimè effari, *Ecce moritur justus, & nemo recogitat* ; tum alteri deinde è virginibus regio habitu fulgens nuntiansque MEGENGORIS nomen in MEGENGAVDII sibi mutatum esse. *Ex vitâ S. Adelhaidis & Molano.*

Christi humilitas nulli aspernanda divitum, nulli est erubescenda nobilium. Nec enim in tantum provehi potest quælibet felicitas humana fastigium, ut æstimet sibi pudendum, quod Deus in formâ servi non est arbitratus indignum. S. Leo serm. i. de Resurr.

SS. AMMON ET SOC. MM.

20. Decembris.

Sub annum partæ salutis ccliii. Alexandriæ eodem tempore in Christianos sævitum est, & in latrunculos animadversum; simili in longè dissimillimos supplicio. Fortè inter nomina horum nomen delatum est Genesii. Hic quòd extra culpam esset, facile se purgavit. Sed dum à latrocinii suspitione absolvitur, ut Christianus accusatur. Hic nihil negare jam Genesius, gloriari hoc facinore. Latronibus igitur sociatus, pejusque his ipsis habitus igne crematus est. Hoc verò supplicii genere territus alius quispiam è Christianis, cum nutare non dubiis signis ad tribunal impium videretur, ecce AMMON, ZENO & PTOLEMÆVS (fortissimi milites) per medium agmen penetrare, & cum verbis non possent, nutu labantem ad constantiam hortari. Itaque jam oculis annuere, jam manibus loqui, jam lacrimis & gemitibus clamare, jam toto corpore supplicare, ne indignum

gnum quidquam Christiano admitteret. Hoc ipsum verò cum oculos non posset fugere spectatorum, vulgum scilicet in se armarunt. Tum verò nihil dissimulandum amplius rati, in medium omnes prodierunt, & Christum jam pleno etiam ore confessi populum omnem in stuporem rapuerunt, socios contra tyrannum mirum quantum animarunt, ipsi verò gaudio exilierunt, quòd cæli civem, hoc est Martyrem, servassent. *Ex epist. Dion. Alex. apud Euseb.*

Quo, queso, dignum te judicabis, qui factus ad imaginem factoris tantæ in te majestatis non defendis dignitatem? Et tu homo, cum in honore esses, honorem tuum non intelligens, compararis jumentis insipientibus, dum nil spirituale aut æternum elaboras? S. Bern. epist. 104.

S. THOMAS AP. 21. Decembris.

DIVUS THOMAS est, cui etiam palpate fidem licuit; & profuit, dubitasse THOMAM, ut Indus crederet. Nam fidem in Indiam Meliaporem usque tulit, firmavitque miraculo, cum ingenti mole arborem, & quam multi & homines & elephanti movere loco frustra laborarant, obsequentem ipse cingulo suo per milliaria x. tractam templi structuræ devovit, simulque vaticinium edidit, cum mare pertingeret illuc, affuturos, qui quam ipse nunc fidem præluceret, extinctam iterum populis accenderent; quod fieri nuper sub cœptas Hispanorum navigationes vidimus. Ceterum fuit è sacrificulis tum temporis, qui suâ manu filium mactavit, scelusq; THOMÆ affinxit. Hic alium nullum pro se causam dicere THOMAS voluit, præter infantem mortuum. quis credat?

Absolvit

Absolvit disertis verbis infans THOMAM, & patrem suum damnavit. Enimverò his miris uti nuper arborem, ita nunc in sententiam Regem ac populum omnem traxit, si unos sacrificulos demas, qui aliò ab invidiâ abstracti præcantē ante sacram crucem THOMAM sagittis primò, tum hastâ trajecerunt, strenuum utique fidei propugnatores, qui, ut signa defenderet, cecidit ante signa. *Ex Maffeo & Osorio.*

Sicut Thoma, ita etiam inimicis suis demonstraturus est Christus vulnera, ut convincens eos veritas dicat, Videris vulnera, quæ inflixistis; agnoscitis latus, quod pupugistis; quoniam per vos & propter vos apertum est, nec tamen intrare voluistis. S. Aug. de Symbol.

S. ANASTASIA MART. 22. Decembris.

ANASTASIA è Romano & patricio sanguine patrem in fide agnovit S. Chrysogonum. Nupta viro (Publio nomen erat) à Christianâ religione alieno, matrimonii usu semper abstinuit, siue castitatis amore, siue superstitionis odio. Interea tamen mater pro Christo victorum audiebat, quos illa summis studiis ultimisque servitiis colebat, tunc præsertim, cum conjunx malus malam mortem obiit, qui carcere omnibusque malis, dum vixit, ANASTASIAM exercuit. Publio Ulpianus in impietate successit, sed quòd vim inferre castissimæ tentasset, oculis primò orbatus, mox vitâ ejectus, Publium ad orcum quoq; subsequutus est. Sub hæc cum bene magnus numerus Christianorum in navim perforatam imponeretur, certo naufragio perituris dux ANASTASIA data est. Sed neque sic navigantibus sidera defuerunt. Visa est in velis D. Theodora nuper è flammis

flammis cum tribus filiis astris inserta. Hæc Helenâ magis propitia navim ad littus appulit. Sed hem in portu alia tempestas insurgit! ANASTASIA tribus palis alligata igne exuritur; socia turba omnis per diversa supplicia fortes animos expirat, eâ in vultu & oculis lætitiâ, ut ad nuptias ire omnes dixisses. Et ibant, sed Agni; ituri porro, quocumque hic iverit, quid? quod vestigia sua, quò nos etiam sequi sciremus, sanguine signarunt. *Ex Metaphr.*

Contra mortifera blandimenta luctemur, scientes in eo quotidiana martyria Christianis deesse non posse. Si enim castitas & veritas & iustitia Christus est; sic & ille, qui eis insidiatur, persecutor est; & qui ea in aliis defendere, & in seipso custodire voluerit, Martyr est. S. August. serm. 250. de Temp.

S. VICTORIA V. & M. 23. Decembris.

NEmpe nuptias VICTORIA parabat, nihil magis sollicita, quàm ut ad easdem abhorrentem Anatoliam impelleret. Aiebat itaq; nuptias primos homines celebrasse, Deo ipso paranympho. Easdem sacrosanctas ab omnibus gentibus, etiam Christianis, habitas esse. Christum nuptias adiisse & miraculo probasse; ipsum adeò despondere sibi Ecclesiam voluisse. denique quid liberis & nepotibus dubitaret orbem implere, quando, ut hic cresceret, Deus imperasset? Contra pugnat Anatolia, in primâ mundi ætate hæc locum habuisse, cum juvenem hunc crescere & impleri inquilinis opus erat. At nunc incolas non tam orbi quàm cælo deesse. Christum non nisi è Virgine voluisse nasci, vivere morique virginem voluisse, sponsum Ecclesiæ non nisi Virginis esse.

Neque

utrimq; acies, signa signis inferri, viros viris concurrere, scuta scutis, pede pedem hære. Interea aspicit ex cælestibus ducibus unum, qui decussatis in crucem pedibus, aleam belli regebat, & victoriam ex suo arbitrio dispensabat. Nam cum sinistrum pedem dexter premebat, Romani; cum sinister dextro incumberebat, Bulgari vincebant. Sed & inter cæsorū corpora locum vacuum videt, auditq; fatalem eum sibi & commilitonibus suis futurū fuisse, si Veneri heri palmam cessisset. Somnii veritatē cum sole dies ostendit, & strages Romanorum, quibus vincentibus primò, Bulgari ultimò victoriā extorserunt. Tum enim verò NICOLAVS rectius dehinc bellaturus, nomen militiæ religiosæ dedit. In hâc tot trophæa posuit, quot pugnas pugnavit. Illud nobilissimū omnium est, quod NICOLAVS de NICOLAO statuit. *Ex Menais.*

Vide quid tibi ante tribunal illud terrificum respondendum sit de eo, quod acceperis in vano animā tuam, & animam talem; si inveniaris nihil egisse amplius de immortali & rationali spiritu, quàm quod vis pecus de suo? S. Bern. epist. 104.

NATIVITAS CHRISTI. 25. Decembris.

Euge nox omni die candidior! Vides, quæ nullus dies vidit. Surgit, ecce, non ab undis, sed stipulis Sol meus. Superi! tam propè junctam soli quis umquā lunam conspexit? viden' ut è filii vultu latiores radios mutuetur maternus oculus? Cæcus sum, nisi in hâc nocte amorē DEI mei video: video, video in hoc speculo ruborem meum. Stabulum, stipulæ, panni arguunt: Boreas frigus pectoris accusat: bos asinusque ingrati clamant: loquaces puelli lacrimæ, & è parvo pectore magni

dixit, ut ad oculorum verborumque fulmina attoniti omnes hærent, jamque non in hominem pugnare se, sed Angelum crederent. STEPHANVS hoc acrius victis instare, tunc præsertim, cum ad spectaculū cælo se effundente, virtutis arbitrum ponē dextram Patris stantem CHRISTVM habere se vidit. Itaque cum urbe exturbatus saxis obrueretur, in genua subsidens egregius triarius fortissimè omnia excepit; Deo identidem nunc se, nunc hostes suos commendans. Et licet horum causa pessima esset, tam bono tamen patrono perorante, veniam impetravit Saulus, non ita multò post CHRISTO conciliandus, & in Paulum mutandus. Tam verum jam tunc fuit, Martyrum sanguinem Christianorum semen esse. *Ex Act. Ap.*

Etiam nos exemplo S. Stephani pro Domino pugnare non pigeat. Indicta nobis est pugnandi necessitas. Implacabiles sunt adversarii nostri, contra quos spiritualia arma sumenda. Corde certandum est, & corde vincendum. Laur. Justin. serm. de S. Steph.

S. MARINUS M. 26. Decembris.

A Ge Sparta, & vel omne juventæ tuæ robur cum unius adolescentis MARINI fortitudine compone. Hic Romanus, & patricius, flagratamen ecce concoquit. Catenas ut torques induit. Carceri ut palatio arridet. Suspensus ab equuleo despicit tyrannum. In lacero uncis corpuseculo animum jactat non faucium. Serrâ ligneâ secandus gaudet geminus pugnare. In crate velut thoro accumbit. Ignis ubi subjicitur, flammæ Hercules invitat. Dum plumbum superfunditur liquatum, blanditias probat. Dum in sartaginem immittitur flammantem, laudat delicias. Arboris
ramis

ramis distrahendus evadit Milone fortior puer. Jam ad feras damnatus, ecce colludit his, & pardus pedes veneratur linguâ blandâ; manus tigris exosculatur; collum leo blandus amplectitur. Sed à feris in succensam fornacem ducitur inter Angelorum comitatum. Scilicet post binos dies aurum exit. Denique ad gladium vocatur. Sed tu crederes ad præmia invitari. Quid? quòd mortuus perrexerat tyrannum fatigare. Custodes enim corpori additos fulmine fugavit, dum terræ hoc Theophilus quidem mandaret; & Martianus judex à partu suo (vermibus) periit corrosus, inhonestum, sed vivum tamen nactus sepulchrum. Ex Mart. Rom. Pet. de Natal. & Ferrar.

Gravis est nobis inimici tentatio, sed longè gravior illi nostra oratio: lædit nos iniquitas ejus & versutia, sed multò magis nostra eum simplicitas & misericordia torquet. Humilitatem nostram non sustinet, uritur charitate nostrâ, obedientiâ cruciatur. S. Bern. serm. 3. de Dedic.

SS. INDES & DOMNA MM.

26. Decembris.

DOMNA superstitionis in aulâ Maximiani Imp. summa Antistita, dum quæ fortiter egerunt Apostoli, legit, & aures Christianæ dat Virgini, sacrificare rectius Christo discit, & jam semet parat immolare. Tam sancti propositi socius, quî illi à cubiculis erat, INDES est factus. Cum hoc primò omnium aurum & argentum in manibus miserorum occultat. Tum cibos, quos quotidie Imperator lautissimos submittebat, ad eodem transmittit, ipsa cibario pane & aquâ famem sitimque martyrii accendit. Ea res cum aulam omnem

omnem in admirationem raperet, curiosus Eunuchus in cubiculum se penetrat DOMNÆ, & cum libro, de quo diximus, & cruce, itemque thuribulo & cistellâ, quâ delicias suas panem Angelorum asservabant, rem omnem in lucem protrahit. Cæsi igitur fame ultimâ excrucianti in carcerem concluduntur. Sed numquam aliàs tam opiparè vixerunt, quando mensam Angeli posuerunt omnibus lautitiis instructam. Inter hæc DOMNA unicâ zonâ, quam gestabat, auro & gemmis gravem, per fenestram demissâ, totam pauperum cohortem vestivit. Mox, ut cum cœnobio aulam licerët mutare, prudenter desipere se adsimulavit. Iterum deinde insidiantem Maximum virili veste elusit, cumque jam non hanc modò, sed animum etiam virilem induisset, & INDEN mari mersum extractumque tumulasset, cæsa pro Christo, & in ignes conjecta, ex Sacerdote rectè victima est facta. *Ex Metaphr.*

Audiant Christiani qui quotidie corpus Christi attingunt, quantam de ipso corpore sumere possint medicinam; quando mulier totam rapuit de solâ Christi simbriâ sanitatem. Sed quod nobis flendum est, nobis medicina ipsa retorquetur ad vulnus. S. Petr. Chrys. serm. 34.

S. CONSTANTINUS CONF.

26. Decembris.

Natus est hic CONSTANTINVS Hebræus, vixit verò Christianus, cum Christianum alium, qui in fossam lapsus signo crucis se manierat, surgere incolumem vidisset. Ab eo tempore ita CHRISTI crucisque amore arsit, ut flammæ pectoris prodigiòsus in vultu splendor proderet.

D d

Impuram

Impuram è gente suâ puellam ad illicita se pelli-
cientem cruce neci dedit, cruce vitæ reddidit. In
cœnobium deinde, divino ductu, cum venisset,
dum Servatoris è cruce pendentis pedibus oscu-
lum tulit, Servator ipse amplexum illi rependit,
simul suâ manu ductâ crucē fronti ejus impressit.
Ipsè quoque locum eum, quo sacris undis est tin-
ctus, pedum suorum vestigiis insignē; eum verò,
quo preces solitus est facere, cœlestibus odoribus
nobilem fecit. Jam templorum portæ spontè illi
pandebantur. Totus oculus illa etiam, quæ in
animis hominum gerebantur, pervidit: undas
sicco, cum libuit, pede perambulavit, terrâ obru-
tus umbilico tenus XL. dies sine cibo duravit.
Obiit verò anno, postquàm sacris est initiatus,
VIII. verissimus Abrahæ filius. *Ex Menais.*

*Cum cruce signaris, in mentem tibi veniat omnis
vis, quam crux continet, ac tum iram omnesque à ra-
tione aversos impetus extinxeris. Cum frons consigna-
bitur, aut reliqua membra, fac ut te ipse hostiam Deo
gratam offeras. S. Chrysost. de Ven. crucis.*

S. JOANNES APOST. 27. Decembris.

ECCE, MATER magna, filius tuus! Ecce quis-
quis filius Mariæ es, germanus Virginis
Sodalis JOANNES, cui ultimum cœnans Christus
in pulvillum pectus suum, moriens in matrem,
matrem dedit suam, nostram etiam deinceps, si
Joannes sumus. Asiam administravit. Exul pa-
triam tamen cœlestem, aliaque quæ scriptis man-
davit, arcana vidit. Venenum, quod cruce tempe-
rasset, innoxium bibit, nec ab hoc tantum abhor-
ruit, quantum ab hæreticis, Cerintho præcipuè,
quicum ne lavare quidem eisdem in balneis vo-
luit.

luit. Amorem ejus aquæ multæ non potuerunt extinguere. Magis etiam arsit, cum oleo Romæ ab igne bullienti immissus fuit. Aiebat summā legis *Amorem* esse. Illud unum in ore habuit: *Filioli diligite alterutrum*. Certè quantum animos dilexerit, argumentū ingens juventæ nescio quis juvenis est. Hunc Ephesum abiturus JOANNES Episcopo unice commēdaverat, sed pessimo custodi. Ecce adolescens is capitur ab animorum prædonibus (socios hodie malè dicimus) mox ipse corporum etiam latro, mox dux latronum evadit. Subinde JOANNES adest, & pretiosum ab amico depositum exposcit. Amissum ubi audit, graviter fidem malam objurgat, in silvas deinde excurrit (senio alas amore ministrante) visamque prædam tamdiu insequitur, dum lacrimis suis sistit, canis-que, & amplexibus impeditam in viam reducit. Cessit itaque feliciter hæc venatio. Hodie multæ ejuscemodi feræ pereunt, quia retia fugiunt, maluntque ab orco rapi, quàm à cælo capi. *Ex Bar.*

Per B. Ioannis vestigia ad Redemptorem nostrum, pleno cordis amore tendamus: hujus doctrinam velut coruscam lampadem nostris semper gressibus præferamus; pudeat jam terrenis incumbere, qui per spei desiderium ad caestē cœpimus gloriam festinare. P. Dam. serm. 2. de S. Joan.

SS. INNOCENTES MM.

28. Decembris.

MAla omnia nunciabat Herodi nuncius. Magis allatus. Quid? mea demum corona erit, quæ duos reges fecit? aut regni mei alienum heredem vivi spectabunt liberi? vivus ego? quin caput illi nunc aufero, ne ille diadema mihi? pur-

D d 2

puram

puram si ambit, domi habet; suo pingat de sanguine. At ne novi quidem hostem meum. Hoc plus etiam metuo. Certè infans est. Pcreat hic omnis in regno, ut unus ille pcreat. Etiam innocens? jam nocens est, qui hostis est. Sed quí hostis? quia ego hunc timeo. Sed tyrannum dicent. Nimirum vetus hoc Regis nomen est. I, miles, omnes bimulorum cunas everte; balneum his paracruentum, sed dignum hoste. Hæc ille; cùm interea Angelus parvulum Regem, magnumque exulem in Ægyptum, gloriosâ fugâ, deducit. Sæviit nihilominus barbarus mucro. Ubique clades, & funera. Vidisses majora vulnera quam corpora, plus lactis fundi quam sanguinis; hunc saxo, illum capulo frangi; hunc è gladio, illum ab hastâ pendere, multis teli vicem militis vultum esse. Dedit tamen pœnas tyrannus: morborum enim omnium theatrum factus, eodem anno, cùm tot homicidia parricidio insuper maximi natu filii cumulasset, vitâ regnoque excidit, periitque. At prætextata illa turba cælo scilicet vivit, ridetque etiamnum tyrannum, quòd talis infantes timeat. *Ex Baron. & Saliano.*

Si temporalis & speciosa nos delectat domus, quantò magis spiritualis mansio decora & celestis nostrum sibi debet vindicare affectum? non minùs in spiritualibus quàm in temporalibus inveniamur cupidi, potissimùm cùm ista momentanea sint, illa eterna. S. Laur. Just. de SS. Innocent.

S. THOMAS EP. M. 29. Decembris.

NON jam primùm sanguine piorum rigaris Anglia. Jam olim fuso THOMÆ cruori fructum debebas, nisi cheu! sterilitatem hæresis induxisset.

duxisset. Sed ego ad THOMAM me verto. Adolescens cum eripere aquis accipitrem laboraret, ipse iisdem pæne abreptus est. Sed molæ rota exitium aliàs adnatantibus, tunc sponte suâ consistens, THOMÆ scala fuit. Debebatur scilicet diutius Angliæ regno, cuius Cancellarius postea creatus à rege est. Paulò post hic insulam Cantuariensem addidit: quam tantì THOMAS fecit, ut hanc postea regi edictis impiis contra Ecclesiam pugnanti non dubitarit opponere; quin solâ cruce armatus cum irato congredi. In illâ pugná, ut amat fieri ad tribunalia, damnatur innocentia ad vincula. Sed libertas Christiana exilium elegit, in quod ipsum rex omnes amicos THOMÆ egit, ut si non suæ, suorum certè miseriæ succumberet. Sed his calamitatibus ille ad martyrium, velut tyro ad palum, se exercebat. Nec multò post ipse conspicuus Christus ad palmam invitavit. Ergo redux in Angliam in templo invaditur. Prodit THOMAS in amplexus hostium, vetat primò cuiquam alteri è suis manum injici, jugulū deinde præbet, cadit, & muneris sui neque post mortem oblitus, bene omnibus è feretro dicit. O nunc iterum aliquando THOMA, bene Angliæ tuæ præcare. *Ex Eduardo.*

Nihil in homine, cui curiositas proffit, invenies. Frivola prorsus & inanis ac nugatoria consolatio: & nescio quid illi durius imprecer, quàm ut semper habeat, quod requirit, qui jucunda quietis fugitans curiosâ inquietudine delectatur. S. Bern. in sent.

S. MARCELLUS CONF. 29. Decembris.

A Pameæ natus MARCELLVS patrem morte puer amisit. In puero tamen hoc miseri patrem suum invenerunt, cum hereditatem omnem his cederet. Ephesi quoque quod scribendo. Lucellum sibi parabat, habebat cum egenis commune. Post verò Abbas certavit etiam cum Deo liberalitate. Sed cur hic ab homine vinceretur? Itaque cum x. nummos, qui uni reliqui erant, omnes erogari in captivos nuper Episcopos jussisset, mox dono xc. talenta recepit. Succensuit nihilominus dispensatori, quod uno retento nummo, fœnus x. talentis imminuisset. Taceo horreum vacuum mox frumento plenum, quod unis scilicet precibus suis MARCELLVS convexit: quas quidem quàm acceptas haberet Deus, ille vidit, qui supplicem humo ab Angelis vidit attolli, & solis instar nitere. Porro corpora ægrorum ita curabat, ut simul medicinam animis faceret. Quare Judæus in morbum toties, quoties in perfidiam est relapsus, dum ludentem cum Deo & Divo mors castigavit. Jam cum Byzantium urbs tota flammis delenda esset, mediam servavit MARCELLVS, igne lacrimis extincto. Cœnobium ipsius cum spoliare pararent milites, lux ingens hoc tegere visa, in luce crux, è cruce verò tot fulmina, quot tela, quæ non jam manus in prædam, sed pedes in fugam docuit prædones conjicere. Adde illud, cum Reipublicæ causâ Leonem Imp. adiret, honoris causâ ab Angelis deductum esse, uti tam nobiles stipatores corporis monacho ipse puto Imp. invideret. *Ex Metaphr.*

Homo qui natura donum, munus animæ, rationis benefi-

beneficium, excellentiam sensus, artis industriam, cultura bonum per steriles actus evertit, mergit auctori fructum, cultori gratiam negat; sicut arbor è terra, sic iste è vitâ meretur excidi. S. Petr. Chryl. serm. 106.

S. EBRULPHUS CONF. 29. Decembris.

EBRULPHVS è regis Galliæ ad Christi aulam transiit, haud paulò honestiori loco futurus. Permoveere ad transitionem illa Christi verba, quibus non modò EBRULPHVM, sed te etiam, Lector, hodie invitât: *Si quis vult venire post me, abneget semetipsum, & tollat crucem suam, & sequatur me.* Hæc, inquam, cùm attentius apud animum suum considerasset EBRULPHVS, quàm vulgò solemus, non insuper habendam ratus est conditionem, quam non homo rex, sed Deus offerret: mox igitur coniugi, liberis, aulæ, opibus, & clientelis vale ultimū dixit. Accessere comites EBRULPHO tres alii, quibus omnibus in solitudines dux bonus Angelus bonus fuit. Ibi, ut, quod initio dixeramus, non aulam, sed dominum scires deseruisse, cellas exædificavit centum & quinquaginta, totidemque clientes numeravit, aluitque, commeatum subinde cælo suppeditante. Nam cùm dimidiis fortè panis, qui unus reliquus, imperio Divi, pauperi cessisset, adfuit continuò mulus cibariis onustus. Plus etiam sollicitus fuit vaticum divinum abeuntibus è vitâ ut daret: quare cùm sine hoc è Sodalibus quidâ decessisset, in vitâ revocavit tantisper; tum demū cum hoc ire feliciter iussit. Ipse quoque ultimū æger præter hunc cibū alium nullū multo tempore admisit, stomacho (vel animo potius) omnia humana respuente. Mortuus deinde inter preces suorum revixit, dum

allem in miseros ipse dispensaret. Funeri dum illacrimatur in sacris Diaconus, morique etiam ipse exoptat, voti damnatus unà tumulatur, anno D.XC. *Ex Surio.*

Felicitas magna Christianorum, quibus datum est, ut paupertatem faciant pretium celorum. Non tibi displiceat paupertas tua, nihil eâ potest ditius inveniri. Vis nosse quàm locuples sit? calum emit. Quibus thesauris conferri potest, quod videmus paupertati indultum? S. August. serm. 28. de verb. Apost.

S. PHILETÆRUS CONF.

30. Decembris.

MIrentur alii in PHILETÆRO Procos. Nicomediæ filio illustre formæ decus, quo illum ævo suo Diis parem homines fecerunt; ego in pulcherrimo corpore pulchriorem animum demirror exosculorque; & hoc amplius, quod animi æstimator ipse egregius, nihili membrorum decorem fecit, omnibusque tormentis præbuit lacerandum. Primùm Diocletianum vicit, qui cùm blasphemus Christum incesset, vindex divini honoris PHILETÆRVS, terram cælosque ad iras movit. In fornacem deinde succensam injectus, se ipso pulchrior egressus est. Jam sub Maximiano virgis uncisque fœdum in modum acceptus, omnium tamen in se oculos Superùm rapuit, & tum denique his formosus est visus. Feræ sive formâ & ipsæ, sive fortitudine adolescentis captæ, ad pedes se abjecerunt victoris; feras verò cùm duo homines induissent, gladioque Martyri imminerent, in loco obriguere. Ultimò cùm virtus hæc oculos jam tyranni etiam perstringeret, exulare iussa est. Et ecce de viâ morbi dæmonesque mali

mali cedere, pedibus Dii se & templa sua substernere: quibus permotus Comes cum vi. militibus fidem nostram est amplexus. PHILETÆRVS cum Eubiotum virum sanctitatis famâ celeberrimum adiret, monitus hic ab Angelo bono obviâ Martyri progressus est. In ejus antro Divum septimo die, socios verò duodecimo, ab exilio mors absolvit. *Ex Menais.*

Quere tuum bonum. Nemo bonus nisi unus Deus: summum bonum hoc est bonum tuum. Pecori quid bonum est, nisi implere ventrem, dormire, gestire? Tale tu bonum quæris? Coheres Christi quid gaudes, quia socius es pecorum? S. August. in Psal. 102.

S. SILVESTER PAPA.

31. Decembris.

Patria SILVESTRO Roma, Romæ, hoc est, patriæ, pater ipse SILVESTER fuit. Hoc tamen orbare Romam Urbis probum Tarquinius voluit. Sed SILVESTER ad tribunal citatus, novo more mortē judici reus indixit. Dictum, factum. Piscem dum cœnat, os fortè ex hoc gutture receptum Tarquinius hamum mortis esse sentit. Post hæc dum Constantinus remissius rem Christianam curat, & sopitæ nuper iterum in pios persecutiones recrudescent, exul SILVESTER montem Soracten insidet; impietatis fœditatem, ut videret Imperator, leprâ inficitur. Sacrificuli, lepram ut abluat, balneas è parvulorum sanguine suadent. Ingemuere ad consilium impium omnes Romanæ matres, cum audirent sanguini, quo vel manum aspergere scelus semper non expiandum habitum est, totum velle Imperatorem innatare; certè innatare rectius tot matrum lacrimis

D d 5

jam

jam poterat. Et verò ejulatus, & comploratio totâ urbe facta aures Imperatoris exoravit, factique pœnitens, censuit ipse hoc quoque ingens scelus esse, facere scelus voluisse. Interea principum Apostolorum species dormienti oblata vocare SILVESTRVM jussit, qui sanctiores illi thermas ostenderet. Vocavit, & Christianis undis lotus, lepram corporis animique exuit. Triumphum SILVESTRO mortuo anno CCC.XXXV. cælum decrevit. *Ex Baronio.*

Mittitur Virginis Filius, Filius Dei altissimi, & jubetur occidi, ut vulneribus meis pretioso sanguinis sui balsamo medeatur. Agnosce homo, quàm gravia sint vulnera, pro quibus necesse est Dominum Christum vulnerari. S. Bern. serm. 3. de Nat.

S. BARBATIANUS CONF.

31. Decembris.

BARBATIANVS Sacerdos Antiochiâ Romam venit, credo ut virtus viri, & prodigia faciliùs inde in orbem se diffunderent. Etenim cùm sub adventum suum cæcum, alteramq; oculis laborantem puellam curasset, oculos omnium in se vertit: & cùm servulum Imp. Valentiniiani per scalas præcipitè in pedes erexit, ipsum sibi Imperatorem devinxit. Igitur à Placidiâ Augustâ Ravennam deductus, auctor huic cœpit esse, ut D. Joannis, quem Evangelistam dicimus, honori templum augustum moliretur. Persuasit, & ubi ad fastigium fabrica fuit deducta, ecce ipse Divus Joannes Pontificali habitu insignis ædem sacrare visus est, & miraculi vestigium sandalium dextri pedis Augustæ relinquere. Atque hoc templum, cùm illi jam totum se BARBATIANVS addixisset, mira-

miraculis pluribus decoravit. Nam cruce (familiari jam medicinâ) & strumam à collo nobilissimi adolescentis, & à matronâ sanguinis fluxum pepulit; atque hæc cum grata sæpius ad templum inviseret, sinistrâ suspicione ductus maritus, BARBATIANVM in templo stricto ferro aggreditur. Sed manus, pes, lingua hominis tam diu in loco obriguerunt, dum facilis etiam in hostes medicus BARBATIANVS precibus suis emolliit. *Ex Ferrar.*

Multum meruit de nobis Deus, qui & immeritis seipsum dedit nobis. Quid enim melius seipso dare poterat vel ipse? Ergo si Dei meritum queritur, illud est præcipuum, quia prior dilexit nos, dignus planè qui redametur, præsertim si advertatur, Quis, Quos, Quantumq; amaverit. S. Bern. de Dil. Deo.

S. COLUMBA VIRG. MART.

31. Decembris.

INnocentis COLVMBÆ sanguinem qui fundere hodie potuit, an non rectè hunc accipitrem dixero? Fuit hic Aurelianus Imp. qui ubi Senonas (patriam COLVMBÆ) venit, illico in virginem castissimam involavit, prædamque filii amoribus servaturus, precibus, promissis, minis à Christi amplexibus virginē studuit avocare. Sed quī potuisset avelli, quæ his se tam arctè illigaverat, hederat? Ergo aut sacrificat, ait tyrannus, aut tute igne sacrificabere, nec prius quàm quem maximè amas pudorem Veneri litaveris. Risit ad illa virgo, ad hæc cohorruit. Nec mora, ad lupas abducitur; & ecce, Barucha juvenis princeps audaciæ & impudentiæ irrumpit. Quid faceret inter ungues milvi COLVMBÆ? Gemit, & gemitus surdis

hominibus audit in theatro urſa, accurrit afflic-
tumque humi DEI rivalem tam diu terret, dum
ille DEO manus, virgo veniam dat. Interea ædi-
bus Aurelianus irâ flagrans, ignes ſubjicit. At cæ-
lum hos imbre, mox gladio cæſa COLVMBÆ ſan-
guine extinguit. Ex Ferrario.

*Si diligenter attenderis, ubique laqueos inimici de-
prehendes voluptatum illecebris tamquam melle cir-
cumlitos; ut ſi quis voluptatis ſuavitatem guſtare ve-
lit, laqueo capiatur. Noli mel hoc concupiſcere; dulce-
dinis enim illius extremum felle replet amatores ſuos.
S. Ephrem in recta vitæ ratione.*



IN.

I N D E X

634

N O M I N U M

S A N C T O R U M.

A

A Bdon & Sennen MM. 30. Iul.	372
Abramius eremit. 16. Mart.	<u>141</u>
Abundantia virgo, <u>19. Ian.</u>	<u>45</u>
Achatius cum soc. martyres, 22. Iun.	<u>313</u>
Adrianus & Natalia martyres, 8. Sept.	<u>437</u>
Ægidius confessor, 23. Apr.	<u>206</u>
Ægidius confessor, 1. Sept.	<u>428</u>
Afra martyr, 5. Aug.	<u>383</u>
Agapitus martyr, <u>18. Aug.</u>	403
Agatha virgo & martyr, <u>5. Feb.</u>	<u>74</u>
Agnes virgo & martyr, 21. Ian.	<u>50</u>
Agnes de Monte Politiana virgo, 20. Apr.	<u>203</u>
Aibertus eremita, <u>7. Apr.</u>	<u>182</u>
Aichardus Abbas, 15. Sept.	450
Aidanus Episcopus, 31. Aug.	<u>426</u>
Aigulphus martyr, <u>3. Sept.</u>	<u>430</u>
Albertus confessor, <u>7. Aug.</u>	<u>385</u>
Albertus confessor, <u>3. Sept.</u>	<u>431</u>
Albertus Magnus Episcopus, 16. Nov.	<u>557</u>
Aldegundis virgo, <u>30. Ian.</u>	63
Alexander martyr, <u>13. Maii.</u>	<u>242</u>
Alexander Carbonarius Episc. martyr, <u>11. Aug.</u>	<u>390</u>
Alexius confessor, <u>17. Iul.</u>	351
Alferus Abbas, 12. Apr.	<u>189</u>
Aloysius Gonzaga confessor, 21. Iun.	<u>312</u>
Amandus Episcopus & confessor, 6. Feb.	<u>80</u>
Da 7.	Amatus

I N D E X.

<i>Amatus confessor, 8. Maii.</i>	235
<i>Ambrosius Sansedonius confessor, 20. Mart.</i>	154
<i>Ambrosius Episcopus, 7. Dec.</i>	598
<i>Ammon cum soc. martyres, 20. Dec.</i>	616
<i>Ananias, Azarias, Misael, 16. Dec.</i>	611
<i>Anastasia virgo & martyr, 22. Dec.</i>	618
<i>Anastasius martyr, 22. Ian.</i>	51
<i>Anatolia virgo, martyr, 9. Iul.</i>	341
<i>Andreas Corsinus Episcopus, confessor, 6. Ian</i>	27
<i>Andreas de Chio martyr, 29. Maii.</i>	270
<i>Andreas martyr, 17. Octob.</i>	506
<i>Andreas Episcopus, 6. Nov.</i>	545
<i>Andreas Apostolus, 30. Nov.</i>	583
<i>Andronicus & Athanasia, 27. Febr.</i>	115
<i>Angelus Carmelita, 5. Maii.</i>	230
<i>Anno Episcopus, 4. Dec.</i>	592
<i>Annunciatio B. M. Virg. 25. Mart.</i>	160
<i>Anonymus Ægyptius martyr, 11. Dec.</i>	604
<i>Ansbertus Episcopus, 9. Febr.</i>	86
<i>Anselmus Episcopus, 21. Apr.</i>	204
<i>Anthusa virgo, 22. Aug.</i>	410
<i>Antiochenæ martyres, 11. Mart.</i>	133
<i>Antoninus Episcopus, 2. Maii.</i>	224
<i>Antoninus martyr, 2. Sept.</i>	429
<i>Antonius Magnus Abbas, 17. Ian.</i>	42
<i>Antonius Episcopus, 12. Febr.</i>	91
<i>Antonius de Padua confessor, 13. Iun.</i>	294
<i>Apollinaris virgo, 5. Ian.</i>	24
<i>Apollonia virgo & martyr, 9. Febr.</i>	85
<i>Arcadius martyr, 12. Ian.</i>	35
<i>Armogastus & Satyrus, 29. Mart.</i>	164
<i>Arnulphus Episcopus, 16. Aug.</i>	397
<i>Arsenius Abbas, confessor, 19. Iul.</i>	353
<i>Asella virgo, 7. Dec.</i>	597

Assum-

<i>Assumptio B.M.V.</i> 15. <i>Aug.</i>	396
<i>Athanasia & Andronicus</i> , 27. <i>Febr.</i>	115
<i>Athanasius Episcopus</i> , 2. <i>Maii.</i>	223
<i>Audoënus Episcopus</i> , 24. <i>Aug.</i>	414
<i>Audomarus Episcopus</i> , 9. <i>Sept.</i>	440
<i>Augustinus Episcopus</i> , 28. <i>Aug.</i>	423
<i>Ejus conversio</i> , 5. <i>Maii.</i>	229
<i>Avitus confessor</i> , 17. <i>Iun.</i>	303
<i>Aurelius & Natalia martyres</i> , 27. <i>Aug.</i>	420
<i>Austreberta virgo</i> , 10. <i>Febr.</i>	89
<i>Austregisilus Episcopus</i> , 20. <i>Maii.</i>	258
<i>Auxentius Abbas</i> , 14. <i>Febr.</i>	95
<i>Auxibius Episcopus</i> , 19. <i>Febr.</i>	104

B

B <i>Abylas Episcopus, martyr</i> , 24. <i>Ian.</i>	55
<i>Balbina virgo</i> , 31. <i>Mart.</i>	168
<i>Barbara virgo, martyr</i> , 4. <i>Dec.</i>	593
<i>Barbatianus confessor</i> , 31. <i>Dec.</i>	634
<i>Barnabas Apostolus</i> , 11. <i>Iun.</i>	291
<i>Barlaam & Iosaphat confessores</i> , 27. <i>Nov.</i>	580
<i>Bartholomæus Apostolus</i> , 24. <i>Aug.</i>	413
<i>Basileus Episcopus</i> , 26. <i>Apr.</i>	210
<i>Basilides cum sociis martyres</i> , 10. <i>Iun.</i>	288
<i>Basiliscus martyr</i> , 22. <i>Maii.</i>	260
<i>Basilissa & Iulianus</i> , 9. <i>Ian.</i>	32
<i>Basilus Magnus</i> , 1. <i>Ian.</i>	17
<i>Bassa cum FF. martyres</i> , 21. <i>Aug.</i>	407
<i>Bavo confessor</i> , 1. <i>Octob.</i>	481
<i>Benedictus Abbas</i> , 20. <i>Mart.</i>	555
<i>Benno Episcopus</i> , 16. <i>Iun.</i>	298
<i>Bernardinus Senensis confessor</i> , 20. <i>Maii.</i>	257
<i>Bernardus Abbas</i> , 20. <i>Aug.</i>	405

Bernar-

I N D E X.

Bernardus Senensis, 22. Aug.	409
Bertulphus confessor, <u>5. Feb.</u>	77
Berytens. Crucifixi memoria, <u>9. Nov.</u>	548
Blasius Episcopus, martyr, <u>3. Feb.</u>	70
Bobo confessor, <u>23. Maii.</u>	262
Bona virgo, <u>24. Apr.</u>	208
Bonaventura Episcopus, Card. <u>14. Iul.</u>	347
Bonsilius confessor, <u>8. Sept.</u>	439
Bonifacius Episcopus, <u>14. Maii.</u>	245
Bonifacius martyr, 5. Iun.	280
Bonifacius martyr, <u>19. Iun.</u>	306
Bonitus Episcopus, confessor, 15. Ian.	40
Bononius Abbas, <u>30. Aug.</u>	425
Brigida virgo, 1. Febr.	68
Brigitta vidua, 23. Iul.	359
Bruno confessor, <u>6. Octob.</u>	488
Bruno Episcopus, 11. Octob.	498
Brynolphus Episcopus, 6. Feb.	81

C

C Æcilia virgo, martyr, 22. Nov.	570
Cæsarius Episcopus, <u>27. Aug.</u>	421
Cæsarius martyr, 1. Nov.	534
Calliopius martyr, <u>7. Apr.</u>	181
Callistratus martyr, <u>27. Sept.</u>	470
Caprasius & Fides martyres, 20. Octob.	511
Carolus Borromæus Episc. Card. <u>4. Nov.</u>	539
Carpus discipulus S. Pauli, <u>26. Maii.</u>	266
Casimirus confessor, 4. Mart.	122
Cassianus Episcopus, martyr, <u>13. Aug.</u>	393
Catharina Senensis virgo, <u>29. Apr.</u>	216
Catharina Sueca virgo, 22. Mart.	156
Catharina virgo, martyr, 25. Nov.	574
Ceadda Episcopus, 2. Mart.	119

Chariton

I N D E X.

Chariton confessor, <u>28.Sept.</u>	474
Chilianus cum sociis martyres, 8.Iul.	339
Christiana ancilla Ibera, <u>15.Dec.</u>	610
Christianus monachus, <u>4.Feb.</u>	73
Christina virgo, martyr, 24.Iul.	360
Christina Mirabilis, 24.Iul.	361
Christophorus martyr, 25.Iul.	363
Chrysanthus & Daria martyres, 25.Octob.	522
Circumcisio D.N.Iesu Christi, 1.Ian.	16
Clara virgo, 12.Aug.	392
Clara de Monte Falco virgo, 17.Aug.	401
Claudius, Asterius & Neon martyres, 23.Aug.	411
Clemens Ancyranus martyr & Episc. 23.Ian.	52
Clemens Papa, martyr, 23.Nov.	571
Codratus martyr, 10.Mart.	132
Coleta virgo, 6.Mart.	125
Colmannus martyr, 13.Octob.	501
Columba virgo, martyr, 31.Dec.	635
Columbanus Abbas, 21.Nov.	562
Commemoratio omniū Fidelium Defunctorū, 2.Nov.	535
Commemoratio Crucis Berytensis, <u>9.Nov.</u>	548
Conceptio B.M.V. 8.Dec.	599
Conon martyr, <u>5.Mart.</u>	123
Conon martyr, 29.Maii.	269
Conradus eremita, 19.Feb.	105
Conradus Episcopus, 26.Nov.	576
Constantinus confessor, <u>26.Dec.</u>	625
Constantius Episcopus, martyr, 29.Ian.	62
Conversio S.Pauli Apostoli, 25.Ian.	56
Conversio <u>B.Augustini</u> , 5.Maii.	229
Corbinianus Episcopus, <u>8.Sept.</u>	438
Cunibertus Episcopus, 12.Nov.	551
Cuthbertus Episcopus, 20.Mart.	152
Cyprianus & Iustina martyres, 26.Sept.	467
Dacha-	

639

I N D E X.

D

D Achatius martyr, 15. Dec.	609
Daniel propheta, 21. Iul.	355
Daniel Abbas, 21. Iul.	356
Daniel Stylita confessor, 11. Dec.	603
Daria & Chrysanthus martyres, 25. Octob.	522
Dasius martyr, 20. Nov.	566
Dedicatio S. Maria ad Nives, 5. Aug.	381
Decollatio S. Ioannis Baptista, 29. Aug.	424
Demetrius martyr, 26. Octob.	523
Didymus & Theodora martyres, 28. Apr.	212
Dionysius <u>Areopagita</u> , 9. Octob.	494
Dominicus confessor, 4. Aug.	380
Dominicus Loricatus confessor, 14. Octob.	503
Dorothea virgo & martyr, 6. Febr.	79
Dunstanus Episcopus, 19. Maii.	255
Dympna virgo & martyr, 15. Maii.	249

E

E Berhardus Episcopus, 1. Iul.	327
Ebrulphus confessor, 29. Dec.	631
Editha virgo, 16. Sept.	451
Edmundus Episcopus, 16. Nov.	558
Edmundus rex, martyr, 20. Nov.	367
Eduardus rex, confessor, 5. Ian.	25
Eduardus rex, 18. Mart.	147
Elesbaan rex, confessor, 27. Octob.	526
Eleutherius Abbas, 6. Sept.	434
Eligius Episcopus, 1. Dec.	586
Elisabetha vidua, 19. Nov.	565
Elzearius confessor, 27. Sept.	471

Emericus

I N D E X.

<i>Emericus confessor, 4. Nov.</i>	541
<i>Emmeranus Episcopus & martyr, 22. Sept.</i>	462
<i>Engelbertus Episcopus, martyr, 7. Nov.</i>	546
<i>Ephrem diaconus, 1. Febr.</i>	67
<i>Epiphania seu Trium Regum, 6. Ian.</i>	26
<i>Epiphanius Episcopus, 12. Maii.</i>	240
<i>Equitius Abbas, 7. Mart.</i>	127
<i>Erendrudis virgo, 30. Iun.</i>	324
<i>Ericus rex, martyr, 18. Maii.</i>	253
<i>Ermelinda virgo, 29. Octob.</i>	529
<i>Ethbinus Abbas, 19. Octob.</i>	510
<i>Eucherius Episcopus, 20. Febr.</i>	106
<i>Eudoxius martyr, 5. Sept.</i>	433
<i>Eulalia virgo, martyr, 10. Dec.</i>	602
<i>Euphrasia virgo, 13. Mart.</i>	137
<i>Euphrosynus confessor, 11. Sept.</i>	445
<i>Eustachius cum sociis martyres, 20. Sept.</i>	457
<i>Eustasius Abbas, 29. Mart.</i>	165
<i>Eustochium virgo, 2. Nov.</i>	536
<i>Eutropia & Nicasius martyres, 14. Dec.</i>	608
<i>Eutychius martyr, 15. Apr.</i>	196
<i>Exaltatio S. Crucis, 14. Sept.</i>	449

F

F <i>Austinus & Iovita martyres, 15. Febr.</i>	96
<i>Felicitas cum 7. filiis martyres, 10. Iul.</i>	342
<i>Felix Presbyter, 14. Ian.</i>	37
<i>Ferreolus martyr, 18. Sept.</i>	455
<i>Fides, Spes & Charitas virgines, martyres, 1. Aug.</i>	377
<i>Firmina virgo, martyr, 24. Nov.</i>	573
<i>Firmus & Rusticus martyres, 9. Aug.</i>	387
<i>Flavia Domitilla virgo & martyr, 7. Maii.</i>	234
<i>Florianus martyr, 4. Maii.</i>	226

Fertu-

I N D E X.

Fortunatus Episcopus, <u>14. Octob.</u>	502
Francisca Romana vidua, <u>9. Mart.</u>	131
Franciscus Borgia confessor, <u>1. Octob.</u>	482
Franciscus confessor, <u>4. Octob.</u>	485
Franciscus de Paula confessor, <u>2. Apr.</u>	171
Franciscus <u>Senensis</u> , <u>30. Apr.</u>	219
Franciscus Xaverius Soc. JESU, <u>2. Dec.</u>	<u>588</u>
Fridolinus Abbas, <u>6. Mart.</u>	<u>124</u>
Fronto Abbas, <u>14. Apr.</u>	<u>194</u>
Fructuosus Episcopus, martyr, <u>21. Ian.</u>	48
Fulco Episcopus, <u>26. Octob.</u>	<u>525</u>
Furseus confessor, <u>16. Ian.</u>	41

G

G Alation & Episteme martyres, <u>5. Nov.</u>	<u>543</u>
Galganus eremita, <u>3. Dec.</u>	591
Gallicanus martyr, <u>25. Iun.</u>	<u>319</u>
Gallus Abbas, <u>16. Octob.</u>	<u>505</u>
Gangulphus martyr, <u>11. Maii.</u>	<u>238</u>
Gelasius confessor, <u>5. Feb.</u>	78
Genesius martyr, <u>25. Aug.</u>	<u>417</u>
Genovefa virgo, <u>3. Ian.</u>	21
Genovefa palatina, <u>12. Apr.</u>	<u>172</u>
Georgius martyr, <u>24. Apr.</u>	<u>207</u>
Gerardus Episcopus, martyr, <u>24. Sept.</u>	<u>465</u>
Germanus Episcopus, <u>28. Maii.</u>	<u>268</u>
Germanus Episcopus, <u>31. Iul.</u>	<u>373</u>
Geroldus martyr, <u>7. Octob.</u>	<u>491</u>
Gertrudis virgo, <u>17. Mart.</u>	<u>146</u>
Glodesindis virgo, <u>25. Iul.</u>	<u>364</u>
Glyceria & Laodicius martyres, <u>10. Maii.</u>	<u>237</u>
Goar Presbyter, <u>6. Iul.</u>	<u>334</u>
Godefridus Comes Capenberg. <u>13. Ian.</u>	36

Godefri-

I N D E X.

Godefridus Episcopus, 8. Nov.	547
Godeleva martyr, 6. Iul.	335
Golinducha vidua, martyr, 11. Iul.	343
Gordius Centurio martyr, 3. Ian.	20
Gregorius Magnus Papa, 12. Mart.	134
Gregorius Nazianzenus Episcopus, 9. Maii.	236
Gregorius cum sociis confessores, 24. Aug.	416
Gregorius Episcopus, 30. Sept.	478
Gregorius Thaumaturgus Episcopus, 17. Nov.	559
Gregorius Turonensis Episcopus, 17. Nov.	560
Gualterius Abbas, 4. Iun.	279
Guido confessor, 12. Sept.	447
Guilielmus confessor, 10. Feb.	87
Guilielmus Abbas, 6. Apr.	180
Guntramus rex confessor, 28. Mart.	163
Gurias, Samonas & Abibus martyres, 15. Nov.	556
Guthlacus eremita, 11. Apr.	188

H.

H Edwigis vidua, 15. Octob.	504
Helenus Abbas, 17. Apr.	198
Heliseus propheta, 14. Iun.	295
Helladius Episcopus, 18. Febr.	103
Hemmingus Episcopus, 21. Iun.	311
Henricus confessor, 13. Mart.	138
Henricus Imperator, 14. Iul.	346
Henricus Suso, 25. Ian.	58
Heribertus Episcopus, 16. Mart.	143
Hermannus-Iosephus confessor, 4. Apr.	176
Hermenigildus martyr, 13. Apr.	191
Hieronymus D. Eccl. 30. Sept.	477
Hilarion Abbas, 21. Octob.	512
Hildegardis Abbatissa, 17. Sept.	454

Homo-

I N D E X.

<i>Homobonus confessor, 13. Nov.</i>	553
<i>Hospitius confessor, 21. Maii.</i>	<u>259</u>
<i>Hugo Abbas, <u>29. Apr.</u></i>	215

I

I acobus Alemannus, 11. Octob.	<u>499</u>
I acobus Apostolus, <u>25. Iul.</u>	<u>362</u>
<i>Iacobus eremita, <u>28. Ian.</u></i>	61
<i>Iacobus confessor, 31. Maii.</i>	<u>273</u>
<i>Iacobus Nisibensis Episcopus, 15. Iul.</i>	<u>349</u>
<i>Iacobus Intercisus martyr, <u>27. Nov.</u></i>	<u>579</u>
<i>Ianuarius Episcopus, & socii martyres, <u>19. Sept.</u></i>	<u>456</u>
<i>Iapones martyres, 5. Febr.</i>	75
<i>Ignatius Episcopus & martyr, 1. Febr.</i>	<u>66</u>
<i>Ignatius de Loyola confessor, <u>31. Iul.</u></i>	<u>374</u>
<i>Ildephonsus Episcopus, 23. Ian.</i>	<u>54</u>
<i>Indes & Domna martyres, <u>26. Dec.</u></i>	<u>624</u>
<i>Innocentes martyres, <u>28. Dec.</u></i>	<u>627</u>
<i>Inventio S. Crucis, <u>3. Maii.</u></i>	225
<i>Ioachim pat. B.V.M. 20. Mart.</i>	151
<i>Ioachim Senensis confessor, <u>16. Apr.</u></i>	<u>197</u>
<i>Ioannes confessor, 10. Octob.</i>	<u>496</u>
<i>Ioannes Angelus confessor, <u>24. Octob.</u></i>	521
<i>Ioannes Apostolus, Euangelista, <u>27. Dec.</u></i>	<u>626</u>
<i>Ioannes Baptista, <u>24. Iun.</u></i>	317
<i>Ioannes Bonus confessor, 22. Octob.</i>	516
<i>Ioannes Calybita confessor, 15. Ian.</i>	<u>39</u>
<i>Ioannes Chrysostomus Episcopus, <u>27. Ian.</u></i>	<u>60</u>
<i>Ioannes Chuzubita eremita, 3. Octob.</i>	<u>484</u>
<i>Ioannes Columbinus, <u>31. Iul.</u></i>	<u>375</u>
<i>Ioannes Damascenus, <u>6. Maii.</u></i>	<u>233</u>
<i>Ioannes Eleemosynarius Episcopus, <u>23. Ian.</u></i>	53
<i>Ioannes Gualbertus Abbas, <u>12. Iul.</u></i>	<u>344</u>
<i>Ioannes Silentarius, <u>13. Maii.</u></i>	<u>243</u>

Ioa?

I N D E X.

<i>Ioennicius Abbas, <u>4. Nov.</u></i>	540
<i>Iodocus confessor, <u>13. Dec.</u></i>	607
<i>Iordanus confessor, <u>13. Febr.</u></i>	94
<i>Iosaphat & Barlaam confessores, <u>27. Nov.</u></i>	580
<i>Ioscio confessor, <u>30. Nov.</u></i>	584
<i>Iosephus sponsus B.M.V. <u>19. Mart.</u></i>	148
<i>Iosephus poëta, <u>3. Apr.</u></i>	175
<i>Iosephus-Hermannus, <u>4. Apr.</u></i>	176
<i>Irenæus & Abundius martyres, <u>26. Aug.</u></i>	419
<i>Irene virgo & martyr, <u>5. Apr.</u></i>	179
<i>Isacius eremita, <u>30. Maii.</u></i>	272
<i>Isidorus confessor, <u>12. Mart.</u></i>	135
<i>Ivan eremita, <u>24. Iun.</u></i>	318
<i>Iuliana virgo & martyr, <u>16. Febr.</u></i>	100
<i>Iuliana virgo, <u>19. Iun.</u></i>	308
<i>Italianus martyr, & Basilissa virgo, <u>9. Ian.</u></i>	32
<i>Iulianus confessor, <u>12. Febr.</u></i>	92
<i>Iulitta & Quiricus, <u>16. Iun.</u></i>	300
<i>Ivo Presbyter, <u>19. Maii.</u></i>	254
<i>Iustina virgo & martyr, <u>13. Iul.</u></i>	345
<i>Iustina virgo & martyr, <u>26. Sept.</u></i>	467
<i>Iustinus martyr, <u>13. Apr.</u></i>	190
<i>Iustus martyr, <u>18. Octob.</u></i>	508
<i>Iustus & Pastor martyres, <u>6. Aug.</u></i>	384
<i>Iutta vidua, <u>5. Maii.</u></i>	232
<i>Iuvenis Ægypt. Anonymus, <u>11. Dec.</u></i>	604

K

K <i>Ilianus cum sociis martyres, <u>8. Iul.</u></i>	339
<i>Kunegundis Augusta, <u>3. Mart.</u></i>	121

L

L <i>Adislaus rex, <u>27. Iun.</u></i>	321
<i>Lambertus Episcopus, martyr, <u>17. Sept.</u></i>	452
<i>Landelinus Abbas, <u>15. Iun.</u></i>	297
<i>Land-</i>	

I N D E X.

<i>Landfrancus Episcopus</i> , 3. <i>Iul.</i>	331
<i>Landrada virgo</i> , 8. <i>Iul.</i>	340
<i>Laodicius & Glyceria martyres</i> , 10. <i>Maii.</i>	237
<i>Launomarus Abbas</i> , 19. <i>Ian.</i>	44
<i>Laurentius Episcopus</i> , 14. <i>Nov.</i>	554
<i>Laurentius Iustinianus Patriarcha</i> , 8. <i>Ian.</i>	31
<i>Laurentius martyr</i> , 10. <i>Aug.</i>	388
<i>Lazarus monachus</i> , 23. <i>Febr.</i>	110
<i>Lazarus Episcopus</i> , 17. <i>Dec.</i>	613
<i>Leobardus reclusus</i> , 18. <i>Ian.</i>	43
<i>Leodegarius Episcopus</i> , 2. <i>Octob.</i>	483
<i>Leontius martyr</i> , 18. <i>Iun.</i>	304
<i>Lioba Abbatissa</i> , 28. <i>Sept.</i>	475
<i>Longinus Centurio martyr</i> , 15. <i>Mart.</i>	140
<i>Lucas Euangelista</i> , 18. <i>Octob.</i>	507
<i>Lucia virgo, martyr</i> , 13. <i>Dec.</i>	606
<i>Lucianus martyr</i> , 7. <i>Ian.</i>	29
<i>Lucius rex</i> , 3. <i>Dec.</i>	589
<i>Ludgardis virgo</i> , 16. <i>Iun.</i>	301
<i>Ludgerus Episcopus</i> , 26. <i>Mart.</i>	161
<i>Ludovicus Episcopus</i> , 19. <i>Aug.</i>	403
<i>Ludovicus rex confessor</i> , 25. <i>Aug.</i>	418
<i>Lupicinus & Romanus confessores</i> , 28. <i>Febr.</i>	116
<i>Lupus Episcopus</i> , 29. <i>Iul.</i>	371
<i>Lydwina virgo</i> , 14. <i>Apr.</i>	193

M

M <i>Acarius Alexandrinus Abbas</i> , 2. <i>Ian.</i>	19
<i>Macarius Patriarcha</i> , 10. <i>Apr.</i>	186
<i>Macarius Romanus eremita</i> , 23. <i>Octob.</i>	518
<i>Malachias Episcopus</i> , 5. <i>Nov.</i>	544
<i>Malchus confessor</i> , 21. <i>Octob.</i>	513
<i>Mammas martyr</i> , 17. <i>Aug.</i>	399

Marcella

I N D E X.

Marcella vidua, 31. Ian.	<u>64</u>
Marcellinus & Petrus, 2. Iun.	<u>276</u>
Marcellus Abbas, 29. Dec.	<u>630</u>
Marcus eremita, <u>24. Octob.</u>	<u>520</u>
Marcus Euangelista, 25. Apr.	<u>209</u>
Margarita Pœnitens, 22. Febr.	<u>109</u>
Margarita regina, 10. Iun.	<u>287</u>
Margarita virgo, martyr, 20. Iul.	<u>454</u>
Margarita vidua, <u>28. Aug.</u>	<u>422</u>
Maria Ægyptiaca, <u>9. Apr.</u>	<u>185</u>
Maria Magdalena, 22. Iul.	<u>358</u>
Maria de Oegnies, 23. Iun.	<u>316</u>
Maria de Victoria, <u>7. Octob.</u>	<u>490</u>
Marianus & Iacobus martyres, <u>30. Apr.</u>	<u>219</u>
Marina virgo, <u>8. Febr.</u>	<u>84</u>
Marinus martyr, <u>26. Dec.</u>	<u>623</u>
Martianus Presbyter, confessor, <u>10. Ian.</u>	<u>33</u>
Martinianus confessor, 13. Febr.	<u>93</u>
Martinus Episcopus, 11. Nov.	<u>550</u>
Martyres Antiochena, 11. Mart.	<u>133</u>
Martyres Iaponiæ, 5. Febr.	<u>75</u>
Martyres Nagrani, <u>24. Octob.</u>	<u>519</u>
Martyres Sebasteni, <u>9. Mart.</u>	<u>130</u>
Matthæus Apostolus, 21. Sept.	<u>459</u>
Matthias Apostolus, 24. Febr.	<u>112</u>
Maurilius Episcopus, <u>13. Sept.</u>	<u>448</u>
Mauritius & socii martyres, 21. Febr.	<u>107</u>
Mauritius cum sociis martyres, <u>22. Sept.</u>	<u>460</u>
Maxellendis virgo & martyr, 13. Nov.	<u>552</u>
Maximilianus Episcopus & martyr, 12. Octob.	<u>500</u>
Mechtildis virgo, <u>29. Mart.</u>	<u>166</u>
<u>Medardus Episcopus, 8. Iun.</u>	<u>284</u>
Megengaudius confessor, 19. Dec.	<u>615</u>
Meinulphus confessor, <u>5. Octob.</u>	<u>487</u>

Ee

Mennas

I N D E X.

<i>Mennas martyr</i> , 10. Dec.	<u>601</u>
<i>Menodora, Metrodora, Nymphodora virgines & martyres</i> , <u>10. Sept.</u>	443
<i>Menradus martyr</i> , 21. Jan.	<u>49</u>
<i>Mercurius martyr</i> , 25. Nov.	574
<i>Michael Archangelus</i> , <u>29. Sept.</u>	476
<i>Michelina vidua</i> , 19 Jun.	<u>309</u>
<i>Milus Episcopus, martyr</i> , <u>4. Nov.</u>	<u>538</u>
<i>Modestus Patriarcha</i> , 18. Dec.	614
<i>Monica vidua</i> , <u>4. Maii.</u>	<u>228</u>
<i>Musa virgo</i> , 2. Apr.	<u>173</u>
<i>Mutius confessor</i> , 25. Maii.	<u>265</u>
<i>Myro Episcopus</i> , <u>8. Aug.</u>	386

N

N <i>Agrani Martyres</i> , <u>24. Octob.</u>	<u>519</u>
<i>Narcissus Episcopus</i> , 29. Octob.	<u>528</u>
<i>Nativitas Christi</i> , 25. Dec.	621
<i>Nativitas B. Mariae Virginis</i> , <u>8. Sept.</u>	<u>436</u>
<i>Nazarius & Celsus martyres</i> , <u>28. Iul.</u>	<u>369</u>
<i>Neophytus martyr</i> , 20. Jan.	<u>47</u>
<i>Nicasius & Eutropia martyres</i> , 14. Dec.	<u>608</u>
<i>Nicephorus martyr</i> , <u>16. Febr.</u>	<u>99</u>
<i>Nicetius Episcopus</i> , 1. Octob.	<u>480</u>
<i>Nicolaus confessor</i> , <u>23. Febr.</u>	III
<i>Nicolaus Episcopus</i> , <u>6. Dec.</u>	<u>595</u>
<i>Nicolaus confessor</i> , 24. Dec.	<u>620</u>
<i>Nicolaus Staurophorus</i> , 2. Jun.	<u>277</u>
<i>Nicolaus Tolentinus confessor</i> , 10. Sept.	<u>442</u>
<i>Nilus Abbas</i> , <u>26. Sept.</u>	468
<i>Norbertus Episcopus</i> , <u>6. Jun.</u>	281
<i>Novatus & Timotheus confessores</i> , 20. Jun.	<u>310</u>

Odile

O

O Dilo Abbas Cluniacensis, 1. Ian.	18
Odo Abbas, 18. Nov.	562
Olaus rex, martyr, <u>29. Iul.</u>	370
Oliva virgo & martyr, 10. Iun.	290
Omnium Sanctorum Festum, 1. Nov.	533
Onuphrius eremita, 12. Iun.	292
Osanna virgo, <u>18. Iun.</u>	305
Ositha virgo & martyr, 7. Octob.	492
Oswaldus rex, 5. Aug.	382
Otho confessor, 23. Mart.	157
Otho Episcopus, 2. Iul.	330

P

P Achomius Abbas, 14. Maii.	244
Pancharius martyr, 19. Mart.	149
Pancratius martyr, 12. Maii.	<u>239</u>
Pantaleon martyr, <u>27. Iul.</u>	367
Paphnutius martyr, <u>28. Apr.</u>	213
Parthenius Episcopus, <u>7. Febr.</u>	83
Patricius Episcopus, <u>17. Mart.</u>	144
Patroclus Abbas, <u>19. Nov.</u>	<u>563</u>
Paulinus Episcopus, 22. Iun.	315
Paulus I. eremita, <u>15. Ian.</u>	38
Paulus confessor, <u>7. Dec.</u>	<u>596</u>
Paulus & Iuliana martyres, <u>17. Aug.</u>	<u>400</u>
Pelagia virgo & martyr, <u>4. Maii.</u>	<u>227</u>
Pelagia pœnitens, <u>8. Octob.</u>	<u>493</u>
Peregrinus Episcopus & martyr, <u>13. Iun.</u>	<u>293</u>
Pergentinus & Laurentinus martyres, <u>3. Iun.</u>	<u>278</u>
Petrus Abbas, 14. Mart.	<u>139</u>

I N D E X.

<i>Petrus & Paulus Apostoli, 29. Iun.</i>	323
<i>Petrus Celestinus Pontifex, 19. Maii.</i>	256
<i>Petrus Damiani Card. Episcopus, 22. Febr.</i>	108
<i>Petrus Episcopus, 3. Aug.</i>	379
<i>Petrus & Marcellinus martyres, 2. Ian.</i>	276
<i>Petrus Martyr, 29. Apr.</i>	214
<i>Petrus, Paulus, Andreas & Dionysia, 15. Maii.</i>	248
<i>Philaretus confessor, 1. Dec.</i>	587
<i>Philemon martyr, 8. Mart.</i>	128
<i>Philetarus confessor, 30. Dec.</i>	632
<i>Philippus & Iacobus Apost. 1. Maii.</i>	221
<i>Philippus confessor, 23. Aug.</i>	412
<i>Phocas martyr, 22. Sept.</i>	461
<i>Polycarpus Episcopus & martyr, 26. Ian.</i>	59
<i>Pontius martyr, 14. Maii.</i>	246
<i>Poppo Abbas, 25. Ian.</i>	57
<i>Porphyrius Episcopus, 26. Febr.</i>	114
<i>Potamiana virgo & martyr, 28. Ian.</i>	322
<i>Presentatio B.M.V. 21. Nov.</i>	568
<i>Primus & Felicianus martyres, 9. Ian.</i>	285
<i>Procopius martyr, 8. Iul.</i>	338
<i>Projectus Episcopus, 23. Sept.</i>	463
<i>Puer Constantinop. 25. Sept.</i>	466
<i>Purificatio B. Mariae Virg. 2. Febr.</i>	69

Q

Q <i>Vadraginta Martyres, 9. Mart.</i>	130
<i>Quiricus & Iulitta martyres, 16. Ian.</i>	300

R

R <i>Adbodus Episcopus, 29. Nov.</i>	582
<i>Radegundis regina, 13. Aug.</i>	394
<i>Rainerius confessor, 17. Iun.</i>	302

Raymun-

I N D E X.

Raymundus confessor, <u>7.Ian.</u>	<u>30</u>
Regulus Episcopus, 30.Mart.	<u>167</u>
Rembertus Episcopus, <u>4.Febr.</u>	71
Restituta virgo & martyr, <u>27.Maii.</u>	<u>267</u>
Richardus Episcopus, <u>3.Apr.</u>	174
Rigobertus Episcopus, confessor, <u>4.Ian.</u>	22
Robertus Abbas, 29.Apr.	<u>218</u>
Robertus Abbas, <u>7.Iun.</u>	<u>282</u>
Rochus confessor, <u>16.Aug.</u>	<u>398</u>
Romanus & Barula martyres, <u>18.Nov.</u>	<u>561</u>
Romanus & Lupicinus confessores, 28.Febr.	<u>116</u>
Romualdus Abbas, <u>19.Iun.</u>	<u>307</u>
Rosa virgo, <u>4.Sept.</u>	432
Rumoldus Episcopus, martyr, 1.Iul.	326
Rupertus Episcopus, 27.Mart.	<u>162</u>

S

S Abas Abbas, 5.Dec.	594
Sabinus Episcopus, <u>17.Febr.</u>	<u>101</u>
Salvius Episcopus, <u>10.Sept.</u>	441
Samonas, Gurias & Abibus martyres, 15.Nov.	<u>556</u>
Satyrus <u>confessor</u> , <u>17.Sept.</u>	453
Satyrus & Armogastus martyres, 29.Mart.	164
Sebaldus confessor, <u>19.Aug.</u>	404
Sebasteni XL martyres, <u>9.Mart.</u>	<u>130</u>
Sebastianus martyr, 20.Ian.	<u>46</u>
Septem Dormientes, <u>27.Iul.</u>	<u>368</u>
Severinus Boëtius martyr, 23.Octob.	517
Severus Presbyter, 15.Febr.	<u>98</u>
Sibyllina virgo, 19.Mart.	<u>350</u>
Sigefridus Episcopus, 15.Febr.	<u>97</u>
Sigimundus rex, 1.Maii.	222
Simeon mon.confessor, 26.Iul.	<u>365</u>

E e 3

Simeon

I N D E X.

Simeon Salus, 1. Iul.	<u>328</u>
Simeon Stylita confessor, 5. Ian.	<u>23</u>
Simeon Stylites Iun. <u>24. Maii.</u>	<u>263</u>
Simeon confessor, 1. Iun.	275
Simon Tridentin. martyr, <u>24. Mart.</u>	159
Simon & Iudas Apost. <u>28. Octob.</u>	<u>527</u>
Sita virgo, <u>27. Apr.</u>	211
Spiridion Episcopus, 12. Dec.	605
Stanislaus Episcopus, martyr, 11. Apr.	187
Stanislaus Koska Soc. JESV, <u>14. Aug.</u>	<u>395</u>
Stephanus rex confessor, 20. Aug.	406
Stephanus Episcopus, <u>7. Sept.</u>	435
Stephanus martyr, <u>28. Nov.</u>	581
Stephanus martyr, <u>26. Dec.</u>	<u>622</u>
Suibertus Episcopus, 1. Mart.	118
Sulpitius & Servilianus martyres, 20. Apr.	202
Susanna virgo & martyr, 11. Aug.	<u>391</u>
Sylvester confessor, 4. Iun.	<u>286</u>
Sylvester confessor, <u>26. Nov.</u>	<u>577</u>
Sylvester Papa, 31. Dec.	<u>633</u>
Symphorianus martyr, 22. Aug.	<u>408</u>
Symphorosa & FF. martyres, 18. Iul.	352
Syrus Episcopus, 9. Dec.	600

T

T Arasius Episcopus, 25. Febr.	113
Thecla virgo & martyr, <u>23. Sept.</u>	<u>464</u>
Theoctista virgo, 10. Nov.	<u>549</u>
Theodora & Didymus, <u>18. Apr.</u>	212
Theodora Pœnitens, <u>11. Sept.</u>	<u>446</u>
Theodorus martyr, <u>7. Febr.</u>	<u>82</u>
Theodorus martyr, 19. Apr.	200
Theodorus Archimand. 22. Apr.	205
Theodo-	

I N D E X.

<i>Theodosius Abbas</i> , <u>11. Ian.</u>	34
<i>Theodote cum filiis martyres</i> , <u>2. Aug.</u>	378
<i>Theodulus & Agathopus martyres</i> , <u>4. Apr.</u>	177
<i>Theodulus eremita</i> , <u>3. Dec.</u>	590
<i>Theophanes confessor</i> , <u>12. Mart.</u>	136
<i>Theophilus pœnitens</i> , <u>4. Febr.</u>	72
<i>Theophilus confessor</i> , <u>10. Octob.</u>	495
<i>Theresa virgo</i> , <u>5. Octob.</u>	486
<i>Thiemo Episcopus, martyr</i> , <u>28. Sept.</u>	472
<i>Thomais martyr</i> , <u>14. Apr.</u>	192
<i>Thomas Apostolus</i> , <u>21. Dec.</u>	617
<i>Thomas de Aquino</i> , <u>7. Mart.</u>	126
<i>Thomas Cant. Episcopus, martyr</i> , <u>29. Dec.</u>	628
<i>Torpes martyr</i> , <u>17. Maii.</u>	251
<i>Torrellus eremita</i> , <u>16. Mart.</u>	142
<i>Trudo confessor</i> , <u>23. Nov.</u>	572
<i>Tuscana vidua</i> , <u>14. Iul.</u>	348
<i>Tycho Episcopus</i> , <u>16. Iun.</u>	299

V

V <i>Arus martyr</i> , <u>19. Octob.</u>	509
<i>Vbaldus Episcopus</i> , <u>16. Maii.</u>	250
<i>Vdalricus Episcopus</i> , <u>4. Iul.</u>	332
<i>Vincentius Ferrerius confessor</i> , <u>5. Apr.</u>	178
<i>Victor & Corona martyres</i> , <u>14. Maii.</u>	247
<i>Victoria virgo & martyr</i> , <u>11. Febr.</u>	90
<i>Victoria virgo & martyr</i> , <u>23. Dec.</u>	619
<i>Victorinus confessor</i> , <u>8. Iun.</u>	283
<i>Vigilius Episcopus & martyr</i> , <u>26. Iun.</u>	320
<i>Visitatio B. Mariae Virg.</i> <u>2. Iul.</u>	329
<i>Vitalianus Episcopus</i> , <u>16. Iul.</u>	347
<i>Vitus martyr</i> , <u>15. Iun.</u>	296
<i>Vrsmarus Episcopus</i> , <u>18. Apr.</u>	199
<i>Vrsula cum sodal. martyres</i> , <u>21. Octob.</u>	515

¶ *Vale-*

I N D E X.

W

W Alericus Abbas, 1. Apr.	<u>170</u>
V Vandregisilus Abbas, confessor, 22. Iul.	<u>357</u>
V Venceslaus martyr, 28. Sept.	<u>473</u>
V Venefrida virgo & martyr, <u>3. Nov.</u>	<u>537</u>
V Vernherus martyr, <u>19. Apr.</u>	201
V Victerpus Episcopus, 8. Apr.	183
V Vilhelmus Abbas, <u>6. Apr.</u>	<u>180</u>
V Vilhelmus Abbas, 5. Iul.	<u>333</u>
V Vilhelmus eremita, 10. Febr.	87
V Willibaldus Episcopus, <u>7. Iul.</u>	<u>337</u>
V Winwalocus Abbas, <u>3. Mart.</u>	<u>120</u>
V Wolfgangus Episcopus, <u>31. Octob.</u>	<u>531</u>
V Vulfrannus Episcopus, 20. Mart.	153

Z

Z Enobius Episcopus, 25. Maii.	<u>264</u>
Zenobius & Zenobia martyres, <u>30. Octob.</u>	<u>530</u>

F I N I S.

